





BIBLIOTEKA

Zakł. Nar. im. Ossolińskich



7421

20/342

Dupli. do Lanens

PRACTICARVM
OBSERVATIONVM
EX IVRE CIVILI ET
Saxonico collectarum,



AD STYLV M VSVMQVE IVDI-
ciorum CVRIÆ REGALIS acco-
modatarum,

CENTVRIA PRIMA
denuò edita.

AUTHORE

ANDREA LIPSKI à LIPE I.V.D.
nunc EPISCOPO LVCEORIENSI, Regni Polonie
PROCANCELLARIO.

Cum Gratia & Priuilegio S. R. M.

XVII-7421-III / 1

CRACOVIAE,
In Officina Typographica Francisci Casarij,
Anno Domini, 1620.

IN AQVILAM REGNI POLONIAE.



Armiger ecce Iouis fulgens cudentibus alis,
Indomitum robur martia & arma notat.
Milicia atque omni præstat virtute Polonus,
Pro Patriâ latus fortia quæq; pati.
Sæpè Scythas strauit, Moschos quoq; sæpè repressit;
Hostibus exq; aliis clara trophæa tulit.
Ergo alas expande Aquila, & tua regna tuere,
ARMIS, IUSTITIA, RELIGIONE, FIDE.

SERENISSIMO & POTENTISSIMO
PRINCIPI ac DOMINO,

D. SIGISMUNDO III.

DEI GRATIA POLONIÆ & SVE-

CIÆ REGI, MAGNO DUCI LITVANIÆ,

Russiæ, Prussiæ, Mazouiæ, Samogi-

tix, Liunioniæq; &c. Domino clementiss.



MAI Estatem Imperatoriam Sereniss. REX,
non solum armis decoratam, sed etiam le-
gibus debere esse armatam, magnus ille
Imperator Iustinianus præclare censuit, ut
utrumq; tempus & bellorum & pacis, re-
ctè possit gubernari, & Princeps ipse, non solum in hostili-
bus preliis victor existat, sed etiam per legitimos tramites
calumniantium iniquitates expellat, fiatq; tam iuris reli-
giosissimus, quàm victis hostibus triumphator magnificus.
Dux enim sunt precipue Principum atque Regum virtutes,
Iustitia atq; Fortitudo: duplices artes, legum & armorum,
ut & hostium impetus virtute reprimere, & statum Reip.
tranquillum iuris æquabilitate tueri possint. Atq; extollant
alii virtutem bellicam, eamq; unicum Reipub. firmamen-
tum & propugnaculum appellent: addant & illud, nullam
rem aliam, maiorem summis regibus gloriam unquam
comparasse, tamen & illud fateantur necesse est, arma si-
ne iustitia vix aliquid præclarum posse, imo pestem & per-
niciem potius, quàm salutem atq; dignitatem Rebuspu. af-

EPISTOLA

ferre, nisi domi quoq; ea provideantur ac curentur sedulò, que magna ex parte Remp. florentem & pacatam, omnibusq; animi ac fortunarum bonis affluentem, firmam deniq; & diuturnam efficiant. Hoc autem tum demum rectè fiet, cum Principibus caræ fuerint principes illæ virtutes, Pietas, Iustitia, ac legum obseruantia, quæ Rerumpub. anchora est firmissima. Nec immerito: Lex siquidem diuinæ benignitatis inuentum atq; munus est, cuius præsidio improbi metu penarum in officio & debita obedientia retinentur, boni verò in pace viuunt, & ab iniuriis improborum tuti sunt. Ac cum ii, quos supra cæterorum hominum conditionem euectos rerum humanarum administrationi diuinæ providentia admouit, Deum imitari, & quasi viuum ipsius simulacrum in terris esse censeantur, atq; salus subiectorum secundum DEVM, ex illorum consilio & incolumitate dependeat, iure merito maximè illis curæ esse debet, ut non solum armorum copia, aut exercituum robore, verum etiam iustitia, pietate, & prudentia, alijsq; virtutibus, subiectos populos regant atque gubernent. Quibus quidem virtutibus Maiest. Vest. instructam esse, hisq; artibus tot provincias atq; regiones feliciter tueri atque moderari, res ipsa testatur. Optimi enim & pientissimi regis nomen, tam apud suos, quàm apud exteros, eximia & plusquam credibili pietate, atq; innata clementia M. V. sibi comparauit: nec solum

DEDICATORIA.

lùm, quod placidè ac benignè suis imperet, omniaq; consilio
 rationis potius, quàm affectu administret, sed & eo magis,
 quòd iustitiam, eiusq; leges sacratissimas magno in honore
 & pretio habeat, ex earum prescripto & ipsa viuat, & ali-
 os exemplo suo ad earum cultum atque studium excitet, &
 ne à quopiam ille labefactentur, omni studio atq; vigilan-
 tia provideat. Quis verò Sacre M. V. in iudicandis & de-
 cidendis causis constantiam summa cum prudentia coniun-
 ctam non admiretur? Quis incredibilem iustitiæ & æquita-
 tis zelum, laudibus in celum usq; non extollat? Sanè nihil
 in sanctissimo Tribunali M. V. honori & dignitati liti-
 gantium dari, nihil improbitati aut audaciæ cedi, quinimo
 afflictos excitari, innocentiam defendi, miseris subueniri, &
 omnium sine discrimine querelas atq; controuersias audiri
 atq; expediri, nemo inficias ibit. Ceteras deniq; M. V. he-
 roicas, verèq; regias virtutes, quis pro dignitate pari oratio-
 ne commemorare potest? Felices verè nos, Remq; publicam
 nostram dicere possumus, qui post tot & tantos, & ad om-
 nem posteritatis memoriam insignes triumphos, auspicio
 S. M. V. ex hostibus partos, pietatis, iustitiæ, atq; aliorum
 Reipub. commodorum, insignia percipimus incrementa.
 Harum itaq; Sereniss. Rex, virtutum maximarum atque
 heroicarum laude & veneratione inflammatus, splendoreq;
 regie dignitatis & amplitudinis inductus, beneficiorum in-

EPISTOLA

super in me collatorum merito impulsus, multum diuq; mecum cogitabam, quonam modo & ratione, obseruantie & fidelis mee subiectionis, gratiq; animi specimen R. M. V. testari ac declarare possem. Ac tandem offert sese PRACTICARVM OBSERVATIONVM CENTVRIA, quas ego vel maxime ad usum eorum, qui in foro versantur, & qui vel præsumunt, vel agunt causas in iudicio, ex iure tam Ciuili, quam Saxonico utroq; Prouinciali scilicet & Municipali, magno cum labore & studio collectas, ad Praxim Curie Maiestatis V. R. (quam rationem iuris dicendi Serenissimi superiores Poloniæ Reges, prædecessores M. V. non modò urbibus & oppidis Regni, verumetiam plerisque pagis magna cum laude, summaque prudentia concessere) pro virili traduxi & accomodavi. In quibus præiudicia quoq; M. V. R. & DD. Assessorum Curie eiusdem, in variis causis diuersis temporibus prolata, legumq; Ciuiliū & Saxonicarum authoritatibus suffulta comprehenduntur. His igitur de causis non indecorum neq; inofficiosum, (ut cum Iurisconsulto loquar) multominus temerarium esse putavi, hasce meas lucubratiunculas inter aulica M. V. R. negotia, horis plane subseciuis elaboratas, S. M. V. R. ea qua par est obseruantia & humilitate offerre, nominiq; ipsius sacratissimo deuouere. Nec dubito M. V. R. pro ea, qua in omnes est singulari benignitate atq; gratia, hanc etiam meam er-

DEDICATORIA.

ga M. V. summam obseruantiam & cultum, fidelisque & subiectissimi seruitoris quaecunque specimen grato animo accepturam, illudq; quando per seria licebit, benigno & sereno vultu aspecturam. Eo etenim R. M. V. benignissimo facto, non solum inuidorum, qui aliorum laboribus, cum ipsi instar ignaui fuci in ocio delitescant, sugillare, eosque theonino dente arrodere consueuerunt, temeritas reprimitur: verumetiam amplioris gratiae apud M. V. R. consequende, quam ego omnibus diuitiis, fortunisque antepono, spes affulgebit mihi maxima. Omnipotentem DEVM tota prece oro, vt Sac. Reg. M. V. una cum charissima sobole, quæ in spem regnorum egregie in omni genere virtutum crescit, quam diutissimè incolumem seruet, omnes eius conatus atq; actiones fortunet, ac omni genere donorum sanctissimi sui spiritus augeat atq; illustret, quo M. V. ipsiusq; posteris nobis feliciter regnantibus, iustitiae, pietatis, clementiae, & aliarum, quæ in M. V. conspiciuntur, virtutum, incun-
dissimos percipiamus fructus atq; emolumenta. Eidem M. V. Reg. seruitiorum meorum, quæ vix tanto Regi vsui esse poterunt, humillima studia atq; obsequia defero. Datum Cracouiae Decimo quinto Calendas Decembris. Anno Sa-
lutis. M. DC. II.

Sac. Maieft. V. Reg. subiectissimus
atq; humillimus seruator

Andreas Lipski à Lipe, S. P. & S. R.

BENEVOLIS LECTORIBVS.



Cum in aula S. Reg. Maiestatis septimum iam ferè annum
agerem, & Illustriss. ac Reuerendiss. in Christo Patris, D. PETRI
TYLICKI Dei gratia Episcopi Varmiensis, Regniq; Vicecancellarij,
Patroni mei obseruandissimi voluntate, non solum iis negotiis,
quæ in expediendis epistolis, & alijs regijs scriptionibus cumulatè oc-
currunt, vacarem: sed etiam fauore & beneuolentiæ eius in numerum Assessorum
Curie adscitus essem: quib; usus, quæue utilitas in Regno legum sit Ciuiliū, facile a-
nimaduerti. Licet enim quidam, rerum præsertim patriarum nimis religiosi obser-
uatores, iura Ciuilia tanquam exotica & peregrina, à moribus & consuetudinibus
nostris prorsus aliena esse existiment: ut potè nostris hominibus regum suorum con-
stitutionibus, proprijsq; statutis & consuetudinibus pro iure videntibus: attamen
quia ius illud Ciuile Romanorum, ex præceptis iuris naturalis & gentium, (quorum
apud nos etiam non minor quàm alibi usus esse debet) Iuris Consultus Vlpianus con-
statum esse testetur: merito etiam nostris, non modò iuris & iustitiæ limina adcun-
tibus sed causarum etiam patronis, ac iudicandi munere fungentibus, omnib; vi-
ris verè politicis, commendatum esse debet. Quid enim si sacrarum literarum mo-
numenta excipias, hac disciplina, cuius finis est æquitas, & iustitiæ in hac societate
hominum conseruatio, utilius aut honestius esse potest? Hac certè concordia inter
ciues & vitæ communio tranquillè retinetur: huius præsidio boni præmijs, mali con-
tra & societatis humane violatores, grauissimis penis afficiuntur: huius deniq; soli-
us ductu Respubl. feliciter administrari, & regna rectè gubernari posse, plus quàm
manifestum est. Ac proinde mihi quoq; de hac diuinarum humanarumq; rerum
notitia, pro virili mereri cupienti, & quonam modo ac ratione nostrates ad ea studia
iurisprudentiæ impensius amplectenda, excitandi & alliciendi essent, diu mul-
tumq; satagenti, neq; tamen in me virtutum aut ingenij quidquam inesse, vel in hac
mea conditione, tantum mihi otij, quò præclarum aliquid, vel omnib; numeris &
partibus absolutum, in eo studio à me suscipi posset, suppetere animaduertierem: tan-
dem venit illud in mentem, pulchrum esse in mediocribus saltem consistere. in rebus
quoq; publicè utilibus laudari nonnūquam voluntatem. His itaq; rebus animatus,
& quod præclarum nihile esse, quod idem difficile non sit, existimare meum laborem,
difficultatibus omnibus, eā, quæ in animis hominum existit communis utilitatis au-
gende cupiditate, victis atq; superatis, suscepi, manumq; operi continuò admoui,
atq; diuina fauente clementia hanc CENTVRIAM PRACTICARVM
OBSERVATIONVM CVRIÆ REGNI, inter medias occupationes &
publica negotia, succissimis ac plane furtiuis horis, summo tamen studio & labore con-
feci. Quo in opere id à me actum inprimis est, ut ex huiusmodi obseruationibus ac
decisionibus non modò cupida legum iuuentus, sed Aduocati etiam & Patroni cau-
sarum, ac quorumuis subfelliiorum iudices, tanquam ex communi quodam penu,
uberriimos

AD LECTOREM.

vberrimos fructus percipiant, & quo modo, quauē ratione iura Ciuilia & Saxonica
 ad forensem praelicam huius regni applicanda essent, melius intelligant. Neq; enim
 alia, meo quidem iudicio, commodior via & ratio ad intelligendos recte iurispru-
 dentia fontes inueniri potest, quā explicare ea, quae usu & consuetudinibus obser-
 uata, moribusq; ac stylo iudiciorum, praesertim summorum Tribunalium recepta sunt.
 Quamobrem cum rei ipsius commodo & utilitate ductus, tum aliorum, qui in eo stu-
 dio apud suos magna cum laude desudarunt, exemplum sequutus, summi Tribuna-
 lis Curiae Regni sententias atq; praedictata, quae longā observatione priuatoq; studio
 in unum collegeram, auctoritatibus, ex ipsis fontibus iuris Ciuilibus & Saxon. (quo
 potissimum iure Serenissimi superiores Poloniae Reges, Casimirus magnus, Alexan-
 der, Sigismundus primus, & alij, urbes & oppida sua imò & pagos plerosq; vti perpe-
 tuò voluerunt) desumptis ea breuitate & facilitate collustravi, ut à quouis etiam me-
 diocriter in iure versato intelligi percipiue possint: quaestiones deniq; ipsas seu obser-
 uationes ita composui atq; in ordinem redegi, ut simul & methodica ratio, quae in
 ipsis fontibus conspicitur, constaret, & vna materia ex alia dependere quodam
 modo videretur. Porro superfluas legum & auctoritatum allegationes, quibus vul-
 gò quidam ambitiosa magis, quā necessaria prolixitate scripta sua infarcire solent,
 data opera omisi: id quē ob eam causam, ne videlicet legentium animos, ignota qua-
 dam & proluxa authorum nominatione, confundere, vel pro rebus, notis saltem ali-
 quas iisdem obtrudere videar. Planē omisiss huiusmodi tediosis authorum re-
 censionibus, quibus alij plenas chartas complere solent, satius esse duxi, planam &
 perspicuam viam sequi, id est, genuina verba legum, prout in libris continentur,
 huic opere adiungere: Quod cum ob ipsam commoditatem, ne videlicet semper ad
 libros recurrere necessum sit; tum ob facilitatem, quae inde promanere videtur, le-
 gentibus non ingratum fore existimo. Nec dubito, beneuolos lectores hanc meam
 qualemcunq; opellam equi boniq; consulturos, illamq; ab inuidorum & obiretato-
 rum virulentis moribus si opus sit, fauenti animo defensuros esse. Quod si fieri in-
 tellexero, non tantum ipse laboris in eo opere suscepti me fructum consequutum
 esse existimabo, verum dabo operam, ut & illi in posterum quoq; ex studiis
 & lucubrationibus hisce meis, similes vel vberiores etiam fructus
 percipiant, & alteram Centuriam (si Deus vire vsuram
 aliquandiu concesserit) in publicum prodeuntem,
 breui videant. Valete, mihi quē &
 studiis fauete.



ANDREAS SCHONEVS, THEOLOGIE & I.V.D.
*ad Dominum ANDREAM LIPSKI Secretarium
Regium, Virum Consultissimum.*

PROdiste libro hoc quantus sis, quid valeas que,
Prodis thesauros diuitis ingenij
Ante satis fuerat tua virtus nota Polonis,
Nunc te orbe in toto fama perennis aget,
Ancipites legum nodos mira arte resoluis,
Fontibus ex ipsis iura q; sacra doces :
Maiora haud patriæ potuisti commoda ferre,
Præfers Iudicibus, Causidicisq; facem.
Non iam ex arbitrio priuato, iure sed æquo
Decernet puteal, cui q; suumq; dabit.
O Fas, ô Themis, ô Respublica, Rex, Procereq;
Quæ dabitis merito præmia digna viro ?

AD EVNDEM.

ORdine dum centena facis syntagmata legum,
Antiquis legum par es in arte viris :
Non iam patronus metuet, nec turba clientum,
Cum te doctore & iudice iusta ferent.
Multum TILICIO debebit Lechia, quod te
Admouit causis, iudiciisq; suis :
Tu verò leges pergas proferre in aprium,
Sic tollet clarum iustitia alma caput.

Hieronimus Gorecki I.V.D.

AD ILLUSTRIS. ET REVERENDISS. D.

D. ANDREAM LIPSKI à LIPE, D.I.V.

NUNC EPISCOPVM LVCEORIENSEM,

PROCANCELLARIVM REGNI, &c.

PRodideras libris quantus sis quid ué valeres,
Vt sibi ingenii, sed mage gaza patet.
Ante fati Patriâ virtus tua niduit Arcto
Oribus ac oris plus modo FAMA canit.
Ancipites legum soluebas antea nodos,
Legibus at certis iam modo Regna ligas.
Commoda cum LIPSKI Patriæ Nomarcha tulisses,
Quo calles, caluit Moschvs & ingenio.
Ingenium & Genium cum prælis prælia norunt,
Cum facis & faris ius tremit ipsa THEMIS.
REX proin' atq; THEMIS fas, RES & publica FAMA
LIPSKI aucto meritis aucta brauia dabunt.

AD EVNDEM.

ORdine quæ centena facis Syntagmata Legum,
Vnio non vnus quum probat illa probè!
Quando Sphragis REGNO, quando datus axe TYARAS,
TERTIVS & TRINVS REX id vtroq; probat.
Nemo tibi at tantum, quantum das omnibus vnus,
Litibus vt sancis iudiciisq; modum.
Næ mihi ab hinc PRÆSVL coleris delapsus ab Astris,
Cum facis Astræam figere in orbe pedes.

Stanislaus Seraphinus Jagodynski, I.V.C.



Andreas Lipski à Lipe, Iuris Vtriusque
Doctor, Episcopus Luceorienfis,
Procancellarius Regni.

Anagramma Verificum Iambodicum.

Vir iure pollens, Ara erit piis,
Requies ducis, cleri kanon, populi decor,
Custos pacis, Regni salus: *est LIPSCIVS.*

Illustriss. Cels. Suae

Cliens humillimus

Stanislaus Seraphinus Jagodynski, I. V. ☉
honoris ergò faciebat.

INDEX OBSERVATIONVM PRACTICARVM.

I.
An quis de domo in ius vocari possit?
II.
An præsens in iudicio citari debeat?
III.
In quo foro aliquis conveniendus sit?
IV.
De foro Scholarium.
V.
An propter solam conveniendi utilitatem aliquis in foro alieno conveniri possit?
VI.
Reconventio an de iure locum habeat?
VII.
Fori renunciatio an sit valida?
VIII.
Arresta an de iure locum habeant?
IX.
Repressalia quæ dicantur, & an iure sint permilla?
X.
De contumacia actoris.
XI.
De contumacia rei.
XII.
De legitimis impedimentis.
XIII.
De libello & Guaranda.
XIV.
De satisfactionibus actoris & rei.
XV.
Vtrum accusans aliquem de crimine, satisfare teneatur? & an reus criminis fideiussoribus committi debeat?

XVI.
Vtrum fideiussor non prius conveniri debeat, quam excutiat debitor principalis?
XVII.
An obligatio fideiussoria transeat ad hæredes?
XVIII.
De exceptionibus, & an peremptoria etiam in termino executionis opponi possint?
XIX.
De dilationibus, & an tam actori, quam reo concedi debeant?
XX.
De probationibus, & an duo testes ad probandum sufficiant?
XXI.
De probationibus, in causa criminali.
XXII.
An ad quæstiones seu torturas, non proceditur plenis & manifestis indicibus, Iudex possit aliquem condènnare?
XXIII.
Vtrum actore nihil probante, possit nihilominus reo deferri iusiurandum?
XXIV.
An iuramentum referri possit?
XXV.
An ius probandi periuramentum transeat ad hæredes?
XXVI.
Vtrum Iudex secundum conscièntiam, an verò secundum acta & probata iudicare debeat?

Vtrum

I N D E X

XXVII.

Vtrum creditor debitum petens, an verò debitor allegans solutionem, pro prior sit ad probandum?

XXVIII.

An chyrographum à creditore redditum importet solutionem, & liberet debitorem?

XXIX.

Exceptio non numeratæ pecuniæ an de iure locum habeat?

XXX.

An indebitè solum repeti possit?

XXXI.

Periculum rei debitæ vtrum ad debitorem vel ad creditorem pertineat?

XXXII.

An aliud pro alio, id est, res mobilis pro immobili, vel econtra solui possit?

XXXIII.

Vtrum debitor ob æs alienum carceribus mancipari possit?

XXXIV.

Vtrum debitor solutionem offerens liberetur.

XXXV.

Nouatio vtrum tollat priorem obligationem?

XXXVI.

Vfuræ an de iure sint licitæ?

XXXVII.

Commodatæ rei periculum, vtrum ad commodantem: an verò ad comodatarium spectare debeat?

XXXVIII.

Vtrum possessor duobus simul rem petentibus respondere teneatur?

XXXIX.

De pignoribus, & an periculum pignoris ad creditorem pertineat?

XL.

An posterior creditor hypothecam priorem habens, creditori priori hypothecam non habenti, præferri debeat?

XLI.

De hypotheca vxoris in bonis mariti, vtrum videlicet creditorum anteriori hypothecæ præferatur?

XLII.

An mulier ad solutionem debitorum à marito contractuum teneatur?

XLIII.

De deposito, & quid depositarius præstare teneatur?

XLIV.

Si res à viatore apud dominum diuersorii custodiæ causa relicta sit, quid is præstare teneatur?

XLV.

De mandato, & quid mandatarius præstare teneatur?

XLVI.

De Societate, & quid in hoc contractu præstari debeat?

XLVII.

Periculum rei venditæ, vtrum pertineat ad emptorem, an verò ad venditorem?

XLVIII.

An si quis in venditione ultra dimidium iusti precii decipiatur, venditio rescindi possit?

XLIX.

De iure retractus, & an in Regno locum habeat?

L.

Num ob casus fortuitos conductor remissionem pensionis mereatur?

LI.

De Euictionibus.

OBSERVATIONVM PRACTICARVM.

LII.

De donationibus inter virum & vxorē.

LIII.

Donatio omnium bonorum an de iure valeat?

LIV.

De donationibus causa mortis.

LV.

Dos soluto matrimonio ad quem pertineat?

LVI.

De Gerada.

LVII.

De Hergevveth.

LVIII.

De tutoribus, & an tutor inuentarium pupilli conficere teneatur?

LIX.

De rationibus administratæ tutelæ.

LX.

Tutorem habenti an alius tutor dari potest?

LXI.

An tutor res pupilli alienare possit?

LXII.

Vtrum tutori contra pupillum actio dari possit?

LXIII.

De testamentis.

LXIV.

Collatio bonorum inter hæredes an de iure locum habeat?

LXV.

De successione ab intestato, & an præmortui fratris filij, cum patruo ad successionem alterius patris ab intestato vocentur?

LXVI.

Fratrum filij vtrum succedant patruo in capita, an in stirpes?

LXVII.

Num fratres vel sorores ex vno latere coniuncti, in successione demortui fratris, patris & auunculis, amitis, & materis præferantur?

LXVIII.

Vtrum ad successionem nepotum, deficientibus ascendentibus, sorores dimidiæ paternæ, an verò germanæ maternæ, admitti debeant?

LXIX.

De illegitimis, & eorum successione

LXX.

Naturales & illegitimi an & quomodo legitimari possint?

LXXI.

De legitimatione per rescriptum Principis & oblationem curiæ.

LXXII.

Legimitas quomodo probanda sit?

LXXIII.

De feudis, & an Vassallo steriliter defuncto, reliqui eiusdem familiæ ad feudum admitti debeant?

LXXIV.

Vtrum nobilitas per exercitium mercaturæ amittatur?

LXXV.

Vtrum bona eorum, qui mortem sibi adserunt, confiscari debeant?

LXXVI.

Præscriptio longissimi temporis quando locum habeat?

LXXVII.

De præscriptione rerum mobilium & immobilium.

LXXVIII.

Iniuriarum quomodo agi possit?

LXXIX.

De iniuria reali, & Wergeldo.

INDEX OBSERVATIONVM PRACT.

LXXX.

De iniuria verbali.

LXXXI.

De iniuria quæ fit scripto, seu de famo-
sis libellis.

LXXXII.

De furtis, & rebus furto ablatiis.

LXXXIII.

De defensione necessaria, vtrum vide-
licet in ea aliquæ occidens, puniatur?

LXXXIV.

De homicidio casu commisso, an vide-
licet aliquis ob tale homicidium pæ-
nam capitis mereatur?

LXXXV.

Puer committens homicidiū, an pœna
legis Corneliæ de ficariis afficiatur?

LXXXVI.

Vtrum si vulneratus ex intervallo mo-
riatur, pœna legis Corneliæ, in vul-
nerantem extendi possit?

LXXXVII.

Stupratores & violatores fœminarum,
quibus pœnis afficiantur?

LXXXVIII.

De raptu, & quæ pœna raptores mulie-
rum manere debeat?

LXXXIX.

An de crimine pacisci aut transigere li-
ceat?

XC.

Violentiam committens in rebus ali-
cuius qua pœna afficiendus sit?

XCI.

Damna & litis expensæ, quando &
quomodo peti possint?

XCII.

Appellatio ob damna & litis expensas,
in sententia definitiva omittas, vi-
ctori, an de iure sit permittenda?

XCIII.

Appellatio intra quod tempus insinua-
ri debeat?

XCIV.

An ea, quæ coram Iudice à quo non
sunt allegata aut approbata, coram
Iudice appellationis de nouo allega-
re aut probare liceat?

XCV.

Appellatio ad superiorem, intermisso
medio Iudice, an sit permittenda?

XCVI.

Appellationi vtrum renunciare liceat?

XCVII.

Vtrum in causa criminali appellatio
permitti debeat?

XCVIII.

Vtrum à sententia arbitratorum appella-
tio admitti debeat?

XCIX.

Bannitus seu proscriptus vtrum in iu-
dicio locum standi habeat?

C.

De Iudæis, privilegiis, & libertatibus
eorum, & an iuri communi subint?

PRACTE

I

P R A C T I C A R V M
O B S E R V A T I O N V M
E X I V R E C I V I L I E T S A X O N I C O
collectarum, & ad stylum vsuq; Iudicio-
rum Curia Regalis accommodatarum,

Centuria Prima.

OBSERVATIO I.

An quis de domo in ius vocari possit?

S V M M A R I A.

1. Nemo de domo sua in ius vocari debet.
2. Aditum ad se prestans quomodo citandus sit.
3. Verbaliter quis ad domum citari debeat.
4. Idem de conductâ aut precario cōcessâ, quod de propria, dicendum.
5. In criminalibus etiam de domo inuitus duci potest.
6. In ius vocatio seu citatio alia realis, alia verbalis.
7. Citatio verbalis quæ dicatur.
8. Publica citatio quomodo fiat.

Regulariter nullus * de domo sua in ius vocari debet, per

textum expressum, in l. plerique. 18. ff. de in ius vocan. Quia, inquit ibi 1C. Gaius, domus tutissimum cuique refugium atque receptaculū sit, eumq; qui inde in ius vocaret, vim inferre videri. Id quod etiam Cicero in O. rat. pro domo sua his verbis innuit: Quid, inquit, est sanctius, quid omni religione munitius, quam domus uniuscuiusque ciuium? hinc ara sunt, hinc foci, hinc dij Penates, hinc sacra religionis ceremoniæ continentur, hoc perfugium ita sanctum est omnibus, ut inde abripi neminem fas sit. Neq; iniuria fit parti aduersæ, quæ reum in ius vocare intendit, siquidem teste Paulo, in l. 19. ff. de in ius vocan. certum sit. Satis pœna subire eum, si non defendatur & latitet: quod mittitur aduersarius in possessionem bonorum eius. Quod si aditum ad se praestet, aut ex publico conspiciatur, recte in ius vocari eum Iulianus ait. Id

- 2 est * si ultro in domum creditori vel aduersario suo patefaciat aditum, aut etiam è fenestra, vel ianua domus suæ, in qua consistit, conspiciatur. Hæc tamen de verbali non autem de reali in ius vocatione seu citatione intelligenda sunt. Quamuis autem iuxta quorundam opinionem verbaliter non nisi
- 3 si is * qui personaliter requisitus non reperitur, ad domum citari debeat, vt notat Costal. *in d.l. plerique. aduersar. parte 1.* Contrarium tamen inualuit moribus, vt videlicet indistinctè quilibet verbaliter in ius vocari de domo possit, etiã si inde extrahi non debeat, per text. *in l. Sed etsi. 21. ff. de in ius vocan. & ita omnino textus d.l. 18. accipien-*
- 4 dus est. Quod non solum * de propria domo, sed etiam de conductâ aut precariò concessa, intelligi debet: per text. *in l. lex 5. §. domum. 2. ff. de iniurijs.* in verbis: *Domum accipere debemus, non proprietatem domus, sed domicilium. Quare siue in propria domo quis habitauerit, siue in conductâ, vel gratis siue hospitio receptus, hæc lex locum habebit.* In criminalibus tamen non est dubium,
- 5 posse quem * inuitum etiam de domo duci, teste gloss. *in d.l. 21.* Porro hæc diuisio in ius vocationis (quæ nihil aliud est hodie nisi cita-

tio, quæ quis ad ius dicentem vocatur, quamuis olim distincta hæc fuerint, vt notat Vultei in sua iurispr. *Rom. lib. 2. c. 28. statim in prin.*) in * realem & verbalem hodiernæ 6 consuetudini, quam iuri Romano magis est consentanea. Nam quæ hodie appellatur citatio realis, olim præhensio dicebatur, & differabat ab in ius vocatione; adeò, vt alii Magistratus dicerentur habere vocationem; alii è contra præhensionem, alii vtrumque; vt notat Gellius Noct. Attic. *lib. 3. cap. 12.* Dicitur autem citatio * verbalis, 7 non solum quæ verbis per nunciũ seu bedellum peragitur, sed etiam quæ fit literis, & quæ reo personaliter ad citandum non præuento, in domum mansionis eiusdem deferri, & familiæ domus denunciari solet, iuxta quod etiam in Curia Regali practicatur, & ita tempore Diui Stephani Regis, Anno 1583. feria secunda ante festum S. Agnetis inter Montelupi & Annam famatĩ olim Sebastiani Lombardi relictã, pronunciatum fuit. Quibus conueniunt text. *in l. dies. 4. §. toties. ibi: Est tamẽ tutius libellum ad ipsas aedes proponere: fieri enim potest, vt ita monitus defensor existat. ff. de damno infecto. & in c. finali extr. de eo qui mittitur in possessionem, in verbis. & denuncia-*

B *denunciatione publicè facta, domi non apparet.* Vnde colligitur, * quod etiam in publica citatione affixio in domo citationis literalis tantum valeat, quantum publicum proclama per præconem, aut per tubam, aut campanam, factum operatur, vt notat gl. in l. 2. C. de decurionibus. lib. 10. Quod quibus casibus fiat, pulchre admodum recenset Rober: Maranta in Speculo Aureo parte 6. in tit. de citatione, num. 98.

OBSERVATIO II.

An præsens in iudicio citandus sit?

S V M M A R I A.

1. Citatio semper est necessaria.
2. Citatio neque à Pontifice, neque ab Imperatore omitti potest.
3. Processus verò ex plenitudine potestatis quando suppleri possit.
4. Communis DD. conclusio, quòd præsens in iudicio citari amplius non debeat.
5. Iure Sax. quod in praxi obseruatur, datur conuento dilatio ad proximum iudicium.
6. Induciæ aliter iure Ciuili, aliter iure Sax. reis dantur.
7. Citatio inordinata non obligat ad comparendum.

H Inc non incommodè quæri potest: An etiam præsens in iudicio citari debeat? an verò absque citatione teneatur litem suscipere ac respondere? Et iure quidem Ciuili semper citationem * esse necessariam, admodum clari text. testantur; vt in l. consensisse. 2. §. legatis. 3. in verbis: Nam & Diuus Pius Plotio Celsiano rescripsit, eum qui tutelæ reddendæ causâ Romam erat à se euocatus, alterius tutela causâ, cuius causâ non erat euocatus, non debere compelli iudicium suscipere. ff. de iudicijs. Et in l. 2. in verbis: Nec eum, dum quis apud prætorem causam agit in ius vocare licet. ff. de in ius vocan. & generalis text. in l. fin. C. de exhiben. reis. Quod vsque adeò verum est, vt neq; à Pontifice aut ab Imperatore * omitti possit, per expr. textû in clem. Pastoralis. circa fin. de senten. & re iudic. in verbis: defensionis (quæ à ratione prouenit naturali) facultas adimi valuisse; cum illa Imperatori tollere non licuerit, quæ iuris naturalis existunt. Nec obstat quod vulgò ex l. fin. C. de legibus. infertur, Imperatorem ex plenitudine * potestatis posse supplere processum, & per consequens, etiam sine citatione posse contra aliquem procedere. Nam hoc de lite iam inchoata intelligendum est; at si lis

nondum cepta sit, nō potest quicquam supplere, cum adhuc nihil inchoatum sit. Processus enim sine citatione est nullus, & initium processus est in ius vocatio seu citatio, per expref. text. in §. fin. *Instit. de pœna temerè litigan.* Quapropter summa iuris ratione in Curia Regali Anno 1591. feria quarta post festum Visitationis B. M. V. inter Rudgierum Azbi plenipotentem Iusti Hollant ciuis Gedan. & Magistratum Ciuitatis eiusdem decretum fuit, vt citationes in omnibus actionibus à Iudicibus præmittantur, cum citationibus & exceptionibus vti cuilibet integrum sit. Communis tamen DD. iuris conclusio in contrarium est, quod videlicet præsens * in iudicio citari amplius non debeat, per l. de vno quoque. 47. ff. de re iudic. vbi dicitur quod de vno quoq; negotio præsentibus omnibus quos causa contingit, iudicari oporteat. Tum quod finis citationis sit comparitio, vt notat Gaillib. obser. pract. 1. obser. 58. num. 3. Et Maranta in Spec. aureo parte 6. de citatione. num. 12. Quam DD. opinionem, quamuis nonnulli ita procedere existiment, si videlicet reus in litem vltro consentiat, alias verò nō; propterea quod effectus citationis non tantum sit compari-

tio, sed etiam præparatio defensionis. Si itaq; quis absq; citatione cogeretur respondere, iam eo pacto tolleretur defensio, quæ est iuris naturalis. Alii verò causam necessariam, cuius gratia reus in iudicio versatur, & voluntariam considerant. Nam primo casu non tenetur respondere in alia causa; secus in altero, quando videlicet vltro vel fortuito præsens in iudicio reperitur. Potest enim ad præparandam defensionem petere inducias, vt infra dicitur. Ius verò Saxonicum, quod Curia Regalis hac in parte sequi maluit, tradit; vt * si præsens in iudicio accusatus litem suscipere detrectet, detur ipsi dilatio ad proximum iudicium, textus expressus lib. 2. Spec. Sax. artic. 2. ibi: *Agat autem quis contra præsentem, & actio in eius proprietatem aut feudum prætendatur, si bona fide possidet, ipseq; si dixerit, propter hoc sibi terminum non esse prius assignatum, usq; ad proximum iudicium inducietur. In secunda verò actione si legitimum adueniens iudicium induciarum gratia petierit, hoc erit ei concedendum, postea respondebit.* Vnde satis liquido constat, quod iure Saxon. longiores induciæ reo concedantur, quam iure Ciuili. Nam in supra allegato textu, reum * per duos iudiciales

4

5

6

ciales terminos, (qui 14. diebus ab
inuicē distant) litem differre posse:
 iuncta ibidem gloss. expresse nota-
 tur, cum iure Ciuili viginti tantū
 dierum gaudeat induciis, per au-
 thent. offeratur, C. de *litis contestat.*
 Quoniam verò idem est aliquid
 non fieri, vel minus legitimè fieri;
 vt est textus in l. quoties. ff. qui satisd.
 cog. consequens est, quòd non suf-
 ficiat aliquem esse citatum, sed o-
 portet legitimè esse citatum. Cita-
 7 tio enim * vitiosa & inordinata,
 citatum ad comparandum non o-
 bligat, & ipso iure est nulla, vt no-
 tat gloss. in l. si accusatoribus. 4. C. de
accusat. in verb. eundem, per textum
in l. ea quæ. C. quomodo: & quan: Iu-
dex senten: profer: debeat. Quam-
 uis quidam existiment citationem
 inualidam & vitiosam per compa-
 ritionem conuerti robur accipe-
 re & conualidari, idq; arg: *tex: in*
l. 1. §. 1. ff. de ferijs. vbi dicitur: Quod
 si prætor tempore feriarum aliquē
 euocauerit, si quidem spontē litigā-
 tibus sententiam dixerit, valebit, ta-
 met si non rectē fecerit, qui eos euoca-
 uerit. Tum quod præsentia partis
 absque alia citatione sufficiat, vt
 supra dictum est. Illud tamen in
 praxi non obtinet; sed quoties in-
 ordinata citatio reperitur, toties
 conuētus a procedēdo absolui so-
 let, vt quotidie ferē fieri videmus.

OBSERVATIO III.

In quo foro aliquis conue-
 niendus sit?

S V M M A R I A.

1. In foro proprio unusquisq; conueni-
 ri debet.
2. In foro incompetenti acta ad nihi-
 lum redigi solent.
3. Ad forum incompetens aliquem
 euocans, quomodo puniatur?
4. Ad iudicem incompetentem euo-
 catus, exceptionem fori non oppo-
 nens, Iudicem agnoscere videtur.
5. Vocatus etiam ad Iudicem incom-
 petentem comparere debet.
6. Forum competens quibus ex cau-
 sis fiat?
7. Domicilium quid dicatur?
8. Prorogatio Iurisdictionis alia ex-
 pressa, alia tacita.
9. Actor inuitus etiā rescripto Prin-
 cipis ad incompetentem Iudicem
 trahi non potest, secus in reo.
10. Originis & manumissionis ratio-
 ne, quomodo sortiatur quis forum?
11. Roma communis patria.
12. Clericus quilibet ad Curiam Ro-
 manam euocari potest.

Q VOD vnusquisque in iure seu
 foro * suo conueniendus sit.
 in l. 2. C. de Iurisdi: om: iud: & foro
 compet:

*compet: expresse innuitur his ver-
bis: Iuris ordinem conuerti postulas,
vt non actor rei forum, sed reus acto-
ris sequatur. Nam vbi domicilium
reus habet, vel tempore contractus ha-
buit, licet hoc postea transtulerit, ibi
tantum eum conueniri oportet. Quod
itidem in Curia Regia pro lege ob-
seruatur, & ita sapissimè iudica-
tum fuit, vt potè in causa Stanislai
Szembek ciuis Posnaniensis, con-
tra Herthvick dictū Maier An-
no 88. feria secunda post Dominic:
Palmarum. Et in causa inter Lu-
cam Soderinum, & Georgium Hi-
theroth, negotiatorem Norimber-
gen: Anno 85. pridie festi Sancti
Petri ad vincula. Alioquin ea quę
in foro incompetenti exercentur,*

- 2 *ad nihilum redire debent. *toto tit:
C. si non à competente Iudice iudic:
esse dicatur: Vbi inter alia in l. fin:
sic habetur: Et in priuatorum cau-
sis huiusmodi forma seruetur, ne
quenquam litigatorum sententia non
à suo iudice dicta constringat. His
adstipulantur etiam textus Iuris
Saxon: lib. 3. artic. 25. in verbis: In op-
pidis vel iurisdictionibus alienis nul-
lus tenetur respondere. Et infra ibid.
Quod extra aliquam iurisdictionem
actum consliterit, hoc in ea non est iu-
dicandum. Item lib. 3. arti. 87. in
prin. Si quis laicum coram Ecclesiasti-
co iudicio impetierit in causis ibi de*

*iure non tractandis, & ei damnum
dederit, si is pro eo ciuilitè accusetur,
iudici ad multam, & damnum passō
ad emendam, & ad prioris Iudicij in-
demnitatis obseruationem condemne-
tur. Vnde manifestè liquet, quod
trahens causam ad forum incom-
petens, incurrat * in pœnas legum,
vt potè hoc iure ad refusionem
damnorum obligatur, Iure autè
Ciuilicausa ipsa multari solet: per
text: in l. in criminali: 5. §. 1. ibi:
Actor quidem propositi negotii actio-
ne mulctetur. &c. C. de Iuris: om:
Iudic: & foro comp: quod intellige,
si id fiat dolo malo, & perseueran-
ter ac præfractè; iuxta l. 3. C. de
plus petit. Si tamen Actor pœnite-
at re adhuc integra, id est, si ante-
quam reus ad incompetentem Iu-
dicem euocatus respondere inci-
piat, à propositione sua discedat,
impunè id eum ferre: l. Papinianus.
8. §. meminisse. 14. in verbis: Sed ei
demum aufertur, quod testamento da-
tum est, qui vsq; ad sententiam iudi-
cum lite improba perseuerauerit; cæ-
terum si ante sententiam destitit, vel
decessit, non ei aufertur, quod datum
est, ff. de inoff: testam: argumento
est. Porro si reus ad iudicem inco-
petentem * euocatus non oppo-
nat ante litis contestationem ex-
ceptionem fori declinatoriam, eo
casu non est dubium, quod non
solum*

solum actor pœnæ nō sit obnoxius, sed etiam sententia contra reum lata obtineat: per *d. l. in criminal. in verbis: Reus verò pro condēnato habeatur. Cod. de Iurisd. om. Iudic.* Sin autem inuitus trahatur ad alienum iudicem, eo casu sententia iudicis sit nulla, per iura supra allegata, & *in l. 2. in pr. in verbis: Aut si, cum restitisset quis ex litigatoribus, viribus Pratura compulsus est, nulla iurisdictio est, ff. de iudiciis.* Et ita in Causa Catharinæ de Komorov vo Orlikov va, & Magistratum Ciuitatis Præmislilien: piæ memorię Stephanus Rex Anno 80. iudicauit. Debet tamen quilibet * ex quacunq; causa vocatus ad iudicem vel alios, qui iurisdictioni præsumunt venire; vt hoc ipsum sciatur, an iurisdictionio eius sit, per clarum textum *in l. 2. ff. si quis in ius vocat. non ierit.* Nec propterea Iudex pœnam meretur; vt in causa inter Iudæum de Polaniec & Iudicium Ciuile Oppidi Osiek, Anno 91. pronunciatum fuit.

6 Verum enim uerò forum * competens dicitur multis de causis, quæ ad sex summa capita referri possunt, quorum etiam gloss: Iuris Sax: *lib. 3. art. 25.* mentionem facit. Primò itaque forum competens est ratione personæ litiganti-

um, in quæ tria itidem spectantur.

1. Domicilium, * vbi videlicet quis larem, rerumq; ac fortunarū suarum summam constituit, vnde nō sit discessurus, si nihil auocet: Et si fortè inde profectus est, peregrinari videtur: quod si rediit, peregrinari iam destitit, text: express: *in l. Ciues. 7. in fin. C. de incolis lib. 10. & l. 2. C. vbi Senat. vel clariss. l. Eius qui. 27. §. 1. ff. ad municip. 2.*

Conditio, quæ ratione professionis seu negotiationis apud eū, ad quæ eius professionis, vel negotiationis cura pertinet, forum tribuit, *l. ult. C. de Iurisd. om. Iudic. & foro comp.* Denique spectatur existentia personæ, vt scilicet reus ibi possit conueniri, vbi est seu deprehenditur. Hoc autem speciale est in delinquentibus, qui ex suis criminibus conueniuntur, *l. 1. C. vbi de crim. agi oport.* In aliis verò causis, secus est, vt patet, ex *l. 2. C. vbi in rem actio ex. deb. & l. 1. C. vbi caus. stat agi deb.* Secundò, forum competens est ratione rei, quæ semper ibi petitur, vbi consistit, per *l. ult. C. vbi in rem act. etc. Nouel. Constit. 69. cap. 1.* Tertiò, forū constituitur itaq; ratione causæ, vnde causa Ecclesiastica tractanda est coram Iudice Ecclesiastico, *cap. conquestus 10. ext. de foro compet.*

compet. Ciuilis, coram Iudice Ciuili, *c. licet. 10. ext. eodem.* Feudalis, coram feudali, id est, Domino feudi, vel paribus Curix, *feud. l. 2. tit. 55. de prohib. feudi alien. per Fride-ricum. §. praterea si inter.* Quartò, ratione obligationis, ibi namq; cõueniri aliquis potest, vbi est obligatus, *l. omnem. 20. ff. de iudicijs.*

Quintò, ratione consensus, id est, prorogationis, * vel expressæ: vt *l. 1. ff. de Iudic. & l. 14. ff. de Iurisdict.* quod etiã recenset glossa: *Sp. Sax. d. art. 25. lib. 3.* vel tacitæ: vt potè per litis contestationem à partibus factam *l. vbi acceptum 30. ff. de Iudicijs & l. 4. C. de Iurisdict. om. Iudic.* Sola autem vocatio in ius non prorogat Iurisdictionem, sed tantum adimit fori præscriptionem, ex noua causa postea contingente, cõpetentem. *l. 7. ff. de Iudicijs, & l. 19. in prin. ff. de Iurisdictione.* Vltimò, forum constituitur per rescriptũ Principis, *l. 5. §. 1. ibi. Qui sine caelesti oraculo in vetito vocauit examine & c. C. de Iurisdict. om. Iudic. & l. unica. C. quando Imp. inter pupillos vel viduas. & c. Et ex l. 2. C. de dilat. colligitur, quod reus per rescriptũ possit trahi ad non suum Iudicem.*

9 Contra verò ipse actorem * inuitum ad alium Iudicem trahere per rescriptum non potest. *Novel. Cã-*

stit. 69. in pr. Adeò vt hoc casu regula iuris vitietur, *l. 41. ff. de reg. iuris.* Non debet actori licere, quod reo non permittitur. Huius autem specialis iuris ratio videtur esse difficultas probationum, quia cū actori incumbat onus probandi, non debet extrà prouinciam euocari, vbi difficilius intentionem suam probare poterit, quod expresse innuitur in textu. *d. Nouel. 69. in pr. ibi: quomodo valebit in alio loco probationes horum quæ pertulit, exhibere?* Verum præter has sex causas, propter quas aliquis sortitur forum, addunt non nulli duas * O-
riginem scilicet, & Manumissionẽ. Et quidem ratione Originis existimant ibi posse aliquem conueniri, vnde originem trahit, quamuis domicilium aliò transtulerit. Vnde quia Roma * communis patria dicitur, *l. 33. ff. ad municipalem.* vt potè cum omnes, qui sunt in vrbe Romana, id est, omnes Romano Imperio subiecti, ex Constitutione Antonini sint effecti Ciues Romani. *l. in orbe. 17. ff. de statu hom.* idcirco putant, omnes posse Romæ cõueniri, ibiq; se defendere debere, nisi ex priuilegio possint domum reuocare. *l. 2. §. 5. ff. de Iudicijs, & vbi quisq; ager. deb. & c.* Sed qui ita sentiunt, in manifesto errore versari

re versari videntur. Nulla enim lex forum tribuit ratione originis. Iura autem allegata, non pertinent ad forum constituendum, sed ad publica munera subeunda. Quod non item dicendum putarem, de c. fin. ext. de foro comp. vbi disponitur, quod quilibet Clericus* in Curia Romana possit conueniri, etiamsi regulariter forum ibi non fortiatur, propter rationem ibidē expressam: quia videlicet, omnium Ecclesiarum mater est eadem & magistra. Quantum verò attinet manumissionem, non est dubium, eandem esse illius rationem, quia manumissus non sequitur forum manumittentis, sed sequitur eius municipium in muneribus obeundis. l. 2. C. de municip: & Orig: lib: 10. l. assumptio: 6. §. ult. & l. seq: & l. eius qui. 27. in pr: ff. ad municipalē.

OBSERVATIO IV.

De foro Scholarium.

S V M M A R I A.

1. Priuilegia Scholaribus ab Imperatore Friderico primo concessa.
2. Scholares coram Rectore vel Episcopo conueniri debent.
3. Priuilegium Scholaribus concessum, vtrum ad omnes causas, tam ciuiles, quàm criminales, extendi possit?

4. Clerici causas criminales, qua irrogant pœnam sanguinis, iudicare non possunt.
5. Distinctio inter crimina leuia & atrociora.
6. Priuilegium à Rege Vladislao Academia Cracouien: tributum.
7. Priuilegium Academiae Cracouien: concessum, an ad alias Scholas extendi debeat?
8. Vbi legis ratio cessat, eò lex producenda non est, & ex aduerso, vbi eadem est ratio legis, idem ius statuendum est.
9. Scholares in quibus casibus Priuilegia amittant.

IN Comitibus Regni generalibus Anno 1600. Varisouia celebratis, ex remissione iudicii Tribunalis Vilnen: de foro Scholarium publicè agitatū in Senatu fuisse memini. Num videlicet ii, ob crimina & excessus commissos, coram iudice sæculari respondere teneantur, an verò ad iudicem Ordinarium remitti debeant? Qua in re, quia dubias & variâtes animaduerti fuisse Senatorum Regni sententias, idcirco non abs re me facturū existimaui, si huic fori mater æ, etiam hanc de Scholaribus quæstionem adiungerem. Et in primis* sciendum est, Scholaribus Priuilegia quædam à Friderico primo cogno-

mento Anobis, qui imperium Anno 1151. adeptus est, tributa esse, quæ in auth: habita: C. ne filius pro patre, vel pater pro filio. &c. conueniatur, comprehenduntur. Vbi

2. Inter alia, hoc imprimis cauetur, vt Scholares non alibi, quam coram Rectore vel Episcopo conueniantur, quod exprimitur his verbis: *Verumtamen si item ipsi (scilicet scholaribus) quispiam super aliqua negotio mouere voluerit, huius rei optioe data scholaribus, eos coram domino vel magistro suo, vel ipsius Cunitatis Episcopo, quibus hanc iurisdictionem dedimus, conueniat. Neque mirum videri debet, cur huiuscemodi Priuilegia scholaribus sint concessa. Dignum namque existimauit Imperator, ut, cum omnes bona facientes, Imperatoriam laudem & protectionem mereantur, quorum scientia totus illuminatur mundus, & ad obedientiam Deo & Imperatoribus eius ministris, vita subiectorum informatur, quadam speciali dilectione eos ab omni iniuria defendere. Et vltimius Imper: ibidem addit: Quis enim eorum non misereatur, qui amore scientie exules facti de diuitibus pauperes, semetipsos exinanunt, vitam suam multis periculis exponunt, & a vilissimis sæpe hominibus (quod grauiter ferendum est) corporales iniurias sine causa perferunt. Hanc ita-*

que Imperatoris Friderici Constitutione, legum etiam nostrarum & Statutorum Regni compilatores, Priuilegiis libertatum Academicæ Cracouiensium adiungere voluerunt; prout in Statuto sub verbo *Schola*, videre licet. Sed an* ad omnes causas, tam Ciuiles, quam criminales hoc Priuilegium Scholarium pertineat, dubium est. Plerique enim putant, hanc constitutionem pertinere etiam ad causas criminales, idq; colligunt ex verbo *litis*, in textu posito, quod verbum ciuilem & criminalem continet, vt ex textu *Instit. de oblig: quæ ex delicto nasc: &c. in pr:* colligitur. Quod etiam Accursius & Oldendorpius in explicatione huius auth: probant. Quidam contra, cognitionem criminis non tribui hac constitutione Rectori, vel Episcopo, nisi de eo ciuilitè agatur, asserunt his rationibus. Primum, quia *Clerici in causis criminalibus, si fortè poena sanguinis irroganda sit, non possunt esse Iudices, per text. in c. *Sententiam: ext: ne Clerici, vel Monachi sæculi neg: se immisceant.* Tum quod significatio verbi *negotio*, quod sæpius in eadem constitutione repetitur, de ciuilibus tantummodo causis in ea tractari, haud obscure doceat. Nam verbum *litis* quod attinet, certum est, illud

Illud promiscuè sumi; quandoque
 enim tam ciuilem, quàm crimina-
 lem litem cōprehendit, vt sup: di-
 ctum est, aliquando discerni so-
 lent, quemadmodum text: *l. i. §. i.*
ff. de testibus, expressè testatur.
 Tūm denique quod reatus & cri-
 men tollat omnem honorem &
 fori præscriptionem, per text: *in l. i.*
Cod: ubi Senat: vel Clariss. & per cō-
 sequens, Scholares delinquentes,
 non possunt vti hoc Priuilegio, vt
 3 vt est. * Mihi certè distinctio inter
 crimina leuiora & atrociora non
 displicet, vt videlicet de illis Re-
 ctor vel Episcopus cognoscat, de
 his non item; quòd Vladislaus la-
 gello in Priuilegio Academiae Cra-
 couien: concessio, expressisse vi-
 detur his verbis: *Insuper * Rector*
predictus, scholares & studentes suos,
in causis criminalibus leuioribus, vt
potè pro capillatione, offensioneq; cum
palmo, vel pugno, ad effusionem san-
guinis, ac contentione qualibet non e-
normi, habeat iudicare, nec ob hoc
ipsi Scholares & studentes, vel eorum
familiares, atq; serui ad extranea iu-
dicia euocentur & trahantur. Si au-
tem (quod DEVS auferat) studens,
scholaris, vel alius predictorum, in
furto, adulterio, stupro, homicidio,
aut aliquo crimine capitali & ignomi-
nioso fuerit deprehensus, illorum co-
gnitio non debet ad Rectorem pertine-

re, sed statim criminalium deprehen-
sus scholaris, si clericus fuerit, ad Epi-
scopale iudicium remittatur. si verò
laicus, Nostro iudicio subiacebit.
 Vnde liquidò constat, quòd non
 solum ex prædicta constitutione
 Imperatoris Friderici, (quam in
 Regno nullius auctoritatis esse, vt
 potè quod nostri Statutis & Con-
 stitutionibus Regni pro legibus v-
 tatur, fortè quis dixerit) sed etiam
 ex Priuilegio Regis Vladislai lagel-
 lonis, Academiae Cracouiensi con-
 cesso hoc beneficium fori Schola-
 ribus competat. Nec est * quod 7
 quis ad amissim omnia reuocàdo,
 ad eos, qui alibi dant operam lite-
 ris, Priuilegium huiusmodi Scho-
 laribus Cracouiens: concessum,
 minimè spectare dicat. Id enim
 stricto iure verum esse nemo nega-
 re potest. At æquitatis ratio sua-
 det, vt ad omnes scholares, ea,
 quæ in fauorem ipsorum prolata
 sunt, producantur, idq; propter
 cōmodu Reipub. quod ex doctri-
 na & scientia scholarū proficisci
 solet. Vulgati enim iuris est, quòd
 vbi legis ratio cessat, eò lex produ- 8
 cēda non sit. per text. *in l. ex facto.*
3. ff. de vulgari & pupill: substit: & l.
in omni 13. ff. de adopt. ita ex aduer-
 so, vbi eadem est ratio, idem ius
 statuendum esse, text. *in l. ult: Cod:*
ad l. Falcid. monet: Atqui cum eā-
 dem esse

dem esse rationem Academiae Cra-
couien: quæ & aliorum locorum
est, in quibus bonæ literæ exercen-
tur, nemo dubitare possit, meritò
etiam eodem iure omnia huiusce-
modi loca gaudere debent. Ve-
rum tamen * sciendum est, quod
9 hæc Privilegia non competant iis,
quorum nomina ob aliquod deli-
ctum, deleta sunt ex Albo studio-
forum, quod vulgò matriculam
appellant, arg: c. ex literis. ext: de
Constit. Item iis, qui vagantur, nec
audiunt publicas prælectiones arg:
l. qui sub pretext: Cod. de SS. Ec-
clesiis. & l. unica. C. de Collegiat: lib:
11. item l. 1. C. de tyronibus. vel qui ab
Vniuersitate quinquennio abfue-
rūt. l. 2. & 3. Cod. de Cōmeat: lib: 12.
ac deniq; qui Præceptores suos re-
vel verbo offendunt, quos non mi-
nus, quàm parentes honorare de-
bent, & ideo tales infames fiūt, per
text. in c. plerumq;. 27. §. infames. 2.
quest: 7. & c. infames 6. quest: 1.

OBSERVATIO V.

An propter solam conueniendi v-
tilitatem aliquis in foro alieno
conueniri possit?

S V M M A R I A.

1. Debitor propter conueniendi faci-
litate ubiuis conueniri potest.
2. Opponens se Iurisdictioni sui Iudi-

- cis, cuiuscunq; sit status ubicunq;
reperitus fuerit, respondere tenetur.
3. Conueniendi debitorem quādo fa-
cilis sit ratio.
4. Obligatio obligatum sequitur in-
star characteris.
5. Cautela mercatorum in contracti-
bus faciendis.

IMò & propter solam conueni-
endi utilitatem, debitor * quam-
uis aliàs locuples, in eo loco, ubi
neq; domicilium habet; neq; con-
traxit, nec delictum cōmisit, opti-
mo iure conueniri poterit, per ex-
pressos textus iuris, in l. unica. C. ubi
conuen: qui certo loco dar: promiss. cu-
ius istenor est: Qui certo loco sese so-
lutorum pecuniam obligat, si solutioni
satis non fecerit: arbitraria actione &
in alio loco potest conueniri, in qua ve-
nit aestimatio, quod alterutrius inter-
fuit suo loco potius, quàm in eo, in quo
petitur, solui. Et clariùs in l. 1. ff. de
eo quod certo loco dar: oportet. Gaius
id ipsum tradit, his verbis: Alio lo-
co quàm in quem sibi dari quisquam
stipulatus esset, non videbatur agen-
di facultas competere. Sed quia ini-
quumerat, si promissor ad eum locum,
in quem daturum se promississet, nun-
quam accederet, quod vel data opera
faceret, vel quia alijs locis necessariò
distringetur, non posse stipulatorem
ad suum peruenire: Ideo visum est,
utilem.

utilem actionem in eam rem compa-
rare. Quibus ad stipulatur ius etiā
Saxonicum, vt videre est, lib: 3.
art: 87. in verbis: *Ad hoc etiam pa-
ganus, si contra alium in extraneo vel
municipali iudicio egerit (dum sint
vnius ville vel Iurisdic: incola) con-
demnetur, nisi fortè ei ius fuerit dene-
gatum à iudice vel à parte. Ius tunc
demum iudex denegat, cum non re-
ctè iudicat, aut suos debitos iudicia-
les terminos non obseruat. Homo etiā
contra quem agitur ius denegat, si pro-
scriptus fuerit, aut alteri adiudicata
debita non persoluit, nec habeat, vt
pro his impignoretur, quibus inquam,
nullus cogitur respondere, eos autem
vbique conuenire permissum est.* Hinc
glossa eiusdem iuris generalem Re-
gulam colligit: Quod nimirū siue

2 * sit Clericus, siue laicus, qui sui
iudicis iurisdictione temerè sese op-
ponit; is coram quocunque iudice
conuentus, respondere tenetur,
per textum in c. nec licuit. 17. dist:
in fine, & in c. Si quis Sacerdotum. 11.
qu: 1. Item in Nou: 83. vt Clerici a-
pud proprios Episcopos: in pr: ibid. tunc
licentiā esse, & ad Ciuiles Iudices
pergere. &c. Proinde huic conclu-
sionem non obstat textus, in l. heres.
19. §. proinde: 2. ff. de Iudicijs, vbi di-
citur: *Quod si quid peregrino ven-
ditum sit, non vbi reperitur, sed in lo-
co domicilij eum conueniendum esse.*

Cum durissimum sit (inquit ibid:
I.C. Vlpian.) *quotquot locis quis na-
uigans, veliter faciens delatus est, tot
locis se defendi.* Nam hoc intelligi
debet de eo casu, quando * facilis
est conueniendi ratio debitorem,
vt potè, quia bona possidet immo-
bilia, idonea & sufficientia, in quo-
rum possessione missio peti possit
ex primo decreto ob eius contu-
maciam, vt in tot: tit: ff. de bonis
auth: iudic: possid. disponitur. At si
debitor latitet nec bona possideat
immobilia, aut alias in suo territo-
rio difficilimè conueniri possit, vel
quia fortè domicilium eius longè
distat, ita, vt creditor in profectio-
nè multò maiores sumptus, quàm
ipsum est debitum facere cogatur,
adeò verò pauper sit vt non habe-
at tot sumptus, quibus domiciliū
debitoris sequi possit: tunc certè,
quia ista difficultas æquiparatur
impossibilitati, arg: l. mediterranea.
C. de annon: & trib: lib: 10. & l. conti-
nuus. 137. §. 2. ff. de verb. oblig. non in-
iuria in alio loco magis idoneo cō-
ueniri poterit. Cum etiā * obliga-
tio obligatum sequatur vbique
instar characteris, vt inquit Bart:
in l. nemo potest: 55. num: 24. ff. de
legat. 1. per l. fin: C. de prescript: long:
tempor. Et ita meo iudicio alius iu-
dem textus iuris, in §. plus autem.
Instit. de Actionibus. vbi dicitur:

Plus loco petitur, veluti cum quis id, quod certo loco sibi stipulatum est, alio petit loco, resolui poterit. Quantum verò attinet, *l. Consensisse*. 2. §. omnes 4. ff. de Iudicijs, ubi dicitur, quòd omnes reuocare domum possint, qui non ibi contraxerant, ubi conueniuntur. Id speciale est, in quibusdam personis ibidem expressis, puta in his, qui legationis, vel testimoni, vel alia legitima causa ad alium locum se transferunt. Verù hodie * cautius multò rem agunt negotia exercentes, siquidem in omnibus contractibus scripto confirmatis id adicere solent, vt nisi debitor soluat, iure tam Ecclesiastico, quam seculari conueniri valeat, ubicunq; reperiatur, quod etiam concordat iuri Ciuili. Nam si contraxisse vnusquisq; in eo loco intelligitur, in quo vt solueret, se obligauit, vt in *l. contraxisse* 21. ff. de oblig. & action: dicitur, certè debitor etiam sic paciscens, in omni loco contraxisse iudicatur, & idcirco vbiuis locorum conueniri, debitumq; exigì ab eo potest. Hoc tamen DD iuris limitant in certis casibus, vt potè, si debitor in loco pestilenti vel hostili deprehendatur, aut nauigio transfuehatur cum aliis, vt notat Mysing. in comment: Instit: §. plus autem, tit: de actionibus.

OBSERVATIO VI.

Reconuentio an de iure locum habeat?

S V M M A R I A.

1. Reconuentio Iure Ciuili & Canonico permessa.
2. Reconuentionis forma.
3. Coram eodem iudice fieri debet.
4. Post litem contestatam reconuentioni non est locus.
5. In termino appellationis ibidem reconuentio locum non habet.
6. Reconuentiones etiam ius naturale permittit.
7. Ius Saxonicum non nisi lite finita reconuentioni locum esse diffinit.
8. In criminalibus reconuentio non admittitur.
9. In Regno ex recepta consuetudine reconuentiones locum non habent.
10. Incole Prussia reconuentionibus stringi non debent.
11. Consuetudo, qua reconuentiones prohibet, num iuri & aequitati sit contraria?
12. Actor sequitur forum rei.

REconuentionem * reo contra actorem coram eodem iudice esse concessam, non solum iura Ciuilia & Canonica testantur, vt videre est in tit. de mutuis petit. ext. maxime verò in c. 2. ibi: Eodem modo recon-

do reconuenienti respondere debet in sua iustitia. Et in c. Accusatores. 3. quest. 8. ibi: Cuius in agendo quis obseruat arbitrium, eum habere etiam contra se iudicem in eodem negotio non dedignetur. Quod item refertur in l. cum Papinianus 14. C. de sentent. & interloc. omn. Iudic. quæ lex per dictum c. accusatores. videtur esse canonisata. Et in auth. & consequenter. C. eodem. modus & ratio istius reconuentionis proponitur, quæ

2 sic sonat: Et consequenter * ego ab aliquo conuictus, si vicissim illi pulsare velim; statim quidem hoc non licet, nisi apud eundem Iudicem, qui si displiceat, intra viginti dies recusari potest, aliusq; mereri, apud quem rursus utrumq; negotium ventiletur. Alioqui lite contra me mota prius ventilata & terminata, tunc demum & ego admittar. Quem textum clarius explicat, Nou. 90. de executoribus, c. 2. §. sancimus. Quod videlicet

3 primum requisitum * reconuentionis sit, vt coram vno eodemq; Iudice, (qui tamen intra dies viginti refutari potest) utrumq; negotiū, tam ex parte actoris, quam ex parte rei, perficiatur. Deinde

4 * vt ab initio statim lite nondum contestata, exceptionem reconuentionalem reus opponat. Nam si tacuerit (inquit ibidem textus) deinde postea voluerit causam

apud aliam Iudicem mouere: necessitatem eum habere suscinere terminū eius litis illatæ sibi ab eo, qui eum in iudicium traxit, & dum finem lis acceperit, tunc eum suam causam apud alium Iudicem proponere. Quamuis etiam non desint, qui existimant, posse fieri huiusmodi reconuentionem vsque ad sententiam definitiuam, coram eodem Iudice, testē gloss. in d. Nou. de executor. c. 2. in verbo *max.* Vnde consequens est, neque coram Iudice * appel-

5 lationis eam locum habere, ex ea potissimum ratione, quod appellatio reducat causam ad illum pristinum statum, in quo erat causa principalis post litem contestatam. per lita demum 13. in verbis: quod nec cum appellatio agitur tibi obijci potest, C. de procurat. Sed post litem contestatam, per iura supra allegata, non habet locum reconuentionis. Ergo sequitur, quod etiam coram Iudice appellationis locum nō habeat; vt videlicet fortietur veram & genuinam naturam reconuentionis. Quæ conclusio recipit tamen nonnullas limitationes, quas recenset Maranta in suo Speculo aureo, parte 4. distinct. 8. num. 26. & seq. Sed neq; iuris naturalis hæc

6 de reconuentionibus præcepta contraria esse videntur. Si quidem nihil magis naturæ congruum esse possit

possit, quàm id ipsum nobis fieri, quod aliis fecerimus, per l. 1. in pr. ff. quod quisq. iuris, & c. in verbis: *Quis enim aspernabitur idem ius sibi dici, quod ipse alijs dixit, vel dici efficit.* His ad stipulatur etiam * ius Saxonicum, lib. 1. art. 61. statim in pr. in verbis: *Vbi quis aliquem conuenerit, ibi & licitè reconuenietur.* qui textus ad verbum ferè repetitur in lib. 3. art. 79. in fine. Quod eo modo intelligendum est, ut videlicet prius mota actio, prius determinetur etiam per text. express. in lib. 3. art. 12. ibi: *Qui ait aduersus aliquem, & si ille è conuerso contra suum voluerit experiri actorem, posterioris actio, (nisi priore discussa) non audiat.* Id autem manifestè discere pat. à iure Ciuili & Canonico, quibus disponitur, reum beneficio reconuentionis, statim ab initio litis sibi motæ, vti debere, d. l. cum Papinianus: & auth. & consequenter. item c. dispendia: 3. versicul. Reus quoq. de rescript. in 6. ibi: *Reus quoque si eodem durante iudicio, actorem sibi obnoxium dixerit, reconuentionis beneficio apud eundem Iudicē de iure suo experiri debet.* Verum * in

8 criminalibus causis locum nō esse reconuentioni DD. tam ex iure Ciuili, quàm etiam Sax: communiter concludunt, per textum in l. 1. C. de his qui accus. no. poss. quæ

sic habet: *Prius est, ut criminibus, quæ tibi ut grauiora ab aduersario tuo obijciuntur, cadis atq. vulnerum respondeas: & tunc, ex euentu causæ Iudex aslimabit, an tibi permittendū sit eundem accusare, tametsi prior inscriptionem deposuisti.* Quod item innuitur per textum in Speculo Sax: d. lib. 3. art. 29. in fine ibi: *Vbi quis aliquem conuenit, ibi licitè reconuenietur, nisi actio in duellum minimè extendatur.* In regno * autem nostro, non solum in criminalibus, sed etiam in ciuilibus causis, reconuentionibus huiuscemodi locum non esse, perpetua praxis Curix Regalis testatur. Et ita in causa Stanislai Pelka contra Simonem Keller Anno 92. Et in causa Alberti Iastrzēbski, & Successorum Catherinæ Iastrzēbska Anno 94. feria secunda ante festum S. Martini, pronunciatum fuit. Quinimò quod magis est, Decretis eiusdem Curix, inter Gregorium Visslingk Capitaneum Leucen: & Mathiam Racki, Anno 96. feria tertia post festum Natiuitatis S. Ioannis Baptistæ. Et inter Consiliarios Ducis Prussix contra Billam, Anno eodē die 9. Octob. latis, sancitum est.

* Quod nec incolæ Prussix, (vt po- 10
tè vnius corporis membra) in Regno, nec viceversa, reconuentionalibus cautionibus stringi debeant.

11 ant. Quæ consuetudo *iuri & æquitati minimè videtur esse cōtraria, siquidē vulgati iuris est, quòd
12 actor *semper debeat sequi forum rei; non autem reus actoris, per text: in l. 2. C. ubi in rem actio. & c. cum sit generale. ext: de foro comp. Atqui reus reconueniens eum, qui se antea conueniebat, sustinet iam partes actoris. Et ideo necesse est, vt sequatur forum rei proprium, nec possit eundem reconuenire coram eo iudice, coram quo ipse conueniebatur. Nec obstat illa ratio, ex l. 1. ff. quod quisq; iuris in aliū stat. desumpta. Nam ibi agitur de eo casu, cum quis fortè nouum ius à Principe vel Magistratu impetrans, secundum illud contrā aduersarium in causa obtineat, vt vicissim eiusdem iuris rigorem cōtra se experiatur. Æquitati etiā nihil magis est consentaneū, quā vnum quemq; in foro suo competentī conueniri debere, per tot: tit: ext: de foro competent.

OBSERVATIO VII.

Fori renunciatio an sit valida?

S V M M A R I A.

1. Priuilegio pro se introducto, quilibet renunciare potest.
2. Foro renunciari potest etiam sine consensu iudicis.

3. Pacta de foro non sunt necessaria, sed voluntaria.
4. Pactum aliud nudum, aliud vestitum.
5. Conuentio nuda per litis contestationem coram Iudice non suo conuallidatur.
6. Iuris Canonici circa renunciationem fori dispositio.
7. Distinctio in renunciatione fori obseruanda.
8. Renuncians beneficio exemptionis, non prorogat Iurisdictionem Iudicis, cui se submittit.

Sed an pactum à litigatoribus de renunciatione fori factum, seruari debeat? non incongruè hic quæri possit: Et respondendo dico, quòd iuris antiqui regula sit, *Omnes * licentiam habere, his quæ pro se introducta sunt renunciare, l. si quis in conscribendo. 29. C. de pactis.* Et per consequens etiam priuilegio fori, à lege vel Principe indulto, posse renunciari, & aduersus huiuscemodi pacta, nemini licere venire, eadem lex monet. Cui cōcordat etiam text. in l. 1. ff. si quis in ius vocat: non ierit. in verbis: *Nisi suo speciali priuilegio renunciauerit.* Quod vsq; adeò verum est, vt etiam * non requiratur consensus ordinarii Iudicis, sed sufficiat partiū voluntas, per expressum text. in l. 2. §. 1.

2. §. 1. in verbis: *sufficit ergo priuato-
rum consensus. &c. ff. de Iudicijs.*
Contrarium autem his innuere vi-
detur *l. si conuenerit. 18. ff. de Iurisdic-
tione omnium Iudic: cuius hæc sunt ver-
ba: Si conuenerit ut alius prator,
quàm cuius iurisdicctio esset, ius dice-
ret, & priusquam adiretur, mutata
voluntas fuerit: proculdubio nemo
compelletur eiusmodi conuentioni sta-
re.* Vnde colligitur huiusmodi pa-
cta *de litigando coram Iudice nõ
suo, non esse necessaria, sed tantũ
volũtaria, ex eo, quia in illis volun-
tas mutari potest, quod est contra
*d. l. si quis in conscribendo. quæ lex eti-
am sub tit: C. de Episcop: & Cleric:
ordine 51.* iisdem ferè verbis refer-
tur: *Si quis in conscribendo Instrumen-
to se se confessus fuerit non usurum fo-
ri præscriptione propter sacerdotij præ-
rogatiuam, sancimus, non licere ei ad-
uersus sua pacta venire. &c.* Hanc
antinomiam DD. iuris conciliare
volentes, varii varia prodidere, vt
videre est *ingloss. d. l. si conuenerit.*
Alii enim existimant hanc legem
intelligendam esse, cũ ab vtraq;
parte mutata fuit voluntas, vt sci-
licet eo casu pactum huiuscemo-
di per pœnitentiam vtriusque par-
tis irritum fiat, & in hac sententia
est Corasius lib: 4. *Miscell: c. 5.* Alii
verò putant *d. l. si conuenerit*, loqui
de Iudice omninò incompetente,

(vt potè qui Magistratus non est
iuxta *l. 13. ff. de iurisdicct.*) de cuius
nihilominus iurisdictione proro-
ganda pacto actum est. Iura autè
supra recensita tractare de Iudice
competente & ordinario, cuius ta-
men iurisdicctio declinari ex aliquo
priuilegio poterat. Vnde secun-
dum gl: eiusdem legis, quia illud
est grauius, hoc autem leuius, id-
circo hoc, non illud vigore pacti
nudi seruari oportet. Mihi autem
non displicet hac in parte Cuiacii
sententia, in tract: ad Afric: *in d. l.
si conuenerit*, qui distinguendo in-
ter *pactum nudum, & pactum 4.
(vt vulgò dicunt) vestitum,
quod videlicet in suo nomine non
stat, sed transit in proprium nomẽ
contractus, iuxta *l. iuragentium. 7.
§. 1. in pr: ff. de pactis.* rem enodare
videtur, vt videlicet à pacto nudo
(quale est in *d. l. si conuenerit*, vbi
tantum nudè & simpliciter con-
uentum est, vt adeatur Iudex non
suus,) impunè recedere cuilibet
parti liceat, cum ex nudo pacto
nulla oriatur actio. *d. l. Iuragentiũ.
7. §. 4. ff. de pactis.* Secus est in pa-
cto seu conuentione contractui in-
continenti apposita, qualis est illa,
de qua supradictæ leges loquun-
tur. Cum videlicet ita conuentũ
est: *Nereus vtatur fori præscrip-
tione, nam talis conuentio obli-
gatio.*

gationem parit, vt videre est in *d. l. Iurisdictionum. 7. §. 1. ff. de pactis*. Et ideo necessario seruari debet. Quod
 5 * si etiam post conuentionem nudam de adeundo iudice non suo factam, partes contrahentes eundem adierint, & iurisdictioni ipsius se se vtrò subiecerint, litemque apud eum contestatæ fuerint, eo casu, quod fuit ab initio conuentionis nudum pactum, ex post facto iam nudum esse desinit, vt potè quando iam Iudex aditus, & lis coram ipso contestata est; & ideo tenentur omnimodò huiusmodi conuentioni stare, nec possunt contraria voluntate ab ea discedere. Hæc tamen omnia ita vera sunt, si adeatur iudex, qui habeat aliquam iurisdictionem, vt supra admonui. Nam qui nulli iudicio præest, sed priuatus est, iudicium facere non potest, per *l. 3. C. de Iurisdic. omn.*
 6 *Iudic.* Præterea * superioribus repugnant etiam textus iuris Canonici, vt videre est in *c. si diligenti. 12. & c. significasti. 18. ext. de foro comp.* qui dicunt, quod Clerici non possint renunciare priuilegio fori, & constituere sibi iudicem laicum, etiam si proprium iuramentum, & aduersarii consensus accedat. Et additur ibidē ratio: *Quia tale priuilegium fori non est personale, sed toti Ordini Ecclesiastico publicè in-*

dultum, Iuri autem publico pactis priuatorum non derogatur. per textum *l. ius publicum. ff. de pactis*. Quapropter & hic distinctione (quam etiam tangit gl: in *Nov. Conslit. 94. c. 2. in verbo Scto.*) rem temperari posse existimo. Aut * enim priuilegium fori concernit principaliter fauorem renunciantis, aut respicit fauorem superioris, & publicæ utilitatis. Primo casu valet renunciatio iuxta *d. l. si quis in conscribendo. C. de pactis*. Et ita inter Successores Melchioris Kothvievz, & Demetrium Krassovvski Anno 91. in Curia Regali iudicatum fuit. Altero verò casu renunciatio & prorogatio iurisdictionis subsistere nequit, absque consensu superioris. Hinc est * quod exemptus à iurisdictione ciuili, vel alia quacunque, si consentiat in illam iurisdictionem renunciando beneficio exemptionis, ex tali consensu partis, non prorogatur iurdictio illius iudicis, tanquam in præiudiciū domini facta. Interest enim ipsius eximentis, ne subditus suus ab alio iudicetur, & ne hoc pacto iurdictio ipsius diminuatur, dum enim alienæ iurisdictioni ipsum eximit, hoc facto suæ illum immediatè subesse vult. Facit ad id textus singularis in *c. cum tempore. s. ext. de arbitris*.

OBSERVATIO VIII.

Arresta an de iure locum habeant?

S V M M A R I A.

1. Arresta iure Ciuili prohibentur.
2. Iudicium incipere debet ab edicto de in ius vocando.
3. Fructus indicta causa nemini auferri debent.
4. Arresta iure gentium & consuetudine ubiq; habent locum.
5. Magistratus arresta quomodo admittere debeat?
6. Arresta tempore nundinarum per-
mitteri non debent.

Superioribus optimè congruit etiam hæc quæstio. An persona vel res debitoris in alio loco existentis detineri, seu (vt vulgo dicunt) arrestari possint? Et iure * quidem ciuili id minimè licere, text; in l. vnic: C. de prohib: sequestr: pec. probat in hunc qui sequitur sensum: *Quoties ex quolibet contractu pecunia postulat, sequestrationis necessitas conuiescat. Oportet enim debitorem primò conuinci, & sic deinde ad solutionem pulsari: quam rem non tantum iuris ratio, sed & ipsa æquitas persuadet, vt probationes secum adferat, debitoremq; conuincat, pecuniam petiturus. Et in l. negantes 9. C. de oblig: & action: dicitur: quòd negantes debitores non oporteat*

*armata vi terreri. &c. Tum etiam quod iudex arrestum concedens ab executione iudicium incipiat, quod est contra manifestà dispositionem iuris in l. fi. C. de execut: rei iudicat. Cum alias * initium iudicii, ab illo edicto quod est de in ius vocando, vt in §. fin: Instit: de pœna temerè litig: traditur, sumi debeat. Ratio autem istius prohibitionis arrestorū cuius obuia est, ipsum nimirum commodum percipiendorum fructuum cessans, ob impeditam possessionem, quod * tamen iuxta omnia iura nemini indicta causa auferri debet, per expressum text: in c. conquerēte. 7. ext: de restit: spol: in verbis: Quia verò iam non decet honestatem tuam clericos tue Iurisdictionis sine manifesta causa & rationabili suis beneficijs spoliare. &c. Et in l. fin: C. si per vim vel alio modo absent. turb: sit poss. his verbis: Neg: Imperiale responsum, quod supplicatio litigatoris obtinuit, nec interlocutio cognitoris ex quacūq; parte innouare possessionis statum eo, qui rem tenet, absente, permittit, quia negotiorum merita partium adseruone panduntur. Quamuis autem omnia arresta regulariter, vt dictum est, à iure communi exorbitent, & interdicta sint; iure * tamen consuetudinario ubique ferè gentium & hic in Regno recepta sunt, pro vt eius.*

ut eius rei exēpla infinita ferē proferri possunt, in hunc potissimum finem, ut debitor tādio arrestationis affectus, corā Iudice loci cōpareat, contractum impleat, debitum soluat, aut saltem (quod maxime hic spectatur) cautionem iudicio sisti, & iudicatum solui prætet, ut notat Andr: Gail. *in tract: de Arrestis Imperij, c. 1. num. 15.* Obiter autem notandū est, Iudices * non promiscuē ad petitionem cuiusvis talia arresta decernere & permittere debere; sed necesse est, ut prius causam summarie saltem & de plano cognoscant, circumstantiasq; omnes diligenter examinēt, an videlicet debitor soluendo sit, nec ne? an debitum assertum legitime probari possit, an persona sit vagabunda, & de fuga suspecta, an etiam per calumniam & de industria vexandi causa arresti impositio petatur, argumento *l. qui bona. 13. §. qui damni 3. in verbis: qui damni infecti cauere sibi postulat, prius de calumnia iurare debet. ff. de dam: infecto.* Item considerandū est, an non tempore nundinarum publicarum huiusmodi arrestatio postuletur, quæ * tunc propter liberiores negotiationem permittere non debet, per expressum textum in *l. unio. C. de nundinis.* cuius ista sunt verba: *Qui exercendorū mer-*

catuum aut nundinarum licentiam, vel veterum indulto, vel nostra auctoritate meruerunt, ita beneficio rescripti potiantur, ut nullum in mercatibus atq; nundinis ex negotiatorum mercibus conueniant, vel in venalijs aut locorum temporali quaestu & commodo priuata exactione sectentur, vel sub pretextu priuati debiti aliquā ibidem concurrentibus molestiam possint inferre. Magnus etenim nundinarum publicarū propter mercium, quæ ad vitæ conseruationē necessariæ sunt, est fauor, & ideo non sine magno publici commodi bono, tale tempus, quo illæ inuehuntur & euehuntur, ab omni conuentione & impetitione liberū esse debet; quemadmodum in quibusdam ciuitatibus Germaniæ, maximè verò Francofurti ad Moenum obseruatum vidi, ut non nisi finitis iam nundinis speciali tempore ad id designato, exactio & solutio debitorum peragatur.

OBSERVATIO IX.

Repressalia quæ dicantur, & an iure sint permissa?

S V M M A R I A.

1. Repressaliorum definitio.
2. Repressalia aequitati naturali contraria, & Iure Canonico atque Ciuili prohibita.

3. Ob denegatam iustitiam repressalia permittuntur.
4. Vassallus Dominum iustitiam denegantem impunè depraedare potest.
5. Privata auctoritate repressalia facere nemini licet.
6. In Regno obligatio sub pœna repressaliorum non obtinet.
7. Alius pro alio damnari non potest.
8. Nemo cum alieno damno locupletari debet.
9. Transire liberè per agrum alienum & viam publicam omnibus licet.
10. Ius dicenti extrà territorium, impunè non paretur.
11. Papa & Imperator omnibus Principibus quomodo sint superiores?
12. Ius diuinum an repressalias concedat?
13. Exempla, quod propter culpam Regis vel populi tota Regna sint eversa.
14. Repressalia non omnibus neque passim concedi debent.

Repressaliæ vulgari nomine dicuntur* pignorationes, in quibus alius pro alio prægrauatur, per text. in cap. unico, ext. de iniurijs & dam. dat. in 6. qui textus ius repressaliorum omninò esse prohibitum innuit his verbis: *Et si pignorationes, quas vulgaris elocutio repressalias nominat, in quibus alius pro alio prægrauatur, tanquam graues legibus**

& æquitati naturali contrariæ, civili sint constitutione prohibita; ut tamen earum prohibitio in personis Ecclesiasticis tantò amplius timeatur, quantò in illis specialius inhibentur, eas concedi contra personas predicatas, seu bona ipsorum, aut quantumcunque generaliter prætextu cuiusvis consuetudinis (quam potius reputamus abusum fore) concessas, ad illas extendi, præsentis decreto districtius inhibemus. Illi autem, qui contra fecerint, aduersus personas easdem pignorationes seu repressalias concedendo, vel extendendo ad eas (nisi præsumptionem huiusmodi reuocauerint à concessionis vel extensionis tempore intrà mensem) si personæ singulares fuerint, sententiam excommunicationis incurrant: si verò vniuersitas, Ecclesiastico subiaceat interdicto. Vnde manifestè liquet, quod repressaliæ triplici iure videantur esse prohibita, Canonibus scilicet, æquitate naturali, & constitutione Civili. DD. tamen Iuris communiter tenent contrarium, & putant repressalias omni iure esse permissas; certis tamen & specialibus casibus, (quos elegatissimè Ioannes Iacob. à Canib⁹ in suo tract. de repress. collegit,) eas prohiberi. Vt puta* si possit adiri Iudex superior, & ab eo iustitia administrari. Nam repressalia propter iustitiam denegatam

tam introducta sunt: sicut enim
genti facienti nobis vim & iniuri-
am, iustè bellum indicere possumus,
per expressi text: *in c. Dominus noster. 2. caus. 23. qua. 2.* in verbis:
*Iusta autem bella definiri solent, quæ
ulciscuntur iniurias, si qua gens, vel
civitas, quæ bello petenda est, vel vin-
dicare neglexerit, quod à suis improbè
factum est, vel reddere quod per iniu-
rias ablatum est: ita non absimili cer-
tè ratione, etiam deneganti iusti-
tiam. Nam & sacræ literæ docent,
quod auferri debeat regnum populo
delinquenti, & dari genti facienti iu-
stitiam. Math. c. 21. vers. 43.* Et ideo
4 * Vasallus dominum iustitiam non
facientè impunè potest depredare.
per text. *in c. vnic. in fine tit. de va-
sal. qui cont. Const. lib. 2. feud.* Quare
non obstat, supra allegatus textus
in d. cap. vnic. de iniurijs in c. prout
nec textus Iuris Ciuilis *in Auth. Sed*
omnino. C. ne vxor pro marito. &c.
qui generaliter ita disponit: *Sed om-
nino qui alium pro alio secundum
formam pignorationis exigit, totum
ad ipsum, quicquid sit, in quadruplum
vim passò reddet; nec non & ab actio-
ne pro qua talia præsumit, cadet.* Nam
5 hoc ita demum verum est, si quis *
priuata auctoritate faciat repressal-
ias, quod minimè licet, per supra
allegata iura. Cum enim in conce-
dendis repressalijs pugna quodam

modo offeratur, meritò autori-
tas superioris magistratus requiri
debet. *arg. l. hosles. 24. ff. de captiuis
& postl. reuersis*, in verbis: *Hosles
sunt quibus bellum publicè pop. Ro-
manus decreuit &c.* Prout * etiam 6
in Curia Regali inter Senatum Ge-
danen: & Fiscalem Prussiæ ratione
hæreditatis Henrici Riben Anno 91.
decisum fuit. Proinde nec illa asser-
tio prædictæ auth: & totius tit. *C.
ne vxor pro marito.* quod videlicet
nemo pro alio teneatur, adeò, vt
nec vxor pro marito, nec filius
pro patre, & è contra, obligentur,
huic conclusioni DD. repugnat.
Cum hoc regulariter verum sit, * 7
vt alius pro alio damnari non pos-
sit, nec debeat portare iniquita-
tem alterius. Secus tamen est in
repressalijs, quia ibi vniuersalis
culpa transit ad omnes; qui non
possunt ab vniuersitate vel cor-
pore separari. Sicuti vbi interdi-
ctum aliquod in genere & vniuer-
saliter fit, ibi omnes eius vniuersi-
tatis compræhenduntur. Neque
etiam afficit quicquam commu-
nem hanc DD. Iuris conclusionem
ratio illa, quam contrarium asse-
rentes vulgo adferre solent; quòd
videlicet natura doceat, neminem
* cum alieno damno debere locu- 8
*pletari, l. nam hoc natura. ff. de cond.
indebiti.* prout id in repressalijs,
dum.

dum nimirum capiuntur personæ & bona non debentium pro debentibus, fieri videmus. Neq; enim rectè dici potest, quòd repressalias exercens, locupletior fiat ex alieno damno, sed quòd suum quacunq; ratione potest, consequatur. Tum etiam, quòd nec ille, à quo exigitur, iacturam aliquam perferat, siquidem habet remediū contra eum, pro quo satis fecit, siue idiuste, siue iniuste ab eo exactum fuerit, vt notant DD. per *l. Senatus. §. culpæ ff. quod metus causa.* Prout nec illud multum in contrarium facit, quod Ius* ciuile permittat, liberè quem posse transire per agrum alienum, & multò magis per viam publicam. *l. per agrum. C. de seruit. & l. 2. §. 1. ff. ne quid in loco publico, nec non tot. iit. ff. de via publ. & itin. publ. ref.* Id enim verum esse regulariter, plus quàm manifestum est; at secus se res habet in hoc casu. Alioquin nec fur, aut latro, aut debitor fugitiuus capiposset, quod dicere absurdum est. Porrò ad id, quod obiicitur, Iudicem esse incompetentem, & extra territorium suum iudicare; dum repressalias committit, quod est contra *l. ult. ff. de Iurisdictione*
 10 *omn. Iudic. quæ disponit: Extra* territorium ius dicenti impunè non pareri*, sic responderi potest: quòd

Iudex concedens repressalias non dicatur incompetens, quandoquidem ciuis illius loci, contra quem concessæ sunt repressalias, ingrediendo territorium istius Iudicis, dicitur quodammodo delinquere, & ratione delicti sortiri forum apud Iudicem comittentem repressalias, arg. *l. diuus. ff. de seruit. rustic. prædior.* Adhæc, nec illud multum iuuat contrariam sententiam, quod in casu denegatæ iustitiæ à Principe vel aliquo, non habente superiorem, Papa vel Imperator adiri debeat, qui* omnibus 11
 sunt superiores, vt probat supra dictus Ioan. Iacob. à Can. *num. 12.* Quamuis etenim id de iure fieri possit, certum tamen est, non fieri de facto, vt Imperator vel summus Pontifex sint omnibus superiores, & ita auxilium eorum de facto haberi non potest: *argum. auth. vt diff. Iudic. audir. interp. No. §. 6. c. 1. & 2.* Postremò nec illud procedit, * 12
 quod quidam asserunt, repressalias pugnare cum iure diuino. Cum expressè apud Ezechielem cap. 18. Sacra scriptura nos doceat: *quod anima quæ peccauerit, ipsa morti sit obnoxia, & filius non debeat portare iniquitatem patris.* Nam dictum hoc Prophetæ intelligi debet de impletione legis, vitando peccato, & aliis bonis operibus, quibus quisque

quisque pro se studere debet, nec peccata patris filius vt portet necesse est. Secus autem est in represaliis, nam hæ propter iniquitatem alterius gentis, & iustitiam denegatam conceduntur, vt supra notauimus; Et certè multis id exemplis probari potest, * propter delicta alicuius populi vel Regis, totas regiones euersas, & grauiter punitas esse. Primò enim propter peccatum Dauid, quòd populum numerauerit, gladius Domini in populum defecuit, vt videre est lib: 2. Regum. cap. 24. Item propter peccatum filiorum Heli, populus Israeliticus in manus Philistinorū incidit. lib: 1. Reg: c. 4. Item propter peccatum Pharaonis tota Ægyptus percussa est. Exod: 9. & 12. Et propter peccatum quorundam Gabaonitarum, qui abusi sunt vxore cuiusdam Leuitæ, tota tribus Benjamin deleta est. Iudic: c. 19. Hoc tamen Coronidis loco notandum est, quod * non omnibus passim, nec contrā omnes ius represaliarum concedi debeat; sed illis tantum, qui sunt, & tempore damni passi, fuerunt veri subditi illius Principis permittentis repressalias; & contrā exteri Principis subditos (exceptis Priuilegiatis personis, vt studiosis, clericis, legatis, & aliis) non verò contrā subditos

eiusdem Principis, vt notat Iodocus Damhuderius in praxi rerum crim: c. 98. num: 12. & sequent.

OBSERVATIO X.

De contumacia actoris.

S V M M A R I A.

1. Contumaces qui dicantur?
2. Contumacia actoris maior est quā rei.
3. Actor contumax quomodo puniatur.
4. Edictum quando circumducatur?
5. Edicta etiam contra actorem impetrari solent.
6. Differētia inter ius Codicis & Nouellarum de modo procedendi ad sententiam definitiuam, actore contumace existente.
7. De contumacia actoris Iuris Sax: dispositio.
8. Reo contra actorem contumaci duplici modo subuenitur.
9. Ad sententiam definitiuam actore contumace quando perueniatur?
10. Praxi Curia Regalis in contumacia actoris qualis sit.

Contumaces * in iure dicuntur, qui in ius vocati tergiuersantur atq; latitant, vt nimirū eo modo iudicis auctoritatem illudant, & partem aduersam diu ac frustra in iudicio

in iudicio fatigent. Quæ contumacia cum sit res admodum odiosa; multis idcirco pœnis in iure ciuili (aliter tamen in actore quàm in reo) coercetur. Et primum quidẽ quantum attinet contumaciam

- 2 Actoris, quia * iuxta vulgatam regulam ea maior est, quàm rei, vt notat gloss. in c. causam quæ. in verbis ad domum. ext: de dolo & contumacia. idcò durius etiam adstringi solet, prout textus admodum singularis in l. properandum. 13. §. Et si quidem, C. de iudicijs. satis clarè disponit, cuius verba hic adscribere operæ precium esse duxi: Nam si Actor lite iam contestata contumax fuerit, neq; postmodum per tres vices decem dierum spatio per vnum quẽq; introitum destinato, citatus comparuerit, tunc Iudex non obstante absentia eius negotij acta apud se confecta conspiciere debet; et si quidem nihil sufficiens actitatum est, ex quo possit termino causa certa fieri coniectura: volumus non solum partem fugientem ab obseruatione iudicij relaxare, sed etiã in omnes expensas, quæ consuetudo modo circa lites expenduntur, eum condemnare, vera quantitate earum Sacramento fugientis manifestanda, & omni cautela, quam super lite reus exposuit, reddenda, quæ et si remanserit, viribus euacuabitur. Sin autem ex gestis apud se habitis, parte actōis mi-

nimè inuenta, possit inuenire viam, qua manifestum ei fiat, quid statuendum sit etiam absente actore, si eum meliorem causam habere perspexerit, pro eo ferre sententiam non moretur, & præsentem reum absenti actori condemnare: expensis tantummodo litis, quas reus legitime se expendisse iurauerit, cōdemnatione excipiendis, quia hanc pœnam actori & meliorem causam habenti propter solam absentia contumaciam imponimus; nullo penitus ei regressu ad eandem litem conseruando. Sed actor contumax cadat omnino de lite, si reus absoluitur. Sin verò aliqua condemnatio contrà reũ pro absente actore proferatur, quam forsitan non sufficientem sibi actor putauerit fugitiuus, nullo modo iterum, eãdem litem resuscitare concedimus, & hæc quidem pœna actori fiat imposita. Vnde satis liquidò constat, quod * Iudex ob contumaciam actoris ad causæ cognitionem procedere, & eum non solum in expensis, sed etiam in amissione causæ condemnare possit. Nec immeritò. Iniuste enim (vt inquit Imp. Iustin. in Nouella Constit. 112. c. omnem. 3.) agere recusat, qui paratus aduersarium suum ad iudicium vocauit: cum excusatio hæc pulsato magis, quàm actori conueniat. Nec obstat quod in l. & post edictum. 73. §. i. ff. de iudicijs, dicitur, quod actore absente

re absente in termino peremptorio non procedatur ad sententiam definitiuam, sed tantum illius * edicti instantia circūducatur, quod idem est ac si dicat, citatio illa cassetur, vt glossa ibidem notat. Nā hęc de eo casu, quando is qui impetrauit edictum, absens est, intelligi debent, vt scilicet tunc tantum illud circumducatur, per expressa verba *d. l. & post edictum. §. i. ibi: Quod si is, qui edictum peremptorium impetrauit, absit die cognitionis: is verò aduersus quem impetratum est, adsit; tūc circumducendum erit edictum peremptorium: neq; causa cognoscetur, nec secundum præsentem pronunciabitur.* At si is contrā quē edictum impetratum est, absens sit; (nam & contrā actorem * si is actionem in iudicio propositam prosequi nolit, reus tria edicta, nō minori quā triginta dierum spacio vna quaq; cautione concludēda, impetrare potest. *Iudices enim Ordinarij* (vt Imp. Iustini. in *d. No. 112. c. 3. tradit*) non solum præconum vocibus, sed etiam edictis propositis quamcūq; litigatorum partem absentem in iudicium vocare debent. Et aditur ibidem ratio. Quod videlicet vocem præconum pauci possint qui præsentem inueniuntur, audire; edicta verò per multos dies sic posita, possunt penē omnes a-

gnoscerē) tunc licet ad definitiuā perueniatur sententiam; attamen * de modo ad eandem procedendi, inter ius Codicis & Nouellarū magna est differentia. Nam iure Codicis non peruenitur ad sententiam definitiuam actore absente, nisi ex actis iam confectis rei veritas iudici explorata esse possit, vt in *d. l. properandum. d. §. & si quidem.* Iure verò Nouellarum rei veritas inquiritur ex allegationibus conuenti. *d. nu. 112. §. si verò.* in his verbis: *Si verò propositis edictis vocatus ad iudicium venire & suas intentiones aut per se, aut per legitimum* (sic dictum est) *procuratorem proponere noluerit: tunc & aliud vnius anni spacium ei concedimus, intra quod nisi suam intentionem fuerit prosecutus, damus licentiam Iudici, & absente aduersario partis permanentis allegationes secundum nostras leges examinare: & veritate subtilius requisita, legitimam proferre sententiam.* Hinc itaq; manifestē colligi potest, quod iure nouo actor ad prosequendā actionem tribus itidem edictis citari debeat, post quæ si adhuc venire recuset, vsq; ad vnius anni decursum sententia à Iudice proferri debeat, & nihilominus expensas & sumptus litis ante omnia Actor reo dare & refundere teneatur, aliter enim ad agendū

- admitti non posset. per expressum textum *in d. nu. 112. §. Si verò.* circa finem. Et hæc ita se habent iure Ciuili; at iure Saxonum longè aliter obseruatur. Nam * hoc iure, si actor contumax extiterit, & actionem suam non proponat, Iudici multam præstabit, & reo cōdemnabitur ad emendam, sed & reus ab actione liberabitur. per expressum textum *lib. 2. artic. 8.* Quod ita demum in praxi Curiarum Saxonicarum obtinet, si reus per sententiam definitiuam cognitione causæ à Iudice præmissa, petat se absolui ab ipsa actione. Duplici * etenim modo reo contra actorem contumacem subueniri solet. Et primo quidem, etiam absq; speciali ad citationem actoris, reus se absolui ab obseruatione & instantia Iudicis, & actorem in expensis condemnari petere potest. Deinde causam suam, pro qua conuenitur, proponere, & defensiones adferre, atq; ita vsq; ad sententiam definitiuam procedere potest, etiam si lis nondum sit contestata, quod in hoc casu admodum speciale est, vt notat Chilian. Konig in suo processu iuris, c. 36. idq; per textum *in d. c. causam. ext. de dolo & contumacia.* Verumtamen * hoc sciendum est, quòd non tam faciliè ad huiusmodi sententiam definitiuam deueniatur, sed necesse sit, vt prius reus, actore contumace existente, à termino & instantia Iudicii se liberum pronunciari petat. Quo facto si actor reum in ius denuò vocat, & nihilominus à prosecutione actionis cessat, tum demum locum habet dispositio iuris ciuilis, maxime verò *d. nu. 112. ex qua Auth. qui semel. C. quomodo & quando Iudex senten. & c.* desumpta est, vt scilicet tribus edictis à reo citetur, & si nec post trina illa edicta compareat, tunc ad vnus anni decursum Iudex causam illà differre debeat. Et eo demum elapso causam examinare, & si innocentia rei apparuerit, per sententiam definitiuam ab imperitione Actoris eum liberum pronunciare possit. vt notat Chilian. Konig dicto loco. Atque hoc modo reo, contra actorem contumacem abundè prospectum esse iura supra allegata testantur. Sed hæc * in praxi Curia Regalis Io. non vsque adeò obseruantur, vbi huiusmodi contumaciæ actorum, (quas vulgò euasiones vocant) non aliis pœnis affici solent, nisi quod ante litem contestatam, reus actore contumace existente, à citatione seu termino liber pronunciatur; prout inter Sitkovicz & Wierzbicka Anno 96. feria sexta ante festum S. Margarethæ virginis.

ginis, & aliàs sæpissimè pronuncia-
tum fuit. Post litem verò contesta-
tam, quia tam Actori, quàm reo
semper est terminus peremptorius,
ideo actor contumax, sicut & re-
us, in amissione causæ totius con-
demnari solet; quod quotidie ferè
videre licet. Et hoc ipsum in dicto
articul. 8. lib. 2. habetur in his ver-
bis: *Sed & reus ab actione liberatur.*
Et in *artic. 9. lib. eiusd.* ibi: *Qui cum*
incaperit respondere, si alius terminus
sententialiter præfigatur, & in eo non
comparuerit, quasi victus condemne-
tur. Quod non solum de reo, sed
etiam de Actore intelligendum est,
vt glossa ibidem notat, & vel inde
manifestè liquet, quod textus ibi-
dem tam ab Actore, quàm a reo
cautionem de parendo iuri Iudici
acceptare suadeat.

OBSERVATIO XI.

De Contumacia Rei.

S. V M M A R I A.

1. *Rei contumacis ante litem contesta-*
tam pœna ex Iure Ciuili.
2. *Primum & secundum decretum*
quid dicatur?
3. *Secundum decretum quando in-*
terponatur?
4. *Contumacia Rei post litem conte-*
stata quomodo puniatur Iure Ciuili?

5. *Contumacia aliter punitur in acti-*
one reali, aliter in personali.
6. *Iure Sax: reus contumax conde-*
mnatur in amissione causæ.
7. *Fugiens iudicium videtur de sua*
iustitia diffidere.
8. *Reus citari debet tribus terminis,*
& trina contumacia eum con-
demnant.
9. *Reus contumax, multam Iudici*
prestare tenetur.
10. *Reo contumaci conditio inferendi*
legitimi impedimenti reſeruari
debet.

Sed & Actor contra reum con-
tumaciam variis modis proce-
dere potest. Et quidem aliter ex
dispositione Iuris Ciuilis, aliter ex
Saxonici. Nam Iure Ciuili⁶ si reus
legitimè citatus in termino perem-
ptorio non compareat, tunc Actor
contumacia ipsius accusata, se in
possessionem rei, de qua agit, ex
primo decreto mitti, optima ratio-
ne petere potest, prout in *l. 2. in*
verbis: Prætor ait: In bona eius, qui
Iudicio sistendi causa fideiussorem de-
dit; si neque potestatem sui faciet, neq;
defenderetur, iri iubebo. ff. quib. ex
causis in poss. eat. Quod fit pro men-
sura debiti tantum, quando agitur
actione personali, per textum in
auth. & qui iurat. ibi: *Mittet Acto-*
rem in possessionem rerum eius, iuxta
l. 3. mensu-

mensuram declarati debiti. C. de bonis auth. Iudic. possiden. Nam quando agitur in rem, missio fit in possessione totius rei debita, per textum in *l. si quis emptionis. 8. §. sed & si quis. C. de præscript. 30. annorum.*

- 2 Sed* quia hi termini primum & secundum decretum, quibus practici communiter uti solent, iunioribus fortè minus cogniti esse possunt; ideo sciendum est, quod primum decretum dicatur prima missio, quæ fit per Iudicem in bonis contumacis, & quæ efficit, ut in actione reali, is qui mittitur in possessionem, fiat verus possessor rei petita, *d.l. si quis emptionis.* in actione verò personali, solam detentionem acquirat, custodiæ causa, per textum in *l. cum legatorum. 12.* ibi: *Non possidemus, sed magis custodiam rerum & observationem nobis concedit. ff. quibus ex causis in possessionum eat.* Secundum verò decretum, id est, secunda missio, fit per Iudicem, contra eundem reū perseverantem in contumacia; & hæc non solum transfert veram possessionem, sed & rei dominiū, vel usufructu conditionem, ut notat glos. in *l. 2. §. 1.* in verbo *in bonis. ff. si ex noxali causa agatur. & c.* per textum in *l. prætoris officium. ff. de damno infecto.* Ex quibus* manifestè colligi potest, quod hæc
- 3

missio maioris sit præiudicii, quàm prior illa, & ideo non simpliciter interponi debet, sed necesse est, ut prius probetur debitum, per testes vel instrumenta. Sed hæc obiter dixisse sufficiat. Quod si* reus post 4 litem cōtestatam contumax existat; tunc si de causa liquet, potest in contumaciam ipsius ferri sententia definitiva, cuius exequutio fit in rebus & facultatibus ipsius; ita ut etiam reuersus, appellare non possit, nec recuperet possessionem, etiam si cautionem præstare paratus sit, per textum in *l. proparandum. §. Sin autem reus. C. de iudicijs.* Sin autem non constet de causa, & in rem* actum sit, tunc 5 dispositio *l. consentaneum. C. quomodo & quando Iudex.* tenenda est, cuius hæc sunt verba: *A quo ter citatus, si contumaciter præsentiam sui facere neglexerit: non abs re erit, vel ad cogendum eum, ut sese representet, vel possessionem bonorum cui incumbit, ad te transferre, & aduersarium petitorum constituere, vel auditis defensionibus tuis, id quod iuris ratio exegerit, iudicare.* Quod intellige de vera & irrevocabili possessione, ita, ut iam non requiratur secundum decretum, sed anni lapsus sufficiat, ut notat Bart. in *l. 3. §. fin. ff. de acquir. possessione.* Sin autem in personam actum fuerit, missio fit in-

- fit in possessionem, idq; ex primo decreto tantum, sicut & antelitem contestatam, vt supra dictum est.
- 6 Porro * iure Saxonum, (quod etiam praxis Curia Regia tenet) si reus legitimè citatus non comparuerit, cum pro conuicto haberi, & causa cecidisse, videre est in textu Spec. Sax. lib. 2. artic. 9. cuius verba obseruat: præceden: sunt posita, & lib. eodem artic. 24. in verbis: *Non debet aliquis à sua eijci possessione, licet malè possideat, nisi bonorum possessio (ex iusta in ipsius presentia, vel in suis legitimis citatus terminis non compareat) elidatur actio- ne.* Et in fine eiusdem articuli: *Ideo nulli possessio bonorum, nisi in eius presentia, vel interueniente contumacia, abiudicetur:* quibus concordant & alii text. eiusdem iuris lib. eodem artic. 70. lib. 3. artic. 83. & similes. Neque id caret ratione, si quidem * fugiens iudicium, vide-
7 tur de sua iustitia diffidere, & confiteri quodammodo id, de quo cōuenitur, vt in c. Christianis caus. 11. q. 1. & c. honoratus, distict. 74. habetur. Confessus verò pro iudicato est, qui quodammodo sententia sua damnatur l. 1. ff. de confessis.
- 8 Citari * autem reus debet tribus terminis legitimis quatuordecem diebus inuicem distantibus, vt habetur spec. Sax. lib. 1. art. 67. in verbis:

*Qui coram iudicio impelitur, & si præsens non fuerit, vicinum ei iudicium pro termino assignetur. Qui autem pro violentia inculpatur, post tres quindenae, bannitus verò post sex hebdomadas triplicatas ad iudicium citetur, sub banno imperij, & ad legitimum locum iudiciale. Qui tribus edictis citatus non comparuerit, proferibatur. quod itē exprimitur lib. 3 artic. 5. in verbis: Per tres quindenae autem citetur is, qui res alij concesserat, &c. Et lib. 1. artic. 70. his verbis: conqueritur autem quis tribus vicibus super bonis. &c. Vnde satis clarè colligitur, quod de iure Sax. tres contumaciæ requirantur, prout etiam in Curia Regali inter Predocina & Ptaszkovicz Ciues Sandomiriens: Anno 1591. decisum fuit. Et in glossa iuris municipal. artic. 23. iste processus contra contumacē tangitur. Præterea * reus contu-
9 max multam iudici solvere tenetur, per clarū textum lib. 3. artic. 39. in verbis: *Qui in iudicio incusatur, & si vt respondeat à Iudice ei precipiatur, si non responderit, vel se de iure respondere non monstrauerit, tunc mulctaturus sententiatur, quod etiam in secunda & tertia vice pronunciat: & si adhuc non responderit, tunc in actione est superatus. Et lib. 2. artic. 6. ibi: Qui ad iudicium non venit, cum ad hoc teneatur, præstet multam,**

nisi

nisi se iuste poterit excusare. Sed hæc
 10 ita intelligenda sunt, si reus* in fu-
 turo iudicio nullam adferat absen-
 tiæ suæ legitimam causam, vel ali-
 quod legitimum impedimentum,
 ob quod comparere non potuit.
 Hoc itaque Iudex diligenter ani-
 madvertere debet, ne absolute
 sententiam contra reum contu-
 macem ferat, sed conditionem in-
 ferendi legitimi impedimenti eidẽ
 referuet; ac propterea quartus e-
 tiam terminus peremptorius ad in-
 ferendum legale impedimentum
 eidem assignari solet, teste Chilia-
 no Konig in sua praxi. c. 37. num. 3.

OBSERVATIO XII.

De legitimis impedimentis.

S V M M A R I A.

1. *Legitimæ necessitates excusant à pœna contumaciæ.*
2. *An & de alijs iustis causis idem intelligendum sit?*
3. *Vis fluminis & amissio equi, habentur pro legitimis impedimentis.*
4. *Mercatura vel studiorum causa absentes non censentur pro contumacibus.*
5. *Idem in eo qui ob incommoditatem loci absens est.*
6. *Frivola causa non merentur excusationem à pœna contumaciæ.*

7. *Absens legitimum impedimentum iuramento comprobare debet.*
8. *Usus terrarum Saxoniæ, ut per nuncium legitima impedimenta denuncientur.*
9. *Iuris Polonici circa probanda legitima impedimenta dispositio.*
10. *Praxis Curia de legitimis impedimentis.*

C Onsequenter quæri potest: An
 & illis, qui iustis necessariisq;
 occupationibus detenti, in iudici-
 um venire non possunt, pœnæ cõ-
 tumaciæ irrogentur? Et quod *
 quatuor illæ causæ, quæ vulgò le-
 gitimæ necessitates appellantur,
 vt sunt, captiuitas, infirmitas, pe-
 regrinatio extra fines terræ, & pu-
 blica expeditio, excusent à pœna
 contumaciæ, nullum dubium est.
 Siquidem textus non solum Iuris
 Ciuilis, vt in l. 1. §. 1. ff. ex quib. cau-
 sis maior in integr. restit. & in l. 17. in
 fine cum ll. sequent. ff. de procurat. Sed
 etiam Iuris Saxonici, vt in lib. 2. ar-
 tic. 7. videre est, satis abundè de
 eo tractant. Quod etiam in Curia
 Regali quotidie ferè practicatur:
 cuius rei exempla referre super-
 uacaneum fore existimaui. An *
 verò & de alijs quibuscunque iu-
 stis causis idem intelligendum sit,
 maius est dubium. Verumtamen
 DD. Iuris, propter similitudinem
 ratio-

rationis, nec non propter generalem clausulam in d. l. 1. ff. ex quib. caus. maior in integr. resut. expressam, his verbis: *Item si qua alia mihi iusta causa esse videbitur, in integrum restituiam.* idem omninò intelligendum esse, vnanimi ore statuunt, teste Roizio in decs Lithuā: 4. num. 3. Proinde * si quis vi fluminis vel equi amissione prohibeatur ad iudicium venire, hac exceptione legitimi impedimenti, a pœna contumaciæ immunis esse debet, per textum manifestum in l. non exigimus. 2. §. 6. ff. si quis caut. in iud. sist. caus. fact. in verbis: *Quod diximus, succuri etiam ei, qui tempestate, aut vi fluminis prohibitus non venit; tempestatem sic intelligere debemus, siue maritima, siue terrestris sit tempestatem intelligere debemus talem, qua impedimento sit itineri, vel navigationi. Vis fluminis etiam sine tempestate accipienda est. Vim fluminis intelligimus, & si magnitudo eius impedimento sit, siue pons solutus sit, vel nauigium non fiet. Si quis tamen cum posset non incidere in tempestatem, vel in fluminis vim si ante profectus esset, vel tempore opportuno nauigasset; ipse se arctauerit: nunquid exceptio ei minimè profit? quod quidem causā cognita erit statuendum: vbi plura in hac materia videre licet, quod etiam glos. iuris*

Sax. d. lib. 2. art. 7. vt potè ad equas hos casus, captiuitati & ægritudini, clarè admodum explicat. Et decreto Curia Regalis inter Simonem Barscz & Tilenhaus Anno 91 idipsum approbatū est. Vel * qui mercaturæ faciendæ, reiue dominicæ expediendæ, aut quod magis est studiorum causa, peregre absit, quos casus dicta glos. art. 7. ad posteriores duas legitimas necessitates, non sine magna iuris & equitatis ratione refert. Præterea * i quis eò, quò vocatus est, ob hostiū incursum, vel ob pestem grassantem vel denique ob fortuitam aliquam calamitatem, tuò venire non possit, non iniuria pro contumace cēseri non debet, per expressum textum d. l. 2. §. pen. in verbis: *vel aliqua fortuita calamitas. & c. ff. si quis caut. in iudic. sist. caus. fact. & in l. Fulcinius. 7. §. 4. ff. quib. ex caus. in poss. eatur.* Quibus concordat textus idem iuris Canonici, c. accedens. 4. ext. vt lite non contestata. c. Pastoralis. 2. vers. notorium. Clement. de sentent. & re iudic. & c. ad supplicationem. ext. de renunciat. Quod etiam ad locum inhonestum non niquè producit, arg. l. isti quidem. 8. §. quod si dederit. ff. quod metus causa. tex. in l. quid tamē. 21 §. pen. ff. de recept. qui arbit. in verbis: *Sed si in aliquo locum inhonestum adesse iusserit, puta*

in popina, vel in lupanarium, ut Vi-
nianus ait, sine dubio impune ei non
parebitur. Hinc itaque colligitur,

6 quod ob quasunque, iustas ta-
 men & legitimas, non autem * fri-
 uolas quasuis causas / qualis ratio-
 ne fractionis rotæ inter Procons.
 & Conf. Ciuitatis Crac. & Mat-
 thiam Wilk Anno 96. Sabbato an-
 te festum S. Agnetis coram iudicio
 Regali allegata fuit / absens pro
 contumace non habeatur. Quæ

7 ita demum obtinent, * si absens
 huiusmodi legitimum impedi-
 mentum, iuxta iuris præscriptum
 corporali iuramento comprobare
 paratus sit, prout in causa Andreæ
 Dabrovvski & Suętoslai Orzel-
 ski Anno 91. ratione diuisionis do-
 mus lapideæ in circulo Ciuitatis
 Poshnaniensis sitæ, & multis aliis in
 Iudicio Regali processum fuit. Pro
 quo facit etiam textus iuris Saxo.
d. lib. 2. artic. 7. in verbis; Si ali-
qua prædictarum causarum aliquem,
ut ad terminum iudiciale sibi præfi-
xum venire non posset, impediret,
ipse pro eo, dummodo, ut iuris est de-
monstretur, damnum non sentit ali-
quale, & ipse usq; ad primum iudicia-
lem terminum post prædictæ causæ ces-
sationē inducias obtinebit. Quæ ver-
 ba ex Germanico textu clarius
 hoc modo explicari possunt. Si
 absentiam suam quis iuxta iuris e-

xigentiam denunciauerit per nū-
 cium cuiuscunq; conditionis ille
 sit, indemnis erit. Quod * ita se-
 cundum communem vsum terra-
 rum Saxonie intelligi debet, ut ni-
 mirum reus, legitimo impedi-
 mento præpeditus, quo minus compa-
 rere possit, nuncium (quem vul-
 go DD. Excusatorem vocant)
 ad iudicem mittat, & per illū cau-
 sas suæ absentie exponat; qui ne-
 cesse habet, causas nomine sui
 principalis allegatas, mediante cor-
 porali iuramento comprobare, li-
 cet sit in arbitrio actoris, velin-
 de ab eo iuramentum recipere, an po-
 tius ab ipso met reo, cum iudicio
 sese præsentauerit, illud expetere,
 ut in gloss. *d. art. 7. lib. 2.* habetur.
 Illud tamen ita demum verum est,
 si is nuncius speciale mandatum
 habeat ad iuramentum præstan-
 dum. Quamuis enim absq; specia-
 li mandato causas absentie alle-
 gans, audiatur; attamen absque
 speciali mandato super legitimita-
 te impedimentorum sui domini iu-
 rare non potest, per expressum tex-
 tum in *c. qui ad agendum de procu-*
rat. in Sexto. Porro * in Regno sub-
 inde hæc variant. Iure etenim mu-
 nicipali, quo Nobiles terrigenæ
 vtuntur, absens infirmitatem su-
 am (quæ sola censetur pro legiti-
 mo impedimento) per Nobilem
 posse-

possessionatum, territorii illius, in quo bona principalis consistunt, primum denunciare; postmodum verò in proximo iudicio iuramento corporali metteritius id ipsum comprobare debet: iuxta Statutum Regis Sigismundi Petric. Anno 1523. In praxi * verò iuris Magdeburgen. quod Curia Regalis in decidendis causis incolarum civitatum & oppidorum Regni sequitur, non solum iuramentum a nuncio non expetitur, sed etiam neq; nuncius mitti solet, & nihilominus reus in proximo iudicio legitimū impedimentum inferre, illudque iuramento probare potest, prout in causa inter Ioannem Baricz & Fabianum Dameravv Anno 91. feria 4. post post festum S. Margarethæ virginis, decissum fuit.

OBSERVATIO XIII.

De Libello & Guaranda.

S V M M A R I A.

1. *Libellus quid dicatur?*
2. *Libellus ex consensu partium omitteri non potest.*
3. *In Regno propositio actionis libelli vim obtinet.*
4. *Libellum auctori mutare Iure Civili permissum.*
5. *Libellus an ipso iure, an per sententiam Iudicis mutandus sit.*

6. *Libellus quando corrigi aut mutari possit.*
7. *Praxis Curia in eo passu qualis.*
8. *Guaranda prestita (secundum ius Saxonum) actionem mutare non licet.*
9. *Guaranda seu varanda qua dicatur.*
10. *Auctor post prestitam guarandam reum defendere debet.*
11. *Varanda promittitur, non prestat.*
12. *Pœna non servata varanda.*
13. *In Regno pœna non servata guaranda non semper attenduntur.*
14. *Libellus mutari potest in forma, qualitate & materia.*
15. *D. scientia, quod post guarandam, substantialia tantum mutari non possint.*
16. *Reus post susceptionem Guarandæ tenetur respondere.*

SED an libellus ab auctore reo oblati mutari possit? Et in primis sciendum est, quod * libellus in iure pro scriptura, quæ actionem continet, accipiatur. Vocato etenim in ius reo, & comparente, auctor actionem suam libello comprehensam offerre atq; edere tenetur, ut scilicet reus deliberare possit, cedere an se se detedere debeat & ut cognita actione instructus veniat. tot. tit. ff. & C. de edendo, & in an. h. offeratur.

- offeratur. C. de litis contestat. Qui libellus adeo est in iudiciis necessarius, ut etiam de consensu partium omitti non possit: siquidem est de processu, ut tradit Chilianus. König in suo processu iuris, c. 49. Et ideo in terris Germaniæ, in omnibus fere iudiciorum subselliis, ante omnia libellus ab actore proponi solet; qui et mos, etsi in Regno nullibi obseruetur, attamen in locum libelli propositio actionis successit, ut pote, non re mutata, sed modo & nomine. Quamobrem quæ hic de mutatione libelli dicuntur, ea etiam de proposita actione intelligenda sunt. Redeundo itaque ad propositam quæstionem, dico,*
4. quod Iure Civili licitum sit Actori libellum reo oblatum mutare, per expressum textum in l. edita 3. in verbis: *Edita actio speciem futura litis demonstrat; quam emendari, vel mutari licet, prout edicti perpetui monent auctoritas, vel ius reddentis decernit aequitas. C. de edendo.* Unde manifestè liquet, quod et non ipso iure (ut quidam ex constitut. renouata, cuius in §. si quis aliud. 35. Instit. de act. fit mentio, deducunt) sed auctoritate iudicis causa cognita hæc libelli emendatio permittatur. Vtrum autem tam ante quam post litem contestatam, hoc procedat, variè a DD. disputatur, ut in glos.

d. l. edita. videre licet. Communis tamen conclusio est, * quod libellus seu propositio actionis emendari atque declarari usque ad sententiam, per textum in l. in delictis. 4. §. fin. ff. de noxalibus. action. Mutari verò, & quoad substantialia corrigi, non nisi ante litem contestatam possit: si quidem (ut IC. Paulus in l. 23. ff. de iudicijs ait) non potest videri in iudicium venisse id, quod post iudicium acceptum accidisset. Quod et in Regno observari, praxis Curia docet, cuius rei exempla cuius obuia esse possunt. Sed & iure Saxonum, istam licentiam emendandi libelli post litem contestatam cohiberi, vel inde satis expressè colligi potest, quod reus statim, post oblationem libelli possit ab actore petere guarandam, qua præstita actionem suam amplius emendare non potest: ut est textus eiusdem Iuris lib. 3. artic. 14. in verbis: *Contra quem agitur actione iniuriarum, primò varandam petat actionis, quoniam ante huiusmodi varanda præstationem, actor suam corrigendi actionem liberam habet facultatem, quam post huiusmodi præstationem non est habiturus.* Et lib. 1. artic. 63. ibi: *Post hac reus petat actionis varandam, quæ ei est facienda. Licet tamen potest quis actionem suam ante varanda præstationem instatam perducere.*

perducere meliorem. Dicitur autem varanda seu Guaranda (quæ est vox Saxonica) cautio, quam actor reo præstare tenetur, quod videlicet eum defendat, si ab alio eiusdem rei nomine conueniatur. Neque enim in hoc solum prodest reo, quod actor actionem mutare non possit, sed etiam quod * teneatur reum defendere, ne eius rei nomine ab alio conueniatur, per expressi text: in lib. 2. artic. 15. in verbis: *Qui coram iudicio causam inchoauerit, pro qua ipsum varendam præstare oportuit, si ea sic facta, postmodum alter superueniens causam apud iudicem proponat eandem, & qui prior agere cepit, superuenientem iure per sententiam amouere non poterit, huic causam dimittere eum oportebit cum recompensa sui dimidia, & præstando multam iudici, aut carcere manu dextra, cum qua varendam promittebat.* Ex quibus verbis manifestè liquet, quod * varanda datantum manu dextra promitti; non autem cautione firmari (vt quidam existimant) soleat; siquidem * pœna non seruaturæ guarendæ sit amissio manus dextræ, cum qua promissio est facta, vt ibidem habetur. Quod tamen valdè mirum videri possit, cur legislator istius iuris, in causis criminalibus, ob non seruatam guarandam, dupli-

cem & valdè inæqualem pœnam statuerit; vt potè, aut amissionem manus, aut solutionem dimidii verigeldi. Cum nemo tam insipiens inueniri possit, qui non potius hanc exiguam pecuniâ exoluere, quàm tot cruciatus in amputatione manus pati malit. Qua in re quamuis mirè sese torqueant authores istius Iuris, & maximè Chilian Konig in suo processu iuris c. 48. dicens, quod lex dura quidem sit, sed nihilominus seruari debeat, & non omnium ratio reddi possit; illud tamen is qui differentias Iuris Civilis & Saxonici compilauit, optimè meo iudicio distinxisse videtur. Vt, si nimirum causa, ob quam varanda præstita est, fuerit civilis, quod tunc actor persoluat, primò multam iudici, deinde aduersario pœnam 30. solidorum luat, & rem petitam amittat. Quod si causa fuerit criminalis, & actor guarandam præstitam violauerit, tunc pœna eius sit amputatio manus: ita tamen, si actione criminali pro pœna actum fuerit: secus, si civiliter actio instituatur: nam eo casu solutione dimidii Verigeldi liberatur. Et hanc distinctionem glossa etiam iuris Municipalis probat, vt in artic. 115. videre est. Verum hæc pœnæ in * Regno non tam stricte obseruantur; quinimò & huiusce-

modi guarendæ promissio plerumque à partibus omitti solet, & nihilominus lite iam contestata, mutare propositionem actionis non licet: Nam hac in parte praxis Curia Regalis magis iuris ciuilibis dispositionem sequitur, quod non permittit, vt reus continuis libelli mutationibus prægrauari debeat, vt supra dictum est. Sed & hoc obiter
 34 notandum est, quod * mutatio libelli seu propositionis fiat variis modis, vt potè, in forma, qualitate & materia. Et forma quidem in libello tunc mutatur, quando libellus inordinatè conceptus in ordinem redigitur; qualitas verò cum ab actione vel a reo priore disceditur, exempli gratia; Si prius agā ciuilitè, postea verò volo agere criminaliter, vel si propono contra reum tanquam peregrinum, deinde verò dico esse ciuem, vt notat glossa *d. lib. 2. artic. 15.* Denique materia mutatur, quando plus vel minus peto, quam prius petii, vt potè, si pro viginti prius aliquem conueniebam, nunc autem peto ab eodem decem, & è contrà, vt in *§. Sin autem plus intentione. Instit. de actionibus.* Verum tamen DD. iuris communiter statuunt, quod * guaranda tum temporis tantum infringatur, quando libellus mutatur in substantiali-

bus, non autem quando in formali-
 bus: vt habetur per Albertum Brun. Asten. in suo *tract. de augmento & diminutione. in 3. principali conclusionem. post num. 4.* Quod in vsu & praxi strictius obseruari videmus, ita, vt actor post præstitam varandam vix vnum iota propositioni suæ adicere possit. vt notat Chilian Konig *d. loco.* Sed & * reus per 16
 susceptionem varandæ iam censetur sese ad respondendum obligasse, & ideo neque exceptionibus responsionem declarare (pro-
 ut inter Rabrocki & Kupcov vicz in Curia Regali decisum fuit Anno Nonagesimo nono, feria secunda post Dominicam inuocauit: neq;
 Actori iuramentum deferre potest, sed cogitur sine diffugiis quibusuis ad libellum respondere, per textum *lib. 1. artic. 6.*

OBSERVATIO XIV.

De satisfactionibus actoris & rei.

S V M M A R I A.

1. *Cautio de lite prosequenda & expensis refundendis ab actore præstari debet.*
2. *Consuetudo quorundam locorum satisfactiones abrogauit.*
3. *In Regno satisfactiones tam ex parte actoris, quam ex parte rei habent locum.*

4. Reus de parendo iuri cautionem prestare solet.
5. Possessor quis dicatur, & quantum possidere opus sit.
6. Bona immobilia non possidens, quomodo cauere debeat.
7. Satisfidendi modus triplex in iure assignatur.
8. Qualis satisfatio ab his quibus reuerentia debetur accipienda sit.
9. Pignoribus an satisfdari possit.
10. Locupletes fideiussores qui dicantur.

Satisfidationum modus, quia alius antiquitati placuit, alium nouitas per vsum amplexa est, vt inquit Imp. Iustin. in pr. *Instit. de satisfdat.* ideo omisis hisce iuris antiqui obseruationibus, ius nouum & praxim forensensem prosequi, ex re magis fore existimaui. Inprimis itaque sciendum est, quod iure * nouo actor ante, vel post litem contra reum in iudicio contestatam, cautionem de lite vsque ad finem prosequenda, & de expensis litis refundendis, si appareat eum minus iuste litem mouisse, prestare teneatur: per expressum textum in *auth. generaliter. C. de Episcop. & Clericis. ibi: Et actis interuenientibus fideiussorem idoneum periculo competentis officij præstet, quod usq. ad finem litis permaneat, eamq.*

vel per se, vel per procuratorem exercet. Et si conuictus fuerit, iniuste mouisse litem, expensarum sumptuumq. nomine decimam partem quantitatis in libello comprehensæ pulsato restituat; Cui & si concordare videatur *Auth. libellum. C. de litis contestat.* his verbis: *Libellum verò non alias actor dirigat, nisi prius & in ipsum quem dicit obnoxium, & in negotij executorem exponat cautionem, se scilicet vel intra duos menses litem contestaturum, vel omne damnum, ei qui conuenitur, contingens, restitutum in duplum, cautione tamen non transcendente triginta sex aureos: attamen inter istas authenticas (iuxta glossæ opinionem) hanc esse differentiam existimarem, quod hæc ante libellum iudici datum, & de inchoanda lite, illa verò post, & definienda causa loquatur. Quibus suffragatur etiam ius Saxonum, vt videre est in lib. 2. artic. 9. in verbis: Iudex ab actore. & reo cautionem recipere debet, vt iurise representet, & ipsi suorum iurium in iudicem cōfidebunt.* Nonnullis * tamen in locis hæc satisfatio de vfu & consuetudine non seruatur, prout admonet gloss. in 5. *Sed hodie. in verbis nullam satisfidationem. Instit. de satisfdat.* Et Mysingerus ibidem in suis Scholiis in *Instit.* exclamat. redarguendo hominum, in conseruan.

seruandis bonis & honestis rebus negligentiam, quod videlicet nihil horum nunc in foro seruetur.

- 3 Quapropter * non sine magna omnium commendatione huiusmodi satisfationes tam ex parte actoris, quam ex parte rei in Regno locum habere praxis eiusdem Curiae docet. Ita tamen, ut actor non nisi de damnis & litis expensis caueat, & hoc si nullam ostendere posset possessionem. Reus porro
- 4 * saltem de parendo iuri cautionem praestare tenetur, per expressum textum in d. l. §. *Sed hodie. Instit. de satisfat.* ibi: *Sed hodie haec aliter obseruantur, siue enim quis in rem actione conuenitur siue personali suo nomine, nullam satisfationem pro litis estimatione dare compellitur, sed pro sua tantum persona, quod in Iudicio permancat usque ad terminum litis, quod itidem si bona immobilia possideat, ab eo extorqueri non debet, per textum in l. sciendum. in pr. ff. qui satisfat. cogantur. Possessor autem is accipiendus est, (ut in d. l. sciendum. habetur) qui in agro vel ciuitate rem soli possidet, aut ex asse, aut pro parte. Sed & qui vectigalem, id est emphiteuticum agrum possidet, possessor intelligitur, item qui solam proprietatem habet, possessor intelligendus est. Eum verò qui tantum usum fructum habet, possessorem non esse*

Ulpianus scripsit. Nam cum praedia pro praedibus sufficiant, in quorum possessionem mitti potest actor, si reus contumax fuerit, ut videre est tot. tit. ff. *de bon. autn. iud. possid.* merito ab his alia cautio, praeter quam nuda repromissio exigere non debet, per expressum text. in §. *Sed hodie.* in verbis: *vel nudam repromissionem &c. Instit. de satisfat.* Quantum verò opus sit possidere, ut quis pro idoneo possessore habeatur, gloss. in d. l. sciendum. §. in verbo compelli, notat, ut potè, sufficere, si quis iuxta quantitatem & estimationem repetitae bonae immobilia possideat. Iure autem Saxonum ad quantitatem vnius Werigeldi, per textum eiusdem Iuris lib. 2. artic. 5. in verbis: *Qui tantum de proprietate quantum precij summa sui constat werigeldi habet, is in ea iurisdictione, si contra eum actio iniuriarum mouebitur, necessario non ponat stipulantem, & ibi glossa luculentius tradit.* Alioquin * is, à quo

5 petitur cautio, si nulla habeat bona immobilia, fidei iussores idoneos dare, vel in defectu horum, iuratoriae cautioni committi solet. Quod multis exemplis probari potest, prout inter Zalasovvski Conuilem Crac. & Simeonem Simonovvicz ciuem Biecen. Anno 91. tum & inter Bronovvski & Witalize-

taliszewski Anno 96. feria quinta post festum Visitationis Beatæ Mariæ Virginis, in eadem Curia sententiatum fuit. Quod certè etiam iuri communi maximè est consentaneum, per supra citatā *auth. generaliter. C. de Episcop. & Clericis.* in verbis: *Aut si fideiussorem dare non valet, super iisdem iuratoriis exponat cautionē, & tactis sacro sanctis Euāgeliis adfirmet se fideiussorem dare non posse &c.* Quæ omnia clarius illustrat text. in d. §. *Sed hodie.*

- 6 *Instit. de satisfat. vbi * triplex huius satisfationis assignatur modus. Aut enim (inquit textus) sua quis committitur promissioni cum iure iurando. Quod intellige quando reus nulla possidet immobilia in illo territorio vbi conuenitur, vt supra dictum est, neq; propter inopiam fortè potest inuenire fideiussores idoneos; tunc eo casu necessario cautioni iuratoriæ statuitur. vel nudā promissionem: puta bona immobilia, quæ liti sufficiant, possidens, vel satisfationem (pro qualitate personæ suæ) dare compellitur. Respicit Imper. Iustin: ad eos, qui non habent bona immobilia, vel habēt quidem, sed non sufficientia; verum & in his habetur ratio personæ, puta in dignitate, vel officio constitutæ, item * cui obsequium & reuerentiam debeamus, vt potè*

si patronus aut parens in ius vocetur. Nam ab his etiam qualemcūque fideiussorem prætor vult accipi, in secus facientē pœna quinquaginta aureorum imposita, vt videre est in l. 1. & 6. ff. in ius vocat. vt eant. Cum aliās * satisfidetur vel datis pignoribus: teste gloss. in l. 1. ff. qui satisfid. cog. quod etiam praxis quotidiana sequitur. Quamuis inter DD. Iuris (propter legem prætoriam satisfationis 7. ff. de prætor. stipulat. vbi dicitur: quod prætorie satisfationes personas desiderant: & neq; pignoribus quis, neq; pecuniæ, vel auri, vel argenti depositione in vicem satisfationis fungi possit) magna sit de eo controuersia. Quod alii speciale esse in prætoriis satisfationibus, quæ non solum securitatis causa, sed etiam ob conueniendi facilitatem exigebantur: Alii verò de eo casu, quando vtraque pars in pignora consentit, intelligunt: Vel de fideiussoribus locupletibus & idoneis per d. l. 1. ff. in ius vocat. vt eant. Locupletes autem * & idonei non tantum ex facultatibus intelligi debent, sed etiam ex conueniendi facilitate, per textū in l. fideiussor. 2. statim in pr. Fideiussor in iudicio sistendi causa locuples videtur dari, non tantum ex facultatibus, sed etiam ex conueniendi facilitate, ff. qui satisfid. cogantur. id est,

qui non dicatur habere fori præscriptionem per text. express. in l. Si fideiussor. 7. in pr. ff. qui satisfac. cog.

12. Capitalis pena non tantum mortē sed etiam exilium comprehendit.
13. In criminibus atrocioribus nemo fideiussorie cautioni cōmitti debet.

OBSERVATIO XV.

Vtrum accusans aliquem de crimine, satisfacere teneatur; & an reus criminis fideiussoribus cōmitti debeat.

S V M M A R I A.

1. In criminalibus accusator ad pænā talionis sese inscribere & custodia similitudinem subire tenetur.
2. Accursij sententia, quod etiam sine inscriptione accusator subeat pænā talionis.
3. Inscriptio non requiritur ex Imp. Caroli Constitutione.
4. Vfus obtinuit vt accusator ad certam pecuniā summam se inscribat.
5. An reus criminis fideiussoribus cōmitti debeat.
6. Hyppoliti de Marsilijs sententia de fideiussoribus in causa criminali.
7. Nemo est membrorum suorum dominus.
8. Contractus & delicta equiparantur.
9. Alius pro alio se vadem dare potest.
10. Veseimbecij distinctio inter personas honestas & viles.
11. Pena acrior infligitur vilioribus, quā honestioribus.

A Superiori dependet etiā hæc quæstio. Vtrum accusans aliquem de crimine satisfacere teneatur? Et Iure * quidem ciuili, in causis criminalibus, accusator ad pænā talionis se inscribere tenetur: per textum manifestum in l. pen. & ult. C. de accusat. ibi: Sed quis quis ille est, qui crimen intendit, in iudicium veniat, nomen rei indicet, vinculum inscriptionis arripiat, custodiæ similitudinem, (habita tamen dignitatis æstimatione) patiat. & c. Quanquam gloss. in l. 2. verbo periculi. C. eodem, huic admodum reclamet, ex ea potissimum ratione, quod * etiam sine inscriptione, accusator non probans suam intentionem, subeat eandem pænā: per l. 1. ff. de aduoc. diuers. Iudic. & l. 1. §. idem Diuus. ff. de testibus. Nam hocinde elici non potest, vt non sit necessaria inscriptio, quinimò præsumitur accusator legitime processisse in causa si se inscribat. Imperatoris verò Caroli * noua hac de re extat Constitutio, Anni videlicet 1530. & 1521. quæ talem inscriptionem non requirit, sed vt accusator vnā cum inculpato in

vinctus

vinculis tantisper detineatur, donec causa examini subiiciatur, quod optimè congruit, tam cum textu iuris ciuilibis, in d. l. fin. C. de accusatio. quàm etià cum iure Sax: in lib: 1. art. 61. ibi: *Qui fideiussorẽ habere non poterit, nec ibidem habet hereditatem, illum iudiciaria potestas reseruet, si aliquem criminaliter accusat, vel ipse accusetur.* Verum * consuetudo in quibusdam locis obtinuit, quod accusator ad certam pecuniæ summam se obstringere soleat, quæ a reo nominari quidẽ, sed a iudice taxari debet. teste Chiliano Konig in suo processu iudic. c. 47. in fin. Porro in hac materia criminali admodum dubia oritur quæstio. An * etiam reus criminis alicuius fideiussoribus committi debeat? Et quamuis pro parte affirmatiua textus iuris ciuilibis expressi militent, vt potè in l. 2. in pr. l. 3. & 4. ff. de custodia & exhib. reor. & in l. 3. §. 7. in verbis: *vel sub fideiussoribus.* ff. de bon. eor. qui mort. sibi consciu. Nec non textus iuris Canonici in c. si clericos. 15. de sentent. excom. in 6. in verbis: *Eosdem quoque clericos si de parendo iuri tibi fideiussoriam dederint cautionem, detinere non debes.* Et in c. cum homo. 23. quæst. 5. ibi: *Et aliquando, qui causa mortis fuit, potius in culpa est, quàm ille, qui occidit; veluti, si quis-*

piam decipiat fideiussorem suum, atq; ille pro isto legitimum supplicium luat. Vnde liquidò constat, fideiussionem etiam in causa criminali capitis locum habere; Attamen interpretes iuris, alii aliter de hac quæstione sentire videtur. Et quidẽ Hyppol. à Marfiliis in suo tract. de fideiussoribus num. 210. distinguendum putat. Vtrum * videlicet reus criminis pœna corporali, an verò pœna pecuniaria afficiendus sit, vt posteriori casu fideiussio locum habeat; non item priori. Ratio est quia nemo potest se obligare * ad pœnam corporalem cum non sit dominus suorum membrorum. l. liber homo. 13. in pr. ff. ad l. Aquil. Quæ ratio non mihi videtur vsq; adeò sufficiens. Si enim delinquendo potest quis sese obligare ad pœnam corporalem; mirum est cur non etiam promittendo; siquidem * contractus & delicta parificantur. in l. omnem. ff. de Iudicijs. & nou. 69. §. hac considerantes. Præterea, si is qui suscipit in se custodiam carceris capite punitur, vt in l. fin. §. 2. ff. de custod. reor. & sic propter factum alienum; nullum est dubium, quod multo magis ex conuentione sua possit quis obligari ad pœnam corporalem. Nec desunt eius rei exempla, sed breuitatis studio vnũ ex multis deli-

9 tis deliberare placet, illud nimirū,
 quod * Valer. Max. *lib. 4. c. 7.* de
 Damone & Pythia Pythagoricæ
 disciplinæ studiosis recenset, quo-
 rum alter pro altero in causa ca-
 pitali vadem se dare non dubita-
 uit. Huius ferè simile refert etiam
 Petrus Roisius in sua decisione
 Lithuanica iv. de quodam rusti-
 co Lithuano. Vesembecius verò
 in tit. *ff. de custod. & exhib. reor.*
 10 aliter distinguit, nimirum * inter
 personas in dignitate constitutas,
 & honestas, atq; amplissimas facul-
 tates habentes; & personas viles,
 quas nequaquam fideiussoribus
 in crimine capitali committendas
 esse putat, sed in vinculis detinen-
 das. Quod, qua ratione verum
 esse possit, non satis constat, nisi
 11 quod fortè pœna * acrior homini-
 bus inferioribus infligatur, quàm
 honestioribus, iuxta *l. ult. C. quæ
 res vendi non poss.* & ibi gloss. quod
 tamen locum habet in criminibus
 leuioribus, in quibus pœna capitis
 non irrogatur. Nam in his æquè
 pauper vt diues; vilis, vt in digni-
 tate constitutus, punitur; pro-
 pter generalia iura, quæ de pu-
 blicis iudiciis sunt scripta. Ego
 verò vtriusque interpretis sen-
 tentiam hac distinctione opti-
 mè temperari posse existimo:
 vt scilicet, si commissi criminis

pœna sit capitis, nemo committa-
 tur fideiussoriæ cautioni, propter
 allegata iura. Si verò alia pœna
 capitalis, puta relegatio aut depor-
 ratio, eo casu personam honestā,
 & in dignitate constitutam, fide-
 iussoribus cōmitti posse dixerim.
 Nam in hoc casu fideiussor ad pœ-
 nam capitalem obligatus, (capita-
 lis * autem pœnæ appellatione nō
 tantum mors, sed etiam exilium,
 ignis atq; aquæ interdictio conti-
 netur, iux. *l. 2. ff. de public. Iudic.*)
 si reus fallat, poterit mulctari ma-
 gna pecuniæ summa, iuxta arbi-
 trium iudicis, nisi (vt fieri solet)
 certam ipse promiserit, per textū
*in l. si quis. 4. in verbis: pœna pecu-
 niaria plectitur. ff. de custod. & ex-
 hib. reor.* Et reus ipse nihilominus
 pœna infamiæ notatur, quia eo
 ipso videtur delictum confiteri:
 arg. *lin. cos. 13. ff. de custod. & exhib.
 reor.* Id tamen aliter se habet in vili-
 bus personis, quæ aut non facilè
 fideiussorem inuenire possunt, ni-
 si fortè similem sibi, qui tanta pœ-
 na pecuniaria mulctari non possit:
 aut etiam, quia nota infamiæ in hu-
 iuscemodi personis parum atten-
 ditur, cum iuxta vulgatum dictū,
 Nudo nihil amplius detrahi possit;
 sic qui iam ante vilis & inhonestus
 habetur, amplius dehonestari non
 potest. In * criminibus porro atro-
 cioribus

cioribus, ex quibus pœna capitis irrogatur, vt potè homicidio, adulterio, criminelasæ maiestatis, & aliis, par vtriusque conditionis hominum est ratio, vt supra docui. Nec obstat, quod quidam We-grzynek Ciuis Crac: nâcis cuiusdam Lochocki inculpatus, & in vinculis detentus ex decreto Sac. R. M. Anno 1591. lato, cautioni fideiussorię commissus fuerit. Hoc etenim casu accusator istius criminis suam intentionem probare destiterat. Vnde sicut actore non probâte reus absoluitur, ita accusatore cessante, reus simpliciter absolui debet, per expressum textũ in l. qui accusare. 4. C. de edendo. Et nè scelera manerent impunita, rectè meo quidem iudicio, etiam hæc cautio in superabundanti ab inculpato exacta fuit, vt scilicet accusatore aliquo existente inculpatus denuò in iudicio sese sistere teneretur.

OBSERVATIO XVI.

Vtrum fideiussor non prius conueniri debeat, quam excutiat debitor principalis.

S V M M A R I A.

1. *Excussio debitoris quid dicatur.*
2. *Fideiussor habet beneficium excussionis.*

3. *Excussionis beneficium non competit fideiussori, quando debitor principalis absens est.*
4. *Tempus deducendi principalem datur fideiussori.*
5. *Fideiussor renuncians beneficio excussionis, & quando constat notoriè, debitorem soluendo non esse, hoc beneficio amplius vti nõ debet.*
6. *Iuris Sax: de fideiussore conueniendo dispositio.*
7. *Praxis Curie Regalis.*
8. *Leges Codicis potestatem relinquunt creditori, vt omisso reo possit conuenire fideiussorem.*
9. *Leges priores tolluntur per posteriores.*
10. *Fideiussor soluere promittens id quod à debitore debetur, non habet beneficium excussionis.*
11. *Cautela in fideiussione obseruanda.*

OPtima quæstio & frequenter in Iudiciis versata occurrit: Vtrum fideiussor non prius conueniri debeat, quam excutiat debitor principalis, id est, *quàm bona atque res principalis debitoris, ad vngulam vsq; , vel (vt DD. Iuris tradunt) ad saccum & perâ, per Iudicem inquirantur & discutiantur? Et quamuis Iure Ciuili generaliter loquendo, quilibet *fideiussor intercedens pro alio, habeat beneficium excussionis, prout id in Nouel.

in *Novel. Constit. 4. c. 1.* his verbis continetur. *Si quis igitur crediderit, & fideiussorem, aut mandatorem, aut sponso-rem, acceperit: is non primum aduersus mandatorem aut fideiussorē aut sponso-rem accedat; neq; negligens debitoris intercessoribus molestus sit: sed veniat primum ad eum, qui aurū accepit, debitumq; contraxit: & si quidem inde receperit, ab alijs abstineat. quid enim ei in extraneis erit, à debitore completo? Si verò non valuerit à debitore recipere, aut in partem, aut intotum: secundum quod ab eo non potuerit recipere, secundum hoc ad fideiussorem, aut sponso-rem, aut mandatorem veniat, & ab illo quod reliquum est sumat.* Hoc tamen fallit in multis casibus, veluti, quando * principalis debitor est absens à ciuitate seu iuris dictione, fideiussor verò est præsens, Nam tunc (per expressa verba eiusdem *Nov. 4. de fideiussor.*) fideiussori non datur beneficium excussionis, sed potest conueniri prius quàm debitor principalis: ita tamen, * ut præsens Iudex det tempus intercessori volenti principalē deducere. quatenus ille prius sustineat conuentionem; & sic ipse in ultimum subsidium seruetur. Si verò tempus in hoc indubium excesserit, (conuenit namq; etiam tempus definire iudicantem) tunc fideiussor aut mandator, aut sponso-er exequatur litem, & debi-

tum exigatur contra eum pro quo fideiussit. &c. Proinde * & si ipse fideiussor in contractu renunciauit huic beneficio; vel euidenter & notoriè constat, quod principalis debitor soluendo non sit; poterit conueniri non excusso principali debitore, nec eo conuento aut requisito, secundum DD. quos præclare ad hoc citat Hippolitus à Marsiliis in tract. *de fideiuss.* num. 7. qui etiam plures ab hac Regula generali exceptiones summa industria collegit. Hunc diligens lector in practica istius materiæ non inutiliter consulere poterit. Sed & * ius Saxonum hac in re concordat cum iure Ciuili, vt videre est in gloss. eiusdem iuris. lib. 1. artic. 6. in verbis: *Sciendum quod fideiussor molestari non debet, quam diu principalis inuentus est.* Et in gloss. lib. 3. artic. 39. *vers. qui soluendo non est*, copiose tractatur. Neque * aliam Curia Regalis praxim semper fuisse, indicio est decisio, inter Magnificum Raphaelē à Leszno Castellānum Sremen: actorem, & Albertum Cuprifabrum Ciuem Calissien: citatū, Anno 1593. feria tertia post festum S. Dorotheæ, facta. Nec quicquam * supradictis obstant leges, Codicis vt potè, l. non rectè. 4. & l. iure. 5. & similes. tit. *de fideiussor.* quæ expresse creditori potestatem relinquunt.

quunt, vt omisso reopossit conuenire fideiussorem. Omnes enim illæ leges, per *d. Nouellam Const. de fideiussor.* corriguntur. Neq; * nouum est, priores leges tolli posterioribus, per text. *in l. 26. & seq. ff. de legibus.* Vel etiam de eo casu, quando videlicet quis soluere id, quod ab alio debetur, promittit, intelligi possunt. Eo * enim casu is qui promittit soluere, quodammodo constituit se principalem debitorem, & videtur innouare priorem contractum; & ideo beneficium excussionis instar aliorum fideiussorum non habet, sed conuenitur tanquam principalis in solidum, teste gloss. *in Nou. de fideiussorib. §. si quis igitur.* in verbis *fideiussorem.* Diligenter * itaque in hoc contractu inspiciendum est, vtrum fideiussor accedat obligationi, maioris videlicet securitatis causa, an verò simul cum debitore se obliget, & animo nouandi promittat solutionem.

OBSERVATIO XVII.

Obligatio fideiussoria vtrum transeat ad hæredes defuncti.

S V M M A R I A.

1. Fideiussoris hæres ex fideiussione obligatur.

2. Fideiussor locum rei obinet.
3. Limitatio dicti de obligatione hæredis.
4. Obligatio fideiussoria, vel est dandi, vel faciendi, vel mixta.
5. Obligatio facti qualis esse debeat, vt transeat ad hæredes.
6. Interpretatio textus iuris Saxonici de hæredis fideiussoria obligatione.
7. Praxis Curia Regalis.

SED an obligatio huiusmodi fideiussoria, transeat etiam ad hæredes defuncti, quæri commodè potest? Affirmatiuam partem textus iuris Ciuilis manifestam reddunt: Inprimis * verò textus expressus *in §. fideiussor. Instit. de fideiussor.* sic habet: *Fideiussor non tantum ipse obligatur, sed etiam hæres eum relinquit obligatum, propterea quod * fideiussor locum rei obtineat, vt in l. 4. §. fin. ff. de fideiuss.* dicitur. Sicut ergo principalis debitoris hæredes, eo defuncto tenentur; ita etiam fideiussoris hæredes eo mortuo obligati remanent. Quod item probat textus *in l. fideiussoris. 24. C. de fideiussor.* his verbis: *Fideiussoris quidem hæres exemplo rei principalis tenetur. Sed si idem utriusque succedat, intercessionis obligatione finita, velut principalis tantum debitoris hæres conueniri potest.* Id * tamen nõ de quavis fideiussione sed tantum de illa, quæ fit

- quæ sit ex contractu, intelligendū
 4 est. Nec * interest siue sit obligatio dandi, siue faciendi, vel mixta, per clarum textum *in l. veteris. 13. C. de contra. & committen. stipul.* cuius is est tenor: *Veteris iuris altercationes decedentes generaliter sancimus, omnem stipulationem siue in dādo, siue in faciendo, siue mixta ex dādo & faciendo inueniatur, & ad hæredes, & contra hæredes transmitti; siue specialis hæredum mentio fiat siue*
 5 *non, &c.* Dummodo * non tale sit factum, quod personæ promittentis cohæreat, & quod per alium impleri nequaquam possit. Nam tunc fideiussoris hæredes non teneri, communiter DD. *in d. l. veteris*, tradunt. Iuxta * quam distinctionem textus iuris Saxonici *lib. 1. artic. 9.* (qui contrarium innuere videtur his verbis: *Filius etiam resignationem promittentis, nisi ipse met stipulatus fuerit, aut fideiussores super hoc dederit, adimplere non tenetur.* Et textus Iuris Municipalis *artic. 7*
 7 *118.*) accipiendus est. Proinde * in Curia etiam Regali inter Partacz quorundam Ovviefzkovv plenipotentem, & Ioannem Badovvski consulem Ciuitatis Warssauic. Anno 1591. fideiussionem extendi ad hæredes, ex ea nimirum ratione, quod actor vigore fideiussorix obligationis actionem in rem

non autem in personam dirigere maluerit, pronunciatum fuit.

OBSERVAT: XV III.

De exceptionibus, & an peremptoria etiam in termino executionis opponi possit?

S V M M A R I A.

1. *Exceptionum diuisio.*
2. *Exceptiones merè dilatoriae quando habeant locum.*
3. *Exceptiones dilatoriae quando opponi debeant.*
4. *Exceptiones dilatoriae seu declinatoriae quæ dicantur.*
5. *Declinatoriae quando opponi debeant.*
6. *Peremptoriae exceptiones quæ dicantur.*
7. *An peremptoria exceptio in executione opponi possit.*
8. *Peremptoriae exceptiones in termino appellationis rectè opponuntur, quod in dilatorijs secus est.*
9. *DD. Iuris communis opinio, quod peremptoriae etiam in executione obijci possint.*
10. *Exceptioni compensationis etiam in executione locus est.*
11. *Compensatio vim habet solutionis.*
12. *Exceptio quæ non impugnatur sententiam, potest opponi in executione rei iudicatæ.*

13. *Accursius septem casus, quibus peremptoria exceptiones post sententiam obijci possunt, recenset.*

Q VONIAM verò de exceptionibus multa passim in iure sunt posita, & diuersæ earum species DD. iuris comminiscuntur; ideò omissis aliis, in principales tantum (quas etiam glossa Iuris Saxonici lib. 3. art. 22. tangit) inquirere huius operis ratio suadet. Exceptiones * itaq; aliæ sunt dilatoriae, quæ actionem in aliud tempus differunt, & sunt sub duplici differentia; Aut merè * dilatoriae, quæ habent locum in solutione, ut potè si fecisti pactum de non petendo vsq; ad certum tempus, si ante petis, habet debitor exceptionem, ut in l. 3. §. 1. ff. de except. Item in dote, quæ in pecunia consistit, l. vn. §. ex actio. C. de rei vxor. actione. Has * quamuis in initio litis opponendas, & post litem contestatâ, fundata videlicet iam intentione actoris, probandas esse, textus in l. exceptionem. 19. C. de probat. testetur; attamen Fulgos. & Iason idem esse iudicium de dilatoriis, sicut de peremptoriis, in d. l. 1. C. de iuris & facti ignor. tradunt: Aut * dilatoriae quæ & declinatoriae iudicii dicuntur, in gloss. d. l. 3. ff. de except. idque fit multifariam, ut potè ratione iu-

dicis, Actoris, rei, Syndici, Procuratoris, Rescripti, loci, temporis, libelli, fori, causæ, quarum vsum in praxi quotidie videmus. Quæ * non solum proponi, sed etiam probari ante litem contestatam debet. Neq; enim possunt reddere iudicium nullum, postquam fundatum est, secundum Baldum in d. l. exceptionem. num. 3. Aliæ * sunt peremptoriae, quæ rem de qua agitur perimunt, de quibus in §. appellantur. Instit. de except. agitur. Sed & istæ quintupliciter distingui solent, ut sunt personæ, obligationis, iudicii, pœnæ, & accusationis, quas Petrus Rebuff. supremæ Curiae Parisiensis Aduocatus, satis doctè collegit. Sed * an huiuscemodi peremptoriae exceptiones etiam in termino exequutionis rei iudicatæ opponi possint, non ita pridem iudicio DD. Assessorum Curiae Regalis quæsitum fuit. Quam in re, quâuis non nihil difficultatis subesse videatur, idq; propter tam claros in contrarium textus, ut potè in l. peremptorias. 2. C. sentent. rescindi non posse, cuius is est tenor: Peremptorias exceptiones omissas in initio, antequam sententia feratur, opponi posse perpetuum edictum manifestè declarat. Quod si aliter actum fuerit, in integrum restitutio permittitur. Et in l. prescriptionem. 8. C. de exception. seu præ-

seu prescription. in verbis: Prescriptionem peremptoriam, quam ante contestari sufficit, omissem priusquam sententia feratur, obijcere quandoque licet. Vnde haud obscurè colligi potest, quòd latà sententià definitivā, exceptio peremptoria non opponatur, nisi fortè causa adhuc pendeat in appellatione.

8 Nam * & in termino prosequendę appellationis adhuc opponi potest, per expressum textum in *l. per hanc. 4. C. de temp. & reparat. appellat.* quod secus est in dilatoriis exceptionibus, per textum in *l. ita demum. 13. ibi: Si, cum primum litē contestareris, non est tibi eo nomine opposita prescriptio militiæ: quod nec, cum appellatio agitur, tibi obijci potest. Cod. de procurat.* Verum tamen

9 * potior pars DD. Iuris in hac sententiam inclinare videtur, ut scilicet huiusmodi exceptio etiam in executione opponi possit. Nec obstant suprà allegati textus; Si quidem hoc verum est in his exceptionibus peremptoriis, quæ sententiæ aduersantur & eam oppugnant; Secus est in his, quæ eam non oppugnant, neq; eam iniquitatis aut iniustitiæ arguunt, sed contrā actionem opponuntur, & executionem respiciunt, qualis est de solutione facta. Nam in hoc casu, non dico, quòd esse iudicatum,

sed executionem indebitè fieri, solutione iam facta allego; quod etiā in executione locum habet, per expressos ibidem textus iuris. Et primo quidem in *l. ex diuerso. 17. §. fin. ff. solut. matrimonio.* in verbis: *Si in iudicio dotis iudex ignorantia, iuris lapsus condemnauerit maritum, in solidum, Neratius, Sabinus, doli exceptione eum uti oportere aiunt, eaq; tutum fore. Et in l. Nessenius Apollinaris. 41. §. fin.* in verbis: *In solidum condemnatus donator actione iudicati, nisi in quantū facere potest, non tenetur beneficio constitutionis. ff. de re iudic.* Hinc * fit quod etiam 10 exceptio compensationis, quando debitum est liquidum, post sententiā in executione opponi possit, per expressum textum in *l. ex causa. ibi: Eum verò qui iudicati cōuenitur, compensationem pecuniæ sibi debite implorare posse nemini dubium est. C. de compensat.* Ratio est, quia compensatio non impugnatur sententiam, sed saltem executionem impedit, ne bis idem exigatur, quod bona fides non admittit, ut in *l. bona fides. ff. de reg. iuris.* Compensation * etenim habet vim solutionis, per textum in *l. si debitor. ff. qui pot. in pign. hab.* ibi: *Nihil interest soluerit an compensauerit.* Cum itaq; ex his * liquido cōstet, quòd 12 exceptio, quæ non impugnatur sententiam.

tentiam possit opponi etiā in executione eius; rectē in iudicio DD.

Assessorum, in causa cuiusdam Ogonek cum Raciborski, Anno 1599. feria secunda intrā Octauas Sacratissimi Corporis Christi, dilatio ad producendam apocham (quam vulgo vocāt quitantiam) solutionis factā, in termino executionis concessa fuit. Porro Accursius * septem etiam alios casus ponit, quibus peremptoriæ exceptiones post sententiam opponi possint, vt videre est in l. 1. C. de iuris & facti igno. in verbo *vti*.

OBSERVATIO XIX.

De dilationibus, & an tam auctori, quam reo concedi debeant.

S V M M A R I A.

1. Dilatio est temporis quo aliquid fieri debuit, prorogatio.
2. Dilationum diuisio.
3. Dilationes in causis civilibus & criminalibus locum habent.
4. In criminalibus dilationes causa cognita dari debent.
5. In civilibus, an tam auctori quam reo concedi debeant.
6. Conclusio, quod etiam auctori dari possint.
7. Expressa nocent, non expressa nō nocent.

8. In Consistorio Principis dilationes dari non debent.

9. Dilationis tempus à Iudice quomodo moderari debeat.

10. Praxis Curia in assignando tempore dilationis probatoria dispositionem iuris Sax: sequitur.

11. Tempus à lege statutum, an per Iudicem minui vel prorogari possit.

12. In causis criminalibus, in quibus pœna sanguinis non irrogatur, quomodo dilationes dari debeant.

IN omnibus iudiciis auctoris petitionem sequi solet rei conuenti responsio, atq; ita fit litis contestatio, nisi aliqua exceptio, vel dilatio * ob quam tempus, quo iudicium fieri debuit, prorogatur, interueniat. Dilationes * tamen huiusmodi solent fieri, aut generales, omniū videlicet iudiciorum & omniū causarū (quas in Curia Limitationes vocamus) aut saltē plerorūq; , vt potē feriarum causa, quarum etsi variae apud veteres fuerint appellationes; iure tamen Iustiniano triplices tantum recensentur, vt videre est tot. tit. ff. C. de feriis. Aut particulares, quæ in singulis causis per se spectantur, & ad petitionē partis concedi solent, per text. in l. 1. § 4. C. de dilat. Quod * autem in causa criminali tam auctori quam reo permittantur, nul-

tur, nullum est dubium, siquidem
in l. ult. ff. de ferijs & dilat. expresse
 hoc ipsum traditur his verbis:
In Capitalibus autem reo tres dilationes,
accusatori due dari possunt, sed
utrinque causa cognita: Iudicium enim
(vt inquit Imp. Iustin. in l. no-
uerint. 2. C. vt intra certum tempus
crim. questio terminetur) debet esse
diligentia, vt si nulla rationabilis à reo
vel accusatore dilatio postuletur, vr-
geant talium causarum notionem non
 4 *expectatis moris.* Hinc * itaque ma-
 nifestè colligi potest, quòd non
 promiscuè, sed certis & legitimis
 ex causis dilationes istæ in crimi-
 nalibus concedi debeant; vt potè,
 si accusator, vel reus probationū
 causa dilationem à Iudice sibi cō-
 cedi petat, veluti ad proferenda
 testimonia, quæ sunt in alia pro-
 uincia vel penes absente. per text.
in l. 1. in pr. C. de dilat. vel ad pro-
 ducendos & examinandos testes
 super crimine obiecto, cuiusmodi
 causa in Curia Anno 1591. inter
 Reginam Konopczyna, & Ioan-
 nem Gora Confl. & Syndicū Ciui-
 tatis Crac: occasione cuiusdam
 cædis agitata fuit, vbi sententiam
 Iudicii ciuilibus Crac: ob denegatam
 ad producendos testes dilationem
 iure cassatam & retractatam esse
 5 reperi. Sed an * etiam in Ciuilibus
 tam actori quàm reo promiscuè

concedi debeant? maior est dubi-
 tatio. Et quod reo etiam in his se-
 mel tantum dilatio cōcedi soleat,
 expresse liquet ex textu *d. l. ult.*
ff. de ferijs & dilat. in verbis: *In pecu-*
niarijs causis omnis dilatio singulis
causis plus semel tribui non potest. Sed
 hoc intelligendum est sine causæ
 cognitione: nam & secundò eam
 dari causā videlicet cognitā text:
in l. oratione. 7. ibi: Sed utilitatis liti-
gantium gratia, causā cognitā, & ite-
rum dilatio, tam ex eadem quàm ex
aliaprouincia, secundum moderamen
locorum impertiri solct. ff. de ferijs &
dilat. testatur. Quod an ad actorem
 etiam produci possit, ambiguum
 est, siquidem textus supra allega-
 ti indefinitè loquuntur; & regula
 iuris est, Quod actor semper debe-
 at esse instructus, per text: *in l. 2. C.*
de dilat. Iuxta quod in Curia quo-
 que Regni, in causa Petri Lutho-
 mirski, contra Thomam Rogulski
 Anno 1591. feria secunda post Do-
 minicam Exaudi, iudicatum fuisse
 liquet. Verumtamen * quia dila-
 tiones plerumque dantur proba-
 tionum causa, vt *in l. 1. in pr. C. de*
dilat. & *in l. argentarium. ff. de iu-*
dicij. habetur. Probatio autem se-
 per actori incumbit, per expressū
 textum *in l. qui accusare. C. de eden-*
do. tūm quod speciali lege cautum
 sit, vt eò tantum casu dilatio acto-
 rinon.

rinon competat, quando ex Re-
 scripto Principis reum traxerit ad
 Iudicem extraordinariū, per text.
d. l. 2. C. de dilationibus. Vnde con-
 sequens est, vt in aliis casibus non
 expreis competit, siquidem iux-
 7 ta vulgatā regulā expressa * nocēt,
 nō expressa nō nocēt, per text: *in l.*
nonnunquam. ff. de cōditio. &c. Sed &
 equitas ipsa, quē ex variis causarū
 circumstantiis oriri potest, etiam
 actori non debere denegari huius-
 cemodi dilationem suadet, vt no-
 tat Speculator *tit. de dilat. num. 26.*
 8 In * confistorio verò Principis nō
 solūm actori sed etiam reo, dilatio-
 nes dari non debent, per text: *in l.*
cum à nobis. C. de dilat. Neque enim
 (vt *in l. 1. C. de relat.* habetur) ad
 cognitionē Principis mittitur aliquid,
 quod plena instructione indigeat. Di-
 latio autem probandi causa con-
 cessa, ita moderari debet, vt sem-
 per distantiae locorum ex quibus
 testimonia proferenda sunt, in cō-
 sideratione habeantur, per expres-
 sum textum *in l. 1. C. de dilat.* in ver-
 bis: *Quod hac ratione arbitramur ef-*
se moderandum, vt, si ex ea prouincia
ubi lis agitur, vel persona, vel instru-
menta poscantur, non amplius quàm
tres menses indulgeantur. Si verò ex
continentibus prouincijs, sex menses
custodiri, iustitiae est. In transmarina
autem dilatione nouem menses com-

putari oportebit. Porro * praxis Cu-10
 riæ dispositionem Iuris Saxonici
 hac in re sequi maluit, quo iure, ad
 producēda quęuis testimonia spa-
 tium tantūm sex septimanarum
 assignari solet, per clarum textum
 eiusd. iuris *lib. 1. art. 62.* in verbis:
Testes nominati per sex septimanarū
tempora, vel in continenti, si voluerit
producantur. Quamuis * etiam hoc II
 iure, considerata magna distantia
 locorum tempus à lege statutum
 prorogari posse, haud absurdē di-
 xerim. Nam & ex glossa eiusdem
 iuris *lib. 1. artic. 62.* haud difficulter
 id colligi potest. Et cōmuniter DD.
in l. 2. ff. de re iudic. concludunt,
 quod Iudex tempus à lege statu-
 tum possit abbreviare vel proro-
 gare. Multa siquidem in legibus
 constituuntur, non vt vrgente a-
 liqua necessitate, aliter se habere
 non possint; sed vt certum sit ali-
 quod ius à quo temerē, & sine iu-
 sta causa recedere non liceat. Si-
 cut & appellanti à lege annus ad
 prosequendam appellationē prae-
 stituitur; illud nihilominus tempus
 ex iusta causa poterit diminui vel
 augeri, vt patet *ex c. oblata. vers.*
licet ext. de appellat. Quod etiam in
 Camera Imperiali receptum esse
 notat Andr. Gail. *lib. 1. pract. obser-*
uat. obser. 91. num. 13. Et Chilian Ko-
 nig in sua pract. *c. 40. num. 2. & 3.*

12. Denique *quod à DD. Iuris anxie admodum quæri solet. Vtrum videlicet in causis criminalibus, in quibus pœna sanguinis non irrogatur, dilationes ita dari debeant, sicut in civilibus; an verò sicut in capitalibus? arbitrio & cognitioni iudicis relinquendum putarem. Quamvis alii existiment de iure tales dari vt in civilibus. De consuetudine verò, vt in capitalibus, vt notat Lanfranc. in sua praxi c. 2. num. 3.

OBSERVATIO XX.

De probationibus, & an duo testes ad probandum sufficiant.

S V M M A R I A.

1. Probationes facti sunt.
2. Quæ probari non possunt, pro non gestis habentur.
3. Diuisio probationum.
4. Plena probatio quæ dicatur, & quomodo fiat.
5. Semiplena probatio quid sit?
6. An duo testes ad probandum sufficiant.
7. In ore duorum vel trium consistit omne verbum.
8. Iure Ciuili duo testes plenè probant.
9. Numerus testium supplere potest quod deficit in testibus.
10. In causis criminalibus duo testes sufficiunt.

11. *Ius Sax: in criminalibus septem testes requirit.*

12. *Praxis Curie dispositionem Iuris Sax: sequitur.*

Probationes * quia facti sunt, etsi non videantur ad ius spectare, in eo tamen modus & forma probationum constituta sunt; quarum in foro & iudiciis maximus & frequentissimus est vsus, adeò, vt * in iis tota vis causæ consistat, & 2 quæ probari ostendiq; nequeant, pro non gestis habeantur, per textum in l. in lege fundi. 77. ff. de cont. empt. Sunt * autem probationes 3 (omissis philosophorum distinctionibus) secundum Interpp. Iuris sententiam: Aut plenæ, quæ * plenam, hoc est, tantam fidem iudici faciunt, quanta ad finiendam controuersiam sufficiens esse videtur; quod fieri solet vel per testes, vel per instrumenta publica, vt patet ex l. in exercendis. 15. C. de fide instrum. Nam hæc duo indubiæ probationis vim obtinent, per textum in l. emancipatione. 11. C. de fide instrum. Aut * semiplenæ, quæ non tantam 5 fidem faciunt, sed opinionem quādam inducunt: quod fit, quando vnico teste idoneo & habili, fama non inconstanti, literis priuatis, & cōfessione, aliquid probatur, prout DD. & gloss. in l. admonendi. ff. de iure.

de iure iur. tradunt. His præmissis, nō inelegans occurrit quæstio. An
 6 * duo testes ad probandum sufficiant, vel plures requirantur? Et quod iure Canonico duo testes ad probandum sufficiant, manifestè liquet ex *c. in omni negotio. ext. de testibus*. Cum & sacra scriptura doceat. In * ore duorum vel trium consistere omne verbum. *Deut. c. 19*. Iure autem Ciuili quamuis ad plenè probandum pluralitatem testium requiri, tam ex his quæ in l. 1. §. 2. in verbis: *Quamquam quibusdam legibus amplissimus numerus testium definitus sit: tamen ex constitutionibus Principum hæc licentia ad sufficientem numerum testium coarctatur; ut Iudices moderentur, & eum solum numerum testium, quem necessarium esse putauerint, euocari patiantur: ne effrenata potestate ad vexandos homines, superflua multitudo testium protrahatur. ff. de testibus. dicuntur; quàm etiam ex illis, quæ passim in iure de septem vel quinque testibus tradi solent, colligi possit: attamen * verius est, etiam hoc iure duos testes inducere plenam probationem, per textum in l. ubi. 12. his verbis: ubi numerus testium non adijcitur, etiam duo sufficient, pluralis enim elocutio, duorum numero contenta est. ff. de testibus. Nec obstant de pluralitate testiū*

suprà allegata, siquidem regulariter sufficiunt duo testes ad probandum; nisi certus aliquis numerus super actu aliquo specialiter requiratur, vt in testamentis, codicillis, donationibus, causa mortis &c. Prout nec illud multum facit quod Iudex necessarium numerū testium admittere debeat d. l. 1. Licet enim hoc aliquando cōtingat, vt plures testes inducantur; attamen si in testimonio proferendo duo tantum concordēs sint, probatio plena & perfecta dicēda est. Numerus * enim testium supplere solet, quod deficit in duobus testibus, vt gloss. in l. 3. §. eiusdem quoque. in verbo *numerus. ff. de testibus*. tradit. Proinde * DD. Iuris communiter etiam in causis criminalibus hanc probationem plenam & perfectam esse tradunt. Bart. in l. 1. §. non autem in fin. ff. de bonorum poss. secund. tab. & alij. Iure autem * Saxonum, etiam si in Ciuilibus causis ex recepta consuetudine idem dicendum sit; attamen in causis criminalibus, & proprietatum seu bonorum immobilium septem testes necessario requiri, textus expressi lib. 1. artic. 8. his verbis: *Vbiunque proprietas donatur seu impignoratur, aut testimonium derogationem iuris vite aut sanitatis cuiuscunque concernens ferri contingat, hoc Iudex.*

*Iudex metseptimus, qui coram eo sententias iure adinueniunt, comprobabit. Et lib. eod. artic. 66. ibi: Qui in facto comprehensus fuerit criminali, statim sic debet iudicio presentari, & septem virorum testimonio actor eum vincere debet. Et c. testantur. Quod ius in practica terrarum Saxonie non obseruari, sed duorum testium depositiones in omnibus causis tam ciuilibus, quam criminalibus sufficere, Chilian Konig in pract. c. 79. num. 1. in fine. Et c. 80. in fine. tradit. Verum * apud nos praxis Curiae in causis criminalibus, vt potè grauissimi præiudicii, in quibus de sanguine humano agitur, plenum numerum testium, iuxta manifestam dispositionem iuris Sax: requirere solet, quamuis in ciuilibus (exceptis itidem proprietatibus) iuri Ciuili & Canonico subscribat, cuius rei exempla quotidie occurrunt.*

OBSERVATIO XXI.

De probationibus in causa criminali.

S V M M A R I A.

1. Probationes in causa criminali debent esse plena & sufficientes.
2. Plena probatio quae dicatur?
3. Testes fide digni plenam fidem Iudici faciunt.

4. Confessio rei ultro nca item.
5. Euidencia facti nullis indiget probationibus.
6. Præsumptiones validæ ad condemnandum reum non sufficiunt.
7. Satius est facinus nocentis relinqui impunitum, quàm innocentem damnare.
8. In dubijs molliendæ sunt potius pœnæ, quàm exasperandæ.
9. Casus, quibus præsumptiones admittuntur in criminalibus.
10. Iure Sax: quando euidentes desunt probationes, accusatus propior ad euadendum.

QUod autem * probationes in causa criminali debeant esse plenæ & sufficientes, probatur per expressum text. in l. fin. C. de probation. his verbis: *Sciant cuncti accusatores, eam se rem deferre in publicam notionem debere, quæ munita sit idoneis testibus, vel instructa apertissimis documentis, vel indicijs ad probationem indubitatæ, & luce clarioribus expedita. Quam legem canonisatam legimus, in can. sciant cuncti. 2. qu. 8. Et concordant l. singuli. C. de accusat. Et l. cum reis. C. de pœnis; & plures alii textus. Quod in Curia Regni diligentissimè attendi solet, prout inter Gertrudè Wahl, & Magistratum Gedanen. Anno 91. obseruatum id fuit. Dicitur * autem*

autem plena & sufficiens probatio, quando Iudex ex his quæ sibi ostensa sunt, adductus est ad fidem & credulitatē eius quod propositum est, vt supra obser. præcedenti dictū fuit. Qualiter autem Iudex ad istam fidem adducatur, certa regula dari non potest, vt ex rescripto D. Hadriani ad Valerium Verum, manifestè liquet, cuius verba in *l. testium. 3. §. 2. ff. de testibus* sic se habent: *Quæ argumenta ad quem modum probanda cuius rei sufficiant, nullo certo modo satis designari potest, sicut non semper, ita sæpe sine publicis monumentis cuiusque rei veritas deprehenditur, alias numerus testium, alias dignitas & auctoritas, alias veluti consentiens fama confirmat rei, de qua queritur fidem. Hoc ergo (inquit ibidem Imper.) solum tibi rescribere possum summam; non utique ad unam probationis speciem cognitionem statim alligari debere; sed ex sententia animi tui te estimare oportere, quid aut credas, aut parum probatum tibi opinaris: Plerumque*

3 tamen * hoc fit, vel per testes fide dignos & irreprobabiles, ex visu & certa noticia testimonium perhibentes, ad minus duos, prout supra obser. præcedenti traditum

4 est. Vel * per confessionem Rei vltroneam, & extra omnem metum carceris, aut tormentorum

H

in iudicio liberè factam, per text. in *l. si confessus. 5. ff. de custod. & exhibit. reor.* Si tamen illa confessio non sit erronea & falsa, hoc est ex errore & falsa opinione criminis patrati, nulius uè induciis præcedentibus facta. Nam hoc casu *Confessiones reorum pro exploratis facinoribus haberi non oportet: si videlicet nulla probatio religionem cognoscentis instruat. l. 1. §. Diuus Severus. 17. & §. si quis vltro. 27. ff. de questio.* Vel * deniq; per euidentiā facti, 5 quando videlicet factum non solum Iudici, sed unicuique ex populo notorium est, per express. text. in *c. euidencia. 9. extra de accusat.* vbi dicitur: quòd euidencia patrati sceleris non indigeat clamore accusatoris. Præsumptiones * verò e- 6 tiam validæ, vt sunt, fama, opinio, fuga, idq; genus alia, nunquā plenam probationem faciunt in materia criminali ad condemnandū reum, ex ea potissimum ratione, quod (teste gloss. in *d. l. fin. C. de testibus*) diligentius examinatio fieri debeat, vbi de hominis salute tractatur. Et quod satius sit, eo casu, dum videlicet dubiæ & incertæ sunt probationes, *facinus * nocentis relinqui impunitum quàm innocentem damnare:* per express. text. in *l. absentem. 5. in pr. ff. de pœnis.* In dubio * etenim molliendæ sunt po- 8

tius pœ-

tius poenæ quam exasperandæ, l. penul. ff. de panis. Nonnumquam

9 * tamē propter difficultatem probationis, vt potē si maleficium obfcura nocte, vel in tumultu aliquo perpetretur, probationes leuiore per coniecturas, & verisimiles præsumptiones admittuntur. Lex enim contenta est ea probatione, quæ fieri potest, si quæstio sui natura difficultatem probationis habet, secundum gloss. in l. si cum exceptio. §. in hac actione. in verbo ignorantiam. ff. de eo quod met. causa. & c.

10 Quapropter * secundum Ius etiam Sax: quando factum euidentibus argumentis non probatur, accusatus propior est tunc ad euadendum per iuramentum corporale, vt videre est in text. lib. 1. art. 15. in verbis: *Incusatus de quacunque re, quæ apud eum non apparuerit, suo se poterit excusare sacramento, idq; non nisi cum sex testibus per express. text. lib. 1. art. 8. ibi: Si verò extra iudicium facta fuerit, testimonio septem virorum comprobabitur, & gloss. eiusdem iuris lib. 1. artic. 64. clarè idipsum, indicat. Quod etiam in Curia Regali obseruari solet. Et ita inter Bachorski & Wotolsz falsi accusatum Anno 91. iudicatum fuit.*

OBSERVATIO XXII.

An ad quæstiones seu torturas, nō præcedentibus plenīs & manifestis indiciis, Iudex possit aliquem condemnare.

S V M M A R I A.

1. Ad quæstiones nemo condemnari debet, nisi præcedant plena indicia.
2. Indicia quæ plena & manifesta sint, iudicis prudentiæ committitur.
3. Indicia plena dicuntur, quæ duobus testibus, quinimò & uno probantur.
4. Ad quæstiones Iudex procedere nō debet, etiam si reus se ad eas trahat, si deficiant indicia plena.
5. Pœna Iudicis iniquè aliquem quæstionibus subiicientis, qualis sit?
6. Quæstionibus non semper adhibenda est fides.
7. In quæstionibus crimen confessus non statim ad mortem condemnari debet.
8. Ad quæstiones quando rediri possit.

His * etiam consequens est, I quod ad quæstionem seu torturam nemo condemnari debeat, nisi præcedant plena & manifesta indicia, per express. text. in l. milites. §. in verb: *Oportet autem Iudices nec his criminibus, quæ publicorū iudiciorum sunt, ad inuestigationem veritatis.*

veritatis à tormentis initium sumere: sed argumentis primum verisimilibus probabilibusq; uti. Et si his veluti certis indicijis ducti, inuestiganda veritatis causa ad tormenta putauerint esse veniendum; tunc id demum facere debebunt, si personarum conditio patiatur. *Cod. de quæstion.* Necesse est enim (teste Vlp. in l. 1. §. 1. ff. de quæstio.) vt indicijis & aliis argumentis penè conuictus sit reus. Alioquin in ea causa, in qua nullis reus argumentis vrgebatur, tormenta non facile adhibenda esse. testatur 1c. Paulus in l. unius 18. §. 2. ff. eodem. Prout etiam in Curia Regali inter Samuelem Szydlovvski Ciuem Opatouien: & Stanislaum Zalassek reum Anno 69. feria sexta ante festum S. Agnetis decusum fuit. Cuiusmodi * autem indicia debeant esse, quia id quoq; vna certà regulà explicari nequit, idcirco totum hoc arbitrio, & prudentiæ Iudicis relinquitur, cuius est iudicare de suspicionibus & coniecturis, vtrū videlicet illæ dignæ & sufficientes sint, vel non, propter quæ inculpatus torturæ seu quæstioni subiici debeat: per text. in l. testium. 3. supra obs. præcedenti allegatum.

3 Quod * autem illa indicia plena & idonea ad torturam censi debeant, quæ duorum testimonio fuerint comprobata, testatur gloss.

in l. fin. in verbis vel indicijis. *Cod. fam. erisc.* quinimò secundū Bart. in l. obseruare. colum. 1. num. 5. C. quorum appellat. nō recip. vnus etiam testis probatæ fidei, omniq; (vt vulgo dicunt) exceptione maior, de veritate criminis admissi deponēs, facit indicium sufficiens ad torturam, dummodò aliæ circumstantiæ non obstant, de quo etiā Iul. Clarus lib. 5. sentent. §. ult. quæst. 22. Et Iodocus Damhoud. in praxi rerum criminalium, c. 36. & sequen. (qui in tractatu istius materiæ, etiā tormentorum genera admodum accurate recenset) consulendi sunt. Porro * nullis probabilibus 4 indicijis præcedentibus Iudex ad quæstionem procedere non debet, etiam si reus vltro sed ad eam trahat. Torquendi enim potestatem habere, est species meri imperij. per l. defensores. *Cod. de defensor. Ciuit.* quod conferri non potest priuato consensu, per l. priuatorum. C. de iurisd. om. iud. Et ita DD. passim sentiunt, quamuis gloss. in l. interdū 56. §. 1. in verbo damnato. ff. de furt. contrarium statuatur. Quod * si 5 Iudex temerè, & sine vlla euidenti suspicionē rei procedat, punitur & quidem (vt nōnulli putant) capitali pœna. per l. decuriones. 16. d. tit. C. de quæstion. Sed quia ibi de speciali casu, nem-

pè de decurionibus non torquendis agitur; idcirco non video, quomodo in aliis casibus, aliisue personis hæc pœna extendi possit; unde potius putarem extraordinariam pœnam pro qualitate commissi, Iudici infligendam esse. Ius verò Saxonum accusatorem iudicemue, qui iniuste torqueri aliquē curauit pœnā pecuniariā multat, per text. iuris Municip. fol. 129. Quod tamen non aliter intelligi debet, quā si per imperitiam, vel culpam id factum sit. Nam si dolus interueniat proculdubio legitimis pœnis afficiendus erit. Quamuis

6 [¶] verò finis torturæ is esse debeat, ut veritas criminis perpetrati per eam indagari possit; at tamen non omnino neque semper quæstionibus fidem esse adhibendam, patet ex textu l. 1. §. 23. ff. de quæst. Fragilis enim (inquit ibidem I. C. Vlpianus) res est, & periculosa, & quæ veritatem fallat. Nam plerique patientia siue duritia tormentorum ita tormenta contemnunt, ut exprimere veritas nullo modo possit: alij tanta sunt impatientia, ut quoduis mentiri quā pati tormenta velint; & ita sit, ut etiam vario modo faciantur; ut non tantum se, verum etiam alios

7 [¶] criminantur. Proinde [¶] non aliter quis ad mortem condemnari debet, nisi confessionem delicti in tor-

mentis agnoscens, etiam illud extra locum carceris & tormentorū liberè confiteatur, per expressum text. Iuris Sax. lib. 2. artic. 18. ibi: *Sententiandum non est qualiter quis debeat puniri, antequam appareat per sententiam victus ad condemnandū.* Pro victo autem is habetur, qui coram iudicio factum recognoscit, per l. si confessus ff. de custod. reor. Quod [¶] si a reo retractetur huiusmodi confessio; hoc casu DD. volunt denuò posse rediri ad tormenta, cum prior confessio etiam in tormentis facta, sit loco semiplene probationis, & faciat indicium sufficiens, ut notat Chilian Konig in pract. c. 2. de inquisitione. num. 22.

OBSERVAT: XXIII.

Vtrum actore nihil probante, possit nihilominus reo deferri iurandum.

S V M M A R I A.

1. Iuramentum extraordinaria est probationis subsidium.
2. Iuramenta temerè deferri non debent.
3. Iurisjurandi religio Deum ultorem habet.
4. Actore non probante reus absolui debet.
5. Iure Sax. actor nihil probans reo potest

potesſ. deferre iuramentum.

6. *Iuramentum imponitur ob inopiam probationum.*
7. *Diſtinctio inter inopiam & defectum probationum.*
8. *Iuramenta quando à Iudicibus reis imponantur.*

SED quoniam ex probationum legitimarum inopia, deuenitur adiuramentum, quod * est extraordinariæ probationis subsidium per gloss. primam Sp. Sax lib. 1. artic. 22. vers. de apparentibus. adcircò non incongruè hic quæri potest. Vtrum actore nihil probante, possit nihilominus reo deferri iusiurandum; an verò reus simpliciter absolui debeat? Et certè * Christiani est iudicis, ne temerè deferat litigantibus iuramenta, propter honorem nominis diuini, quod iuxta præceptum decalogi, in vanum sumi non debet, Exodi. c. 20. Iurisurandi * enim contempta religio, Deum ultorem habet. l. 2. C. de reb. credit. & iur. Sed causa cognita, ac neq; deficientibus omnibus probationibus. Nam * tunc simpliciter actore nihil probante, absolui debet reus, per clarum textum in c. fin. ibi: *Sanè, si actor omnino in probatione defecerit, reus debet (et si nihil præsti erit) obtinere, ext. de iur. iur.* Cui concordat ad verbum iterè textus

in l. qui accusare. C. de edendo. in verbis: *Actore enim non probante, qui conuenitur, et si nihil ipse præstat, obtinebit:* prout in Curia Regali, inter Annam Ziolo vna Actricem, & Ciues Sandomirien: citatos Anno 1591. pronunciatum fuit. Quamuis * iure Saxonum actor nihil ipse probans, reo super causæ veritate videatur posse deferre iuramentum, per textum lib. 1. artic. 6. in verbis: *Si verò negauerit ignorantia suam, iureiurando confirmabit.* Et art. 7. lib. eodem in verbis: *Si verò postea negare voluerit, suo se ab hoc liberabit iuramento.* Nam hoc de eo casu intelligendum est, quando actor tales quales probationes adfert. Cum * enim propter inopiam probationum iuramento res decidi soleat, vt in l. in bonæ. 3. C. de reb. credit. & iur. iur. Impp. Dioclet. & Max. tradunt his verbis: *In bonæ fidei contractibus, nec nò etiam in cæteris causis, inopia probationum per Iudicem iureiurando causa cognita res decidi oportet.* Et in l. ult. §. Licentia. 10. ibi: *vel periuramentum illius si alia probationes defecerint.* C. de iure delib. Notandum * ergo hic est, quod aliud sit inopia, aliud defectus probationum. Defectus est si nullæ omnino suppetant probationes, ac eo casu Iudex simpliciter absolueri reum debet, per iura supra allegata.

gata. Inopia est, si quædam suppetant, sed ambigue aut parum idoneæ, ac tùm Iudex ab vno litigatore iusiurandum exigere potest, quasi dubia causa, vt in l. admonendi. 31. ibi: *Solent enim sæpè iudices in dubijs causis, exacto iureiurando secundùm eum iudicare, qui iurauerit.* ff. de iureiur. Ad quod pertinet etiã illud Gaii in l. 1. ff. eodem. vbi dicitur: *Maximum esse remedium expediendarum litium iusiurandi religionem: qua vel expactione ipsorum litigatorum, vel ex auctoritate iudicis decidantur controuersie.* Quam distinctionem praxis Curie obseruare solet: prout & in causa Georgii von Atlen Ciuis Gedanensis contra Vmiecki Anno 1596. die 23. Augusti iudicatum memini. Nec scio, an iure legulei quidam Iudices nostros exagitet, dum putant illos temerè, & actore nihil omninò probante, reo imponere necessitatem iusiurandi: Cùm tamen id nõ nisi sub distinctione supra expressa; vel quia Actor in * supplementum suæ probationis trahit * se adiuramentum, ab iis fieri soleat. Quo casu non fit eidem iniuria, cùm si ipse non vult iurare, possit actori referre iuramentum, de quo infra obser. sequ. tractatur.

OBSERVAT: XXIV.

An iuramentum referri possit?

S V M M A R I A.

1. Iuramentum referri potest.
2. Distinctio qua declaratur quibus casibus iuramentum referri possit.
3. Iuramentum aliud est necessariũ, aliud Iudiciale, aliud voluntariũ.
4. Iusiurandi relatio in famosis actionibus non habet locum.
5. Iuramentum delatum in continenti acceptari debet.
6. Ratio cur in continenti iuramentum acceptandum sit.
7. Iuramentum acceptanti dilatio ad deliberandum danda est.
8. Iuramentum deferens, stante deliberatione an possit pænitere.
9. Iure Sax. deferri potest iuramentum etiam si non acceptetur.
10. Pænitentia non est locus in delatione iuramenti Iure Sax.

EX eodem fonte descendit alia non inelegans quæstio. An iuramentum reo delatum referri actori, vel è contra possit? Pro parte negatiua, innuere expressè videtur text. in l. Marcellus. 11. §. fin. ff. de act. rer. amot. in verbis: *Si quis delatum sibi iusiurandum referre velit, non videtur prætor permisisse.* Et in l. ideo Labeo. 13. ff. eod. in verbis: *Ideo*

Labeo

*Labeo scribit, mulieri non esse permit-
tendum referre iusiurandum, & ita
edictum ordinatum videtur. Contra-
rium * tamen probari potest, per
alios itidem textus iuris. Et primò
quidem in l. iusiurandum & ad pe-
cunias. 34. statim in princ. in verbis:
Etiam de operis iusiurandum deferri
potest, nec de iniuria queri aduersari-
us potest, cum possit iusiurandum re-
ferre. ff. de iureiur. Et postea in §. da-
tur. 7. eiusdem l. dicitur: quòd detur
reo facultas, ut si malit, referat iusi-
urandum, & si is qui petet, conditione
iurisiurandi non utetur, iudicium ei
Prator non dabit. Et additur ibidem
ratio: Aequissimè enim (inquit Iu-
reconf.) hoc facit, cum non deberet
displicere conditio iurisiurandi ei qui
detulit. Nec sine causa Iureconf.
Paulus alibi: Manifesta (inquit)
turpitudinis & confessionis est, nolle
nec iurare, nec iuramentum referre.
vt in l. manifesta. 38. ff. de iureiuran.
Probatur item per textum in l. de-
lata. 9. C. de rebus cred. & iureiur. ibi:
Delata conditione iurisiurandi, reus
per Iudicem soluere vel iurare, nisi re-
ferat iusiurandū, necesse habet. Qui-
bus ad stipulatur etiam gloss. Iuris
Sax. lib. 3. artic. 9. statim in pr. & arti-
11. circa finem. Et ita in Curia Rega-
li in causa Ioachimi von Atlen Ci-
uis Gedanen: contra Paulum Laf-
sotha Anno 1591. pronunciatum*

fuit. Verumtamen * hæc ita distin-
guenda sunt: Aut enim constat
iusiurandum rectè delatum esse,
& tunc locum habet d. l. 38. Aut
certum est iniquè & malè esse de-
latum, vt puta illi, qui huius rei de
qua agitur, nullam potuit habere
notitiam, & tunc delationem ipso
iure non valere. Aut dubium est,
vtrum rectè an secus delatum sit;
eo casu de facto quidem potest re-
cusari, sed an iure sit recusatum
nec ne, Iudex dispicere debebit;
& si inueniat rectè delatum esse,
iubebit eum iurare, aut soluere,
aut referre; Quod si apparuerit
malè fuisse delatum, consequens
erit, vt pronunciet rectè fuisse re-
cusatum, prout id in l. generaliter.
12. §. Sed iuramento. vers. Sin autem.
C. de rebus credit. & iureiur. expri-
mitur. Præterea hæc res (meo qui-
demiudicio) etiam hac distinctio-
ne haud incommodè conciliari
potest, vt * scilicet iuramentum, 3
quod vulgò vocant necessarium,
a Iudice ob inopiam probationis
delatum, nisi iusta causa recusari,
& per consequens alii referri non
possit; delatum verò a parte parti
in iudicio, (quod propter præsti-
tam Guarandam fieri debet ante
litem contestatam) Iudice appro-
bante, recusari licitè possit ac re-
ferri, quod probatur per clarum
textum

textum in *c. fin. ext. de iureiuran.* Cui non repugnat *l. iusiurandū. 17. in pr. ff. de iureiurando.* vbi dicitur: *Iusiurandum quod ex conuentione extra iudicium defertur, referri non posse.* Id enim de iuramentis voluntariis, quæ pacto constituuntur, & extra iudicium à parte parti deferri solent intelligendum est. Contra-ctui autem siue pacto semel inito, inuito aduersario renunciare non licet, argu. *l. 1. §. Si conuenit. ff. de positi.* Quod * verò etiam in famosis actionibus eiusmodi iurisiurandi relatio locum non habeat, patet ex dict. *c. fin. ext. de iureiurando.* vt probat Chilian Konig in practica *c. 66. num. 2.* Obiter autem in hac quæstione notandū est, quod

5 * iuramentum vni ex litigatoribus delatum, in continenti ab eo acceptari debeat. Nam ex interuallo susceptum nihil proficit, per textum in *l. si quis iusiurandum. C. de rebus credit. & iureiur.* vt potè si is cui defertur iusiurandum, discesserit priusquam iuret, neque remissum sit ei iusiurandum, secundum tenorem *l. remittit. 6. ff. de iureiur.* postea frustra iurabit, quamuis initio se iuraturum suscepisset, teste Vlp. in *l. non erit iuratum. 5. §. fin. ff. de iureiur.* qui dicit: *Si neque iuratum est, neque remissum iusiurandum, pro eo debet haberi, ac si res in*

iusiurandum admissa non esset. Neque enim parum interest deferentis, 6
vtrum statim iuret, an postea. Vix enim vlli tam perfrixtæ frontis reperiuntur homines, qui delato iureiurando non commoueantur statim religione, & metu numinis Diuini. At vbi ex illo metu serrecipiendi & cogitandi spatium amplius datum fuerit, solent plerique latebras & excusationes quærere periurio & tandem reperiunt, quo sibi persuadeant se hoc aut illo modo iurantes periurium euasuros; alii deliberare, an non sit vtilius peierare quàm incurrere in id damnum, aut id dedecus, quod sine periurio passuri essent, & tandem vtilitate ducti peierare in animum inducunt. Debet * tamen ei, 7
qui delatum sibi iusiurandum statim acceptauit, postmodum dari dilatio ad deliberandum, per textum in *d. l. iusiurandum & ad pecunias. 34. in pr. ibi: aut remittendum ei iusiurandum, aut spatium dandum, vt certioretur, & sic iuret. ff. de iureiur.* Stante * verò huiusmodi de- 8
 liberatione licitum est iuramentū deferenti, ex causa pœnitere, ac nouas in ea causa probationes subindere peritas adferre & allegare, per text. in *l. si quis iusiurandum. C. de rebus credit. ibi: Si quis autem Sacramentum intulerit, & hoc reuocare ma-*

care maluerit, licere quidem ei hoc facere, & alias probationes si voluerit prestare. &c. Iure * autem Saxónico, sicut non est opus, ut iuramentum delatum in continenti acceptetur: (potest enim iuxta consuetudinem locorum differri, per text: lib. 2. artic. 11. in verbis: *Et si ea, scilicet pars, iuramentum debito tempore non prestiterit. &c.* idq; vel ad spatiū sex septimanarum, arg. text. artic. 62. lib. 1. ibi: *Testes nominati per sex septimanarum tempora producantur. vel ad proximum iudicium, per dict. text. art. 62. ibi: vel in proximo iudicio fieri debet: quo tempore elapso si non iurat, pro contumace habetur:*) ita * etiam iuxta præscriptum eiusdem iuris, non est licitum delatori, durante istius modi dilatione concessa pænitere, & iuramentum reuocare: sed si aduersarius paratus sit iurare, & actor noluerit recipere, reus tam à præstatione iuramenti quam à debito, pro quo conuenitur, absolui debet: per textum in d. artic. 11. lib. 2. in verbis: *Esset autem quis paratus ad sacramenti præstationem in tempore deputato, & receptor id reuenerit, vel se absentauerit, reus à debito illius & sacramenti præstatione sit liberatus.*

OBSERVATIO XXV.

An ius probandi per iuramentum transeat ad hæredes.

S V M M A R I A.

1. Hæres cum defuncto pro una persona quomodo censetur.
2. In locum alterius succedens iustam causam habet ignorantiæ facti ipsius.
3. Hæres non tenetur iurare super factis defuncti.
4. Fictioe iuris hæres pro una persona censetur cum defuncto.
5. Factum defuncti hæredi imputari non potest.
6. Ius Sax. hæredem teneri ad præstandum iuramentum pro defuncto disponit.
7. Glossa & Praxis eiusdem iuris contrarium docet.
8. Actor contra hæredes iuramento petitionem suam probare debet.
9. Hæres de ignorantia tantum iurare potest.

Cohæret superioribus etiā hæc quæstio: An ius probandi per iuramentum transeat ad hæredes defuncti? Et quamuis prima quidem fronte nullā id difficultatem habere videatur, propterea, quod leges * unam quodammodo esse personam hæredis, & eius qui in eum transmittit hereditatem disponunt,

vt in Nouell. 48. statim in pr. videre est: tūm quod dictante Regula iuris, ea, quæ ipsis qui contraxerunt, obstant; etiam successoribus eorum obflare videantur: per textum in l. quod ipsis. 143. ff. de reg. iuris; attamen quia nimis graue est, vt quis ignorans & inuitus, sub alieni compendij emolumento, etiam periurium anceps subire debeat: vt in l. videamus 4. in pr. ff. de in lit. iur. habetur.

2 Succedens autem * in locum alterius, iustam habet causam ignorantiæ facti ipsius, per textum in l. qui in alterius. 42. ff. de reg. iur. idcirco

3 * verius est, hæredem non teneri ad præstandum iuramentum super
4 facto ipsius defuncti. Nec * obstat supra dicta. Hæres enim cum defuncto pro vna eademq; censetur persona, fictione iuris, non solum quo ad dominii continuationem; sed etiam quo ad iura defuncti, vt scilicet in his etiam hæres teneatur; (& hoc est quod d. l. quod ipsis tradit.) At in rei veritate diuersa est

5 ratio. Factum * enim defuncti nunquam hæredi imputari potest, per textum in l. sicuti pæna 38. ff. de reg.

6 iur. Porro * text. Iuris Saxon. lib. 3. artic. 11. hæredem ad præstationem iuramenti pro defuncto obligari satis clarè innuere videtur his verbis: *Qui pro Sacramenti præstatione promiserit, moriente reo, idem*

promissor, aut rei hæres ad sacramenti tenetur completionem, alias promissor ad solutionem rei, pro qua sacramentum fuerit promissum, obligatur. Verumtamen * glossa ibidem

7 & communis praxis (vt notat Chilian Konig in pract. c. 66. num. 4. & s.) docent. Hæredem ad præstandum iuramentum super facto defuncti, quod actor illi defert, nõ teneri, si nullā omninò eius rei, de qua agitur, habeat notitiam, per text. in d. l. videamus. quinimò licet ex fama publica aliquam concipiat opinionem, necdum tamen certus sit, idem dicendum esse, testatur glossa Spec. Sax. lib. 3. art. 8. Certò etenim constare ei debet qui iuramentū præstare vult, alioquin periuriū cõmittit, per text. in c. animaduertendū 22. qu. 2. Ex his * itaq;

8 manifestè colligi potest, quod actor potius petitionē suam quàm hæres factum defuncti iuramento comprobare debeat, prout etiā in Curia Regali practitari solet; Si verò
9 * actor ipse iurare nolens, adigat hæredem ad præstandum iuramentum; eo casu is non aliter iurare debet, quàm quod nullam habeat notitiam de debito, seu facto defuncti, vt notat gloss. d. lib. 3. artic. 11. per text. lib. 1. artic. 6. ibi: *Si autem actor suis voluerit renunciare testibus. & in iure Civili aut feudali hæredem*

*redem impetierit de scientia sua, tunc
necesse est, ut de sua scientia dicat ve-
ritatem, & si falsus fuerit, soluere de-
bet. Si verò negauerit, ignorantiam
suam iureiurando confirmabit, & tunc
absolutus erit.*

OBSERVAT. XXVI.

Vtrum Iudex secundum consci-
entiam, an verò secundum acta
& probata iudicare debeat.

SUMMARI A.

1. *Conscientia est Iudex verus.*
2. *DD. iuris circa hanc questionem
diuersæ opiniones.*
3. *Iudex & testis nemo esse potest.*
4. *Iudex quando supplere potest quid
in causa.*
5. *Iudex prout religio suggerit senten-
tiam proferre debet.*
6. *Iudex iurare debet de sententia si-
bi non liquere.*
7. *Accursij sententia, quòd Iudex se-
cundum conscientiam iudicare de-
beat, refellitur.*
8. *Authoris sententia, quòd secundum
acta & probata, non autem secun-
dum conscientiam iudicandum sit.*
9. *Accusatore deficiente Iudex nemi-
nem condemnare potest.*

In signis admodum est etiam hæc
quæstio: Vtrum Iudex secun-

dum conscientiam; an verò secu-
dum acta & probata iudicare te-
neatur? Et quamuis prima specie,
parua leuiq; hæc videri possint;
vt potè, * quòd conscientia verus
Iudex dici soleat, arg. l. 46. ff. de
acquir. hered. & teste gloss. in §. Sed
ipsa. Instit. de actionibus, quæ funda-
tur in l. semper in cōiunctionibus 197.
ff. de regul. iuris. Verum tamen* inter DD. iuris, tam antiquos, quàm
recentiores magna est de eo con-
trouersia. Martinus etenim anti-
quus iuris glossator, requirit con-
scientiam: Ioannes verò (quem
& Cui. lib. Obs. 12. c. 19. sequitur)
acta & probata, vt scilicet Iudex
iudicet secundum ea, quæ agun-
tur & allegantur in iudicio. *Tutior
enim hæc est ratio (vt idem inquit)
finiendarum litium, quàm si obtentu
scientiæ Iudicis licere permiseris, pro-
bationum nullam habere rationem:*
tum* quòd Iudex & testis nemo
esse possit, per expressum text. in
l. ult. Cod. de fideicommiss. Quod si
motus religione, ne videlicet aliter
quàm sciat iudicet, non improbè
eum facturum dixerim, si Iudicis
personam deponat, & suscipiat
testis vel accusatoris, quod etiam
probat Cuiacius d. loco. Sed Ho-
tomn. illustrium quæstio. 27. in
hoc casu distinguendum esse pu-
tat. Vtrum videlicet ambiguita-

tem Iudex in causa obscura, an errorem vel falsitatem perspicat. Nam* priore casu, ex æquo & bono causam quam lædi putabit, adiuuare poterit; *supplendo & proferendo, si quid à litigatoribus, vel ab his, qui negotijs adsistunt, minus fuerit dictum*, per expressum textum in *l. unic. C. ut que desunt aduoc. part. iudex suppl.* Sin autem bonam causam falsitate aliqua, vel instrumentorum, vel testium lædi videat, quoniã eo casu de conscientia & religione ipsius agitur, qui* prout religio suggerit, sententiam proferre iubetur, per textum in *l. eum. 79. §. 10. ff. de Iudicijs.* religiosis iudicem facturum putat, (siquidẽ huiusmodi est, vt ab eo prouocatio sit) si ab eo iudicio abste-
 5 neat, & testem se in ea lite, præsertim verò in criminalibus causis præbeat. Nam si ab eius sententia appellatio interponeretur, superior Iudex non tam facillè ea videre posset, quæ illi perspecta sunt. Sin autem prouocatio ab eo nulla est, tũ quia litigatores fidei ac potestati ipsius se commiserunt existimat diuino & humano iuri consentaneum esse, vt ex animi sententia religione, & conscientia pronunciet, pro quo multum faciunt textus, in *l. 3. C. de reb. dubijs. & in l. questum. 13. ff. de testibus.* præser-

tim si non ex præscripta formula, sed ex æquo & bono, ac proinde ex arbitrio iudicet. Corrasius verò *lib. 4. Miscell. quest. c. 20.* existimat, omninò secundum conscientiam iudicandum esse; quod probat multis rationibus, quas ibi videre licet. Cuius sententiam Costal. *aduers. parte 1. in l. illicitas. 6. ff. de off. præsid.* cum aliorum conuenire putat, si dicamus, ita ex actis Iudicem iudicare debere, vt tamẽ
 6 nunquam contra conscientiam iudicet; alioquin* melius est, vt iuret Iudex sibi non liquere, & absoluator a necessitate iudicandi, quemadmodum Aulum Gell. *lib. 14. Noct. Attic. c. 2.* fecisse legimus. Nisi ex integro indulgeatur sibi tẽpus, quo melius cognoscere possit. per expressum textum in *l. Pomponius. 30. ff. de re iudic.* Neque* enim
 7 hoc casu tenebitur Iudex reum absoluere, vt putauit Accursius in *§. commodum. Instit. de interdictis.* Nec refert quod idem ex *l. lex. 22. §. nec verò. in verbo testificatione. C. de administ. tutor.* infert. Iudicem debere iudicare secundum conscientiam. Siquidem ibi non agitur de testificatione iudicis priuata, sed publica & officiosa, vt scilicet quando tutor ædificium deformatum Iudici testificatur indicialiter, id est vocat Iudicem & testes,

stes, vt illud videant (prout in d. l. lex. 22. in verbis *& multorum fide*) habetur, iure id reficere possit. Vt
 8 vt * sit, mihi certè magis iuri communi consentanea videtur Ioan. & Cuias. sententia, vt potè cui expressi. text. in l. *illicitas. o. §. veritas.* his verbis: *Præsens prouincie id sequatur, quod conuenit eum ex fide eorum, quæ probabuntur, ff. de off. præsidis.* ad stipulatur. Nam si absque probationibus secundum scientiam, Iudiciliceretiudicare, eadem
 9 ratione * deficiente accusatore damnare eidem liceret, quod fieri non potest, per text. tot. tit. *Cod. de accusat. & in script.*

OBSERVAT: XXVII.

Vtrum creditor debitum petens, an verò debitor allegans solutionem, propior sit ad probandum?

S V M M A R I A.

1. *Solutionem allegans mettertius probare debet.*
2. *Debitor exceptionem solutionis opponens, actoris partes sustinet.*
3. *Solutionem allegans, an etiam contra chyrographum ad probandum admittendus sit.*
4. *Nihil tam naturale est, quam eo modo dissolui quodque quo colligatum est.*

5. *Testium numerus in probatione solutionis factæ, quando augeri debeat.*
6. *Scriptura authentica an testibus conuinci possit.*
7. *Instrumentum publicum & priuatum quot testibus improbetur.*
8. *Debitor solutionem probante, an fideiussores ipsius liberetur.*

IN praxi quotidie ferè videmus, quòd debitorum atque æris alieni actiones vt plurimum iuramento decidantur; idcirco non abs re quæri possit, Vtrum creditor debitum petens, an verò debitor allegans solutionem, propior sit ad probandum. Hanc quæstionem Ius Sax. clarè admodum enodare videtur. Spec. Sax. lib. 2. artic. 6. his verbis: *Omne * per solutum debitum, duobus hominibus solutionem videntibus & audientibus debitorem probare necesse est.* Et in lib. 1. artic. 65. ibi: *Omnia debita ante solutionis diem cui debentur licitè persoluantur, dummodo in eo loco fuerint soluta, à quo creditor ea poterit libere deportare: ipse autem ad hæc testimonio indiget duorum virorum, qui solutionem viderunt. &c.* Quamuis etenim regulariter actor intentionem suam probare teneatur, alioquin reus omninò absolucndus est, vt supra obser. 22. copiosius docui: attamen * in hoc casu, cum etiam reus 2
 I 3 exceptio.

exceptionem debiti soluti opponens, partes actoris sustinere dicatur: per express. text. *in l. 1. ff. de exceptionibus*. non iniuria certe ad probationem allegationis suæ admitti debet. Quod etiam in Curia Regali observari, perpetua praxis ostendit: prout inter Adler & Vmicki Anno 1596. die 19. Octobr. & aliis quàm plurimis pronunciatum fuit. sed hoc verum est, quando debitum simpliciter verbis tantum fuit contractum, at * quando chyrographum maioris securitatis causa, a debitore creditori datum, remanet apud creditorem, debitor verò, petente illo debitum allegat solutionem esse factam, an etiam eo casu ad probandum cum duobus testibus admitti debeat; valde dubium est? Et quamvis praxis hodierna eam probationem admittere soleat: attamen quod id iure quavè æquitatis ratione faciat, non satis liquet. Cum * enim (teste Iustin. *in l. nihil ff. de regulis iuris*) nihil tam naturale sit, quia ut eo modo quodq. dissolvatur, quo colligatum est. Summa æquitatis ratio suadet, ut etiam talis chyrographaria obligatio, contrariâ scripturâ, ut pote Apochâ (quam vulgus quitantiam vocat) dissolvatur, aut saltem chyrographum à creditore recipiatur. Neque enim (quod ple-

rique causari solent) huiusmodi supina negligentia debitoris in repetendo chyrographo attendi debet, siquidem res exigui sit laboris scribere quitantiam, vel chyrographum à creditore repetere. Sed etiam si ea sententia, (idque propter textum *in l. fin. C. de solut.* cuius is est tenor. *Solutionem asseueranti probationis onus incumbit, quo factò, chyrographum condicere potest*) approbanda esset; attamen * non video cur numerus saltem testium augeri non debeat; quod textus *in l. testium. 15. C. de testib.* omnino requirit hisce verbis: *Testium facilitatem per quos multa veritati contraria perperantur, prout possibile est, rescantes omnibus prædicimus, ut qui in scriptis à se debita retulerint, non facile audiantur, si dicant omnis debiti vel partis solutionem sine scriptis se fecisse, velintq. viles & forsitan redemptos testes super huiusmodi solutione producere; nisi quinq. testes idonei & summa atque integræ opinionis, præstiterint solutioni celebrata, hisq. cum sacramenti religione deposuerint sub præsentia sua debitum esse solutum; ut scientes omnes ita ea statuta esse, non aliter debitum vel partem eius persolvant, nisi vel securitatem in scriptis capiant vel observaverint præfatam testium probationem, his scilicet, qui iam sine scriptis debitum vel partem eius soluerint,*

6 soluerint, à presenti sanctione merito
excipiendis. Scripturam autem hic
intellige, non solum priuatam, vt
potè chyrographum aut similem;
verum etiam * authenticam, Actis
nimirum publicis insinuatam. Ean-
dem enim in exercendis litibus vim
obtinent, tam fides instrumento-
rum, quam depositiones testum,
per expressa verba legis in exercen-
dis 15. C. de fide instrum. quinimò plus
viuæ voci inesse fidei videtur,
quàm mortuæ, per text. in Nouel.
Constit. 73. c. 3. in verbis: *Tunc nos
quidem existimauimus ea quæ uiua
dicuntur voce, & cum iureiurando:
hec digniora fide quam scripturam
ipsam secundum se subsistere.* Id tamē
in scripturis authenticis, vt potè
in inscriptionibus coram Actis reco-
gnitis, praxis non admittit, nisi cō-
traria huiusmodi scriptura seu
Apocha, solutionem vel satisfac-
tionem debiti esse factam probe-
tur. Nec tamen quodlibet instru-
mentum tanti esse debet momenti,
vt trium, vel plurium idoneorum
testiū depositionibus præferatur;
aliquando enim duo * tantum tes-
tes reprobare possunt priuatum
instrumentum, vt notat gloss. in d.
l. 15. C. de fid. instrument. per text. in
l. optimam. 14. C. de contr. & commit.
stipul. Non tamen reprobant pu-
blicum, nisi tres aut quatuor, per

textum in l. cum precibus. C. de pro-
bat. & in c. cum Ioannes ext. de fide.
instrum. Sed hoc totum iuxta D.
Hadriani definitionem in l. testium.
3. ff. de testibus. iudicis arbitrio re-
linquendum esse verius est; vt sci-
licet is ex animi sui sententia æsti-
met, quid aut credat, aut parum
probatum sibi opinetur. Obiter * 8
notandum est, quod probans so-
lutionem esse factam non solum
ipse ab impetitione creditoris ab-
soluatur, sed etiam liberet fideiuf-
forem, per expressum textum Sp.
Sax. lib. 3. art. 85. in verbis: *Qui
pecuniam soluere promiserit, aut suus
fideiussor; soluente principali fideiuf-
sor liberatur, dummodo id probetur
per eundem: quamuis eo casu, quā-
do principalis debitor iurat se non
debere, fideiussor nihilominus ma-
neat obligatus, teste gloss. eiusdem
iuris d. lib. 1. art. 65.* Necesse enim
habet fideiussor, ea, quæ promisit
adimplere, vel per iuramentum
negare, vt ait text. d. lib. 1. artic. 7.

OBSERVAT: XXVIII.

An chyrographum à creditore
debitori redditum importet so-
lutionem, & liberet debitorem?

S V M M A R I A.

1. Chyrographum restitutum debito-
ri, quomodo liberet eundem.

2. Volen-

2. *Volenti & consentienti nulla fit iniuria.*
3. *Praxis Curiae Regalis.*
4. *Chyrographum cancellatum non omnino probat solutionem.*
5. *Chyrographa duo, vnum restitutum debitori, alterum verò remanens apud creditorem, quid operentur.*
6. *Rationes, cur chyrographum vñ restitutum debitori, non videatur cum liberaſſe à ſolutione debiti.*
7. *Creditor chyrographo amiſſo, tenetur dare apocham.*
8. *Apocha quid dicatur, & quando liberet debitorem.*
9. *Chyrographo amiſſo ſi debitor neget ſolutionem, alijs probationibus conuincendus eſt.*

Amplius in eadē materia haud inutiliter quæri poteſt. An, ſi chyrographum à debitore creditori datum, poſtmodum eidem redditum inueniatur, ſolutionem debiti eſſe factam importet, & idcirco liberet debitorem? Pro * parte affirmatiua multum facere videntur textus Iuris Ciuilis. Primò in l. Labeo ait. §. 1. ibi: *Et ideò ſi debitori meo reddiderim cautionem, videtur inter nos conueniſſe ne peterem; profuturamq; ei conuictionis exceptionem placuit, ff. de pactis.* Item in l. creditricem. 7. C. de remiſſ. pignor. cu-

ius hæc ſunt verba: *Creditricem patri tui ſub obligatione fundi, qui per chyrographum nexus pignori fuerat, iubentem eandem cautionem reddi; pignoris etiã ius remiſſiſſe videri, manifeſtum eſt. Qui tamen textus ita accipiendi ſunt, ſi videlicet volente & conſentiente creditore chyrographum debitori ſit redditum. Volenti* enim & conſentienti nulla fit iniuria, per l. in diem. 9. §. 1. ff. de aqua, & aqua pluuiæ arcend. & in l. cum donationes. 34. C. de tranſact. quemadmodum in Curia Regali ſæpiùs iudicatum memini. Nam* 3 ſi id fiat ſine ipſius voluntate, debitorem nequaquam liberari, plus quàm manifeſtum eſt, per claros textus Iuris Ciuilis. Et primò quidem in l. quod debitori. 15. C. de ſolut. cuius iſe eſt tenor: *Quod debitori tuo chyrographum redditum contra voluntatem tuam adſeueras, nihil de iure tuo deminutum eſt. Quibuſcunque itaq; argumentis iure proditis hanc obligationem tibi probanti, eum pro huiusmodi facto liberationem minimè conſecutum, iudex ad ſolutionem debiti iure compellet.* Facit item l. ſi chyrographum. 24. ff. de probat. *Si chyrographum* cancellatum (idem intellige ſi redditum) fuerit; licet præſumptione debitor liberatus eſſe videtur; in eam tamen quantitatem, quam manifeſtis probationibus creditor ſibi adhuc**

adhuc deberi ostenderit, recte debitor conuenitur. Ad stipulatur etiam l. debitorum. i. C. de fid. instrum. his verbis: *Debitor est tuos quibuscunque rationibus debere tibi pecuniam si probaueris, ad solutionem compellet aditus Praeses provinciae: nec oberit tibi amissio* (idem dic de redditione) *instrumentorum, si modo manifestis probationibus eos debitorum esse apparuerit.*

5 Quid * verò dicendum esset, si de eodem debito duo conficiantur chyrographa vel instrumenta, quorum vnum restituatur debitori, an nihilominus debitor liberetur? Quae in re diuersae sunt DD. iuris opiniones. Quidam enim existimant, etiā hoc casu tacite interuenisse pactū de non petendo, vt in *d. l. 2. ff. de pactis*, & ita sentit Paulus de Castro. Alii (quorum sententia magis placeat) statuunt, obligationem efficacem manere, nec videri planē

6 chyrographum redditum, idque * tribus potissimum probant rationibus. Prima, quod eadem vis sit vtriusque chyrographi aut instrumenti, nec plus creditor ex duobus exigere possit, quā ex vno. Vnde colligitur, quod reddens vnum, nihil praeiudicii sibi faciat, quia re ipsa, & quantum ad effectū, tantū habet quantum antea habebat, ipsam videlicet probandi facultatem, cum non minus vno

probare potest, quā duobus. Secunda, quod creditores tū demū soleant reddere chyrographa, cū non possunt, vel nollunt amplius petere debitum. Ad hoc casu, nō censentur nolle petere, siquidem retinent vnū chyrographum. Tertia, quod chyrographum a creditore debitori possit ob aliam causam tribui, non ob liberationem, vt potē propter certitudinem, vbi, quando, & quantum soluere debeat, vt notat gloss. in *l. pecunie. 14. in ver. maiorem. C. de solut.* Creditor verò chyrographum ob aliam causam retinere non potest nisi ad probandam obligationem. Vnde sequitur, quod reddito vno chyrographo, alio verò retento, obligatio maneat integra. Hanc sententiam tenet Iulius Pacius in suis Antinomiis. Proinde * si cre- 7
ditor chyrographum reddere non potest, vt potē quia intercidit, aut igne, aut naufragio absumptum; tunc non est dubium liberari eum dando apocham, per clarum textum in *l. pecunie. 14. C. de solut.* vbi sic deciditur: *Pecunia soluta professio collata instrumento, maiorem rei gestae probationem continet, quā si chyrographū accepta pecunia mutuae fuisset redditum.* Apocha * verò est 8
scriptura, qua creditor scribit se recepisse pecuniam creditam gloss. in *d. l.*

*in d. l. pecunia. quæ itidem non aliter liberat debitorem, quàm si re vera & in effectu pecunia persoluta sit. per text. in l. si accepto. 19. §. 1. ff. de acceptilat. & in l. si obligat. C. de solut. Hæc autem de amisso chyrographo eatenus vera sunt, in quantum debitor ultro debitum solvere vult, & solummodo maioris certitudinis causa, chyrographum petit sibi restitui. At secus est, * quando debitor ob amissum instrumentum negat solutionem: Eò enim casu creditoris allegatio de amisso instrumento non admittitur, sed aliis probationibus debitum probare potest, per textum in l. sicut. 5. C. de fide instrument. quæ ita disponit: Sicut iniquum est instrumentis vi ignis consumptis debitores quantitatum debitarum renuere solutionem: ita non statim casu conquerentibus facile credendum est. Intelligere itaq; debetis non existentibus instrumentis, vel alijs argumentis probare debere fidem precibus vestris adesse.*

OBSERVAT: XXIX.

Exceptio non numeratæ pecuniæ
an de iure locum habeat.

S V M M A R I A.

1. *Confessio posterior contraria priori attendi non debet.*

2. *Confessio pro iudicato habetur.*
3. *Confessus debitum, in chyrographo obligatur civiliter non naturaliter.*
4. *Obligatio naturalis requirit consensum.*
5. *Exceptio non numeratæ pecuniæ intra biennium opponi debet.*
6. *Exceptio non numeratæ pecuniæ transfert onus probandi in creditorem.*
7. *Exceptio non numeratæ dotis itidē intra biennium competit.*
8. *In Praxi exceptio non numeratæ pecuniæ admitti solet.*
9. *Locupletari nemo cum alieno damno debet.*
10. *Exceptio non numeratæ pecuniæ in alijs contractibus, præterquam in mutuo, an habeat locum.*
11. *Casus in quibus exceptio non numeratæ pecuniæ etiam intra biennium non competit.*
12. *Exceptio non numeratæ pecuniæ an habeat locum.*
13. *Galliæ consuetudo de hac exceptione.*
14. *Homines Christianos non decet de apicibus iuris disputare.*

Sæpius id evenit, ut debitor spe futuræ numerationis, det chyrographū creditori, in quo confitetur, se certam pecuniæ summam ab eo mutuo accepisse, quo casu, utrum teneatur ad solutionem debiti con-

- biti confessi, an verò exceptionē non numeratæ pecuniæ opponere possit, dubium est? Et primò quidem dicendum videtur, quòd talis exceptio locum non habeat; si quidem * *nimis indignum est, quod sua quisq; voce dilucidè protestatus est, id in eundem casum infirmare, testimonioq; proprio resistere. vt in l. generaliter 13. C. de non num. pecu. tradi-*
- 2 *tur. Semper * enim propria confessio, vim rei iudicatæ obtinet, & ad solutionem cogit. vt in l. uni. C. de confessus. satis disertè exprimitur Verius tamen est huiusmodi exceptionem competere ex ea potissimum ratione, quòd * is quidam huiusmodi chytographum, & cōfiteatur pecuniam mutuo sibi esse datam, obligetur ciuilitè tantum, non etiam naturaliter. Naturalis*
- 4 ** enim obligatio, omninò requirit consensū, arg. l. i. in fine. ff. de nouat. qui in hoc casu, dum videlicet numeratio non est sequuta, non præsumitur talis fuisse, vt debitor voluerit se esse obligatum; & idèò conueniri quidem potest, idq; cōdictione ex lege, vt *Instit. de li. oblig. ibi. nascitur conductio &c. habetur; sed liberatur exceptione non numeratæ pecuniæ, dummodo * intra iusta tempora opponatur. quæ quamuis antea ex Imperialibus Constitutionibus vsque ad quin-**
- 5

quenniū procedebat, attamen per Constitutionem Imp. Iustin. tempus illud coartatum est, vt vltra biennii metas huiusmodi exceptio minimè extendatur, per expressum textum in *Instit. d. tit. de liter. obligat. & in l. in contractibus. 14 C. de non num. pecun. in verbis: In contractibus, in quibus pecuniæ vel alia res numeratæ vel data esse conscribuntur, non intrā quinquennium (quod antea constitutum erat) non numeratæ pecuniæ exceptionem obijcere possit, qui accepisse pecunias vel alias res scriptus sit, vel successor eius, sed intrā solum biennium continuum; vt eo elapsò, nullo modo querela non numeratæ pecuniæ introduci possit.*

6 Vnde * consequēs est, quod si creditor alleget pecuniam esse numeratam, ipse id probare teneatur. Præsumptio enim contrā chytographum, vel inde sumi potest, quod debitor necessitate adactus admodum facilis esse soleat ad exhibendam quamlibet confessionē, dummodo pecuniæ sibi numerandæ aliqua spes sit; quod etiam de sponso dotem confitente dici solet. Nam * & is intra bienniū exceptionem non numeratæ dotis habet, per expressum textum in *d. l. in contractibus 14. in fine. idque propter similitudinem rationis, nempe suspicionē facilitatis. Quid*

7

enim non scribit amoris astro percitus
 sponsus, & agit ut potiatur sponsa?
 Myrs. in Insit. de lit. oblig. tradit:
 prout ex aduerso, elapso biennio
 huiuscemodi exceptio non habet
 locum ob hanc potissimum cau-
 sam, quod iam præsumptio sit con-
 trā debitorem. Neq; enim præsu-
 mitur tam negligens fuisse, ut in-
 tra biennium non exigeret pecu-
 niam, aut saltem chyrographum.
 8 repeteret. Proinde * non absque
 summa æquitatis ratione, etiam in
 praxi hæc de non numerata pecu-
 nia exceptio admitti solet; prout
 id in Curia Regali inter Vmia sto-
 vvski & Successores Wilczek An-
 no 99. mense Martio tractatū fuis-
 se memini. Cum * nihil magis sit æ-
 quitati consentaneum, quam ne
 quis cum alieno damno locuple-
 tetur, per text. in l. nam hoc. 14. ff.
 de cont. indebiti: quod certè omis-
 sa hac exceptione sæpius eueni-
 ret. Nec admodum his refragan-
 tur ea, quæ ex d. l. generaliter. 13. C.
 de non num. pec. in contrarium ad-
 10 ducta fuerunt. Textus * etenim il-
 lius legis expressè loquitur de aliis
 contractibus cum videlicet ex al-
 lia causa, quam mutui confessio
 fit, in quibus huiusmodi exceptio
 nil locum non esse plusquam mani-
 festum est, per magis clarum tex-
 tum in l. aduersus. s. ibi: Ignorare

autem non debes, non numerata pe-
 cunia exceptionem ibi locum habere,
 ubi quasi credita pecunia petitur.
 Cum autem ex præcedente causa de-
 biti in chyrographum quantitas redi-
 gitur: nõ requiritur, antunc, cū caue-
 batur, numerata sit: sed an iusta causa
 debiti præcesserit. C. de non num. pec.
 Quo ad secundum, neq; illud mul-
 tum facere potest. Quamuis enim
 id verum sit, quod confessio vim
 rei iudicatæ obtineat, attamen hoc
 ita intelligendum est, si confessio
 sit plena & manifesta; non autem
 erronea, qualis omninò hæc est.
 Nam confitetur quidem debitor
 in tali chyrographo numerationē
 esse factam, sed spe futuræ nume-
 rationis, qua non sequuta, cõmit-
 titur error facti, qui nemini nocere
 debet, secundum cõmunem DD.
 opinionem, ut Obs. sequenti tra-
 ditur. Porro * sunt certi casus, qui-
 bus etiam intra biennium cessat
 hæc de non numerata pecunia ex-
 ceptio; & primus quidem in l. cum
 fidei. 4. C. de non num. pecunia. ex-
 primitur his verbis: Cum fidei cau-
 tionis agnoscens etiā solutionem por-
 tionis debiti vel usurarum feceris, in-
 telligis te de nõ numerata pecunia ni-
 mium tardè querelam deferre. Secū-
 dus est, quando debitor confite-
 tur in testamento se recepisse pe-
 cuniam. Eo enim casu metu mor-
 tis vi-

OBSERVATIO XXX.

An indebitè solutum repeti possit

S V M M A R I A.

tis videtur vera confiteri, per textum in l. 1. C. de falsa. caus. adiect. legat. Tertius est; quando debitor semel atque iterum confessus est debitum: Actus enim geminatus (vt DD. loquuntur) multum arguit ad validitatem eius quod agitur, per express. text. in l. cum scimus. 22. ibi: Tunc ex utroque genere obligationis, id est tam scripturæ, quàm confessionis vel depositionis, talem esse credendum qualem se & scripsit, & inter acta deposuit: C. de agric. & censit. lib. 11. Sunt & alii plerique, quos DD. & præsertim Ioan. de Platea Instit. de liter. oblig. latè persequitur. Nec desunt, * qui etiam inter mercatores huic exceptioni locum non esse tradant, quod Iason. in l. qui pecuniam. ff. si cert. petatur. firmiter tenet. Sed & * Costal. aduers. parte. 3. in l. in duobus. 28. §. à fideiussore. ff. de iureiur. in Gallia hanc exceptionem omninò non admitti, & solam ibi confessionem numerationi comparari testatur, idque ex ea potissimum ratione, quod * non deceat homines, maximè verò Christianos, de summo iure & apicibus iuris disputare, per text. in l. si fideiussor. 29. §. quædam. 4. ff. Mandati.

1. Indebitum qui soluit sciens, donare videtur.
2. Indebitum fit quatuor modis.
3. Soluens indebitum per ignorantiam iuris vel facti, quando id repetere possit.
4. Error iuris & facti non nocet, quando agitur de evitando damno, & quomodo id intelligendum.
5. Indebitum Iure Ciuili an ob ignorantiam iuris repeti possit.
6. Condictio indebiti est iuris naturalis.
7. Ignorantia facti quando non noceat.
8. Condictio indebiti an locum habeat: si debitum ante tempus solutum sit.
9. Indebiti condictio quibus casibus cessat.
10. Iura omnes scire debent, exceptis minoribus & militibus.
11. Ignorantia iuris quibus personis non nocet.
12. Ignorantia iuris non excusat, quando iuris consultorum copia haberi potest.

Superiori ad finis valde hæc quæstio est quæstio. Vtrum videlicet indebitè solutum repeti possit?

Qua in re, quamuis omnis dubitatio per text. in l. 1. his verbis: *Et quidem si quis indebitum ignorans soluit, per hanc actionem condicere potest.*

1 *Sed si sciens se non debere, soluit, cessat repetitio.* ff. de condict. indebiti. eximi videatur: Cum & iuxta vulgata regulam iuris in l. cuius. 53. ff. de reg. iuris. Cuius per errorem dati repetitio est, eius consulto dati donatio est; id tamen absque distinctione satis commodè explicari nequit. Quia cum quis soluit indebitum ignorans

2 aut * est indebitum utroque iure, civili scilicet & naturali: aut naturali tantum; aut civili tantum; aut est debitum utroque iure. Si ergo indebitum est utroque iure, vel naturali tantum, ut potè si quis in chyrographo dato, spe futuræ numerationis, confessus est se debere, quo casu civilis tantum fit obligatio, ut supra obser. præcedenti dictum est; tunc * solutum per quam-

3 cunque ignorantiam, siue iuris, siue facti, repeti potest, per claros textus in l. cum & insolut. C. de condict. indebiti, & l. si quasi. 7. C. de non numerata pecunia. Neque * enim iuris error in damnis amittenda rei sua nocet, per express. text. in l. 7. & 8. ff. de iur. & facti ignor. Et certè multo minus facti ignorantia, ut ibidè in d. l. 8. habetur, & notat Chilian Konig in pract. c. 63. num. 4. prout

etiam in Curia Regali inter Schniter & Iudæum Nachman Anno 96. feria secunda intra Octauas SS. Corporis Christi iudicatum reperi. Æquitas siquidem ipsa suadet, ut id restituatur quod indebitè solutum est; & valdè iniquum esset, aliquè ditari cum alieno damno, ut text. in l. nam hoc natura. ff. de cond. indebiti. tradet. Quod * si indebitum iure civili, sed debitum iure naturali tantum, putà ex minus solemnī testamento solvatur, repeti non potest; cum hæc * conditio sit naturalis, per textum in l. indebiti. 15. ff. de condict. indebiti. & idè ex æquo & bono datur; Id tamen eatenus verum est, quatenus aliquid solvitur per iuris, ut in l. regula. 9. §. si quis ius. s. ibi: *Quod si idè repetitionem eius pecunie habere credunt, quod imperitia lapsi, legis Falcidie beneficio usi non sunt; sciant ignorantiam facti non iuris prodesse, nec stultis solere succurri, sed errantibus.* ff. de iur. & fact. ignor. vel facti ignorantiam supinā, & minus probabilem, ut in d. l. regula. §. 2. in verbis: *Sed * facti ignorantia ita demum cuiq. non nocet, si non ei summa negligentia obijciatur. Quid enim, si omnes in ciuitate sciāt, quod ille solus ignorat? & rectè Labeo definit scientiam neque curiosissimi, neque negligentissimi hominis accipiendam; verum eius qui eam rem diligenter*

ligenter inquirendo, notam habere possit. ff. eodem. traditum est. Neq;
 8 * in contrarium his facit, quod iuris ignorantia suum petētibus nocere non debeat, per text. in d. l. iuris ignorantia. 7. & 8. ff. de iur. & facti ignor. Verissimum enim est, quod ignorantia iuris damno non adficiat, sed etiam minimè prosit; inter quæ duo magna est diuersitas. Ignorantia siquidem facti lucro adficit, & damno liberat, per indebiti repetitionem: Ignorantia autem iuris, neque lucro adficit, neque damno liberat, id est, non facit, vt denegetur indebiti conditio, sed nec obstat quominus denegetur, quæ ipso iure non competit: prout id eruditè declarat Cuiacius lib. 5. obser. 39. Si * denique debitum sit utroque modo, & solvatur ante tempus solutioni præfixum, eo casu solutum non repetitur, per expressum textum in l. in diem. 10. in verbis: In diem debitor, adeo debitor est, vt ante diem solutum repetere non possit. ff. de cond. indebit. quod itidem (nisi per ignorantiam facti probabilem solutum sit) intelligi debet. Sunt * autem & alii quidam casus, quibus hæc conditio cessat, vt potè ob rem iudicatam, vt in l. 1. C. de condic. indeb. causam piam, vt in l. cum is qui. 33. §. mulier. 2. ff. eodem. inficiationem, vt in l. ea

quæ. 4. C. eodem. transactionem, vt in l. in summa. 65. in pr. ff. eodē. iusiurandum, vt in l. nam. posteaquam. 9. ff. de iure iur. & denique ob solutionem alieno nomine factam, vt in l. repetitio. 44. ff. de condic. indebiti. videre licet. Ad extremum & hoc sciendum est, quod quamuis ignorantia iuris neminem excusare possit, vt supra dictū est. Omnes * enim iura scire debent, per ex- II
 press. text. in l. leges. 9. ibi: Leges sacratissimæ, quæ constringunt hominum vitas, intelligi ab omnibus debēt, vt uniuersi præscripto earum manifestius cognito, vel inhabita declinent, vel permissa sectentur: C. de legib. at tamen milites, & minores excipiuntur. Hi enim propter ætatis defectū, ius scire nō possunt; proinde ignorantia non solum illis non nocet, sed etiam prodest, vt scilicet lucrentur & acquirant, per text. in l. pen. in pr. ff. de iur. & facti ignor. & l. 2. C. eodem. quod etiam in militibus locum habet, per text. in l. 1. C. de iur. & facti ignor. quos arma magis, quàm iura scire debere, sacratissimus legislator existimauit, vt in l. scimus. 22. C. de iure delib. habetur. at in fœminis, & rusticis, quamuis his etiam subueniatur, per textum in l. fin. C. de iur. & facti ignor. & l. si quis. 7. in verbo rusticitatem. ff. de iurisdictione. & in l. si quis. 3. §. & si sciens.

sciens. 22. ff. ad Senatusc. Sijll. hoc fieri solet, certis tantum casibus in iure expressis, prout d. l. fin. ibi: in his tantum casibus, in quibus præteritarum legum auctoritas eis suffragatur, subueniri; recusetur. Quod etiam de eo casu intelligendum est, quando peritiores in iure non habuerunt a quibus consilium peterent, per textum in d. l. Regula. §. 3. in verbis: Sed iuris ignorantiam non prodesse, Labeo ita accipiendum existimat, si iuris consulti copiam haberet, vel sua prudentia instructus sit, ut cui facile sit scire, ei detrimento sit iuris ignorantia, quod raro accipiendum est. ff. de iuris & facti ignor.

OBSERVAT: XXXI.

Periculum rei debite vtrum ad debitorem vel ad creditorem pertineat?

S V M M A R I A.

1. Periculum rei debite post moram pertinet ad debitorem secundum communem DD. opinionem.
2. Si res eodem modo apud creditorem peritura fuisset, quo apud debitorem interijt, quid iuris sit.
3. Mora delicto & furto æquiparatur.
4. Mora aut sit bona fide aut mala.
5. Mora non interveniente, si res depercat, cuius periculo id fiat.

6. Debitor generis nequaquam interitu liberatur, nisi obtulerit certam speciem.

7. Indebitore quantitatis quid iuris sit.

8. Debitor speciei interitus ipsius quâdo liberetur.

9. Mora quomodo compurgari potest per debitorem.

10. Mora fideiussoris non nocet principali, sicut & mora patris filio.

Vetus & intricata etiam hæc est quæstio. Periculum rei debite, vtrum ad debitorem, vel ad creditorem pertinere debeat? Quia in re, propter plures eosque varios iuris Civilis textus, diuersæ sunt DD. opiniones. Et quamvis omnes ferè in eo consentiant, quod *post moram debitoris periculum seu interitus rei debite ad debitorem pertineat, idque per expressum, & ut illi dicunt magistralem text. in l. quod te. §. ff. de reb. cred. cuius hæc sunt verba: *Quod te mihi dare oporteat, si id postea perierit, quam per te factum erit quominus id mihi dares, tuum fore id detrimentum constat.* Cui ad stipulantur multi alii textus, quos glos. ibidem in verbo *detrimentum*, enumerat; attamen in eo, si res debita eodem modo penes creditorem peritura fuisset, quemadmodum apud debitorem sua sponte perit, non solum veteres iuris civilis

ciuilis glossatores Martinum & Ioannem, sed etiam antiquissimos illos legum professores Sabinum & Cassium atq; Proculum; eorumq; affectas valde dissentientes fuisse, indicio est text. in *l. si plures. 14. §. ult.* in verbis: *Sabinus & Cassius absolui debere eum, cum quo actum est dixerunt; quia æquum esset naturalem interitum ad actorem pertinere; utiq; cum interitura esset ea res, et si restituta esset actori. ff. de positi.* Horum sententiã sequutus est etiam Martinus, vt videre est in gloss. *d. l. quod te. s. in verbo, detrimentum. & in d. l. si plures. 14. in verb. interitura esset.* per textus ibi allegatos, & potissimum in *l. item si verberatũ. 13. §. fin.* in verbis: *Sed est verius, si forte distracturus erat petitor, si accepisset, moram passo debere prestari, nam si ci restituisset, distraxisset, & precium esset lucratus. ff. de rei vindicat.* Verum Proculus (quẽ Ioannes sequi maluit) hanc distinctionem, vt eodem modo res debita peritura esset penes creditorem vel non; nequaquam admittendam esse existimauit; siquidẽ generaliter post moram comissam, debitorem teneri text. *d. l. quod te. s.* & alii quam plurimi testentur. In primis verò Pomponius in *l. si in Asia. 12. §. ult. ff. de positi.* discretis verbis docet; quod, siue ex stipulatu, siue ex testa-

mento, vel ex deposito debetur; si post acceptum iudicium res interierit, cū detrimento rei pereat. Quod idem planissimẽ cõfirmat text. in *l. si seruus 108. §. si seru. 11. ibi: Si seruus legatius sit, & moram hæres fecerit, periculo eius & viuuit, & deterior fit. ff. de legat. 1. & in l. si duo. 16. §. ergo 3. ff. de pecunia constit.* his verbis: *Ergo si non stetit per actorem, tenet actio: etiam si per rerum naturam stetit, sed magis dicendum est, subueniri reo debere: apertissimẽ innuitur, quod non attendatur, vtum apud creditorem res peritura fuisset, nec ne; sed an debitor in mora fuerit? Vtroque enim casu indistinctẽ mora (quæ delicto, vt putã, furto æquiparatur, vt in *l. inter stipulantem. 83. §. pen. ff. de v. o. videre est)* periculo debitorem obligat, quod ex verbis 10. Pauli in *l. si filio familias. 25. §. si post. 2. ff. solut. matrimonio.* apertẽ colligitur, quod videlicet maritus, qui in reddenda dote moram fecerit, omnimodò, hoc est, sine vlla distinctione, periculo dotis obligetur. Mihi certẽ, remotis hisce 10. disputationibus, ipsam rei æquitatẽ consideranti, distinctio, quam Hotom. illustrium quæst. 30. ponit, vt * videlicet distinguamus inter eum qui bona fide moram facit, putans se iustam causam habere differendi; & eum, qui mala fide*

rem debitam restituere recusat, qui & frustrator rectè appellari potest, ut in l. sciendum. 21. §. l. sequen. his verbis: Sciendum est, non omne quod differendi causa optima ratione fiat, moræ adnumerandū, quid enim, si amicos adhibēdos debitor requirat, vel expediendi debiti, vel fideiussoribus rogandis? vel exceptio aliqua allegetur? mora facta non videtur, si modo id ipsum non fraudandi causa simulatur. ff. de usuris. habetur. Equitatis enim valdè consentaneum est, ut is, qui bona fide cunctatur, seu moram committit, naturali rei debitæ interitu liberetur, etiamsi res apud creditorem peritura non fuisset. Secus in eo, qui mala fide & animo fraudandi in mora est. Is enim hanc malæ fidei suæ subire debet pœnam, ut, siue apud actorem interitura res esset, siue non, nullatenus interitu eius liberetur, quod etiam Paulus 10. in l. illud. 40. in pr. his verbis Illud quoq. quod in oratione D. Hadriani est, ut post acceptum iudicium, id actori præstetur, quod habiturus esset, si eo tempore, quo petit restituta esset hereditas, interdū durum est. Quid enim, si post litem contestatam mancipia, aut iumenta, aut pecora deperierint? damnari debet secundum verba orationis: quia potuit petitor restituta hereditate distraxisse ea. Et hoc iustum esse in spe-

cialibus petitionibus Proculo placet, Cassius contra sensit. In prædonis persona Proculus rectè existimat. in bonæ fidei possessoribus Cassius. Nec enim debet possessor aut mortalitatem præstare, aut propter metum huius periculi temerè indefensum ius suum relinquere. ff. de heredit. petit. satis clarè probat. Porro * si nulla mora debitoris interueniente res deperiat, cuius periculo id fiat, non incongruè hic quæri potest? Quod iidem propter diuersitatem textuum iuris, absq. distinctione explicari commodè nequit. Primò itaque distinguendum est, inter genus seu quantitatem, & speciem. Si * enim genus debetur, tunc debitor summi generis, interitu ipsius minimè obligationi eximitur: Cum per rerum naturam genus nunquam perire possit, ut est text. in l. in ratione. 30. §. incerta. 5. & ibi gloss. in verbis, relictum esset. ff. ad l. Falcid. & per consequens nec debitor quantitatis, per expressum text. in l. incendium. 11. C. si certum petatur. vbi dicitur: quod incendiū ere alieno non exuat debitorem. Si * tamen aliquis debeat quantitatem respectu certæ speciei, dicendum est, quod specie perempta, etiam generis siue quantitatis obligatio non perduret, sed debitor omnino liberetur, ut in l. in nauem. 31. ff. locati

locati. & in l. electio. §. si is quem. ff. de
 7 noxalib. actio. disponitur. Item* si
 debitor generis obtulerit creditori
 aliquam speciem, creditor autē
 eam accipere recusauerit, tunc
 propter moram creditoris interitu
 speciei oblatae debitor liberatur,
 quamuis deberet genus, per ex-
 pressum textum in l. qui decem. 7. 2.
 in verbis: *Qui decem debet, si ea ob-*
tulerit creditori, & ille sine iusta causa
ea accipere recusauit, deinde debitor
ea sine sua culpa perdidit, doli mali
exceptione potest se tueri; quanquam
aliquando interpellatus non soluerit.
Etenim non est æquum teneri pecunia
amissa: quia non teneretur, si creditor
accipere voluisset, quare pro soluto id,
in quo creditor accipiendo moram fe-
 8 *cit, oportet esse. ff. de solut. Aut* de-*
 betur species, & tunc, si facto de-
 bitoris periit, omnimodo tenetur,
 per text. in d. l. quod te. s. ff. de rebus
 credit. Si verò sine facto debitoris,
 & nulla mora eiusdem præceden-
 te, liberatur, per textum in l. si ex
 legati. 23. ff. de verb. obligat. cuius
 hæc sunt verba: *Si ex legati causa,*
aut ex stipulatu hominem certum mi-
hi debeas; non aliter post mortem eius
tenearis mihi; quam si per te steterit,
quominus viuo eo, eum mihi dares.
 9 *quod ita sit, si aut interpellatus non de-*
disi aut occidisti eum. Sed etsi de-*
 bitor in mora fuerit, & postea eam

purgauerit, puta oblatione, vel
 nouatione, re extincta, perinde li-
 beratur, ac si nunquam moram
 comisisset, per textum in l. item si cit.
 14. §. quod si homo. in verbis: *ita ut,*
si dominus eum quoquo modo receperit,
is, qui ex stipulatione cōuenitur, exce-
ptione tui fiat. ff. quod met. caus. Deni-
 10 *que si ali⁹ ex parte debitoris, ut po-*
 te pater aut fideiussor morā fece-
 rit, nihilominus rei interitu debitor
 liberatur; is verò qui moram fecit,
 vtili actione conueniri debet, per
 textum in l. cum filius familias. 49. in
 verbis: *At si pater in mora fuit, non*
tenebitur filius: sed utilis actio in pa-
trem danda est. Quæ omnia & in fi-
deiussoris persona dicuntur. ff. de
verb. oblig.

OBSERVAT: XXXII.

An aliud pro alio, id est, res mobilis
 pro immobili, vel è contra solui
 possit?

S V M M A R I A.

1. Aliud pro alio solui posse affirmatur.
2. Æstimatio seu precium loco rei an succedere possit.
3. Aliud pro alio solui non potest inuito creditori.
4. Impossibilitas facit, ut aliud pro alio solvatur, etiā inuito creditori.
5. Necessitas nullam habet legem.

6. In praxi Curiae obseruatur, ut loco summa pecuniaria debita, pignora accipiantur.
7. Iuramentum à debitore exigere solet, quod aurum & argentum non habeat.
8. Ius Sax. contrarium disponens quomodo intelligendum sit.
9. Distinctio inter ius naturale & ciuile, quoad solutionem.
10. Aestimatio Iudicis in datione pignorum qualis esse debeat.
11. In exigendo debito, quis ordo seruandus sit.

SED an aliud pro alio, id est, an res mobilis pro immobili aut è contra, solui potest? Et * quidem pro parte affirmatiua, faciunt textus Iurishi. Primò in l. si domus 71. §. qui confitetur. 3. ff. de leg. 1. ubi dicitur, quòd, etiam si res aliqua in specie debeatur, aestimatio tamè eius solui possit. Aequissimum est enim (inquit ibidem textus) concedi ei ex causa aestimationem officio Iudicis praestare. Secundo expressè innuit Nou. 4. de fideiuss. & mandat. c. 3. in verbis: Si quis mutuauerit aurum, debitoris substantia credens, at ille ad restitutionem auri non sit idoneus, substantiam autem immobilem habeat, verum creditor ardeat, aurum omnimodò querens; illi verò non sit facile, neque vlla mobilis substantia: sed si

nec quispiam emptor immobilium eius rerum adsit: tunc per Iudicem subtili aestimatione facta rerum debitoris, secundum quantitatem debiti, possessionem immobilem creditoribus dari necesse est. Tertiò, conuenit cum supra dictis textus in l. si quis argentum. 35. §. si autem. 3. C. de donat. ubi dicitur: Quod si donator neq. argentum neque seruum habens, vel non tantum quantum donauit, fecerit eorum donationem; tunc pro eo quod deest, aestimatio dari debeat. Et * quod precium seu aestimatio loco rei succedere possit, probatur per l. Imperator. 70. §. fin. ff. de legat. 2. Cui concordat c. Ecclesia. 3. ext. ut lite pendente & c. Quod tamen DD. verum esse putant in iudiciis vniuersalibus, puta legati, hereditatis, & similibus, secundum allegata iura. Secus verò est in singularibus, ubi ut precium loco rei fungatur, non conceditur, per text. in l. venditor 21. vers. Quid si rem quam vendidi, alio possidente petij, & litis aestimationem accepi, utrum precium illi debeo an rem? utiq. rem: non enim actiones ei, sed rem prestare debeo, ff. de hered. & act. vendita. Porro * pro parte negatiua militant hi textus: Primò in l. mutuum. 2. §. mutui datio. 1. in fine. ff. de reb. credit. ubi expressè dicitur, quod aliud pro alio inuito creditori solui non possit. Secundo textus.

tus in pr. Instit. quibus modis tollitur oblig. in verbis: *Vel si quis consentiente creditore aliud pro alio soluerit. Et in l. manifesti iuris est. 17. C. de solut. vbi dicitur: Manifesti iuris est, tam alio pro debitor solvente, quam rebus pro numerata pecunia consentiente, creditore datis, tolli paratam obligationem.* His ad stipulatur etiam textus in d. l. si domus. 71. §. cum alicui. 4. ff. de legat. 1. vbi dicitur quod cum alicui pcculum legatum esset, velletq. heres aestimationem prestare, iniquum id esse: neque à prætoris impetrari posse.

- 4 Verum *hi textus iam allegati, ita accipiendi sunt, si debitori rei debita solutio possibilis esset, per express. text. in l. fideicommissa. 11. §. ex his apparet. 17. ibi: cum verò ipsam prestari non potest, aestimationem esse prestandam. ff. de leg. 3. Alioquin, si debitor rei debita soluendi facultatem non habeat, tunc etiam si eò casu, nulla scripta lex fuisset; necessitatis tamen ratio (quæ *nullam habet legem, arg. l. 1. ff. de off. Consul.) ad hoc causam perduceret. Nam si non sit idoneus pecuniarum debitor, nec vllus emptor sit bonorum illius immobilium, nihil aliud certè facturum erat, quam propriis bonis cedere, & ita necessario res ad creditorem venirent, debitum recipere non valentem. Sicut itaque Imperator Iustini. in

d. Non. de fideiuss. & mandat. palam fatetur, se hanc legem, etsi minus fortè gratam quibusdam creditoribus, propter tamen suam clementiam eò modo sancivisse; ita *non 6
minori certè æquitatis & benignitatis ratione, in iudicio Regio, inter Alexandrum Pipan, & Antonium Destezy Ciues Cracouien: & inter Albertum Fabrum, & Gregorium Serificem, Ciues Lublinen. Nec nō inter Melchiorem Krossnovicz Ciuem Sadecen. & Catharinā Pawlona Woiaszovva Ciuem Casimiri-
rien. Anno 91. decisum fuisse, in libris decretorum reperiri potest, quòd videlicet creditores loco sumæ pecuniariæ pignora à debitoribus offerentibus; vel in defectu horum, res immobiles in solutum accipere coacti fuerint: Prius *ta- 7
men iuramento per debitorem præstito, quod aurum, argentum, paratamque pecuniam & meliora pignora, præter illa quæ ab eodem offeruntur, non habeat: quemadmodum in Curia inter easdem personas, & Moisen Iudæum, ac quendam dictum Klucznik Anno 1597. feria secunda post festum S. Jacobi Apostoli Warisauæ decisum fuisse constat. Quicquid in contrarium Ius *Saxonicum disponat, vt vi- 8
dere est lib. 3. artic. 40. vbi dicitur: *Qui nummos vel argentum soluere debet,*

debet, si pro hoc pignora praeberit, aut multas, non (nisi hoc in promissione continetur,) liberatur. Nam & id iuxta distinctionem supra allegatam intelligendum est, cum & hoc iure si debito soluendo non suppetant numi ad pignora (quibus distrahendis ac vendendis datur spacium sex septimanarum) recursus fieri certum sit, per alios itidem expressos textus, ut potè, lib. 1. artic. 70. & gloss. lib. 3. artic. 39. Quamvis non desint, qui & aliam distinctionem hic cōminiscantur, 9 ut * scilicet aliud pro alio soluens, quantum attinet ius naturale non liberetur: Naturalis enim obligatio semper id requirit, quod in illā deductum est, ut in d. art. 40. & l. 2. ff. si certum petatur. §. 2. Instit. quib. mod. re contra. oblig. Secus est quo ad ius civile. Hoc enim iure, aestimatio iudicis loco rei debitæ succedere potest, ut in dictis legibus. Proinde amplius quæri potest. Quamvis 10 lis nam * datio illa pignorum, seu aestimatio iudicis fieri debeat? Ad hæc vide dict. Nouell. de fideiuss. & mandat. cuius verba sic se habent: Rerū verò datio sit huiusmodi, quæcunque quidem meliora sunt, dentur creditori, quæ verò deteriora, apud debitorem post debiti solutionem manere sinantur. Etenim non erit iustum (inquit ibidem Iustinianus) dantem

quidem aurum, recipere autem aurū non valentem, sed coactum suscipere possessionem immobilem, non saltem meliora rerum debitoris percipere; & per hoc habere consolationem: quia si aurum nō recipit, aut alia rerum quæ portari possunt, tamen licet ei possessionem non inutilem habere. Vnde et si satis manifestè constet, quod creditor semper habeat electionem, ut scilicet res meliores ad solutionem debiti sui acceptare possit; at tamen res illæ ad æquivalentiam vsque debiti, & coram iudice aestimari debent, per d. Nouell. de fideiuss. & mandat. in verbis: subtili estimatione factarum rerum debitoris, secundum qualitatem debiti, &c. prout etiam in textu Spec. Sax. d. lib. 1. artic. 70. his verbis: tunc pignus exponatur aut vendatur, si pro debitis non poterit obligari. Et si plus valuerit, reo reddatur, si verò minus, iterum pignorando debita adimpleantur. dispositum est. Pro coronide verò obiter notandum est, quod * debitore II non soluendo existente, in exactione debiti, ordo talis seruari debeat. Primò ut res mobiles & animales, pignoris iure a creditoribus capiantur; & ab illis (si ita libuerit) distrahantur. Quarum precium si non suffecerit, tum demum ad res soli & immobiles recurratur. Quod si nec quæ soli sunt sufficiant, tunc

tunc perueniatur etiā ad iura, per text. in l. à Diuo Pio. 15. §. in venditione. 2. ff. de re iudicata. facit & glos. iur. Sax. d. lib. 3. artic. 39. Postremò procedatur ad detentionem personæ, de qua infra obseruatione sequenti.

OBSERVAT: XXXIII.

Vtrum debitor ob æs alienum carceribus mancipari possit.

S V M M A R I A.

1. Qui caret ære debet luere in corpore.
2. L. 12. tab. in debitores qualis fuerit.
3. Legis 12. tab. de debitoribus verba.
4. Consuetudo apud Roman. post l. 12. tab. de obstrictis ære alieno.
5. Lex Patilio & Papyrio Coss. de iisdem lata.
6. Lex Iulia de iisdem qualis fuerit.
7. Differentia inter legem Patiliam & l. Iuliam.
8. Ius Nouellarum cessionem bonorum introduxit.
9. Debitoribus qui non ex accidenti, sed ex sua negligentia ad egestatem perueniunt, non subuenitur.
10. Cessio bonorum qualis esse debeat.
11. Actiones & petitiones cedi debent.
12. Cedens bonis, quando redit ad pinguiorem fortunam, conueniri de iure potest.
13. Ius Sax. debitorem carceribus mancipandum esse statuit.

14. Praxis Curie Ius Sax. sequitur.

15. Debitor in priuatis carceribus detineri non debet.

16. Afflicto non est addenda afflictio.

17. Debitores qui commiseratione sunt digni.

IN superiori obseruatione dictū est: Detentionem personæ debitoris, soluendo non existentis de iure licitam esse; quod probatur, primò per vulgatam illam Regulam. *Qui caret ære, luat in corpore.* l. fin. ff. de iniur. vocan. & l. 1. in fine. ff. de pænis. vbi expressè dicitur: quòd ii, qui pænam pecuniariam euentes eludunt, coërcitionem extraordinariam (intellige detentionem aut similem) inducant. Et iure antiquo 12. tab. debitores damnari, si iudicatum facere non possent, publice vendi, & neruo operam dare solitierant; teste Gellio Noct. Attic. lib. 20. c. 1. & Liuius decad. 1. lib. 6. vbi narrat de facto Manlii, qui centurionem quendam à feneratoriū crudelitate liberauerat. Quinimò quod magis est, hac eadem lege XII. tab. institutum fuit, vt creditores debitoris corpus dissecarēt, atq; inter se partirentur. Quam legem in gratiam eorum, quibus cū antiquitate commercium est, adiecisse operæ pretium me facturum esse duxi. Lex itaq; 12. tab. sic se habet:

- 3 habet: *Aëris* * *confessi, rebusq;* iudicatis triginta dies iusti sunt. Post deinde manus endoiactio esto. In ius ducito. Ne iudicatus faxit, aut quips endo eo in iure vindicit, secum ducito. Vincito aut neruo, aut compedibus quindecim pondo, ne maiore, at si volet minore. Si volet suo viuito, nei suo viuut: qui in vinculum habebit, libras faris in dies dato. Si volet plus dato. Et postea: Ni cum eo pacit, sexaginta dies in vinculis retineto. Trinis nundinis continuis in comitiu procitato, arisq; astitimiu iudicati predicato. Tertijs nundinis capite pœnis luito, aut trans Tyberim peregrè venum ito. Ast si plures esunt rei, Tertijs nundinis partes secanto. Si plus minusue secuuerint, se fraude esto.
- 4 Postea * tacito populi consensu consuetudo pro lege obseruata fuit, vt videlicet debitoris bona omnia distraherentur, vsque adeo, vt ne ad victum quidem & cultu quidquam ei relinqueretur, auctore Gellio dicto lib. 20. c. 1. Post, * tertium ius successit, per legem Pætilio & Papyrio Coss. propter Lucii Papyrii creditoris libidinem, latam, ne quis neruo aut compedibus teneretur; sed vt pecuniæ creditæ causa, bona debitoris, non corpus obnoxiiu esset, vt refert Liuius. l. 8. decad. 1.
- 6 Quarto * loco lata fuit lex Iulia, vt debitoribus qui soluendo non essent, bonis cadere liceret, quæ bona creditores, si eis videretur, publicè constituta auctione diuerderent: & qui iam bonis cessissent, in eos creditoribus ius nullum esset, neque eos vel in seruitutem, vel ad operas dandas addici aut in carcerem compingi, aut vilo modo in eos animaduerti liceret, l. 1. & l. 4. C. qui bonis ced. possunt. Neque * verò existimet quispiam, nullam inter hanc legem, & legem Pætiliæ differentiam fuisse: Res enim longè aliter se habet. Cum legē Pætiliæ vincula solummodo, & nexus sublati sint, carcer autem priuatus, id est, custodia in domo creditoris vsque ad legem Iuliam permanferit, d. l. 1. C. qui bon. ced. possunt. Postremo * accessit ius Nouellarum quo superiora omnia abrogata sunt, vt in Nouella Constit. 135. videre licet. Hoc etenim iure disponitur, ne debitores, qui in vniuersum ex accidenti, non supina sua negligentia (istis * enim non subuenitur, per text. in c. non satis. 86. distinct.) res suas amisisse dicerentur; & ideo soluendo potius non essent, bonis omnibus, (ita * videlicet, vt etiam ad sustentandam vitam nihil eisdem relinquatur, vt textus in §. fin. Instit. de actionibus, & in l. qui bonis ff. de cess. bonorum tradit) cedere cogantur. Insuradum

dum tamen, (huscemodi debitor)
per adoranda præbeat eloquia, quod
nullam rerum causa occasionem aut
aurum reliquum habeat, unde aris a-
lienii supplementum faciat, per text.
 11 *in d. Nouella 135. Actiones * præte-*
rea omnes & petitiones, quæcunq;
debitori competunt, competitu-
ræuē sunt, creditoribus cedi de-
bent, vt si quid fortē aliunde exi-
gere possint, sibi habeant, vt in ea-
dem Nouella disponitur. Vnde
haud obscurē colligi potest, quod
hoc iure nouo, non tantum de-
tectio personæ debitoris, sed etiam
 12 *occupatio bonorum ipsius omni-*
*um sit prohibita. Neq; * tamē per*
hoc liberatur a debito, sed si po-
stea ad pinguiorem fortunam per-
uenerit, denuō conueniri potest,
d. §. fin. Instit. de act. & d. l. in bonis.
 13 *ff. de cess. bonorum. Verū * ius Sa-*
xonicum, contrarium lib. 3. art. 39.
his verbis: Qui debita in iudicio pe-
tit ab eo qui soluendo non est, nec pote-
rit pro eo habere stipulantem, iudex
eum pro debitis creditori debet presen-
tare, cui cum laboribus & cibarijs
(æquē sua familie) tenetur provide-
re, & si velit, compendi eum inclu-
dat, aliter eum non debet tormentare.
 Et in text. iuris Municip. artic. 27.
cum glossa ibidem, disponit. Quod
 14 ** sanē & si satis durum atq; inhu-*
manum videatur; attamen etiam

in praxi seruari videmus, prout e-
 tiā in Curia inter Ietrovva & Dzie-
 zā, Ciues Crac. Anno 1591. pro-
 nunciatum fuit. Et quod alimenta
 a creditore debitori in carceribus
 detento præstari debeant, extat
 decretum S. R. M. Crac. feria se-
 cunda in vigilia festi S. Iacobi Apo-
 stoli, Anno 95. inter Vilam & Ci-
 ues Gedanen. Neq; * tamen debi- 15
 tor priuatis carceribus (qui legi-
 bus omnino sunt prohibiti *vt tot.*
tit. C. de priuat. carcer. inhib. videre
 licet) includi; sed in publico aliquo
 loco, honesto tamen, minimeque
 squalido detineri debet. Negari
 autem non potest, quod creditor
 hac ratione nihil amplius conse-
 quatur, quā vt debitorem satis
 alias miserabilem, magis adfligat,
 quod * humanitas non admittit, 16
 vt in l. Diuus. 14. ff. de offic. Præsidi.
 habetur. Quod * in his, qui non 17
 sua culpa, sed fortunæ vitio ad e-
 gestatem redacti sunt, nullo nego-
 tio concesserim; illos verò qui per
 aleam & pocula decoctis omnibus
 bonis, soluēdo nō sunt, hac cōmi-
 seratione minimē dignos, carcerib;
 verò dignissimos existimarē. Cum
 & Reip. intersit, ne quis resua abu-
 tatur. §. Sed & maior. Inst. de his qui
 sunt sui vel alieni iuris. quod etiā lu-
 dices, in cognoscēdis huiusmodi
 causis, diligētē considerare debēt.

OBSE RV: XXXIV.

Vtrum debitor solutionem offerens, liberetur.

S V M M A R I A.

1. Solutionem offerens liberatur.
2. Soluere paratus, soluenti similis esse censetur.
3. Conditiopro impleta habetur, quando non per eum stetit, quominus impleatur.
4. Iuris Sax. dispositio, quod offerens pecuniam non liberetur.
5. Oblatio pecunie qualisnam esse debeat.
6. Pecunia in loco publico deponi debet.
7. Locus publicus quis dicatur.
8. Effectus iustæ & legitimæ oblationis.
9. Deposita pecunia in loco publico, ita demum liberat debitorem, si ibidem remaneat.
10. Obligatio quibus modis contrahitur, iisdem dissolui debet.
11. Obligatio fit quatuor modis.
12. Obligatio tollitur itidem quatuor modis.

AN verò debitore solutionem offerente, creditore eandem non acceptante, obligatio debitoris dissoluatur? Et * quamvis primo quidem intuitu, debitore ob-

latione facta omnino liberari dicendum videatur; per express. text. iuris Ciuilis, in l. si debitor. 30. ff. de solut. in his verbis: Si debitor offerret pecuniam, quæ peteretur, creditor noluisset accipere, prætor ei denegat actiones. Cum * & alias leges eum, qui paratus est soluere, soluenti similem faciant, arg. l. Iure Ciuili. 24. ff. de cōdit. & demonstrat. quæ tradit. Iure * Ciuili receptum esse; quoties per eum cuius interest, conditionem impleri, fit, quominus impleatur; ut perinde habeatur, ac si impleta conditio fuisset. Contrarium tamē * Ius Sax. lib. 2. artic. 11. his verbis: Cui autem argentum vel nummi sunt persoluedi licet ad terminum solutionis non veniet, vel si venerit, & pecuniam noluerit acceptare, per hoc tamē pecuniā suā nō amisit. Illū verò diē se noscat perdidisse. disponere videtur: Quæ iura inspectā rei ipsius veritate nequaquā inter se pugnant. Textus * etenim d. l. si debitor. nō ita simpliciter accipiendus est, sed certis quibusdā adiectionibus ampliari debet. Et primum quidem requiritur, ut res ipsa congruo tempore & loco offeratur, cōsignetur, & deponatur; ita nimirum, ut is, cui offertur, nō habeat impedimentum, quo minus recipere possit, per clarū textum in l. ob signatione 9. C. de solut. in verbis: Ob signatione totius debite pecunie

pecunia solenniter facta, liberationem contingere manifestum est. Sed ita de-
 mum oblatio debiti liberationem pa-
 rit, si eo loco, quo debetur solutio fuerit
 celebrata. Vnde satis liquidò con-
 stat, quod pecunia oblata obigna-
 6 ri, & quod magis est, * in publico
 deponi debeat, per express. text.
in l. acceptam. 19. C. de usur. cuius
 hæc est dispositio: *Acceptam mutuo*
sortem cum usuris licitis, creditoribus
post contestationem offeras at si non su-
scipiant; consignatam in publico depo-
 7 *ne.* Quis * autem locus publicus
 dicatur, tradit eadem lex his ver-
 bis: *In hoc autem casu publicum in-*
telligi oportet, vel sacratissimas ades,
vel ubi competens Iudex super eare a-
ditus, deponi eas disposuerit. Effectus
 8 * deinde istius oblationis sequun-
 tur. *Quo subsequuto* (inquit tex-
 tus) *etiam periculo debitor liberabi-*
tur, & ius pignorum tolletur. Quod
 9 * tamen ita verum est, si deposita
 pecunia ibidem duret, neque eam
 postmodū debitor auferat; prout
 eadem lex in fine admonet: *Cre-*
ditori scilicet actione utili, ad exactionem
earum, non aduersus debitorem,
nisi forte eas receperit: sed contra de-
positarium, vel ipsas competente pecu-
nias; id est possidentem pecunias.
 Quæ omnia Curia etiam Regalis
 firmissimè tenet; & ita semper pro-
 nunciatur, *vt in causa Pauli Ko-*

szucki, cum tenutariis villæ Bar-
 todzieie, Anno 96. & aliis, videre
 licet. Porro, non solum oblatione,
 modo quo præmissum est, factâ,
 sed & aliis modis liberatur debitor
 ab obligatione. Qua in re tenenda
 est regula: Quod * quibus modis 10
 cōtrahitur obligatio, iis etiam sol-
 ui debet, per vulgatam Regulam
 iuris, quæ docet: *Nihil tam natu-*
rale esse, quàm eo modo quodq. solui,
quo colligatum est. l. nihil tam natura-
le. ff. de diuersis reg. iur. Quemad-
 modum * itaque omnis obligatio 11
 quadrupliciter, id est, aut re, aut
 verbis, aut literis, aut consensu
 contrahitur, per text. *in §. fin. In-*
stit. de oblig. ita nullum dubium est,
 quin eadem quadrifariâ tolli pos-
 sit. Tollitur * enim primò solutio. 12
 ne reali & effectuali eius rei, quam
 debeo, de qua hic, & in superiori-
 bus obseruationibus dictum est.
 Secundò, compensatione, *vt in l.*
eius. 7. C. de solut. Tertiò, accepti-
 latione, de qua *toto tit. C. & Dige-*
stor. de acceptilat. Quartò, nouatio-
 ne seu delegatione cuius fit men-
 tio *in l. ex contractu. 2. C. de nouat.*
& de legat. & obseruat. sequen-
 tractabitur.

OBSERVAT: XXXV.

Nouatio vtrum tollat priorem
 obligationem.

S V M M A R I A.

1. Nouatio quæ dicatur.
2. Nouatio alia voluntaria, alia necessaria.
3. Iudicium in inuitum dari potest.
4. Iure nouo Nouatio non intelligitur facta, nisi id expresse actum sit.
5. Nouatio ex verbis & verisimilibus coniecturis colligi debet.
6. Nouatio etiam per acceptationem fieri solet.
7. Delegatio est species nouationis.
8. Nouatio locum habet, si obligatio sequens sit ciuilis vel naturalis.
9. Pupillus sine auctoritate tutoris naturaliter obligatur.
10. Seruus ne naturaliter quidem obligari potest.

COntrouersum est apud Iuris Interpp. Vtrum nouatio simpliciter, & de plano tollat priorem obligationem? Et quamuis * ex ipsa definitione nouationis, quæ in l. 1. ff. de Nouat. proponitur, manifestè liqueat. Eam nihil aliud esse, nisi prioris debiti in aliam obligationem vel ciuilem vel naturalem transfusionem atque translationem, hoc est, cum ex precedenti causâ ita noua constituitur, ut prior perimatur. Nouatio enim (inquit ibidem IC. Vlpian.) à nouo nomen accepit, & à noua obligatio-

ne. Et in §. præterea. Instit. quib. mod. toll. oblig. id expresse dicatur. Nouatione tolli obligationem: veluti si id quod tibi Seius debebat, à Titio dari stipulatus sis. Nam interuentu nouæ personæ, noua nascitur obligatio, & prima tollitur, translata in posteriorem. &c. Verumtamen DD. * in voluntariis tantum, non autem necessariis nouationibus, id obtinere communiter statuunt, per textum in l. aliam. 29. ff. de Nouat. Voluntaria etenim Nouatio illa dicitur, quæ fit per stipulationem, idque quatuor modis, ut pote, mutata causa vel statu prioris obligationis; vel mutata persona creditoris, vel debitoris, vel denique vtriusque quod in l. fin. Cod. de Nouat. clariùs explicatur. Necessaria verò, quæ per litis cōtestationem iudicio accepto introducitur; ut ex l. unic. C. etiam ob Chyrogaph. pec. pign. teneri posse. patet. quæ ideo necessaria appellatur, quia * iudicium in inuitum dari solet, per textum in l. inter stipulantem. 83. §. 1. ff. de verb. oblig. Porro * ius nouum, quod à Iustiano introductum est, ad eum solummodò casum id restringit, si videlicet inter partes expresse hoc actum sit, quod secunda obligatio priorem tollere debeat. Nam & in d. §. præterea. Instit. quib. mod. toll. oblig. Imp. Iustin. statim subdit hæc verba:

verba. Sed cum hoc quidem inter veteres constabat, tunc fieri nouationem, cum nouandi animo in secundam obligationem itum fuerat: per hoc autē dubium erat, quando nouandi animo videretur hoc fieri & quasdam de hoc presumptiones alij in alijs casibus introducebant: Idcō nostra processit constitutio, quæ apertissimē definiuit, tūc solum nouationem prioris obligationis fieri, quoties hoc ipsum inter contrahentes expressum fuerit, quod propter nouationem prioris obligationis conueniunt. Alioquin & manere pristina obligationem, & secundam ei accedere, ut maneat ex utraque causa obligatio, secundum nostræ Constitutionis definitionem, quam licet ex ipsius lectione apertius cognoscere. Extat autem hæc Imper. Iustin. constitutio in l. fin. C. de nouationibus. cuius is tenor est: Nouationum nocentia corrigentes volumina, & veteris iuris ambiguitates ressecantes, sancimus; si quis vel aliam personam adhibuerit, vel mutauerit, vel pignus acceperit, vel quantitatem augendam vel minuendam esse crediderit, vel conditionem seu tempus addiderit, vel detraxerit, vel cautionem minorem acceperit, vel aliquid fecerit, ex quo veteris iuris conditores introducebant nouationes, nihil penitus prioris cautelæ innouari, sed anteriora stare, & posteriora incrementum illis accedere: nisi

specialiter remiserint quidem priorem obligationē, & hoc expresserint, quod secundam magis pro anterioribus elegerint. Et generaliter definimus, voluntate solum esse, non lege nouandū; & si non verbis exprimat, ut sine nouatione causa procedat, hoc enim naturalibus inesse rebus volumus, & non verbis extrinsecus superuenire. Sanē* quando ex verbis aliisque 5 verisimilibus coniecturis necessario colligitur, partes à prima obligatione recedere, & illam in secundam transferre voluisse, etiam si id specialiter non expresserint, obligationē esse immutatam, DD. communiter tradunt; ut notant Andr. Gail. pract. obser. lib. 2. obser. 30. Mysinger. in suis comment. Instit. d. §. præterea. tit. quib. mod. toll. obligat. in verbis: expressum fuerit. Quam sententiam DD. Assessores in causa Schirmer contra Iaschke Ciues Gedanen. Anno 99. feria tertia post Dominicam Iudica, sequuti sunt. Proinde* si acceptilatio interueniat, (quæ iuxta præscriptū 6 iuris cōmunis liberat omnino debitorem etiam si pecunia soluta non sit, per textū in l. 19. §. fin. ff. de acceptil.) manifestē colligitur animus nouandi, id est prioris obligationis in nouam transferendi. Sic* 7 cum quis creditori suo delegat vice sua debitorem consentientem, etiam si

etiam si expresse dictum non sit, id fieri animo nouandi, nihilominus tamen fit nouatio, per text. in l. 2.

- 8 *C. de Nouat.* Insuper* sciendum est, nouationem ita demum subsistere posse, dummodo *sequens obligatio aut ciuilitate teneat aut naturaliter*, ut puta si pupillus sine autoritate tutoris promiserit, ut in l. 1. ff. de nouat. habetur. Nam* hoc casu, quia videlicet pupillus naturaliter tantum obligatur; res idcirco amittitur, & prior debitor liberatur, posterior vero obligatio nulla est, per textum in §. *præterea. Instit. quib. mod. tollitur oblig.* quod in seruo aliter se habet.
- 10 Nam* is, extra causam sui peculiine naturaliter quidem obligari potest, per text. in l. *seruus in scio. 19. ff. de fideiussor.* & ideo nouatio cum eodem facta manet inutilis, prout in d. §. *præterea.* traditum est.

& modus earum præscribitur.

6. *Opinio quorundam, quod etiam iure diuino non omnes usurae sint prohibita.*
7. *Usurae aliae lucrativæ, aliae compensativæ, aliae punitivæ dicuntur.*
8. *Nemo alteri cum suo damno benigne facere cogitur.*
9. *Authoris sententia, quod usurae iure Ciuili sint permixtæ, non approbata.*
10. *Dogmata quatuor Synodorum pro legibus obseruari debent.*
11. *Ususfructus earum rerum quæ usu consumuntur, esse non potest.*
12. *Inter usuras & census differentia.*
13. *Census & pensiones ex redditibus venditis sunt liciti.*
14. *Census & pensiones non debent excedere modum aequalitatis.*

OBSERVAT: XXXVI.

Usurae an de iure sint licitæ.

S V M M A R I A.

1. *Usurae iure diuino prohibentur.*
2. *Ius Canonicum usuras improbat.*
3. *Usuras approbans pro hæretico censetur.*
4. *Leges Ciuiles non dedignantur sacros Canones sequi.*
5. *Usurae iure Ciuili permittuntur,*

VSURAS non solum iure diuino & Canonico, sed etiam Ciuili omnino esse prohibitas, fortè quis ex his authoritatibus concludere possit: Prohibentur* siquidem illæ expresse præcepto diuino, ut videre est *Leuit. c. 25. in versic. Ne accipias usuras ab eo, nec amplius quam dedisti; time Deum tuum, ut viuere possit frater tuus apud te. Et postea: Pecuniam tuam non dabis ei ad usuram, & frugum superabundantiam non exiges. Psalmo item 14. & apud Ezechielem. cap. 18. Saluator denique*

nique ipse serió præcipit, vt mutu-
um demus nihil inde sperantes. *Lu-
cæ c. 6. Quod item* textus Iuris Ca-
nonici omninò probant, vt videre
est tot. tit. ext. de usuris.* quinimò*
hoc eodem iure statuitur, vt per-
tinaciter asserens, vsuras exercere
non esse peccatum, pro hæretico
censeatur. *clm. vnic. in fine, de v-
suris.* Cùm autem* nec iura Ciuilia
dedignètur sacros Canones sequi,
per express. text. in l. 1. C. de summa
Trinitate. in verbis: *Cunctos populos
quos clementiæ nostræ regit imperiũ,
in tali volumus religione versari, quã
Diuum Petrum Apostolum tradidisse
Romanis religio vsque adhuc ab ipso
insinuata declarat, quam Pontificem
Damasum sequi claret.* Consequens
est, quod etiam legibus Imp. vsu-
ræ sint prohibitæ. Verumtamen
huic sententiæ manifestè repugnât
expressi iuris Ciuilis textus: Et pri-
mò quidem in l. Eos. 29. C. de usuris.
qua Imp. Iustin. formam præscri-
bit vsuris certam, vt potè illustri-
bus personis permittit trientes, id
est quatuor in centum, Mercato-
ribus autè, qui alias pecunia quæ-
stum faciunt, bessales, id est octo in
centum: Cœteris verò hominibus
semisses, id est sex in centum: Fæ-
neratoribus deniq; maritimis cen-
tesimas, hoc est, duodecem in cen-
tum. Quod item admodum clarè

patet ex tot. tit. ff. & Cod. de usuris.
Item Nouell. Consti. penè infinitis,
quales sunt, Nouell. 32. 33. 34. 106.
121. 138. 160. in quibus omnibus de
vsuris agitur. Hanc itaq; Antino-
miam Interpp. iuris conciliare cu-
pientes, multum in eo elaborant.
Quidam* enim lege diuina non om-
nes vsuras, sed illas tantum, quas
Iudæi sua lingua Nesser, hoc est,
morsum, aut quod tantundem est,
improbas appellabant, esse prohi-
bitas, vt notat Molinæ in suo tract.
de usur. Proinde & illud dictum Sal-
uatoris nostri: *Mutuum date nihil
inde sperantes*, non minus pertine-
re ad sortem ipsam principalem,
quàm ad vsuras, atque ita consili-
um potiùs esse, quàm præceptum
existimant. Alii* verò (quorum
sententia est communior) distin-
guendum esse putant, inter vsu-
ras lucratorias, compensatorias,
& punitorias. Lucratoriæ etenim
vsuræ dicuntur, quæ ex mero mu-
tationis officio (quod gratuitum
esse debet, l. fin. ff. de condict. ob turp.
caus.) lucrum faciunt, & ideo non
solum lege diuina, sed etiam iure
gentium & Ciuili prohibentur, per
supra allegata iura. Compensatoriæ
verò, quæ non lucrum supra sor-
tem mutuo datam exigunt; sed sal-
tem precium seu æstimationem v-
sus sortis consumptæ, cum damno
creditoris.

creditoris (quod videlicet tam diu caruit pecunia) petunt; idcirco nō omnino videtur esse prohibet. Nemo * enim alteri cum suo detrimento benignè facere cogitur, teste Apostolo 2. Cor. 8. & glos. Iuris Sax. lib. 1. artic. 54. vbi etiam decem ferè casus, quibus vsuræ sunt permissæ, recensentur. Punitoriæ denique quæ propter moram debitoris in soluendo ex stipulatione provenire solent, summa æquitatis ratione sustineri possint. Multum etenim interesse potest creditoris, ut die cōstituta pecunia mutuata à debitore persoluatur. Vnde Paulus IC. rectè ait: *Vsuras non propter lucrum petentium, sed propter moram non solventium infligi, l. cum quidā*

9 §. si pupillo. ff. de usur. Mihi * certè hæc DD. opiniones non vsque adeo satisfaciunt. Existimo enim, quod vsuræ sint quidem iure Civili permissæ, idque maioris mali evitandi causa; sed non sint approbata; tum * quod Impp. sacros Canones, & quatuor Synodorum dogmata, sicut sacras scripturas, & regulas pro legibus observari voluerint, ut Imper. Iustin. Novella 131. §. 1. expressis verbis tradit; tum etiam quod * res quæ vsu consumuntur, neque naturali ratione, neque civili, vsum fructum recipiant, per expressum textum in

§. constituitur. Instit. de usufructu. Porro * sciendum est, aliud esse v- 12
suras, aliud pensiones seu census ex venditis redditibus (quales potissimum in Regno Ecclesiastici habere consueverunt,) provenientes. Cuius rei, malè feriat quidam nulla distinctione habita, census seu pēsiones huiusmodi pro fanore accipiunt; & vitium hoc Ecclesiastico ordini satis impudenter adscribere audent. Vsuræ nāque sunt, quæ suprà sortem unā cum sorte à debitore creditori restituantur, ut suprà dictum est. An in huiusmodi censibus, quia nedum suprà sortem aliquid redditur, sed etiam sors ipsa tamdiu manet penes venditorem, quamdiu talem pensionē soluit, & aliud saltem pro sorte, nempe redditus, qui est merx in hoc contractu, persolui solet; idcirco * etiam huius- 13
modi venditiones redditus, & pensiones seu census inde provenientes, sunt iusti & liciti, per textum in c. 1. & 2. in ext. com. de empt. & vendit. in verbis: *Præfatos contractus licitos iurique conformes, & vendentes eosdem ad ipsorum solutionem censuum & reddituum iuxta dictorum contractuum tenores, (remoto contradictionis obstaculo) efficaciter teneri auctoritate Apostolica presentium serie declaramus. Si * tamen istæ pen- 14
siones*

siones sint legitimæ & æquitati cōsonæ: Nam si terminos æqualitatis nimium excedant, iniquæ sunt & vsurariæ, per textus in c. in Ciuitate. & c. fin. ext. de vsuris. & c. ad nostram. de empt. & vendit.

OBSERVA: XXXVII.

Commodatæ rei periculū, vtrum ad commodantem; an verò ad cōmodatarium spectare debeat.

S V M M A R I A.

1. Commodatarius quid præstare teneatur.
2. Commodatum debet esse gratuitū.
3. Dolus tantum quando in commodato præstari debeat.
4. Dolus & culpa quando præstanda sit in commodato.
5. Levis culpa quando præstanda veniat.
6. Casus fortuiti in commodato præstari non debent, & qui dicantur casus fortuiti.
7. Casus etiam fortuiti interdum præstari solent.
8. Re commodata aliter vtens furtum committit.
9. Estimatio emptioni similis est.
10. Iure Sax. domino commodanti non competit actio, nisi aduersus commodatarium.
11. Rei commodatæ dominium an transeat in commodatarium.

12. Res furto ablata, quando à domino vindicari possint.

13. Dolus nemini patrocinari debet.

Proxima actionibus mutui, est commodati actio; & ideò non inconcinne quæri potest: Reicōmodatæ periculum vtrum ad cōmodantem, an verò ad commodatarium pertinere debeat? Et * iure quidem ciuili nullum est dubium, Commodatarium ad præstā-
dum dolum & culpam imò & custodia obligari, per expressos textus in l. si vt certo, s. §. nunc videndum, 2. & §. custodiam, 5. & in l. Si mei, 12. & toto fermē tit. ff. commodati. Cuius rei ratio ea potissimum reddi potest, quod commodatum, * sit gratuitum, per text. in §. item is cui, in fine. Instit. quib. mod. re contra. oblig. & plerumque solam utilitatem contineat eius, cui cōmodatur. vt in d. l. Si vt certo, d. §. nūc videndū. in fine videre est. Verum quia plerumq; (vt textus habet) non semper id fieri solet; idcirco hac distinctione res explicāda est: Aut * enim hic contractus fit commodantis tantum gratia; vt puta, si quis sponsæ fortē suæ, vel vxori, quo honestius culta ad se deduceretur, commodauit ornāmēta; eo casu, si fuerint amissa, præstatur tantum dolus, per expressum
N sum

I

2

3

4 *sum text. in d. l. si ut certo. §. interdum. 10. Aut * fit utriusque, tam commodantis, quam commodatarii causa, ut in l. in rebus. 18. ff. commodat. in verbis: At si utriusq., veluti si communem amicum ad cenam invitauerimus, tuq. eius rei curam suscepisses, & ego tibi argentum commodauerim: scriptum quidē apud quosdam inuenio, quasi dolum tantum prestare debeas; Sed videndum est, ne & culpa prestanda sit: ut ita culpa fiat aestimatio, sicut in rebus pignori datis & dotalibus aestimari solet. Aut * deniq; ipsius commodatarii utilitatem concernit; & hoc casu praestatur ab eo non solum dolus & culpa, ut supra dictum est, sed etiam diligentia talis, qualem diligentissimus quisq; paterfamilias rebus suis adhibet: ita ut tantum * eos*
 6 *casus non praestet, quibus resisti non possit, veluti mortis seruorum, quae sine dolo & culpa eius accidunt; latro- num, hostium uē incursus, piratarum insidias, naufragium, incendium, fugas seruorum, qui custodiri non solent, prout id in d. l. in rebus. in pr. hisce verbis exprimitur. Quod tamen*
 7 *fallit in aliquot casibus, ut * potē, si commodatarius re commodata in alio loco utatur, per textum in d. l. si ut certo. §. Sed interdum. 7. in verbis: Sed interdum & mortis dam- num ad eum, qui commodatum roga-*

*uit, pertinet. Nam si tibi equum co- modauero, ut ad villam adduceres, tu ad bellum duxeris, commodati tene- beris; idem erit & in homine. quini- mo * & furti tenetur, qui re com- modata aliter atque constitutum est, utitur; ut textus ibidem §. quini- mo 8. tradit; Quod iure Sax. nō obtinet, per textum in lib. 3. artic. 22. ibi: In his verō furtum aut rapinā debitor dici non poterit commississe. Vel si interpellatus sit rē restituere, non restituit; tunc quia morā committit, tenetur de casu fortui- to, per textum in l. quod te. ff. reb. creditis. Et est expressus textus Sp. Saxo. lib. 3. artic. 22. Vel si de- niq; expressē pactum interueniat de casu fortuito. per text. in d. l. si ut certo. §. interdum. 10. in verbis: ut putā si quis ita conuenit. &c. id est, si forte accipiens de aestimatione reddenda speciatim conuenisset. Nam * eo casu aestimatio emptio- ni similis est, per textum in l. cum fundus. ff. locat. Verum iure Saxo- num, quod etiamnum in praxi ser- uari videmus, horum longē diuer- sa videtur esse ratio. Cum etenim * hoc iure ipsi domino commodā- 10- ti nulla actio competat aduersus eum, cui commodatæ rei alienatio facta est; sed necesse habeat con- uenire ipsum commodatariū, per- fatis clarum textum in lib. 2. artic. 60. ibi:*

eo. ibi: Qui alij equum, vestimenta, vel aliquid mobile concesserit obligauerit, aut quoquo modo res ab eius potestate (cum consensu suo) alienetur, si perspicuum eam rem vendiderit, aut ultra obligauerit, seu detestauerit, vel si eam rem furto spolioq; amiserit, qui eam in huiusmodi potestatem tribuit, nullam nisi aduersus eum, cui hanc rem concesserit aut obligauerit, habet actionem. consequens
 11 est, * quod possessio & dominium rei commodatæ in ipsum transferatur, & ideo etiam omne damnum & periculum ipsum tanquam dominum rei, concernere debeat, argumento *l. nece sario. 8. ff. de peric. & commod. rei venditæ*. Iure autem Ciuili, quia in commodato, neque possessio, neq; dominiū transferri potest, per expressos textus in *l. rei. 8. & l. nemo. 9. ff. commodati*. idcirco non solum aduersus commodatarium, sed etiam aduersus quicumque rei commodatæ possessionem, comodanti datur actio, prout textus in *l. fin. §. tales*. his verbis: Tales itaque ambiguitates veterum, imò magis (quod melius dicendum est) ambages nobis decidētibus in tanta rerum difficultate simplicior sententia placuit: ut in domini sit voluntate, siue commodati actionem aduersus res accipientem mouere desiderat, siue furti aduersus eum, qui rem surripuit: &

alterutra earum electa, dominum non posse ex pœnitentia ad alteram venire actionem: C. de furtis. admodum clare docet. Quod certè etiam Iure Sax: dicendum videtur; per expressum text. *lib. 2. artic. 36.* in verbis: Qui post alterum diem furtum aut spolium suum sibi ablatum, apud quem inuenerit, qui illud manifestè emit, & ulterius hoc non occultauit, quod is poterit comprobare, ille per manualementem non est incusandus; nisi fortè sui iuris passus sit detrimentum, sed actor cum licentia iudicis suas res potest vindicare. Ex quo, contrarium his, quæ supra dicta sunt, inferri potest; ut scilicet quilibet res suas vbicunque repertas vindicare possit. Quod verum est, * si res tanquam propriæ alicuius, 12 vero domino furto ablata sint; secus si tanquam commodatæ. Nam tunc comodatarii est periculum, & domino in commodatarium actio competit, ut supra dictum est; commodatario verò in furem, vel eum qui possidet: per expressum text. in *d. l. fin. §. 1. ibi*: Eum autem qui pro re comodata conuenitur, posse aduersus furem quidem furti actionem habere: quinimò interpp. quidam istius iuris textum *d. lib. 2. artic. 60.* ita restringendum putant, si is qui rem huiusmodi commodatam possidet, sciat rem illam fuisse commodatam,

modatam, quod tunc liceat domino commodanti etiam ab illo possessore rem suam vindicare; idque
 13 propter malam fidem. *Nemini enim dolus suus per occasionem iuris contra aequitatem naturalem prodesse debet, ut in l. 1. §. 1. ff. de doli mali & met. except. habetur.*

OBSERVA: XXXVIII.

Vtrum possessor duobus simul re petentibus respondere teneatur.

SUMMARI A.

1. Iure Ciuili petitio vnius non impedit petitionem alterius.
2. Iure Sax. post praestitam Varandā actor reum defendere debet, ne ab alio impetatur.
3. Iure Sax. possessor non tenetur respondere priusquam illi qui petunt rem, inter se experiantur.
4. Res litigiosa apud possessorem remanet, vel iudici traditur.
5. Multam prestare tenetur, qui iniuste petit rem alienam.
6. Explicatio textus artic. 21. lib. 2.

PRoindē si duo eandem rem ab eodem petant, quid iuris sit; haud incongruē hoc loco quæri potest? Et iure quidem Ciuili vnius petitio non impedit petitionem alterius, & executio in gratiā eius qui vicerit, fieri poterit; dummo-

do præstet cautionem, si alter rem euicisset, se eam redditurum, ut in *l. pen. ff. de petit. heredit. habetur. cuius is est tenor: Cum idem eandē hereditatem aduersus duos defendit, & secundum alterum ex his iudicatum est, quæri solet, vtrum perinde ei hereditatem restituere oporteat, atq; oporteret, si aduersus alium defensa non esset: ut scilicet, si mox & secundum alium fuerit iudicatum, absoluat is, cum quo actum est: quia neque possideat, neque dolo malo fecerit, quo minus possideret, quod iudicio reuictus restituerit; an quia possit & secundum alium iudicari, non aliter restituere debeat, quā si cautum ei fuerit, quod aduersus alium eandem hereditatem defendit. Sed melius est, officio Iudicis cautione vel satisfactione victo mederi; cum & res salua sit ei qui in executione tardior venit aduersus priorem victorem. Cui ad verbum ferē concordat textus in l. is à quo. 57. ff. de rei vindicat. qui sic se habet: Is à quo fundus petitus erat, ab alio eiusdē fundi nomine conuentus est: querebatur, si alterutri eorū iussu iudicis fundum restituisset, & postea secundum alterum petitorē res iudicaretur, quemadmodum non duplex damnum traheret. Respondi, vter prior Iudex iudicaret, cum oportere ita fundum petitori restitui iubere, ut possessori cauere vel satisfaceret, si alter fundum euicisset.*

uicisset, eum prestare. Iure autem Saxonicò longè aliter id obseruatur:

- 2 Nam * actor, qui prius petere incipit, post Varandam præstitam, reum defendere tenetur, ne eius rei nomine ab alio conueniatur; per textum Spec. Sax. lib. 2. artic. 18. vt supra obser. 12. num. 10. dictum est.
- 3 Vel * si duo simul petant, & neuter præstitit Varandam, tunc possessor rei petitiæ non prius tenetur alicui petentium respondere, quàm illi inter se de iure suo experti fuerint, per express. text. lib. 3. artic. 15. in verbis: *Si res hereditaria à duobus post tricesimum defuncti postuletur, nisi lite inter eos sopita, nulli eorum præbeatur.* Prout etiam in Curia Anno 1597 Sabbato ante Dominicam Exaudi inter Kreucz & Waier iudicatum fuisse, probari potest. Interea * verò res litigiosa vel apud possessorem remanet, vel etiam iudici reseruanda traditur, qui càm iustiorè causam habenti attribuet, & possessor omninò liberabitur, per eundem textum in d. artic. 15. in verbis: *Si res litigiosa extiterit, & Iudex eam postulet, si ei præsentetur, iudex eam rem (vsque ad litis determinationem) obtinebit & præsentans liberabitur.* Neq; * verò impunè fertis, qui iniuste petit rem alienam: multam siquidem parti aduersæ præstare tenetur, vt notat gloss. d.

artic. 15. versic. primo in fine, per text. artic. 43. lib. eiusdem. Sed ne * fortè 6 quis in textu lib. eiusdem artic. 21. vbi dicitur, *quod si duo impetant vnam rem cum simili testimonio & actione, ipsis aequè res sit diuidenda,* contrarium statui existimet; sciendum est, quod ibi textus de eo casu loquitur, quando partes inter se de iure experiuntur, & pares sint in probatione; non autè quando rem à possessore simpliciter petunt, & vter illorum iustiorè causam habeat ignoratur: tunc enim hæc quæ supra dicta sunt, locum habent.

OBSERVAT: XXXIX.

De pignoribus, & an periculum pignoris ad creditorem pertineat?

S V M M A R I A.

1. In pignore præstatur dolus & culpa lata, imò & leuis.
2. Leuissima culpa & casus fortuitus non præstantur.
3. Pignore casu fortuito amisso, creditor nō tenetur ad illius solutionem, & nihilominus creditum petere potest.
4. Pignus manet in bonis debitoris.
5. Casus fortuitus quando creditori imputetur.
6. Incendium vel furtum, an casibus fortuitis adnumerari debeat.
7. Pignus

7. Pignus amissum creditor quando probare teneatur.

8. Ius Sax. quā in re differat à iure Ciuili.

9. Conciliatio iuris Saxonici cum Iure Ciuili.

10. Pignus securitatis causa dari solet.

11. Pignus & hypotheca quomodo differant.

IN materia pignorum hæc potissimum quæstio praticari solet: Periculum pignoris amissi, vtrum ad creditorem, an verò ad debitorem spectare debeat? Et * iure quidem Ciuili in hoc contractu dolum & culpam, latam & leuem, non autem leuissimam venire, per textum satis clarum in *l. si cum venderet. 13. §. fin.* in verb: *Venit autem in hac actione & dolus & culpa, ut in comodato, venit & custodia; vis maior non venit.* Et in *l. sequenti.* in verbis. *Ea igitur quæ diligens paterfamilias in suis rebus præstare solet, à creditore exiguntur. ff. de pignor. act.* palam est. Quod * autem leuissimam culpam, & casum fortuitum creditor in pignore præstare non teneatur; expressè liquet ex textu *l. quæ fortuitis. o.* in verbis: *Quæ fortuitis casibus accidunt, cum præuideri non potuerint (in quibus etiam aggressura latronum est) nullo bonæ fidei iudicio præstantur: & ideo creditor pignora,*

quæ huiusmodi casu interierint, præstare non compellitur, nec à petitione debiti submouetur, nisi inter contrahentes placuerit, ut amissio pignorum liberet debitorem. Cod. de pignor. act.

Vnde * haud obscurè patet, quòd eo casu creditor nō solum pignus amissum soluere non teneatur; sed etiam creditum suum à debitore petere non prohibeatur, per expressum text. in *§. fin. Instit. quib. mod. re contra oblig.* Et est ratio: Pignus * etenim manet in bonis debitoris, ideoq; ipsi perit, per express. text. in *l. pignus. g. C. pignor. act.* Hæc * tamen ita intelligi debent, nisi fortè creditor pignus propria auctoritate, sine licentia debitoris occupauerit: nam tunc creditori etiam casus fortuitus imputari solet, per text. in *l. qui ratiario. 30.* in verbis:

Qui ratiario crediderat, cum ad diem pecunia non solueretur, ratem in flumine sua auctoritate, detinuit: postea flumen creuit, & ratem abstulit, si inuitoratiario retinuisse: eius periculo ratem fuisse respondit. Sed si debitor sua voluntate concessisset, ut retineret: culpam duntaxat ei præstandam, non vim maiorem. ff. de pignor. act. Item * si pignus furto vel incendio amissum sit; quia hæc duo plerūque præsumuntur nostra culpa fieri. argumen. text. in *l. 3. §. 1. ff. de off. præfect. vigilum.* & in *l. cum duobus.*

bus. § 2. §. *damna*. 3. in verbis: quod si à furibus subreptum sit, proprium eius detrimentum est. ff. pro socio. consequens est, quod creditor in his casibus amissum pignus præstare teneatur, nisi * probet manifestis probationibus, hosce casus fortuito accidisse, per express. text. in l. si creditor. §. in verbis: Si creditor sine vitio suo argentum pignori datum perdidit, restituere id non cogitur; sed si culpa eius deprehenditur, vel nō probat manifestis rationibus se perdidisse, quanti debitoris interest, condemnari debet. ff. de pignor. act. Verum * ius Sax. (quod praxis sequi solet) non solum in eo discrepat à iure Ciuili, quod licet creditor de pignore absq; sua culpa amisso non teneatur, quoad solutionem eiusdem, creditum tamen suum amittat; sed etiam quod creditor probatio incumbat, pignus sine dolo & culpa sua periisse, per expressū text. lib. 3. artic. 5. in verbis: Quicquid autem homini conceditur aut pignoretur, ipse illud tenetur reddere non peioratum, aut in eius aestimatione condemnatur. Moriatur equus aut animal obligatum sine creditoris culpa, hoc ipse soluere non tenetur, si se, vt iuris est, à dolo excusabit. Summam autem debitam per hoc creditor amittet, nisi aliter in contractu fuerat stipulatum. Id * tamen glossa eiusdem

articuli in fine, cum iure Ciuili non incongruè cōciliare conatur. Existimat enim hunc articulum de eo casu loqui, quando pignus tantum ipsum, nulla interueniente obligatione debitoris, creditori constituitur: textus verò iuris Ciuilis ita intelligi debent, si & debitoris obligatio interueniat, & pignus securitatis causa datum sit. Pignus * 10 etenim plerumq; maioris securitatis causa dari solet, vt scilicet creditor illud tam diu habeat, quoad debitum sit exolutum, vt videre est tit. ff. & Cod. de pignor. & hypoth. Quamuis * verò in legibus passim 11 hæc duo pignus & hypotheca cōfundantur, & (vt IC. Martianus in l. res hypothecæ. §. §. I. ff. de pignor. & hypothec. ait) nomine tantum differant; attamen pignus pro remobili, quæ manu traditur; per text. in l. plebs. 238. §. pignus. 2. ff. de verb. signific. hypotheca verò pro immobili, quæ sine traditione nuda conuentione tenetur, propriè accipi debet, vt est textus in §. item Seruiana. 7. vers. nam pignoris, Instit. de actionibus.

OBSERVATIO XL.

An posterior creditor hypothecā priorem habens, creditori priori hypothecam non habenti, præferri debeat.

S V M M A R I A.

1. *Qui prior tempore, potior iure.*
2. *Pignus habens præfertur alijs personales actiones habentibus.*
3. *Quod an etiam in pignore iudiciali procedat? dubium est.*
4. *Duo vincula fortius ligant, quàm unum.*
5. *Occupantis quando melior sit conditio.*
6. *Pignus prætorium facit, ut omnes creditores exaquantur.*
7. *Missus in possessionem, omnibus creditoribus prodest.*
8. *Explicatio l. si 3 iure. 10. ff. qui pot. in pign. hab.*
9. *Accursu sententia, quod creditores eo casu communicare debeant.*
10. *Praxis Curia eandem sequitur sententiam.*
11. *Creditores quomodo communicare debeant.*
12. *Creditor intra certum tempus denunciare debet debitum suum, creditori in possessionem missi.*
13. *Contrahens scienter cum debitore post susceptum fraudationis consiliu, excluditur à numero creditorum.*
14. *Creditorum ordo in repetendis creditis à debitore.*

IN iudicio DD. Assessorum Curia Regalis in causa cuiusdam Pomorski, cum Kalovvski, qua-

fitum fuit, quid iuris sit; Si creditor posterior, autoritate Iudicis in possessionem bonorum debitoris missus, à priore creditore in bonis iisdem conueniatur? Vtrum videlicet priori creditori præferri, an cum illo concurrere debeat? *Qua* in re, quamuis vulgata illa Regula: *Qui * prior tempore, potior est iure*, perpetuo seruanda esse videatur, tot. tit. ff. & Cod. qui pot. in pign. habeant. interdum tamen euenit, ut qui posterior est, possit esse potior priore, quemadmodum in *l. inter dum. 5. ff. qui pot. in pign. hab.* refertur; & casus, quibus id fiat, in *ll. seqq.* eiusdē tituli enumerantur. Inter quos etiam ad præsentē quaestionem pertinens, in *l. eos qui. 9. C. eodem.* reperitur; quod * videlicet 2 is, qui accepit pignora, cum in rem actionem habeat, creditoribus omnibus, personales actiones habentibus, præferatur. Cui ad stipulatur etiam textus in *l. diuersis. 8. C. eodem.* his verbis: *Diuersis temporibus eadem re duobus iure pignoris obligatā, eum, qui prior datā mutuā pecunia pignus accepit, potiorē haberi, certi ac manifesti iuris est: nec aliās secundum creditorem distrahendi potestatem huius pignoris consequi, nisi priori creditori debita fuerit soluta quantitas.* Sed hoc de conuentionalipignore, quod ex conuentione &

ne & pactis hominum nascitur, vt
 in l. 2. C. de pratorio pignor. non autem
 iudiciali, intelligendum est.
 3 Quamuis enim in iudiciali dicendū
 esse videatur, per text. in l. si & iure. 10. in
 verbis: Si & iure iudicatum,
 & pignus in causa iudicati, ex aucto-
 ritate eius qui iubere potuit, captum
 est; priuilegijs temporis fore potiore
 heredem eius in cuius persona pignus
 constitutum est. ff. qui pot. in pig. hab.
 Nam cum de pignore utraq; pars con-
 tendit, praeualeat iure, qui praeuenit
 (scilicet capere pignus) tempore,
 per text. in l. Si decreto. 2. C. eodem.
 pro quo etiā facit vulgata illa Re-
 gula: quod vigilantibus ius Ciuile
 scriptum sit. l. pupillus. 24. ff. quae in
 fraud. creditor. & c. Pigris enim & ne-
 gligentibus iura non subueniunt,
 per text. in l. non enim negligentibus.
 ff. ex quib. caus. maior. & c. Ac pro-
 inde iure quoque Saxonum iuxta
 Constitutionē Ottonis Imp. is qui
 possessionem rei habet, ius potius
 habere videtur, per text. Spec. Sax.
 lib. 3. artic. 83. & ibidem glossa. Ve-
 rum tamen DD. iuris diuersae sunt
 hac in re opiniones. Quidam enim
 omnino existimant, creditorem
 posteriorem, cui prius pignus ad-
 iudicatum est, creditore priore obli-
 gationem personalem, non autem
 realem habente, potiorē esse, per
 supra allegatos text. d. l. si & iure

iudicatum; & l. si Decreto. idq; pro-
 pterea, quod fortius* (vt loquuntur) duo vincula ligant, quam v-
 num, per text. in auth. itaq; C. Com. 4
 de successionibus. & * quod inter eos,
 quibus ex eadem causa debetur, occu- 5
 pantis melior sit conditio, per text. in
 l. inter. 10. in pr. ff. de re iudicata. quae
 sententia est Iacobi Cuiacii ac utif-
 simi legum interpretis, lib. obs. 9. c.
 37. num. 35. Qui etiam refutat illorū
 opinionem, qui putant huic sentē-
 tiae refragari, text. in l. in iudicati. 61.
 ff. de re iudicat. vbi dicitur: Quod in
 iudicati actione non prius ratio haberi
 debeat eius, cui prior reus condemna-
 tus fuerit. Nam quod hic de actione
 iudicatis idem in illa lege de iudicia-
 li pignore constituitur, vt non qui
 prior sentētiā consequutus est,
 sed qui occupauit agere iudicati,
 pignus uē capere in causam iudi-
 cati, potior sit. Quidam verō pu-
 tant, in pignore iudiciali æquam
 esse omnium creditorum cōditio-
 nem; cum enim pignus pratorium
 etiam iudiciale comprehendat, vt
 videre est in l. 2. Cod. de prator. pign.
 consequens est, vt iisdē praeceptis
 determinetur. Atqui* in pratorio 6
 pignore, qui prior mittitur in pos-
 sessionem bonorum debitoris, non
 praefertur ei, qui postea missus est,
 sed omnium causa exequatur, per
 singularem admodum text. in l. fin.

Cod. de bonis auth. indic. possiden. in verbis: Huiusmodi dubitationē amputantes censemus per præsentem diuinam generalem constitutionem, ut si non omnes huiusmodi debita prætendentes, sed ex his certi ab iudiciali sententia in possessionem rerum mittantur; non solum hi, sed etiam alij omnes talia debita prætendentes, eadem commoditate potiantur, ut possint cum prioribus rerum detentatoribus communionem habere in rebus de quibus (sicut superius declaratur) prolata fuerit sententia. Quid enim iustius est quam omnes, qui ad res debitoris mitti debent, esse participes huiusmodi commoditatis? Primò * namq; tempore missus in possessionem, non solum sibi, sed omnibus prodest creditoribus, ut in l. cum vnus. 12. in pr. ff. de rebus auth. indic. possiden. dicitur his verbis: Cum vnus ex creditoribus postulat in bona debitoris se mitti: queritur, vtrum solum is, qui petit, possidere potest; an cum vnus petit, & prætor permittit, omnibus creditoribus aditus sit, & commodius dicitur, cum prætor permiserit, non tam persona solius petentis, quam creditoribus, & in rē permissum videri, quod & Labeo putat: nec videbitur persona libera acquirere alij: quia nec sibi quidquam acquirit, cui prætor permittit, sed aliquid ex ordine facit, & ideo cæteris quoque prodest. Neque * ad-

uerfatur huic sententiæ lex illa, si & iure: cuius is est sensus, ut is cui pignus constitutum est, (scilicet ex pacto & conuentione) vel hæres eius, præferatur ei, qui postea autoritate Magistratus in possessionem missus est, idque propter priuilegium temporis, ut ibidem habetur in secundo membro istius legis, quod de conuentionali pignore; prius verò membrum de iudiciali accipiendum est. Nec * Accursio displicere id videtur, ut in d. l. si & iure. in verbo priuilegijs. videre est. Vbi sic dicit, si eiusdem sunt tituli, ut puta ex legato, vel ex cōtractu creditores, quod prior cum posteriore communicare debeat, per l. is cui. 5. §. qui prior. 3. ff. ut in poss. legat. nec prodest venire ex tempore, ut tradit Decius in reg. qui prior. de reg. iur. Canon. num. 18. Et * ita DD. Assessores inter prædictas 10 personas, feria sexta post festum Ascensionis Domini pronunciarunt, quod videlicet creditores suprarecensiti, ius æquale ad bona debitoris habere debeant. Verum * id non de æqualibus portionibus, 11 sed pro rata debiti quantitate iuxta proportionē Geometricam intelligendum est, per express. text. in l. pro debito. 6. ibi: æquali portione pro rata debiti quantitate omnibus creditoribus consuli potest. Cod. de bonis auth.

12 *auth. iud. possiden.* * Hæc autem omnia eatenus vera sunt, quatenus congruo tempore, puta inter præsentem intra duorum annorū spatium, inter absentes autem intra quadriennium, creditoribus possessionem antelato modo detinentibus, suum debitum certum faciant, & expensas secundum quantitatem debitorum persoluant eis, qui sententias consecuti sunt, per sacramentum eorum manifestandas, ut in d. l. fin. C. de bonis authori. iudic. possiden. habetur. Ac præterea * nisi scienter quis contrahat cum debitore, post susceptū fraudationis consilium. Nam eo casu, non solum amittit hoc beneficiū, sed etiā excluditur è numero creditorum, per text. in l. ait prator. 25. ff. de reb. auct. iud. possid. Ait Prator: *Quod postea contractum erit, quam is cuius bona venierint consilium receperit fraudare, sciente eo qui contraxerit, ne actio eo nomine detur.* Quoniam verò hæc quæstio protomiscos, frequentissimè in iudiciis agitari solet, quis sit ordo creditorum, 14 obiter notandum est. Quod * primo loco atq; ordine ponantur hypothecarii, altero personales, hoc est, priuilegium personale habentes; tertio arrestantes, nondum tamen in possessione bonorum missi, postremo chirographarii, prout

ex legibus passim colligi potest, & quotidie ferè in praxi fieri videm⁹.

OBSERVATIO XLI.

De hypotheca vxoris in bonis mariti, vtrum videlicet creditorū anteriori hypothecæ præferatur.

S V M M A R I A.

1. *Vxor tacitam hypothecam in bonis mariti habet.*
2. *Vxor tacitam hypothecam habens præfertur creditoribus anteriorem hypothecam habentibus.*
3. *Dotes mulieribus conseruari publicè interest.*
4. *DD. diuersæ sententia de eo, an etiam expressæ anteriori hypothecæ creditorum, posterior tacita vxoris præferatur.*
5. *Vbi lex non distinguit, nec nos distinguere debemus.*
6. *Ius ad ea adaptari debet, quæ frequenter, non quæ rarò eueniunt.*
7. *Prouiso hominis tollit prouisionem legis.*
8. *Fiscus & mulier pari passu ambulant.*
9. *Creditor expressam hypothecam anteriorem habens, fisco tacitam anteriorem habenti præferitur.*
10. *Communis sententia, quod vxor tacitam hypothecam priorem habens, creditori iudicem anteriorem*
O 2 *express-*

- expressam habenti non præferatur.*
11. *Mulier tacitam hypothecam priorē in habens præfertur creditoribus expressam posteriorem habentibus.*
12. *Pupillus in bonis tutoris præfertur ff. o.*
13. *Mulier expressam hypothecam habens posteriorem non præfertur creditori expressam itidem anteriorem habenti.*
14. *Privilegium prælationis ad dotes tantummodò, non autem donationes propter nuptias referri debet.*

NON incongruè hic de hypotheca vxoris in bonis mariti, an creditorum anteriori præferri debeat, quæri potest. Et* quod omnia bona mariti tacitè sint hypothecata vxori, patet ex textu l. unica. §. 1. in verbis: *Et ut plenius dotibus subueniatur, quemadmodum in administratione pupillarium rerū, & in alijs multis iuris articulis, tacitus hypothecas inesse accepimus; ita & in huiusmodi actione, damus ex utroque latere hypothecam, siue ex parte mariti, pro restitutione dotis, siue ex parte mulieris pro ipsa dote præstanda, vel rebus dotalibus euictis, siue ipse principales personæ dotes dederint, vel promiserint, vel susceperint, siue aliæ pro his personæ, & dos siue aduentitia, siue profectitia sit, secundum veteris iuris nominationem. Cod. de rei. vxor.*

actione. Quinimò quod magis est, licet regula iuris dicet, cum qui prior est tempore, potiorē esse etiam iure, ut videre est, in l. diuersis. §. Cod. qui pot. in pig. hab. Attamen præfertur creditoribus etiam anteriorem hypothecam habentibus, ut est textus singularis in l. assiduus. 12. in verbis: Sancimus, ex stipulatu actionem, quam mulieribus iam pro dote instituenda dedimus, cuiq; etiam tacitam donauimus inesse hypothecam, potiora iura contra omnes habere mariti creditores, licet anterioris sint temporis privilegio vallati. C. qui pot. in pig. hab. Et est ratio, fauor nimirum & cōmiseratio mulierum. Quis enim (ut ait ibidem Imp. Iustinian.) earum non misereatur, propter obsequia quæ maritis præstant, propter partus periculum, & ipsam liberorum procreationem, pro quibus multa nostris legibus inuenta sunt privilegia. & c. C. qui pot. in pign. hab. Sed* & publicè interest, dotes mulieribus conseruari, cum dotatas esse feminas ad sobolē procreandam, replendamq; liberis ciuitatem, maximè sibi necessarium, ut in textu l. 1. ff. solut. matrim. habetur. Hoc tamen de creditorib; tacitam hypothecam priorē habentibus intelligi debet. Sed* an etiā expressæ hypothecæ creditorum anteriori, mulieris tacita posterior præfe-*

præferatur, magna est Interpp. iuris hac de re concertatio. Quidam enim, vt Mart. Gloss. Cynus & Ultramontani omnes indistinctè tenēt, mulierem præferri omnibus creditoribus, siue tacitam, siue expressam hypothecam anteriorem habentibus, idque per textum *in d. l. assiduis*. qui indistinctè loquitur.

5 Vbi * autē lex non distinguit, nec nos distinguere debemus. arg. *l. de pretio. 8. ff. de pub. in rem actione*. Tum etiam, quod vel in eo potissimum singularis fauor dotium appareat, si mulieres expressæ hypothecæ anteriori præferantur; alioquin si tantum tacitam anteriore vincant, exiguo inde afficerentur beneficio, cum rarius contingat, illas cum talibus creditoribus cō-

6 currere. Ius * verò ad ea potius debet adaptari, quæ frequenter, non quæ rarò eueniunt, vt inquit text. *in l. s. ff. de legibus*. Alii contrarium omninò statuunt, quod mulier quidē præferatur cæteris creditoribus, habentibus priorem tacitam hypothecam, non item expressam. Nam * cum prouisio hominis, tollat prouisionem legis, per

7 text. *in l. fin. C. de pactis conuent.* verisimile est *d. l. assiduis*. de tacita tantum hypotheca loqui, quam quia lex induxit, lex etiam adimere potuit, nulla creditorum iniuria. Se-

cus est in expressa, quæ non beneficio legis, sed facto & prouisione hominis est introducta. Quam sententiam fortissimè probat etiam tale argum. Quod * fiscus & mulier 8 pari passu ambulent, & priuilegio tacitæ hypothecæ equali gaudeat, vt patet ex text. *l. quamuis. 2. C. de priuilegio fisci*. Sed * priuatus expressam hypothecam anteriorem habens, præfertur fisco habenti tacitam hypothecam anteriorem, per express. textum *in l. si pignus. 8.* quæ sic habet: *Si pignus specialiter Respublica acceperit, dicendum est, præferri eam fisco debere, si postea fisco debitor obligatus est: quia & priuati præferuntur. ff. qui pot. in pign. hab.* Vnde consequens est, veram esse regulam, quam DD. in hoc casu allegant: Si vinco vincentem te, magis vincam te, id est; si priuatus expressam hypothecam priorem habens, vincit fiscum habentem tacitam anteriorem, consequens est, vt etiam mulierem eiusmodi priuilegio gaudentem vincat. Et * 10 hæc sententia magis est cōmunis, quam etiam cōsuetudo tenet. Sed hoc procedit in hypotheca expressa anteriori, non autem in expressa posteriori. Nam * mulier ta- 11 cita hypotheca priori gaudens, præfertur creditoribus expressa posteriori munitis. Sicut * & pu- 12

pillus præfertur fisco in bonis tutoris, teste Accursio *in l. unica. super verbis: sua causa. C. rem alien. gen. non interd. rerum suarū alienat.*

- Mulier autem pupillis & omnibus aliis, hac in re antepositur; ut videre est ex textu *d. l. assiduis*. Sed *
 13 si mulier habens pro dote expressā hypothecam posteriorem, concurrat cum creditore habente expressam anteriorem, tenenda est illa Regula: *Prior tempore, potior est iure*. Cum Priuilegium hoc prælationis, tacitæ tantummodò hypothecæ competere, satis abunde
 14 supra dictum sit. Postremò * notandum est, hoc priuilegium ad dotes tantum, non autem donationes propter nuptias referri posse, per express. textū. *d. l. assiduis*. in verbis: *Hæc autem tantum ad dotem sancimus, non ad ante nuptias donationem. Non enim* (inquit textus) *pro lucro fouemus mulieres, sed ne dānum patiantur, suisq; rebus defraudentur, curamus*. Et idè etiam in donatione propter nuptias, quam maritus ob dotis lucrum uxori cōstituit, hoc priuilegium locum nō habet, nisi in quantum se extendit quantitas dotis numeratæ, prout Neguzantius in suo tractatu de pignoribus 4. memb. 2. part. num. 65. tradit, & hanc materiam latissimè tractat, quem diligens lector consulere poterit.

OBSERVATIO XLII.

An mulier ad solutionem debitorum a marito contractorum teneatur.

S V M M A R I A.

1. Regulariter uxor pro marito non obligatur, nec è contra.
2. Uxor pro marito fideiubens non tenetur.
3. Senatusconsultum Velleianum quæ in se contineat.
4. Fæminas naturalis pudor non omnibus perperam se manifestare concedit.
5. Iuris Saxonici diuersa ea in re dispositio.
6. Uxor habens dotalitium in bonis mariti, & non consentiens obligationi, nequaquam ad soluenda debita mariti cogi potest.
7. Mulier non habens dotalitium sed succedens in bonis mariti; tenetur ad soluendum res mariti unacum heredibus.
8. Uxor pro marito & è contra, obligatur, quando communem aliquā negotiationem exercent.
9. Maritus ad solutionem debitorū uxoris non tenetur, quando uxor propria industria negotiationē aut propinationem aliquam exercet.
10. In debitis id attenditur, in cuius utilitatem pecunia sit versa.

II. *Mulieres testimonio an convinci possint.*

1 **R**egulariter* vxorem pro marito non teneri, sicut nec maritum pro vxore, explorati iuris est. *tot. tit. Cod. ne vxor pro mar. vel mar. pro vxo.* maximè verò in l. 1. *eiusdem tit.* vbi Imperatores Dioclet. & Maxi. cuidam mulieri rescribunt his verbis: *Frustra disputas de contractibus cum marito tuo habitis, utrum ne iure steterint, an minime? cum tibi sufficiat si proprio nomine nullum contractum habuisti, quo minus pro marito tuo conveniri possis.* Æquitati etenim minimè consentaneum esset, alieno facto alium prægaurari, ut in l. *si quis. 33. §. legis. C. de inoffic. testam.* quinimo* etiam si spontè vxor pro marito fideiubeat; vel in eodem instrumento, vna cum marito sese obliget; nihilominus talis fideiussio & obligatio, quo ad vxorem, de iure subsistere non potest, nisi pecuniam in rem vxoris versam esse, manifestè probatum fuerit, per expressū text. in *auth. Si qua mulier.* his verbis: *Si qua mulier crediti instrumento consentiat proprio viro, aut scribat, & propriam substantiam, aut seipsam obligatam faciat; iubemus hoc nullatenus valere; siue semel, siue multoties huiusmodi aliquid pro eadem refiat;*

siue priuatum, siue publicum sit debitum! sed ita esse, ac si neg. factum quicquam, neque scriptum esset, nisi manifestè probetur, quod pecuniæ in propriam ipsius mulieris utilitatem expense sint. C. ad SC. Velleianum. Et hæc iure Ciuili vera sunt, ex dispositione SC. Velleiani. Hoc* etenim SC. plenissimè comprobatum est, ne pro villo fœminæ intercederent. Nam sicut Ciuilia officia fœminis ideò adempta esse videntur, quòd* naturalis pudor eas nō omnibus perperam sese manifestare concedat, ut in l. *optimam. C. de contrah. stipul.* habetur; ita multò magis adimendum eis fuit id officium, in quo nō sola opera, nudumq; ministerium earum versaretur, sed etiam periculum rei familiaris, teste I. C. Paulo in l. 1. ff. *ad SC. Velleianum.* Intercedere autem videtur vxor pro marito, si ob utilitatem mariti consentiat in obligationem, per text. in *d. auth. si qua mulier.* Verumtamen* ius Saxonum hac in re à iure ciuili omninò discrepare videtur. Eo enim iure, si mulier habens dotalitium in bonis mariti consentiat in obligationem, vel fideiussionem à marito factam, nullo modo à solutione debiti liberari potest, teste glossa iuris Municip. artic. 22. Quod ita demum procedit, si mulier sponte, non coacta obligationi huiusce modi.

modi consensum præbuisse confiteatur, & si bona alia mariti, ex quibus solutio fieri possit, non supersint, ut ibidem glossa notat. Et in Curia sæpius practicum memini, prout etiam in causa Kędzior contra Zoia drovva, Anno 99. feria secunda intra octavas SS. Corporis Christi DD. Assessores pronuntiarunt. Alioquin* licet dotalitium habeat vxor in bonis mariti denominatum, neque tamen consentiat in obligationem à marito factam, nequaquam ad solutionem debiti pro marito cogi potest, prout gloss. Sp. Sax. lib. 1. artic. 24. tangit, & est textus *iniure Sax. Feudalic. 31.* Nec aliter in Curia practi-
 6 cari solet, prout ex decisionibus in causa Gregorii Liporovvski Ciuis Osvvicimēsis, contra Annam Maiczkorovva Ciuem Ilkussiensem Anno 91. Et in causa cuiusdam Theodori, contra Theodorovva Ciues Chęcinen. Anno 96. Sabbatho ante festum S. Mariæ Magdalene factis, videre licet. Secus est,
 7 * quando mulier non habens dotalitium denominatum, sed tantum bona proprio labore cum marito acquisita, & in iis marito succedit; eo enim casu ad solutionem debitorum vna cum hæredibus mariti in tantum, in quantum se interesse ipsius extendit, tenetur. per gloss.

Iuris Municip. d. artic. 22. versic. *quæritur si vir.* Æquum siquidem est, ut is qui hæreditatem accipit, debita soluat, per text. Sp. Sax. lib. 1. artic. 6. Verumtamen* præter hæc supra expressa, vxorem pro marito, & contra maritum pro vxore ad soluenda debita etiam eo casu teneri, quando communem negotiationem, vel cauponariam exercent, consuetudo in plerisque locis recepta, & ratio ipsa indicat. Cum enim inde vterque lucrū & augmentum rei familiaris percipiat, ac propterea tanquam socii, & correi debendi constituentur; æquum est, ut etiam commune eorum periculum sit, & ad soluenda debita mutuo obligentur, per text. *in l. plane. 24. ff. pro socio.* Quod ita intelligendum est, si maritus pecuniam, vel merces, non ad suam utilitatem tantum, sed pro communi usu & negotiatione, comparavit; alioquin nec iure societatis per sociū ære alieno socius obligatur, nisi in communem arcam pecunię versę sint, prout IC. Papinianus, *in l. iure Societatis. 82. ff. pro socio.* tradit. Solent* tamen plerumque vxores pro-
 9 prias negotiationes exercere, & liquores varii generis propinare sua industria, absque opera & consilio mariti; quo casu si vxor faciat aliqua nomina, dubium non est. maritum

ritum pro vxore ad solutionem eorum non teneri, argum. *d. l. 2. C. ne vxor pro marito*. Hinc itaq; liquidò cōstat, quod siue vterq; simul maritus & vxor sese cōstituant debitor, siue maritus tantum, dūmodò
 10 pecunia in communem vtilitatem sit versa, nihilominus vxor ex tali obligatione teneatur, per iura supra allegata. Quā in re non sufficit probare numerationem & confessionem vxoris expressam in chyrographo, nisi clarè & manifestè ostendatur & probetur, eam pecuniam versam esse in vtilitatem vxoris, per expressū text. *in dict. auth. Si qua mulier*. alioquin vxor iuxta suam negatiuam, propior est proprio se purgare iuramēto, prout in Curia in causa Stanislai Krasnicki, contra Zusanam Kiersztanovva Anno 91. pronunciatum
 11 fuit. Mulieres * enim testimonio vinci nō possunt, per express. text. *Spec. Sax. lib. 1. artic. 46. in verbis: Fæminæ & mulieres tutores habere debent in qualibet actione, ex eo quod iudiciaria potestas, in testimonio eas non poterit superare*. Quod ita demū verum est, si mulier in iudicio tutorem, seu potiùs curatorem ad litem non habeat. Et ideo semper iisdem tutor assignari solet, quo præsentem nullum est dubium, quod testimonio conuinci possint: quam-

uis enim in quibusdam casibus, vt potè in probando dotalitio, & aliis mulieres ad probandū faciliùs admittantur: generaliter tamen id verum esse minimè potest. Testibus siquidem mulier conuincitur, in causa homicidii, manualis facti, vt per express. text. *iuris Municip. artic. 22. & feud. c. 31*. Deniq; in causis propter quas dotem perdit. *teste gloss. Sp. Sax. lib. 1. artic. 21. & iuris Municip. dicto art. 22*. Et textus supra allegatus *artic. 46. de iudicialibus tantummodo actibus loquitur*, in quibus mulier propter naturalem pudorem sine tutore cōparere non potest, vt supra dictū fuit.

OBSERVATIO XLIII.

De deposito, & quid depositarius præstare teneatur.

S V M M A R I A.

1. *Depositum est triplex, vt potè Sec. 1. questrarium, Iuris, & Voluntarium.*
2. *um.*
3. *In deposito, quod custodienda rei causa fit, dolus tantummodo præstari debet.*
4. *Ratio, cur in deposito dolus tantum præstetur.*
5. *Imp. Alexander non solum dolum, sed etiam latam culpam, in deposito præstari statuit.*

7. IC. Celsus etiam latiore culpam in hanc actionē venire existimat.
8. In Codice iuris contraria & pugnantia non inveniuntur.
9. Culpā dupliciter consideratur, in genere, & in specie.
10. Culpā in specie tres gradus constituuntur.
11. Lata culpa quid sit? & an dolo
12. equiparetur.
13. Latior culpa pro lata in l. quod Nerua, ponitur.
14. Lata culpa quomodo censeatur dolus malus.
15. Levis culpæ definitio, & quod ei
16. imperitia adnumeretur.
17. Depositarius non tenetur ex leui culpa.
18. Leuissima culpa qualis esse dicatur.
19. Depositarius quando in duplum obligetur.
20. In actione depositi, regulariter quid veniat.
21. Heres depositarij in quantum obligetur.
22. Depositum non restituens infamis est.
23. Depositum sine dilationibus & exceptionibus restitui debet.
24. Furi & prædoni res deposita quando non restituatur.
25. Depositum ex hereditate ante omnia peti potest.
26. Heredes deponentis pro interesse depositum petere possunt.
27. Depositarius re deposita utens furum committit.
28. Pecunia deposita utens tenetur ad usuras.

Inter contractus, qui re celebrantur, connumeratur quarto loco Depositum; cum enim nemo possit rerum suarum semper, & ubique esse custos; optimi legislatores diligenter in eo humanis necessitatibus prospexerunt, ut opera & officijs aliorum uti possimus. Verum ne hominibus ex peruersa natura mirum in modum ingeniosis occasio detur fidem fallendi, summa æquitate ab iisdem præscriptum est, quid is, cuius fidei res commedata est, præstare teneatur? Quia in re in primis sciendum est, triplex esse depositum. Et * primum quidem sequestrarium, siue iudiciale, cum res aliqua, de qualis & controuersia est, a duobus vel pluribus apud tertium aliquem deponitur, donec ex causæ cognitione constet, cui ex litigatoribus debeatur, per expressum textum in l. sequester. 110. ff. de verb. signif. & l. propriè. 6. ff. depositi. Secundum * Iuris, seu oblatio realis debiti, quæ fit consignatione & depositione, ut debitor per eam ab vlturis & casibus fortuitis liberetur, de qua supra observatione xxxiii. dictum est. Ter-

est. Tertium * est Voluntarium, cum vnus vel plures, rem aliquam non litigiosam ex libera voluntate, tantum custodiæ causa deponunt, ita, vt dominium & possessio rei depositæ apud ipsum deponentem maneat, de quo hæc potissimum est quæstio. In * hoc itaque deposito, cum, apud quem res custodiæ causæ deponitur, dolum tantummodo præstare teneri, text. in. l. contractus. 23. in verbis: *Contractus quidam dolum malum duntaxat recipiunt; quidam & dolum & culpam, dolum tantum depositum & precarium, ff. de reg. iuris, testatur. Quod itidem tradit Ius Saxonum, prout in textu lib. 3. artic. 5. ex his verbis Si quis rem suam apud alium deposuerit, & si ex furto is eam amiserit, aut spolijs, incendijsq; perdididerit, vel si animal mortuum fuerit, nullam pro eo pœnam sustinebit, dummodo ille suo sacramento hoc dolo suo non accidisse declaret, viderelicet. Cum enim * in deposito, nulla eius, apud quæ res deponitur, utilitas versetur, ideo etiã nõ præstatur ab eo nisi doli, per text. in l. Si ut certo. 5. §. Nunc videntur. 2. ff. commodati. Verũ * Imp. Alexander, non solum doli, sed etiam latam culpam in actione depositi venire statuit, vt ex textu l. 1. in verbis Si incursum latronum, vel alio fortuito casu ornamenta depo-*

*sita apud interfectum perierint: detrimentum ad heredem eius qui depositum accepit, qui dolum solum & culpam latam (si non aliud specialiter conuenit) præstare debuit, non pertinet. C. depositi. satis liquidò patet. Quinimò * quod magis est, IC. Celsus in l. quod Nerva. ff. depositi. etiam latiore culpam, dum videlicet talem diligentiam, qualem rebus suis adhibere solet, in deposito non adhibuit, eum præstare existimat. Vnde quamuis inter suprâ allegatos textus, videatur esse quædam insignis antinomia; attamen quia Imp. Iustiniano. in l. 2. §. Contrarium 15. Cod. de veteri iur. enucl. teste. Contrarium * in Codice iuris, nullum sibi debeat vendicare locum, nec inueniatur, si quis subtili animo diuersitatis rationes excutiat; sed sit aliquod nouum inuentum, vel occultè positum, quod dissonantiæ quærelam dissoluat, & aliam naturam inducat discordiæ fines effugientem; idcirco eandem, hoc distinctionis fœdere, haud incommode dissolui posse existimarem. Aut * enim culpa est in genere, quæ includit delictum & omne factum illicitum, vt in l. si seruum. 91. §. 1. in verbis: *Culpa in hunc modum dijudicatur. & c. ff. de verb. oblig.* Aut in specie, quæ non à dolosa peccandi voluntate, sed à stulta ignorantia & imprudētia profi-*

ciscitur, & alioquin humanitus eui-
tari potuisset, per express. text. in l.
magna. 226. ff. de verb. signifi. vbi di-
citur: quod magna negligentia, culpa
10 sit; magna culpa dolum sit. Huius* tres
gradus DD. iuris communiter sta-
tuunt, vt potè latam siue latiore, le-
uem & leuissimā; quamuis Bart.
& alii post eum, quinq; constitu-
ant, latiore, latissimā, latam le-
uem, & leuissimā. Zasius verò
duos tantum, latam, & leuem; at-
que illam duplicem, versutia &
ignauia; sed quia hæc omnia iuri
ciuili minimè sunt consentanea,
merito à quibusdam Interpp. (præ-
sertim verò à Corrasio Miscell.
quæst. lib. 4. c. 1.) refutantur. In pri-
11 mis verò * lata culpa dicitur, desi-
dia & negligentia, tam supina, quæ
non possit excusari, vt si quis in fa-
ciendo aut prætermittendo non
intelligat, quod omnes intelligunt,
prout id in textu l. lata. 223. ff. de
verb. signific. & l. nec supina. 6. in fine.
& l. plurimum. 3. in fine. & l. regula
9. §. Sed facti ff. de iur. & fact. ad-
12 modum clare disponitur. Et * ideo
dolo malo (qui nihil aliud est, nisi
machinatio alterius decipiendi cau-
sa, dum aliud agitur, aliud simula-
tur, prout eum Seruius in l. 1. §. 2.
ff. de dolo malo definiuit) æquipa-
rari solet, vt in d. l. magna, supra al-
legata, & in d. l. quod Nerva 32. in

his verbis: Quod Nerva diceret la-
torem culpam dolum esse, Proculo di-
splicebat; mihi verissimum videtur.
Nam cisi quis non ad eum modum,
quem hominum natura desiderat, di-
ligens est; nisi tamen ad suum modum
curam in deposito præstat, fraude non
caret. Nec enim salua fide mino-
rem ijs, quàm suis rebus diligen-
tiam præstabit. ff. depositi. traditur.
Nec obitat, * quod hic latioris cul-
pæ fiat mentio, illam nimirum dolo
13 similem esse, & in deposito venire.
Nam hic vtitur comparatiuo pro-
positiuo, vt Accursius ibidem no-
tat: Neque id absurdum videri de-
bet, cum & grauiorē culpam pro-
lata, Modestinus dixisse, textus
l. homo liber. 54. §. 2. ff. de acquir. re-
rum dom. probat. Vnde etiam con-
sequens est, quod in deposito non
solum dolum, verum & lata culpa,
(si videlicet in rebus alienis non
adhibet talem curam, qualem suis
præstare solet) à depositario præ-
standa sit, per text. in d. l. 1. C. de-
positi. & d. l. quod Nerva. ff. eodem.
Quibus manifestè repugnant text.
in d. l. contractus. ff. de reg. iur. & in
d. l. si vt certo. §. nunc videndum. ff.
commodati. & in l. eum qui. 14. §. is
autem 3. ff. de furtis. vbi de dolo tan-
tum modò agitur. Verum * hitex-
14 tus ita accipiendi sunt, vt dolum
etiam latam culpam compræhen-
dat.

dat. Quamuis enim illa reuera, & sua essentia non sit dolus; attamen effectu, & iuris interpretatione, pro dolo habetur, vt *in l. si ex causa. 9. §. si mulier. ff. de minoribus.* quod nisi constitutum esset, facile cuius fraudem & malitiam suam, prætextu ignorantiae obtendendi & adumbrandi daretur occasio. Porro
 15 *leuis culpa dicitur incuria & negligentia non tam crassa & supina, sed cum quis non ad eum modum, quem hominum natura desiderat (id est ad instar aliorum hominum) diligens est, vt supra ex *d. l. quod*
 16 *Nervæ*, dictum fuit. Cui *recte adnumeratur imperitia, vt in regula
 17 iuris 132. habetur. Et *ideo hæc culpa depositarium non obligat, vt supra dictum est, per textum *in d. l. quod Nervæ. & in §. præterea. 3. instit.* quib. *mod. re contr. oblig.* clarius id habetur. in his verbis: *Sed is (scilicet depositarius) ex eo solo tenetur, si quid dolo commiserit. culpe autem nomine, id est, desidii ac negligentia non tenetur. Itaque securus est, qui parum diligenter custoditam rem furto amiserit.* Et additur ibidem ratio: *quia qui negligenti amico rem custodiendam tradit, non ei, sed suæ facilitati id im-*
 18 *putare debet.* Leuissima *denique culpa est, quam non nisi sagacissimus & diligentissimus quisque præcauere potest, per text. *in §. item is. 2.*

vers. At is, in verbis: At is qui utendum accepit, sanè quidem exactam diligentiam custodiendæ rei præstare iubetur; nec sufficit ei tantam diligentiam adhibuisse, quantam suis rebus adhibere solitus est, si modo alius diligentior poterat eam rem custodire. Instit. quib. mod. re contr. oblig. Verum neque illud sicco (vt aiunt) pede prætereundum esse censeo, quod
 *depositarius, apud quem res in- 19
 cendii, naufragii, tumultus, vel metus causa deposita est, si eandem inficiatus fuerit, teneatur in duplum eius rei, per express. text. *in §. in duplum. 23. Instit. de actionibus, & in l. 1. §. 1. ff. deposit.* Cuius rei ratio duplex reddi potest. Prior, quoniam aliis casibus spatium deliberandi datur, cui res comittenda sit, in his verò, calamitas nullum ad deliberandum tempus permittit, vt *in d. l. 1. §. 1. ff. depositi.* habetur. Altera, quod talis perfidia singulari & maiore odio sit digna, vt potè, quæ loco misericordiae crudelitatem adhibet, & calamitatem calamitati adiicit. Extra *hos autè 20
 casus tenetur in simplum, vt scilicet res depositas restituat cum fructibus & omni causa, per express. text. *in l. 1. §. & ideo & fructus. 24. ff. depositi.* Aliquando peruenitur etiam ad æstimationem, si videlicet res præstari ab eo, quo cum agitur
 P 3 nequeat,

nequeat, ut in *l. si fideiussor. 30. ff. de positi.* aut in litem iuratur, ut in *d. l. 1. §. in depositi. 20. ff. eodem.* habetur; quinimo in id quod interest agitur, si dolo depositarii occasione damno dedit, ut in specie *§. si quis tabulas. 38. l. 1. ff. de positi.* videre licet. **21** cet. Hæres * autem depositarii non tenetur in duplum, nisi & ipse inficiatus fuerit, per text. in *§. non autem. 1.* in verbis: *Aliquando tamen etiam ex contractu actio contra heredem non competit, veluti cum testator dolo se versatus sit, & ad heredem eius nihil ex eo dolo, peruenit. Instit. de perp. & temp. actio.* Sed in simplum tenetur ex dolo defuncti, & hoc intra annum, per text. in *l. de eo. 18. ff. de positi.* Alioquin * qui temere & dolo malo non restituit depositum, infamis est, per text. in *l. qui depositum. 10.* in verbis: *Qui depositum non restituit, suo nomine conuentus & condemnatus, ad eius restitutionem cum infamia periculo urgetur. C. de positi.* Neque immerito: Siquidem (teste Cicerone in Orat. pro Sext. Roscio) in bonorum virorum numero haberi non debet, qui fidem **23** amico fefellit. Restitutio * autem depositi, sine vlla dilatione fieri debet, ita ut neq; compensatio, neq; cuiusquam interdictio locum habeat, per text. in *l. si quis. 11.* in verbis: *Si quis vel pecunias, vel res quas-*

dam per depositionis acceperit titulum; eas volenti ei, qui deposuit, reddere illicito modis omnibus compellatur; nullamq; compensationem, vel deductionem, vel doli exceptionem opponat etc. Et infra: *ut integra omni legitima ratione seruata, depositæ res vel pecuniæ prima fronte restituantur. C. de positi.* Quod * tamen in fure & prædone, **24** qui rem furto vel vi ablatam, apud aliquem deposuit, minimè locum habet: Nam hoc casu summa æquitatis ratio suadet, ut res ablata, vero domino non furi & prædoni, restituantur, per text. in *l. bona fides. 31. ff. de positi.* Ac præterea * soluen- **25** do non existente depositario, primo loco peti potest, per expressum text. in *l. si hominem. 7. §. quoties. 2.* in verbis: *Quoties cedunt foro nummularij, solet primo loco ratio haberi depositariorum, hoc est, eorum qui depositas pecunias habuerint, non quas sine noie apud nummularios, vel cum nummularijs, vel per ipsos exercebant. ff. de positi.* Quinimo etiam ante priuilegia admittuntur, si bona depositariorum venierint, ut ibidem habetur; quod sanè *l. si ventri. 9. §. in bonis. ff. de priuilegijs creditorum.* manifeste repugnare videtur; ubi dicitur, post priuilegia eorum pouorem causam haberi. Verum id de quibusdam tantum priuilegijs, ut potè dotis funerariæ, cuius qui in re-

fectio-

fectionē rei credit, intelligi debet, prout gloss. ibidem notat. Nam extra hos casus, etiam ante privilegia deponentium causa potior est, per text. *d. l. si hominem. §. quoties. ff. de pos.* Vnde consequens est, quod etiam defuncto eodem, (exceptis itidem casibus supra positis) ante omnia ex hæreditate percipere debeant, argu. *l. cum hæreditas. 9. C. de positi.* prout etiam in Curia Regia inter Doctorem Petricium & Cziczarovva Ciues Leopolienses Anno 98. Sabbatho ante festum S. Barnabæ, decisum fuisse memini. Sicut 26^e è contra, si plures sint hæredes deponentis, quilibet illorum pro interesse suo potest petere portionē depositi, qua cōsequuta, si postea depositarius soluendo non sit, nō datur recursus cæteris cohæredibus ad illum, qui portionem suam consequutus est, per express. text. *in l. fin. C. de positi.* Non videtur enim (vt Imp. Iustin. ibidem ait) esse homo obnoxius, qui suam partem suscipit; ne industria pœnas desidia soluat: Si enim & alius hæres tempora oportuna, quemadmodum cohæres eius, obseruasset, & suum uterque reciperet, & sequentibus altercationibus minime locus relinqueretur. Denique* 27 & illud notandum est, quod depositarius, re deposita vtens, furti teneatur, per express. text. *in l. si de-*

positi. 3. ibi: Siquidem qui rem depositam inuito domino sciens prudensq. in usus suos conuerterit, etiam furti delicto succedit. C. de positi. & l. si sacculum. 29. ff. eod. Sitamen* deposita pe 28 cunia, ex permisso deponentis vtatur, furtum quidem non cōmittit, sed vsuras, vt in cæteris bonæ fidei cōtractibus, propter moram præstare cogitur, per text. *in d. l. si sacculum. & in l. si depositi. 3. & l. si deposita. 4. ff. de positi.* Atque hæc de deposito, quæ potissimum in praxi occurrunt, & quæ etiam gloss. Iur. Sax. *in d. artic. 5. lib. 3.* tangit, dixisse sufficiat.

OBSERVATIO XLIV.

Si res à viatore apud dominum diuersorii, custodiæ causa relicta sit, quid is præstare teneatur.

S V M M A R I A.

1. Edictum Prætoris, de nautis, cauponibus, & stabularijs.
2. Ratio, cur nautæ, caupones, & stabularij de recepto teneantur.
3. Res vectoris vel viatoris recipiens tenetur omni modo, excepto casu fortuito.
4. Furtum non computatur inter casus fortuitos.
5. In recepto custodia præstari debet.
6. Factum viatorum dominus diuersorij an præstare teneatur.

7. *Vbi ratio legis locum non habet, eò lex producenda non est.*

8. *Differentia tit. Nauta, caupones, stabularij, & à titulo furti aduersus naut. caup. stabul. &c.*

9. *Receptæ res dicuntur non solum expressè custodiæ assignatæ, sed etiã illatæ vel immissæ.*

10. *Dominus diuersorij prædicens hospitibus vt res suas custodiant, non tenetur ad præstandum damnum.*

Superiori optimè cohæret, & viatoribus non inutilis est hæc quæstio. Quamuis enim iuxta dispositionem Iuris tam Ciuilis, quàm Saxonici, is, cui res custodiæ causa tanquam amico cõmendatur, præter dolum & latam culpam, nihil amplius præstare debeat, vt supra obseruatione præcedenti dictum est, attamen in his, qui diuersoria exercent, & quæstum ac lucrum inde sentiunt, diuersum ius à legislatoribus statutum reperitur. Inprimis* verò edictum Prætoris in l. 1. ff. naut. caup. stabul. vt recept. restit. extat, cuius hæc sunt verba: *Ait Prætor, Nauta, caupones, stabularij, quod cuiusq; saluum fore receperint, nisi restituent, in eos iudiciũ dabo.* Nec immeritò. Maxima* etenim (vt ibidem IC. Vlpian. ait.) *utilitas est huius edicti: quia necesse est plerumq; eorum fidem sequi, & res*

custodiæ eorum cõmittere. Nec quisquam putet, grauitè hoc aduersus eos constitutum: nam est in ipsorum arbitrio, ne quem recipiant. Et nisi hoc esset statutum, materia daretur cum furibus aduersus eos quos recipiunt coeundi: cum ne nunc quidem abstineant huiusmodi fraudibus. Ex hoc itaque edicto manifestè liquet, quod nauta, caupo, & stabularius, qui res vectoris vel viatoris recipit, omnimodo teneatur, etiamsi sine culpa eius res perit, vel damnum datum est, nisi si quid damno fatali contingit, per express. text. in l. 3. §. 1. vers. at hoc edicto. ff. naut. caup. stabul. &c. Quod non de furto (cum* id non computari inter casus fortuitos Accursius in l. cum duobus. §. 2. §. 3. & in d. l. & ita. §. 1. in verbis: *etiam si sine culpa dicat*) sed de naufragio, aut vi maiore intelligendum est, per eundem text. in l. & ita. §. 1. vers. inde Labeo. Et ita in Curia Regia inter Wilczek & Wesofovvska Ciues Præmislien. Anno 99. mense Septēbri decisum fuisse memini. Nec mirum id videri debet, cur hic exactior quàm in deposito, custodia exigatur. Cum etenim in deposito nulla eius apud quem deponitur, versetur utilitas: Et is qui negligenti amico rem cõmendauit, non ei, sed suæ facilitati imputa-

imputare debeat, per text. in obs.
 5 præcedenti allegatos. In* recepto
 verò, etsi nauta, caupo, & stabu-
 larius mercedem non pro custo-
 dia recipiant: sed nauta vt traiici-
 at vectores, caupo vt viatores ma-
 nere in caupona patiatur, stabu-
 larius, vt permittat iumenta apud
 se stabulari; attamen quia nec ful-
 lo aut sarcinator pro custodia, sed
 pro arte mercedem recipiunt, ad
 custodiam nihilominus ex locato
 tenentur; ita hos etiam improbita-
 tis reprimendæ causa custodiæ no-
 mine teneri, & * factum etiam via-
 6 torum præstare Prætor voluit. per
 text. in l. sicut & caupo. 2. ff. naut.
 caup. & stab. Cui etsi ex diametro
 textus in l. licet. 6. §. in factum. 3. ff.
 eodem. & in l. 1. §. 6. in his verbis:
 Caupo præstat factum eorum, qui in
 ea caupona eius caupona exercenda
 causa ibi sunt, item qui habitandi cau-
 sa ibi sunt. Viatorum autem factum
 non præstat. Et additur ibidem ra-
 tio: Viatorem enim sibi eligere cau-
 po vel stabularius non videtur, nec re-
 pellere potest iter agentes: inhabitato-
 res verò perpetuos ipse quodammodo
 elegit, qui non reiecit, quorum factum
 oportet eum præstare. ff. furti aduer-
 sus naut. caup. stabula. repugnare
 videantur; attamen hæc ita non
 incommode conciliari posse exi-
 stimarem, vt scilicet exercitor fa-

ctum hospitem & viatorum, quo-
 rû conditio probabiliter ipsi igno-
 ta est, vt qui hospitio repentino
 (prout text. in d. l. licet. §. in factum.
 tradit.) recipiuntur, neutiquam
 præstare teneatur. per d. l. 1. §. 6. ff.
 furti aduers. naut. caupo. stabul. Se-
 cus verò dicendum est in his, qui
 sæpius diuertere solent, & quorû
 conditio ipsi exercitori cognita
 est. Eo enim casu ratio illa, quod
 viatorem eligere non possit, cessat.
 Vbi* autem legis ratio locum non 7
 habet, eo lex etiam producenda
 non est. l. ex facto. 43. ff. de vulg. &
 pupill. substit. & l. in omni. 13. ff. de
 adopt. Quamuis non desint, qui &
 alias huius antinomix adferunt so-
 lutiones. Accursius* etenim, quæ 8
 sequitur etiã Bart. existimat, quod
 hic titulus: Nauta, Caupones, Sta-
 bularij, vt recepta restituant, ab eo,
 qui postea ibidem in Pandectis se-
 quitur: Furti aduersus nautas, cau-
 pones, stabularios. &c. discrepet hac
 potissimû ratione, quod prior de-
 tur ex contractu, scilicet ex rece-
 pto, vel quasi maleficio, posterior
 verò ex delicto tantum. Et ideo
 ex hoc non teneatur caupo ob fa-
 ctum viatorum, quia maleficia de-
 bent tenere authores suos, non a-
 lios, ex illo autem quasi ex male-
 ficio obligatur. Scire enim debet
 qualem familiam, quales suæ hospi-
 tes in

- tes in domo sua habeat. *d. l. licet. §. in factum.* Obiter autem hic notandum est, quod * receptæ res esse videantur, etiam si expressè custodiæ illorum non sint assignatæ, sed saltem illatæ vel immisæ, per express. text. in *l. 1. §. fin. ff. naut. caup. stabul.* Nam hoc ipso, is qui immitit vel infert res suas, videtur sequi fidem exercitoris, sicut ex aduerso is tacitè profitetur, nauim vel diuersorium suum idoneum esse, & res illatas saluas fore; alioquin
- 10 * si prædixerit, vt vnusquisq; hospitum res suas seruet, & illi consenserint, non tenetur ad præstandum damnum, si res perierint. per expressum textum in *l. fin. §. item si prædixerit. ff. naut. caup. stab.*

OBSERVATIO XLV.

De mandato, & quid mandatarius præstare teneatur.

S V M M A R I A.

1. In mandato dolus & culpa præstari debet.
2. Culpa leuissima in mandato vtrius præstetur.
3. In iure gradus comparationis confunduntur.
4. Leuissima culpa opponitur exactissimæ diligentia.
5. Bona fides omnes gradus culpa comprehendit.

6. *Æquitatis ratio suadet, vt is qui recipit mandatum, teneatur de culpa leuissima.*
7. *Mandatarius fines mandati excedere non debet.*
8. *Mandatum iuxta præscriptum mandatis exequi debet, etiam si mandatarius aliter rem gesturus utilius fore existimet.*
9. *Mandati fines non excedit, qui id facit, sine quo mandatum exequi non potest.*
10. *Mandatum excedens in emptione; id non repetit, quod ultra datum est.*
11. *Mandatarius expensas actione contraria petere, vel ex fructibus deducere potest.*
12. *Mandatarius an salarium à mandante petere possit.*
13. *Mandatum debet esse gratuitum.*
14. *Aduocati & procuratores salaria petere possunt.*
15. *Fullo & Sarcinator pro mercede actionem præscriptis verbis habent.*
16. *Mandatū susceptum consummari debet.*
17. *An alium mandatarius substituere possit.*
18. *Mandato quando renunciare liceat.*
19. *Mandatum morte vtriusq; tam mandantis, quam mandatarij finitur.*
20. *Mandatū quando reuocari possit.*

IN * mandato, prout & in aliis contractibus, qui consensu fiunt, dolum & culpam à mandatario præstari, nullum est dubium, per textum in l. contractus. 23. in verbis: *dolum & culpam* (scilicet recipiunt) *mandatum, commodatum, venditum, pignori acceptum, locatum, item dotis datio, tutela, negotia gesta. ff. de diuers. reg. iur.* Quod non solum de lata, sed etiam de leui culpa intelligendum esse DD. iuris vnanimi consensu statuunt, idq; per textum in l. à procuratore. 13. C. mandati. cuius is est tenor: *A procuratore dolum & omnem culpam, non etiam improuisum casum præstandum esse, iuris auctoritate manifestè declaratur.* Verum * de leuissima culpamagna est inter eosdem dissensio. Etenim Ioannes Accursius, Bartol. & Azo dicunt etiam teneri de leuissima, per suprâ allegat. text. in d. l. à procuratore. in verbis: *omnem culpam.* Vnde consequens est, quod nulla excipiat, argumento text. in l. sollicita 6. in verbis: *Omni humana creatura, ext. de maior. & obedient.* Nam & secundum præcepta Logica, quod prædicatur de genere, necesse est prædicari de specie. Quam sententiam textus quoq; l. in re. 21. Cod. mandati, non parum confirmare videtur, his verbis: *Aliena verò ne-*

gotia exacto officio geruntur, nec quicquam in eorum administratione neglectum ac declinatum culpa vacuū est. Vbi exactum officium, pro exactissimo accipi debet, per textum in §. item is. 2. vers. at is. Instit. quib. mod. re. contra. oblig. Sæpè * enim higradus, (quos Grammatici cōparationis vocant) in iure cōfunduntur, vnde euenit vt positius pro superlatiuo & e contra, vt in l. Si merces. 25. §. qui columnam ff. locati. item comparatiuus pro positiuo accipiat. in l. quod Nerua. ff. depositi. Exactissimæ * verò diligentix opponitur leuissima culpa, quam non nisi sagacissimus & diligentissimus quisq; præcauere potest, vt suprâ obser. proxima dictū fuit. Proinde non obstat huic sententix textus in l. idemq; 10. in pr. ff. mandati. Vbi dicitur, eum qui mandatū suscepit, nihil amplius, quam bonam fidem, præstare debere. Ergo inferri posset, quod non etiam culpam leuissimam. Nam * ibi bona fides omnes species culpe comprehendit, etiam leuissimæ, vt & gloss. ibidē notat. Et exempla quæ in l. si procurator. 8. §. ult. ff. eodem, ponuntur, ita bonam fidem accipiendam esse ostendunt. Sic neq; illud in contrariū facit, quod vulgo ex d. l. contractus. 23. ff. de diuers. reg. iuris. obijci solet, in mandato

videlicet dolum tantum & culpā præstari. Nam & ibi non excluditur leuissima culpa, quinimò expressè dicitur, in his præstari etiam diligentiam, scilicet exactissimam. *vt in l. qui in iuria. 53. §. qui alienis. vers. eadem sunt. ff. de furtis*, cui leuissima culpa opponitur, vt supra dictum est. Quod ad contractus ibidem recensitos omninò referri debet; Sed quia præter commodatum & mandatum, nullus horum contractuum videtur posse recipere leuissimam culpam, vt in *l. si vt certo. §. nunc videndum. ff. commodati*. traditur; idcirco de his tantum ibi IC. Vlpian. loqui verisimile est. Verba enim secundū subiectam materiam accipienda sunt.

6 Summa * denique æquitatis ratio suadet, vt is qui mandatum in se recipit, teneatur de omni culpa, etiam leuissima. Quia recipiendo officium, videtur se ostendere diligentem & idoneum, atq; ita propter solam industriam eligitur, argumento *l. si quid venditor. 18. ff. de edilit. edicto*. Et vt Cicero in Orat. pro Sexto Roscio præclare monet; mandati iudicium, ideò non minus turpe esse, quàm furti. Quia (inquit) hæc culpa duas res sanctissimas violat, amicitiam & fidem. Nā neq; mandat quisq; ferè, nisi amico; neq; credit, nisi ei, quem fidelem pu-

tat. *Perditissimi est ergo hominis, simul & amicitiam dissoluere, & fallere eum, qui lesus non esset, nisi credidisset*. Hinc consequens est, quod * mandatarius mandati fines excedere non debeat, per expressum textum in *l. diligenter. 5. in verbis: Diligenter igitur fines mandati custodiendi sunt. Nam qui excessit, aliud quid facere videtur. Et si susceptum non impleuerit, tenetur. ff. mandati. & §. is qui exequitur. Instit. eodem.*

Sed * an in recepto mandato rectius sit, id omninò facere, quod mandatum est; an verò nonnuncquam etiam contrā? si mandatarius existimet id ei, qui mandauit utilius fore, nimis perplexa est quaestio. Quam A. Gellius *lib. 1. Noct. Attic. c. 13.* in utrāq; partem admodum luculenter tractat, & adductus exemplo P. Crassi Mutiani, nequaquam contra mandatum faciendum esse exponit; quod idem Cicero Epist. fam. *lib. 7. Epist. 2.* probat. Verum * enimverò non excedere cum fines mandati, sciendū est, qui id facit sine quo mandatū omnimodè curari non potuit, vt in procuratoribus ad iudicia fieri videmus, qui sæpius mandati fines egredi coguntur. Cum enim iudicium in inuitos reddatur, non valet mandatis cautio in iis, quibus iuris & iudicii necessitas disponit, cuius

cuius rei exempla passim in legibus, & potissimum in *l. ad legatum. 62. ff. de procurat. & in l. Papinianus. 14. ff. de public. in rem actione.* obuia
 10 sūt. Et ideo* si in emptione mādati fines excedat, non nisi ad pretium statutum contra mandantē agit, per text. in *l. sed Proculus. 4. ff. mandati.* idque contraria actione mandati, qua* etiam impensas in perficiendo mandato factas repetere, vel quod magis est, deducere ex fructibus illius rei potest, per expressi. text. in *d. l. idem q. 10. §. idem Labeo. 9. in verbis: Idem Labeo ait, & verum est, reputationes quoq. hoc iudicium admittere. Et sicuti fructus cogitur restituere is qui procurat, ita sumptum quem in fructus percipiendos fecit, deducere eum oportet. Sed et si ad vecturas suas, dum excurrit in prædia sumptum fecit, puto eum hos quoq. sumptus reputare oportere: nisi si salariarius fuit, & hoc conuenit, ut sumptus de suo faceret ad hæc itinera. ff. mandati.* Et ita in Curia inter Adamum Faurbach Ciuis Wratislaviē. mandatarium, & Ioannem Wolffovvicz Ciuē Leopoliē. Anno 91. de expensis in litem factis, decisum fuit. Æquum enim est, ne damno afficiatur mandatarius, qui officiū amico postulanti prestitit: per text. in *l. si mandassem. 15. ff. mandati.* Ne
 12 que* tamen de salario mandatarii

idem omnino dicendum esse videtur. Nam* cum mandatum sua
 13 natura debeat esse gratuitū, alioquin mercede interueniēte fiat locatio, vt in *§. fin. Instit. de mandato. & l. 1. §. 4. ff. b. tit. idcirco meritō hæc actio denegatur. Quamuis si remunerandi gratia extra conventionē mandatario quid offeratur, honeste id ab eo accipitur, neque impedit mandati actionem, per text. in *l. si remunerandi. 6. in pr. ff. mandati.* Sin autē conuentum promissumq. salarium sit, sine certa tamen mercede, super facto, quod locari non potest, non actionem mandati, sed aut ex stipulatu, si stipulatio interuenit, aut alia actione, puta præscriptis verbis, vel extra ordinem exigitur, per text. in *l. salarium. 7. ff. mandati. & l. 1. C. eodem.* Quod si in genere, & incerta pollicitatione de salario sit conuētum, vel omnino conuentum non sit, nullo modo, id est, neq. extra ordinem rectē petitur, neq. iudicio mandati, vt salarium constituatur: prout in textu. *l. qui mutuam. 56. §. salarium. 3. ff. mandati.* disponitur. Quod* tamen in 14 iis, qui alias huiusmodi salaria accipere consueuerunt, vt in Aduocatis & Procuratoribus ad litem secus esse DD. iuris existimant, vt egregiē notat Accursius in *d. l. salarium. 7. ff. mandati.* & est tex. in *l. 1. §. in honorarijs.**

honorarijs. ff. de varijs & extra cognit.

- 15 Aut* si deniq; alicui mādata est res, quæ locari solet, veluti si fulloni vel sarcinatori vestimenta polliēda vel farcienda tradantur, nulla conuentione de mercede facta, eo tamen animo, vt post impletum mandatū merces exoluatur, tunc nō mandati, sed præscriptis verbis actio datur. *Instit. de locat. in pr. & l. si tibi. 22. ff. de præscript. verb.* Illud

- 16 * deniq; sciendum est, quòd sicut liberum est vnicuique mandatum non suscipere, ita susceptum consummare oportet, nisi renunciatū sit, per express. text. in *l. si mandauero. 22. §. sicut autem. 11. ff. mandati.* Voluntatis enim est suscipere mandatum, necessitatis autem consummare, vt IC. Paulus in *l. in commodato. 17. §. sicut. 3. ff. commodati.* ait. Proinde

- 17 * nec substituere aut mandare alii potest, per text. in *l. si procuratorē. 8. §. si quis mandauerit. ff. mandat.* Quod nō simpliciter, sed cum hac distinctione intelligēdum est: Aut enim procurator constitutus est ad iudicia, idque in rem suam, & tunc valet substitutio, per textū in *l. illam. 33. C. de donat.* Sin autem simpliciter datus sit ab aliquo, nō substituet, nisi lite contestata, per textū in *d. l. si procuratorem. 8. §. si quis mandauerit. 3.* in verbis: *Quamquam enim vulgò dicatur: procurato-*

rem ante litem contestatam facere procuratorem non posse, tamen mandati actio est. ff. mandati. item l. quod quis. 8. & l. neque 11. C. de procurator. prout etiam in Curia Regia in causa Gregorii V slling & Kacki Anno 96. feria sexta post festum S. Agnetis pronunciatum fuit. Aut procurator datus est ad negotia, & rursus distinguendum est. Aut enim datus est generaliter ad omnia negotia, & habet potestatem substituēdi, per text. in *d. l. si procuratorem. d. §. si quis.* Aut datus est specialiter, cum præscripta tamen forma contrahendi, vt in *l. si ego. 7. ff. quod vi aut clam. & c.* & posse eum mandare, textus in *c. is cui. in pr. de off. legat. lib. 6.* indicio est. Alioquin si modus non sit præscriptus, mandandi vel substituendi potestatem non habet, per text. in *l. in usucapione. §. item adiiciendum. 3. ff. de diuers. & temp. præf.* Renunciari* autem ita
18 potest, vt integrum ius mandatori reseruetur, vel per se, vel per aliū eandem rem cōmodē explicandi. Sanē si valetudinis aduersē, vel inimiciarum capitalium, seu ob inanes rei actiones, seu ob aliam iustam causam excusationes alleget, audiendus est, per text. in *d. l. si mandauero. §. fin. & ll. seq. ff. eod.*
19 Morte* item vtriusque tam mandantis quam mandatarii cessat mādatum,

datum, sed si adhuc res integra sit; alioquin si in iudicio lis iam sit cōtestata, velin negotio cæperit aliquid fieri, & sic iam res non esset integra, transit etiam ad hæredes, per text. in l. mandatum. 15. C. mandati. & ibi gloss. item in l. si quis. 27. 20 §. morte. 3. ff. eodem. Et* ideo nec reuocari potest à mandante, in præiudicium mandatarii, si videlicet res mandatas curare cœperit, per express. text. in l. si mandassem. 15. ff. mandati. Ne damno afficiatur is qui suscepit mandatum, vt ibidem habetur. Sed si res adhuc integra esset, nullum est dubium mandatum posse reuocari, per textū in l. si verò. 12. §. si mandauero. 16. ff. eodē.

7. Damna fatalia socius præstare nō cogitur.

8. Furtum non censetur pro casu fortuito, & ideo in societate præstari debet.

9. Furtum à domestica persona commissum culpæ non adnumeratur.

10. Seruorum natura furtis obnoxia.

11. Socius rem cōmunem dolosè contrectans, & furti & actione pro socio tenetur.

12. Actio actionē quando non perimat.

13. In societate si partes non fuerint expressæ, æquales esse debent.

14. Societas quibus conditionibus coiri possit.

15. In societate alter pecunias, alter operas conferre potest; & an eo casu lucrum tantum, an verò etiam sors communis esse debeat.

16. Societas an transeat ad hæredes.

17. In Societate vectigalium hæres defuncti cum supersite socio æqualiter communicat.

OBSERVATIO XLVI.

De societate, & quid in hoc contractu præstari debeat.

S V M M A R I A.

1. Societas consensu contrahitur.
2. Bona fides dolum & culpam comprehendit.
3. In societate præstatur dolus & culpæ lata & levis, non leuissima.
4. Levis culpa aliter in societate, aliter in deposito considerari debet.
5. In societate non præsumitur dolus.
6. Societas à communione rerum differt.

EST* & hic contractus ex genere eorum, qui solo cōsensu perficiuntur, & in quibus alter alteri obligatur in id, quod alterum alteri ex bono & æquo præstare oportet, per text. Instit. de oblig. ex consensu. Proinde etiam in hoc iudiciū pro socio, venit bona fides,* quæ dolum & culpam comprehendit. 2. h. cum duobus. §. 3. §. utrum. 2. in ver-

his: *Socios inter se dolum & culpam præstare oportet. ff. pro socio. & in l. contractus. ff. de diuers. reg. iur.* Sed an de omni culpa id intelligendum sit, maior est dubitatio. Et * quod lata, imò & leuis, non autem leuissima præstari debeat, satis liquidò constat, ex l. *Socius. 72. ff. pro socio.* cuius hæc sunt verba: *Socius socio etiã culpæ nomine tenetur, id est desidia atque negligentia: Culpa autem non ad exactissimam diligentiam dirigenda est: sufficit enim talem diligentiam cõmunibus rebus adhibere, qualem suis rebus adhibere solet.* Et additur ratio: *Quia qui parum diligentem sibi socium acquirit, de se queri, sibiq; imputare debet. Quod iisdem ferè verbis Instit. de societate. §. fina. repetitur.* Quamuis enim dolum duntaxat & latam culpam, non etiam leuem præstare socium socio inferri possit, ex l. *quod Nerua. 32. ff. de positi.* ubi dicitur, quod is, qui in rebus alienis non adhibet talem diligentiam, qualem adhibet suis, dolosè agat, & latam culpam cõmittat. Atqui socius communibus rebus eandem diligentiam debet, quàm propriis, per supra allegata iura. Et per consequens, si eam nõ adhibet, dolosè agit, & ideò de dolo tantum & lata culpa, non etiam de leui tenetur; attamen verius est etiam de hac teneri. Nam * in d. l.

quod Nerua. agitur de deposito, in quo si depositarius rebus alienis minorem adhibet diligentiam, quàm suis rebus fraude non caret; at in societate, si socius cõmunibus rebus minorem adhibet diligentiam, dolo quidem & lata culpa caret, non etiam leui. Neque * enim præsumitur dolosè quis versari in rebus ad se pro parte pertinentibus, sed tanquam dominus res cõmunes administrare intelligitur, per express. text. in l. *merito. 51. in verbis: Et sanè plerumq; credendum est, eum qui partis dominus est, iure potius suo re uti, quàm furti consilium inire. ff. pro socio.* Nec interest quod in l. 2. C. *quando & quib. quarta pars deb. dicitur: Naturale scilicet esse vitium negligi, quod communiter possidetur, utq; se nihil habere, qui non totum habeat arbitretur, deniq; suam quoque partem corrumpi patiat, dñ inuidet alienæ.* Nam * hæc de rerum communione, quæ iure quodam absque consensu & conventionẽ partium contingit, non de societate, quæ consensu contrahitur, accipi debent. Et ideò non est mirum, quod ibi præsumatur negligentia, secus in societate, quæ non ex necessitate, sed ex mera voluntate fieri solet. Porro * damna, quæ imprudentibus accidunt, hoc est damna fatalia, ut sunt incendium, latrocinium,

trocinium, naufragium, & id genus alia, focii non cogentur præstare; sed commune damnum est, si nihil dolo aut culpa illorum fiat, per express. textū in d. l. cum duobus. §. damna. 3. Quod * de furto intelligi non debet: Nam si res communis apud sociū furto subrepta sit, proprium eius est detrimentū, vt textus ibidem tradit. Si * tamen à domestica persona furtum sit factum, nemo dixerit culpa domini furtum contigisse: quia à tali persona etiam diligentissimus quisq; , vix sibi cauere potuisset. Nam vt Accursius in l. Iulianus. 13. §. 1. verb. quanti. minoris. ff. de act. empt. & vendit. monet: Seruorum * naturam furtis esse obnoxiam, ita vt si nihil aliud saltem cinerem domino suo furripiant. Quod non de honestis, sed vilibus tantum personis & mancipiis intelligi velim. Fieri * autem potest, vt etiam socius dolo malo rem communem contraheret, quo casu non solum actione pro socio (quæ itidem infamat vt ex textu §. ex quibusdam. Instit. de pœna temerè litigat. patet) sed etiam furti tenetur per expressum textum in l. rei communis. 45. ff. pro socio. Nec mirū videri debet, quod actio actionem non tollat. Id * enim generale est, vt rei prosequutoria non tollatur per pœnalem,

& è contrā argumento l. sed actione 50. ff. pro socio. nisi in casu l. 3. §. nouissimè. ff. naut. caup. stab. &c. & nisi cum actor, qui duabus illis actionibus velit insistere, esset sibi contrarius, vt in l. 1. C. de furtis. Sed persecutoria per persecutoriam tollitur; vt condictio furti, (quæ & ipsa rem persequitur l. si pro fure. ff. de condict. furtiua.) per actionem mandati, vel pro socio; per text. in l. sed si ex causa. 47. ff. pro socio. Amplius * in eadem materia notandum est, quod si in contractu societatis non fuerint partes adiectæ, æquas eas esse oporteat, per expressum textum in l. si non fuerint. 29. ff. eod. Nam sibi imputare debet, qui legem contractus non dixit apertius. l. veteribus. ff. de pactis, tum quia iniquum esset, ex eadē societate, alium plus, alium minus consequi, vt textus in l. verum. 63. §. si cum tres. 5. ff. eod. habet. Quod non de Arithmetica, sed Geometrica proportionem, secundum vniuscuiusq; operas atq; opes, quas in societatem confert, accipiendū esse, rectè quidam existimant, vt author est Portius in §. 1. Instit. de societate. Verumtamen * si partes expressæ fuerint, hæc omnino seruari debent. Nec enim vnquam dubium fuit, quin valeat conuentio, vt ad vnum duæ partes lucri

R & da-

& damni pertineant, ad alium tertiam; Quinimò Seruius Sulpitius, (vt in textu Instit. de societate §. 2. videre licet) etiam talem conuentionem ratam habere existimauit: *Si Titius & Seius inter se pacti sunt, vt ad Titium lucri due partes pertineant, damni tertia; ad Seium, due partes damni, lucri tertia, & quod magis est, vt quis lucri partem ferat, de damno non teneatur. Quia saepe* (inquit) *quorundam ita pretiosa est opera in societate, vt eos iustum sit conditione meliore in societatem ad-*
15 *mitti. Nam * & ita coiri posse societatem non dubitatur, vt alter pecuniam conferat, alter non conferat, & tamen lucrum inter eos commune sit. Plerumq; enim (teste Vlp. in d. l. si non fuerint. 49. §. 1.) tanta est industria socij, vt plus societati conferat, quam pecunia, id est si solus nauiget, si solus peregrinetur, pericula subeat solus. Sed hæc ita accipienda sunt, vt is, qui pecuniam contulit, habeat saluam sortem in diuisione; lucrum verò ex ea proueniens communicetur, nisi aliud expresse actum sit. Quamuis Accursius in l. Cod. pro socio, in dubio, pecuniam quoq; esse communicatam (nisi consuetudo loci contraria sit) existimet. Cui contradicit Iacobus de Are, & priorem sententiam defendit ex ea ratione,*

quod præstans operam haberet lucrum, & alius damnum, quæ societas Leonina appellatur, per text. in d. l. si non fuerint §. Aristo. 2. Vtrū * autem societas ex pacto transe- **16**
 at ad hæredes, coronidis loco adiciendum esse existimaui. Quamuis non desunt, qui affirmatiuum defendant, vt potè Hotom. in com. iur. ff. pro socio. & Thoming. Decis. 13. mihi tamen magis placet negatiua sententia, quam cōmuniter DD. tenent, per expressos textus in l. adeo 59. in pr. in verbis: *Adeo morte socij soluitur societas, vt nec ab initio pacisci possimus, vt hæres etiam succedat societati. §. l. nemo. 35. ff. pro socio. Cuius rei hæc potissimum est ratio, quod huiusmodi pactum constringat quodā modo vltimam voluntatem, dum videlicet non eum quem quis velit, sed qui socio placet, hæredem instituire cogeretur, prout in textu d. l. cum duobus. §. 2. §. idem respondit. 9. disertis verbis exprimitur. Actio tamen pro socio etiam hæredi competit. per text. in l. verum est. 63. §. in hæredem. §. ff. pro socio. Licet enim is socius non sit, attamen emolumenti successor est, vt ibidē habetur. Quod * & de societate **17**
 vectigalium, & aliorum publicorum dicendum videtur. Nam & hoc casu, cum sit communio ne-*

cessa-

cessaria cum hærede defuncti; cōsequens est, quod inter superstitē socium, & hæredē defuncti, quicquid lucri vel damni contigerit viuo socio, vel post mortem eius, necessario commune sit, per expressum textum in *d. §. in heredem*. quod non tam necessario fieri solet in societate voluntaria, in qua alia lex (vt scilicet minor dāni, maior lucri pars, vel è contrā, ad aliquem ex sociis pertineat) dici potest, per suprà allegata iura.

OBSERVAT: XLVII.

Periculum rei venditæ, vtrum pertineat ad emptorem, an verò ad venditorem.

S V M M A R I A.

1. *Emptione perfecta res pertinet ad emptorem.*
2. *Leges contrariae, quod venditor teneatur ad restitutionem pretij post emptionē perfectam re interempta.*
3. *DD. diuersæ sententiæ, de eo, an etiam precium emptori pereat.*
4. *Refutatur eorum sententia, qui existimant precium emptorē amittere, re perempta.*
5. *Explicatio l. pen. Cod. de condit. causa dat.*
6. *In contractibus innominatis pœnitentiæ est locus.*

7. *Contractus innominati qui dicantur.*

8. *Nemo cum alieno lucro locupletari debet.*

9. *Contractus nominati post perfectionem sunt necessarij, & ideo pœnitentiæ locus in ijs non datur.*

10. *Authoris sententia, quòd emptio ne plenè peracta, si res nondum tradita sit, casus fortuitus ad emptorem pertineat.*

11. *Emptor precium nondum datum soluere tenetur, re ante traditionē perempta.*

12. *In his quæ numero, pondere, & mensura constant, cuius sit periculum.*

Dictum est obser. 31. in genere de periculo rei debitæ, nunc in specie de periculo rei venditæ: vtrum ad venditorem, an ad emptorem pertineat, non incongruè quæri potest? Quæ in re firma cōstituenda est Regula. Quod * emptione perfecta res pertineat ad emptorem, per expressos textus in *l. id quod 7. ibi: ad emptoris commodum incommodumq; pertinet*. Et in *l. necessario 8. ibi: Nam perfecta emptione periculum ad emptorem respiciet. & toto ferè tit. ff. de pericul. & commod. rei vendit.* Quod itidē Iure Sax. (secundum quod quotidie practicatur) obtinet, vt videre

dere est in gloss. iuris municipal. artic. 140. vers. *Queritur, equum si quis &c. ubi dicitur: Quod si venditor damnū absq. sua culpa euenisse Sacramento probauerit, iure precium pro ea re ab emptore datum retineat.*

- 2 Verumtamen* nonnulla leges cōtrarium his innuere videntur. Et primò quidē *l. si fundus. 33. in pr. ff. locati.* in verbis: *Si fundus venditus sit publicatus, etiamsi absit culpa vel mora venditoris, nihilominus eum teneri ex empto, ut precium restituat.* Ex quo intelligitur etiam post perfectā venditionem periculum non respicere ad emptorem. Secundò *l. ult. ff. de condict. caus. dat.* in verbis: *Dedi tibi pecuniam, ut mihi Stichum dares, (& postea) ideò si mortuus est Stichus, repetere possum; quod ideo tibi dedi, ut mihi Stichum dares, & rursus, si tuus est Stichus, & pro euictione eius promittere non vis: non liberaberis, quominus à te pecuniam repetere possim.* Tertiò *l. si soluturus. 39. ff. de solutione.* ubi dicitur, periculum emptoris esse non propter perfectam emptionem, sed propter electionem depositarii. Hunc itaq; obicem Interpp. iuris dissoluere cupientes, in diuersa iuerunt sententias, Quidam* enim hanc Regulam ita accipendam esse existimant, ut res pereat emptori, non precium, id est, ne id
- 3

quod interest supra rei preciū consequatur à venditore; quod confirmatur per textus suprā allegatos, maximè verò *d. l. ult. ff. de condict. causa dat.* quæ sententia est Cuiacii in tract. ad Africanum, in *d. l. si fundus. 33. ff. locati.* & *l. quæ fundum. 50. ff. de iure dot.* Quam & Curia Regalis ex ea ratione, quod per vim ager venditus emptori sit ademptus, sequi maluit, in causa Czapski & Topiczevski, Anno 96. feria tertia post festum Natiuitatis S. Ioannis Baptistæ. Alii verò (quorum in numero est Horrasius lib. 2. Miscell. quæst. c. 9.) simpliciter concludūt, quod non solum res, & id quod interest, sed etiam precium emptori pereat, si id fiat sine culpa venditoris, sed casu fortuito, per textum in *l. pen. C. de condict. ob caus. dat.* cui⁹ hæc sunt verba: *Pecuniam à te datam, si hæc causa, pro qua data est, non culpa accipientis, sed fortuito casu non est secuta; minimè repeti posse, certum est.* Condição verò ob causam datorum re non secuta, eo tantum casu locum habere, quando culpa vel mora eius, qui dare debebat, præcessit, text. in *l. dedi. 3. §. 4. ibi: Sed si Stichus decesserit, an repeti, quod datum est possit? Proculus ait, si post id temporis decesserit, quo manumitti potuit, repetitionem esse: Si minus, cessare.*

cessare. ff. de condict. caus. dat. satis manifestè declarat. Quod item ex textu *l. naturalis*. his verbis: *Sed si Scyphos tibi dedi, ut Stygium mihi dares; periculo meo Stygium erit, actum duntaxat culpam præstare debes.* ff. de præscript. verbis. haud obscurè probari potest. Quibus ex diametro supra allegata *l. ult.* ff. de condict. caus. dat. repugnare videntur. Verum* enim uerò nimis dura quibusdam videtur hæc Corrasii, & eius asseclorum sententia, siquidem in *d. l. si fundus. 33. ff. locati.* expressè id cauetur, quod etiam si absit culpa vel mora venditoris, nihilominus ad precium restituendum teneatur. Nec* ob stare dicunt id, quod ex *d. l. pen. C. de condict. ob caus. dat.* infertur. Nam (vt Bartolus distinguit) si repeto pecuniam tanquam causa non secuta; non possum per *d. l. pen.* Sed si repeto, quasi me pœniteat, possum repetere. *d. l. ult. ff. de condict. caus. dat.* Quia* in contractibus innominatis pœnitentiæ est locus, per express. textum in *l. si pecuniam. s. ibi: Sed cum liceat pœnitere ei qui dedit, procul dubio repetitur id quod datum est: nisi fortè tua inter sit, non accepisse te ob hanc causam pecuniam.* Et alibi in §. i. eiusdem legis, ibi: *attamen actio propter pœnitentiam competit ei qui dedit.* ff. de cōdict. caus. dat. Neque id caret ratio-

ne. Cum* enim contractus innominati dicantur, qui non habent certum nomē contractus, & vna tantum ex parte obligationem producunt, vt potè quando do tibi vt des, aut do vt facias; aut facio vt des; aut facio vt facias, quales in *d. l. naturalis. s. in pr. ff. de præscript. verbis.* habentur; consequens est, quod etsi is mihi obligatus est, qui rem meam habet, ego tamen illi nullo modo sum obstrictus. Vnde liquido constat, quod nulla ei fiat iniuria, si rem meam, quæ apud illum est, sine causa repetam; quum* non solum natura æquum sit, ne quis locupletetur cum aliena iactura, vt in *l. iure nature. 207. ff. de reg. iur.* sed etiam iure Ciuili dolo facere videtur, qui ex aliena iactura lucrum capit, vt in *l. si quis. 17. §. fin. ff. de instit. act.* habetur. Quod* certè longè aliter se habet in contractibus nominatis, qui vtrò citroque producunt obligationem, vt supra, emptio, locatum, mandatum, &c. Nam dum hi principio quidem sint voluntarii, post perfectionem autem, licet re integra, necessarii efficiuntur, vt in *l. incommutato. 17. §. 3.* his verbis: *Voluntatis est enim suscipere mandatū, necessitatis consummare.* ff. cōmodati. exprimitur; necessario dicendum est, quod in illis, neq; pœnitentiæ

R 3 locus

locus sit, neque actio ad resoluendum contractum detur, sed ut impleatur contractus, per *l. in ciuile. 12. C. de rei vindic.* Proinde Costalius & eius similes secundum hanc Bartoli distinctionem, prædictam antinomial conciliare voluerunt; ut scilicet in contractibus innominatis, & aliis compositionibus seu transactionibus re perempta post contractum, antequam tamen implementum sit secutum, non liberetur debitor, idque persæpè allegatum text. in *l. ult. ff. de cōdict. caus. dat.* Non item in contractibus nominatis, ubi periculum est eius cui debetur res. Porro * mihi accuratius ista omnia perpendenti dicendum videtur, quod si venditione plenè & perfectè (re scilicet, consensu, & precio interueniente) peracta, traditione tamen non subsequuta, res vendita casu fortuito sine culpa aut mora venditoris pereat, emptoris periculo id fiat, per satis clarum text. in *§. cum autem. Instit. de empt. & vendit.* in verbis: *Quum autem emptio & venditio contracta sit (quod effici diximus, simulatque de precio conuenerit, cum sine scriptura res agitur) periculum rei vendite statim ad emptorem pertinet, tametsi adhuc ea res emptori tradita non sit.* Et quamuis non desint, qui in Institutionibus regulas tan-

tum iuris, quæ sunt ex sūmo iure, & rudimenta tantum proponi dicant; in Digestis verò incrementa iuris, & diligentius res exactas ad æquitatem; attamen nescio, an nō idem etiam in *l. fin. Cod. de peric. & comod. rei vend.* exprimaturs his verbis: *Mortis casus ancilla distracta, etiam ante traditionem sine mora venditoris dilatam, non ad venditorem, sed ad emptorem pertinet; & hac non ex præterito vitio rebus humanis exempta, solutionem præcij emptor non rectè recusat.* Vnde * colligi potest, 11 quod emptor non solum premium datum repetere non possit, sed etiam nondum datum veditori persolvere cogatur, nisi aliter conuenierit, per express. textum in *l. cum emptor. §. mortuo. 2. in verbis: Mortuo autem homine, perinde habenda est venditio, ac si traditus fuisset, ut potè cum venditor liberetur, & emptori homo pereat: Quare nisi iusta conuentio interuenerit, actiones ex empto & vendito manebunt.* ff. de rescind. vendit. Denique * appendicis loco notandum est, quod in his, quæ pondere, numero, & mēsurā constant, quia diuersimodè emptio & venditio dicitur perfectā, ideo etiam cuius sit in eo contractu, re perempta periculū variatur, ut in *l. quod sæpè. 35. §. 5. ff. de contra. empt.* videlicet.

OBSERVAT: XLVIII.

An si quis in venditione ultra dimidium iusti pretii decipiat, venditio rescindi possit.

S V M M A R I A.

1. Contrahentibus inuicem se circumuenire licet.
2. An etiam iure diuino id permiffum fit.
3. Dolo interueniente contractus rescinduntur.
4. Venditio rescinditur, si venditor ultra dimidiū iusti precij deceptus sit.
5. In quibus casibus id fallit.
6. Vtrum etiam emptori hoc beneficium l. 2. C. de rescindend. vendit. competat.
7. Cuiusmodi negatiuam tuetur contra communem DD. opinionem.
8. In minore siue pluri emerit, siue minoris vendiderit, locum habet beneficium d. l. 2.
9. Idem in marito dotis nomine locum habet.
10. Communis DD. sententia: quod etiam emptori beneficiū l. 2. competat.
11. Beneficium huius l. 2. etiam in locatione & alijs cōtractibus obtinet.
12. In transactionibus an etiam hoc remedium detur.
13. In aestimatione iusti precij quæ consideranda sunt.

HÆc quæstio prima fronte non multum difficultatis in se habere videtur, siquidem experientia teste, commerciorum vsus in eo potissimum consistat, vt quod pluris sit, minoris ematur, quod minoris sit, pluris vendatur, quod absq; circumuentione aliqua fieri nequit. Et ideo Vlpian. *in l. in cause. 16. §. idem Pomponius. 4. ff. de minoribus* Pomponii verba refert: *Quod * in precio emptionis & venditionis naturaliter liceat contrahentibus se circumuenire.* Idque non solum in emptione & venditione, sed etiam in locatione & conductione locū habere. Paulus *in l. item. 22. §. fin. ff. locat.* iisdem planè verbis confirmat. Nam & iure Canonico id non prohiberi, ex textu *in c. 3. & pen. tit. de empt. & vendit.* palam est, & gloss. atque DD. ibidem testantur. Quod * certè tam præcepto 2. D. Apostoli Pauli 1. Ep. ad Thessalon. c. 4. vbi dicitur: *quod in negotio non liceat fratre circumuenire;* quam etiam honestati repugnare videtur. Nam vt IC. Modestinus *in l. semper. 197. ff. de reg. iuris.* tradit: *Semper in conuentionibus non solum quod liceat considerandum est, sed & quod honestum sit.* Quod & Accursius ibidem notat. Proinde supra recensita, eatenus idem sunt, quatenus in precio rei alter alterum circum-

circumscribit, quod facilitati atq; necessitati commertiorum datum est, non autem si deceptio ex dolo veniat; tunc enim de dolo actio est, & rescinditur contractus, vt potè si quis vitiosam rem sciens vendiderit, emptori omnia detrimenta, quæ ex ea emptione traxit emptor, præstare tenetur, per express. text. in l. Iulianus. 13. in pr. ff. de act. empt. & vendit. Vel * si quis in venditione tam enormiter læsus sit, vt vix dimidium iusti precii ab emptore cōsequatur; æquitas ipsa Imp. Dioclet. & Maxim. induxit, vt etiam hoc casu contractum venditionis rescindi permetterent, prout id in l. rem maioris. 2. C. de rescind. vendit. his verbis exprimitur: *Rem maioris precij si tu vel pater tuus minoris distraxerit, humanum est, vt vel precium te restituente emptoribus fundum venundatum recipias, auctoritate iudicis intercedente: Vel si emptor elegerit, quod deest iusto precio, recipias. Minus autem precium esse videtur, si nec dimidia pars veri precij soluta sit.* Quod * beneficium ei, qui sciens verum valorē, minoris vendit, denegari DD. cōmuniter statuunt. Donare siquidem videtur, quod nullo iure cogente conceditur, per text. in l. donari. 82. ff. de reg. iur. Et volenti non fit iniuria l. 1. §. vsq. adeo. ff. de iniur. Item si in in-

strumento venditionis inserta reperiatur ista clausula: *Et si quid pluris est, donauit.* Videtur enim huic beneficio renunciasse, vt notat Menoch. de arb. iudic. cas. 144. Vtrum * autem etiam emptori competat, dubitari possit. Quamuis enim communis DD. schola ob similitudinem rationis, (quæ arg. l. illud. ff. ad l. Aquil. vbi eadem est, ibi etiam ad ius statuendum esse vult.) hoc beneficium etiam ad emptorem producit, & generaliter constituat ei, qui ita deceptus est, vt ne dimidium quidem acceperit eius quod dedit, siue eius quod accipere debuit, subueniendum esse, vt notat Accursius in d. l. 2. C. de rescind. vendit. Cuiacius * tamen lib. 7 obs. 16. c. 18. & lib. 23. c. 32. contrarium statuit, & hanc sententiam oppugnat his potissimum rationibus: Prima, quod non eadem omnino sit ratio emptoris & venditoris, cum emptor vltro ademptionem accedat, & interdum fraudandi, interdum affectionis, venditor vero plerunq; necessitatis causa. Vnde consequens est, quod magis faueatur venditori, quam emptori. Secunda, quod de emptore circumscripto nihil in d. l. 2. nec alibi in iure (præterquam in specialibus quibusdam casibus, puta * in minore cui subuenitur, siue minoris vendiderit

diderit, siue pluris, quàm oportet, emerit, per text. in *l. patri. 27. §. prædium. ff. de minorib. & l. 11. C. de prædij. & alijs reb. min.* item * in marito, cui etiam hoc beneficium, si quid dotis causa pluris emerit, datur, vt in textu. *l. si circumscripta. 6. vers. Sin autem. C. solut. matr.* videre licet / expressum inueniatur. Ex quibus etiam colligi potest, quod si tale beneficium emptori competeret, non necesse fuisset de his casibus speciali lege disponere. Verumenimvero communis DD. opinio preualuit, & in praxi vbiq; ferè obseruatur. ¹⁰Æquitatis enim ratio dicitur, vt quemadmodum ex parte venditoris, si rem valentē xxi. vendat tantū x. propter præsumptionem fraudis rescinditur contractus; ita ex aduerso, ex parte emptoris, si rem valentem x. emat xxi. Nam & hoc casu dolus præsumitur, qui ab omni contractu bonæ fidei abesse debet, per expressum textum in *l. ea verò. in fine. ff. pro socio.* Porro * ex communi eorundem DD. ¹¹sententia beneficium hoc *l. 2. C. de rescind. vend.* etiam in contractu locationis, & alijs contractibus bonæ fidei, imò & stricti iuris, locum habere sciendum est. Locatio enim & conductio proxima est emptioni & venditioni, iis-

demq; regulis iuris consistit, per textum in *l. locatio. in pr. & ibi cōmuniter DD. ff. locat.* Quamuis quidam diuersum sentiant, ex ea potissimum ratione, quòd non eodem modo deceptio consideretur in locatione & conductione, què admodum considerari solet in emptione & venditione, siquidem in hoc contractu deceptio solet fieri in re ipsa; in illo verò, non in re sed in mercede. Fieri enim potest vt conductor, qui iacturam fecit pensionis vnus anni, pluris videlicet conducendo quàm conduceri oportuit, ex sequentium annorum vtilitate à pensionis grauitate subleuetur; & locator, qui minoris locauit, quàm locari oportuit, sequenti anno carius locare, ac maiorem mercedem percipere possit. Sed * an etiam transactio ¹²prætextu lésionis rescindatur, valde controuersum est? Et quamuis Bartolus, Accursius, & alii, dispositionem *d. l. 2.* etiam in transactione obtinere affirmant; *gloss. in l. Lucius. §. fin. ff. ad S. C. Trebell.* attamen negatiua verior videtur sententia, quam etiam tenet Baldus, & Iason, qui in vtramq; partem hanc quæstionem pulchrè disputat. Quibus ad stipulatur etiam textus in *d. l. Lucius. 78. §. fin.* vbi dicitur, quòd etiam in quadruplum

plum laesus non restituatur aduersus transactionem. Et in l. Odiosas. 3. in verbis: *Transactionibus scilicet & secundis confessionibus siue insinuate sint, siue non, etiam in hoc casu (dum videlicet propter dolum & machinationem plus debito petatum est) obtinentibus firmitatem. C. de plus petiti. Neq; id caret ratione. Transactiones etenim, sicut & res iudicatae, comparatae sunt ad finiendas lites, quarum nullus esset finis, si a transactionibus bona fide interpositis, discedereliceret, ut in textu l. Fratris. 10. Cod. de transact. habetur. Et ideo neque rescripto Principis, per text. l. Causas. neque praetextu instrumentorum nouiter repertorum rescindi debent,*

13 per text. in l. sub praetextu. d. tit. C. de transact. Obiter * autem pro conclusione istius quaestionis notandum est, quod in aestimatione iusti pretii, primum inspicienda sit communis hominum opinio. Pretia enim rerum non ex affectu, nec utilitate singulorum, sed communiter fungantur. l. precia. ff. ad l. Falcid. Deinde consuetudo loci, & qualitas temporis, in quo contrahitur, consideranda est, per eundem text. in d. l. precia. in verbis: *Nonnullam tamen precio varietatem loca, temporaq; adferunt. Nec enim tantidem Roma & in Hispania oleum aestima-*

bitur, nec continuus sterilitatibus tantidem, quanti secundis fructibus, dum hic quoq; non ex momentis temporum nec ex ea, quae raro accidat, caritate precia constituantur.

OBSERVATIO XLIX.

De iure retractus, & an in Regno locum habeat.

S V M M A R I A.

1. Ius retractus ex lege Mosaica desumptum.
2. Aequitatis ratio in iure retractus consideratur.
3. Iure Codicis Ius vetus de iure retractus abrogatum est.
4. Ius retractus intra annum & diem secundum Canones prosequi licet.
5. Vxor in bonis mariti competit Ius retractus.
6. Actio Iuris retractus est in rem scripta & possessorem persequitur.
7. Retrahens, precium integrum offerre debet.
8. In eo & sumptus, ac expensas reddere tenetur.
9. Praescriptio Iuris retractus, currit a tempore rei traditionis.
10. Retrahens, iuramentum prestare tenetur, quod bona fide in usum suum hoc beneficio utatur.

IUS retractus, non tantum in Regno, sed & ubiq; locorum visitatum

fitatum esse non est dubium. Cui consuetudini an etiā Ius aliquod suffragetur, quæri non incongruè possit. Et * certè ius hoc protomi-
 1 fæos seu retractus antiquissimum esse, & ex lege Mosaica desumptum, testatur Sacra scriptura. Leuitici, c. 25. vers. *Si attenuatus frater tuus vendiderit possesiunculam suam, & voluerit propinquus eius, potest redimere, quod ille vendiderat. Item Hier. c. 32. versic. Eme tibi agrum meum qui est in Anathoth. tibi enim competit ex propinquitate, ut emas.* Qui textus sacræ scripturæ, quamuis expressè de iure retractus loquantur: non desunt tamē qui ex lege Mosaica id desumptū
 2 esse omnino negent. Verum * vt vt sit, hoc ius (quod nimirum familias, & antiquas prosapias retinet, nec eas ob alienationes in externas manus factas labefactari, aut penitus interire permittit) summa æquitatis ratione fulciri, plusquam manifestum est. Cum
 3 satis lugubre & detestabile sit maiorū imagines, aut non videre fixas, aut reuulsas videre, vt habetur in l. lex quæ. 22. C. de administrat. tutor. Et laribus sepulchrisq; auitis carere, vt in l. infundo. ff. de rei vindicat. Quam æquitatis rationē, ius etiam Ciuile vetus, Codicis Theodosiani re-
 3 spexisse videtur; quamuis id de-

inde iure nouo, per text. l. Dudum. 14. his verbis: *Dudum proximis consoribusq; concessum erat, vt extraneos ab emptione remouerent, neque homines suo arbitratu vendenda distraharent, sed quia grauis hac videtur iniuria, quæ inani honestatis colore velatur, vt homines de rebus suis facere aliquid cogantur, inuiti, superiore lege cassata, vnusquisq; suo arbitratu querere, vel probare possit emptorem, nisi lex specialiter quasdam personas hoc facere prohibuerit.* C. de contrahen. emption. abrogatū esse haud obscure colligi possit. Nisi * fortè
 4 maiorē hac in parte authoritatem iuris Canonici esse dicam⁹, quo constitutū est, vt intra annū & diē à tēpore cōtractus, ipsi tanquā proximioribus, competeret super illa proportionē ius offerendi emptoribus precium, per text. in c. Constitutus. 3. extra de in integr. reslit. Quod in praxi Curia etiam Regalis perpetuo seruat; & ita inter Iacobum Frunck, & Zachariam Harthman. Ciues Gedanen. Anno 91. iudicatum fuit. Nam & iure Saxonum filium in bonis paternis præferri extraneo emptori, textus lib. 1. artic. 9. in verbis: *Filius autem eius qui resignationem feudi promississet, nisi ipsemet semel stipulatus eam fuisset, aut fideiussōres super hoc dedisset, adimplere non tenebitur.* sufficientiar-

- 5 gumento est; quinimò * quod magis est, etiam vxor ab extraneo emptore, bona mariti, si propiores non sint, iure retractus repetere potest, prout inter Dubczycka, & Grzymała, Ciuem Korczynen. Anno 96. feria quinta post festum Sanctæ Margarethæ Virginis sententiatum fuit; præsertim si bona sine consensu ipsius alienata à marito sint. Porro notandum est.
- 6 * actionem, quæ ratione huius iuris competit, non esse personalem, sed potius in rem scriptam; proinde possessorem, quocunque res vadat, sequi, argument. l. 3. §. est autem. ff. ad exhibend. quemadmodum etiam in Curia Regali in causa Bielaczek, eiusq; coniugis, contra Stanislaū Fabczycz, Anno 1591. pronunciatū fuit; quamuis nonnulli contrarium sentiant, vt notat Gail. lib. 2. obs. 19. num. 7.
- 7 Requiritur * verò in hac actione, vt rem iure retractus petens, precium integrum offerat possessori. arg. text. in l. Iulianus 13. §. offerri. 8. in verbis: Offerri pretium ab emptore debet cum ex empto agitur, & idè & si precij partē offerat, nondum est ex empto actio. Venditor enim quasi pignus retinere potest eā rē, quā vendidit. §. c. ff. de act. empt. & vend. Vnde colligitur, quòd solutio particularis hoc casu non sufficiat, per textū

in l. quidam existimauerunt. ff. si certi petat. Nec quicquam obstat l. Statuliber rationem. s. in pr. ff. de statulib. ex qua DD. iuris inferūt, quod etiam particularis solutio liberet debitorem, ex his nimirum verbis: Statuliber rationem reddere iussus, reliquum, quod apparet, soluit, de eo, quod obscurius est, satisfacere paratus est. Nam hic textus expressè loquitur de eo casu, cum videlicet quātitas debiti ignoratur. Proinde si etiam proximior rem alienatam iure retractus petens, quātitatem precii ignoret, particularem solutionem iuxta præscriptum iuris offerens, audiendus est, ita tamen, vt de eo protestetur, quod quā primum de eo rescieverit, reliquū soluere paratus sit, iuxta cōmunē DD. sententiā in d. l. Dudum. Quod * vsque adeò verum est, vt 8 etiam cum precio sumptus & expensas, tempore contractus factas refundere teneatur, argu. l. intra utile. 39. §. fin. ibi. Nisi si maluerit omnes expensas, quas bona fide emptor fecisse adprobauerit, ei præstare. ff. de minorib. vtilis tamen & necessarias, l. si seruos. 25. ff. de pign. actione. Requiritur * item, vt intra annum & diem 9 proximus vtatur eo iure, per supra allegatum text. d. c. constitutus. Nam eo tempore elapso, tacita quædam eius iuris remissio inducitur,

tur, adeò, vt moræ purgatio amplius non admittatur, arg. l. fin. ff. de Decret. ab ord. faciend. prout in Curia Regali in causa Balthasaris Bamgarth & Ioannem Lvovvic, Consules Lublinenses, Anno 91. Et inter Kalniczkie & Stvvidziczka, Anno 96. feria tertia post festum S. Margarethæ, iudicatum fuit.

10 Quod * tempus vtrum à tempore scientiæ, an verò à tempore contractus currat? tractat Gail. *pract. obs. lib. 1. obs. 10.* vbi dicitur, quod iuxta cōmunem opinionē à tempore veræ traditionis rei venditæ, currat præscriptio, etiam contra igno-
rantes, licet ex causa in integrum restitui possint. Postremò * requiritur, vt in vsum suum, non autem in vtilitatem alterius, & fraudem emptoris hoc ius persequatur. Vnde iuxta consuetudinem locorum iuramentum ab ipso retrahente exigī solet, quod bona fide beneficio retractus vtatur. Gail. d. loco. num. 10. Cuius rei simile decretum in Curia Anno M. D. C. latum fuisse memini.

OBSERVATIO L.

Num ob casus fortuitos conductor remissionem pensionis mereatur.

S V M M A R I A.

1. Conductor pensionem quando persolvere non teneatur.
2. De conductore casus fortuitos in se recipiente, quid iuris sit.
3. Aequitati congruit pacta servare.
4. Pactum de casibus fortuitis quomodo intelligi debeat.
5. In voluntatis questione, semper id, quod certū & solitum est, spectatur.
6. Iuramentum non extenditur ad incognita.
7. Colonus præter damnum seminis amissi, mercedem exsolvere non tenetur, & sterilitas cum ubertate quando compensetur.
8. Communis D.D. opinio de casibus fortuitis.
9. Interpretatio. l. fistulas. §. frumenta. ff. de contrahen. empt. & vend.
10. Omne qui dicit, nihil excipit pacta obscura & ambigua nocent ei, qui legem Contractus apertius dicere potuit.
11. Accursij distinctio inter casum fortuitum & periculum.

Hæc quæstio, de remissione pensionis Conductori, ob casum fortuitum, non multum habet difficultatis. Generalis enim est regula: Quod * mercedem vel pensionem exsolvere conductor non teneatur, si re locata, sine culpa sua,

vti non possit, teste Vlpiano in *Lex conducto*. 15. §. *competit. & seq. item l. si quis domum*. 9. in pr. ff. *locati*. Sed

- 2 * an etiam conductor, casus fortuitos in se recipiens, ingruente aliquo huiusmodi casu, remissionem pensionis mereatur? magis dubium & perplexum esse videtur: Licet enim prima fronte, verba textus in *l. si quis domum*. 9. §. *Iulianus*. 2. ibi: *Iulianus libro quinto decimo digestorum dicit, si quis fundum locauerit, ut etiam si quid vi maiore accidisset, hoc ei prestaretur, pacto standum esse. ff. locati*. satis clara & manifesta esse videantur; vt potè,
- 3 cum * nihil magis sit congruum æquitati, quàm seruare ea, quæ inter contrahentes semel placuerunt, per text. in *l. iuris gentium*. §. *item si quis*. ff. *de pactis*. attamen in contrarium multa adferri possunt. Et
- 4 primum quidem, quod * pactum de casibus fortuitis à conductore in personam suam receptum, intelligi debeat de iis tantum casibus, qui in ea regione quandoque contingere solent, nec plenè noui & inusitati sunt, cuiusmodi pluuia sunt & niues immoderatae, tempestates cœli, & id genus alia: non verò de iis, qui vel nunquam, vel ita rarò contingunt, vt propter raritatem verisimile sit contrahentes de iis non cogitasse, quales sunt

sterilitates, & inundationes magnæ & plane inusitatae, incurfus hostiū, & alia. Semper * enim in voluntatis quæstione id, quod certum & solitum est, non verò id, quod incertum & contra consuetudinem est, spectandum esse, DD. vñanimo ore statuunt, per text. in *l. Socio*. 10. §. *modico*. ff. *de annuis legat.* & *l. i. C. quæ res pign. dari poss.* Et * ideo etiā iuramentum non extenditur ad incognita, per text. in *c. veniens. de iureiur.* Tum quia hæc interpretatio bonæ fidei congruit. Vult * enim ea, ne colonus præter damnū seminis amissi etiam mercedem exsoluere cogatur, per text. in *l. ex conducto*. 15. §. *ubicunq.* ff. *locati*. maxime verò in *l. si merces*. §. *vis maior*. ff. *eodem*. dicitur: *Quod vis maior, quam Græci θεσπια, id est diuinam iram, appellant, non debeat conductori damnosum esse, si plus quàm tolerabile, lesi fuerint fructus; alioquin modicum damnum æquo animo ferre debet colonus, cui immodicum lucrum non auferitur.* Et ideo iuxta sententiam IC. Papiniani in *l. ex conducto*. 15. §. *Papinianus*. 4. ff. *locati*. *Sterilitas vnius anni cum vbertate aliorum annorum compensari debet: & pensio, quæ ob sterilitatem vnius anni fuit remissa, propter vbertatem sequentium annorum à conductore exigi potest.* Ex his itaque * DD. iuris communiter

niter concludunt, quod recipiens in se casum fortuitum, non intelligatur cogitasse de casu fortuito insolito, nisi expressset etiam his casibus, puta insolitis & inusitatis, renunciatum sit; tunc enim standum est conuentioni, prout in Camera Imp. obseruatum esse, notat Andreas Gail. *lib. 1. obser. practic. c. 23. num. 20.* Et hæc DD. communis sententia iuri & æquitati magis videtur esse consentanea. Quamuis enim ii, qui contrarium sentiunt, textum legis *fistulas. §. frumenta. ff. de contrab. empt. & vendit.* ad confirmandam suam opinionem torqueant, & nihil ibi de solitis casibus, sed tantummodò insolitis & inusitatis tractari dicant; attamen omninò contrarium ex eo textu colligi potest. Cuius hæc sunt verba. *Frumenta* quæ in herbis erant, cum vendidisses, dixisti te, si quid vi aut tempestate factum esset, præstaturum: ea frumenta niues corruerunt, si immoderate fuerint, & contra consuetudinem tempestatibus agi tecum emptio poterit.* Vnde satis liquidò constat, quod hic inter niues immoderatas extra consuetudinem, & eas, quæ secundum consuetudinem fiunt, distinguatur, & per consequens, casus fortuiti, & ea, quæ aliquando præter naturæ cursum fieri solent, separentur ab iis, quæ

quotidie secundum eundem non fortuito contingunt. Nec quicquā refragatur huic sententiæ generalis illa Regula: *Omne* qui dicit, nihil excipit* per text. *in l. à Procuratore. 13. Cod. Mandati.* Semper enim hæc dictio vniuersalis *Omne*, secundum naturam contractus, & vt materiæ subiectæ conueniat, accipienda est. Proinde cum in tali pacto, ea de re sit quæstio, quæ ex consensu contrahentium initium habet, meritò etiam, non nisi ex præcedente consensu & voluntate intelligi debet. Noti siquidem est iuris, quod in contractibus ante omnia mens & sententia contrahentium inspicienda sit. Nam & in bonis in genere obligatis, non veniunt ea, quæ verisimile est quenquam speciatim obligaturum non fuisse. IC. Vlpianus *in l. obligatione. 7. ff. de pignor. & hypoth.* tradit: Alioquin* II obicura & ambigua pacta, ei nocere debent, qui legem contractus dicere potuit apertius, per textum *in l. veteribus. 3. ff. de pact.* quod in testamentis & fideicommissis locum non habet: ibi enim sententia eius, qui eam protulit, spectanda est, per text. *in l. in ambiguis. 96. ff. de reg. iuris.* Neq; tamen sicco (vt aiunt) pede prætereunda est etiã Accursii sententia, qui inter casum fortuitum & periculum distinguen-

stinguendum esse putat, vt scilicet periculum in se suscipiens, non teneatur præstare casus insolitos; secus in eo, qui casum fortuitum promittit, vt videre est in gloss. l. sed et si. 4. §. quæsitum. ff. si quis caut. in iud. sist. caus. fact.

OBSERVATIO II.

De Euictionibus.

S V M M A R I A.

1. Euictio ex natura contractus præstari debet.
2. In euictione consuetudo vniuscuiusq. loci aut regionis spectanda est.
3. Mos in Regno circa euictiones obseruatus.
4. Iure Ciuili de euictione per stipulationem caueri solet.
5. Promissio simple & duplex in euictione quid sit.
6. Casus, quibus euictio non præstatur, etiam si de ea conuentum sit.
7. Denunciatio venditori dum res euincitur, quando fieri debeat.
8. Denunciatio pacto omitti potest.
9. Euictionis onus pacto tolli potest.
10. De euictione non præstanda, pacto interueniente, an venditor ad restituendum pretium, si res euincatur, nihilominus cogi possit.
11. Venditor scienter rem alienam vendens, etiam ad id, quod interest, tenetur.

12. Euictio non præstatur, si præscriptio intercessit.

13. Iure Sax. varendator ad vitam vsque tenetur varendare, id est euincere.

14. Conciliatio textuum Iuris Saxonici lib. 1. artic. 21. cum textu Iuris municip. artic. 25.

15. Euictio contra præsentem annum & die locum habet.

RE apud emptorem euicta, quid venditor præstare teneatur, fortè quis quærat? Pro decisione istius quæstionis in primis sciendum est, quod euictio * ex natura contractus omnino præstari debeat, etiam si nihil de ea conuentum fuerit, per express. text. in l. non dubitatur. 6. in verbis: Non dubitatur, et si specialiter venditor euictionem non promiserit, re euicta ex empto competere actionem. C. de euiction. Cum etenim venditor pretium rei venditæ accipiendo, dominus illius efficiatur, vt patet ex l. 1. in verbis: nummos fecerit accipientis. ff. de rer. permutat. meritò etiam ex ratione Synallagmatis, ad euictionem hoc nomine præstandam obligatur, per text. notabilem, in l. ex empto. 11. §. 1. in verbis: Et in primis sciendum est, in hoc iudicio id demum deduci, quod præstari conuenit, cum enim sit bona fidei iudicium, nihil magis bone fidei

fidei congruit, quam id præstari, quod inter contrahentes actum est, quod si nihil conuenit, tunc ea præstabuntur, quæ naturaliter insunt huius Iudicij potestati. Et in primis ipsam rem præstare venditorem oportet, id est tradere: quæ res, siquidem dominus fuit venditor, facit & emptorem dominum; si non fuit, tantum euictionis nomine venditorē obligat. ff. de actione empt. & vendit. prout etiā in Curia in causa successorum Rottendorff, & Constantini Corniacti Anno 98. Sabbato ante festum Sancti Barnabæ decisum fuisse memini. Verum * quia in euictione præstāda consuetudinem vniuscuiusque Ciuitatis aut regionis spectandam esse, textus in l. o. ff. de euictionib. his verbis *Si fundus venierit, ex consuetudine eius regionis, in qua negotium gestum est, pro euictione caueri oportet,* directe monet; idcirco moribus * etiam nostris obtinuit, vt maioris certitudinis causa in contractu venditionis de euictione expressè agatur, quod à iure Ciuili non omnino dissonum esse videtur. Nam * & hoc iure plerumq; per stipulationem de euictione caueri solebat; vt ex textu in l. si dictum. § 6. in princip. ff. de euiction. patet; idq; dupliciter, vel promissione simplæ, * vt si emptori res

euicta esset, simplum pretium, & id, quod emptoris interesset rem euictam non esse, venditor præstet, per expressum textum in l. si in venditione. 60. his verbis: *Si in venditione dictum non sit, quantum venditorem pro euictione præstare oporteat; nihil venditor præstabit, præter simplam euictionis nomine; & ex natura ex empto actionis, hoc quod interest, ff. de euictionib. vel duplæ, puta vt venditor duplum pretii re euicta præstet, per textum in l. vendicantem. 17. in verbis: an potius re ablata ex causa stipulationis duplum consequi. ff. eod. Quod non promiscuè, sed tantum in venditionibus rerum pretiosarum fieri solebat, vt in l. emptori. §. 1. ff. de euictionib. habetur. Porro certi casus in iure reperiuntur, quibus venditor non tenetur ad præstādam euictionē, etiam si de ea conuentum sit. Primus * est, si res euincatur de facto, 6 nisi forte euictionem facti promiserit, per text. satis clarum in l. fin. ibi: *Expulsos vos de fundo per violentiam à Nerone, quem habere ius in eo negatis, profitentes: nullam vobis aduersus eum, ex cuius venditione fundum possidatis, actionem competere probatis. C. de action. empt. & vendit. Quod Curia Regalis in causa Czapski, & Topiczovvski, Anno 96. feria secunda post festum Natiuita-**

riuitatis Sancti Ioannis Baptista sequi voluit. Secundum est, si sententia iudicis non interueniente, emptor rem euincti restituat, per textum manifestum in l. si cum. 17. in verbis: *Si cum questio tibi super eo quem comparaueras, moueretur, auctorem tuum certum fecisti, nec citra iudicis disceptationem eum quem emeris, tradidisti, praeses prouinciae in damnis, quae te tolerasse meministi, medelam iuris adhibebit. C. de euictionib.* Id autem de sententia iusta & aequa, non de iniqua, intelligi debet, ut est textus in l. Si per imprudentiam. 51. ibi: *Si per imprudentiam iudicis, aut errorem emptor rei victus est, negamus damnum auctoris esse debere, aut quid refert, sordibus iudicis, an stultitia res perierit: Iniuria enim quae sit emptori auctorem non debet contingere. ff. eodem de euictionib.* Tertius est, si emptor, dum res ab illo euincitur, non denunciat venditori, per text. in l. Si fundo. 53. ibi: *Si cum possit emptor auctori denunciare, non denunciasset, idemque victus fuisset: quoniam parum instructus esset: hoc ipso videtur dolo fecisse: & ex stipulatu agere non potest. ff. de euictionib.* pro quo facit etiam textus in l. 1. in verbis: *Nam si denunciafci ei, qui tibi vendidit, intelligis euictionis illi periculum imminere. C. ubi in rem actio.*

exerc. Quae omnia etiam in c. fin. tit. de empt. & vendit. expressa reperiuntur. Quando * autem denuntiatio huiusmodi fieri debeat, explicat textus in l. si rem. 29. ibi: *Quolibet tempore venditori renunciari potest, ut de ea re agenda adsit: quia non praefinitur certum tempus in ea stipulatione: dum tamen ne prope ipsam condemnationem id fiat. ff. de euictionib.* Quod & praxis non solum Curiae, sed iudicii quoque Terrestris omnino tenet, & iuxta id in iudiciis Regni Tribunalibus frequentissime iudicatur. Quamuis communiter DD. in causa ex lucratiuo titulo descendente, hanc denunciationem etiam ante iudicium captum debere fieri statuunt, per textum in l. qui concubinam. 29. §. 3. in verbis: *Si haeres tibi, seruo generaliter legato, Stichum tradiderit, isque a te euictus fuisset, post se te ex testamento agere, Labeo scribit. Quia non videtur haeres dedisse quod ita dederat ut habere non possis, & hoc verum puto. Sed hoc amplius ait, debere te, priusquam iudicium accipiat, denunciare heredi. ff. de legat. 3. ubi glossa iudicium pro sententia accipiendum putat. Hoc * tamen notandum est, quod istiusmodi denuntiatio pacto omitti possit, per text. in l. Herennius. 63. ibi: *Herennius Modestinus respondit, non**

dit, non obesse ex empto agenti, quod denunciatio pro euictione interposita non esset, si pacto ei remissa esset denunciandi necessitas. ff. de euiction. Si mili * modo etiam euictionis onus pacto tolli potest, per textum in l. qui libertatis. 69. in verbis: *Qui libertatis causam excepit in venditione, non tenebitur euictionis nomine.* ff. de euictionib. Verumtamen id 10 * hac distinctione DD. temperandum esse putant: Aut pactum de non præstanda euictione est factum in specie, puta, si res euincatur à Petro, Andrea, tunc cessante dolo, venditor ad restituendum pretium cogi non potest, per text. supra allegat. in d. l. qui libertatis. Aut est factum in genere, si videlicet à quocunq; euincatur, eo casu omnino tenetur restituere pretium. per textum in l. ex empto 11. §. 18. ibi: *Ibidem ait, idem esse dicendum, & si aperte in venditione comprehendatur, nihil euictionis nomine præstatum iri, pretium quidem deberi re euicta, utilitatem non deberi. Neq; enim bona fidei contractus hac patitur conuentione, ut emptor rem amitteret, & pretium venditor retineret.* ff. de act. empt. Sed hoc * ita verum est, si venditor ignorans rem vendit alienam. Nam si sciens vendat, præter pretium etiā id quod interest, reddere debet, idq; propter dolum,

qui interuenisse præsumitur, per text. in l. tenetur. 6. §. ult. & d. l. ex empto. §. 15. & §. fin. ff. de action. empt. & vend. Quartus & vltimus casus est, * quo euictio non præstatur, si 12 emptor tutus sit præscriptione longi temporis. per textum in l. si obligata. 19. in verbis: *Si obligata prædium venum dedisti, & longi temporis præscriptione solita emptores se tueri possunt, euictionis periculum timere non potes.* C. de euiction. Quia in re * diuersa iuris Saxonici videtur 13 esse dispositio, ut potest, quod euictio ad vitam vsq; venditoris præstari debeat. per textum Sp. Sax. lib. 3. artic. 83. in verbis: *Qui verò proprium aut res mobiles vendiderit, quousq; vixerit, illorum varendator esse tenetur, res tamen illa, pro qua litigatur, ad manus tradi debet venditoris, ad defendendum vel perdendum, quamdiu illud defendere tenetur.* Quibus textus quoq; Iuris Municip. art. 30. ad stipulatur. Nec quicquam in contrarium facit, quod Interpretes ex textu Sp. Sax. lib. 1. artic. 29. Varendam seu euictionem triginta annis & anno & die præstari inferunt. Nullā etenim ibi fieri mentionē euictionis, sed tantum de præscriptione fundi & proprietatis tradi video, quod longè aliud est, licet glossa * eiusdem iuris 14 lib. 1. artic. 52. distinctionis fore

dere id conciliari posse doceat, vt nimirum de bonis ex successione aliqua prouenientibus textus ille dicti *artic. 29. lib. 1.* accipiatur, cum etiam eorum bonorum alienationes sine hæredū consensu fieri non possent, vt est textus *Sp. Sax. dicto artic. 52. lib. 1.* (qui tamen à sede Apostolica dicitur esse reprobatus.) consequens erat, vt non nisi hæc longissimi temporis, id est, triginta vnus anni, & diei præscriptio iisdem obesse possit. Secus est in bonis proprio labore atq; industria acquisitis. Ea enim si alienare sine consensu hæredum non liceret, nihil esset inhumanius, & à iure communi alienius, per textū in *l. non vsq; ff. si quis à par. man. sit.* Ac proinde in huiuscemodi bonis acquisitis euictio ad vitam vsque venditoris præstari debeat, iuxta dispositionem dicti *artic. 29. lib. 1.* Mihi itaq; ad trutinam (vt aiunt) ista omnia perpendenti cum glossæ distinctio nequaquam satisfaciatur, expressa & generalia verba textus dicti *artic. 83. lib. 3.* sequi malim, quod euictio tam de bonis mobilibus, quam immobilibus ad vitam vsq; venditoris, quamdiu in humanis est præstari debeat. Sed hoc intelligendum est de absentibus:

15 Contra * præsentem enim anno & die locum habet euictio, per ex-

pressum textum iuris Municip. *artic. 21.* in verbis: *Qui proprium dederit aut resignauerit, illud varendare tenetur anno & die, vt iuris est, hoc est, anno & sex septimanis.* Quem textum glossa ibidem de eo casu inter præsentem accipiendum esse tradit.

OBSERVATIO LII.

De donationibus inter virum & uxorem.

S V M M A R I A.

1. *Donationes inter virum & uxorem cur non valeant.*
2. *Coniugum omnia communia.*
3. *Vxor iure Saxonum marito nihil donare potest.*
4. *Maritus uxoris sue tutor est.*
5. *Vxor sine consensu mariti nihil alienare potest.*
6. *Vxor habens tutorem à magistratu, marito donare potest.*
7. *Iuri communi eatenus standum est, donec statuto disertè contrariū cautum reperiat.*
8. *Donatio inter coniuges confirmata iuramento valet.*
9. *Donatio eo nomine facta, vt communi filia in dotem detur, valet.*
10. *Donatio inter coniuges morte confirmatur.*
11. *Donationes reciproca inter coniuges, an de iure sint permittæ.*
12. *Ra-*

12. Ratio cur huiusmodi donationes permittantur.

13. Donatio reciproca debet esse æquivalens.

14. Reciproca donatio in continenti fieri debet.

Quod donationes simplices inter virum & uxorem de iure subsistere non possint, plus quam manifestum est. Nam in l. 1. ff. de donat. inter vir. & uxor. expressè hoc prohibetur. Ne * videlicet mutuo amore inuicem spoliarentur. donationibus non temperantes, sed profusa erga se facilitate. Sæpè enim (vt inquit Paulus IC. in l. 2. ff. de donat. inter vir. & uxor.) futurum esset, vt discuterentur matrimonia, si non donaret is, qui posset; atque ea ratione euenturum, vt ea venalitia essent. Vel vt Imp. Iustin. in auth. quib. mod. natur. eff. legit. c. illud 4. tradit, magnitudine concupiscentiæ ducti, latenter paulatim seipsos priuarēt substantia. Cum nihil sit furore amoris vehementius; quem retinere, Philosophia est perfectæ, monentis etiam, & insipientem atque inhaerentem concupiscentiam refranantis; vt ij, qui hoc dotali detinentur, si abstinebunt sermone ad eas, quas amant, quæ eis non per blandimenta conferunt. Optime & itaque à summo illo Philoso-

pho traditū est: Coniugum omnia debere esse communia. Plut. de præcept. connubial. Vxor is siquidem & mariti vna est domus & familia, teste Vlpian. in l. 1. §. 15. ff. de SC. Syllan. & Claud. quæ etiam idè socia domus diuinæ & humanæ à legibus appellatur. in l. aduersus. 4. Cod. de crim. expil. hered. Iure * itidem Saxonum, mulier nullam marito potest facere in suis mobilibus vel proprietate donationem, vt inquit text. Sp. Sax. lib. 1. artic. 31. idque cū propter rationes iam recensitas, tum etiam * ob id, quod maritus tutor sit uxori suæ, omniumq; rerum ipsius. Ac proinde, quemadmodum pupillus sine consensu tutoris nihil proprium alienare potest, per text. toto. tit. ff. de auth. & consensu tut. Ita * nec vxor sine consensu viri, bona sua, donandi, vendendi, aut resignandi habet potestatem, vt est in textu Sp. Sax. lib. 1. artic. 45. quamuis de iure ciuili sit secus, vt patet ex l. velle. C. de reuocand. donat. vbi Imp. Dioclet. & Maxim. cuidam Herennia re- scripserunt his verbis: Desine itaq; postulare, vt donatio, quam perfeceras reuocetur, prætextu mariti & liberorum absentia; cum huius firmitas ipsorum præsentia non indigeat. Vnde consequens est, quod sicut tutor pupillo in rem suam tutor esse nequit,

quit. per text. in *Nouella. 7. 2. c. hac omnia. & l. 1. ff. de authorit. & consens. tut.* itaneque maritus vxori. Hoc

- 6 * tamen recipit limitationem, nisi vxor coram Magistratu competenti alium sibi tutorem cōstituat, cuius auctoritate marito donare possit. argu. *l. pupillus. §. item ipse tutor. ff. de auth. & cons. tutor.* Quod tunc quoque locum habet, quando vxor marito bona communia vendit; Nam vt venditio valeat, necessaria est authoritas tutoris ob officio dati, qui circa resignationem seu alienationem bonorū vxori assistere debet, prout in Curia inter Farurei, & quosdam Ciuēs Pilznenses Anno 96. Sabbato post festum Epiphaniarum decisū fuit. Verum id de his casibus intelligi debet, quibus iure communi donatio inter virum & vxorem facta valet. Nec multum facit dispositio iuris Saxonici, vbi omnis donatio inter coniuges prohibetur.

- 7 Cum * eatenus standum sit iuri cōmuni, donec disertè quid statuto contra reperiatur cautum. argu. *l. si extraneus. ff. de condition. caus. dat.* Valet * autem iure Ciuili (iuxta communem DD. opinionem)

- 8 donatio inter coniuges iuramento confirmata. Quamuis enim iuramentum contra dispositionem iuris communis, & per consequens,

contra bonos mores factum, non videatur esse obligatorium, c. non est obligatorium de reg. iur. in 6. tamen, quia iuramentum illud, non tam firmat ipsum cōtractum, ipso iure alias nullum. quā obligat iurantem ad id præstandum, quod sine dispendio salutis æternæ impleri potest; idcirco etiam tale iuramentum necessariò seruari debet, per text. Iuris Canon. in c. cum contingat. tit. de iureiurand. Cū & aliās multa iure Ciuili reperiantur prohibita, quæ tamen ratione iuramenti iure Canonico subsistunt, vt in contractu minoris per *authen. Sacramenta. Cod. si aduers. vendit.* & in pacto cum filia, de non succedendo, facto, per text. iuris Canō. in c. quamuis de pactis, in 6. Secundo * valet donatio inter coniuges 9 etiam iuramento non confirmata, in casu *l. siue vxor. 34. ff. de donat. inter vir. & vxor. Si videlicet vxor marito donet, vt id in dotem communi filia conferat.* Confirmatur * etiā 10 donatio inter coniuges morte donantis, si videlicet ea nondum reuocata, donator recesserit. Nam huiusmodi donatio vim relicti seu legati habet, per textū in *l. cum hic status. 32. §. 1. ff. de donat. inter vir. & vxor. & l. donatio. 3. Cod. eod.* Quod ita intelligendum est, si donatio debitam quantitatem, quingētos scilicet

licet aureos non excedat, per tex. *in §. alia autem. Instit. de donation.* alioquin in eo quod excedit, expressa voluntas morientis, vel in acta requiritur insinuatio, per tex. *in l. donationes quas. 25. Cod. de donat. inter vir. & vxor.* His præmissis, aliud in eadem materia exoritur dubium. An* videlicet donationes reciproca seu remuneratoria inter coniuges de iure sint permissæ? Et quamvis plerique statuunt, neque tales donationes valere; illud tamen *in l. quod autem. 7. §. si vir. 2. ff. de donat. inter vir. & vxor.* permisum esse colligitur ex his verbis: *Si vir & vxor quina sibi donauerint, & maritus seruauerit, vxor consumpserit; rectè fieri compensationem donationum.* Vnde rectè Accursius per l. *sed et si. 25. §. consuluit. ff. de petit. heredit.* talem donationem instar esse permutationis affirmat. Et reuera* donatio reciproca seu remuneratoria, cum fiat cum onere & spe tantundem recipiendi à donatario, non potest propriè dici donatio, vt *in l. Aquilius. 27. ff. de donat.* proponitur; tùm quia in legibus illa tantùm donatio prohibetur, quæ alium pauperiorem, alium verò locupletiore facit. per tot. tit. ff. *de donat. inter vir. & vxor.* Vbi generalis ponitur regula, quod ubique non diminuit de

facultatibus suis, qui donauit, donatio valeat, vel etiam si diminuat, locupletior tamē non fit qui accipit, donatio valet. Quamobrē praxis huiuscemodi donationes validas esse testatur; & in Curia, in causa Baumgart Ciuis Lublinēsis, contra Ioannem Lvovvicz Anno 91. feria sexta post octauas Sacrosancti Corporis Christi: & in causa Alberti Crepak, contra Annā olim Blasii Kavvalecz relictā, Anno eodem feria secunda infra octauas Corporis Christi decisum est. Vnde* colligi potest, quod donatio huiuscemodi reciproca, si non sit æquiualens, non valeat; prout inter successores Annæ Ferierska & Paulum Ferierski Anno 96. feria sexta in Vigilia S. Bartholomæi Apostoli pronuntiātū fuisse memini. & toto. tit. ff. *& C. de donat. inter vir. & vxor.* videre est. Deniq; * necessariò requiritur, vt in con-
14
tinenti fiat ista reciproca donatio, alioquin si interuallum aliquod intercedat, neutra poterit subsistere donatio, per l. *quæ iam nupte. 48. ff. de donat. inter vir. & vxor.*

OBSERVATIO LIII.

Donatio omnium bonorum an de iure valeat.

S V M M A R I A.

1. Rerum suarum administratio cuiuslibet esse debet.
2. Donationes ut valide sint, eas actis insinuari necesse est.
3. Reipub. expedit, ne quis re sua male utatur.
4. Solidi appellatione quid veniat.
5. Donatio bonorum immobilium actis insinuari debet.
6. Donatio seu resignatio in iudicio ordinario bannito fieri debet.
7. Donationes rerum mobilium ubicunque fieri possunt; dummodo debilitas corporis non impediat.
8. Ægrotus quid donare possit.
9. Quarela inofficiosa donationis quod locum habeat.
10. Insinuatio in donationibus causa mortis, & inter coniuges, locum non habet.
11. Donator de euictione non tenetur.

SED an donatio omnium bonorum, tam mobilium, quam immobilium, indistincte & promiscue valeat, haud inutiliter queri possit? Et^{*} quamvis suæ quisque rei moderator & arbitrer sit, ita ut liberam administrationem & alienationem rerum suarum ingenuo homini, (qui non pro minorenni, prodigo aut furioso habetur) denegare, summæ iniquitatis sit, ut

inquit text. in l. non usq. 2. ff. si quis à pat. manumiss. sit; attamen² ius civile illas tantum donationes validas esse statuit, quæ Actis publicis insinuantur, per express. text. in l. data. 27. Cod. de donatio. his verbis: *Data iampridem lege statuimus, ut donationes interueniente actorum testificatione conficiantur, quod vel maxime inter necessarias coniecturas, personas conuenit custodiri.* Et additur ibidem pulchra admodum ratio: *Siquidem clandestinis & domesticis fraudibus facile quidvis pro negotij opportunitate consingi potest; vel id quod verè gestum est, aboleri; tum etiam ne homines ad donationes effusas, & quæ speciem prodigalitatis præ se ferant, facile induci possint, voluit lex illas coram actis publicis confici, & magistratui palam fieri.* Expedit^{*} enim Reipub. ne quis³ re sua male utatur, ut inquit text. in §. sed hoc. 2. Instit. de his qui sunt sui vel alien. iur. Illud tamen sciendum est, quod non omnes promiscue donationes actis publicis insinuare necessum sit, sed illas tantum, quarum valor excedit quingentos solidos, prout id manifestè liquet ex textu in §. alia. Instit. de donatio. in verbis: *Et cum retrò principum dispositiones insinuari eas (scilicet donationes) actis interuenientibus volebant, si maiores fuerunt ducentorum*

centorum solidorum: constitutio nostra eam quantitatem usque ad quingentos solidos ampliauit. Cuius Constitutionis in l. si quis 30. §. fin. Cod. de donat. hæc sunt verba: *Ceteris etiam donationibus, quæ gestis interuenientibus minimè sunt insinuata, sine aliqua distinctione usque ad quingentos solidos valituris.* Solidi * autem appellatione aureum nummum (quem Hungaricum vulgò dicimus) contineri, nullum dubium est. Nam & alibi pœna liberti patronum sine impetratione veniæ in ius vocâtis, quinquaginta aureorū statuitur, vt videre est in l. fin. ff. de in ius vocand. Sed cum septuaginta duo solidi conficiant libram auri, per text. in l. quotiescunq. 5. C. de susceptorib. præposit. & arcarijs lib. 10. consequenter dicendum esse videtur, vt si huiusmodi aurei sint valore minores, & pondere leuiiores, ita vt septuaginta duo libram conficiant, donatio vltra quingentos florenos in numero, non in pondere facta, etiam absq; insinuatione valeat, quod etiam DD. communiter tenent, vt nimirum donatio vltra quingentos solidos, vsq; ad verum valorem librarum sine insinuatione in acta publica fieri possit. Porro iure Saxonum in huiusmodi donationibus plura necessario requirun-

tur. Primò * quidem necesse est, vt donatio bonorum immobiliū cuiuscunq; valoris, etiamsi non excedant summam quingentorū solidorum, semper actis insinuetur. per textum Sp. Sax. lib. 1. artic. 52. ibi. *Sine hæredum consensu, & legitimo Iudiciali termino, nulli seruū aut proprietatem alienare licet.* Quod item clarius exprimitur lib. 2. artic. 30. his verbis: *Hæreditatem seu successionem, qui sibi non iure cognationis, sed promissionis seu donationis deberi dicit, hoc pro irregulari habeatur, nisi promissio huiusmodi coram iudicio sit confirmata.* Id tamen de consensu hæredū Interpretes istius iuris in bonis ex successionelinxæ ascendentis vel descendents prouenientibus, non autem acquisitis, intelligendum esse vnanimi ore statuunt. Quamuis textus dicti artic. 52. lib. 1. simpliciter & indistinctè de omnibus immobilibus loquatur. Verum in praxi circa alienationes bonorum immobiliū, consensus hæredum minus attendi solet, dummodo * ea actis insinuentur, & coram iudicio ordinario (quod in foro iudicium expofitum bannitum appellare solent) in eo videlicet territorio, vbi bona sita sunt, fiant, alioquin donationes seu alienationes bonorum immobilium existunt inualide, vt patet ex

tet ex textu Sp. Sax. lib. 1. artic. 21. ibi: *Licet etiam datur dotalitium mulieribus in virorū proprietatibus, cum consensu heredum in iudicijs, in quibus situata sunt, dummodo ibi sit bannus regalis.* Pro quo facit etiam glossa dicto artic. 52. & ibi allegati textus. Et hoc Curia in causa cuiusdam Driel, contra Woidak Ciuem Dobrzymen. die 8. Octobris Anno 96. Et in causa Sivvek, cum Ianikovvski, feria sexta post festum Sancti Matthiæ Apostoli Anno 99. sequuta est. Ratio autem, quæ Saxones ad tale ius constituendum adduxerit, non est alia, nisi vt veris hæredibus integra permaneret successio, & ne bona immobilia per testamenti factionem vel aliis modis ab hæredibus alienaretur. At * donationes rerum mobilium, quouis in loco, & coram quouis iudice posse fieri, ex textu d. artic. 52. palam est, dummodo corporis debilitas donationem non impediat; quæ licet ex senectute proueniens, secundum ius Ciuile donationem non vitiat, per textum in l. senectus. 16. C. de donation. nisi talis sit senectus, quæ sensum auferat, per l. Senium. 3. C. qui test. fac. poss. attamen ius Saxon. * indistincte tradit, quod nec mas nec femina in lecto ægritudinis citrà consensum heredum vltra quinq. solidos

donare possint; vel tantum, quantum ex sponda alteruter manu alteri porrigere potest. Quod tamen pro conditione personarum, aliter in milite vel nobili, aliter in ciue & rustico, aliter deniq; in fœmina considerari solet, vt notat glossa dicto artic. 52. Quæ solennitas hodie nõ seruatur, sed vsu tam sani, quam ægroti. (qui testamenti factionem habent) bona mobilia liberè donare possunt, prout id quotidie fieri videmus. Quamuis * iure Ciuili per quærelam inofficiosæ donationis, si videlicet parentes nihil, vel minus legitima, id est quarta parte bonorum relinquunt, istæ donationes reuocentur, toto tit. C. de inoffic. donat. & Nouell. 92. Postremo * notandum est, quod insinuatio & aliæ sollennitates donationum suprâ recensitæ, ad donationes causa mortis, & remuneratorias, quæ fiunt inter virum & uxorem, referri non debeant, per text. in Nouella Constit. 119. in verbis: *Siue igitur fiat sub gestis moneñtorum eius (scilicet sponsalitiæ largitionis) insinuatio, siue etiam non: iubemus eam per omnia suum robur habere.* Et inferius ibidem: *Et hoc valere precipimus, cuiuscunq; sit donatio quantitatis, vel si non (sicuti dictum est) insinuetur.* Verum id ad solas donationes simplices inter viuos,

viuos, quæ ex mera liberalitate & munificentia donatoris proficiunt, & propriè donationes dici solent, restringitur. Et ideo *donator etiam de euictione non tenetur, vt est glossa Sp. Sax. lib. 3. art. 4. ne videlicet eo casu liberalitatis suæ penâ subeat, vt inquit text. in l. ad res. 62. ff. de ædilit. edicto. Quod ita demum verum esse DD. statuunt, si donatio incipiat à traditione. Nam si incipiat non à traditione, sed à pactione & promissione, quod tunc de dolo contra eundem actio detur, vt videre est in textu, l. Aristo. 18. §. fin. in verbis: *Labeo ait: Si quis mihi rem alienam donauerit, inq. eam sumptus magnos fecero, & sic euincatur, nullam mihi actionem contra donatorem competere, planè de dolo posse me aduersus eum habere actionem, si dolo fecit, ff. de donationibus.*

OBSERVAT: LIIII.

De donationibus causa mortis.

S V M M A R I A.

1. Donationes mortis causa actis insinuare non est necesse.
2. Donationes mortis causa ultimis voluntatibus equiparantur.
3. Verba Statutorum propriè accipienda sunt.

4. Donatio mortis causa quæ dicatur, & quod sint eius species.
5. Donationes mortis causa quando reuocentur.
6. Voluntas hominis ambulatoria est usq. ad mortem.
7. Legati & donationis causa mortis differentia.
8. Donatio causa mortis an iure Saxon. valeat.

QUOD *autem donationes causa mortis, etiamsi excedant summam quingentorum aureorū, insinuatione apud acta iudicii nō egeant, probatur per expressum text. in l. fin. his verbis: *Sancimus omnes mortis causa donationes, siue iuxta mortem facientis fuerint celebratae, siue longiore mortis cogitatione subsequuta sunt, actis minimè indigere, neq. expectare publicarum personarum presentiam, & ea quæ super huiusmodi monumentis solent adhiberi; Sed ita res procedat, vt si quinque testibus presentibus, vel in scriptis, vel sine literarum suppositione aliquis voluerit mortis causa donationem facere: & sine monumentorum accessione res gesta maneat firmitate vallata, & nullam in ea calumniam accipiat. Neq. propter hoc, quod gesta non accesserunt, inefficax esse atq. inutilis videatur: & omnes effectus sortiatur, quos ultima habent liberalitates: neque*

que ex quacunque parte absimiles eis intelligantur. C. de mort. causa donat.

- 2 Vnde * satis liquido constat, propterea has donationes insinuatione non indigere, quod ultimis voluntatibus æquiparentur, quæ ex alieno arbitrio pendere non debent, ut textus in l. illa institutio. 32. in pr. ff. de hered. instit. probat. Et ideo iure etiam Saxonum idem observari placuit. Nam cum verba dicti artic. 52. lib. 1. § artic. 30. lib. 2. simpliciter & indistinctè loquantur, non est dubium, quod de donatione inter vivos non autem quæ sit mortis causa, intelligi debeant. Verba * etenim statutorum propriè accipi debent, ut notant DD. in l. 3. §. hæc verba. ff. de negot. gest. Neq; tamen peccatum in eo fuerit, si evitandarum litium causa tales donationes, adhibitis solennitatibus in obs. præcedenti expressis, perficiantur; quamvis reuera de iure non vsq; adeò sint necessariae. Mortis * autem causa donatio est, cum quis magis habere se vult, quàm eum cui donat, magisq; eum, cui donat, quàm hæredem suum; quemadmodum Tèlemachus donat Piræo apud Homerum, quæ verba in §. 1. Instit. de donat. caus. mort. proponuntur. Huius tres sunt species. Vna videlicet, cum quis nullo præsentis peri-
- 3
- 4

culi metu contreritus, sed sola cogitatione mortalitatis donat: altera, cum quis imminente periculo commotus ita donat, ut statim fiat accipientis; tertia denique si quis periculo motus, non sic det, ut statim faciat accipientis, sed tunc demum cum mors fuerit insecuta, ut ex textu, in l. 2. ff. de mortis caus. donat. liquet. Verùm licet olim de donationibus causa mortis dubitabatur, an inter ultimas voluntates poni, & ad legata referri, vel donationibus inter vivos connumerari debeant. Attamen Imperator Iustinianus omni illa dubitate explosa, hodie donationes causa mortis, per omnia fere ultimis voluntatibus, & legatis æquiparavit, ut in dict. l. final. Cod. de mortis caus. donat. videre licet. In hoc solummodo differunt, quod * donatio causa mortis per recon-
5
ualescentiam donantis ipso iure reuocetur, quando videlicet donatore eo tempore, quo fecit huiusmodi donationem, in periculo mortis, propter aduersam puta valetudinem, vel nauigationem, aut bellum, erat constitutus, per text. in l. si mortis. 29. ff. de donat. caus. mortis. Secus est, quando quis sola cogitatione mortalitatis (ut potè, quod mors sit certa, diem verò certum non habeat, ut in l. 1. ff. de
condit.

condit. & demonstrati. habetur) nec alicui morbo obnoxius existens donat, & postea incidit in morbum, & reconualefcit, minimè propterea ipso iure reuocatur illa donatio. Ratio est, quia non cessat tunc causa, propter quam donauit, mors videlicet, quæ nullo iure euitari potest. Si tamen pœnitentia ductus expressè quis reuocet huiusmodi donationem, nullum est dubium, quod talis donatio amplius locum non habeat, per express. text. *in l. qui mortis. 30. ff. de mortis, caus. donat.*

6 * est enim voluntas defuncti vsq; ad vitæ supremum exitum, vt *in l. 4. ff. de adimend. vel transfer. leg. dicitur*. Quod etiam de legatis & vltimis voluntatibus quibusuis intelligi debet. Nam & hæ ipso iure tamdiu valent, donec contraria voluntate testatoris reuocentur, vt videre est in textu *l. sancimus. in verbis: Quod non mutatur quare stare prohibetur? C. de testam.* Quæ cum non omnibus æquè nota & perspicua sint, fit plerumque vt maleuoli quidam Ecclesiasticas personas non sine inuidia & odio apud imperitos traducant, dum videlicet illi huiusmodi donationes, vel legata ad pios vsus facta, neque à testatore longo tempore post superstitie reuocata, ab hære-

dibus illius petere, & impensius exigere solent. Differt * & in eo legatum à donatione causa mortis, quòd in hac præsencia tam donantis quàm donatarii requiratur, vt in textu *l. inter mortis. 38. ff. de donat. caus. mortis. habetur*; illud verò etià absenti & ignorantì relinqui possit, vt *Accurs. in d. l. fin. Cod. de donat. caus. mort. notat.* Et *Instit. de donat.* plures inter donationē causa mortis & legatum differentias cognoscere licet. Iure * quoque Saxonū 8 mortis causa donari posse Interpretes communiter tradunt. Nam quamuis nemo absq; permissu hæredis vltra quinque solidos, vel quantum decumbens dextera porrigere valet, donare possit, vt supra obs. præcedenti dictum est: attamē non de donatione causa mortis, sed illa, quæ fit inter viuos, & propriè donatio dicitur. strictè & propriè id accipiendum esse Schneideuinus in suis comment. *Instit. de donat.* monet.

OBSERVATIO LV.

Dos soluto matrimonio ad quem pertineat.

SUMMARIA.

1. Dotes unde egressæ sunt, eò redire debent.

2. *Maritus iure veteri dotem lucratur.*
3. *Dos fœminarum proprium est patrimonium.*
4. *Pactum de restituenda dote semper videtur intercessisse.*
5. *Dotis exactio quomodo fieri debeat.*
6. *Bona mobilia vxoris cedūt marito.*
7. *Pecunia dotis nomine data, cedit lucro mariti.*
8. *Dotalitium mulier vel heredes ipsius, soluto matrimonio, ex bonis mariti petere possunt.*
9. *In dotalitio probando iuramento mulieris statur.*
10. *De fructibus ultimi anni soluto matrimonio.*
11. *Maritus dotem quando apud se retineat.*
12. *Mulier dimidiam partem bonorum mariti iure Culmensi lucratur.*
13. *Plebiscita in Ciuitatibus Regni qualia sint.*

Admodum trita in praxi non solum Curia Regalis, sed etiā Iuris Polonici est illa Regula. Quod
 I *dotes, soluto matrimonio morte vxoris, sine liberis decidētis, vnde profectæ sunt, eò redire debeant. Quod iure Ciuili quoque obtinet, per express. text. in l. dos à patre. 4. ibi: *Dos à patre profecta, si in matrimonio decesserit mulier filia familias, ad patrē redire debet. C. solut. matrim.*

Licet etiam * iure veteri maritus 2
 dotem lucrari poterat, vxore & patre illius, in cuius potestate adhuc erat, defunctis, per text. in l. 2. ibi: *mox morte mulieris dotem fuerit lucratus. ff. de dote prelegata. nisi speciale pactum, ab aliis quibuscunq; personis, dotem mulieri conferentibus, de restituenda illa post mortem mulieris interuenisset, per express. text. in l. pactum. 4. C. de pact. conuent. attamen quia Imp. Iustin. iniquum visum est, dotem (quæ * 3
 fœminarum proprium est patrimonium, per text. in l. assiduis. C. qui potior. in pignor. hab.) apud maritū nulla de causa, vt potē soluto iam matrimonio remanere, ideò non subtili quadam ratione voluit, tale
 *pactum de restituenda dote intel- 4
 ligi semper intercessisse, etiamsi reuera factum non esset, ita vt eo nomine actio veris hæredibus mulieris indistinctè dari possit, per express. text. in l. unica. §. illo. his verbis: *Illo procul dubio in ex stipulatu actione seruando, vt si decesserit mulier constante matrimonio, dos non in lucrum mariti cedat, nisi ex quibusdam actionibus, sed ad mulieris heredes ex stipulatu actio secundum suam naturam transmittatur, siue expressa fuerit, siue ex hac lege inesse intelligatur. C. de rei vxor. actio.* Id tamen longè aliter se habet in extraneis personis*

nis dotem alicui mulieri præstantibus. In his enim huiusmodi fictio tacitæ stipulationis omnino cessat, vt in textu *d. l. unica. §. accedit. ibi: Sed si non specialiter extraneus dotem dando in suam personam dotem stipulatus est vel pactum fecerit; tunc præsumatur mulierem ipsam stipulationem fecisse, vt ei dos ex huiusmodi donatione accedat. Cod. de rei*

5 *uxor. act.* Exactio autem * dotis celebrabatur olim annua, bima, trima die, id est, tribus pensionibus annuis. Hodie intra annum in rebus mobilibus, vel se mouentibus, vel in corporalibus; immobilia vero statim restitui debent, per express. text. in *d. l. unica. Cod. de rei*
 6 *uxor. act.* At iure Saxonum * bona mobilia tantum post mortē vxoris propriè cedunt marito, per textum satis clarum *Sp. Sax. lib. 1. art. 31.* in verbis: *Si autem viro viuente mulier decesserit, nulla bona mobilia præter utensilia; proprietatem verò si possidet, in proximum hæredem relinquet, ac si dicat, mulier præter vtensilia, quæ debentur proximiori cognatæ, etiam mobilia non transmittit ad proximum hæredem, sed tantum proprietatem, si quam habebat. Quod itè comprobatur alius text. Sp. Sax. lib. 3. artic. 76. in verbis: Et postea vxor decesserit, vir obtinet plenum ius in omnibus bonis mo-*

bilibus, exceptis ædificijs & suppellectili. Et praxis Curie perpetuò id tenet, prout in causa liberorum Laurentii Bolemovvski, contra Petrum Kurzelovvita pharmacopolam & ciuem Sandomiriensem Anno 91. Et in causa Kalniczkie contra Romanovvicz Kierzmowski Anno 96. feria tertia post festū S. Margarethæ virginis, ac in aliis passim pronunciatum fuit. Hinc colligitur, * quòd etiam pecunia
 7 dotis nomine data cedat lucro mariti, nisi per pacta dotalia aliud actum sit, vt videre est in gloss. *d. artic. 3. lib. 1.* Quod si * donationem
 8 propter nuptias, (quæ plerumque duplicata dote fieri consuevit, & dotalitium vulgò appellatur) in recompensam dotis lucrata, maritus constituat vxori: *Licitè enim* (vt inquit textus *Sp. Sax. lib. 1. artic. 21.*) *datur dotalitium, hoc est, vite prouisio mulieribus in virorum proprietatibus de consensu hæredum in iudicijs, in quibus sunt situata, dummodo ibi sit bannus Regalis; & multi similes textus tamen eo iure, quàm in iure municipali reperiuntur. Eo casu etiam si dos cedat lucro mariti, donationem tamen propter nuptias, soluto matrimonio, mulierē vel illius hæredes à marito petere posse, Schneideuinus in suis* *Comment. Instit. tit. de actionibus. §. fuerat.*
num.

num. 3. tradit. Et eo modo in Curia inter Socha & Girovski Anno 91. iudicatum fuit: Quod ita demum verum est, nisi maritus circa denominationē huiusmodi dotalitii hoc expresserit, quod post mortē suam dotalitium illud expediri debeat, teste glossa iuris Municip. art. 22. vers. *queritur vir.* & art. 27. vers. *notandum si vir uxori.* Ac * insuper notandum est, quod in probanda huiusmodi donatione seu dotalitio, si coram iudicio facta nō sit, iuramento mulieris stetur, quāvis alias ad probandam possessionem testes requirantur, vt habet text. Spec. Sax. lib. 1. art. 20. Nam ipsi legumlatores fragilitati sexus muliebris subuenire volentes, hac prerogatiua illi subueniendum esse putauerunt, ne videlicet mulieres aliorum testimonio conuinci possint, sed vt ipsæ proprio iuramento dotalitium obtineant. Ex his liquidō constat, magnam in eo passu restituendarum dotium, inter ius Ciuile & Saxonum, esse differentiam. Nec * minus rectē prædicta iura etiam in eo discrepant, quod iure ciuili fructus vltimi anni, quo matrimonium dissolutum est, inter maritum & uxorem, aut eorum heredes, pro rata temporis, quo matrimonium durauit, diuidi debeant, per text. in l. *fructus.* 7. §. 1.

ff. solut. matr. Iure autem Saxonū fructus industriales, quorum semina iacta vltimo anno soluti matrimonii fuere, omnes maritus lucratur, per express. text. Sp. Sax. lib. 3. art. 70. ibi: *Sed si mulier agro iam seminato & sub terra abscondito obierit, vir percipere debet fructus.* Neq; tamen * illud etiam silentio prætereū. II dum esse existimo, quod DD. vtroque iure receptum esse tradunt, posse nimirum maritum ob certas causas dotem omnem, puta & dotalitium apud se retinere, idq; vel propter liberos, ex communi matrimonio susceptos; vel propter inopiam mariti: vel etiam propter interitum, sine culpa, & citra moram ipsius, rerum dotalitiorum: vel deniq; quia mulier ex delicto causam dedit diuortio, & propter alias causas, quas glossa eiusd. Iuris dicto lib. 1. art. 21. & passim DD. in d. l. *dos à patre. C. solut. matrim.* notant. Sicut ex aduerso vir ob certas causas dotem perdit, etiam si dotalitium dare cogatur, teste eadem gloss. & iur. Municip. art. 22. Huc * pertinet & illud, quod mulier iure Culmensi, (quo Prussiae & omnes ferē Ciuitates Masouiae vtuntur) dimidiam partem omnium bonorū mariti, postquam lectum eius ascenderit, & è contra vir uxoris habeat, prout in Curia quoq; in causa

in causa cuiusdam Laskovvska cum Raczki Anno 96. Sabbato post festum Sanctæ Hedwigis, pronunciatum fuit. Quain re *plebiscita cuiusq; ciuitatis praxis Curia sequi solet, & ideo iuxta plebiscitum ciuitatis Leopoliensis, tertiam saltē bonorū suorum partē maritus transmittit ad vxorem, quod ex decisione in causa Doctoris Petricii & Czizarovva ciuium Leopoliens. Anno 93. Sabbato ante festum S. Barnabæ, in Curia facta, manifestē probatur. Et gloss. *Sp. Sax. lib. 1. art. 24. in fine.* idipsum in nonnullis prouinciis obseruatum fuisse, vt potē, quod mulier loco dotalitii aliquando percipiat tertiam, aliquando quartam partem bonorū mariti tradit.

OBSERVATIO LVI.

De Gerada.

S V M M A R I A.

1. Gerada quid dicatur.
2. Ad geradam quæ res pertineant.
3. Gerada mortua vxore ad quem spectet.
4. Bona mobilia vxoris sunt in potestate mariti.
5. In Gerada præfertur cognata matri mariti defunctæ.
6. Filia præfertur in Gerada cognatæ.

7. Clericus cum sorore succedit ingrada.
8. De gerada plebiscitum ciuitatis Pofnaniensis.
9. Gerada intrā quod tempus peti debeat.
10. Vxores rusticorum an transmittant geradam ad cognatas.
11. Praxis Curia de gerada.
12. Ius Saxonum triplex fuit.

Gerada iure *Saxonico vocatur vtensilia, res videlicet quæ paratæ sunt ad vsum vxoris, & quæcunq; vltra dotem ad elocandam virginem dari solent, Græco autem vocabulo parapherna appellantur. Quæ omnia *figillatim recensere immensi laboris esset. Quis enim ea, quæ ad vsum & ornatum muliebrem aliis atque aliis formis & speciebus comparantur, oratione complecti posset? illud tamen sciendum est, quod pro diuersitate iuris diuersa quoq; sit ratio earum rerum, quæ ad geradam pertinent. Iure etiam prouinciali Saxonum, ad geradam pertinent anseres & oues, vt videre est Spec. Sax. lib. 1. artic. 24. vbi ea omnia enumerantur his verbis: *Vt anseres & oues, cista columnata, omne filum nereatum, lectuli, cussini, linteamina, mensalia, balneamina, & manutergia cum peluibus, candelabra, linum, vestes*

vestes muliebres, annuli, brachialia, sorta, omnes libri qui à mulieribus v-
santur, & ad Dei cultum pertinent, parua cista, cortina, perpendicula cū
velaminibus, & velamen cum orna-
mentis. Adhuc sunt quedam clenod-
ia ad ea pertinentia, quæ non recen-
sentur, vt specula, acus, & alia. Pan-
nus autem non discissus ad mulierum
vestimenta competens, & aurum per
artificem non operatum, ad ipsas mu-
lieres non pertinebit. Cum tamen iu-
re Municipali, quod peculiare
est ciuitatis Magdeburgensis, e-
iusmodi pecora pertineant ad
hæreditatem, per textum iuris
Municip. art. 23. vbi etiam glossa
multas in hac materia vtilissimas
ponit quæstiones. Inter quas ista
etiam non postremum videtur ha-
bere locum. Vtrum *videlicet ge-
rada mortua vxore maneat in bo-
nis mariti? an verò statim transe-
at ad hæredes defunctæ fœminini
sexus? Et quamuis * secundum
iura Saxonum, bona omnia mo-
bilia post mortē vxoris maneat in
potestate mariti, vt videre est Sp.
Sax. lib. 1. artic. 31. circa princip. &
lib. 3. artic. 70. in verbis: mortua
postmodum ea (scilicet maritus,) in
ipsis mobilibus bonis, (nisi in ædificijs
& utensilibus) retinet iura, quæ mu-
lier si vixisset, habuisset. Nam & con-
stante matrimonio omnia bona

mobilia vxoris sunt sub potestate
mariti, etiam si ea in occlusa arcu-
la, cuius clauem sola vxor habe-
at, reperiantur. per textum Spec.
Sax. lib. 1. art. 31. & ibi glossa. attam-
en nullum dubium est, quod v-
tensilia seu parapherna eximan-
tur è potestate & dominio ipsius,
& statim transeant ad proximio-
rem cognatam defunctæ mulieris.
per express. text. Sp. Sax. lib. 1. art.
27. cuius hæc sunt verba: *Quali-
bet mulier militaris in duabus vjs
hæreditatem transmittit, vtensilia in
propinquiorē cognatam, quæ ei ex fœ-
minino genere adharebit, hæreditatē
verò in proximum, siue masculus sit,
siue fœmina, relinquet.* Quinimo *
quod proximior cognata in vtē-
silibus præferatur matri mariti de-
functæ, textus est Sp. Sax. lib. 1.
art. 20. ibi: *Sic etiam cognata eius, si
vxor viro præmoriatur, facilius quàm
mater mariti, vtensilia obtinebit.*
Quod autem * hic de cognata di-
citur, multò magis idem de filia
(si nimirum superest) statuendū
esse. textus lib. 1. artic. 5. in verbis:
*Clericus * cum, sorore sua, in vtē-
silibus matris suæ equam habet portio-
nem, argumēto est.* Quod de Cle-
rico non beneficiato, vt qui ad
Præsbyteratum aspirare velit. In-
terp. accipiendū esse volunt: Cle-
ricis enim (vt inquit glossa. iur. Mu-
nicip.

nicip. artic. 57.) geradam accipere admissum est, propter orationes quas pro tota Christianitate fundunt. Et ideo si clericus mutet conditionem, neq; sacerdotium nanciscatur, geradam cognatæ mulieris restituere cogitur, *vt gloss. iur. Municip. d. artic. 57.* notat. Vnde consequens est, si vocatur ad geradam soror clerici, ergo & filia defunctæ; quod etiam superius in eod. artic. exprimitur his verbis: *Filia quæ adhuc in domo est non emancipata, vtens filia matris suæ cum sorore emancipata diuidere nõ compellatur.* Porro casum istius quæstionis etiã in Curia Regali, Anno 99. die 6. Mensis Maii, in causa cuiusdam Pellionis dicti Iugo viduæ, contra Franczkiev vicz, Ciuium Posnaniensium, practicum fuisse meminimus. Vbi de iure quidem geradã ad filiam post mortem matris pertinuisse, eamque post mortem suam, (viuente adhuc patre) ad proximiores cognatas trãsmisisse responsum; quia * tamen plebiscitum illius ciuitatis Anno 1552. factum secus, quod nimirum post mortem filia debeat manere penes patrem, ideo in hanc itum est sententiam. Debent autem * intrã annum & diem, id est, sex hebdomadas repeti, tam gerada quàm arma bellica, quæ vulgò Herge-

vveth appellantur, alioquin ea cedunt iudici, per text. Sp. Sax. lib. 1. artic. 28. Verum * hæc omnia, quæ de gerada dicta sunt, Interpretes iuris Saxonici tantummodo in nobilibus, non etiam in rusticis, locũ habere statuunt, per dicta iura lib. 1. artic. 24. & artic. 31. vbi tantum de nobilitaribus personis tractatur. Quod etiam expressè hæc verbalib. 1. art. 27. ibi: *Ceteri verò cingulo militiæ carentes, post se tantummodo hæreditatem dimittunt percipiendam,* innunt. Vxores etenim rusticorum mortuo viro, accipiunt tantum ea, de quibus pactis dotilibus conuenerat, vt donationem propter nuptias, & meliorem tunicam, vt videre est in textu iur. Municip. artic. 5. & ea vtensilia, de quibus vxor hæredibus mariti tam lectum, quàm mensam præparare cogitur, iuxta dispositionem textus Sp. Sax. lib. 3. art. 38. in verbis: *Mulier cum mortua fuerit, cognata eius, (quæ ipsius recipit vtensilia) lectum mariti, quemadmodum ea viuente ornabatur, de vtensilibus debet exornare, & eius mensam cum mensali, nec non sedile eius cum vno lectulo, & sedem cum cussino vno adornet.* Quæ distinctio * inter nobiles & rusticos in praxi Curia Regia minimè attendi solet, Nam in Regno omnes equestris ordinis ho-

mines, Statutis & Constitutionibus Regni pro legibus vtuntur; soliciues, tam iuri Saxonico Prouinciali, quam Municipali promissæ subfunt, licet * apud Saxones pro diuersitate status & conditionis hominum, distincta fuerint iura, vt potè Feudale, Prouinciale, & Municipale. Hæc iuxta præscriptum iuris, quod cuiusque conditioni conueniebat, ea quæ geradæ nomine censerī deberent, interpretari solebant. Casus verò qui in petenda gerada euenire solent, in glossa iur. Municip. artic. 2. reperies.

OBSERVAT: LVII.

De Hergeweth.

SUMMARIA.

1. Armorum bellicorum expeditio geradam sequi solet.
2. Arma bellica quæ dicuntur.
3. Ad expeditionem armorum bellicorum quid pertineat.
4. Masculus ad proximum agnatum transmittit arma bellica.
5. Si filij sint minores, quid fiat de Hergeweth.
6. Rustici non transmittunt ad agnatos arma bellica.
7. Differentia inter agnatos & cognatos.

Quoniam * verò geradæ expeditionem, armorum quoque bellicorum expeditio sequi solet; vt notat gloss. iur. Municip. art. 23. in fine. consequens est, vt de his etiam quædam subiiciantur. Arma bellica, * quæ apud Saxones vno vocabulo Hergeweth appellantur, nihil aliud sunt, nisi suppellectilis illa, quæ ad expeditionem bellicam pertinet, vt notat gloss. iur. Municip. artic. 25. Sunt autem illa: * Gladius mariti cum validiori equo sellato, & meliora arma, quæ tempore mortis possidebat pro vno homine spectantia, cussinus cum lectulo, lintamentum cum mensali vno, duæ pelues cum manutergio. vt videre est in textu Sp. Sax. lib. 1. artic. 27. Quod item textus iuris Municip. in dicto art. 25. confirmat his verbis: Ad arma enim bellica pertinet dextrarius seu equus melior mariti sellatus, gladius eius, clypeus item, & meliora eius arma, quæ habet pro corpore vnius viri. Tum & quotidiana vestes, lectisternium item bellicum, hoc est, lectulum cum cussino, duo lintamina, vna peluis, mensale vnum cum manutergio, caldar vnum, vel aliud huic simile. Et hæc sunt, (vt inquit ibidem textus) & dicuntur verè arma bellica, licet aliqui ad id alia apponere solent. Et si quid horū relictæ mulier non habuerit, ac sacramento confir-

confirmare audebit, dare non tenetur. Quia verò inter arma bellica etiam vestes quotidianæ recensentur, eas saltem intelligi, quæ quotidianis vsibus & bello gerendo seruiunt, non autem eas, quæ ad cultum & ornatum paratæ sunt, Scabini Lipsenses pronunciarunt. Porro quemadmodum mulier geradam seu vtenfilia transmittit in propinquiorem cognatam, ut supra in obs. præcedenti dictum est; ita etiam masculus militaris duabus personis videtur hæreditatem dimittere, ut potè res expeditorias, id est arma bellica in proximiorum agnatum, hæreditarias verò in proximum cuiuscunque sit sexus, per text. supra allegatum lib. 1. artic. 27. Pro quo facit etiam textus iuris municip. dicto artic. 25. ibi: *Tum etiam quo pacto relicta mortui vxor proximiori agnato illa scilicet arma bellica extradere debeat.* Quod in praxi etiam Curia Regalis obseruatur, & in causa cuiusdā Kovalczyk, contra Annam patrui ipsius relictam, Anno 96. feria secunda intra octauas Corporis Christi, quod res huiusmodi expeditoriæ eidem post mortem patrui debeantur, decisum & iudicatum fuit. Verum etiam id ita demum locum habet, si hæredes masculi ex lumbis defuncti descendentes omnino de-

sint. Nam si existant, & forte minores sint, tunc senior agnatus expeditorias accipit res, & in his eorum vsque ad annos pubertatis tutor erit, per text. Sp. Sax. lib. 1. artic. 23. Quod etiam non de rusticis, sed nobilibus personis intelligendum esse, text. Sp. Sax. lib. 1. artic. 27. liquidò indicat. Pro meliori verò cognitione præmissorum, notanda est differentia inter agnatos & cognatos, quam Imper. Iustin. Instit. de legit. agnator. tutela. exprimit his verbis: *Sunt autem agnati, cognati per virilis sexus cognitionem coniuncti, quasi à patre cognati: veluti frater ex eodem patre natus, fratris filius, neposue ex eo. At qui per feminini sexus personas cognitione iunguntur, agnati non sunt, sed alias naturali iure cognati. Itaque amicæ tuæ filius, non est tibi agnatus, sed cognatus: & inuicem tu illi iure coniungeris: quia qui ex ea nascuntur, patris non matris familiam sequantur.* Ista tamen differentia iure nouo ab eodem Imp. Iustin. omnino videtur esse sublata, per text. Nouellæ Constit. 118. c. 4. his verbis: *Sed in omnibus successioneibus agnatorum cognatorumque differentiam vacare præcipimus.* Et c. 5. ibi: *Nulla neque in hac parte differentia introducenda, de agnatorum seu cognatorum iure.* Cum enim (ut inquit idem Imp. in l. pen. Cod. de legit. hæred.)

hared.) vnius sanguinis iura remaneant per virilem sexum incorrupta, quare naturam offendimus? & legitimo iuri derogamus? cum & aliam maximam iniuriam res in se continet, plerisque quasi vulnus intestinum incognitum. Cum enim ad ipsarum mulierum successionem masculi iure agnationis vocentur, quis patiat, earum quidem hereditatem ad eos legitimo iure deferri, ipsas verò nec inuicē sibi, nec masculis eodem iure posse succedere, sed propter hoc solum puniri, quod femina nata sunt, & paterno vitio, (si hoc vitium est) prolem innocentem grauari. De quo plura infra obs. de successione ab intestato, videre licet.

OBSERVATIO LVIII.

De tutoribus, & an tutor inuentariū pupilli conficere teneatur.

S V M M A R I A.

1. Tutor non conficiens Inuentariū dolo fecisse videtur.
2. Tutores ob non confectionem inuentarij infamia notantur.
3. Tutores vinculo necessitudinis pupillo iuncti, quid præsare teneantur.
4. Consanguinitatis ratio quando habeatur.
5. Inuentarij confectio an remitti possit.

6. Inuentarium ob utilitatem pupilli non conficitur.
7. Patrimonij secreta pandere non semper expedit.
8. Iure Saxon. tutor ob non confectionem inuentarij quomodo puniatur.
9. Tutor in Inuentario etiam res proprias adscribens perdit.

QVOD tutor inuentarium rerum pupilli conficere teneatur, non est dubium. Id* enim textus iuris Ciuilis probat, vt potè, in l. tutor. 7. in pr. ff. de administr. tutor. in verbis: Tutor qui repertorium non fecit, quod vulgò inuentarium appellatur, dolo fecisse videtur. Si quis igitur dolo inuentarium non fecerit; in ea conditione est, vt teneatur in id, quod pupilli interest, quod ex iure iurando in litem aestimatur. Et in l. tutores. 14. C. de adm. tutor. his verbis: Tutores vel curatores, mox quàm fuerint ordinati, sub presentia publicarum personarum, inuentarium rerum omnium, & instrumentorum, solenniter facere curabunt. Quinimò * etiā macula infamiae notantur, & tanquam suspecti ab officio tutelae remouentur tutores, qui ad administrationem rerum pupillarium non confecto inuentario accedunt, per text. l. fin. C. arbitr. tut. Quod ita* tamē intelligendum est, nisi tutores aliquo

aliquo vinculo necessitudinis vel
adfinitatis pupillis coniuncti sint.
Eo enim casu curatores potius ad-
iungi eis debent, quàm vt notata
fide & existimatione remoueatur,
teste Modestino *in l. si tutor. g. ff. de
suspect. tutor.* Hinc colligitur, quod
4 * multa ratione consanguinitatis
fiant, quæ alias fieri non possint.
Nam neque is, apud quem adfinis
vel cognatus latro conseruatur,
æquè seueras legum suffert pœnas
atque is, quinulla affectionis ra-
tione ductus, talia temerè facit.
*Non enim (vt IC. Paulus in l. fin. ff.
de receptat. inquit) par est eorum de-
lictum, & eorum, qui nihil ad se per-
tinentes latrones accipiunt.* Verum
quamuis ex iuribus iam allegatis
liquidò constet, inuentarii confe-
ctionem in rebus pupilli omnino
5 necessariam esse; attamen * fieri
potest, vt huiuscemodi inuenta-
rium non conscribatur, id non so-
lùm ob remissionem ab ipso testa-
tore factam, vt *in l. fin. ibi: Nisi te-
statores, qui substantiam transmittunt,
specialiter inuentarium conscribi ve-
tuerint.* Carbitr. tutela. exprimitur.
Quod fallit in eo casu, si videlicet
manifestè appareat, hanc remissio-
nem vergere in detrimentum rerũ
pupilli, tunc enim iudex volunta-
tem testatoris minimè sequi debet.
per text. *in l. in confirmando. ff. de*

confir. tutor. Et *l. vtilitatem. ff. eodem.*
Vbi IC. Triphoninus vtilitatem pu-
pillorum prætorem sequi debere,
non scripturam testamenti vel co-
dicillorum ait. Et *in l. i. §. i. ff. vbi pu-
pill. educari deb. in verbis; Et nonnun-
quam à voluntate patris recedit præ-
tor. id ipsum habetur.* Sed etiam si *
inter sit pupilli, ne fortè patrimo-
nium & facultates ipsius omnibus
pandantur, per text. *in l. fin. Cod. de
alim. pupil. prestand.* Vbi dicitur,
quod tutor suo arbitrio possit ale-
re pupillum & sic non confecto in-
uentario. Et est ratio. * Ne videli-
cet secreta patrimonii, & suspectũ
7 æs alienum, quod melius est inte-
rim taceri, quàm cum de modo bo-
norum quaritur, vltro proferri, &
contra vtilitatẽ pupillorum apud
acta ius dicentis designari. *Nihil
enim (vt in l. 2. C. quan. & quib. quar.
pars deb. habetur.) tam durum, tãq̃
inhumanum est, quàm publicatione,
pompaq̃ rerum familiarium, pauper-
tatis detegi vilitatem, & inuidia ex-
ponere diuitias.* Et ideo in Curia etiã
Regali in causa cuiusdam Zaleski
cõtra Czorn, & Ielonek Ciues Leo-
polienses, Anno 91. tutores ob nõ
confectionem inuentarii. ex hac
ratione quod rebus pupillorum eo
modo consultum fore putarent,
absolutos fuisse constat. Hinc ita-
que satis liquidò patet, posse non-
nun-

nunquam tutores citra omnē doli
suspicionem, ob iustas & pupillo
vtilēs causas, inuentarii confectio-
nem impunē omittere. Nam &
text. in d. l. tutor. 7. in pr. ff. de admin.
tutor. id ipsum innuere videtur his
verbis: *Nisi forte aliqua necessaria, &*

- 8 *iustissima causa allegari possit cur in-*
uentarium factum non sit. Quod * e-
tiam iure Saxonum obtinet: quini-
mò, si tutor absque legitima causa
non confecto inuentario, tutelæ se
ingerat, non solum in litem aduer-
sus eum iuratur, sed etiam vniuer-
sale æs alienum, etiam si non sup-
petant bona pupillaria, soluere te-
netur, per text. Sp. Sax. lib. 1. arti.
9 6. & artic. 25. Obiter autem * tuto-
res hic admonitos esse velim, vt
circa confectiōē inuentarii cautē
admodum agant, ne dum minus
benē quantitatem patrimonii pu-
pillaris perpendunt, plus in inuen-
tario adscribentes, quā reuera
sit, suo damno id facere cogantur,
iuxta d. l. fin. C. arbitr. tutel. Nemo
enim (vt ibidē Imp. Iustin. tradit)
homo tam simplex, imò magis stultus
inuenitur, vt in publico inuentario
scribi contra se aliquid patiatur.

OBSERVATIO LIX.

De rationibus administratę tutelę.

S V M M A R I A.

1. Tutor regulariter non nisi finita tu-
tela, rationes administratę tutelę
reddere tenetur.
2. Tutor ante finitam tutelam in qui-
bus casibus conueniri possit.
3. Iure Sax. tutor singulis annis ratio-
nem administratę tutelę reddere
tenetur.
4. Rationes administratę tutelę etiā
Magistratus percipere potest.
5. Naturales tutores rationem redde-
re non tenentur, neque satisfacere.
6. In actionem tutelę quid veniat.
7. Res pupillares casu amissas iura-
mento probare debet.
8. Tutela quibus modis finiatur.
9. Tutela & cura quando confun-
dantur.

Quamuis regulariter * tutor ra-
tiones administratę tutelę nō
nisi finita tutela reddere teneatur;
per claros admodum text. in l. nisi
finita. 4. ff. de tut. & rat. distr. in ver-
bis: *Nisi finita tutela sit, tutela agi nō*
potest. Et in l. rationes. 14. C. eod. Ab-
surdum enim esset, rationem ad-
ministrationis ab eo reposci, qui
etiamnum in ea perseveraret, per
text. in l. si tutor. 9. §. 4. ff. de tutel. &
ration. distrab. Quod item locum ha-
bet in Curatore, vt est text. in l. ad-
uersus. 2. ibi: *Aduersus curatorem a-*
dolecen.

*dolescentis, cui collega dati estis, quam-
diu administratio communis durat,
exerceri iudicium non potest. C. de ad-
min. tut.* prout etiam in Curia inter
Shorzynski, & Scabinos Wieliciē-
ses, Anno 96. feria sexta post festū
Cōceptionis B. Mariæ Virginis pro-
nunciatum est: attamen multi tex-
tus in iure reperiuntur, qui tutorē
etiā stante tutela conueniri posse,
innuere videntur, vt in glossa *d. l.
aduersus*. videre licet. Quæ hanc
antinomiam huiuscemodi distin-
ctione conciliari posse tradit. Aut
enim * (inquit) tutor vel curator
ante susceptam tutelam, vel curā,
ex quocunque contractu aut deli-
cto pupillo obligatus est, & eo ca-
su potest etiam durante illius offi-
cio conueniri, & alius curator pu-
pillo ad litem dari solet, per text. in
§. fin. Instit. de author. tutor. Aut ob-
ligatus est post susceptū onus tu-
telæ; tunc durante tutela nulla da-
tur pupillo actio aduersus tutorē,
per iura supra allegata. Aliæ verò
actiones quæ incidunt in admini-
strationem tutelæ, vt potè furti,
damni, iniuriæ, & similes, etiamsi
durante tutela nascantur, non ta-
men intentari possunt, dum tutor
gerit tutelam, per textum in *l. sed
non dantur. 10. ff. de tutel. §. rat. distr.*
vbi dicitur: quod actiones aliæ præ-
ter actionem tutelæ, et si aduersus tuto-

rem durante tutela cōpetant; attamen
non dantur pupillo, dum tutor tutelā
gerit. Quamuis alii dicant, etiam
has intentari posse tempore admi-
nistrationis tutelæ, non quidem à
pupillo, sed à curatore in litem illi
dato, quod glossa in *d. l. sed non dā-
tur.* omnino improbat. Sed hæc
omnia iure Saxonum longe aliter
se habent. Nam * hoc iure, si ali-
us sit tutor pupilli, alius verò suc-
cessionem eius expectet, gerens
tutelam singulis annis calculum
administrationis ei, ad quem suc-
cessio pupilli spectat, reddere tene-
tur, per textum *Sp. Sax. lib. 1. artic.
28. ibi: Tutor verò pueri heredibus
percepta singulis annis tenetur compu-
tare, & ei veleis satisfacere, id est cau-
tionem facere, quod pupillares res ab
eo non prauè consumantur, quamdiu
puer in aetate consistit pupillari. Sapius
enim accidere solet de iure, alium esset
tutorem, & alium heredem. Quod
etiam confirmat textus iuris Mu-
nicip. art. 49. ibi: Ex bonis etiam
puerorum de anno in annum rationē
facere tenebitur, tamdiu quoad verus
tutor prouisioni intendere valebit, vel
illi suos attingant annos. Possunt
autem * non solum propinqui pu-
pillorum, sed etiam Magistratus,
rationes à tutoribus præsertim da-
tiuis, quotannis repetere, iuxta
quod in Curia etiam Regali inter
Annam*

Annam Suvvierzczewvskā & Cze-
chovvicz, Ciues Drohicenses,
Anno 96. feria sexta post festum
SS. Corporis Christi: Et inter Kiel-
czewvski, & successores Sebastia-
ni Stano, ciues Lublinenses, Anno
quo suprà, infrà Octauas Corpor-
is Christi iudicatum est. Exceptis

5 * tamen naturalibus tutoribus,
quos expectatio successionis pu-
pillorum manet. Nam hineq; ra-
tionem reddere, neque satisfacere
coguntur, per textum Sp. Sax. lib.
1. artic. 23. & iur. Municip. artic. 26.

6 Porro * in actionem tutelæ veni-
unt ea omnia, quæ fecit tutor, cum
facere non deberet, ut inquit Vlp.
in l. 1. in pr. ff. de tutel. & ratione
distr. Præstare siquid debet doli,
culpā, & quantā in rebus suis dili-
gentiā, ut notat gloss. d. art. 23. per
text. d. l. in pr. Et certè ex præscri-
pto legū, etiam pecunias pupillares
intra sex mēses in vsuras collocare
tenetur, per textum in Nouella Cō-
stit. 73. Quod quā graue sit &
periculosum, quis non videt? Si

7 tamen * huiusmodi pecuniæ, &
aliæ res pupilli absq; culpa & ne-
gligentia tutoris perierint, æquita-
tis ratio dicat, ut tutor de eo non
teneatur, sed vnica manu iuramē-
to se expurget, quod & textus iu-
ris Municipalis artic. 26. satis clarè
innuere videtur his verbis: *Adue-*

niente tempore pubertatis easdem scilicet pecunias cum omnibus perceptis reddat, nisi probauerit ipsas in utilitatem eorum se impendisse, vel absq; sua culpa violenter & casu fortuito easdem perdidisse.

Quod Curia eti-
am Regalis tenet, & ita inter
Waczlavvovvicz, & Vrsulam
Zynganti vxorem, Anno 96. Sab-
bato ante festum S. Agnetis, nec
non in causa hæredū Iacobi Krai-
na, & Erasmus Czipsar Anno 91.

pronunciatum fuit. Cæterum * tu-
tela finitur multis modis. Et primo
quidem finitur pubertate, consti-
tutis nimirū curatoribus, ad quos
omnia negotia pupillorum perti-
nere dignoscuntur, per expressum
textum in pr. instit. quib. mod. tut.
fin. Quamuis * ex generali quadā 8

9 ubiq; locorum suscepta consue-
tudine, officium tutoris & curato-
ris confundi soleat, ita ut qui se-
mel legitimi tutores dati sunt, iidē
etiam curatores permaneant, vq;
ad legitimam ætatem adultorum,
puta 25. annos, secundum ius ciuile,
ut in pr. Instit. de Curat. vel secun-
dum ius Saxonum 21. annos, ut
gloss. iur. Municip. artic. 26. notat.
Quod non omninò rationi dissonum
esse videtur. Tutela enim &
cura non magnam inter se habent
differentiam, ita quod appellatione
tutoris veniat etiam curator,
per

per singularem text. in l. pater Seuerinam. §. conditionum verba. ff. de condit. & demonstrat. Secundo finitur tutela morte, vel capitis diminutione vtriusq; , puta si tutor vel pupillus in seruitutem redigatur, aut alteri se arroget. Deniq; si ex certis causis tutor à tutela remoueatur, vel si ad certum tempus datus sit, toto tit. Instit. quib. mod. tutel. fin. quæ glossa etiam iur. Municip. d. art. 26. copiosius recenset.

OBSERVATIO LX.

Tutorem habenti an alius tutor dari possit.

S V M M A R I A.

1. Tutorem habenti tutor dari non potest.
2. Vno tutore renunciente, alius dari potest.
3. Tutores pupillis quæ personæ petere cogantur.
4. Mater & auia præferuntur omnibus tutoribus præter testamentarios.
5. Fæminæ ab omnibus officijs Ciuilibus arceri debent.
6. Auia & mater quibus casibus ad tutelam admittantur.
7. Mater conuolans ad secundas nuptias, à tutela & educatione liberorum remouetur.

8. Mater inhonestè viuens remoueri potest à tutela.

9. Tutores sunt aut testamentarij, aut legitimi, aut datui.

Regula iuris est: Tutorem* habenti tutor dari non potest, per textus in l. licet. 4. in prin. C. in quibus casibus tutela vel curat. hab. & c. Et in l. cum iure. 9. C. qui pet. tut. vel curat. Et est ratio, quia tutor habet potestatem in personam & res pupilli, quam alius superueniens inuito eo habere non potest. Si tamen* prior aut reiiciat tutelam, 2 aut se indignum faciat hoc munere, non est dubium, quod alius à Magistratu, ad postulationem eorum, quibus id incumbit, dari possit, toto tit. ff. & C. qui petant tut. vel curat. Et in curia Regali in causa successorum Bolemovvski cōtra Kurzelovvitam ciuem Sandomiriens. Anno 96. die 10. Octobris: tum & in causa Ioannis Sczipierski, cū successoribus Alberti Gnatovvski, ciuium Zakroczymentium, Anno 99. post Octauas ss. Corporis Christi, iudicatum fuisse memini. Sunt autem* quædā personæ, quæ necesse habent pupillis petere tutores; alioquin aut lucro priuantur, aut puniuntur, vt est mater, & liberti. Mater enim expellitur à legitima filii hæreditate, 3
Y 2 quasi

- quasi existēs indigna accipere hæreditatem legitimam, negligens ei constitui tutorem. Liberti autem ex his causis accusati, apud præsidem puniuntur, vt emendentur, si apparuerint, vel propter negligētiam vel propter malitiam non petiisse. Reliqui verò cognati pro arbitrio, & voluntate petunt, vt est textus in l. 2. ff. qui petant tut. vel curat. Verum quæ ratione id fiat,
- 4 vt mater, * quæ alias omnibus tutoribus tam legitimis quam datuiis, solis testamentariis exceptis, præfertur, vt in textu auth. matri & auia. C. quando mulier tut. off. fungi pot. habetur, tutores nihilominus liberis petere teneatur? fortè quis dubitare posset: Ac proinde vt res clarius fiat, sciendum est, mulieres regulariter onus tutelæ subire non posse, eò quod tutela minus sit virile, vt patet ex l. 1. dicto tit.
- 5 quand. mulier tut. off. Fæminæ * verò ab omnibus officiis ciuilibus & publicis arceri debent, l. 2. ff. de reg. iur. Mulieres enim naturalis pudor non omnibus perperam scēse manifestare concedit, vt in l. optimam. 14. C. de cont. stipul. Imp. Iust.
- 6 tradit. Mater * tamen & auia excipiuntur, quamuis mater non aliter olim tutelam liberorum suorum suscipere poterat, quàm secundis nuptiis iuramento renunciaret, vt

videre est in textu d. auth. matri & auia. cuius hæc sunt verba: *Matri & auia secundum ordinem tutelam, etiam ante agnatos subire permittimus, si inter gesta nuptijs alijs, & SCti Velleiani auxilio renunciauerit; solis testamentarijs tutoribus eas precedentibus, legitimis & datuiis postpositis.* Sed hoc iuramentū tanquam minus honestum, iure nouissimo omnino sublatum est. per auth. Sacramentum. his verbis: *Sacramentum quidem non exigetur, sed contractis secundis nuptijs, expelli eā à tutela conuenit, salua minoribus omni alia (prout iuris est) cautela. d. tit. C. quan. mul. tut. off. fung. Quod item in auth. eisdem. C. de secund. nupt. repetitur.* Vnde * manifestè liquet, quod mater conuolans ad secundas nuptias, propter quas, vt Imp. Iust. No. Consil. 22. cap. 4. tradit, contristatur anima defuncti, non solum à tutela, sed etiam ab educatione liberorum suorum, remoueri possit, per textum in l. 1. in verbis: *Educatio pupillorum, nulli magis quam matri eorum, si non vitricum eis induxerit, committenda est. Quando autem inter eam & cognatos & tutores super hoc orta fuerit dubitatio: aditus præses prouincia inspecta personarum qualitate, & coniunctione perpendet, ubi puer educari debeat. C. ubi pupil. educ. deb. Quod multo*

8 multo magis * dicendum est, quādo inhonestè luxurioseue viuit, vt not. gloss. in d. auth. *Sacramentū* in verb: *contractis secundis*. Ne videlicet plus habeat priuilegii turpitudine mulieris, dum impudicè viuit, quā habet castitas, dum honestè nubit, per textum in *Nouella Constit. 39. c. 2.* in verb: *Non enim aliquid ampli⁹ habebit castitate luxuria*. Obiter * autē notandum est, tutores alios dici testamētarios, alios legitimos, alios denique datiuos. Testamentarii propriè dicuntur, qui à defuncto patre in testamento liberis constituuntur. Lege etenim 12. tabularum permissum erat parentibus, vt liberis suis, quos in potestate habent, tam masculini quā foeminini sexus, tutores dare possent, vt videre est in l. i. ff. de *testam. tutela*. Qui præferuntur etiā matri & auīæ, vt supra dictum est. Et in Curia in causa cuiusdā Karcz tutoris testamentarii, Francisci Woinarov vicz, contra Agnetem Woinarov va, ciuium Leopoliensium Anno 91. pronunciatum fuit. Legitimi verò dicuntur agnati, quibus parente intestato mortuo, defertur tutela, vt patet ex l. *intestato*. & l. *legitimos*. ff. de *legit. tut.* Datiui denique sunt, qui à magistratu deficientibus testamentariis & legitimis dantur. l. 2. & *sequentib.* ff. de *tut.*

& curat datis ab his qui ius dādi hab
vbi etiam plura de tutoribus cognoscere licet, quod & glossa iuris Municip. arti. 26. vers. unde tutor. latissimè tractat-

OBSERVATIO LXI.

Antutor res pupilli alienare possit.

S V M M A R I A.

1. *Tutores res pupillorum sine decreto iudicis alienare non possunt.*
2. *Tutor quas res pupilli alienare queat.*
3. *Iusta causa in alienatione bonorum pupilli requiritur.*
4. *Decretum in alienatione bonorum pupilli necessarium est.*
5. *Authoritas veri tutoris in alienatione bonorum pupilli interuenire debet.*
6. *Pupillus quibus modis res à tutore alienatas consequi possit.*
7. *Beneficium in integrum restitutionis pupillo quando detur.*
8. *Rei vindicationem intra quod tēpus pupillus instituere debeat.*
9. *Adulti etas Iure Saxonum quanto temporis spacio censeatur.*

Indubitati iuris est, quod * tuto-
res res & bona pupillorum sine decreto iudicis vendere, aut alio quouis modo alienare nō possunt,

vt videre est in oratione D. Seueri Imperat. quæ in l. 1. ff. de rebus eor. qui sub tut. vel cura sunt, non alien. ponitur his verbis: Præterea patres conscripti interdiciam tutoribus vel curatoribus, ne prædia rustica vel suburbanâ distrabant, nisi vt id fieret, parētes testamento vel codicillis cauerint.

Quod si forte æs alienum tantum erit, vt ex rebus exteris exolui non possit, tunc Prætor Urbanus vir clarissimus adeatur, qui pro sua religione æsimet, quæ possint alienari, obligari uē debent; manente pupillo actione, si postea potuerit probari, obreptū esse Prætori. Si communis res erit, & socius ad diuisionem prouocet, aut si creditor, qui pignori agrum à parente pupilli acceperit, ius exequetur, nihil nouandum censeo. Quamuis enim hic de prædiis & rebus soli tunc tantummodo agatur, posteriores tamen Impera. ad omnes omnino res pupillorum hoc rescriptum extendi voluerūt, vt videre est in l. lex quæ. 22. Cod. de

2 admin. tut. Exceptis * iis rebus quæ seruando seruari nō possunt: quales sunt vestes detritæ, & superuacua animalia, per text. l. fin. C. quād. decreto opus non sit. Necesse est itaq; vt in alienatione rerū minoris tria 3 concurrant potissimum. Primò * iusta & necessaria causa, qualis est æs alienum pupilli, quod aliunde solui non possit, nisi distractis

illius rebus, per express. text. in l. ob as. 12. C. de præd. & alijs reb. minor. non alien. Quod glossa ibidem producit ad similes causas, vt potēdotem, donationem propter nuptias, famem & inopiam alimentorum, non solum ipsius pupilli, sed etiam coniunctarum personarum; item sterilitatem fundi, si videlicet ita sterilis sit, vt nullos omnino aut valde exiguos fructus faciat, & plus incommodi quàm cōmodi adferat, per text. in l. si fundus. pen. ff. de reb. eor. qui sub tut. non alien. Quibus ad stipulatur etiam gloss. iur. Municip. art. 20. vbi octo ferè casus, quibus alienatio rerum pupillarium à iure est permissa, recensentur. Secundò * requiritur 4 decretum magistratus, qui iustanc & legitima causa distrahendi sub sit, an non, cognoscat, per text. in l. si quidem. 11. dict. tit. C. de præd. minor. Tertiò * necessaria est authoritas veri tutoris. toto tit. ff. de autor. tut. Et per express. text. in l. ult. ibi: Sin autem minoris fortè persona fuerit inserta, necesse sit legitima defensionis, id est tutoris venditioni personā adesse. C. si propter publ. pensit. vend. fuer. celeb. Horum verò aliquo deficiente inualida & prorsus nulla est alienatio. habetq; * minor eo 6 nomine non solum tutelę personalem actionem aduersus tutorem,

vt toto

vt tototit. ff. de administrat. tut. vide-
re licet, sed etiam rei vindicationē
ad res suas à quocunque possessore
reuocandas, per text. satis cla-
ros, in l. magis puto. s. s. pen. in ver-
bis: *Manet actio pupillo, si postea pro-
bati poterit, obreptum esse pratori, sed
videndum est, utrum in rem, an in
personam dabimus ei actionem, &
magis est, ut in rem detur, non tantū
in personam, aduersus tutores vel cu-
ratores, dicto tit. ff. de reb. eor. qui sub.
tut.* Et in l. 10. in verbis: *Prædiorum
quæ sine decreto alienata sunt, domi-
nium tibi persequenti præses opem fe-
ret. dict. tit. C. de præd. minor.* Et hac
dere in Curia in causa successorū
cuiusdam Bolemovski, contra
Kurzeloovitam ciuē & pharmo-
copolam Sandomiriensē, Anno 96.
die x. Octobris, disputatum fuisse
memini, utrum videlicet personali
actione potius, quam rei vindica-
tione, pupilli ca, quæ à tutoribus
alienata sunt, consequi debeant.
7 Quinimò * etiam si supra dicta om-
nia circa alienationem rerum mi-
noris interueniant, si tamen is po-
stea maior factus læsum se esse do-
ceat, in integrum restitutionem lo-
cum habere, text. in l. siquid. 11. d.
tit. C. de præd. minor. testatur his
verbis *Si verò iure interposito decreto
venditionem vili pretio eius possessio-
nis, cuius vires ignorabat, fecit iuxta*

*perpetui edicti auctoritatem, in inte-
grum restitutio, causata tamen cognita,
probetur.* Acq; ita in Curia Regia in-
ter prædictum Kurzeloovitam, &
dictos Bolemovski successores,
tum temporis iudicatum memini.
Quod nihilominus ita verum est,
nisi pupillus maior factus, ratam
habuerit huiuscemodi alienatio-
nem, idq; aut expressè, vt videre
est toto tit. C. si maior fact. alien. fact. a
sine decret. rat. hab. aut tacitè, si ni-
mirum intra vigesimum nonum
annum, hoc est, quadriennio post
completos xxv. annos (quæ iure
ciuili perfecta & legitima ætas dici-
tur, vt videre est toto tit. ff. de minor.
25. annis) non vtatur hoc benefi-
cio in integrum restitutionis, per
text. in l. fin. ibi: *quadriennium con-
tinuum tantū modo numerari ex die,
ex quo annus utilis currebat, qui in-
cipit currere, ex quo vicesimi sexti an-
ni dies illuxerit. Cod. de tempor. in in-
tegr. restit.* Ad * ordinarium illud rei
vindicationis beneficium nequa-
quam tantò temporis intervallo
amittitur, sed in causis onerosis to-
to quinquennio, in lucratiuis verò
inter præsentis decennio, inter ab-
sentes vicennio, post impletos vi-
ginti quinque annos consumitur,
per express. text. in l. fin. C. si maior.
fact. alien. fact. sine decret. rat. hab.
De iure verò Saxonum * quia per- 9
fecta

fecta & adulta ætas censetur, cum quis compleuit vigesimum primū annum, vt patet ex textu Sp. Sax. lib. 1. artic. 42. in verbis: *Post vigesimū unum annum homo discretionis attingit annos*; idcirco consequens est, quod etiam hoc iure beneficium in integrum restitutionis ultra vigesimum quintum ætatis annum completum durare non possit. Quamuis enim in iure Saxonico de restitutione in integrum nihil omnino habeatur; attamen æquitatis ratio suadet, vt quando pupillus per vindicationem (quæ iuxta præscriptum iuris Saxonici intra annum & diem, post completum decimum quartum ætatis annum intentari debet) res sine decreto à tutore alienatas repetere neglexit, eo remedio illi subueniatur, & ad ius ciuile recursus fiat. Semper enim eatenus obseruari debet ius commune, donec statuto contrarium sit expressum, vt supra *obs. de donat. inter vir. & vxor. num. 7.* dictum est.

OBSERVATIO LXII.

Vtrum tutore contra pupillum actio dari possit.

S V M M A R I A.

1. Tutor in rem suam obligare pupil-

lum, aut res pupillares emere non potest.

2. Pupillus tutore ex administratione tutelæ obligatur.

3. Officium nemini damnosum esse debet.

4. Nemo cum alieno damno locupletari debet.

5. Tutela iudicium est bonæ fidei.

6. Tutor expensas in litem pupilli nomine factas quando repetat.

7. An ea, quæ tutor negotijs pupillaribus impeditus lucrari non potuit, in actionem tutelæ veniant.

8. Tutor usuras, quas in rem pupilli impendit, consequitur.

SED an tutore aduersus pupillum si quid fortè de suo in res ipsius impendat, contraria tutelæ actio competat, consequenter quæri potest? Et quamuis regulariter sine tutoris auctoritate pupilli non obligentur, nec * in rem suam obligare tutor pupillum, aut res pupillares etiam per interpositam personam emere possit, per text. Sp. Sax. lib. 1. art. 24. attamen * receptum est, vt tutore suo pupillus ciuilitè obligetur ex administratione scilicet tutelæ. Prouocandi etenim (vt inquit Vlp. in l. 1. in pr. ff. de contr. tut. & util. act.) fuerant tutores, vt promptius de suo aliquid pro pupillis impendant, dum sciunt se recepturos id, quod impen-

impenderint. Nimis siquidem durū
esset, tutorem contra suam vtilita-
tem pupillo prouidere debere, te-
ste gloss. *in l. quicquid. C. arbitr. tutel.*
3 Quinimò * rationi atque æquitati
minimè congruit, vt officium tu-
toris debeat illi esse damnosum,
per text. *in l. 7. ff. quemdm. testam.*
4 *aper.* Vel * vt pupillus cum alieno
damno locupletetur, per text. *in l.*
iure natura. 206. ff. de reg. iuris. Et
ideo in Curia Regali, in causa Wa-
czlaw vov vicz tutoris, contra Vr-
sulam vxorem cuiusdam dicti Zy-
ganti, Anno 96. Sabbato ante festū
S. Agnetis, solutio eorum, quæ tu-
tor bona fide in negotia pupillæ de
suo exposuerat, iniuncta est. Cum
5 autem * hoc iudicium sit bonæ fi-
dei, vt notant DD. *in l. Sancimus.*
28. C. de admin. tuto. meritò etiam
non nisi ea, quæ bona fide à tutore
sunt gesta, vel exposita, hoc iudi-
cio repeti possunt. Proinde * si lites
6 iniustas minusq; necessarias faci-
ant, expensas eo nomine nequa-
quam reputabunt, per expressum
textum *in l. non est ignotum. 6. his*
verbis: *Non est ignotum, tutores*
vel curatores adolescentium, si nomi-
ne pupillorum vel adultorum scientes
calumniosas instituant actiones, eo no-
mine cōdemnari oportere, ne sub præ-
textu nominis eorum propter suas si-
multates; secure lites suas exercere

posse existiment. Cod. de admin. tut.
Sed si bona fide lites moucant, eti-
amsi causa postmodum cadāt, ni-
hilominus iustum est, vt sumptus
in eam factos percipiant. Sufficit
enim tutori, benè & diligenter ne-
gotiagessisse: etsi euentū aduer-
sum habuit quod gestum est, per
text. *in l. quid ergo. 3. §. 7. ff. de*
contr. tut. & vtili act. Licet etiam
hoc casu, si plus futurum sit in per-
sequendo detrimenti, quam in ob-
tinendo emolumenti DD. existi-
ment, tutore nullomodo sumptus
petere posse, arg. *l. mediterranea.*
9. C. de ann. & trib. lib. 10. ibi: Vt
plus haberet dispendij translatio, quam
deuotionis illatio. Ac præterea * in 7
hanc actionē venire etiā ea, quæ tu-
tor pupillaribus negotiis impeditus
lucrari non potuit, DD. *in d. l. quic-*
quid. 7. C. arbitr. tutela. notāt. Nā
* & vsuras eius pecuniæ, quam in 8
rem pupilli iuste & legitime impen-
dit, consequetur, per textum *l. 3.*
§. 1. & sequ. ff. de contr. tut. & vtili
actione.

OBSERVATIO LXIII.

De testamentis.

S V M M A R I A.

1. Pater in Testamento num vni libe-
rorum plus quam alteri relinquere
possit.

Z

2. In-

2. Inæqualitas causa est discordiæ.
3. Pater legitimam cuiuslibet filiorum relinquere debet.
4. Liberis etiam secundi matrimonij plus potest relinquere pater, quam ex priore matrimonio procreatis.
5. Inæqualitas inter liberos quando locum habeat.
6. In testamento quæ solennitates requirantur.
7. Testamentum etiam minus solenne inter liberos locum habet.
8. Testamentorum duo genera in iure reperiuntur.
9. In condendis testamentis consuetudo spectari debet.
10. Testamenta domi ab ægrotis plerumq; fieri solent.
11. Testamenta de bonis immobilibus fieri non possunt.
12. In legato ad pias causas testamentum etiam minus solenne valet.
13. Princeps ex plenitudine potestatis supplere potest solennitates testamēti.
14. Statutum Regni, quod Rex ad ægrotos mittat.

IAM verò ut de testamentis quædam adiiciantur, huius operis postulare videtur ratio. Quæ in re non inelegans primum sese offert quæstio. Vtrum * videlicet pater vni filiorum plus quam alteri in testamento designare aut legare possit? Et quamuis naturali ratione

inspecta, pater inter filios æqualitatem seruare debeat, ut potè qui etiam intestato parenti æquo iure successuri essent, per textum in *l. inter filios. 11. C. fam. l. ercisc. & auth. in successione. C. de suis & legit. hered.* Inæqualitas * enim (experientia 2 teste) perpetua causa discordiæ est, verumtamen explorati iuris est, patrem in testamento vni filiorum plus quam alteri, relinquere posse, dummodo * legitimam qui 3 libet illorum consequatur, per expressum textum in *l. parentibus. C. de inoff. testam.* cuius hæc sunt verba: Parentibus arbitrium diuidenda hereditatis inter liberos adimendū non est; dummodo non minus is, qui pietatis sibi conscius est, partis, quæ intestato defuncto potuit ad eum pertinere, quartam (quæ legitima appellatur) ex iudicio parentis obtineat. Quinimo * etiam filiis secundi 4 matrimonij potest pater plus relinquere: quam filiis ex priore matrimonio procreatis, per express. text. in *auth. de nuptijs. c. illud quoque.* Proinde * non obstant iura 5 supra allegata de æqualitate inter liberos seruanda: Hæc enim ita demum locum habent, si expressa voluntas patris testantis in contrarium non appareat, *arg. auth. testamento. in verbis: ita demum si parens hoc designauit expressim. C. fam. l. ercisc.*

ercisc. Et hoc est, quod etiam Imperator Leo in l. *ut liberis.* 17. his verbis: *Ut liberis tam masculini quam feminini sexus, siue sui iuris, siue in potestate constitutus, quocumque iure intestata successionis, id est, aut testamento penitus non condito, aut si factum fuerit, contra tabulas bonorum possessione petita, vel in officiosi querela rescisso, æqua lance parique modo prospici possit.* C. de coll. tradit. Unde manifestè liquet, quod in dubio, quando videlicet succedunt ab intestato, æqualitas inter liberos seruari debeat, secus quando ex testamento, in quo voluntas testatoris in contrarium expressa inuenitur. Ac insuper * licet in condendis testamentis certæ solennitates, ut potè præsentia septem testium, subscriptio ac sigillatio eorundem, & testatoris, atque alia, quæ in l. *hac consultissima.* 21. C. de testam. tradita sunt, requirantur; attamen

7 * inter liberos etiam minus solenne testamentum, saltem coram duobus testibus locum habet, per expressum textum in d. l. *hac consultissima.* in verbis: *Ex imperfecto autem testamento voluntatem tenere defuncti, nisi inter solos liberos à parentibus utriusque sexus habeatur, non volumus.* Et hoc in testamento quoque nuncupatio Interpretes iuris procedere aasserunt. In iure e-

nim * Ciuili duo potissimum genera testamentorum reperiuntur, ut in l. *patris.* 20. §. 1. ff. de vulg. & pup. subst. videre est. Vnum, quod fit scriptis coram septem testibus ad id rogatis, qui ut semper adsint scriptioni ipsius testamenti, non est necesse, sed tantum ut audiant à testatore, hanc esse ipsius voluntatem, per d. l. *hac consultissima.* Alterum dicitur nuncupatiuum, quod fit viua voce sine scripturæ solennitate, cum videlicet testator coram septem testibus vltimam aperit suam voluntatem, quamuis id in scripturam quoque redigi possit, ut in d. l. *hac consultissima.* §. *per nuncupationem.* habetur. Cæterum * in condendis testamentis consuetudo cuiusque loci maxime verò domicilii ipsius testatoris spectanda est, per text. in l. *si non speciali.* C. de testament. Et huiusmodi testamentorum ubique locorum, etiam extra illud territorium, in quo conditum est, valet, ita ut ex eo bona ubicunque locorum sita, ab hærede in talitestoamento scripto, peti possint. Semper enim in his quæ solennitatem aliquam requirunt, id sequimur, quod in regione, in qua actum est, frequentatur, per textum in l. *semper.* 34. ff. de reg. iur. Et textus Sp. Sax. lib. 1. art. 30. expresse testatur, quod hæreditas secundum

iuraloci, in quo sita est, adiri debeat. Quod Curia quoque inter Knaust actorem, & Dackkouios citatos, Anno 96. feria quarta ante festum SS. Simonis & Iudæ Apostolorum, & in causa successorum Ioachimi Płonski & Płonska, Anno 1600. feria quarta post festum conuersionis Sancti Pauli Apostoli sequi voluit. Solet autē * plerumque fieri testamentum ab ægroto domi, conuocato ad hoc legitimo Magistratu. Ea enim quæ voluntariæ sunt iurisdictionis, vt est factio testamenti, etiam extra locum iudicii, coram iudice, vel magistratu gesta, non secus intelligenda sunt, ac si coram iudicio, & apud acta gesta essent, arg. l. 1. ff. de off. consul. Secus est in illis quæ sunt iurisdictionis contentiosæ, & cognitionem requirunt. Nam in his locus publicus iudiciis destinatus seruari debet, per expressum textum in l. pen. in verbis: *Vbicunq; prætor salua maiestate imperij sui, saluoq; more maiorum, ius dicere constituit, is locus recte ius appellatur.* ff. de Instit. & iure. Sanè quantum attinet testamenta, nulla lex demonstrari potest, quæ illa apud acta publica, in publicoque loco fieri præcipiat, sed tantum vult testamenta iudicio offerri, & quamuis priuatim sint confecta, actis publi-

cis insinuari, per text. in l. testamentaria omnia. 18. C. de testam. Nam & ratio æquitatis id ipsum suadet, propter infirmos, qui testari volentes, in publicum prodire non possunt. Et ideo Magistratus semper curare debet, vt tam ipse, quam testes præsto adsint testari volentibus, vt in textu l. curent. 22. ff. de test. disponitur. At iura Sax. tam Prouinciale, quam Municipale, de rebus immobilibus testamenta fieri non posse disponunt. Nam iuxta præscriptum istorum iurium, alienationes bonorum immobilium coram iudicio bannito fieri debent, per text. Sp. Sax. lib. 1. artic. 21. & supra observation. de donat. omnium bon. copiosius dictum est. Excepto * legato ad pias causas, prout in Curia in causa Advocati & Scabinorum Ciuitatis Camenecensis, contra seniores artis factoris, ciuitatis eiusdem, Anno 91. pronunciatum est. Summa etenim ratio est, quæ pro religione facit, vt in l. sunt personæ. 43. ff. de religios. & sumpt. funer. habetur. Nec obstat quod D. olim Regi Stephano, in causa Petri Sucholevski, ciuis Warsslovviensis, contra Dorotheam Antonii Casimiri relictâ. Anno 83. Sabbato in crastino festi Sanctæ Mariæ Magdalensæ, testamentum de bonis immobilibus in præsen-

13 praesentia testium ab ægroto domi
conditum, saltem coram Secreta-
rio Regio recognitum, & adiudi-
cium bannitum transmissum, ap-
14 probare visum fuerit. Id enim * ex
plenitudine potestatis, & authori-
tatis suæ Regiæ (qua alia omnia
iudicia & subsellia constant) se
fecisse testatur. Omnium siquidem
(vt inquit textus in l. omnium 19. C.
de testam.) testamentorum solenni-
tatem superare videtur quod insertum
mera fide precibus inter tot nobiles,
probatasq; personas, etiam conscientia
14 principis tenet. Hinc * illud profe-
ctum esse videtur, quod in Regno
observatur, vt Rex ad homines e-
questris ordinis ægrotos, de rebus
quibuscunq; disponere volentes,
mittendi habeat facultatem, illud-
que quod coram delegato Regis
recognitum est, adeo firmum atq;
validum censeatur, ac si iudicio a-
ctisq; publicis insinuatum esset;
proue in Statuto Regis Sigismundi
Augusti Anno 1550. Petricouia
lato, videre licet.

OBSERVATIO LXIV.

Collatio bonorum inter hæredes
an de iure locum habeat.

S V M M A R I A.

1. Liberi in diuisione hereditatis à

parentibus percepta conferre te-
nentur.

2. Ea quæ ex testamento ad liberos
perueniunt, non veniunt in bono-
rum collationem.
3. Falcidia quæ dicatur.
4. Militiæ causa à parentibus data,
an conferri debeant.
5. Lucrum quid propriè dicatur.
6. Dignitatis adipiscenda causa per-
cepta num conferantur.
7. Emancipati liberi, iure Saxonum
bona conferre tenentur.
8. Arma bellica non veniunt in bo-
norum collationem.
9. Sumptus in studia filiorum à patre
facti, & ornamenta muliebria filia
comparata, bonorum collationi non
subsunt.
10. Dos & donatio ante nuptias ve-
niunt in collationem bonorum.
11. Emancipatio eximit liberos ex
patria potestate.
12. Emancipatio quibus modis fiat.

Svpra dictum est, quod pater in
testamento vni liberorum plus,
quàm alteri, assignare possit; Num
verò ea, quæ à patre viuente libe-
ri perceperunt post mortem de in-
de patris, cæteris cohæredibus cõ-
ferri debeant, quæri non incom-
modè potest. Regulariter quidem
* liberi omnia à parentibus perce-
pta, in diuisione hereditatis con-
ferre

ferre tenentur, *tototit. ff. & C. de collat. bonor.* Vult enim lex liberos defuncto æquis portionibus succedere, per text. in *auth. nouissima. C. de inoff. testam. & Nouel. 18. c. 1.* Veruntamen ea locum obtinent in his, quæ à viuis parentibus liberi sunt consequuti, secus est in his, quæ ex testamento ad eos perueniunt. Hæc enim iure ⁶ proprio illi habent, neque coheredibus conferre tenentur, per express. text. in *l. in quartam. ibi: In quartā hereditatis, quam per legem Falcidiam heres habere debet, imputantur res, quas iure hereditario capit, non quas iure legati, vel fidei commissi, vel implenda conditionis causa accipit; nam hæc in quartam non imputantur. ff. ad l. Falcid.* Nam sicut à legatariis & fideicommissariis, liberi à patre exhereditati, iure repetunt Falcidiam, seu legitimam, quæ olim ^{*} fuit quarta pars hereditatis. *l. illud. 20. C. de coll.* Iure autem nouo, pro numero liberorum triens vel semis. *Nouel. de triente vel semisse;* ita inter se, si ab intestato succedant, tenentur quoque res à parentibus viuis perceptas in medium conferre, ne si id non faciant, inæqualitas inter ipsos inducatur. Porro non omnia quæ à parentibus viuis alicui liberorum data sunt, in collationē venire debent. Quid enim ⁶ si pater

uiuens filio militiæ causa aliquid dederit, an & illud in diuisione hereditatis conferri debeat? Sane omne lucrum, quod ea militia acquisiuit, & tempore mortis defuncti patris ad eum peruenit, conferri debet, per express. text. in *d. l. illud. ibi: Quod tam in alijs, quam in his, quæ occasione militiæ uni heredum ex defuncti pecunijs acquisitæ lucraturus qui militiam meruit, locum habebit; v. lucrum quod tempore mortis ad eum peruenire poterat, non solum testamento condito quarta parti ab intestato successionis computetur, sed etiam ab intestato conferatur: ita tamen ut filius ex eo lucro vicissim deducat æstimationē oneris, quod militiæ causa subiit. Lucrum ⁶ enim id proprie dici solet, quod sit onere deducto. l. Mutius. ff. pro socio.* Ac proinde quod de lucris militiæ à filio factis dictū est, idem omnino dici potest de omni lucro, quod filius fecit ex pecunia patris, vt id omne mortuo patre in collationem veniat, operis tamen & sumptibus deductis. Sed ⁶ mirum adhuc cuiquam videri possit, cur filius ea, quæ adipiscendæ dignitatis causa à patre accepit, conferre non teneatur, prout text. in *l. 1. §. sed an ff. de collat.* disponit his verbis: *Sed an id, quod dignitatis nomine à patre datum est, vel debetur, conferre quis in nomine cogatur,*

gatur, videamus; & ait Papinianus libro tertio decimo questionum, non esse cogendum. Hoc enim propter onera dignitatis precipuum haberi, textus ibidem tradit; fortè quòd dignitatibus & muneribus publicis obeundis, maiora insint onera, quam militiis. Verum * iure Saxo-
 7 num, emancipati liberi post parētum obitum, ad diuisionem hereditatis cum non emancipatis minime admittuntur, nisi prius cum iuramento, bonorum cum quibus emancipati fuerint, prater vtensilia & res expeditorias, fecerint collationem, Sp. Sax. lib. 1. art. 13. Res
 8 etenim * expeditoria, seu arma bellica, etiam à non emancipatis non conferuntur, per expressum text. Sp. Sax. d. lib. 1. art. 10. in verbis: Si pater suo filio vestimenta, equos aut arma donauerit, tempore quo donationem perficere potuerit. Et cum filius eisdem valeat uti, huiusmodi donata post mortem patris cum fratribus diuidere, aut dominio patris, seu patris heredibus, si ipse in generatione non fuerit equalis, reddere non tenetur, etiam si filius à patre in bonis non
 9 sit emancipatus. Quod itidem * de sumptibus, quos pater in studia filio impendit, & de ornamentis muliebribus filia à patre comparatis, dicendum esse videtur. Nam & hæc in collationem venire non de-

bent, quamuis dotem * filia, quam à patre accepit, prout & filius ante nuptias donationem conferre teneantur, per text. in d. l. illud. §. adhuc. C. de collation. Quod & in Curia praxis perpetua tenet. Et in causa Ioachimi Plonski contra Plonska Warssouię Anno M. D. C. feria quarta post festum cōuersionis S. Pauli Apostoli, ita iudicatum est. Nec desunt, qui contrarium omninò sentiunt, vt potè, quod liberi emancipati, ea cum quibus emancipati sunt, non conferant, & nihilominus ad diuisionem hereditatis paternæ admittantur; quod & Magdeburgenses Scabini sequi maluerunt, vt notat glossa Sp. Sax. d. lib. 1. art. 13. Obiter autem * notandum
 11 est, quod quamuis naturaliter liberi ex iustis nuptiis procreati, maneant in patris potestate; toto tit. Instit. de patr. potest. attamen per emancipationem ab ea eximuntur. §. prater ea. Instit. quib. mod. ius patri. potest. sol. Emancipatio * verò, olim qui-
 12 dem fiebat per imaginarias venditiones & manumissiones; postmodum verò ex Constitutione Iustini coram iudicibus vel magistratibus cōpetentibus esse cæpit. d. §. prater ea. At hodie huiusmodi emancipationes non sunt in vsu. Nam filius, qui ex domo patris discedit, & proprios lores constituit, pro

pro emancipato habetur; sic & filia in matrimonium elocata, desinit esse sub potestate patris, & sub mariti potestate manet, quod etiā tradit gloss. Sp. Sax. d. lib. artic. 13.

OBSERVATIO. LXV.

De successione ab intestato, & an prāmortui fratris filii, cum patruo ad successionē alterius patruī ab intestato vocentur.

S V M M A R I A.

1. Iure 12. tabularum fratrum filij à patruis excludebantur.
2. Fratrum filij, iure nouo, cum patruis ad successionem vocantur in stirpes.
3. Iure Saxonum, fratris prāmortui filij, per patruum à successionem defuncti patruī excluduntur.
4. Frater distinctus excluditur à fratre vtrunque coniuncto.
5. Indistinctorum fratrum filij cum patribus defuncti distinctis, pariter ad successionem vocantur.
6. Ius representationis in fratrum filijs, ex Constitutione Imperatoris Caroli quinti obseruatur.
7. Praxis Regni, quod fratrum filij in stirpes succedant.
8. Votum patris est, ut successio ad filios perueniat.
9. Fortuito casu, ubi paret in utram-

que partem ratio, neuter ladi videtur.

10. Fratrum filij prāferuntur patruis defuncti iure Ciuili, at Iure Saxo-nico secus.
11. In successionem non attenditur differentia sexus.
12. In Regno masculi fæminas excludunt à successionem.
13. Lege Mosāica frater repellebat sororem à successionem.

Successiua & non inutilis in materia successionis quæstio occurrit: vtrum prāmortui fratris filii, cum patruo, id est, fratre defuncti, ad successionem alterius patruī, ab intestato vocentur, vel ab eo excludantur? Et quamuis * iure veteri, lege nimirum. 12. tab. fratrum filii, tanquam remotiores, vt potē in tertio gradu constituti, à patruis gradu proximioribus excluderentur, prout id ex text. Instit. de legit. agnat. success. in §. si plures. ibi: Si plures sint gradus agnatorum: aperte lex 12. tab. proximum vocat. Itaq; si (verbi gratia) sint defuncti frater, & alterius fratris filius, aut patruus, frater potior habetur. &c. manifestè liquet. Quod item, in l. post consanguineos. 2. §. legitima hereditas. 4. ff. de suis. & legit. hered. haud obscurè innuitur; attamen * iure nouo, Constitutione nimirum

rum Iustiniani, vnā cum patruis admittuntur ad successionem patrui defuncti, idq; in stirpes, propter ius repræsentationis, quo referunt personam patris sui, & collocantur in loco ipsius, gradu nimirum secundo: vnde consequens est, quod tantum ex hæreditate accipiant, quantum pater illorum accepturus esset, per expressum text. in auth. de hæred. ab intestat. veni. constit. 118. §. si autem. cuius hæc verba: Si autem defuncto fratres fuerint, & alterius fratris aut sororis præmortuorum filij, vocabuntur ad hæreditatem isti cum de patre & matre thijis masculis & feminis: & quanticumq; fuerint, & tantam ex hæreditate percipient portionem, quātam eorum parens futurus esset accipere, si superstes esset &c. Verum * iure Saxonum, quandoquidem repræsentatio in solis descendentibus, non autem collateralibus, locum habet, per textum Sp. Sax. lib. 1. artic. 3. necessariò sequitur, quod ad normam legis 12. tab. fratris præmortui filij, per patrum a successione defuncti patrui excludantur, idq; propter vulgatam regulam: Qui proximior gradu, propior ad successionē, quæ colligitur ex textu Sp. Sax. lib. 1. art. 3. ex his verbis: Qui autem se in proximiori gradu huius, de cuius hæredi-

tate agitur, probauerit, præfertur ei qui vltiorē obtinet gradum: Quod autem fratrum filij sint remotiores, patrui verò proximiiores, textus d. lib. 1. art. 3. ibi: In colli & corporis membro, eorum proles, quæ de eodem patre & de eadem matre originem produxerunt, constituitur. Indistinctorum autem fratrum filij in membro annexionis brachij & corporis ponuntur, itidem & sororum. Pueri isti primum gradum obtinent, fratrum videlicet sororumuē proles, qui & nepotes appellantur. &c. clarè admodū docet. Nam * & frater distinctus, 4 id est, ex vno tantum latere coniunctus, excluditur a fratre vtriusque coniuncto: vt videre est in text. lib. 2. artic. 20. idque ob eam causam, quòd fratres indistincti collocentur in membro colli & corporis, vt infra dicitur. Distincti verò, seu ex vno latere tantum coniuncti, transeunt in remotiorem gradum, id est, in membrū annexionis brachij & corporis, vbi & indistinctorum fratrum filij collocantur, vt patet ex verbis art. 3. lib. 1. Si autem de eisdem parentibus non sunt progenita scilicet proles non in eodem membro constituantur, sed transeunt in gradum remotiorem. &c. Indistinctorum * itaq; fratrum filios, cum fratribus defuncti distinctis pariter ad succes- 5

tionem vocari, nullum dubiū est, propter vulgatā Regulam: quod pares gradu pariter ad successionem admittantur, quæ ex d. art. 3. lib. 1. his verbis *Qui à primo gradu, usq; ad ultimum se æquè in gradibus computant, æquè hereditatem dimissam percipiunt, &c.* colligitur. Quod etiam his verbis *Indistinctorum fratrum pueri, æquè similes sunt cum distinctis fratribus in hereditate percipienda. dict. artic. 20. lib. 2.* 6 expresse comprobatur. Porro * quamvis Imp. Carolus V. in conventionē Norimbergæ Anno 1521. celebrata, hanc asperitatem legis 12. tab & rigorem iuris Saxonici, ad clementiorem æquitatis sententiam, & benignitatem iuris novi Iustinianei redigendo, nulla consuetudine loci in contrarium obstante, ius repræsentationis in fratrum filiis observari, & cum patruis ad successionem defuncti in stirpes vocari voluerit; attamen in terris Saxonie Constitutionem hanc nunquam fuisse receptam, Interpret. istius iuris paterni testatur, quod nimirum Constitutio illa iuri scripto nequaquam derogare potuerit. Cæterum * in Regno, tam inter personas equestris ordinis, quam inter ciues, & oppidanos, hanc succedenti rationem in stirpes observari, continua pra-

xis ostendit. Cuius rei decretum d. D. olim Sigismundo Augusto Rege, Anno 1556. Warssouie in conventionē generali, pridie festi Natiuitatis Domini, inter Stanislaum Materna Actorem, & Catharinam Zoladkovva, latum extat. Et pia olim memoriæ Stephanum Regem, hanc sententiam vti benigniorem, in quadam causa sequutum fuisse, ab eximio & Nobili viro D. Szczerbicz S. R. M. Secretario, & Decretorum Notario accepi. Nec immerito. Summa enim benignitatis ratio suadet; vt hi, quorum pater pari iure cum aliis fratribus defuncti censendus esset, propter casum & euentum mortis, beneficio successionis, quod natura patri illorū (si superites extitisset) promittebat, non priuarentur. Votum * enim (vt inquit text. l. de emancipatis. 13. C. d. leg. hered.) patris fuit, vt successio ad filios eius perueniret. Neq; propterea iniuria affici patruos existimo, cum æquè accidere possit, vt & illos liberis relictis, fors hæc maneat. Homini etenim nihil certius morte, & nihil incertius hora mortis, vt in l. 1. ff. de cond. & demon. refertur. Vbi * autem 9 fortuiti casus par in vtramq; partē ratio subest, neuter lædi videtur, arg. l. si pater. 12. in fine Cod. de inoff. test. Hinc facile colligi potest, quod tra-

* frattum filii propter ius repræsentationis, etiam patris defuncti, (cum quibus alias ponuntur in pari, id est, tertio gradu,) præferantur, pro quo expressè facit textus in *auth. post fratres. Cod. de legit. hæred. ibi: Hi autem fratrum filij, (cum pares sint defuncti fratribus) præferuntur procul dubio eiusdem defuncti patris, & alijs similibus.* Iuris verò Saxonici Interpretes fratris filios pariter cum patris defuncti, ad successionem vocant, eam potissimum ob causam, quòd hoc iure repræsentatio in collateralibus locum non habeat, ut supra dictum est. Ego verò existimo, fratrum filios, patris defuncti præferri, non propter ius repræsentationis, (quod in eo tantum casu Imp. Iustinianus procedere voluit, quando videlicet fratrum filii, cum propriis thiiis, id est, patris, ad successionem defuncti patris vocantur, prout id ex dict. *Nov. Constit. 118. §. si autem.* clarè admodum patet;) sed quod hæreditas pleniori iure debeat descenditibus, quàm ascenditibus, idq; argum. *auth. cessante. C. de legit. hæredib.* Quam sententiam Scabini Lipsenses, contra communem praxim, & consuetudinem terrarum Saxoniarum, in pronūciando sequi, Schneid. in tit. *Instit. de hæred. quæ ab intestato defer.*

vers. de tertio ord. success. in fine tradit. Obiter * autem notandum est, quod quando mentio fit patruorum & fratrum filiorum, idem de amitis & fratrum filiabus, intelligi debeat; in his enim successionibus omninò cessat sexus & agnationis ratio, ut inquit text. *d. auth. post fratres. C. de legit. hæredit.* Licet autem ea in re, pro diuersitate temporum aliter atq; aliter dispositum fuisse, Iustinianus in *§. caterum. Instit. de legit. agnat. suc.* testetur; ipse tamen simplicitatem legis 12. tabul. legibus (ut ibidem inquit) amicè amplexus, simili modo omnes agnatos siue masculos, siue foeminas, cuiuscunq; gradus, ad similitudinem suorum, inuicem ad successionem vocari vult. Cuius rei pulchra admodum ratio, in *leg. pen. C. de legit. hæred.* exprimitur, ut sup. obs. de Herge veth in fine dictum. Nam & alibi, ut potè in *l. maximè vitium. C. de lib. prat.* idem Imp. Iustin. admodum acerbè in eos inuehitur, qui differentias huiusmodi inducunt. *Tales enim (ut ibidè ait) quasi accusare naturam videntur, cur non totos masculos generauit, & unde generentur, non fiant.* Sed hæc quamuis iure ciuili nouo obtineant; attamè in plerisq; locis ius vetus adhuc obseruari videmus. Nam & in Regno, * masculi nobi-

les à successionē paterna fœminas, (dummodo illis dos assignetur) excludūt; quod etiam terrigenæ Prussię nobiles in Comitibus Regni generalibus Anno 1598. Varisloviæ celebratis, lege perpetua sancitum esse voluerunt; cum antehac tam masculi quàm fœminæ pari iure ad successionem vocarentur, prout adhuc in Ciuitatibus Regni & terrarum Prussię, fieri videmus. Etsi verò minimè negari possit, hanc consuetudinem contrā ius naturale esse introductam: attamen fauoris publici maximū habere videtur argumentum. Cum publicè intersit (vt in *l. 1. §. 13. ff. de vent. insp.* habetur) vt ordinum dignitas, familiarumq; salua sit. Familia autem propriè consistit in masculis, fœminarum verò proles transit in aliam familiam, vt in *l. familie. 196. in verbis Fœminarum liberos in familia earum non esse palam est, quia qui nascuntur, patris non matris, familiam sequuntur. ff. de verb. signi-*

13 *fig.* habetur. Quibus *lex quoque Mosaica suffragari videtur, qua frater repellebat sororem à successionē patris, vt videre est *Numer. cap. 27.*

OBSERVATIO LXVI.

Fratrum filii vtrum succedant patruo in capita, an in stirpes.

S V M M A R I A.

1. Communis opinio, quod fratrum filij inter se succedant in stirpes, non in capita.
2. Azonis & Zasij contraria probatur sententia.
3. Ius representationis quando locum habeat in fratrum filijs.
4. Ius Sax. accedit posteriori sententia.
5. Obiectionum Accursij & aliorum solutio.
6. Constitutio Imp. Caroli quinti eandem probat sententiam.

SED an fratrum filii inter se succedant patruo in capita vel in stirpes, magna est DD. iuris contentio. Sanè* communiter omnes tenent, propter ius representationis, in stirpes illos succedere debere, non in capita, idque probant, per text. dict. auth. cessante. his verbis: Cessante successionē lineæ descendētis, & eius, quæ sola sit ascendētis, vocantur primò fratres, fratrisq; præmortui filij in stirpes. C. de legitim. hered. tum quod post fratres demum & fratrum filios, fieri debeat diuisio successionis in capita. & non in stirpes, vt in auth. post fratres. Cod. de legitim. hered. & d. Nouell. Constit. 118. §. si vero. &c. exprimitur. Vnde inferunt, quod quamdiu fratres, vel fra-

fratrum filii extabunt, non in capita, sed in stirpes succedatur, vt Accursius ibidem §. *si autem*. in verbis: *fratres fuerint*. & in l. *lege. 12. tab.* in verbis *sed in capita*. C. de legit. h. *red.* Mihi verò * probabilior videtur Azonis, Zasii, & aliorum sententia, quod non in stirpes, sed in capita succedere debeant. Neque enim Imp. Iustiniani aliam fuisse mentem, textus ipse in dict. Nouell. 118. indicat his verbis: *Sed & ipsis fratrum filijs tunc hoc beneficium conferimus, quando cū proprijs vocantur beus, id est patruis masculis & feminis, siue paterni, siue materni sint.* Vnde * liquidò constat, quod per hoc ius repræsentationis strictè (de eo tantummodo casu, quando cum patruis concurrunt) accipi debeat. Nam quando soli inter se ad patrui successionem vocantur, tunc non ex persona patris, sed ex sua succedunt, & ideo non iure repræsentationis, sed iure suo vtuntur. Nec scio quæ æquitatis suadeat ratio, vt illis qui pari gradu coniunguntur, sed numero sunt plures, beneficiū illud æqualitatis adimissilis verò, qui non gradu coniunctiores, sed numero essent pauciores, attribui debeat. Et certè hoc non esset ius hereditatum ad naturalis æquitatis rationem reuocare, quod Imper. Iustin. in d. No. 118. se

facturum profitetur, sed subtilitatem potius & fictionem quandam sequi. Naturalis etenim ratio vult, vt omnes gradu æquales, pares accipiant hæreditatis portiones, prout videre est in l. *post consanguineos*. 2. §. *legitima*. 4. his verbis: *Legitima hereditas tantū proximo defertur, nec interest, vnus solus sit, an ex duobus prior pluribusue, an duo pluresue ab eodem gradu venientes, qui vel ceteros antecedant, vel soli sint.* Quia is est proximus, quem nemo antecedit, & is ultimus, quem nemo sequitur, & interdum idem primus postremusq; qui solus occurrit. ff. de suis & legit. h. *red.* comprobatur. Longè siquidè diuersa est ratio, quando iidem cum patruis concurrūt. Nam hoc casu, cū gradu sint remotiores, nequaquam iure suo vtipossunt, sed personam patris sui assumunt, & in locū ipsius ascendunt: ideoq; ex hæreditate patrui defuncti tantum, quantum pater eorum accepturus erat, percipiunt, vt supra obs. præcedenti luculentius dictum fuit. Huic * sententiæ accedit ius quoque Saxonum, vt videre est Sp. Sax. lib. 1. art. 13. in verbis: *Quando ad hereditatem soror non pertinet, neq; frater, omnes qui se in vno gradu cognitionis existere probauerunt, æquam percipiunt portionem.* Vnde clarè admodū patet, quod omnes

in gradu æquales, pares accipiant
 5 portiones. Nec obstant * textus
 iuris, qui à DD. in contrarium ad-
 feruntur. Omnes enim illi textus,
 in quibus mentio fit fratrum & fratrisq;
 præmortui filiorum, coniunctiue,
 simul & semel, dum videlicet fra-
 trum filii cum fratribus defuncti,
 ad successionem vocantur, non
 verò disiunctiue seu scorsim, puta
 quando tam cum patris, quam
 inter se succedunt, accipi debent.

6 Qua ratione * Imp. quoque Caro-
 lus Quintus permotus, in Comitibus
 Imperii Spiræ Anno 1529. habitis,
 perpetua lege sancivit, ut fratrum
 filii in capita, non in stirpes, patruo
 succedant, ita nimirum, ut quot
 sint capita, tot etiam fieri debeant
 portiones hæreditatis, teste My-
 sing. *Obser. Camera Imperij Cent. 3.*
obs. 94.

OBSERVAT: LXVII.

Num fratres vel sorores ex vno
 latere coniuncti, in successione
 demortui fratris, patris & auu-
 culis, amitis, & materteris præ-
 ferantur.

S V M M A R I A.

1. Fratres ex vno latere coniuncti, ex-
 cludunt patros, & auunculos, se-
 cundum ius Civile.

2. Iure Saxonum pariter vocantur
 cum patris.

3. Medij fratres ab indistinctis, vno
 membro sunt remotiores, iuxta di-
 spositionem iuris Saxonici.

4. Primus gradus cognationis secun-
 dum Saxones quis dicatur.

5. Cognatio iure Saxonum finitur se-
 ptimo gradu.

6. Scabinorum Lipsensium sententia,
 quam Curia sequitur.

IN eadem successionis materia
 utilis admodum occurrit quæ-
 stio: Vtrum fratres vel sorores, ex
 vno tantum latere coniuncti, in
 successione demortui fratris, pa-
 tris & auunculis, amitis & mater-
 teris, præferantur? Et iure * quidem
 Civilis non est dubium, fratres ex
 vno latere coniunctos, excludere
 patros & auunculos in successio-
 ne defuncti, per textum in *auth. post
 fratres. C. de leg. hæred.* cuius verba
 hæc sunt: *Post fratres autem ex utroq;
 parente, & eorum filios, admittuntur
 ex vno latere fratres sororesque, cum
 quibus & filij eorum, si qui ex eis iam
 decesserint. Et additur ibidem: Hi
 autem fratrum filij (cum pares sint
 defuncti fratribus, iure scilicet repræ-
 sentationis.) præferuntur proculdu-
 bio eiusdem defuncti patris, & alijs
 similibus, puta auunculis, amitis &
 materteris. ut glossa ibid. in verbis:*
filij

filij horum. indicat. Quod item text. in Nov. de her. ab intest. venien. cap. 3. probat his verbis: His autem (scilicet fratribus vtrunque coniunctis) non existentibus, in secundo ordine illos fratres ad hæreditatem vocamus, qui ex vno parente coniuncti sunt defuncto, siue per patrem. solum, siue per matrem. Et in versicul. *Si autem.* illud palam esse dicitur: quia *beioris* (id est patris, & idem intellige de auunculis, amitis & materteris) defuncti, masculis & fœminis, siue à patre, siue à matre præponantur. Verum
 2 ius Saxonum * discrepat hac in parte à iure ciuili. Nam isto iure fratres medii, siue ex vno tantum latere coniuncti, cum patruis & auunculis, amitis & materteris, ad hæreditatem defuncti pariter vocantur, idq; ex ea potissimum ratione, quòd patruus & auunculi, & horum similes, in pari gradu nempe tertio, cum fratribus & sororibus, ex vno latere defuncto coniunctis, constituentur. Manifesti
 3 enim est iuris, * quod medii fratres ab indistinctis fratribus vno membro sint remotiores, per textū Spe. Sax. lib. 1. artic. 3. in verbis: *In colli & corporis membro eorum proles, quæ de eodem patre & de eadem matre originem produxerunt. Si autem de eisdem non sunt progenita, non in eodem me-*

*bro, (adde cum fratribus & sororibus iisdem parentibus natis) constituuntur, sed transeunt in gradum remotiorem, id est fratres sororesuè vno tantum latere coniuncti non obtinent locum in membro colli, vbi fratres sororesuè vtrunque cōiuncti collocantur, sed transeunt in gradum remotiorem, nempe in membrum annexionis brachii & corporis, vbi fratrum sororumuè indistinctorum proles locum obtinet, qui * in iure Saxonum dicitur
 4 esse primus gradus cognationis. per dict. artic. 3. lib. 1. cum in iure Ciuili is quartus gradus appelletur. Et ideo * non est mirum, quod iure
 5 Saxonū cognatio septimo gradu finiatur, vt patet ex textu d. articul. 3. libr. 1. quæ iure ciuili ad decimum vsq; extendi solet. §. hoc loco. Instit. de success. cognat. attamē in idem res recidit. Nā si is, qui iure Saxonum est primus gradus, iure Ciuili dicitur quartus, vt in l. iurisconsultus. 10. §. quarto grad. 15. in verbis: *Eodem gradu sunt & illi, qui vocantur fratres patruales, item sorores patruales, amitini, amitina, consobrini, consobrini, hi autem sunt qui ex fratribus vel sororibus nascuntur.* ff. de grad. & ad finib. videre licet. Consequens est, vt etiam qui hoc iure septimus appellatur, illo non nisi decimus dici possit. Ac proinde cum*

de cum hoc iure, tam patrui & his similes, quam fratres medii, sint pari conditione, nempe tertio gradu; merito æquali quoque iure gaudere debēt; nam sicut frater ex vno tantum latere mihi coniunctus, & mei fratris vtrinq; coniuncti filii; quia sustinent tertium gradum, ideo pari sunt conditione quò ad meā successionem; ita etiam cum fratres medii, & patrui cum similibus in eodem gradu concurrant non est mirū quod par ius ad successionem defuncti prætendant.*

- 6 Quam sententiam in terris Saxonizæ perpetuò seruari, interpretes istius iuris tradunt; At Lipsenses Scabinos ius ciuile hac in parte sequi, & quod frater ex vno latere coniunctus excludat patrum, sæpius pronunciata decisiones illorum testantur. Quos Curia quoq; nostra, in causa liberorum Ioannis Pellionis, cum Alberto Parzymiaszko Suburbano Crasnostauic. Anno 1593. feria secunda post Dominicam Innocauit Quadragesimalem sequi maluit.

OBSERVAT: LXVIII.

Vtrum ac successionem nepotū, deficientibus, ascendentibus, sorores dimidiæ paternæ, an verò germanæ maternæ, admitti debeant.

S V M M A R I A.

1. Fratres vtrinq; coniuncti præferuntur ex vno latere coniunctis.
2. Plures rationes vincunt vnā.
3. Prærogatiua duorum vinculorum in cognatione quousq; extendatur.
4. Limitata causa, limitatum producit effectum.
5. Iure Sax. cur indistinctus frater excludat distinctum.
6. Descendentes à fratre distincto, remotiores sunt descendentibus ab indistincto.
7. Matertera indistincta præferuntur amitibus distinctis.
8. In feudis duplex vinculum non attenditur.

PRæcedenti non incommode & hæc adiungi potest quæstio: vtrum ad successionem nepotum, deficientibus ascendentibus, sorores dimidiæ paternæ, an verò germanæ maternæ, admitti debeant? Et quamuis* tam iure Ciuili, quam iure Saxonum, in successione collateralium vtrinq; coniuncti præferantur ex altero tantum latere coniunctis, vt videre est in *auth. cessante. C. de legit. her. & seq.* his verbis: *Post fratres autem ex utroque parente, & eorum filios, admittantur ex vno latere fratres sorores suæ. &c.* Et in *Sp. Sax. lib. 2. art. 20. Fratres sorores suæ indistin-*

*indistinctorum fratrum sororumue, in
 successione hereditaria, fratribus vel
 sororibus à patre aut matre, in gene-
 ratione præferuntur distinctis.* attamen rationes (cur nimirum hoc
 fiat) dictorum iurium diuersæ sunt. Iure etenim Ciuili hoc ideo fit, quia
 fratres vel sorores vtrunque con-
 iuncti vtuntur duplici iure, seu
 vinculo coniunctionis, à patre sci-
 licet & à matre, per *Nou. Const. 84.
 c. 1. in fine.* ibi: *Et excludant duplici
 vtentes iure, eos qui vno solo uti pos-*
 2 *sunt.* Duæ namque * rationes vin-
 cunt vnam, per text. in §. *sed hodie.*
Inst. de adopt. Et duo vincula for-
 tius ligant, quam vnum. textus
 in cap. 1. *de treuga & pace.* & in l.
penult. §. si verò pater. C. de adopt.
 3 Hinc * est quod prærogatiua du-
 plicis istius vinculi non extendatur
 vltra ipsos fratres, eorumq; li-
 beros, in quibus ius repræsentatio-
 nis tantummodo locum habet, per
 text. in *auth. de hered. ab intestato
 venien. Const. 118. c. 3.* Neq; plurā-
 litas ista vinculorum extendi po-
 test ad alium casum, nisi in quo
 ius *auth.* loquitur, siquidem iuxta
 4 regulam: Limitata * causa limita-
 tum producere debet effectum. *ar-
 gum. l. in agris limitatis. 10. ff. de a-
 quir. rer. dom.* At iure Saxonum *
 5 frater indistinctus fratrem distin-
 ctum excludit, ideo quia ipse indi-

stinctus est gradu proximior, per
 allegatum in *Obser. præced. text.
 lib. 1. artic. 3.* Vbi expressè dicitur,
 quod frater indistinctus non sit in
 eodem gradu cum fratre distincto
 constitutus, sed transeat in gradū
 remotiorem; & per consequens, si
 est in gradu remotiori à successio-
 ne, quæ semper proximiori defer-
 tur, excludi debet per clarum tex-
 tum *Sp. Sax. lib. 1. artic. 17.* ibi: *Si
 quis alij in generatione fuerit inæqua-
 lis, hereditatem eius non percipiet.*
 Quod si plures eiusdem gradus in-
 ueniuntur, hæreditas inter ipsos
 pro personarum numero, id est, in
 capita diuidi debet. §. *si plures. Instit.
 de legit. agnat. success.* in verbis: *ta-
 men dubium non est, quin si plures sint
 eiusdem gradus, omnes admittantur.*
 Huiusmodi autem differentia, an
 quis ex altero, vel vtroq; parente
 iunctus sit, extenditur etiam vltra
 fratres & horum filios, ad reliquos
 omnes agnatos, iuxta obseruatio-
 nem iuris Saxonici, hoc nimirum
 modo, vt semper * in cōputatione
 6 graduū descendētes à fratre distin-
 ctō sint remotiores, quā descēde-
 tes ab indistincto, propterea quod hic
 in secundo, ille in tertio gradu cō-
 stituatur, per dict. text. *lib. 1. art. 3.*
 Quoniam verò * in casu quæstio-
 7 nis propositæ materteræ, id est so-
 rores maternæ indistinctæ, in suc-
 Bb cessione

cessione nepotum, id est, sororis suæ filiorum steriliter defunctorū, cum amitis, id est sororibus paternis, ex vno latere coniunctis, concurrunt, & iuxta computationem graduū iure civili pares sunt, nempe in tertio gradu; idcirco quemadmodum iure Saxon. fratres & sorores vtrinque coniuncti, excludunt à successione ex vno tantū latere coniunctos, quamvis in eodem gradu sint constituti, idque ex ea ratione iuris Civilis, quod duo vincula fortius ligent, quam vnū, vt supra dictum est; ita eodē iure materteræ quoque vtrinque coniunctæ, amitis ex vna tantum parte coniunctis, præferri debent. Quod in Curia, in causa ciuium Cracouienſium Helizabethæ Przybytkovva, & Barbaræ Herculeſovva filii, Anno 1596. Craco. feria quinta poſt feſtū Epiphaniarum, decreto Regio approbatum fuit. Verum

8 *in materia feudali, huiusmodi vinculi duplicitas minimè attenditur. Cum hoc iure nulla fit differentia, an quis ex vno vel utroque latere ſit defuncto coniunctus. Ratio eſt, quia in feudis non conſideratur vinculum ex parte matris, ſemperque ius agnationis, non cognationis, ſpectari ſolet, vt notat Gail. lib. 2. obſer. 151.

OBSERVAT. LXIX.

De illegitimis, & eorum ſucceſſione.

S V M M A R I A.

1. *Illegitimi qui dicantur.*
2. *Illegitimorum triplex differentia.*
3. *Naturales qui ſint.*
4. *Naturales quomodo ſuccedant parentibus.*
5. *As duodecim continet uncias, quibus hereditas diuiditur.*
6. *Inter virum & uxorem nulla eſt ſanguinis coniunctio, ſed principium, adſinitatis.*
7. *Parentes liberis naturalibus quomodo ſuccedere debeant.*
8. *Fratres naturales inuicem ſibi non ſuccedunt.*
9. *Spurij qui dicantur.*
10. *Vulgo quaſiti an parentibus ſuccedant, vel è contra.*
11. *Spurij ad ſucceſſionem maternam admittuntur.*
12. *Naturales matri ſuccedunt, etiam illuſtri.*
13. *Spurij illuſtri matri non ſuccedūt.*
14. *Nothi, ſeu ex damnato coitu nati qui dicantur, & an ſuccedant.*
15. *Iure Canonico, ex damnato complexu procreatis alimenta debentur.*
16. *Iure Sax. neque illegitimus legitimus, nec è contra, ſuccedere poteſt.*
17. *Inter pp. Sententia, quod legitimè à ſucceſſione*

à successionē illegitimorū, ex damnato complexu natorum, excludatur.

18. Vbi lex non distinguit, neque nos distinguere debemus.

19. Macula parentum deriuatur in tertiam vsq; prolem.

20. Vbi eadem ratio est, idem ius statui debet.

21. Iniquum est alieno odio aliquem pregrauari.

22. Non omnium, quæ à maioribus tradita sunt, ratio reddi potest.

23. Ratio cur legitimi illegitimis non succedant.

24. Sacra scriptura illegitimam prolem abominatur.

25. Praxis terrarum Sax. in eo casu recedit à iure Saxonico.

26. Maydeburgenses dispositionem iuris Saxonici tenent.

27. Praxis Curie Magdeburgensium sententiam sequi solet.

SEquitur iam quæstio, quæ non vt superiores ad legitimorū, sed ad illegitimorum successionē pertinet. Vtrum videlicet illegitimi seu naturales tantum, legitimis & naturalibus simul, vel è contrà, succedere queant? Quæ * in re ante omnia sciendum est, illegitimos in genere dici, qui non ex iustis & legitimis nuptiis procreati sunt, vt in Nou. quibus mod. naturales effi-

legit. c. 1. §. 1. habetur. Horum * in iure ciuili triplex constituitur differentia, Primò * etenim appellatur naturales ingenuarum scilicet concubinarum filii, quos sola natura genuit non honestas coniugii, textus in c. 15. caus. 32. quæf. 4. Natura siquidem (vt inquit Imperat. Iustinianus in dict. Nou. quib. mod. nat. effi. legit. d. c. 1. in pr.) ab initio, dum de filiorum procreatione sanciret scriptis nondum positis legibus, omnes similiter liberos, similiter autem produxit ingenuos. Primis namq; parentibus primi filij, similiter quidem liberi, similiter autem legitimi à creatura fiebant. Et hi * diuersimodè ad successionem parentum, & è contrà parentes ad illorum, admitti solent, prout ex d. Nou. quib. mod. natura. effi. legit. manifestè liquet. Aut enim pater relinquit cum naturalibus tantum, naturales & legitimos simul, id est ex legitimo matrimonio procreatos liberos, & decedit testatus; eo casu naturalibus tantum, vnà cum matre eorum plus vnà vncia in testamento assignare non potest; vel intestatus decedit, tunc liberi ex legitimis nuptiis procreati, excludunt à successionē paterna naturales tantū, nec quicquam præter alimenta eis debetur. Aut non relinquit liberos naturales & legitimos simul, & te-

status decedit, tunc relicto vxori legitimæ eo, quod illi dotis nomine debetur, & ascendentibus, si fuerint, quatuor vnciis, seu tertia parte bonorum, potest relinquere naturalibus liberis tantum, quantum voluerit. Vel moritur absque liberis legitimis intestatus, & succedunt naturales in duabus vnciis, id est sexta parte hæreditatis.

- 5 As enim * duodecim habet vncias, quibus omnis hæreditas diuiditur, vt in textu §. *hæreditas. Instit. de hæred. instit.* habetur. Si tamen eo casu vxor legitima supersit defuncto, non quidem succedit marito, (vt potè, cum * inter virum & vxorè nulla sit sanguinis coniunctio, sed tantum causa & principium affinitatis, teste glossa in l. *non facile §. sed quoniam*, in verbis: *ex nuptijs. ff. de grad. & adfinib.*) sed facit, ne liberi naturales tantum patri succedant, alimenta tamen eis præstari debent, textus in c. *disertis. vers. si quis autem. d. Nou. quib. mod. natur. effic. legit.* idque fit propter honorem matrimonii, ne dum liberi illegitimè nati, se viuète patri succedunt, vxor legitima scandalizetur. Et aduerso * quemadmodum parentes ad huiusmodi liberorum naturalium tantum, successionem admittantur, pulchrè admodum Imp. Iustinian. in d. *Nou.*

quib. mod. natur. effic. legit. disponit his verbis: *In quibus autem casibus naturales filios vocauimus ad successionem, in ijs quoq; & ipsi decentem naturalibus parentibus deuotione seruēt; eademq; mensura, sicut parentes prospiciunt naturalibus filiis, secundum nostram legem, & ipsi parētibus compensent, siue in successione, siue in alimentis, sicut superius sanciuimus.* Fratres verò * & alii collaterales 8 per lineam paternam coniuncti, inuicem sibi nō succedunt, idq; propterea, quia nulla agnatio inter eos est, per text. in §. *vulgo quæsi. Instit. de success. cognat.* Secundò dicuntur spurii, * seu vulgò concepti, qui 9 patrem demonstrare nequeunt, vel possunt quidem, sed eum habent, quem habere non licet, vt in l. 23. ff. *de statu hom.* traditur. Vnde liquidò constat, tales duplici appellatione censerī, vt potè ex complexu, cui lex pœnam irrogat; (puta incestuoso, adulterino, & nefario) vel cui lex ciuilis pœnam non imponit, procreatos, quales sunt filii scortorum, seu publicarum meretricum, qui vulgò quæsi appellari solent, per textum in cap. *nisi cum. 10. extra. de renunciat. vers. vnde patet.* Proinde tales, * 10 quia patrem incertum habēt, nullo modo ad successionem patris, vel ascendentium ex linea pater-
na ad-

na admitti possunt. Sicut ex aduerso pater, & ascendentes ex linea paterna, à successione vulgò quæditorum excluduntur, per text. in l. si spurius. ff. unde cognati. Similiter & fratres huiuscemodi, quemadmodum & naturales inuicem sibi non succedunt, quia nullo cognationis, aut agnationis vinculo coniunguntur, vt supra dictum est. At in successione matris, quæ semper certa est, etiam vulgò quæditos admitti, nullum dubium est, per express. text. in §. nouissimè. Instit. de SC. Orphit. Quibus ad stipulatur text. in l. si spurius. 4. ff. unde cognati. his verbis: Si spurius intestato decesserit, iure consanguinitatis, aut agnationis hæreditas eius ad nullum pertinet; quia consanguinitatis, itemq; agnationis iura à patre oriuntur, proximitatis autem nomine, mater eius, aut frater eadem matre natus, bonorū possessionem eius ex edicto petere potest. Quo vsque adeò verum est, vt etiam cum liberis, ex legitimo matrimonio natis, in bonis maternis succedant, per text. in l. hac parte. 2. ibi: Itaq; etiam vulgò quæditi liberi matris, & mater talium liberorum, itē ipsi fratres inter se ex parte bonorum possessionem petere possunt; quia sunt inuicem sibi cognati. ff. unde cognati.

12 Eodem modo * & naturales, de quibus suprà diximus, matri suc-

cedunt, perinde ac si ex legitimo procreati essent matrimonio, per express. text. in l. si qua illustris. s. ibi: Sin autem concubina libera conditionis constituta, filium vel filiam ex licita consuetudine ab homine libero habita procreauerit, eos etiam cum legitimis liberis ad materna venire bona, quæ iure legitimo in suo patrimonio possidet, nulla dubitatio est. C. ad SC. Orphitian. Quod etiam si mater persona sit illustris, (idem puto si nobilis) in naturalibus tantum, ex concubina videlicet natis, non * 13 autem spuris, id est vulgò quæditis, locum habet, prout in d. l. si qua illustris. in verbis: Si qua illustris mulier filium ex iustis nuptijs procreauerit, & alterum spurium habuerit, cui pater incertus sit, quemadmodum res materna ad eos perueniant, siue tantummodo ad liberos iustos, siue etiam ad spurios, dubitabatur. Sancimus itaq; vt neque ex testamento, neque ab intestato, neque ex liberalitate inter viuos habita, iustis liberis existentibus, aliquid penitus ab illustribus matribus ad spurios perueniat; videre licet. Nec immeritò. Cum (vt ibidem Imp. Iustin. tradit) in mulieribus ingenuis & illustribus (quibus observatio castitatis præcipuum debitum est) nominari spurios, satis iniuriosum, satisq; acerbum, & nostris temporibus indignum iudicemus. Ex his

Bb 3 facile

facile colligi potest, quod quemadmodum naturales & vulgò quæsitæ, matri succedunt, ita mater quoque ad illorum successionem admittitur, & est text. in §. fin. Instit. de SC. Tertulliano. Tertiū verò genus

14 * illegitimorum est, qui procreantur ex damnato complexu, cui videlicet lex Ciuilis pœnam irrogat, vt sunt nothi, qui ex adulterio: incestuosi, qui ex collateralibus vel adfinibus in gradibus ab Ecclesia prohibitis: & nefarii, qui ex ascendentibus, vel descendentes in infinitum nascuntur. Hi omnes, quemadmodum nec naturalium nomen merentur, ita nec ad successionem bonorum paternorum aut maternorum, admitti possunt, per glossam, in verbo: admitti. §. nouissimè. Instit. de SC. Orphit. & in Nou. ex complexu. C. de incestis nuptijs. verbo. indigni. imò nec alimenta eis præberi debent, per express. text. in d. Nou. quib. mod. natur. effc. c. fin. in verbis: Primum quidem omnis qui ex complexibus (non enim hoc vocamus nuptias) aut nefarijs, aut incertis, aut damnatis processerit, iste neque naturalis nominatur, neque alendus est à parentibus, neque

15 participium. Verumtamen * etiam huiuscemodi soboli alimenta præstanda esse æquitas Canonica sua-

det, vt in c. cum haberet. s. in fine. ibi: Sollicitudinis tamen tua intererit, vt uterque liberis suis (ex adulterio videlicet natis) secundum quod eis superpetunt facultates, necessaria subministrat. tit. de eo, qui dux. in matr. quam pol. per adult. videre licet. Necare, enim (vt inquit IC. Paulus in l. necare. 4. ff. de agnos. & alēd. lib.) videtur, non tantum is, qui partum perfocat, sed & is, qui abijcit, & qui alimonia denegat, & is qui publicis locis misericordia causa exponit, quam ipse non habet. Quod non solum in terris Ecclesiæ, sed vbiq; locorum obseruari, pietatis naturalis ratio dicitur. Cum & alias in iis casibus, in quibus agitur de mortali peccato iuri canonico standum sit, per text. in c. nouit. ext. de iudicijs. Porro * quā- 16 tum attinet ius Saxonicum, firma constituenda est regula. Quod nec illegitimus legitimo, nec è contra, legitimus illegitimo succedat, per express. text. Sp. Sax. lib. 1. artic. 51. Illegitimum enim legitimos non posse acquirere liberos, tex. Sp. Sax. d. lib. 1. artic. 38. expressè disponit. Quod quamuis glossa & Interpretes ciuilem iuris non de eo casu, quando ex illegitimo natus matrimonio, iustas postmodum cōtrahens nuptias cum vxore legitima, legitimos procreat liberos, intelligendū esse putant; vt potè, quod hac ratione

tionellegitima matrimonia impedi-
rentur, si illegitimo, nulla postmo-
dum legitima proles ex legitimo
matrimonio futura sit. Æquitas
autem Canonica suadet, matrimo-
nia semper debere esse libera, ita
vt nemo ab iis, quouis statuto vel
rigore iuris positiui abstrahatur,
per text. *in c. cum locum. extra. de
sponsalibus. & c. Ecclesie S. Mariæ ex-
tra. de Constit.* Sanè ius quoque na-
turale omninò vult, filium patri
debere esse hæredem, per text. *in c.
ius naturale. 1. distinct. & l. cum ratio.
ff. de bonis damna.* Indubitati verò
iuris est, quòd iura sanguinis & na-
turæ, nullo iure Ciuili dirimi pos-
sunt. *liura. 8. ff. de diuers. reg. iur.* Ra-
tio deniq; ipsa docet, illegitimos
ob id legibus à successione repelli,
vt nimirum vitium paternum re-
futetur, quod secus est, vbi legiti-
ma soboles minimè facit impedi-
mentum, vt in textu *l. fin. C. de na-
tur. liber. & mat.* habetur. Verum
de eo casu prædicta accipienda ef-
fe, glossa, & alii docent; quando il-
legitimus vel nullam habet vxorẽ,
vel eam habet, quam de iure ha-
bere non potest, vt nimirum talis
legitimos non possit procreare li-
beros, & bona ad fiscũ pertineant.
Cuius rei exemplum ponit glossa
iuris municip. *artic. 59. versic. curia
id. his verbis: Sicut si præbyteri filius*

*vxorem superducat, bonaq; acquirat,
procreando pueros cum vxore, pueri
illi legitimi erunt, non tamen paterna
bona hæreditare possunt. pater enim se-
cundum leges indignus est, quod hæ-
reditatem eius pueri tollant.* Ex quo
*Interpretes eiusdem iuris genera 17
liter concludunt, quod legitimi li-
beri à successione illegitimorum
ex damnato tantum complexu
(puta incestuoso, nefario, & adul-
terino) natorum remoucantur,
non etiam aliorum illegitimorum,
vt potè naturalium & vulgò quæ-
sitorum, de quibus supra dictum
fuit. Verum tamen * non desunt, 18
qui hanc distinctionem glossæ, &
Interpretũ iuris, lucidis & expres-
sis verbis textus nequaquam satis-
facere asserant, quamuis eam sen-
tentiam, vt liberi ex legitimo tho-
ro nati, parentibus illegitimis suc-
cedere possint, æquitatis plenam
esse libenter fateantur. Cũ enim
textus superius allegati indistin-
ctè loquantur, nulla ratio est, cur
nos distinguere debeamus, per
text. *l. præses. 3. ff. de offic. præsid.* ma-
ximè verò, quod iura omnem cõ-
cubitum, præter solum vxorium,
tanquam illicitum damnent, vt in
c. nemo. & c. meretricis. 32. qu. 4. vi-
dere licet; idque non tantum iure
Canonico, verum etiam iure Ciuili,
& Constitutionibus Imperii locum
habe-

19 habere palam est. Tum * quod eadem omnino ratio subsit, macula nimirum parentum, quæ deriuatur in tertiam vsque prolem, vt glossa *d. art. 51.* per textum ibidem, in verbis *Si quis in quatuor suis generationibus, hoc est ex duobus auis, aut duabus auis, ac patre & matre, indiffamati iuris est, illum in iure suo nemo infamare potest, si non solus ei prius personaliter derogauit*, expressè probat. Cui etiam concordat text. iuris municip. *art. 4. cum gloss. ibid.* Vnde consequens est, quod in his etiam idem omnino ius statuendū

20 sit. Vbi * enim eadem ratio iuris est, idem ius statuendum esse, text. in *l. ultima. C. ad l. Falcid.* testatur. Mihi quidem nimis dura videtur hæc iuris Saxonici dispositio. Cū * iuxta præscriptum legum, iniquum sit alieno odio alium prægrauari, vt in *l. si quis. 33. §. legis. C. de inoff. testam.* habetur. Et vt delictum patris innocenti filio pœna esse debeat, *toto. tit. C. ne filius pro patre. & c.* tum quod nota patris maculare filium non possit, prout IC. Papinianus in *l. qui ad tempus. 2. §. 2. ff. de Decurion.* respondit; attamen quamuis dura lex sit, quia ita scripta est, seruari debet, per express. textū in *l. prospexit. 12. §. 1. ff. qui & à quib. manum.* Siquidem * non omnium, quæ à maioribus constituta sunt,

ratio reddi possit, text. in *l. 20. ff. de legib.* Neque * tamen omnino hæc dispositio iuris Saxonici caret ratione. Licet enim talis macula non ipsorum culpa, sed parentum vitio contingat, eosdē tamen, quod prædecessor illorum, vel etiam ipsi ex illegitimo thoro procreati sint, magno defectu laborare, & famā illorum apud honestos & graues viros labefactatā esse, plus quā manifestū est. Cum * & sacra scriptura huiusmodi prolem nec hominibus honorabilem, nec Deo amabilem esse testetur, prout text. in *c. si gens. 10. distinct. 56.* seuerè admodum disponit. Et Salomon *lib. Sap. c. 3.* inquit: *Quod ex scortatione plantatur, non agit radicem profundā, neque fundamentum firmum ponet.* Nam liberi concepti ex illegitimo thoro, erunt testes malitiæ aduersus parentes cum fuerint interrogati: Et Iesus Syrach *c. 23.* de Scortatoribus tractans: *Liberi eius inquit, non agent radices, rami eius non proferent fructum, ad posteritatem maledicetur, & ignominia eius non delebitur.* Quam sententiam * vt duram & æquitati minus consonam, in terris Saxonix Interpretantur, vt notat Schneidevinus in suis cōment. *Instit. tit. de hered. quæ ab intestato defer. c. de successione liberorum naturalium.*

lium. Verum Magdeburgenses iure Saxonico nixi, ita perpetuo pronuntiare solent. Quod videlicet liberi legitimi, ex illegitimis parentibus nati, illis non succedant, sed bona eorum tanquam vacantia fisco applicentur, iuxta dispositionem iuris municip. artic. 59. Quorū sententiam praxis quoque Curiae Regalis sequi solet, cuius rei exempla cuius passim obuia esse possunt; & non ita pridem anno 1601 inter successores Damieckie & Lissouvski stipatorem Sac. R. M. ea de re controuersia fuit.

OBSERVATIO LXX.

Naturales & illegitimi an & quomodo legitimari possint.

S V M M A R I A.

1. *Naturales & illegitimi per subsequens matrimonium legitimantur.*
2. *Matrimonium etiam in articulo mortis contractum facit ut liberi sint legitimi.*
3. *In legitimatione per subsequens matrimonium requiritur, ut liberi ex concubina nascantur.*
4. *An ad legitimationem requirantur dotalia instrumenta.*
5. *In causis matrimonialibus ius Canonicon seruari debet.*
6. *Quales illegitimi per subsequens matrimonium legitimantur.*

7. *Illegitimi ex adulterino videlicet complexu nati, an per subsequens matrimonium legitimantur.*

8. *Clericorum liberi, an per subsequens matrimonium legitimari possint.*

9. *Clericorum liberi ab omni successionē paterna & materna, & è contrā remouentur.*

Consequenter quæripotest, An & quomodo naturales & illegitimi legitimari possint? Huius rei tres modi in iure Ciuili proponuntur, ut in *Nou. quib. mod. nat. eff. sui. c. tribus. 7.* videre licet. Primus* quidem & præcipuus, est per subsequens matrimonium, quando videlicet quis eam, quam extra matrimonium cognouerat, in matrimonium ducit per expressū textum, in d. *Nou. 89. quib. mod. nat. eff. sui. c. reliqui 8.* in verbis: Si quis igitur dotalia scripserit ad liberā in principio, siue ad libertam mulierē, cui omnino licet copulari in concubina schemate sibi, aut legitimorum filiorum iam pater existens, aut filiorum naturalium pater, legitimas esse nuptias, & filios, vel præcedentes, vel conceptos, legitimos ei esse sancimus. Et licet postea non nascentur filij ei, aut etiam nati moriantur, nihilominus prior soboles legitima consistit. Et additur ibidem elegans admodum ratio:

tio: *Affectus enim circa filios ita ei procedens, qui eum etiam ad dotale prouocauit instrumentum, ipse dedit secundis filiis occasionem, qui postea nati sunt legitimi iuris. Quapropter absurdum erat, benignam occasione, quam posteri sibi filij inuenerunt, ex prioribus sumentes, eam non etiam prioribus legitimum ius simul, & sine calumnia, circa patrum dare successiones. Palam enim est, quia iuniores filij ex lege facti sunt sui, hoc initium dotalibus praebeantibus. Cui concordat etiam textus iuris Canonici in cap. tanta. in verbis: Tanta est vis matri. monij, ut qui antea sunt geniti, post contractum matrimonium legitimi habeantur. extr. qui filij sint legit.*

2 Quod * vsq; adeo verum est, etiam si matrimonium in articulo mortis contrahatur, prout communiter DD. in dict. cap. tanta. tenent.

3 Verum * quamuis iure Ciuili, ad huiusmodi legitimationem, ut liberinascantur ex concubina, quae domi loco vxoris habebatur, necessario requiri dicat Barth. in l. fin. in fin. ff. de concub. Quod etiam innuere videtur text. in Nou. 74. quib. mod. nat. eff. legit. in principio his verbis: *Sancitum namq; est,*

4 *ut si quis habens mulierem puro * sibi affectu conseruatam, deinde filios procreauerit, & postea etiam nuptialia fecerit instrumenta, & legitimos ex*

*ea procreauerit filios, atq; ij, qui prius nati sunt, maneanť naturales, & illi connumerentur suis, eo quod occasio omnino eis fuit nasci legitimis. Sed & hoc requiri, ut interueniant instrumenta dotalia, DD. iuris tradunt, idq; per supra allegatum textum, in Nou. 89. quib. mod. natura eff. sui. in d. c. reliqui. vers. si quis igitur dotalia. & l. 10. cum sequ. Cod. de nat. liberis. vbi semper fit mentio dotalium instrumentorum. Attamen * iure Canonico (quod in causis matrimonialibus, per text. in cap. fin. extr. de secun. nup. seruari debet) haec minus necessaria esse videntur. Nam cum eo iure, ad substantiam matrimonij, solus sufficiat consensus, non est cur instrumenta dotalia requiri debeant. Deinde quod ad alterum, quia omnis coitus extra matrimonium, per c. meretrices, & c. nemo. 32. qu. 4. expressè prohibetur, nulla ratio suadet, ut plus hac in parte concubinae, quam aliis illicitis complexibus tribuatur. Sed illud fit fauore matrimonij, quod omne vitium * preces purgat, ut est glos. in c. innotuit. 20. extr. de electione. Hinc liquido colligi potest, quod omnes illegitimi, eo modo legitimati, pro veris & legitimis ceteri, & ad quauis successionem admitti debeant, ut notant DD. in c. naturales. tit. si de feudo.*

feudo. defuncti cont. & c. lib. feud. 2.

Quibus ad stipulatur ius Saxon. vt
gloss. lib. 1. artic. 51. notat. & est sen-
tentia post Weichbild. Scabin.
Magdeburg. parte 1. c. 14. distinct.

15. Quam sententiam Curia Rega-
 lis perpetuò tenet, & ita sæpius
 pronunciatum est. Cuius rei De-
 cretum inter Koleski, feria secun-
 da post festum S. Valentini Anno
 99. Varssouia latum extat. Quod

- 7 * an etiam de his, qui ex adulterio
 nati sunt, intelligi debeat, dubitari
 possit, propter expressa verba
 text. d. c. tanta. & c. quæ sic se ha-
 bent: *Si autem vir viuente uxore*
sua, aliam cognouerit, & ex ea prole
susciperit, licet post mortem uxoris eã
duxerit, nihilominus spurius erit fili-
us, & ab hereditate repellendus, præfer-
tum si in mortem uxoris prioris alteru-
ter eorum aliquid fuerit machinatus.
 Neq; enim iuxta præscriptum iu-
 ris communis, commissum adulteri-
 um cum eo, cui se postea nuptiis
 sociauit, velamento matrimonii
 extinguitur, per l. communis. C. ad
 l. Iul. de adulteri. Quibus omnino
 congruit textus quoq; iuris Saxo-
 ni. lib. 1. artic. 37. in verb: *Vxorem*
alicuius manifestè adulterans, vel so-
lutam & liberam violans posteaq; ma-
trimonium secum contraxerit, proles
ex ea nūquam legitima procreabitur.
 Quem articulum, tanquam erro-

neum & per ius Canonicum repro-
 batum, licet glossa ibidem non ad-
 mittat; id tamen mihi non omnino
 verum videtur, cum expressa ver-
 ba d. c. tanta. aperte contrariū dis-
 ponant. Quapropter non de quo-
 uis adulterio, sed de his tantum ca-
 sibus adulterii, qui dirimunt ma-
 trimonium, vt potè si quis dat fidē
 adulteræ, manente eius legitimo
 viro, vel qui de facto contrahit
 cum secunda, viuente prima con-
 iuge: Aut cum alter eorum ma-
 chinatus est in mortem defuncti,
 ob spem futuri matrimonii, per ex-
 press. text. in d. c. tanta. qui filij sint
 legitimi, potius accipiendum esse
 existimarem. Cum enim istis casi-
 bus verum matrimonium iniri nō
 dicatur, consequense est, vt etiam
 tales liberi legitimari non possint
 subsequenti matrimonio, vt notat
 glossa, & artic. 45. lib. 3. ver. *sacer-*
dotum liberi. Et lib. 1. art. 37. in ver-
 bis: *uxorem alicuius.* glossa eiusdē
 iuris expressè loquitur de his, qui
 alterius uxores adulterio polluūt,
 & tādē eas in matrimonium du-
 cunt, priori viuente marito, quod
 videlicet neq; matrimonium tene-
 at, neque liberi legitimi procreari
 possint. Cum etenim huiusmodi
 sobolem tam lex Mosaica, quàm
 Canonica detestetur, testante Do-
 mino, quod manzeres & spurii,
 Cc 2, vsq;

8 vsq; ad decimam generationem, in Ecclesiam non intrabunt. vt videre est *in c. per venerabilem. 13. circa fin. extr. qui filij sint legitimi*; fit, vt tales etiam subsequenti matrimonio, quod nullum est, non legitimentur. Quod * multo magis dicendum est de filiis Clericorum, & ordinatorum, eos nullo modo legitimari posse, vt expressè glossa Iuris Saxonici *lib. 3. artic. 45.* tradit, quod intellige per subsequens matrimonium. Clerici enim & sacerdotes, non simplicem fornicationem, sed adulterii crimen committunt: quippe cum ii dicantur mariti Ecclesiarum, vt est glossa in verbo. *adulterinus. c. per Venerabilem. ext. qui filij sint legitimi.* Consequens est, vt tales liberi, non tantum pro adulterinis, per glossam *d. c. per Venerabilem*, sed etiam pro incestuosis & nefariis habeantur, teste glossa in *l. 2. in fine. C. de Episcopis & Clericis* in verb. *filij &c.* vt potè quod mulier à Præbytero carnaliter cognita, sit sponsa illius scilicet Ecclesie filia. Quod etiam notat glossa *d. art. 45. lib. 3.* Sicut itaq; ex adulterio (ob quod matrimonium impeditur) nati non legitimantur, vt supra dictum est; ita neq; hos legitimari posse, DD. communiter statuunt; his enim omnibus, scilicet Clericis, nuptiæ secundum sacras

regulas, sunt interdictæ, imò nec concubinas habere, aut luxuriis tradere vitam licet, vt ex text. in *Nou. de Monachis. c. si quis aut. 8.* Et in *c. cum multa.* Et in *c. Clericis. & in c. sicut. extra de cohabit. cleric.* patet. Proinde * huiusmodi liberos ab omni successione tam paterna, quam materna, & è contrâ, parentes vtriusq; sexus ab illorum repelli, communis est opinio, per textus in obseruatione præced. de incestuosis, adulterinis, & nefariis, allegatos: quod videlicet hi, neq; filiorum nomine digni sunt, neque habeant vllum legis beneficium, quinimò omnium hominum vilissimi vel ex eo censeantur, quod pro emenda currum fœni, quem duo boues vnius anni trahere possunt, accipiant, prout textus *d. artic. 45. lib. 3.* habet.

OBSERVATIO LXXI.

De legitimatione per rescriptum Principis, & oblationem curiæ.

S V M M A R I A.

1. Legitimatio per rescriptum Principis, an de iure locum habeat.
2. In legitimatione per rescriptum Principis, quæ requirantur.
3. Ea quæ sunt iuris diuini, & naturalis, Principum voluntate mutari non possunt.

4. Praxis & consuetudo locorum, in legitimatione per rescriptum.
5. Rex in suo Regno ex quocunq; illegitimo coitu natos, legitimare potest.
6. Consensus collateralium in legitimatione, vtrum sit necessarius.
7. In feudis antiquis an legitimatio fieri possit per rescriptum Principis, in præiudicium agnatorum.
8. Priuilegia Principis sine præiudicio tertij, intelligenda s'nt.
9. Legitimatio plena alia est, alia limitata.
10. Legitimatio per oblationem curiæ, an de iure locum habeat.

1 **A**lter verò * legitimandi modus est, qui fit per rescriptum Principis, quem non solum praxis curiæ Regalis, (vt ex decreto inter Rzuchov voski & Babski, contra Danielelem Kula, Anno 1596 feria tertia post festum S. Agnetis lato, videre est) sed omnium ferè locorum & terrarum perpetuo seruat. Nam & iure ciuili talis legitimatio pro vera & legitima habetur, & omnē maculam natalium amouet, reducitq; eos ad illud principium, quādo natura sola hominibus sanciebat iura, quo tempore omnes liberi & legitimi nascebantur, per express. text. in *Nou. quib. mod. natural. efficitur sui, c. illud. 9. in verbis: Si-*

cut enim sunt modi, qui seruos ad libertatem simul & ad ingenuitatē deducunt, & natura restitunt; ita si pater non habuerit legitimam prolem, & voluerit eos restituere natura, & antiquæ, ingenuitati siue ex ingenua nascatur ei, siue ex liberta, & legitimos de cetero, & sub potestate habere, hoc agat per nostrū rescriptum. &c. Nāq; hoc modo omnes huiusmodi naturæ digressiones & opiniones in his, qui legitimos non habēt filios, corrigi posse, Imp. Iustin. ibidē testatur, & gloss. iuris Sax. lib. 1. artic. 51. vers. notandum. & iuris Municip. artic. 4. in fine. id ipsum probans, hoc modo legitimatos, pro veris & legitimis censerī, & ad successiones idoneos fieri tradit. Verum * 2 quod huiuscemodi legitimatio per rescriptum Principis, non simpliciter, sed cum limitatione quadam fieri debeat, text. d. *Nou.* admodū clarè ostendit. Et primò quidem diligenter considerandum est, an legitimandus per rescriptum Principis, per subsequens matrimoniū legitimari non possit, vt potè quod alteruter parentum iam mortuus sit, vel simili aliqua ratione impeditus, quò minus de iure nuptias contrahere queat, vt in verbis: d. *Nou. c. 9. in pr.* habetur. Nam quādo filii naturales per subsequēs matrimoniū legitimari possunt, vt sup. obs. præcedenti dictum est; nequaquā.

extraordinario remedio succurri illis debet, ne videlicet fornicationis turpitudine, legitimationis beneficio operiatur, prout gloss. in *Non. quib. mod. nat. eff. legit. c. sit igitur licentia. 2.* in verbo *permittimus.* notat. Secundò necessario requiritur, vt talis legitimatio liberis naturalibus & legitimis non extantibus, petatur, per express. text. in *d. Nonnull. d. c. illud.* in verb. *Si quis ergo filios legitimos non habens, sed tantummodò naturales, ipsos quidem legitimos facere valuerit, damus ei fiduciã ad legitimum ius filios educere naturales, legitimis, sicut prædiximus, non existentibus.* Et ratio est, quòd cum legitimati æquiparètur per omnia legitimis, etiam quo ad successionem, & alia iuris beneficia, liberi naturales & legitimi summa inde videntur affici iniuria, quibus omnia iura diuina & humana successionem deferunt. Illa * autem, quæ sunt iuris diuini & naturalis, Principes sine causa mutare non debent. Quamuis enim legibus soluti sint, legibus tamen viuere debent. Digna siquidem vox est Maiestate regnantis, legibus alligatū se principem profiteri, vt Impp. Theod. & Valent. in *l. digna. 4. C. de leg. rescripserunt.* Si tamen consensus liberorum naturalium & legitimorum, de quorum præiudicio agi-

tur, accedat, quot talis legitimatio teneat, nullum est dubium, per express. text. in *l. interdum. 2. ff. de natalib. restit.* vbi dicitur: *quod Imperatores non facile soleant quenquam natalibus restituere, nisi consentiente patrono; vel (vt in l. nam ita Diuus. 39. ff. de adopt.) his, qui contradicent, id est, qui lederentur confirmatione adoptionis: idem intellige legitimationis.* Et * hæc iure quidem ciuili 4 obtinent. Contrarium tamen consuetudines locorum, & praxis communis tenet, quod videlicet non obstantibus his requisitis, plenè & perfectè illegitimi per rescriptum principis legitimi efficiantur, ita vt neq; facultas legitimandi per subsequens matrimonium, neq; consensus liberorum legitimorum sit necessarius. Quinimò * quod magis est, omnes ex quocunque illicito complexu nati, possunt à Rege legitimari, non solum quo ad honores, sed etiam quòd ad successiones. Quod decreto in causa Danielis Kula contra Rzuchovvski, & Babski, in Curia Regni Anno 1596. lato, liquidò probari potest. Summus quoq; Pontifex & Imperator in suis terris eam facultatem habent, teste Abb. in *c. per venerabilem. extra. qui filij sint legitimi.* Porro * collateralium consensus, siue 6 agatur de successione bonorū al-

lodia-

7 lodialiū, id est propriorū, siue feudaliū, in legitimatione minime videtur esse necessarius, cum his nō tam pleno iure, quemadmodum liberis legitimis, successio debeat, ac proinde nullum eis fieri videtur præiudiciū, si à principe illegitimi legitimentur. Quod * an etiam in feudis antiquis, in quibus agnatis ex pacto & prouidentia primi acquirentis, non ab ipso agnato, qui legitimationi cōsentit, ius quæsitum est, locum habeat, magis dubitari possit? Et certè quamuis prima fronte iniquum videatur, hoc iure & beneficio illos priuari; attamen si res penitus consideretur, non omnino id æquitati repugnare videtur. Cum etenim Vassallus in feudo antiquo nihil aliud præter spem succedendi (quæ non dicitur esse in bonis nostris) acquisitam habeat, nihil obstat, quo minus Princeps (iusta tamen & legitima interueniente causa) hanc spem agnatis auferre, & naturales in præiudiciū illorum legitimare possit. Nec repugnat quod in text. *c. naturales. 2. feudo. tit. si de feud. defunct. contentio sit inter dom. & agnat.* Vassalli dicitur: *Naturales filios, licet postea fiant legitimi, ad successionem feudi, nec solos, nec cum alijs admitti.* Id enim de legitimatione per subsequens matrimonium, non autē

per rescriptum Principis, intelligi debet. Nam hoc casu, si Princeps expressè dicat legitimatum, etiam quo ad feuda, idoneum esse, nullū est dubium. quod propter plenitudinē potestatis Principis id valeat, quod aliās non valeret, vt glossa ibidem in verbo, *legitimis.* singulariter notat. Disputare etenim de Principis potestate, instar sacrilegii est, *iux. vulgat. l. disputare. Cod. de crimine sacrilegij.* Vnde manifestè liquet, quod in huiusmodi legitimationibus naturalium, præsertim quō ad feuda antiqua, necessario adici debet causa, ob quam videlicet in præiudiciū agnatorum, tales ad successionem huiusmodi feudi admittantur, vel si nulla subsit iusta & legitima, ius hoc in spe positum, agnatis inuitis, & non consentientibus, auferri non debet. Priuilegia * enim & beneficia Principū sine præiudicio iuris tertii⁸ intelligenda sunt, per express. text. *in l. 1. §. si quis à Principe ff. ne quid. in loco publico.* Et ideo clausula adici solet in rescripto: *Saluo iure agnatorum vel tertij.* Diligenter autem * notandum est, aliam esse plenam legitimacionem, aliam verò limitatam, quæ etiam dispensatio dicitur. Vera etenim siue plena legitimatio est, quando legitimatus plenū ius ingenuitatis & natalium conse-

9 qui-

quitur, & pro legitimo in omnibus habetur. Dispensatio verò est. quādo tollitur quidem defectus natalium, sed tantum in casu certo, ut potè quo ad honores, & dignitates, vel ad successiones, & tunc quò ad illud, non obstante macula natalium, pro legitimo habetur, quamuis quò ad alia, inhabilis sit, ut notat Gail in obseruat. l. 2. obser-

10 *nat. 142.* circa finem. Ultimus * denique modus legitimandi per oblationem Curia, (dum videlicet aliquis datur in seruitium Imperatoris, vel Præsidis Prouinciæ) in legibus recensetur, cuius fit mentio in textu *Instit. de nuptijs. §. fin.* his verbis: *Aliquando autem euenit, ut liberi, qui statim ut nati sunt, in potestate parentum non sint, postea redigantur in potestatem patris, qualis est is, qui dum naturalis fuerat, postea curia datus, potestati patris subijcitur. Qui modus legitimandi manat ex constitutione Theodosii, quæ in l. 3. C. de natur. lib. ponitur. Quod hodie minimè locum habet: duobus etenim tantummodo modis naturales efficiuntur legitimi, ut supra dictum est.*

OBSERVAT: LXXII.

Legitimitas quomodo probanda sit.

SVMMARIA.

1. *Legitimus qui dicatur.*
2. *Mater quare semper certa, & itidè cur pater semper certus probari non possit.*
3. *Coniectura & presumptiones, ad probandam legitimitatem quales esse debeant.*
4. *Onus probandi illegitimitatem, quando transeat in aduersarium.*
5. *Probatio legitimitatis, utrum in loco domicilij, an in loco originis fieri debeat.*
6. *Presumptiua probatio filiationis quæ dicatur.*
7. *Possessio filiationis transfert onus probandi in aduersarium.*
8. *Parentum negatione filius non excluditur à iure filiationis.*
9. *Matri non creditur propriam alleganti turpitudinem.*
10. *Questio legitimitatis in foro Ecclesiastico potius, quam seculari, tractari debet.*

CVM difficilis admodum sit probatio legitimitatis, DD. communiter eum * legitimum dici volunt, qui in matrimonio ex vxore natus est. Lex enim præsumit, eum esse legitimum, quem nuptiæ demonstrant, per express. text. in l. *quia semper. s.* in verbis: *Pater verò est, quem nuptiæ demonstrant. ff. de in ius*

ius voc. facit etiam textus in l. filium eum. 6. ff. de his qui sunt sui vel alieni iur. Vbi dicitur, quod filius is dicatur, qui ex viro & uxore eius nascitur. Quamuis verò * mater semper sit certa, etiam si vulgò conceperit, vt inquit Vlpian. in d. l. quia semper. quod videlicet per testes, vt potè obstetrices, probari possit, vt in l. 1. §. inspiciendo. & aliis. ff. de ventre inspici. habetur, (& ideo hæc probatio à DD. vocatur necessaria) pater tamē certò probari non potest, vt notat glossa in d. l. filium eum. & in l. Lucius. 83. ff. de condit. & demonst. Hinc Telemachus (vt refert Homerus Odyss. lib. 4.) ab Aiace quæsitus, num filius Vlyssis esset? respondit, matrem dicere se esse Vlyssis filium: attamen se nescire. nondum enim aliquis suum ipse nouit genitorem. Rationem eius rei tradunt DD. quod filiatione sensu hominis percipinequeat, sed solo iudicio intellectus comprehendatur, & ideo testibus directè probari non potest: quorum dicta certò concludere debent, per textum in l. testium. C. de testib. Porro * cōiecturæ, præsumptiones, aliæque circumstantiæ verisimiles hac in re, sunt instar plenæ probationis, vt potè si communi vicinorum opinione is, de cuius legitimitate agitur, pro filio habeatur: quæ pro-

batio secundum DD. vocatur probabilis: pro quo multum facit text. in l. si Vicinis. 9. C. de nuptijs. cuius is est tenor: Si vicinis vel aliis scientibus, uxorem liberorum procreandorum causa domi habuisti, & ex eo matrimonio filia suscepta est, quamuis neq. nuptiales tabula, neq. ad natam filiam pertinentes facta sunt; non ideo minus veritas matrimonij, aut susceptæ filia, suam habet potestatem. Et * ideo hoc casu dum videlicet opinio vicinorum aliquem legitimum esse agnoscit, onus probandi transit in aduersarium, illegitimitatem obiiicientem, teste Ioan. Andr. in c. infamibus. de R. I. lib. 6. Vnde * etiam consequens est, quod probatio legitimitatis nō tam in loco domicilii, quàm in loco originis, fieri debeat, quemadmodum etiam in Curia Regni, in causa inter Napierkovvski, & Simonem Rouenberg ciuem Pokrzyunen: anno 1591. sabbato post festum Visitationis B. M. V. decisum fuit. Item * si quis eum, de cuius legitimo ortu quæstio est, tractauerit, nominauerit, vel educauerit instar filii, legitima est probatio (vt vulgò dicitur) filiationis, quam DD. vocant præsumptiuam. idque per text. in l. 2. §. Iulianus. ibi: Grande enim præiudicium adfert pro filio confessio patris. ff. de agnoscend. & alend. Dd lib.

lib. 9. Cui ad stipulatur textus quoque iuris Canonici inc. per tuas. 10. tit. de probat. in verbis: Quia verò mulier illa, de dicto Titio suscepisse eum, de quo agitur primitus constanter adseruit, & idem Titius præfata mulieris præcipuè de victus instantia, ipsum suum filium publicè recognovit, & filius eius nominatus communiter fuit, & habitus ab ambobus, eiusdem mulieris postmodum iuramento in contrarium præstito, non est standum: Cum nimis indignum sit (iuxta legitimas sanctiones) ut quod sua quisque voce dilucidè protestatus est, in eundem casum proprio valeat testimonio infirmare. Ex quibus* manifestè patet, quod possessio filiationis, si videlicet quis pro filio habeatur à parètib9, maximà inducat præsumptionem legitimatatis. Cui tamdiu standum est, donec contrarium ab aduersario, illegitimitatem obiciente, probetur, per textum in *l. non nudis. 14. his verbis: Non nudis adseuerationibus, nec e mentita professione, (licet utriq; consentiant) sed matrimonio legitimo concepti, vel adoptione solenni, filij ciuili iure patri constituuntur. Si itaq; hunc, contra quem supplicas, alienum esse probare confidis, per te, vel procuratorem adfirmationem eius falsam detege. Cod. de probation. Facilius tamen is, cui obicitur illegitimitas, ad probandam legiti-*

tatem admitti debet, iuxta dispositionem iuris Saxon. *lib. 3. artic. 28. in verbis: Qui alium dicit illegitimum ortu aut officio, hoc contra ipsum proponens, ille cum testibus in suo iure perfectis, probare debet. Quinvis tamen, quod sit legitimus & pleni iuris cum testimonio probaturus, facilius auditur, quàm propter testimonium, cuiuscunque id ei abiudicari possit: quem textum glossa ibidè in hunc explicat modum, quod nimirum iurare debeat, parentes suos esse legitimè copulatos, illumq; esse legitimè in matrimonio natum, idq; probare debet vir metseptimus, mulier verò sola. Quamuis, is qui ex quatuor progenitoribus suis, ex duobus auis & auis, indiffamati iuris est, à nullo inculpari possit, per express. text. *lib. 1. artic. 51. & iur. Municip. artic. 4. Porro* sola 8 negatione parentum filius nō excluditur à iure filiationis. Licet enim mater asseueret, filium suum non esse ex legitimo matrimonio ortum; tamen huiusmodi confessioni, secundum communem DD. opinionem, stari non debet. Et est textus admodum singularis in *l. Imperatores. 29. §. 1. in verbis: Mulier grauida repudiata, filium enixa absente marito, ut spurium in actis professæ est, quæsitum est; an is in potestate patris sit? & matre intestata mortua,***

*mortua, iussu eius, hæreditatem matris adire possit; nec obstitit professio, à matre irata, facta respōdit, (IC. Scæuola) veritati locum superfore, ff. de probat. Nec quicquam repugnat alius textus in l. etiam. 16. ff. eodem. vbi dicitur: quod etiam matris professio filiorum recipiatur. Nam hoc de eo casu intelligi debet, quando mater profitetur aliquem esse suū filium: non autem quando confitetur esse illegitimum. Diuersitatis verò istius hæc est ratio: quòd primo casu præsumptio sit necessaria, vt supra dictum est, secundo verò casu, quia fauore matrimonii præsumitur quisque legitimus, quem nuptiæ demonstrant, per supra allegata iura: idcirco * non creditur matri propriam alleganti turpitudinem, per clarum fatistext. in c. inter dilectos. 8. ibi: immò potius contrà se turpitudinem allegabant & c. ext. de donat. Cui ad stipulantur textus itidē iuris ciuilis prout videre est in l. cum profitearis. 4. C. de reuocan. donat. & in l. trans actione finita. C. de transact. item in l. idem. 4. ff. de condict. ob turp. caus. Quod in Curia quoq; Regni inter quosdam ciues, anno 1597. practicum memini. Pro coronide autem istius quæstionis * obiter notandum, quod quæstio legitimittis potius in foro Ecclesiastico,*

quàm seculari decidi debeat, per claros textus in c. lator. 5. & in c. causam. 7. in verbis: Mandamus, quatenus regi possessionum iudicium relinquentes, de causa principali vide licet, vtrum mater predicti R. de legitimo sit matrimonio nata? plenius cognoscatis, & causam huiusmodi terminetis & c. ext. qui filij sint. legitimi. 17. Quamobrem quando instituitur quæstio hæreditaria, & obiicitur quæstio natiuitatis, consequens est, quod hæc prius coram Iudice Ecclesiastico terminanda sit, quod etiam notat gloss. iuris Sax. in d. artic. 28. lib. 3. Et in Curia inter Magistratum Ciuitat. Crofn. & Kielarouva Anno 1583. feria tertia post festum S. Iacobi Apostoli, ita pronunciatum esse reperio. Quader Statutum etiam Regis SIGISMUNDI Cracouiæ, anno 1543. latum, disponit his verbis: *Spiritualitamen Iudicio pertinet querere & iudicare de legitimi & illegitimi thori liberis seu naturalibus.*

OBSERVAT: LXXIII.

De feudis, & an Vasallo steriliter defuncto, reliqui eiusdem familiaræ ad feudum admitti debeant.

S V M M A R I A.

1. Feudorum in regno vsus.

Dd 2

2. Feud-

2. *Feudum quid sit.*
3. *Feudum aliud nouum, aliud antiquum, quod & paternum dici solet.*
4. *Feudi paterni ab antiquo distinctio.*
5. *Feudorum species multifariae in iure reperiuntur, quae ad usum regni non pertinent.*
6. *Feuda hereditaria quae dicantur.*
7. *Successor in feudo hereditario tenetur soluere debita Vasalli defuncti, in alijs feudis non item.*
8. *Feuda noua non transeunt in collaterales.*
9. *In feudis antiquis etiam agnati succedunt, idque in infinitum.*
10. *Inuestitura tenor in feudis inspicendus est: & quid sit Inuestitura.*
11. *Vasallus intra annum & diem tenetur petere inuestituram, alias perdit feudum.*
12. *In feudo antiquo quando succedens defuncto Vasallo est in reali possessione feudi, non petitur noua Inuestitura, sed antiquae confirmatio.*
13. *In regno confirmationes feudorum usurpantur.*
14. *Decisio Curiae Regiae de successione feudi antiqui facta.*
15. *Iure Sax. agnati non succedunt in feudo ex iure defuncti, verum ex simultanea inuestitura.*
16. *Feudi diuisio non alienat naturam feudi: secus de iure Saxon.*
17. *Vasallus alienans feudum sine consensu domini, priuatur feudo.*

18. *Alienatio feudi paterni in prauiudicium agnatorum non valet, etiam Domino consentiente facta.*
19. *Feudi paterni alienatio inter agnatos conceditur.*
20. *Causae, ob quas Vasallus feloniam committit, & feudum priuari potest.*

CVM & * in Regno feudorum non minor, quam in alijs provinciis, & regionibus sit usus, ut potest quod a Regibus nostris non solum inferiora feuda, de minutioribus bonis, sed etiam Ducalia plerumque concedi soleant; Idcirco non alienum a proposito fore existimo, si pauca de hac quoque materia in medium adferantur. In primis verò sciendum est, *feudum** nihil aliud esse, nisi beneficium, quod ex beneuolentia ita datur alicui, ut proprietatem quidem rei immobilis beneficiatae penes dantem remaneat, usus fructus verò illius rei ita ad accipientem transeat, ut ad eum, haeredesque suos masculos, siue feminas, (si de his nominatim dictum sit) in perpetuum pertineat: ad hoc ut ille & sui haeredes fideliter domino seruiant, siue seruitium illud nominatim, quale esse debeat, sit expressum, siue indeterminatè sit promissum: prout ea definitio in titul. in quib. caus. feud. amitt. lib. 2. feud. exprimitur. Feudum verò* in genere sumptum quandoque dicitur nouum, quandoque

que antiquū, seu paternum. Nouū ideo dicitur, quòd non ex successione prouenit, sed à primo inuestito de nouo acquiritur, per expressum textū *tit. qui testes sunt necessarij ad nou. inuestit. prob. lib. feud. 2.* in verbis: *Nouam inuestituram dico, quando feudum primò quaritur.* Antiquū verò siue vetus eam ob causam appellatur, quòd ab antecessoribus acquisitum est, & ex successione prouenit, atque ideo familiæ, siue ex pacto & prouidentia acquisitum dicitur. Nec refert, quacunque tandem formula tenor inuestituræ concipiatur, puta siue feudum Vasallo pro se & liberis: siue pro se & posteris: siue deniq; pro se & successoribus, vel hæredibus datum, concessumue sit. Omnes etenim huiusmodi formulæ eandē ferē vim habent, neq; diuersitatē aliquam naturæ feudi inducere videntur: saltem quod feudum de nouo acquisitum, & adhuc in persona acquirentis remanens, dicatur nouum: postmodum verò hoc idem feudum ad descendentes vel collaterales transmissum, appellatur antiquum seu paternum. Quia in re * itidem huiusmodi distinctio obseruanda est, quod vsque ad quartum gradum descendentium à primo acquirente proueniens, dicatur feudum paternum; quar-

tum verò demum gradum excedens propriè dicatur antiquum, per expressum text. *tit. de success. feud. §. hoc quoque.* ibi: *Et olim obseruabatur vsque ad quartum gradum secundum quosdam: hoc ideo, quia postea non vocatur feudum paternum: quamuis in iure, & apud DD. passim ista nomina promiscuè vsurpentur; vt potè, quòd eandem naturam habeant, & iisdem legibus definiantur.* Sunt & aliæ * multæ & variæ feudorum species, quæ cū ad externorū potiùs mores, quàm ad huius Regni vsum pertineant; idcirco ne metas propositi mei excessisse videar, lubens iis recensendis ad præsens supersedebo. Illud tamen non prætermittendum mihi esse videtur, quod quædam feuda, siue illa antiqua sint, siue noua, dicantur hæreditaria, * vt potè Vasallo pro se & hæredibus concessa; quorum ea est vis & natura, vt nō transeant, nisi ad eos, qui sunt hæredes defuncti Vasalli, id est, qui bonorum etiam allodialium hæreditatem adeunt, per text. *in c. 1. tit. an agnat. vel fil. def. possit retin. feud. repud. heredit. lib. 2. feud.* in verbis: *Vbi verò filium reliquit, ipse non potest hæreditatem sine beneficio repudiare: sed aut vtrumq; retineat, aut vtrumque repudiet, quo repudiato, ad agnatos, si paternum sit, pertinebit.* Et

ideo communis est DD. iuris sententia, quod* successor in feudo hæreditario teneatur soluere debita. Vasalli defuncti in aliis verò feudis non item. Diuersitatis quippè ratio est, quòd huiuscemodi feudum naturam quandam bonorum allodialium sapiat, & ab hæreditate (quæ non hæredis personam, sed defuncti sustinet. l. hæreditas. ff. de acquir. rerum dominio) nequaquam separari possit, per suprà dictum textum tit. an agnat. vel fil. defunct. possit. & c. Alia verò feuda, cum nihil commune cum hæreditate habeant, quinimò ab eadem multis modis separata & distincta sint; meritò onera quoque hæreditatis ferre non debent. Obiter autem illud quoque notandum est, quod in feudis* novis soli descendentes succedant, ad collaterales verò etiam ad fratres, nequaquam huiusmodi feuda pertineant, nisi de eo expressè in investitura cautum sit, per express. text. in tit. 20. de benef. fratr. & qual. frat. & c. lib. feud. 1. in verbis: Si quis acquisierit beneficium, & sine filio masculo mortuus fuerit, & fratrem reliquerit: frater non succedat fratri, sed dominus habeat, nisi per investituram à domino ordinatum fuerit, ut frater succedat fratri, si mortuus fuerit sine masculo hærede: vel succedat frater fratri morienti sine filio: vel nisi bene-

ficiū de communibus bonis fuerit emptum: vel utriusq; nomine domino sciente, si in simul steterint: vel in hostem regis acquisierint. Quod itidem in textu c. vn. versicul. Si enim Titij avus. tit. de success. fratr. lib. 2. feud. satis clarè innuitur. At in feudis* antiquis secus est, in quibus non solum ad descendentes, sed etiam iis deficientibus, ad agnatos collaterales, successio devoluitur. idq; vsq; in infinitum, per text. in c. vn. titul. de natur. success. feudi lib. 2. feud. in verbis: Successionis feudi talis est natura, quod ascendentes non succedunt: verbi gratia, pater filio, inferius verò filius patri succedit, non filia, nisi ex pacto, vel nisi sit fæmineum. Tunc enim succedit filia matri & patri, secundū quosdam succedit nepos ex filio solus, & sic vsq; in infinitum. ex latere omnes per masculos descendentes vsq; in infinitum, si feudum sit maternum. Nec obstat, quod in contrarium ex text. c. 1. §. hoc quoque. titul. de his qui feud. dar. possunt. lib. 1. feud. à quibusdam obici solet. successionem agnatorum non ultra septimum gradum, extendi posse: idque ob eam causam, quòd ultra eum gradum non possit inueniri parentela. Licet enim vltiores gradus cognationis numerare possimus, ut potè quòd generata persona semper gradum adiciat; attamen propria

pria cognationis appellatione quē-
piam denotare, admodum difficile
est, prout in §. *hactenus. Instit. de gra-
dibus cognationis.* disponitur. Nam
hoc ita demum obtinet, si statim
post primum acquirentem, huius-
modi feudum in transversales siue
collaterales deuoluatur, vt potē
quod is sine filiis decesserit, & so-
los fratres vel alios collaterales re-
liquerit, atq; in inuestitura de eo
expressē cautū sit, quōd deficienti-
bus descendētib; ad collatera-
les ipsius feudum deuolui debeat,
vt supra dictum est. Eo etenim ca-
su, ad septimum tantum gradum
ius feudi extendi solet. At quando
post primum acquirentem seu in-
uestitum ad filios vel filium imme-
diatē descendit: & postmodum à
filio vel filiis ipsius ad agnatos siue
collaterales deuolutum est, eo ca-
su, non est dubium, agnatos etiam
vltra septimum gradum, vsque in
infinītum ad huiusmodi feudū
admitti, quod DD. ibidem tradunt.
Et est ratio, (quam adfert Afflict.
in c. 1. tit. de feud. Marchia) quod ni-
mirum eo casu, respectu primi ac-
quirentis, omnes agnati seu colla-
terales dicantur ipsius descendē-
tes, & ideo meritō successio ipsis
debeatur vsque in infinitum. Hinc
10* itaque liquidō constat, quod in
decidendis causis feudalibus ante

omnia inspiciendus sit tenor inue-
stituræ, ex qua vis & natura feudi
cognosci debet. Inuestitura autē
proprie quidem dicitur possessio:
abusu autem modo dicitur in-
uestitura, quando hasta vel aliud
corporeum quidlibet porrigitur à
Domino feudi, se inuestituram fa-
cere dicente, per text. *inc. 1. in pr.
tit. quid sit inuestitura. lib. 2. feud.* Ac
proinde* necessitas imponitur cui- 11
libet Vasallo, vt intra annum &
diem inuestituram à Domino pe-
tere cogatur, idque siue dominus
ipse mortuus fuerit, siue etiam Va-
fallus: alias amittit feudum per tex.
*inc. 1. tit. quæ fuit prim. caus. benef. a-
mitte. lib. 2. feud.* in verbis: *Prima au-
tem causa beneficii amittendi hæc fuit,
& adhuc est in plerisque curijs, (sed
in nostra Mediolanen. non obtinet)
quod si Vasallus per annum & diem
domino suo mortuo steterit, quod hæ-
redem domini sui inuestituram peten-
do, fidelitatem pollicendo non adierit,
tanquam ingratus existens beneficiū
amittit: & è conuerso, si domino su-
persite Vasallus decesserit, & filius
eius per iam dictum tempus neglexe-
rit petere inuestituram, beneficio care-
bit.* Rationem verò eius rei hanc
esse quidam tradunt, quod inue-
stituram petere, sit quidam quasi
census deuotionis & recognitio-
nis ac reuerentiæ, quæ debet domi-
no præ-

12 no præstari. Quamvis * si feudum sit antiquum, & filius, siue is, qui defuncto Vasallo succedit, post mortem ipsius in possessione reali feudi inueniatur, nō habet necesse nouam petere inuestituram, sed tantummodo antiquæ confirmationem. Quales confirmationes *
 13 etiam in Regno, præsertim in minoribus feudis, quæ de bonis minoribus conceduntur, locum habent, ita vt non sit opus semper petere nouam inuestituram, sed sufficiat antiquæ confirmatio. Cuius rei intuitu *
 14 in Curia quoque regia, inter Tisenhaus & Barcz actores: & successores Simonis de Burg, incolas Liunionæ conuentos, feria tertia post festum S. Agnetis, Crac. anno domini 1596 quatenus prædicti Conuenti, ea bona, quæ per Magistrum Liunionæ dicto olim Simoni de Burg, auo citatorum, eiusq; successoribus masculis iure feudi fuerunt collata, & in quorū pacifica possessione tanquam veri & legitimi prædicti aui sui successores, vsque ad litem inchoatam fuerant, iure feudi cum suis hæredibus habeant & possideant, recte decisū fuit. Actorea parte ne quicquam in contrariū allegante, quod filii dicti Simonis Burg primi inuestiti, diuisionem eius feudi inter se fecerint, & quod vno ex dictis fra-

tribus steriliter mortuo, alterius fratris filii, moderni scilicet conuerti, in feudi ipsius sorte, sine noua & speciali inuestitura succedere non potuerint. Nam cū feudum illud paternum fuerit, vt potè ab auo illorum acquisitum, meritò ad illos quoq; tanquā ipsius nepotes, sine noua & speciali inuestitura, deuolui debuerat, prout etiam in *c.vn. titul. de natur. success. feud. lib. 2. feud.* iste casus clarè admodum explicatur his verbis: *Paternum autē voco, quicumq; ex superioribus id acquisiuit: dummodò scias, quod si quis habens beneficium, quatuor superstitionibus filiis decedat, & feudum ad vnū solum ex diuisione deueniat, & iste superstitionibus filiis duobus vel tribus decedat, qui patrueles dicuntur, ad quorum vnum feudum similiter peruenit, sicut etiam ex alijs superioribus, vel primis fratribus supersunt masculi, si ille qui feudum habet, decesserit nullo filio relicto: an ad omnes, vel ad quos perueniat, queritur? Respōdeo ad solos, & ad omnes, qui ex ista linea sunt, ex qua ille fuit.* Sed hæc de iure quidem communis feudorum ita se habent: secus de iure Saxo-
 15 nico. Nam eo iure * non attenditur ius defuncti, sed tantummodo simultanea inuestitura, ita vt agnati non succedant defuncto etiā in feudo antiquo seu paterno, nisi
 sint

si nt simultaneè inuestiti: quinimò
 simultaneè inuestitus remotior,
 pari iure succedit cum proximio-
 re, non obseruata gradus præro-
 gatiua, prout in textu Sax. *feud. c.*
 16 32. habetur. Eodem modo * quam-
 uis de iure communi per diuisionē
 feudi, non mutetur natura feudi,
 per text. *inc. Si quis. tit. de succ. feud.*
 attamen iure Saxonum, post diui-
 sionē feudi factam, frater fratri in
 eo feudo non succedit, nisi de no-
 uo sint simultaneè inuestiti, *d. cap.*
 32. *lib. feud. Sax.* Verumtamē hac
 in parte ius Saxonicum feudale in
 regno non obseruatur: & in deci-
 dendis causis feudalibus ad con-
 suetudines & statuta regni, vel ad
 ius commune feudorum, tanquam
 fontem & originem, recursus fieri
 solet. Ex his facilē colligi potest,
 quod diuisio in bonis feudalibus
 fieri possit etiam sine consensu do-
 mini, neq; tamen ob id feudum a-
 mittatur, quamuis in alienatione
 17 feudi secus sit. Eò enim casu * feu-
 dum, vti ab ingrato aufertur, per
 express. text. *in. c. 1. §. si quis. tit.*
de prohi. alienat. feud. per Lothar. lib.
2. feud. iuxta quod in Curia quoq;
 Regali in feudis Lithuanicis aliquo-
 ties decisum fuit: & non ita pridē
 anno 1602. feria quarta ante festū
 S. Andræ Apostoli Cracouiæ in-
 ter Instigatorem & Pretflus, in

controuerso idipsum fuisse memi-
 ni. Quæ tamen ita intelligēda sunt,
 quod feudum nouum absq; con-
 sensu domini directi alienatum, re-
 deat immediatē ad dominum; an-
 tiquum verò ad filios vel agnatos
 alienantis, vt videre est in textu *c.*
1. titul. si Vasallus feud. priu. cui defe-
rat. & ibi, & in materia feud. DD.
 passim tradunt. Cuius rei ea vide-
 tur esse ratio: quia in feudo nouo
 de solius domini; in antiquo verò
 etiam de agnatorum præiudicio a-
 gitur, qui non ex persona alienan-
 tis feudum, sed iure proprio, ex
 pacto & prouidentia primi acqui-
 rentis, feudum petunt. In feudo
 autem nouo, filius patris personā
 repræsētat, & ex illius iure venit:
 ideoq; ob alienationem à patre fa-
 ctam, feudo à domino priuari po-
 test, teste Aluarotto *in c. Tytius. in*
pr. & §. fin. tit. quæ fuerit prima. caus.
benefic. amittend. Quamuis in eo,
 qui proportionem aliquam bene-
 ficii alienat absq; scientia domini,
 id non procedat. Is enim benefi-
 cium quidem retinet, sed fidē pro-
 missam seruare non videtur, per
 textum *in c. 1. §. item quæ. titul. quæ*
fuit pri. caus. benefic. amitt. lib. 2. feud.
 Ac proinde * alienatio quoq; feu- 18
 di antiqui, seu paterni, non valet
 etiam domini voluntate, nisi agna-
 tis consentientibus, ad quos bene-
 E c ficiū

ficium sit quandoq; reuersurum :
nec in filiam Vasallus feudum po-
terit confirmare agnatis non con-
sentientibus , vel postea ratum nō
19 habentibus. Et licet * prohibeatur
beneficii alienatio inter agnatos,
tamen si paternum sit, conceditur
vt sunt expressa verba textus, in c.
1. de alienatione feudi paterni. lib. 2.
20 feudor. Porro sunt * & aliæ multæ
causæ, ob quas Vasallus feloniam
committit, & feudum priuari potest,
quæ omnes ex causa quidem in-
gratitudinis descendunt, nullo ta-
men certo modo definiri possunt.
Quomodo enim Vasallus, quàm
humiliter, quàm deuotè, quàm be-
nignè, quàm fideliter erga dominū
suum debeat se habere, potius ex
naturalibus, & bonis Curiarum
consuetudinibus percipi, quàm le-
ge aut scripto aliquo potest com-
prehendi, vt in text. c. 1. tituli. in
quib. caus. feud. amitt. lib. 2. feud. ha-
betur. Generaliter verò id rece-
ptum est, quod ex quibus causis
filius ob ingratitude a patre
exhæredari possit; ex iisdem Va-
sallus quoque feudum amittere
queat, per express. text. in c. 1. §.
item qui dominum. in verbis: *Præ-*
dictis modis beneficium debere amitti,
tam naturalis, quàm civilis ratio sua-
det: quæ potest colligi, si quis nouam
Constitutionem, iustas exhæredationis

causas enumerantem, & alias Consti-
tutiones veteres, iustas ingratitudinis
& repudiij causas, quibus matrimonia
rectè contracta soluantur, & donatio-
nes iure perfectæ reuocantur, subtiliter
scrutatus fuerit. Sed quia natura no-
uas deproperat edere formas, potest
multis modis contingere, vt alia emer-
gant causæ, quibus videatur iussè adi-
mi posse feudum: ideoq; iudex solers
& discretus, & æquitati obsecundare
solicitus, cuncta subtiliter dispensans,
prouideat, si qua fuerit antiquioribus
causis similis seu maior, vt proinde sci-
at, vtrum beneficium sit amittendum,
an nihilominus retinendum. tit. qua-
vis. pri. caus. benef. amit. 2. feud. Quas
itidem priuationis causas DD. pas-
sim in tractatibus feudorum figil-
latim commemorant, & satis pro-
lixè recensent, quos in eo passu
consultare cuiuslibet.

OBSERVA: LXXIII.

Vtrum nobilitas per exercitium
mercaturæ amittatur.

S V M M A R I A.

1. Nobilitas quibus modis amittatur.
2. Nobilitati exercitium machani-
carum artium cur deroget.
3. Mercatura vtrum derogare possit
nobilitati.
4. Leges Regni & ius Civile nobili-
tati mercaturam officere statuunt.
5. Di.

5. *Distinctio DD. de mercatura, quomodo derogat natalibus nobilium.*

6. *Consuetudinis magna est auctoritas.*

7. *Distinctio inter mercaturam vberem, & tenuem.*

8. *Leges Regni mercaturam sordidā in nobilibus damnant.*

NON incommode his adiungi potest ardua de amittenda nobilitate quæstio: Num videlicet mercatura eidem derogare possit?

- 1 Sane iuris * manifesti est, quod nobilitas amittatur per turpitudinē vitæ, quæ in muneribus & officiis sordidis consistit: per sordida item exercitia, & artificia, & per omnes artes viles & mæchanicas, quæ magis corporis ministerio, quam industria animi perficiuntur, vt in textu *l. nobiles. C. de commercijs. & l. ne quis. C. de dignitatib. lib. 12.*
- 2 viderelicet. Rationem * vero huius rei, Philosophi alii aliam reddunt: vt potè, quòd talium artium Professores præ assiduo labore, umbratilem ac sedentariam vitam ducant: vel (quod magis placet) ingenii robur, ac animi excelsim, quæ nobilibus inesse debet, mercede conducti amittant. Sed *
- 3 an de mercatura eidem intelligendū sit, Iurisconsultis non satis de eo conuenit, & sæpius in controuer-

so id fuisse memini. Qua in re, quamuis non solum exempla tot Principum, Regum, & Imperatorum, qui citrà diminutionem status sui mercaturam exercere soliti erant, & etiamnum exercēt, adduci possint; sed etiam ratio ipsa, mercaturam confirmandæ societatis humanæ causa introductam esse suadeat: Cum (experientia teste) nihil magis Ciuitatibus ea sit non tantum vtilius, sed etiam honestius: nec solum honestius, verum etiam magis necessarium. Verum tamen * prædictis non obstantibus, leges nostræ, & praxis in Regno obseruata contrarium suadet. Quod etiam à iure ciuili non alienum est. Id enim textus in *l. nobiles. C. de commercijs. & mercat.* haud obscure innuit his verbis: *Nobiles natalibus, & bonorū luce conspicuos, & patrimonio ditiores, perniciosum vrbibus mercimoniū exercere prohibemus, vt inter plebeios & negotiatores facilius sit emendi vendendiq; commercium.* Cui concordat etiam textus in *l. ne quis. C. de dignitat. lib. 12.* vbi negotiatores ab omni dignitate repelluntur: quinimo nec militiæ nomen dare possunt, tot. tit. *C. negotiatores ne militent. lib. 12.* Solent enim (vt inquit Vlpian. in *l. iustissimè. §. proponitur. ff. de Edictio edicto*) ad lucra im-

pia prouiores esse: Et sacra scriptura, Mercatorem manus à scelere puras vix habiturum, dicit. *Ecclesiast. 24.* Nec desunt * qui hanc quæstionem, & varietatem opinionum, distinctione temperandam esse existimant. Quidam enim tradunt, mercaturam eo casu præiudicare nobilitati, si quis per se eam exerceat: secus si per alios, vt quia opera & ministerio seruorū vtatur. Quod facile refellitur per expressum text. in l. 2. §. 1. ff. de administr. rer. ad Ciuit. pertinentium. Nam quod quis suo nomine exercere prohibetur, id per alium agere non potest: de quo etiam Accursius ibidem notat. Alii verò id ita demum verum esse statuunt, nisi consuetudo vel necessitas cuiuscunq; loci contrarium obseruet. Quemadmodum id in Italia, Britania, Lusitania, locum habere, Bodinus de Repub. scribit.

6 Quamuis * verò magna sit vis & auctoritas consuetudinis cuiusq; loci; non tamen vsq; ad eò suo valiturā momento, vt aut rationem vincat, aut legem. Imperat Constant. in l. consuetudines. 2. C. quæ sit longa consuetudo. definiuit. Ac proinde in his etiam locis, in quibus talis est consuetudo, vt mercatura nobilitati non deroget, illud animaduertendum esse existimarem:

Vtrum * quis magnam & vberem, an verò tenuem & quæstuosam exerceat mercaturam. *Mercatura siquidem (teste Cicerone) si tenuis est, sordida putanda est; si magna & copiosa, multa vndiq; apportans, multisq; sine vanitate impariēns, non est admodum vituperanda.* Et ideo huiusmodi negotiationem seu mercaturam, nihil derogare splendori natalium, & nobilitati, glossa etiā in verbo publice, in Clementina, de vita & honestate Clericorū. testatur. Pro regula etenim generali tenēdū est. Omnia exercitia, in quibus est turpis lucri seu quæstus occasio & captatio, ac præterea omnia officia, in quibus est turpis quædam operarum locatio, nobilitati præiudicare, prout etiam Tiraquell. in suo tractatu de nobilitat. c. 37. num. 4. & 34. num. 50. notat. Nec * multū ab eo leges & Constitutiones Regni recessisse videntur. Nam & illæ sordidam & quæstuosam mercaturam, vt potè quæ pondere aut mensura minutim perficitur: & alias actiones viles damnant, prout de eo Statutum Regis Alexandri in Radom Anno 1505 factum, disponit his verbis: *Quorum tamē (scilicet nobilium) parentes, & ipsi met viuant, & vixerint ad instar aliorum nobilium in Regno: & non exercuerint, vel exerceant eas artes, & actiones,*

nes, quas communiter ciues, & qui in ciuitatibus morantur, exercere solent. Per contrarium enim vsum, nobilitas ipsa in popularem & plebeiam conditionem transire solet.

OBSERVAT. LXXV.

Vtrum bona eorum, qui mortem sibi adferunt, cōfiscari debeant.

S V M M A R I A.

1. Bona eorum, qui metu pœnarum, mortem sibi adfiscunt, fisco applicantur.
2. Qui tædio vitæ, aut impatientia doloris, manus sibi infert, non punitur confiscatione bonorum.
3. Textus iuris Saxonici, de his qui vitam sibi adimunt, quomodo intelligendus sit.
4. Cadauera eorum, qui mortem sibi consciuerunt, an sepultura tradi debeant.
5. His qui impatientia doloris, aut simili ex causa se ipsos exanimarunt sepultura denegari non debet.

FVnesta certè, non in frequens tamè quæstio praticari solet: An bona eius, qui sibi ipsi mortem consciuit, fisco applicari debeant? In hac quæstione distinctio iuris ciuilis tenenda est, quæ in l. 3. in pr. ff. de bonis eorū, qui ant. sent. vel mort.

sibi consciuer. &c. proponitur his verbis: Qui rei postulati, vel qui in scelere deprahensi, metu criminis imminentis mortem sibi constituerunt, heredem non habent. Papinian. tamè lib. 10. responsoꝝ ita scripsit: ut qui rei criminis non postulati, manus sibi intulerint, bona eorum fisco non vindicentur. Et subiungitur ibidem diuersitatis ratio: Non enim (inquit textus) facti sceleritatem esse obnoxiam: sed conscientie metum in reo velut confessor teneri placuit. Quod tamen ita verum est, si tædio vitæ aut impatientia doloris, aut alio simili casu vitam sibi ademert: non autem si nulla huiusmodi præcedente causa hoc fecerit, per express. text. in d. l. 3. §. 6. in verbis: Sic autè hoc distinguitur: interesse quæ ex causa quis sibi mortem consciuit, sicuti cū queritur, an is, qui sibi manus intulit, & non perpetravit, debeat puniri quasi de se sententiam tulerit. Nam omnimodo puniendus est, nisi tædio vitæ, vel impatientia alicuius doloris coactus est hoc facere. Et meritò (inquit IC. Marcianus) si sine causa sibi manus intulit, puniendus est. Qui enim sibi non pepercit, multò minus alij parcat. Et hoc idem Imp. Antoninus in l. 1. C. de bon. eor. qui mort. sibi consciu. statuit talibus verbis: Eorum demū bona fisco vindicantur, qui conscientia delati, admissi q. criminis, metu q. futu-

futura sententia manus sibi intulerūt.

- Ea propter fratrem vel patrem tuum, si nullo delato crimine, dolore aliquo corporis, aut tadio vitæ, aut furore, vel infania, aut aliquo casu, vitam suspendio finisse constiterit; bona eorum tam ex testamento, quàm ab intestato, ad*
- 3 *successores pertinebunt. Qua * distinctione textus etiam iuris Saxo. lib. 2. artic. 31. temperandus esse videtur, cuius hæc sunt verba: Qui per sententiam iudicis interficitur, vel qui seipsum interficit, eius succedat cognatus. Et ita summa iuris utriusque æquitate in Curia Regali. inter Kreski Stipatorem S. R. M. & successores cuiusdam dicti Sceika, incolæ ciuitatis nouæ Varssoui. Anno 97. die xi, Aprilis: Et à DD. Assessoriibus Curie Anno 99. feria sexta post festum S. Bartholomæi Apostoli, inter Wilhelmum Grym, & Kin, Scotum, pronunciatum fuit. Porro*
- 4 ** Coronidis instar circa præsentē quæstionem, etiam hoc notandum est, quod licet regulariter propter memoriam humanæ conditionis, mortuorū corpora sepulturæ tradi debeant, per text. in l. 27. ff. de cōdit. instit. lib. 28. tit. 7. in verbis: Laudandus est magis, quàm accusandus hæres, qui reliquias testatoris non in mare, secundum ipsius voluntatē abiecit, sed memoria humanæ conditionis, sepulture tradidit. In hoc tamē casu,*

dum videlicet quis sibi ipsi conscivit mortem, sepultura honesta, & publica oratione omnino priuari debet. iuxta c. placuit. 23. qu. 5. cuius is est tenor: Placuit, ut qui sibi ipsis, voluntariè, aut per ferrum, aut per venenum, aut per precipitium, aut per suspendium, vel quolibet modo violentam inferunt mortem, nulla prorsus in oblatione cōmemoratio fiat, neq. cum Psalmis ad sepulturam eorum cadauera deducantur. &c. Verum ut ego sæpius in ciuitatibus Germaniæ factum vidi, tales supra rastrum educi, & in campo sepeliri, aut in profluentem proiici solent, id quod etiam gloss. in d. artic. 31. monere videtur. Quod * tamen non de his, 5 qui ex impatientia doloris, aut correpti phrænesi, seu alia mentis infania, mortem sibi consciscunt, sed de his, qui ex desperatione, vel metu pœnæ, manus sibi inferunt, intelligi debet. Illi enim sicut bonis suis non proscribuntur; ita etiam sepultura decenti & honesta minimè priuari possunt. Hi autē quia non solum corpus, sed & animam suam nefariè perdunt, idcirco meritò hac ignominiosa sepultura afficiuntur, prout notat Iodocus Damhod. in praxi rerum crimin. c. 88. num. 6.

OBSERVAT: LXXVI.

Præscriptio longissimi temporis
quando locum habeat.

S V M M A R I A.

1. Præscriptio 30. annorum omnem tollit actionem.
 2. Præscriptiones cur introductæ.
 3. Longissimi temporis præscriptio etiam mala fidei possessori prodest.
 4. Iure Canonico semper bona fides requiritur.
 5. In bonis Ecclesiæ immobilibus, qualis præscriptio locum habeat.
 6. Ecclesiæ Romana centum annorū præscriptione gaudet.
 7. Res Deo dicata nunquam præscribi possunt.
 8. Decimæ sunt res Deo dicata, & nullo modo sacerdotibus auferri possunt.
- I PRæscriptio * longissimi temporis, id est 30. annorum, secundum iura Ciuilia, omnem omnino actionem, siue illa sit in rem, siue in personam, tollit, ut patet ex l. sicut in rem. 3. C. de præscript. 30. vel 40. annorum. lib. 7. tit. 39. quam propter singularem eius dispositionem, prout in se est, adicere, non abs re fore existimaui: Sicut in rem speciales, ita de vniuersitate ac personales actiones, ultra triginta annorum spatium

minimè protendantur: sed si qua res, vel ius aliquod postuletur, vel persona qualicunque actione, vel persecutione pulsetur: nihilominus erit agenti 30. annorum præscriptio metuenda. Eodē etiam iure in eius persona valente, qui pignus vel hypothecam non à suo debitore, sed ab alio per longū tempus possidente, nititur vindicare. Quæ ergo antea non motæ sunt actiones, 30. annorum iugi silentio, ex quo iure competere cæperunt, viuendi ulterius non habeant facultatem: nec sufficiat præcibus oblatis speciale quoddam (licet per annotationem) promeruisse responsum, vel etiam in iudicijs allegasse: nisi allegato sacro rescripto, aut in iudicio postulatione deposita, fuerit subsequuta per executorem conuentio: non sexus fragilitate, non absentia, non militia contra hanc legem defendenda, sed pupillari etate duntaxat, (quamuis sub tutoris defensione cōsistat) huic eximenda sanctioni. Nam cum ad eos annos peruenerint, qui ad sollicitudinem pertinent curatoris, necessario eis similiter ut alijs, annorum triginta interualla seruanda sunt. Hæ autem actiones annis triginta continuis extinguantur, quæ perpetuæ videbantur, non illa quæ antiquis temporibus limitabantur. Post hanc verò temporis definitionem, nulli mouendi ulterius facultatem patere censemus, etiam si se legis ignorantia excusare tentaue-
rit.

- rit. Ac licet ius ciuile æquitati naturali repugnare hac in parte quibusdam videatur; verior tamen eorum est sententia, qui non tam contra, quam præter naturæ ius, (vt nimirū quod iuri naturali deerat, per ius ciuile suppleretur) iura hæc de præscriptionibus inuenta, & æquitati maxime consentanea esse statuunt, idq; * in odium desidum hominum, & sui iuris contemptorum, vt habet text. in *l. fin. C. de annal. except.* propter bonum verò publicum, ne scilicet quarūdam rerum diu & ferè semper incerta dominia essent, vt *l. i. ff. de usucap. & usurp. & Instit. eod. in prin.* dicitur. Ac vt etiam aliquis esset litium finis, *l. vlt. ff. pro suo.* Quamobrè
- 3 * communiter omnes DD. iuris, hanc longissimi temporis præscriptionem etiam malæ fidei possessori prodesse tradunt, per text. in *l. i. §. ad hæc. Cod. de annali præscript. & auth. malæ fidei. C. de præscript. longi. temp.* in verbis: *Malæ fidei possessore alienante, cessat longi temporis præscriptio, si verus dominus ignoret suum ius & alienationem factam, spectatur ergo triginta annorū defensio.* Quamuis
- 4 * iure Canonico semper bona fides requiratur, per manifestum text. *c. vlt. ext. de præscriptionib.* cuius is est tenor: *Quoniā omne quod non est ex fide, peccatum est, Synodali*

iudicio definimus, vt nulla valeat absque bona fide præscriptio, tam Canonica, quàm Ciuilis: cum generaliter sit omni constitutioni, atq; consuetudini derogandum, quæ absq; mortali peccato non potest obseruari. Vnde oportet, vt qui præscribit, in nulla temporis parte rei habeat conscientiam aliena. Quam sententiam vt æquiores, & melioribus rationibus fulcitam, Camera Imperialis sequitur, prout notat, Andr. Gail *lib. 2. obs. 18. nū. 4.* iuxta quod in Curia etiam Regali, in causa ciuium Nurensium dictorum Bogudov vic anno 1597. die 7. Maii, practicatum memini. Porro * in bonis Ecclesiæ immobilibus, actionibusque ei competentibus, quamuis iure Codicis, non nisi centum annorum locum habeat præscriptio, vt habetur in *l. vt inter. C. de sacros Eccl.* in verbi: *Longissimū vitæ hominum tempus eligimus, & non aliter eam actionem finiri concedimus, nisi centum annorum curricula exceßerint.* Et in Nouell. 9. ibi: *Sed centum tantummodo annorum lapsu temporalem exceptionem eis opponi sancimus, videre licet.* Verumtamen hoc Priuilegium centum annorum in quadraginta postea mutatum esse. Nouell. *Constit. iiii.* probat his verbis: *In illis namq; (vt dictum est) negotijs, religiosos contractus, memorato quadraginta annorum*

6 *norum privilegio volumus perfrui, in quibus eis centum annorum prerogativam constitutio nostra contulerat. Quod etiam auth. quas actiones (ex eadem Nouella desumpta) tradit C. de sacrosan. Eccles. Nec desunt qui per d. Nouel. 111. solummodo d. l. ut inter C. de sacros. Ecclesiis, nō autem d. Nouell. 9. correctā esse existimant: ac proinde in occidentalibus, manente præscriptione cētum annorum: orientalibus tantummodo Ecclesiis præscriptionē quadraginta annorum competere ex eo inferunt, quod videlicet d. Nouell. 111. Theodoto Orientaliū prætoriorum Præfecto inscripta sit. Quod veritati minime consentaneum esse videtur. Neq; enim illud de Præfecto prætoriorum Orientaliū ad inducendā specialitatem, multum facere potest: multā siquidem huiusmodi Nouellæ ad Orientis præfectos inscriptæ in iure reperiuntur, quas ad occidentales non pertinuisse, nemo dixerit. Verū hęc omnia de Ecclesiis particularibus, non etiam de Romana Ecclesia in specie, quæ est caput omnium Ecclesiarum, accipienda sunt: hęc *enim sola centum annorum præscriptione gaudet, per express. text. in d. auth. quas actiones. in verbis: Sola Romana Ecclesia gaudente centum annorū*

*spacio vel privilegio. Quod etiam Accursius in d. l. ut inter in verbo annorū. C. de sacrosan. Ecclesiis. innitendo iuri Canonico, probat, per text. in c. cum vobis. 14. in verbis: Licet igitur tam legali quā Canonica sit definitione statutum, ut contrā Rom. Ecclesiam, quæ gaudet privilegio speciali, non nisi centum annorum præscriptio locū sibi valeat vindicare. extr. de præscriptionibus. Cui etiam adstipulatur textus, in c. nemo. 16. qu. 3. ibi: Sed & venerandæ Romanæ leges diuinitus per ora priorū principum promulgata, rerum eius præscriptionem, non nisi per centum annos admittunt. Ad extremum *sciē- 7 dum est, quod res Deo dicatæ, & merè ad cultum Dei pertinentes, quales sunt supellex sacra, & proventus primitiarum ac decimationum, nulla præscriptione tolli possint. Quæ etenim ab initio non valent, nec tractu temporis conualescunt, per express. text. in l. quæ ab initio. ff. de reg. iur. Illud siquidem plus quā manifestum est, quod res sacræ, religiosæ, & sanctæ diuini iuris sint, & nullius in potestate esse possunt, per textum in §. nullius. Instit. de rerum diuisione. Deci- 8 mē verò *Deo mandante sacerdotibus & Leuitis seperatæ sunt, ut de sorte Domini viuerent, qui in eius sorte connumerantur. Num. cap.*

cap. 18. Proinde nullius priuilegio, nec Pontificis rescripto laicis concedi possunt. Rescripta enim & Priuilegia contra ius elicita, nisi talia sint, quæ non lædant alium, & prosint petenti, nullius momenti esse censentur, per text. in l. rescripta. 7. C. de precib. Imperat. offeren.

OBSERVA: LXXVII.

De præscriptione rerum mobilium & immobilium.

S V M M A R I A.

1. Iure Ciuili res mobiles & immobilis quando præscribantur.
2. In præscriptione possessio continua requiritur.
3. Differentia inter præscriptionem & usucapionem.
4. Bona fides & certus titulus in præscriptione adesse debet.
5. Publiciana actio quæ dicatur.
6. Iure Saxon. res mobiles præscribuntur anno & die.
7. Dies in iure Saxonico accipitur pro termino sex septimanarum.
8. Res immobiles & hereditas 31. annorū & diei spatium præscribi potest.
9. Fiscus quando præscribat.
10. Præscriptio currit à tempore scientiæ.
11. Ignorantia duplex, iuris & facti.
12. Ignorantia iuris quibus nō noceat.

SED an præscriptio rerum etiā mobilium vel immobilium, eodem temporis interuallo finiatur? Et * iure quidem Ciuili res mobiles præscribuntur triennio: immobilis verò, vt sunt res soli, longo tempore hoc est decem annis inter præsentes, & viginti inter absentes. *Instit. de usucap. in pr. & l. unica. C. de usucapion. transf.* Quæ * in re possessio continua & non interrupta requiritur, quod ex definitione usucapionis, quæ habetur in l. 3. ff. de usucap. & usurpation. colligi potest, vbi dicitur: *Quod usucapio sit adiectio dominii per continuationem possessionis, temporis lege definiti.* Congruit textus in *Instit. de usucap. circa princ.* quamuis præscriptio quasi possessione interdum contenta sit, vt in his rebus, quæ possideri nequeunt, per text. in l. 4. §. si viam. 27. in verbis: *quia nec possideri intelligitur ius incorporale &c. ff. de usucapio.* Vnde * liquidò constat, usucapionem dici rerum corporaliū: præscriptionem verò incorporaliū. Nunquam enim res incorporales dicuntur usucapi, sed præscribi duntaxat, l. 1. C. de annali except. quamuis res corporales secundū ius nouissimū etiam præscribi recte dicātur. Requiritur * etiā in hac præscriptione bona fides, & certus aliquis titulus iuris, vt sci-

vt scilicet possessor rei, titulo emptionis, vel aliquo alio (quales multi in iure reperiuntur, vt videre est in *l. 1. §. 1. ff. de public. in rem actio*) rem acquirat, & alienatam verum eius dominum esse credat. Exempli gratia: Si hæres rem defuncto commodatam aut locatam, vel apud eum depositam, existimans hæreditariam esse, bona fide accipienti vendiderit, aut donauerit, aut dotis nomine dederit, quin is, qui acceperit, vsucapere possit, dubium non est: quippe cum ea res in furti vitium non ceciderit, quum utiq; hæres, qui bona fide tanquam suam alienauerit, furtum non committat, prout est textus in *§. furtiua. 2. Instit. de vsucap. & longi temp. prescrip.* ubi plura quoq; de his videre licet. Quæ bona fides etiam ipso tempore acquisitionis adesse debet: prout in *l. eum qui. 7. §. fin. ff. de public. in rem act.* traditur his verbis: *Nec quisquam putet, hoc nos existimare, sufficere initio traditionis ignorasse rem alienam, uti quis possit Publiciana experiri, sed oportere & bona fide emptorem esse.* Dicitur * autem Publiciana in rem actio, si quis id, quod traditur, ex iusta causa a non domino, & nondum vsucaptum, quasi vsucaptum petit, vt *Instit. de action. §. namq; 4. & l. 1. ff. de public. in rem actio.* luculē-

ter traditur. Porro ius Saxonum longè aliter se habet. * Nam hoc iure res mobiles (quatenus non adhærēt hæreditati) præscribuntur anno & die, id est anno & sex septimanis, vt notat glossa. *Spec. Sax. lib. 1. artic. 28.* Et clarior est textus *lib. 2. artic. 44.* his verbis: *Quicumque per annum & diem bona sine iusta contradictione possederit, in eis iustam habet possessionem.* Item *lib. 3. artic. 38.* ibi: *Quicquid homo per annum & diem non possedit, pro hoc impetitus statim tenetur respondere.* * 7
Dies autem hic accipitur pro spatio sex septimanarum, idq; ad instar peremptorii termini pro tribus edictis, quatuordecim diebus inuicem a se distantibus, a Iudice impetrati, prout traditur *Sp. Sax. lib. 2. artic. 24. in pr. & lib. 3. artic. 3.* Secus est * si res mobiles adiunctæ sunt immobilibus, quæ hæreditatis nomine petuntur: quia tunc præscriptio fit secundum naturam hæreditatis, puta spacio 31. annorum & diei. Immobilia etenim tanto temporis interuallo præscribi posse, expressus textus *Spec. Sax. lib. 1. artic. 28.* testatur his verbis: *Proprietas & fundus non nisi post triginta annos & unum annum diemq; aduersus Saxonem in Saxonia præscribuntur.* Quibus adiungi possunt etiam ea, quæ obseruatione præcedenti

denti dicta sunt. Et praxis Curia Regalis id ipsum probat, prout ex decisione in causa successorum cuiusdam Grabski cum quodam ciue Lancien: feria quarta post festum S. Bartholomæi Apostoli Anno 99. à DD. Assessoribus facta liquet. Sed hæc præscriptio in absentibus tantummodo locum habet: contra præsentibus enim bonorum alienationem audientes & tacentes, vnius anni & diei currit præscriptio, per textum Spec. Saxo. lib. 2. artic. 6. Nisi * fortè etiam Fiscum ob fauorem & Priuilegium eiusdem, hac præscriptione gaudere dicamus, prout id innuere videtur textus d. lib. 1. artic. 28.

10 Sciendum * tamen est, quod præscriptio non currat, nisi à tempore scientiæ, quam duplici modo DD. iuris considerare solent. Aut enim

II * quis ignorat eum, de cuius hæreditate agitur, esse mortuum: tunc quia committitur ignorantia facti, non nocet præscriptio, per text. in l. error. 7. C. de iur. & facti ignor. Aut ignorat ius suum eo casu locus est præscriptioni. Ius enim publicum & Constitutiones Principum, nec ignorari à quoquam, nec dissimulari debent, prout Impp. Valen. Theodosius & Arcad. in l. pen. C. de iuris. & facti ignor. rescripserunt:

12 Exceptis * tamen certis personis,

quæ iura scire non possunt, vt pote militibus, sceminis, & minoribus, per text. in l. 1. & l. fin. C. de iuris & facti ignorant. & l. regula. 9. ff. eodem: item rusticis, vt in l. si quis. 5. §. 22. in verbis: *Vel per rusticitatem edicti prætoris vel SCti aperuit.* ff. ad SCtum Syllan. & in l. ex quacumq. 2. §. fin. in verbis: *rusticitati enim hominis parcendum est.* ff. si quis in ius vocat. non ierit.

OBSERVA: LXXVIII.

Iniuriarum quomodo agi possit.

S V M M A R I A.

1. Iniuriarum agi potest ciuilitè & criminaliter.
2. Actione vna intentata, non datur recursus ad aliam.
3. Iudicium criminale & ciuile competit ex eodem facto, non tamen ad idem persequendum.
4. Explicatio l. 2. §. 1. ff. de iniurijs, & l. 4. ff. de publicis iudic.
5. Actio actionem quando non perimat.

Generaliter * de quauis iniuria, siue leui siue atroci, potest is, qui eam passus est, agere vel ciuilitè, vel criminaliter, per expressum text. in §. in summa. Institution. de iniurijs. in verbis: *In summa sciendum est,*

est, de omni iniuria eum qui passus est, posse vel criminaliter agere, vel civiliter. Ita tamen ut seorsim agatur, & utraq; actio tendat ad vindictā, non autem ad rem, ut habetur in *l. cum emancipati. 2. §. emancipatus. 4. de collat. bonorum.* ubi dicitur: *Quod si filius emancipatus iniuriarum habeat actionem, nihil conferre debeat, cum magis vindicta, quam pecunia habeat persecutionem.* Vnde* consequens est, quod una harū actionum intentata, non possit fieri recursus ad aliam, per express. textū in *l. quod SC. 6. in verbis: Nec enim prohibendus est priuato agere iudicio, quod publico iudicio præiudicatur: quia ad priuatam causam pertinet. Planè si actum sit publico iudicio, denegandum est priuatum. Similiter ex diuerso. ff. de iniurijs.* Et est ratio: quia æquum non est bis eiusdem facti vindictam petere, & idem admissum pluribus legibus puniri. Quod etiam gloss. iuris Saxo. *lib. 3. art. 43. versic. auch solur mercken.* notat. Et Curia Regalis id ipsum pro iure tenet, prout etiam in causa Martini Wessolov vski, cum ciuibus Derschauien. anno 91. pronunciatum fuisse constat. Nec quicquam obstant ea, quæ ex legibus in contrarium adferri possunt. Et primò quidem ex *l. nunquam. ff. de obligat. & action. & l. nunquam. ff.*

de regulis iuris. Vbi dicitur, quod pluribus actionibus præsertim pœnalibus concurrentibus, unam aliam non consumat. item ex *l. cum ex vno. ff. de obligationibus.* quæ, cum ex delicto plures actiones nascuntur, omnibus experiri permittit. His enim ita responderi potest, quod ea sit quidem legum ordinaria natura, ut singulis delictis singulas pœnas infligant, per text. in *l. Sanctio. in fin. ff. de pœnis. & l. Senatus. ff. de accusat.* plerumq; tamen pro delicti & criminis gravitate, plures pœnas imponere solent, idq; vel coniunctim vel sub alternatione. Quoties itaq; lex coniunctim plures pœnas infligit, vnius impositione altera non consumitur. *d. ll. nunquā.* Secundo verò casu, in potestate iudicis est, utram pœnam imponat, per text. in *l. si fugitiui. C. 3. de seruis fugit. & in l. 1. §. expilatores. ff. de effractoribus.* Alioqui pœnarū & actionum electione actori aut reo permissa, ille duriorem, hic mitiorem semper eligeret. Et hæc quidem obtinent, quoties eadem lege diuersæ pœnæ imponuntur. Sed si diuersis legibus diuersæ pœnæ statutæ sint, in potestate itidem iudicis erit, quam pœnam imponere velit, si nimirū lex posterior priorem non expresse abrogauerit, alioquin posterioris legis pœnam imponere debet, Ff 3

argu. *l. ult. ff. de cōstit. principum. & l. quoties. ff. de obligat.* Nisi lex vtrāq; imponi voluerit: vt in specie *d. l. 3. C. de seruis fugitiuis, & l. qui sepulchra. C. de sepulchro violato.* Secus * verò est, quando iudiciū ciuile & criminale ex eodem facto dantur eidem contra eundem, non tamen omnino ad idem persequendum: veluti propter seruum occisum competit actio legis Aquiliæ de damno, & accusatio ex lege Cornel. de sicariis, vt in *l. prator. 3. §. 1. ff. de iniurijs. & in l. 23. ff. ad leg. Aquil.* exprimitur his verbis: *Si dolo seruus occisus sit: & lege Cornelia agere dominum posse constat, & si lege Aquilia egerit, præiudicium fieri Cornelia non debet: Ita vt etiam alterum post alterum possit insitui, idem habetur: in l. unica. C. quando ciuilis actio crimin. præiudic.* Et his verbis: *Aplerisq; prudentium generaliter definitum est, quotiens de re familiari & Ciuilis & criminalis competit actio, vtrāq; licere experiri: siue prius criminalis, siue ciuilis actio moueatur nec si ciuilitate fuerit actum, criminalem posse consumi, & similiter*

4. *è contrario. Et.* Nec obstat * *l. 2. §. 1. ff. de iniurijs. & l. 4. ff. de publicis iudicijs.* quibus in locis dicitur: *Actione legis Aquiliæ & similibus, fieri præiudicium iudicio publico.* Idenim non ita accipiendum est, quasi iudiciū publicum propter intetatem prius

actionem, *l. Aquiliæ denegetur; sed quod probationes in hac actione productæ, noceant etiam in iudicio publico. Exēpligratia.* Si agens *l. Aquilia* probauero te occidisse seruum meum, hæ probationes tibi postea nocebunt etiam in iudicio criminali *l. Cornelia.* Porro * ab hac regula, quod actio actionem non perimat, excipiuntur quædam: & primò quidem iudicia contraria, quorum vno electo, alterum perimitur. exempli gratia: non potest quis accusare testamentum tanquam falsum, & ex eo petere legatum. *l. 6. C. ad l. Corn. de falsis.* Secundò, iudicia quasi contraria, quorum vnum ex euentu alterius pendet, vt puta si vindicem dominum eius, quem plagio interuertisse dicor, prius terminanda est quæstio ciuilis de dominio, quam criminalis de plagio: quia si seruus meus iudicabitur, plagium amplius dici non potest, per text. in *l. præses. 8. C. ad l. Fabiam de plagiar.* Tertiò, crimen falsi: Nam si testamentum in causa ciuili falsum esse dicatur, similiter prius terminabitur causa ciuilis, quam de crimine cognoscatur. *l. pen. & ult. C. ad l. Cornel. de falsis. & l. 2. C. de ordin. iudic.*

OBSERVAT: LXXIX.

De iniuria reali, & verigeldo.

S V M M A R I A.

1. *Realis iniuria quomodo fiat.*
2. *Iniuriarum actio Civilis quæ dicatur.*
3. *Criminaliter iniuriarum quando agi dicitur.*
4. *Pœna extraordinaria definitio.*
5. *In criminalibus causis circumstantiæ consideranda sunt.*
6. *Iure Saxonum quando levis committitur iniuria, quid iuris sit.*
7. *Reus iniuriam resarciens ante latam sententiam, absoluitur ab impetitione actoris, & observatione iudicij, per sententiam interlocutoriã.*
8. *Differentia inter multam, emendam, & verigeldum.*
9. *Realis iniuria grauior quomodo puniatur.*
10. *Iure Ciuili vulneranti hominem liberum, qualis pœna imposita sit.*
11. *In Regno de iniurijs æstimandis, iuris Saxonici dispositio non attenditur.*
12. *Verigeldus iuris Saxon. quid in se contineat.*

OMnis iniuria fit aut re, aut verbis, aut literis, de quibus sigillatim ad præsens dicendum est. Et

primò* quidem re committitur iniuria, quoties manus inferuntur alicui, per text. *l. 1. §. 1. ff. de iniurijs.* quod fit quando quis pugno pulsatus, aut fustibus cæsus, vel etiam verberatus erit. *§. iniuria. Instit. eodem.* vel si quis domum suam vi introitam dicat. *§. sed & lex. Instit. eod.* Detaliigitur iniuria, sicut & de alia quauis, ei, qui eam passus est, ciuili vel criminalis datur actio: prout obs. præcedenti dictum est. Porro* ciuilitè pro iniuria tunc agitur, ² quando actor adiudicari sibi pœnam petit, quæ tamen non ex arbitrio eius, sed æstimatione facta per iudicem, & benè perpenſa qualitate facti, loci, & personæ, reo imponitur, per express. text. in *l. cõstitutio nibus. 37. §. 1. ff. de iniur.* Criminalis* ³ verò est actio, quando actor delinquentem pœna corporali, aut alia quapiam simili petit affici: quod itidem iudicis arbitrio relinquitur, per text. in *§. in summa sciendum. Instit. d. tit. de iniurijs.* in verbis: *Sin autem criminaliter agatur, officio iudicis extraordinaria pœna reo irrogatur.* Hæc* autem extraordinaria pœna ⁴ in *l. ult. ff. de iniur.* definitur his verbis: *De iniuria nunc. extra ordinem ex causa & persona statui solet. Et serui quidem flagellis cæsi, dominis restituntur: liberi verò humilioris quidæ loci fustibus subijciuntur: ceteri autem*
vel

vel exilio temporali, vel interdictione certæ rei coercentur. Quamvis communiter DD. iuris criminaliter etiã tunc agi existiment, cùm pecunia applicatur fisco: quod iuri Saxonũ omninò repugnare videtur. Idem statuit, actionem criminalem non aliter dici, nisi quando pœna corporalis infligitur delinquenti: prout ex generali regula eiusdem iuris colligi potest, quæ in Sp. Sax. lib. 3. artic. 32. exprimitur his verbis: In quocunque iudicialiter actor verigeldum aut emendam acquirit, in eodem index multam, siue pœnam, si vult, obtinebit. Vnde consequens est, illam actionem, in qua iudici multa applicatur, non posse dici criminalem. Nam hoc casu vna eademq; actio esset ex parte criminalis, & ex parte ciuilibis, quod fieri non potest. Cùm vna eademq; res diuerso iure censeretur non possit, per text. in l. eum qui ades. ff. de usucap.

5 **in criminalibus, prout in ciuilibus causis, qualitas facti, loci, & personæ diligenter perpendi debeat. Atrox enim iniuria (teste Iustiniã. in §. atrox. Instit. eodem) æstimatur vel ex facto, veluti si quis ab alio vulneratus sit, vel fustibus cæsus: vel ex loco: veluti si cui in theatro, vel foro, vel in conspectu Prætoris iniuria facta sit: vel ex perso-*

na: veluti si Magistratus iniuriam passus fuerit: vel senatori ab humili persona iniuria facta sit. Iure
 *quoque Saxonum, si leuis & parua sit realis iniuria, puta cum quis pugno pulsatus, aut modicè vulneratus est, reus multam & emendam præstando liberatur, vt notat Chilian Konig in practica c. 58. num. 6. per text. Sp. Sax. lib. 1. art. 68. his verbis: *Qui alium baculauerit, ita quod locatumescant læsa, vel cuti eius cruentas scissuras sine carnis vulnere impositione imposuerit, si hoc coram iudice, præcone, vel sculieto & villanis, cum scissuris recentibus proponetur, & si ille ad emendandum, vel excusandum se non præsentauerit tempore deputato, cum scissura hac aut eius cicatrice in proscriptionem condemnatur.* Et clariùs id ipsum exprimitur in textu lib. 3. artic. 37. ibi: *Qui aliũ sine vulnere percussit, aut baculauerit, correxeritq;, & si cum clamore violentiarum iudicio præsentetur, ob hoc vita aut sanitatis non patietur detrimentum, multam etenim & emendam præstando liberatur.* Vnde *li-
 quid constat, quod is, aduersus quem instituitur actio iniuriarum, ante latam sententiam offerendo id, in quo condemnari debet, possit euitare infamiã, & pœnas, quæ ob illatam iniuriam statui solent, absoluatq; per sententiam inter-
 locuto.

locutoriam, quæ vim definitiuæ
sententiæ habet, ab impetitione
actoris, & obseruatione iudicii vt
Barthol. in l. si cum §. qui iniuriam.
ff. si quis caut. in iud. sist. docet. Si-
cut ex aduerso, qui iniuriam illatā
non solum non refarcit, sed etiam
vocatus pro ea in Iudicium contu-
max existit, proscribitur. Et si in
ea proscriptione comprehensus
iudicio præsentetur, ultimo suppli-
cio subiicitur, si actor factum &
proscriptionem poterit edocere,
per d. text. lib. 1. artic. 68. Obiter *
autem hic obseruanda est differē-
tia, inter emendam, multā, &
verigeldum. Emenda siquidem di-
citur, quando melioratur vel pur-
gatur noxa, quam quis in homi-
nem commisit, & hæc parti læsæ
adiudicari solet. Verigeldus verò
est, quando purgatur factum in
homine ex negligētia commissum,
vt si quis alteri inferat iniuriam,
vel interficiat alium ex improviso
aut in defensione, expurgaueritque
se, vt iuris est, Verigeldo nihilo-
minus absoluitur. Multa deniq;
datur Deo, vel Iudicii in sede DEI
residenti, propter id, quod contra
mandatum Dei in proximum deli-
quit, vt C. de mod. mult. traditur.
Eæ verò pœnæ & emendæ, secun-
dum vniuscuiusq; generationem
taxatæ & statutæ sunt iure Saxo-

nico, vt in textu lib. 2. artic. 16. ha-
betur: & lib. 3. artic. 45. (vbi di-
uersi status hominum & emenda-
rum recensentur) videre licet.
Quod si * grauior iniuria realis cō-
mittatur, tunc ex magnitudine
criminis, & atrocitate delicti, vel
vulneris, pœna infligi debet, ita ni-
mirum, vt si quis alium mutilaue-
rit, aut enormiter vulnerauerit,
conuictus manum amittat; pro aliis
verò omnibus iniuriis, pro quibus
duello quis vincitur, pœnam de-
mereatur capitalem, per expres-
sum textum Spec. Sax. lib. 2. artic.
16. Hoc autem ita verum est, si cri-
minaliter actum, & delictum ex
proposito & dolo malo commis-
sum fuerit. Si verò in rixa absque
dolo malo vulnus inflictum sit, &
agatur ciuilitè; eo casu reus luit
pœnam dimidio Verigeldo, quod
in d. artic. 16. lib. 2. traditur his ver-
bis: *Qui in ore, naribus, auribus, lin-
gua, manibus, genitalibus, pedibus
mutiletur, aut eorum usu priuatus,
huiusmodi membra si sint persoluen-
da, quodlibet horum cum dimidij ve-
rigeldi summa persoluetur.* Quod *
secus est de iure communi, secun-
dum quod vulnerans liberum ho-
minem condemnatur arbitrio Iu-
dicis, per textum in l. ex hac. 3. ff.
si quadr. paup. fecisse dic. vbi dici-
tur: *quod non deformitatis ratio ha-*
G g *beat,ur,*

beat, cum liberum corpus estimationem non recipiat: sed impensarum incurationem factarum, & operarum amissarum, quasque amissurus quis esset

11 inutiles factus. Et * ideo in Regno quoque non multum attenditur hac in parte iuris Saxonici dispositio. Omnes etenim huiusmodi iniuriarum, iuxta præscriptum legum & Statutorum Regniæstimari solent. Ac proinde, quando in praxi mentio fit verigeldi, non de verigeldo Saxonum, sed de eo, qui unicuique constitutionibus ac Statutis Regni præscriptus est, intelligi debet.

12 Et si * verò, nullus iam ferè in praxi Curia Regni, huius verigeldi Saxonici sit usus; attamen operæ pretium facturum me existimaui, si ad captum tyronum pauca quædam de eo adiiciantur. Et in primis sciendum est, quod secundum communem istius iuris interpretum opinionem integer verigeldus contineat xxiiii. sexagenas antiquas. Quales verò ille antiquæ sexagenæ fuerint, non satis liquet. Licet enim ex textu ipsius iuris lib. 3. art. 45. liquidò constet, verigeldum continere decem & octo libras quarum qualibet conficiat viginti solidos, iuxta glossam iuris municip. artic. 47. in verb: *Burgrabij multa*: in eo tamen, quid solidi nomine veniat, totius rei cardo vertitur: E-

go omnino existimo, solidum hic nihil aliud esse, nisi duos grossos in Regno currentes, quorum unus octo denarios novos, vel sex antiquos in se continet: qui etiamnum (etsi rariores sint) vulgari sermone *podwoyne* appellari solent. Moueor autem non parum hac in re, auctoritate Fachsii, qui differentias iuris Ciuilis & Saxoni collegisse dicitur. Is enim solidos viginti ex argenteis grossis 26. & octo denariis nouis constare tradit: argenteos verò grossos, pro grossis Bohemicis (vulgo *czeskie* dictis) intelligo. Vnde computatione horum omnium facta siue volueris hasce 18. libras, in solidos, qui duos grossos, (vt supra dictum est) in se continent, redigere; inuenies numerum solidorum, id est grossorum binariorum cccxlx. qui repetitus efficit septingentos & viginti grossos simplices, octo denarios novos, vel sex antiquos in se continentes: hos si resolvas per tringinta in florenos, habebis xxiiii. florenos Polonicos. Siue etiam iuxta auctoritatem Fachsii, argenteos grossos viginti sex, & octo denarios, redigere volueris ad viginti solidos, facile reperies, quod inde grossi Polonici quadraginta proueniant. Si verò eundem numerum quadraginta octodecim vicibus (qui numerus est

est librarum / repetieris, totidem grossos, puta septingētos & viginti prodire, necessum est. Vnde nullū est dubium, verigeldum iuris Saxonici continere xxiiii. florenos Polonic. triginta grossis computandos. Neq; id mirum videri debet, quod ab Interpp. xxiiii. Sexagenæ nominentur, ita enim antiquitus sexagena dicebatur, quæ sexaginta crucigeros continebat, quos idiomate germanico *Freutzer* id est, medios grossos vocant: pro ut nec illud hanc supputationem multum afficere potest, quod Scabini Cracouien. in Iudiciis solidum duodecim obolis, id est duobus solidis Polonicis æstimare soleant. Id enim non tam ex iuris aliquo fundamēto, quā ex recepta quadam consuetudine, habere dignoscuntur.

OBSERVAT. LXXX.

De iniuria verbali.

S V M M A R I A.

1. *Verbalis iniuria quomodo cōmittatur.*
2. *Iniuriam facit, qui exprobrando vitia naturæ, aliquem obiurgat.*
3. *Verbum mentiris, est iniuriosum.*
4. *Iniuriarum non tenetur, qui aduersario in iudicio crimen aliquod obijcit.*

5. *Iniuria proficiscitur ex animo & proposito iniuriandi.*
6. *Iniuria verbalis punitur arbitrio Iudicis.*
7. *Iure Saxonico iniuria verbalis punitur emenda.*
8. *Emenda apud Saxones non excedit 30. solidos.*
9. *In Regno iniuria verbalis reuocatione vindicatur.*
10. *Actio reuocatoria utrum sit criminalis, an Ciuilis.*
11. *Iure Canonico ob verbalem iniuriam, nulla pœna imponitur.*
12. *Iniuriæ quibus tolluntur modis.*

Verbalis * autem iniuria committitur; quoties non manus inferuntur, sed conuitium fit. *l. 1. §. 1. ff. de iniurijs. & §. 1. Instit. eodem.* Conuitium autem (teste Labeone *in l. item. s. §. 4. ff. eod.*) dicitur vel à concitatione, vel à conuentu, hoc est à collatione vocū, cum in vnum complures voces conferuntur. Neq; tamen omnē vociferationem intelligi oportet, sed eam, quæ moribus improbat, quæq; ad infamiam vel inuidiam alicuius spectat, *d. l. item. §. 5. eod.* Proinde * & si quis alteri naturæ suæ vitia exprobrare præsumat, ut potè, si nothum, spurium, surdum, mutum, gibbosum, claudū, luscum, cæcum, &c. appellet; iniuria-

iuriarum actione tenetur, teste Barth. *in l. cum qui. 18. ff. de iniurijs.*

3 Sed * & si quis alteri dicat. Tu mē-
tiris, ac postmodum addat: saluo
honore tuo; nihilominus iniuriam
fecisse videtur, secundum Ale-
xandr. & alios *in l. turpia. ff. de le-
gat. 2.* Et glossa iuris Saxonici *lib.*
3. artic. 45. vers. tertio fit excessus, id-
ipsum haud obscurē tangit. Præ-
sumitur enim nequaquam honori
ipsius consulere voluisse, quem
prius verbis inhonestis & iniurio-
sis lacecessit. Quod tamē fallit in eo
casu, quādo quis ad huiuscemodi
conuitia prouocatus, iniuriā ver-
balem, contrariis verbis referre
cogitur. Quamuis enim iura pas-
sim ac temerē talia fieri non per-
mittant, ne videlicet à verbis de-
ueniatur ad verbera; attamen si
non vindictæ, sed iniuriæ propul-
sandæ causa, verbis æquipollen-
tibus id fiat, à legibus nullam im-
positam esse pœnā DD. passim
tradunt. *argum. l. ut vim. ff. de iusti-
tia & iure.* Cum viris bonis, hono-
ris non minor, quā mortis cura
esse debeat, per text. *in l. isti quidē.*
8. §. 2. ff. quod metus caus. gest. Item

4 * si quis in iudicio litem habens,
crimen aliquod aduersario obici-
at, idq; non animo iniuriandi, sed
ut per id causam suā meliorē red-
dat, se fecisse protestetur; nequa-

quam iniuriarum tenetur. Quem-
admodum in Curia Regni in causa
Ilmanovvski contra Rabröczki.
Anno Domini 1596. feria sexta
ante festum sanctæ Margaretæ
pronunciatum fuisse liquet. Non
enim videtur facere iniuriam, qui
suo iure utitur, *l. nullus. ff. de regul.*
iuris. Quapropter pro generali Re-
gula hoc tenendum est: Iniuriam
* verbalem nunquam committi, 5
nisi verba animo & proposito in-
iuriandi prolata fuerint, per expr.
text. *in l. si non conuicijs. C. de iniur.*
in verbis: *Si non conuicij consilio te*
aliquid iniuriosum dixisse probare
potes; fides veri à calumnia te defen-
dit. Quod & praxis curiæ Regalis
maximē attendere solet: cuius rei
simile decretum in causa inter An-
nam cuiusdam Chyrurgi vxorem:
& ciuem dictum Szuba, Anno Do-
mini 1585. feria quinta in vigilia fe-
sti S. Iacobi Apostoli latum extat.
Si * autem ex proposito & dolo 6
malo iniuria verbalis proficisca-
tur; iure quidem ciuili, siue ciuili-
ter, siue criminaliter pro ea agatur
pœna iudicis arbitrio, sicut & in in-
iuria reali, relinquitur. Quæ habita-
itidem ratione circumstantiarum.
reco imponi solet. Iure * autem Sa- 7
xonico tenenda est Regula, quam
communiter practici eiusdem iu-
ris tradunt: Quod pœna iniuriæ
verba-

verbalis non excedat xxx solidos siue criminaliter, siue ciuilitè actū fuerit, teste Chilian Konig in sua practica. cap. 58. Maxima * etenim emenda apud Saxones, non nisi ad 30. solidos extenditur, vt notat glossa Sp. Sax. lib. 1. artic. 60.

9 Porro * in Regno de huiuscemodi verbalibus iniuriis vñtatus est agendi modus, quo is, cui conuiciū factum est, ad reuocationem, seu (vt vulgò dicunt) reclamacionē iniuriosorum verborum agit. Æquum enim est, vt is, qui famam & honorem alterius conuiciis publicè proscindit, eandem, verba sua reuocando, & mendacia se dixisse profitendo, palam quoq; restituat. Nam si ad restitutionem rei alterius quilibet tenetur; tanto magis ad restitutionem bonæ famæ iniurians adigi debet, cuius nō minor, quàm vitæ ratio habenda est, per textum supra allegatum. Iuxta quod in Curia etiam iudicari frequentissimè solet: prout & in causa Margarethæ Passiolovva, cum Zophia Czeſtkovva, Anno 1593. feria secunda post festum S. Dorotheæ virginis, decisū fuisse liquet.

Verum in eo magna est Interpretorum iuris disceptatio. Vtrum * videlicet hæc actio reuocatoria sit criminalis, an verò ciuilis? Et quāuis vulgò existiment eam esse cri-

minalem, vt potè quæ ipso facto adferat infamiam; attamen cum & mandati, & depositi, & aliæ quàmplures bonæ fidei actiones infament, neque ob id dicantur criminales; nulla esse videtur ratio, cur secus de hac, quàm de illis, statuendum sit. Accedit & hoc, quod in hac actione nulla pœna fisco applicetur, sicut in criminalibus fieri solet, vt tradit glossa. in l. prator. ff. de sepulchro violato. At * ius Canonicū nullam pro huiuscemodi verbalibus iniuriis statuit pœnam: quinimò ob amorem Christi, illas illicò condonandas, & remittendas esse vult. Genus etenim Elæmosinæ spiritualis dicit esse, dimittere à quo læsus fueris, per text. in c. tria. & c. duæ sunt. 45. distinct. Proinde apud Athenienses laudabilis illa lex Thrasibuli fuisse videtur, ne retro iniuriarum vel vno verbo meminisse impunè liceret. Quod & Senatus Rom. autore M. Tullio obseruandum aliquamdiu censuerat. Quantò magis apud eos, qui Christi nomen profitentur, huiuscemodi *apueria* seu obliuio esset necessaria, qui leuissimis de causis ad conuicia & probra deueniunt, rixasque & iurgia sæpenumero delana (vt vulgò dicunt) caprina miscent, & omnia ferè iudicū subsellia istiusmodi litibus & controuersiis implent.

12 plent. * Merito itaq; lex quoque ciuilis, ne infinitus sit harum litiū numerus, eas multis modis tolli voluit. Et primo quidem remissione, idq; vel expressa, quando iniuriatus iniurianti dat veniam, *per. c. si illis. 23. qu. 4.* vel tacita, quod fit quando læsus iniuriam sibi illatam dissimulat, neque eam intra annum & diem prosequitur, *per text. in d. l. si non conuicij. ibi: cum iniuriarū actio annuo tempore præscripta sit.* Tollitur item morte vtriusque, tam iniurantis, quam iniuriam passi, nisi quod huius, lite nondum contestata; illius verò, etiam post litis contestationem, *per text. in l. iniuriarum. 13. in pr. ff. de iniurijs.* Tolluntur deniq; aliis modis, quos communiter DD. *in §. fin. Instit. de iniurijs.* recensent.

OBSERVAT: LXXXI.

De iniuria quæ fit scripto, seu defamosis libellis.

S V M M A R I A.

1. *Famosus libellus quid dicatur.*
2. *Pœna famosum libellum scribeutis aut in publicum proferentis.*
3. *Autor famosæ libelli, in quo crimen aliquod enorme obijcitur, grauiori pœna afficiendus est.*
4. *Crimen publicum in famosæ libello obijciens, an puniatur.*

5. *Actio famosæ libelli quo temporis spatio finiatur.*

6. *Iure Canonico auctor famosæ libelli qua pœna afficiatur.*

7. *Famosus libellus honorem alterius lædere non potest.*

Literis* denique siue scripto iniuria cõmittitur, si quis famam alterius infami scripto in vulgus sparso, malitiosè lædat: quod Latini famosum libellum vocant. Licet* autem iure ciuili veteri, ob famosum libellum, auctor illius pœna tantum infamiæ notabatur, *per text. in l. lex Cornelia. s. §. 9. in verbis: Si quis librum ad infamiam alius cuius pertinentem scripserit, composuerit, ediderit, dolouè malofecerit, quo quide eorum fieret: etiamsi alterius nomine ediderit, vel sine nomine, vti de eare agere liceret: & si condemnatus sit qui id fecit, instabilis ex lege esse iubetur. ff. de iniurijs & famosæ libellis.* Quod item per alium textum in l. ob carmen. 21. in prin. his verbis: *Ob carmen famosum damnatus, instabilis est. ff. de testibus.* confirmatur. Attamen iure nouo Codicis, eiusmodi delictum, non solum in ipso authore, sed etiam in iis, qui talem famosum libellum reppererunt, & in publicum sparserunt, capitali supplicio vindicatur, vt patet ex l. vnica. C. de famosæ libell. cuius hæc sunt

funt verba: Si quis famosum libellum
sue domi, sue in publico, vel quocun-
que loco ignarus repperit: aut corrū-
pat priusquam alter inueniat, aut nul-
li confiteatur inuentum. Si verò non
statim easdem chartulas vel corrupe-
rit, vel igni consumpserit, sed vim ea-
rum manifestaauerit; sciat se quasi au-
thorem huiusmodi delicti capitali sen-
 3 *tentiæ subiugandum. Quod * tamen*
 iuxta cōmunem DD. opinionem,
 ita restringendum est, si videlicet
 in libello famoso graue seu enor-
 me aliquod cuiuspiam obiciatur fa-
 cinus, in quo vitæ honorisq; ipsius
 salus versetur: eo casu author hu-
 iusmodi libelli pœna talionis af-
 fici debet: prout in causa Dembin-
 ski Checinensis præfecti, à Ioanne
 Weisz dicto Schelmicki ciue Cra-
 couien. infami scripto læsi, piæ me-
 moriæ Stephanum Regem, anno
 domini 1576. feria secunda ante fe-
 stum S. Margarethæ virginis, sen-
 tentiam tulisse, & capitis eundem
 condemnasse, liquidò constat. Si
 verò leuior quæpiam diffamatio
 committatur, mitiori quoq; & ex-
 traordinaria pœna, vt pote quæ
 diffamationi factæ correspondeat,
 huiusmodi factum coerceri solet
 teste Iodoco Damhoderio. *in pra-*
xi crim. c. 125. num. 6. Et Chilian Ko-
 4 *nig in pract. c. 59.* Sed quid * si quis
 crimen, quod publicari expediat,

per famosum libellum obiciat, an
 nihilominus hac pœna de famosis
 libellis afficiendus sit? Et quamuis
 non desint, qui hoc casu authorē
 famosi libelli pœnam non mereri
 statuunt; mihi tamen contrarium
 magis probatur, propter expressa
 verba text. in d.l. unica. Cod. de fam.
 lib. quæ sic sonant: Sanè si quis deuo-
 tionis suæ, ac salutis publicæ custodiam
 gerit, nomen suum profiteatur, & quæ
 per famosum libellum persequenda
 putauerit, ore proprio edicat, ita vt abs-
 que vlla trepidatione accedat, sciens
 quidem, quod si adsertionibus suis veri-
 fides fuerit opitulata, laudem maxi-
 mam, & præmium à nostra clementia
 consequetur: Sin verò minimè hæc ve-
 ra ostenderit, capitali pœna plectetur.
 Semper enim calumniantes ad vindi-
 ctam poscit similitudo supplicij. per
 text. in l. fin. C. de accusat. Nec ob-
 stat, quod in l. eum qui. 18. in pr. ff. de
 iniurijs. dicitur: non esse bonum &
 æquum, eum qui nocentem infamauit,
 condemnari. Peccata (vt inquit ibi-
 dem IC. Paulus) nocentium nota esse
 & oportere, & expedire. Id enim vt
 glossa ibidem notat, non libello fa-
 moso, sed ore proprio, (vt supra
 dictum est) fieri debere, leges vo-
 luerunt. Sed neque in eo DD. iuris
 conuenire solent: An hoc * crimē, 5
 sicut & aliæ actiones iniuriarum,
 anno & die præscribatur. Zasius
 enim

enim in l. cum lex. ff. de legibus. tamdiu illud manere existimat, quamdiu scriptura seu pictura famosa manet, ex ea potissimum ratione, quòd talifacito semper in cōtinenti fieri iniuria censeatur: at quia omnis iniuria nō ex scriptura æstimari solet, sed ex animo & voluntate iniuriantis, quæ facillè mutari potest: ambulatoria siquidem est voluntas hominis vsq; ad mortem vt inquit textus in l. cum hic status. 33. §. per pœnitentiam. ff. de donation. inter virum & uxorem: idcirco verius est, quod tanto temporis spatium finiatur: & iure Saxonico id ipsum obtinere Chilian Konig in practica d. c. 59. cum sequ. probat.

6 Porro * ius Canonicum tale facinus flagellis & verberibus coerceri iubet, per c. 1. in verbis: *Qui in alterius famam publicè scripturam, aut verba contumeliosa consinxerit, & repertus scripta non probauerit, flagellatur: & qui ea prius inuenerit, rumpat, si non vult auctoris facti causam incurrere. §. qu. 1. Ad extremum*

7 * Sciendum est, huiusmodi famosos libellos in quempiam compositos, famæ & honori ipsius officere non posse, per express. text. in d. l. unica. in verbis: *Huiusmodi autem libellus alterius opinionem non ladata.*

OBSERVA: LXXXII.

De furtis, & rebus furto ablati.

S V M M A R I A.

1. *Possessor rerum furto ablatarum, quibus actionibus conueniatur.*
2. *Furtum simplex iure ciuili pœna capitali non punitur.*
3. *Furtum aliud manifestum, aliud non manifestum.*
4. *Fures secundum ius Saxonum suspendi debent.*
5. *Solidus in iure ciuili pro aureo accipitur.*
6. *Res furto ablata, secundum ius Saxonicum quomodo vindicetur.*
7. *Possessor quomodo varandatorem nominare debeat.*
8. *Præscriptio in rebus furto ablati an locum habeat.*
9. *Inueniens rem alienam, quid facere teneatur.*
10. *Res furibus & latronibus creptæ earum dominis restituantur.*

Quid iuris sit, si res furto ablata apud aliquem reperiantur? haud inutiliter quæri potest: Et iure quidem ciuili contra quemuis rerum furto ablatarum possessorem, varia competunt iuris remedia, quæ in textu l. si pro fure. 7. §. furti actio. his verbis: *Is itaq; cui furtum factum est, habet actionem furti, & condi.*

condictionem, & vindicationem: habet & ad exhibendum actionem. ff. de condict. furtiua. enumeratur. Quamuis harum actionum, vt potè rei persecutoriarum vna tollat alteram, vt sup. obs. 76. docui: quia videlicet bona fides bis idem exigi non patitur; attamen pœnalis furti, condictionem, vt potè rem persequentem minimè impedit, per expressum textum, eiusd. leg. s. si profure. ibi: Eares facit, vt neq; furti actio per condictionem, neq; condictio per furti actionem consumatur. Hoc

2 * etenim obiter notandū est, quod iure ciuili ob furtum simplex commissum, nemini pœna mortis irrogetur, per clarum text. in *auth. sed nouo iure. C. de seru. fug.* in verbis: *Sed pro furto nec morietur, nec aliquod membrum abscindetur, sed aliter castigabitur*, id est, in furto manifesto,

3 * quod dicitur cum is, qui furtum commisit, in ipso adhuc furto, vel in eo loco, in quo furtū fit, deprehenditur, per text. in *§. furtorum. Instit. de oblig. quæ ex delicto nascuntur.* pœna quadrupli: in furto nec manifesto, pœna dupli. per text. in *§. pœna. s. Instit. eodem.*

4 afficitur. At * ius Saxonum fures omnino suspendendos esse vult, prout id in *Spec. Sax. lib. 2. artic. 13. in pr.* clarè admodum exprimitur. Quod item & Constitutio Friderici

ci Imperatoris, quæ extat in lib.
Feud. tit. de pace tenenda. §. si quis.
expressè confirmat his verbis: Si
quis quinque solidos valens, aut plus fue-
rit furatus, laqueo suspendatur: si mi-
nus, scopis & forcipe excorietur, &
tondatur. Solidus* autem hic non
de illo, qui in Vergeldo locum ha-
bet, sed de eo, cuius in legibus Ci-
vilibus sæpe fit mentio, & qui au-
reum nummum denotat accipien-
dus est, prout id ex textu in §. fin.
Instit. de pœna temerè litigan. collig-
itur. Vbi necum, qui patronum
in ius sine venia prætoris vocave-
rit, pœna quinquaginta solidorum
constituitur: quæ itidem in alio
textu, nempe in l. fin. ff. de iniur vo-
cand. pœna quinquaginta aureo-
rum, in verbis: Vel supra dictam pœ-
nam, id est, quinquaginta aureos dat,
nominatur. Nam & iuxta dispo-
sitionem iuris Saxonici, solidus
duodecim nummos argenteos,
(quorum vnus quinque grossis no-
stratibus constat) in se conti-
net, vt notat glossa eiusdem iuris
Spec. Sax. lib. 3. artic. 45. vers. Duò-
decim nummos. Huiusmodi autem
solidi septuaginta duo, vel (vt alii
volunt) octuaginta conficiunt li-
bram auri, per textum in l. quoties-
cunq. s. C. de susceptor. præposit. & ar-
carijs. lib. 10. Porro* de rebus fur-
to ablatis, varia est eiusdem iuris

H h dispo-

dispositio, prout in textu Sp. Sax. artic. 36. lib. 2. videre licet. Primo enim ponitur casus de eo, qui rem furto ablatam manifestè emit, nec eam occultat, quod is per manuale factum pro furto non sit incusandus, sed actor cum licentia Iudicis res suas possit vindicare. Si verò possessor cum duobus testibus, rem à se factam, si fortè pannus, aut alia res opera hominis fabricata fuerit, aut à se educatum animal probauerit, rem præ venditore obtinebit. Quod si dicat possidens, rem in communi foro emptam, & se ignorare venditorem, innocens furti (dummodo locus emptionis, & emptio cum suo iuramento confirmentur) iudicabitur. Nummi autem ab eo pro ea re dati, perduntur. per text. in l. 2. C. de furtis. Et ita in Curia in causa inter Reuerendum Franciscum Lipski & Idzko Iudæum citatum Anno 1596. feria quinta post festū S. Margarethæ Virginis decisum

7. fuit. Si* verò possessor dicit, rem esse sibi datam, vel ab aliquo emissæ authore, tunc eum donatorem, aut venditorem, & locum emptionis nominare oportebit: iurare etiam tenetur, quod eum ad verum varandatore perducatur, quem quatuordecim diebus actor sequi tenetur, non tamen transfluvium

navigabilem: inuento autem varandatore absoluetur, & is respondebit. Quod à iure civili discrepare videtur: hoc enim iure venditor tenetur defendere emptorem in foro emptoris, per textum in l. 1. Cod. ubi in rem actio. Sed si in varandatore siue cuictore defecerit, ipse cum multa & emenda relinquet rem: & si pro furto & spolio rei inculpatur, secundum iura se tenetur excusare, id est iuramento corporali mettertius se purgabit, quòd res apud se repertas ipse non abstulerit, quemadmodum in causa Gedeche Chyrurgi & Dvvor-ski ciuium Cracouien. anno 1591. in Curia pronunciatum fuisse constat. Verum de Iudæis longè aliter Statuta Regni disponunt. Eo enim casu Iudæi, si cuictorem statuere non possent, aut nollent, pæna furcæ puniri debent. *Nimia enim* (ut lex Sigismundi Regis Petricouix Anno 1538. lata habet) *furum licentia, & pluralitas eo maxime creuisse videtur: quòd fures ipsi habeant rerū furto ablatarum apud Iudeos tutam venditionem.* Quod autem multos varādatores nominare liceat, quò usq; ad eum, qui illud educavit, aut qui illum texere fecit (si pannus est) perueniatur, text. d. artic. 36. ostendit. Et in Curia Regni inter Gicmrii & Kamienski ciues Lomzen.

- Anno 1599. feria sexta post octavas Corporis Christi in iudicio D. Assessorum decisum fuisse me-
mini. Res verò sub quo vendica-
tur, tantisper ab eo retineri debet,
8. donec iure acquiratur. Deniq; *no-
tandum est, quod præscriptio rerū
furto ablatarum in eo, qui mala fi-
de possidet, nec longissimo tem-
pore locum habeat: secus * tamen
in eo, qui est possessor bonæ
fidei, cuius rei exempla in §. *furti-
ue. Instit. de usucap.* proponuntur.
9. Neq; * tamen existimandum est in-
uentorem rei alienæ, bonæ fidei
possessorem esse, Quicunq; enim
aliquid inuenerit, & id negauerit,
furtum cōmittit. per expref. text.
Sp. Sax. d. lib. 2. art. 37. & ideo vt eua-
dat pœnam furti, debet rem inuen-
tam per præconē publicare, prout
vulgò apud nos, etiam in pagis fie-
ri videmus. Sed * in bonis, furibus
10. vel raptoribus vi ablatis, aliter se
res habet. Si enim aliquis eiusdem
iurisdictionis fuerit, ea bona infra
sex hebdomadas iure repetens,
post solutionē impensarum reci-
pere debet: Si verò alterius fuerit
iurisdictionis, tertia parte retē-
ta, aliæ ei duæ partes red-
dantur, per eundem
text. d. lib. 2. ar-
tic. 37.

OBSERVA: LXXXIII.

De defensione necessaria, vtrum
videlicet in ea aliquem occidēs,
puniatur.

S V M M A R I A.

1. In defensione necessaria aliquem
occidens, non punitur.
2. Vim vi repellere licet.
3. In defensione necessaria probatur id,
quod interēptus prior vim intulerit.
4. In defensione necessaria attendi-
tur, an aliter vita periculum euita-
ri non possit.
5. Inuasus ab aliquo, an fugere tene-
atur?
6. Honor cuiuslibet commodo peccunia-
rio preferendus est.
7. Modus inculcata tutela etiam in eo
consistit, vt armorum & facti ipsius
par sit ratio.
8. Defensio necessaria in ipso propul-
sandi actū fieri debet.
9. Vltio & vindicta à legibus prohi-
bentur.
10. In Regno nobilem in defensione
necessaria occidens, pœnam 60.
Marc. soluit.
11. Iure Saxonum in necessaria defen-
sione mulcta Iudici, & Wergeldus
parti persoluitur.

Regulariter * omne homicidiū 1.
meretur pœnam legis Corne-
liæ de

liæ de sicariis: hoc tamen, quod in casu necessariæ defensionis committitur, omnino manet impunitum. Si quidem teste Cicerone, illud non modò iustum, sed etiam necessarium est, cum vi vis illata defenditur. Hoc enim & ratio doctis, & necessitas barbaris, & mos gentibus, & feris natura ipsa præscripsit, ut omnem semper vim, quacumq; ope possint, à corpore, à capite, à vita sua propulsarent. Vnde cum apud omnes gentes, non data, sed nata lex sit, ut, quod quisq; ob tutelam corporis sui, honoris, & bonorum, contra imminens periculum faciat, iure id fiat. per expressum text. in l. ut vim. 3. ff. de iustitia & iure. Et ideo omnia iura, tam ciuilia, quam Canonica indemnem & impunitum relinquunt eum, quicumq; aggressorem suum interemerit. Quod probatur multis textibus iuris. Et primo quidem in l. is qui aggressorem. 2. C. ad l. Cornel. desicar. in verbis: Is, qui aggressorem, vel quemcumq; aliū, in dubio vite discrimine constitutus occiderit, nullam, ob id factum calumniam metuere debet. Et in l. scientiam 45. §. 4. in verbis: Qui, cum aliter tueri se non possunt, damni culpam dederint, innoxij sunt, vim enim vi defendere omnes leges omniaq; iura permittunt. ff. ad l. Aquil. * Cuius legis posteriora verba in cap. dilecto. 6. ext. de sentent. excommunicat. in 6.

in verbis Prætereacum omnes leges, &c. canonizata esse videtur. Quod item in Clement. unica. de homicidio. ibi: Et idem de illo censemus, qui mortem aliter vitare non valens, suum occidit, vel mutilat inuasorem, admodum clare probatur. Quibus concordat ius etiam Saxonicum, per clarum text. lib. 2. art. 69. his verbis: Qui interficit aut vulnerat suæ pacis violatorem, pro eo aliquid non luet, si metseptimus hoc in fuga, aut in actu violentiæ accidisse, valeat comprobare. Et in lib. eiusdem artic. 14. hisce verbis: Interficitur si quis causâ necessitatis: & faciens non audet pro sui corporis periculo eū deducere in iudiciū, si se sentente, & mortuo non presente, nec aliquo contra eum adhuc agente, iudicio presentauerit, corporale supplicium ei pro eo non inferatur. Neq; * tamen 3 hæc ita simpliciter vera sunt, sed necesse est, ut modus inculpatæ tutelæ obseruetur. Nam qui asserit necessariam & coactam defensionem, id in primis probare debet, quod ab illo interempto prior inuasus fuerit, quod si is prior inuasisset: nulla haberetur coacta defensio. per expr. text. in l. si ex plagis 52. §. tabernarius. 2. in verb. Culpam penes eum esse, qui prior flagello percussit. ff. ad l. Aquil. Et in l. 1. §. 11. his verbis: Cum arietes vel boues commisissent, & alter alterum occidit. Quintus

Quintus Mutius distinxit; ut si
 quidem is periisset, qui aggressus
 erat, cessaret actio; si is, qui non pro-
 uocauerat, competeret actio. ff. si
 4 quadr. paup. fecisse dicatur. Dein-
 de, * quod aliter nisi semet de-
 fendendo, ac aduersarium occide-
 do, imminens vite sue periculum
 euitare non potuerit, in huiusmo-
 di defensione probare necessum est,
 per textus supra allegatos. Neque
 5 enim * fugere honesto & nobili vi-
 ro (secundum communem DD.
 opinionem in d.l. et vim) conuenit
 per clarum text. in l. isti. 8. §. pen. ff.
 6 quod met. causa. honor * enim cuiuslibet
 commodo pecuniario preferendus est,
 argumen. l. Iulianus. 26. in verbis:
 Non enim caret dolo. &c. ff. si quis
 ommissa causa testam. Nec non quod
 fugæ multa pericula adnexa sint,
 puta cadendi, aut à tergo vulneris
 accipiendi: quo tamē casu Interpp.
 iuris fugam non esse necessariam
 statuūt, ut videre est apud Iodoc.
 Damhod. in praxi rerum criminal.
 7 c. 76. num. 9. Denique * in eo etiam
 modus inculpatæ tutelæ (teste
 glossa in l. 1. C. unde vi) potissimum
 consistit: Inprimis ut armorum &
 facti ipsius par sit ratio, exempli
 gratia: Si armis infertur violentia,
 ut armis quoque repellatur; si sine
 armis, simili itidem modo reiiciat-
 tur. Ad quod est singularis textus

in c. significasti. 18. in verbis: tum ra-
 tione instrumenti, cum quo ipse percus-
 sit, quod cum graue sit, non solet leuena
 plagam inferre. extra. de homicid.
 quamuis interdum, habita ratione
 personarum; debilis neque ita ma-
 gnarum virium homo, impetum
 robustissimi hominis ense reiicere
 possit, prout notat ibidem glossa.
 Requiritur * etiam ut huiusmo-
 di defensio in continente, in ipso vi-
 delicet propulsandi actu fiat, per
 text. in l. quod est. 3. §. 9. in verbis:
 Eum igitur, qui cum armis venit, pos-
 sumus armis repellere, sed hoc confe-
 ssim, non ex intervallo. ff. de vi & vi
 armata. Alias extra eum actum aut
 vis est, si præcedat; aut vindicta
 si subsequatur: cuius studio in de-
 fensione exceditur modus incul-
 patæ tutelæ, per supra dictos text.
 in d.l. scientiam. §. qui cum aliter. in
 verbis: Et hoc, si tuendi duntaxat;
 non etiam ulciscendi causa factum sit.
 ff. ad l. Aquil. Omnis * enim ultio &
 9 vindicta à legibus prohibita est,
 prout videre licet in l. nullus. 14. C.
 de Iudeis. ibi: Idcirco tamen iudicio-
 rum vigor, iurisq. publici tutela, vide-
 tur in medio constituta, ne quisquam
 sibi ipsi permittere valeat ultionem.
 Quibus concordat l. unica. Cod. ne
 quis in sua causa iudic. & similes:
 Iuxta quod in Curia, in causa ne-
 cis Simonis Krackovvskia quibus-
 dam

dam opificibus peregrinis Leopoli factæ, Anno Domini 1597. die xii. Aprilis iudicatum memini: quod nimirum pars rea ex interuallo, studio vindictæ, homicidiū committens, modum inculpatæ tutelæ excessisse adinuenta, & in pœna legis Cornelix de sicariis condemnata sit. Verum hæ circumstantiæ moderaminis inculpatæ tutelæ, rectè meo quidem iudicio, etiam in causis criminalibus nobilium, quæ frequentissimè (proh dolor) in Comitibus Regni agitari solent, inde peti possunt: quamuis hoc iure

IO * in defensione iusta, nobilem interimens, pœnam seu multam pecuniariam 60. marc. propinquis interempti, persolvere teneatur, iuxta dispositionē statuti Alberti Regis Petric. 1496. facti. Cui accedit iuris quoq; Saxon. dispositio *in d. lib. 2. artic. 14.* in verbis: *Iudici tamen maior nummorum, sicut solet, acquiritur multa, & parentelæ interfecti Wergeldus adiudicatur.* Vnde * liquido constat, quod apud Saxones in necessaria defensione homicidium perpetrans, multā Iudici, & Wergeldum partiluerē teneatur. Id tamen valde mirum esse videtur. Si enim deliquit, alia pœna, non pecuniaria afficiendus esset: si non, cur igitur etiam pecuniam perdit? Adhæc licet glossa eiusdem iuris,

in d. art. 14. respondeat: quod videlicet tale homicidium committens optionem habeat, vel ut præsentet se iudicio, puta ad dicendam innocentix suæ causam, & probandam necessariam defensionem: vel si id facere negligat, pecuniam supra scriptam persoluat. Mihi tamen huius rei nequaquam sufficiens videtur esse ratio, nisi quod multā & Wergeldum in eo casu, ob expiationem necis, contra mandatū Dei commissæ, Iudici in sede Dei residenti, & propinquis interempti dari dicamus, ut sup. obser. 77. num. 8. dictum fuit.

OBSERVA: LXXXIV.

De homicidio casu commissio, an videlicet aliquis ob tale homicidium pœnam capitis mereatur.

S V M M A R I A.

1. Telum portans occidendi hominis causa, ut homicida punitur.
2. Homicidium causale pœnam capitis non meretur.
3. Differentia inter casum fortuitum, & improuisum.
4. Homicidium ex lasciuia committens non est immunis à pœna.
5. Iure Saxonum ei, qui casu aliquem occidit, pœna unius Wergeldi infligitur.

6. *Praxis Curia Regalis in homicidijs. casualibus.*

ET si * lex Cornelia de sicariis, non tantum homicidas, sed etiā eos qui hominis occidendi causa cum telo ambulant, ultore ferro prosequatur, vt inquit Imp. Iustin. in §. item lex Cornelia. Instit. de publicis iudicijs; attamen * homicidium casu commissum, pœnam capitis non mereri, probatur per express. text. in l. eum qui. s. C. ad l. Cornel. de sicarijs. qui sic se habet: *Eum qui adseuerat homicidium se non voluntate, sed casu fortuito fecisse, cum calcis ictu mortis occasio præbita videatur: si hoc ita est, neque super hoc ambigi poterit, omni metu ac suspitione, quam ex admissæ rei discrimine sustinet, secundum id, quod adnotatione nostra comprehensum est, volumus liberari.* Et clarius in l. i. C. eod. tit. in verbis: *Qui probauerit non occidendi animo hominem à se percussum esse: remissa homicidij pœna, secundum disciplinā militarem sententiam proferet. Crimē enim contrahitur, si voluntas nocēdi intercedat. Caterum ea quæ ex improviso casu potius, quam fraude accidunt, fato plerumq. non noxæ imputantur.* Hic tamen * notanda est differentia, inter casum fortuitum & improuifum. Casus enim fortuitus est inopinata rei euentus, quem

nemo præuidere aut præcauere potest. Is omni prorsus vacat culpa, & neminem obligat ad pœnam aut reparationem damni, per text. supra allegatos, & in l. quæ fortuitis. C. de pignorat. actione. Improuifus verò casus dicitur, quando quis id facit, quod facere non debuit: aut non in eo loco facit, vbi debuit, exempli gratia: Si quis prætereuntem per campū ex improviso globo traiceret, aut sagitta transfigeret, non videtur vacare culpa, si locus & persona illa ad iaculandū non erant destinata. Et ideo pœna legis Corneliae talis homicida tenetur. Nam alioqui non minus ex dolo, quam ex culpa quisq. hac lege obligatur. vt inquit Imp. Iustin. in §. iniuria. Instit. de lege Aquilia. vbi plures huiusmodi improuifi casus recensentur. Proinde * & qui per lasciuia hominem occidit, non caret culpa, & non est immunis à pœna. Mitius tamen punitur, quam qui dolo necē perpetravit, per express. text. in l. lege Cornelia. 4. ff. ad l. Cornel. de sicarijs. §. 1. in verbis: *Cum quidam per lasciuia causam mortis prabuisset, comprobatum est factum Ignatij Taurini Proconsulis Vetica à Diuo Hadriano, quòd eū in quinque annis relegasset. Nisi forte ob dignitatem personæ alicuius, eam pœnam l. Corneliae in mitiorē versam*

versam esse dicamus. Quod etiam IC. Martianus in l. eiusdem. 3. §. ult. ff.

ad l. Cornel. de sicarijs. innuere videtur his verbis: *Legis Corneliae de sicarijs & veneficis poena in insula deportatio est, & omnium bonorum adeptio. Sed solent hodie capite puniri, nisi honestiore loco positi fuerint, ut poenā legis sustineant. Humiliores enim solent, vel bestiis subijci, altiores verò de-*

5 *portantur in insulam. Iure* verò Saxonum poena vnius Wergeldi super eum, qui casu aliquem occidit, extendi solet, per clarum textum lib. 2. artic. 38. in verbis: Si quis aliquē ignoranter iaciendo, vel sagittando interfecerit, in sui damnationem Wergeldi, & non in mortem condemnatur.*

Quod itidem non de casu fortuito, sed de improviso accipiendum est, 7 *ut notat ibidem glossa. Cuius* rei singulare exemplum extat in Curia Regali, vbi Magistratus ciuitatis Iuni vladislauien. ob iuuenem quendam, qui causale homicidiū perpetraverat, supplicio affectum Decreto Regio Anno 1593. feria quinta post festum S. Dorotheae lato, in hac poena Wergeldi condemnatus est, addito insuper eidē Magistratui iuramento, quod prædictū iuuenem, non iniurandi animo, sed optimo iustitiae*

zelo, supplicio ultimo affecerit.

OBSERVA: LXXXV.

Puer committens homicidium, an poena legis Corneliae de sicariis afficiatur.

S V M M A R I A.

1. Puer homicidium committens nō punitur lege Cornelia de sicarijs.
2. Infans ab impubere, & eo qui pubertati proximus est, quomodo differant.
3. Pubertas quomodo cognoscatur.
4. Proximus pubertati quis dicatur.
5. Accursij opinio legis vigorem habet.
6. Impuberes & pubertati proximi delinquere possunt, & ideo puniuntur.
7. Aetati & imprudentiae in omnibus pœnalibus iudicijs succurritur.
8. Impubes & pubertati proximus, si delinquat fortuito, vel improviso, vel malitiose, distinguendum est.
9. Infantes & infantiae proximi nulloatenus puniuntur.

Similiter & puer* infans committens homicidiū, poena legis Corneliae non tenetur, per expref. text. in l. infans. 12. ff. ad l. Cor. de sicarijs. cuius is est tenor: *Infans vel furiosus si hominem occiderit, lege Cornelia non tenentur: cum alterum innocentia consilij tuetur, alterum sati infelicitas*

citas excusat. Quod item iuri Saxo-
nico consentaneum esse constat,
ex text. eiusdem iuris *lib. 2. artic. 65.*
in verbis: *Nullus puer infra annos le-
gitimos constitutus facere quid potest,
in quo ad vitam eius condemnatur.*

- 2 Hic * tamen diligenter distinguen-
dum est, inter infantem & impube-
rem, ac eum, qui pubertati proxi-
mus est. Nam infans is dicitur, qui
nondum septimum ætatis suæ at-
tigit annum, per clarum text. in *l. 1.*
*§. 2. ibi: Ita tamen ut pro his, qui fieri
non possunt, vel absint, ipsi tutores Iu-
diciū suscipiant: pro his autem, qui
suprà septimum annum ætatis sunt, &
præsto fuerint, auctoritatem præstent.*
- 3 ff. de administr. tut. Pubertatē * ve-
rò veteres quidem non solum ex
annis, sed etiam ex habitu corpo-
ris in masculis æstimari volebant.
Sed Imp. Iustin. dignū esse castita-
te suorum temporum existimans,
benè putauit, quod in foeminis eti-
am antiquis impudicū esse visum
est, id est inspectionem habitudi-
nis corporis, hoc etiam in mascu-
los extendere. Et ideo sancta con-
stitutione promulgata. quæ in *l. 3.*
*C. quando tut. vel curat. esse defin. ex-
tat: Pubertatem in masculis post
decimum quartum annum com-
pletum ilico initū accipere dispo-
suit, antiquitatis normam in foemi-
nis benè positam relinquens in suo*

ordine, ut post duodecim annos
completos, viripotentes esse cre-
dantur. Nec obstant textus iuris
Canonici in *c. puberes 3. ext. de despo-
sat. impub.* ubi dicitur: *Eum puberē
esse, qui ex habitu corporis pubertatē
ostendit, & generare iam potest. Et pu-
erperas quæ in annis puerilibus pariūt.*
Et iuris Saxonici *lib. 1. ar. 42.* in ver-
bis: *Si is, de cuius ætate dubitatur, pu-
bes in locis congruentibus apparebit,
annum discretionis cum impleuisse
credendum est.* Id enim secundum
glos. in *l. minor. 32. in ver. profectam. ff.*
de minoribus. non de inuerecundo
illo veteribus Romanis vñtato a-
spectu; sed de honesta ac decenti
inspectione habitudinis corporis
& faciei, ut puta si circa os lanugo
barbæ imminere incipiat, aut tota
constitutio corporis annos puber-
tatis attigisse testetur, intelligendū
est. Impubes * autem quando di-
catur proximus pubertati esse, li-
cet in legibus nusquā definitū sit,
fortè ob hanc causam, quòd tota
respondeat ex variis rerum & de-
lictorum circumstantiis, quas pru-
dens iudex diligenter perpenden-
do, ætatem doli & malitiæ capacē,
etiam non attento numero anno-
rum, facile animaduertet. Accur-
siustamen. / cuius opinio * in om-
nibus ferè iudiciorum subseiliis, te-
ste Ioan. de Imola. in *l. 1. col. 2. de vulg.*

& pupillar. substit. legis vigorem ha-
 bet, quādo nimirum lex non repe-
 ritur) in l. pupillum. 111. ff. de reg. iur.
 pubertati proximum masculum
 dicit esse eum, qui decem annos &
 sex menses iam absoluit: Vnde e-
 tiam consequēs est, famellam pu-
 bertati proximam dici eam, quā
 nouem & dimidium annos com-
 pleuit. Quoniam * verò hi soli, im-
 puberes scilicet, & pubertati pro-
 ximi, delictum committere pos-
 sunt, per express. text. in l. sed et si
 quemcunq; 5. §. 2. ibi. *Quod si infans
 damnū dederit, Aquilia cessat: Quod
 si impubes id fecerit, Labeo ait, quia
 furti tenetur; teneri & Aquilia eum.
 Et hoc puto verum* (inquit IC. VI-
 pian.) *si sit iam iniuriæ capax. ff. ad l.
 Aquil. idcirco pœna quoq; afficiū-
 tur, non tamen tam seuerē, quē ad-
 modum maiores, sed mitius secun-
 dum arbitrium Iudicis, per textum
 in l. auxilium. 37. §. 1. ibi: Nisi quate-
 nus interdum misératio ætatis ad me-
 discrep pœnā iudicē perduxerit. & c.
 ff. de minoribus.* Ferē * enim in om-
 nibus pœnalibus iudiciis ætati &
 imprudentiæ succurritur, per l. ferē.
 108. ff. de regul. iuris. Quod etiam cō-
 firmat rescriptum Alexandri 3. Pō-
 tificis ad Hermon. Episcop. cuius
 verba in c. referente. extra. de delictis
 pueror. si, c se habent: *Quoniam in
 pueris vel nqui solet multum, quod in*

*alijs prouectioris ætatis humana leges
 dicant seuerius corrigendum, man-
 damus quatenus si constiterit filiū præ-
 dicti H. intra 14. ætatis suæ annum ho-
 micidium cōmisisse, memoratum Ab-
 batem moneas & compellas, ut ab eo-
 dem H. prædicto C. solidos propter vl-
 lam cōsuetudinem non exigat, nec ab
 ipso pro temporali pœna requirat.* In 3
 eo * tamen multum interest, si im-
 pubes vel pubertati proximus for-
 tuito casu, vel ex improviso, puta
 culpa & negligentia, vel sciens &
 volens maliciōse delinquat. Primo
 enim casu impuberis quā maiō-
 ris, cui parcitur, deterior hac in
 parte conditio esse minimē potest,
 prout sup. obser. præceden. de ca-
 sibus fortuitis dictū est: secundo
 verò casu, si delictum non ex ani-
 mo, sed extrā venit, etiamsi noxa
 non committitur, pœnæ tamē cau-
 sa, pecuniæ damnū irrogatur, pro-
 ut in l. 1. C. Si aduersus delictū Impp.
 Seuerus & Antoninus rescripserūt.
 Quod etiam ius Saxonum sequi vi-
 detur, ut ex textu Sp. Sax. lib. 2. d. ar-
 tic. 65. patet, cuius ea sunt verba:
*Occidatur verò aut mutiletur quis à
 pueris, tutor pueri, id à pueri substantia
 tenetur (secundum Wergeldi modū)
 resarcire, quod de damnis aliis à puer-
 is illatis est dicendum.* Intertio de-
 niq; casu, minores ætatis suffragio
 minimē iuuantur: cum malorū mo-
 res

res infirmitas animi non excuset.
per dictam l. 1. C. si aduersus delictū.
9. Licet autem *infantes & infantia
proximi nullatenus puniantur, vt
potē quibus doli capacitas, vnde
censetur delictum, desit, per sup. al.
legat. l. infans. ff. de sicariis. & similes.
Et in Curia Regni, contrā magistra-
tum ciuitatis Iunivvladislauien:
Anno 1593. feria quinta post fe-
stum S. Dorotheæ virginis, ob pu-
erum quendam nouem annorum
supplicio capitali affectum, pro-
nunciatum fuisse liquet. Contrari-
um tamen Iodocus Damhoderius
in praxi rerum crimin. c. 84. num. 3.
4. & sequen. omnino statuit, & ibidē
exemplum ex beato Gregorio, de
quodam puero quinq; annos nato,
recitat.

OBSERVA: LXXXVI.

Vtrum si vulneratus ex interual-
lo moriatur, pœna legis Corne-
liæ in vulnerantē extendi possit.

S V M M A R I A.

1. Vulneratus quando præsumatur ex
vulnere mortuus.
2. Vulneratis animus inspiciendus est.
3. Dolus nunquam præsumitur, nec
animus delinquendi.
4. Præsumitur quilibet bonus, do-
nec probetur contrarium.

1. Vulneris qualitas perpendenda est.
6. Medicorum & Chyrurgorum iudi-
ciū in vulnere quando requiratur?
7. Tempus quo vulnus illatum est, in-
spici debet.
8. Vulneratus lethaliter ultra 40. di-
es viuere non potest.

Vulneratum non* præsumi ex
vulnere mortuum, si post tri-
duum surrexerit, & super baculū
ambulauerit, Accursius in l. vnica.
C. de emendat. seruorum. testatur.
Verumtamen iuxta communem
D D. sententiam, tria potissimum
in eo sunt considerata. Et* pri-
mò quidem inspicienda est mens
& animus vulnerantis. Nam si oc-
cidendi animo vulnerauerit, dubi-
um non est, quod puniatur vt ho-
micida, per express. text. in l. 1. C. ad
l. Cornel. de sicariis. in verbis: Crimen
contrahitur, si & voluntas nocendi in-
tercedat. quod & glossa iuris Saxo-
nici lib. 2. artic. 64. versic. præterea,
clare admodum probat. Ac proin-
de occidendi animo vulnus illatū
esse allegans, probare id debet. per
text. in l. dolum. C. de dolo. & l. quoti-
es. §. qui dolo. ff. de probat. Dolus* et-
enim nunquam regulariter præ-
sumitur, sicut nec animus delin-
quendi. argum. l. merito §. ff. pro so-
cio. Et quilibet* præsumitur bonus,
donec contrarium probetur. ar-
gum.

5 gum. l. cum pater 77. §. rogo. 25. ff. de legat. 2. Deinde * perpendenda est qualitas vulneris, vtrum videlicet lethale sit, nec ne? Primo etenim casu subsequuta morte, vulnerans omnino punitur tanquam homicida. per text. in l. ait lex. 21. §. 1. in verbis: *Quod si mortiferè fuerit vulneratus, & postea post longum intervallum mortuus sit, inde annus numerandus est, secundum Iulianum, ex quo vulneratus est. ff. ad l. Aquil. Quod vsq; adeò verū est, vt quamuis culpa & negligentia ipsius vulnerati, aut etiam imperitia medici mors superueniat, vulnerans ex eo nullam excusationem mereatur. Occidisse enim dicitur vulgò qui mortis causam quomodolibet præbuit. per textum in l. ita vulneratus. §. 1. in prin. ff. ad l. Aquil. Et frustra aliàs expectatur id, cuius euentus nihil operari posse videtur. per textū singularem in l. hæc stipulatio. §. diuus. ff. vt legat. nomin. caueatur* Secundo verò casu, quando videlicet liquidò constat, vulnus non fuisse lethiferum, & læsus nihilominus vita functus esset, vulnerantē pro homicida non cēseri DD. vñ nīmi ore profitentur, vt notat Iulius Clarus lib. sentent. §. homicidii. num. 43. Ita tamen, si non ex læsione illa, sed culpa & negligentia ipsius, morbus qui causam dedit mor-

6 ti, superueniat, per text. in l. sex plagis. in pr. ff. ad l. Aquil. Porro * quando dubium est, lethale sit vulnus, nec ne? licet iuxta cōmunem DD. opinionem, recursus fieri debeat ad iudicium medicorum ac chyrurgorum, vt potè quod vnicuiq; perito in arte sua fides adhibenda sit, per text. in c. significasti. extra de homicid. Cuius rei Decretum in Curia Regali, in causa Postrzygaczovvie & Girovski, ciuium Casimiriens anno Domini 1591. prolatum extat; attamen quia interdum Medici & Chyrurgi variis de causis dissentire possunt; idcirco multo tutius est, id arbitrio iudicis committendum esse, quitam ex relatione medicorum, quàm etiam ex qualitate & loco vulneris, aliisq; circumstantiis facile cognoscere poterit, num ex ipso vulnere, an autem ex alia causa decesserit vulneratus. Et ita omnes DD. cōmuniter tenent, teste Iulio Claro d. loco sententiar. Tertiò, * temporis quoq; quo vulnus illatū fuit, diligēs admodum habenda est ratio. Si enim vulneratus post acceptum vulnus ambulauit per triduum; eo casu etiamsi postmodum moriatur, non præsimitur ex illo vulnere decessisse, secundum Accursium, vt sup. in principio obseruat. adnotauī. Quod tamen etiam fallit in eo

in eo casu, quando notorium est vulnus fuisse lethale. Eo enim casu nihil refert, vtrum vulneratus breui mortuus sit, an post longum interuallum, per text. in l. huic. v. ibi: *Si seruus vulneratus mortiferè, postea ruina, vel naufragio, vel alio icctu maturius perierit: de occiso agi nō posse, sed quasi de vulnerato. Sed si manumissus, vel alienatus, ex vulnere perijt; quasi de occiso agi posse Iulianus ait. hac ita tam variè: quia verum est, eum à te occisum tunc, cum vulnerabas, quod mortuo eo, demū apparuit: in superiore non est passā ruina apparere, an sit occisus, ff. ad d.l. Aquil. Et ita in Curia Regali inter Pozoga & Sicika ciues Dobrinen. anno 97. feria secunda in vigilia festi SS. Simonis & Iudæ Apostol. decisum fuisse memini. Quamuis * secundum sententiam medicorum, nullus lethaler vulneratus, vltra 40. dies viuere possit, teste Angelo in d.l. unica. C. de emendat. seruor.*

OBSERVA: LXXXVII.

Stupratores & violatores scæminarum, quibus pœnis afficiantur.

S V M M A R I A

1. Stuprum in iure duplici modo consideratur.
2. Stupri voluntarij qualis ex iure ciuili sit pœna.

3. Iudex asimationem dotis quando facere possit.
4. Mulieres publicè pudicitiam constituentes, non sunt dignæ legum beneficio.
5. Virgo honesta & nobilis in loco inhonesto consuprata, beneficium legis non habet.
6. Mulieribus impudicis, de raptu & violentia conquerentibus, fides adhibenda non est.
7. Violentum stuprum quid sit.

IN materia criminali consequenter etiam illud caput legis Iuliæ de stupratoribus & violatoribus, seu raptoribus virginum & viduarum, quibus videlicet illi pœnis affiendi sint? discutiendum sese offert. Et * in primis sciendum est, 1
stuprum esse duplex, voluntariū, & violentum. Voluntarium * est, 2
quod volente & consentiente virgine vel vidua committitur, cuius pœna in iure ciuili in §. item lex Iulia. Instit. de public. iudic. Si honesta personæ sunt, publicatio partis dimidia bonorum; si humiles, corporis coercitio cum relegatione, reperitur. Quæ pœna in iudiciis & praxi forēs ad mitiorem illam iuris diuini reduci solet, Exodi c. 22. cuius etiam in c. 1. tit. de adulteris. fit mentio his verbis: Si seduxerit quis virginem nondum desponsatam, dormieritq; cum ea, do.

ea, dotabit eam, & habebit uxorem. Si verò pater virginis dare noluerit, reddet pecuniam iuxta modum dotis, quam virgines accipere consueverunt.

- 3 Iudex * verò eam æstimationem dotis, diligenter expensa personarum qualitate, constituere debet. Quamvis enim istæ pœnæ non ex arbitrio Iudicis imponantur, sed stupratori optio deferatur, vtrum malit ducere, an dotare? attamen si in dotem consensum ab eo fuerit, Iudex æstimationem illam facere debet. Ac proinde in Curia in causa Catharinæ olim Matthiæ Ciolek Consulis Petric. filiæ, à Nicolao Sckio ciue itidem Petric. ob stuprum illatum spe matrimonii intentata, Anno 1591. feria 3. intra octauas festi SS. Corporis Christi, emenda 30. marc. pecuniæ actrici adiudicata fuit. Non obstante etiam exceptione, quòd eam virginem non repperit: semper enim iuramento mulieris statur contra stuprantem, quod virgo fuerit, teste Iodo. Damhodi. in praxi rerum crimin. cap. 92. num. fin. In mulieribus
- 4 tamen, * quarum publicè venalis est turpitudine, nequaquam hoc locum habet. Tales enim mulieres non sunt dignæ legum beneficio, per express. text. in l. quæ adulteriũ. 29. ibi: *Hæ autem immunes à iudiciali seueritate & stupri, & adulte-*

ri præstentur, quas vitæ vilitas dignas legum obseruatione non credidit. C. ad l. Iul. de adul. Atque ob hanc causam, si honesta etiam & nobilis aliàs virgo, in lupanaria aut aliquo inhonesto loco, inter meretriculas reperta comprimatur, caret eo legis beneficio. Cum propter locum & consuetudinem, seu habitum meretricium, pro impudica omnino censeatur. *Neque enim honos ei seruatur, quæ se in tantum scelus deduxit, per text. in l. senatoris. 47. ff. de ritu nupt.* Ac * insuper, etiamsi de raptu seu violentia huiusmodi inhonestæ mulieres conquerrantur, nullo modo fides illis adhibenda est. Præsumuntur enim quæstus gratia nulli copiam sui denegare posse, teste Philip. Decio in *Linutus. ff. de reguliur.* Nec quicquam in contrarium facit ius Saxonicum, quod in lib. 3. artic. 46. disponit: *In meretrice & concubina sua committi violentiam, et si eam quis prætereius voluntatem violat, in vita sua condemnatur.* Nam hoc de eo casu intelligi debet, si nimirum è turpi & inhonestà via in viam honestatis redeant, & vitæ priori omnibus modis renuncient, prout glossa ibidem notat, exemplum B. Afræ allegando. Cui etiam ad stipulatur Salicetus in l. unic. C. de rapt. virg. asserens iisdem pœnis raptorem talium foeminarum

minarum subici, quibus subiiciū-
tur raptores virginum vel vidua-
rum honestarum, per *d. l. unic. C. de*
7 *rapt. virgin.* Violentum* verò stu-
prum est, quando virgines vel vi-
duæ per vim opprimuntur, vel ab-
ducuntur, & dicitur proprie ra-
ptus, de quo obseruatione sequen-
ti agitur.

OBSERV: LXXXVIII.

De raptu, & quæ pœna raptores
mulierum manere debeat.

S V M M A R I A.

1. Raptus in iure bifariam accipi solet.
2. Raptores mulierum quæ pœna af-
ficiantur.
3. Socij raptorum eadem pœna afficiū-
tur, quæ & ipsi raptores.
4. Raptores puniuntur, licet mulie-
ribus consentientibus raptus fiat.
5. Raptorum pœna iure Saxonico
qualis sit.
6. Vis mulieri quando fieri dicatur.
7. Mulieri de violentia conquerenti,
quando fides adhibenda sit.
8. Statuta Regni de raptu quomodo
disponant.
10. Iure ciuili matrimonium inter
raptorem & raptam est nullum.
11. Iure Canonico inter raptorem &
raptam matrimonium fit ratum.
12. Inter duo mala minus malum eli-
gi debet.

Raptus* quamuis vulgò bifa-
1 riam accipi soleat, vt potè cū
alicui mulieri vis & violentia ad
actum venerem infertur, quod
etiam violentum stuprum appel-
latur; aut cū mulier ad contra-
hendum matrimonium inuita ab-
ducitur. In iure tamē hæc duo cri-
mina vno eodemq; nomine, scili-
cet raptus appellantur. Cuius* pœ- 2
na iure quidem ciuili est capitis,
per clarum text. in *l. unica. C. de ra-
ptu virginum.* in his verbis: Raptores
virginum honestarum, vel ingenua-
rum, siue iam desponsatae fuerint, siue
non, vel quarumlibet viduarum fa-
minarū, licet libertinae, vel seruae alic-
nae sint, pessima criminum peccantes,
capitis supplicio plectendos decerni-
mus. Quod multo magis in Deodi-
catis virginibus, & viduis locum
habet, prout textus ibidem tradit.
Ac præterea bonis etiam omnibus,
si ingenuam quis rapiat, mulctari
debet, per eundem textum in ver-
bis: Sin autem in ingenuam personam
tale facinus perpetretur, etiam omnes
res mobiles & se mouentes, tam ra-
ptorum, quam eorum sodalium, comi-
tum vel sequentium, qui eis auxilium
præbuerint, ad dominium liberarum 3
mulierum transferantur. Pœnas* e-
nim prædictas mortis & bonorum
amissionis, non tantum aduersus
raptores, sed etiam contra eos, qui
hos

hos comitati in ipsa inuasionē & rapina fuerint, leges extendunt. Ceteros verò omnes, qui consilii & ministri huiusmodi criminis reperi & conuicti fuerint, vel qui eos susceperint, vel quicunque opem eis tulerint, siue masculi, siue feminae sint, cuiuscunque conditionis, vel gradus, vel dignitatis, poenę tantummodo capitali subiiciunt.

4 Idq; * vsque adeo verum est, vt etiam si volentibus & consentientibus mulieribus raptus fiat, nihilo minus tamen huiusmodi raptores, supradictis poenis subiaceant. *Si enim (inquit ibidem textus) ipsi raptores metu & atrocitate poenę ab huiusmodi facinore se temperauerint, nulli mulieri siue volenti, siue nolenti peccandi locus relinquitur: quia hoc ipsum velle mulierum ab insidijs nequissimi hominis, qui meditatur rapinam, inducitur. Nisi etenim eam sollicitauerit, nisi odiosis artibus circumuenerit, non facit eam velle in tantū*

5 *dedecus sese prodere.* Iure * autem Saxonico, præterquam quod raptores huiusmodi capite puniuntur, per text. lib. 2. art. 13. ibi: *Et virginem opprimit aut mulierem, seu pacem infringit, & qui in adulterio fuerit deprehensus, capite plectitur.* Edificia etiam prædiorum seu villarū, in quibus virgines aut mulieres violenter oppressæ, aut post factū

introducæ fuerint, succiduntur, seu ad terram prosternuntur. Similiter omne viuens, quod tempore violentiæ illi affuit, vt potè equi, quibus violatæ abducebantur, vel qui ad id auxilio fuerant, decollantur, per express. text. lib. 3. artic. 1.

Verū hodierna praxi nullibi id iam obseruatur, sed violator seu oppressor poena tantum capitali afficitur. Quod & in Curia Regni obtinet, cuius rei exempla cuius obuia esse possūt. Et ita Krassovvski ob raptum Tryblovva, Anno 1595. feria sexta ante festum S. Mariæ Magdalenæ: Et Lenczovvski atq; Malkovvski ob stuprum illatum cuidam virgini Gienzianka dictæ, anno eodem feria tertia post Dominicam Misericordiæ, condemnati fuerunt. Verū * id in pri-

6 *mis notandum est, vim in raptu nō aliter fieri, nisi quando mulier magno clamore, qui a vicinis exaudiatur, violentiam illatam attestata fuerit, per text. in d. lib. 3. art. 1. ibi: Omnes huius clamoris violentiæ infectores, si malefactorem quoquo modo comprehenderint, licet victus non fuerit, non delinquant, dummodo ab eis iudicio presentetur.* Vnde * si id 7 contingat in campo, vel sylua procul distante ab hominibus, ita vt vox oppressæ a quopiam exaudiri non possit; tunc eo casu fidem adhibendam

hibendam esse mulieri conquerēti, (dummodo ante actam vitam honestè se gessisse probauerit) DD. communiter statuunt, vt notat Iodoc. Damhoder. *in praxi rerum criminalium. c. 95. num. 9.* Et quod magis est, si manifesta signa oppressionis in ea apparuerint, & iuramento præstito id comproba-uerit. Qua de re Statutum etiam Diui Casimiri Regis, Visliciz Anno 1368. de violationibus virginum & oppressione viduarum latum extat. Neq; * verò exinde raptor meretur excusationem, quòd rapta coram iudicio dicat, omnia acta suo cōsensu fuisse & voluntate, per suprā allegatum tex. *d. l. vnica* in verbis: *Si enim.* Ratio est, quia in huiusmodi criminibus cōmissis, duæ personæ offenduntur, pars nimirum læsa, & iustitia, seu exequutor iustitiæ Magistratus. Hinc fit, quod licet delinquens crimine admissio, aduersæ parti plenè satisfecerit, nondum tamen alteri parti scilicet iustitiæ satisfactum esse dici potest. Quod * in Regno, præsertim inter personas nobiles in eo raptu, qui fit matrimonii causa, non procedit. Si enim rapta mulier dicat, se volente & consentiente raptum esse perpetratum, raptor est immunis à pœna: rapta verò dotē, & bona omnia paterna &

materna perdit, iuxta dispositionem Statutorum, tam Ioannis Alberti Petric. Anno 1496. quàm Sigismundi Regum, iidem Petric. Anno 1531. latorum. Iure * autem ¹⁰ Ciuili huiuscemodi matrimonium inter raptorem & raptam, omnimodò est prohibitum, vt videre est ex textu, *d. l. vnica.* ibi: *Nec sit facultas raptae virginis, vel viduae, vel cui libet mulieri, raptorem suum sibi maritum exposcere, sed cui parentes voluerint (excepto raptore) eam legitimo copulent matrimonio.* Et additur ibidem ratio: *Quoniam* (inquit Imper.) *nullo modo nulloq; tempore datur à nostra serenitate licentia eis consentire, qui hostili more in nostra repub. matrimonia student sibi coniungere.* Oportet etenim, vt quicumq; uxorem ducere voluerit, siue ingenuam, siue libertinam, secundum nostras leges, & antiquam consuetudinem parentes vel alios quos decet, petat, vt cum eorum voluntate fiat legitimum coniugium. Quod * item iure Canonico (cui hac in parte propterea standum est, quòd matrimonium sit Sacramentum Ecclesiæ, & in eo lex minor sit Canone, per *c. ult. & pen. tit. de secundis nuptiis*) obtinere videtur, *c. placuit. 30. qu. 2.* cuius hæc sunt verba: *Placuit, vt hi qui rapiunt feminas, vel furantur aut seducunt, eas nullatenus habeant uxores:*

res: quamvis eis postmodum conueniat, aut eas dotauerint, vel nuptialiter cum consensu parentum suorum acceperint. Cui concordat. c. 1. & c. 2. ibidem: Veruntamen D. Hieronymus Hom. 29. in Euange. recensens quæ sint legitima matrimonia, inter alia etiam hoc quod inter raptorem & raptam consentiente patre contrahitur, legitimum esse affirmat hisce verbis: *Secundum scilicet legitimum coniugium est, si virgo in ciuitate deprehensa à viro, & illi per vim copulata fuerit, si voluerit pater eius, dotabit eam iste vir, quantum indicauerit pater, & dabit pretium pudicitie eius. c. tria legitima. 36. qu. 2.* Et hæc D. Hieronimi sententia, sacro etiam canone stabilitur, vt videre est Deuteronom. cap. 22. circa finem. Et ex c. Si autem 36. qu. 2. non dissimile quid, ex his potissimum verbis: *Peracta verò pœnitentia publica, si atas, & incontinentia exegerit, legitimo, & ex vtriusq; partis, (raptoris nimirum & raptæ) placito, coniugio socientur.* Nam in his non regulam (inquit Concilium Meldense) constituiamus, sed quid sit tolerabilius æstimamus, colligi potest: & est text. in c. raptor. 27. qu. 2. & c. cū causa. extra. de raptoribus. Vnde consequens est, quòd licet huiusmodi matrimonia sint prohibita; attamen posteaquam consummata, iam fue-

rint, non dissoluuntur, nec fiunt irrita, idq; maioris mali cuitadi causa. Sæpe enim fit, vt inter duo mala minus malum eligatur, per text. in c. 2. & sequ. distinct. 23.

OBSERVA: LXXXIX.

An de crimine pacisci aut transigere liceat.

S V M M A R I A.

1. Transigere tam de publicis, quàm de priuatis causis licet.
2. Transactio de criminibus an sit permissa.
3. Crimina capitalia quæ dicantur.
4. Delicta ne maneant impunita, Reipub. interest.
5. Sanguinem suum redimere cuius licet.
6. Accusatio criminis publici cuius ex populo concessa.
7. Abolitio quid sit.
8. De crimine adulterij cur transigere non liceat.
9. Crimen falsi, transactione an tolli possit.
10. Transigere licet de criminibus sanguinis pœnam irrogantibus.
11. Iure Saxonum transigentibus de crimine infamia irrogatur.

Perplexæ nimis apud Interpp. iuris est hæc quaestio: Vtrum videlicet

videlicet de quouis crimine paci-
 sci aut trāfire liceat? Regulariter*
 tam de publicis, quā de priuatis
 causis transactio videtur esse con-
 cessa, per express. text. in l. 1. §. pen.
 ibi: *Neq; enim transactionibus est in-*
terdictum, sed sordidis concussionibus.
 2 ff. de calumniat, attamen* de cri-
 minibus text. in l. transigere. 18. C.
 de transact. sic disponit: *Transigere*
vel pacisci de crimine capitali, excepto
adulterio, prohibitum non est: in aliis
autem publicis criminibus, quæ san-
guinis pœnam non ingerunt, transige-
re non licet, citrà falsi accusationem.
 Quoniam verò DD. iuris circa in-
 terpretationem istius legis mirè se-
 se torquent: idcirco non abs re
 me facturum existimaui, si rem ip-
 sam ex opinionibus illorum com-
 pendiosè collectam, breuiter ex-
 ponam. In primis* itaq; sciendum
 est, crimina capitalia dici, non tan-
 tum illa, quæ pœnam mortis, aut
 sanguinis effusionem adferunt, sed
 etiam quæ aquæ, aut ignis interdi-
 ctione, vel deportatione: aut met-
 tallo fontes afficiunt, per expres-
 sum textum in §. publica. i. instit. de
 public. iudiciis. Ac proinde in his,
 quæ citrà sanguinis effusionem fi-
 unt, idcirco transactio est prohibita,
 quia præsimitur reus transigendo
 aduersarium precio corrumpere:
 & sic iudicium publicum vende-

re, ac præuaricari, vt notat text.
 in l. 1. §. 1. ibi: *Præuaricari est vera*
crimina abscindere, ff. ad SC. Tur-
pill. Plurimum siquidē Reipubl.*
 interest, ne delicta maneant impu-
 nita, vt inquit textus. in l. si operis. 14.
 ibi: *cum non remitti pœnam facile pu-*
blicè intersit, ne ad maleficia temerè
quisquam prosiliat. C. de pœnis. Et in l.
ita vulneratus. §. 1. versic. quod si quis.
 ff. ad l. Aquil. Pœnæ enim ad exem-
 plum aliis statuuntur, per text. in l.
 quamuis 9. in verbis: *quatenus tam*
callidum commentum etiam in exem-
plum coercere debeat. ff. de bonis eorū
qui sub tut. Et sunt metus malorū.
 teste glossa in l. 1. ff. ne quis eum qui
 inius vocat. Maximè verò quòd in
 huiusmodi crimine transigens
 pro cōfesso omninò habeatur, per
 express. text. in l. fin. ibi: *In omni-*
bus causis, præterquam in sanguine,
qui delatorem corrumpit, ex SCto pro
uictō habeatur. ff. de præuaricatorib.
 Neq; aliter trāfactio censetur fieri,
 quā si aliquid detur, vel retinea-
 tur, vel promittatur, per textum
 in l. transactio. 38. C. de transactionib.
 At in illis criminibus, quæ sangui-
 nis pœnam merentur, diuersa est
 ratio. In his enim vtraq; pars tam
 actor quā reus, in capitis disci-
 mine versantur. Nam & actorem
 seu accusatorem, (si nimirum in
 probatione defecerit.) ex SCto

Turpilliano ad vindictā poscit similitudo supplicii, per text. *in l. fin. C. de calumniatorib.* Et ideo naturalis æquitatis ratio dicitur: ut eo casu transactio permittatur. Neque enim pro confesso transigens in tali crimine dici potest, cum periculi potius declinandi causa, quam cōsciētia criminis commissi, trāsegisse videatur, per suprà allegatum textum *in l. fin. ff. de præuaricatorib.* Semper * autem ignoscitur ei, qui sanguinem suum qualiter qualiter redemptum voluit, teste Vlpiano *in l. 1. ff. de bonis eorum, qui ant. sent. mort. sib. intul.* Omnis enim (ut inquit Cicero pro Milone) est honesta ratio expediendæ salutis, excepto adulterio. Et ideo in Curia quoque Regni huiusmodi transactiones admitti solent; pro ut ex decisione in causa ciuium Dobrzyńen. Pozoga cum Siecka Anno Domini 1597. feria secunda iu vigilia SS. Simonis & Iudæ Apostolorum: Et in causa Magistratus Tucholien. cum ciue dicto Kreutzer anno 96. feria tertia post festum S. Margarethæ facta, videre licet. Nec quicquam in contrarium facit, quod æquè in huiusmodi criminibus, quemadmodum in illis, quæ pœnam sanguinis non adferunt, transactione interueniente, publica iudicia præuaricari videantur. Hac etenim

transactione nihil derogatur iudicio publico, cum * accusatio criminis publici ad quemlibet ex populo, etiam non læsum, pertineat, *tot. tit. C. & ff. de accusat.* idque ob eam potissimum rationem, quod læso corpore, singula membra illius læsa videantur, teste Bartol. *in l. 1. §. si ea, num. 1. ff. de ventre in possession. mitt.* Quò potissimum respexisse videtur Constitutio Regni in felici Coronatione Serenissimi Regis moderni anno 1588. contra homicidas sancita. Neque verò frustra nea est talis transactio, etiam si aliis relinquatur locus accusandi. Nō enim tam facile quispiam alius, ad quem negotium non pertinet, reperietur, qui periculum illud metus SC. Turpilliani subire volet. Quamuis olim & hoc obseruatum fuerit, quod accusatione de crimine capitali iam instituta, non aliter transactio fieri poterat, quam si abolitio à Magistratu impetraretur. Nā qui ab accusatione citrà abolitionem desistit, punitur. per text. *in l. 1. §. 7. ff. ad SC. Turpill. lib. 18. tit. 16.* Est * autem abolitio, qua reus è numero reorum eximitur & aboletur accusationis memoria, per text. *in l. si interueniente. 12. ff. eodem.* Sed redeundo ad textum d. l. transigere. quæri potest: Quæ nam sit * ratio, cur crimen adulterii, à Regula in priori

priori membro illius legis expressa excipitur? cum & illud crimen sit capitale, & pœna sanguinis vindicetur, per express. text. in l. quamuis. 30. ibi: *Sacrilegos autem nuptiarū gladio puniri oportet. C. ad l. de adul.* Adhæc quamuis nōnulli ita respōdeant, quod hoc crimen ante tempora Constantini (qui d. l. quamuis. tulit) capitale non fuerit, idq; probare conētur, per text. iur. in l. suo. 14. & l. 18. ff. de testibus. lege Claudius. ff. de his quæ ut in dignis. & c. l. si quis viduā. ff. de questionib. Et l. 4. §. adulterij. ff. de re milit. attamen verior mihi videtur illa ratio, quam communiter DD. tradunt, quod nimirum transgens de adulterio in lenocinii crimen videatur incidere, per express. text. in l. ex lege. 2. §. 2. in verbis: *Lenocinij quidem crimē lege Iulia de adulterijs præscriptū est: cum sit in eū maritum pœna statuta, qui de adulterio uxoris suæ quid caperet: item in eum, qui in adulterio deprehensam detinuerit. ff. ad l. Iul. de adult.* Quod in eo, qui ultro sine pacto aut transactione accusationē criminis illius remittit, minimè locum habet, per text. in l. si maritus. 15. & §. 1. ibi: *fortius enim dicitur, eum qui se negauerit acturū de adulterio, postea non audiendum. ff. ad l. Iul. de adult.* Nemo enim inuitus agere vel accusare tenetur, iuxta regulam iu-

ris in l. inuitus 156. ff. de diuers. reg. iur. & l. unicam. C. ut nemo inuitus agere vel accus. cog. Porro * nec illud, 9 quod in posteriori membro d. legis ponitur (citra falsi accusationē) difficultate caret. Quidam enim hanc particulam citra, pro sine accipiunt, idque non inusitatum esse multis autoritatibus probant, vt potel. i. in verbis: *citra domini voluntatem C. si alie res pig. l. 1. §. 1.* in verb: *citra conuentionem. ff. de pignorib. l. falsas. 19. C. de furtis.* in verbis: *citra domini voluntatem.* Vnde sic dictū esse volunt: Transigere de crimini- bus non licet, sine falsi crimine, id est, nisi transgens falsi accusationem subire velit. Sed quia hæc particula in iure & alibi pro præpositione (præter) passim vsurpatur, vt videre est in l. unica. §. accedit. versic. extraneum. in verbis: *Extraneum autem intelligimus omnem citra parentem per virilem sexum descendentem. C. de rei vxor. act.* idcō tenenda est potius communis opinio, quæ hoc loco non priuationē, sed exceptionem significari ostendit, maximè quod de crimine falsi transigere liceat, idq; probatur per text. in l. ipse. 7. ibi: *Facta igitur transactione, difficile est, ut is qui prouinciā regit, velut falsum, cui semel acquiescisti, tibi accusare permittat. C. ad l. Cornel. de falsis.* Et in l. Polla 2. Cod. de his quibus

quibus ut indignis aufer. hered. expresse dicitur: *Transactionem de falso factam non esse temerè reuocandā.* Nec minus id ipsū probat, text. in *l. pen. C. de transactionibus.* in verbis: *Nisi forte etiam de eo, quod falsum dicitur, cōtrouersia orta decisa sōpiatur,* scilicet per transactionem. Porro rationem istius exceptionis à supra dicta Regula, hanc potissimū DD. tradunt, quod licet falsi, vel quasi falsi criminis certa & ordinaria præstituta olim fuerit pœna, de portationis nimirum & omnium bonorum publicationis, per expressum text. in *l. 1. §. fin. ff. ad l. Cornel. de falsis.* postmodum tamen arbitraria esse capit, ut patet ex *l. qui duobus. 21. & l. pen. ff. ad l. Cornel. de falsis, & l. maiorem. 4. C. eod.* & quidem ita, ut etiam ad pœnam capitis (si id magnitudo commissi exigat) extendi possit, per satis clarum text. in *l. ubi falsi 22. C. ad l. Cornel. de falsis.* ut potè in falsificatione monetæ, per *l. 1. §. fin. verò. C. de falsa moneta.* Quoniam verò in huiusmodi criminibus, quæ pœnā sanguinis adferunt, transactio ob metum imminentis ex lite periculi permittitur, ut supra dictum est; haud immeritò in hoc etiam casu, ubi similiter litigatores pœnam capitis reformidant, & sanguinem suum redimere videntur, denegari non debet, & ita

tenet glossa in *d. l. transigere.* in verbis *falsi accusationem* & communiter DD. De * aliis verò criminibus capitalibus, homicidii, raptus, lesæ Maiestatis, & similibus, impunè transigi posse, nemini dubium est, cum nulla lex aut ratio huiusmodi crimina à Regula excipiat. Iure * autem Saxonum transigentes de crimine famoso, pœna infamie notantur, per express. text. *lib. 1. artic. 37. ibi: Vel qui paciscuntur seu concordauerint, pro spolio, furto, vel ea reddunt, (alij textus addunt, & qui vitam cutim, aut crines redemerint) si in his coram iudicio cōuicti fuerint, notantur infamia, & iuris sunt alieni.* Quod item confirmat glossa eiusdem iuris, *lib. 3. artic. 17.* Vbi etiam consilium datur, quomodo extra periculū pœnæ infamiae, de huiusmodi criminibus transigere vel pacisci quispiam possit, ut potè si reus cum actore per aliam personā de crimine perpetrato cōponat: pro ut id in Regno super homicidiis, ob metum pœnarum in Constitutionibus expressarum, quotidie ferè practitari videmus.

OBSERVATIO XC.

Violentiam committens in rebus alicuius qua pœna afficiendus sit.

S V M M A R I A.

1. Raptores rerum alienarum mobilium quomodo puniantur.
2. Inuadens res alienas immobiles qua pœna afficiatur.
3. Iure Saxonum res alienas violenter occupans in quantum teneatur.
4. Violentia priuata quando fiat.
5. Violentia publica quando committatur.
6. Violentiam publicam inferens, quando pœnam capitis mereatur.
7. Deportationis vice hodie successit bannus, seu proscriptio.
8. Violentus possessor ad refusionem damnorum & expensarum tenetur.
9. Distinctio inter bona & male fidei possessore in restituendis fructibus.
10. Fructus iniure alij dicuntur naturales, alij industriales.

Bona immobilia violenter occupans, vel res mobiles rapiens in quantum teneatur, haud incongrue queri potest? Qua in re varię proditæ sunt in iure Ciuili actiones. Et primo quidem aduersus huiusmodi violentos raptores bonorum mobilium (qui & improbi fures in iure vocantur, prout est textus in *pr. Instit. de vi bonorum raptorum.*) competit remedium l. 2. C. vi bonor. rap. cuius hæc sunt verba: Si res mobiles quarum in te fuerat dominium perfecta donatione translatum, violen-

ter heres donatricis abripuit, vi bonorum raptorum actionem, intra annum quidem, quo experiundi potestas fuit, in quadruplum: post annum in simplum intendere non vetaris. Competit præterea actio criminalis ex lege Iulia de vi publica & priuata, secundum qualitatem criminis admissi intendenda, vt videre est in l. si quis. 7. C. ad l. Iul. de vi publ. & priuata. Contra illum verò, qui bona immobilia violenter inuadit, primum quidem ex interdicto vnde vi, de eo quod deiectus ille tunc ibi habuit, intra annum: post annum verò de eo, quod ad eum qui vi deiecit, peruenerit, iudicium datur, iuxta tenorē l. 1. in pr. ff. de vi & vi armat. Deinde etiam ex constitutione l. si quis in tantam. 7. C. vnde vi. aduersus huiusmodi violentum occupatorem procedi potest, cuius legis talis est dispositio. Si quis in tantam furoris peruenerit audaciam, vt possessionem rerum apud fiscum, vel apud homines quoslibet constitutarum, ante aduentum Iudicialis arbitrij violenter inuaserit: dominus quidem constitutus possessionem, quam abstulit, restituat possessori, & dominium eiusdem rei amittat: Si verò alienarum rerum possessionem inuasit: non solum eam possidentibus reddat, verum etiā estimationem earundem rerum restituere compellatur. Quod item in l. non ab re

abre est. 10. C. eod. tit. circa finem. repetitur his verbis: *Eos namq. iubemus pro tanta suæ iniquitatis impudentia, si cognitionis iudiciaria euentu fuerint condemnati, rei cuius possessione sponte restituere usque ad definitivam sententiam minime passi sunt, estimationem victrici parti una cum ipsa re præbere compelli.* At * iure Saxonum bona aliena siue mobilia, siue immobilia violententer rapientes & occupantes, non alia afficiuntur pœna, nisi vt restituant bona ablata, multam iudici soluant, & pœnam 30. videlicet solidorum ei, cui vim intulerunt, luant, per expressum text. in Spec. Sax. lib. 3. art. 47. ibi: *Quicumq. aliquid alij iniuriose abstulerit, reddere compellitur cum emenda. Sed si auferens ablatam rem habere non posse iurauerit, in eius estimationem (nisi forte eam suo iuramento minuerit) condemnetur.* Pro quo facit alius itidem textus eiusdem lib. artic. 43. ibi: *Quarum rerum se homo non iure intromittit, si eas iure dimittere compellatur, cum multa & emenda his renunciare eum oportebit.* Vbi glossa eiusdem iuris distinguendo 4 docet, aliam esse violentiam * priuatam, cum quis non expectata iudiciaria decisione, priuata auctoritate, absque vi tamen, bona aliena occupat: quo casu restitutionem rerum vi ablatarum cum

omni causa damni dati, procedere non negat, per iura supra allegata. Aliam * verò publicam, quæ fit manu forti & armata, id est armis, vel quocunque genere teli, quo quis alium inuadere possit. Eo * casu si huiusmodi violentiam inferens accusatus criminaliter fuerit, pœna capitis puniri debet: per text. lib. 2. artic. 70. ibi: *Qui verò violentiam committit, est (vt supra dictum est) iudicandus, scilicet tanquam violator pacis publicæ, vt notat gloss. eiusdem iuris lib. 3. art. 20. vers. fina.* Quamuis ex lege Iulia pœna deportationis tantum, (in cuius * locum hodie 7 successit bannus, seu proscriptio, teste glossa in §. relegati Instit. quib. mod. patria potest. soluit.) imposita sit, per text. in l. qui dolo. 10. in fine. ff. ad l. Iuliam de vi publica. Sin * verò 8 cōueniatur tantum ciuilitur, tunc huiuscemodi violentus occupator, non solum ad restitutionem bonorum, & refusionem emolumentorum omnium & censuum, quæ ex bonis vi ablati percipi potuissent, compelli debet, (prout in causa Gregorii Roth nobilis Annæ Klunovska plenipotētis: & Christophori Slovvikov vic Anno 1583. Sabbato ante festa Pentecostes, S. R. M. iudicauerat) sed etiam dāna, circa hanc violentam deiectionem facta, & expensas litis refarci-

re te-

9 re tenetur. Cæterum * quod restitutionem fructuum attinet, distinctio facienda est inter bonæ & malæ fidei possessorem. Nam bonæ fidei possessor, qui videlicet ré certo iuris titulo possidet, tenetur restituere rem cum fructibus industrialibus, ante inchoatam litē perceptis vel extantibus, post ceptū verò iudicium, etiam culpa neglectis vel consumptis. Malæ autem fidei possessor, qui & prædo dici solet, & nullam iustā causam possidendi habet, omnes indistinctè fructus, tam naturales quàm industriales, & non tantum eòs, quos percipit, sed etiam quos percipere debuit ac potuit, restituere debet, per expres. text. in l. certum. 22. C. de rei vindicat. & in §. si non à domino. Instit. de rer. diuisio. Ad extremum * obiter notandum est, quod fructus duplici modo in iure accipiantur, vt potè quidam sunt naturales, quos natura sua sponte, sine cultura & cura hominum producere solet, vt sunt arbores fructiferæ, item lac, lana, agni, vituli & id genus alia: quidam industriales, qui non sua sponte proueniunt, sed industria & cultura hominum opus habent, cuiusmodi sunt frumenta omnis generis, census, redditus, & similia. Ac proinde fructus naturales bonæ fidei possessor

præstare cogitur, siue extent adhuc & à solo sperati sint, siue iam consumpti sint: quia sine opera & cura ipsius à natura proueniunt, per express. text. in l. fructus. 45. ibi: quia non ex eius factō is fructus nascitur. ff. de usuris. & d. l. certum. C. de rei vindicat. Et pars fundi censentur. l. si pendentes. ff. de usufructu & l. fructus ff. de rei vendic. Quod tamē ita verum est, si ex iis fructibus cōsumptis bonæ fidei possessor locupletior factus sit, alioquin non tenetur ad restitutionem huiusmodi fructuum per textum in l. bonæ fidei. 48. ff. de acquir. rerum. dominio. Fructus verò industriales, si cōsumpti sunt, bonæ fidei possessor lucri facit, neq; ad restitutionem eorum cogi debet, nisi quando adhuc extant, & à solo separati non sunt, per iura supra allegata, d. l. certum, & d. l. bonæ fidei. Et hæc de fructibus hoc loco dicta sint, de damnis verò & litis expensis sequēti obseruatione videre licet.

OBSERVATIO XCI.

Damna & litis expensæ, quando & quomodo peti possint.

S V M M A R I A.

1. Expensæ litis cur victori debeantur.
2. Iustam causam litigandi iudex cognoscere debet.

3. *Damnum quid sit.*
4. *Impense triplices in iure reperiuntur.*
5. *Expensarum litis nomine quid prestari soleat.*
6. *Victor damna & litis expensas li-
quidare, ac iuramento comproba-
re debet.*
7. *Iudex modum iuriurando in li-
tem statuere potest.*
8. *Post iuramentum prestitum, an
iudex taxationem facere possit.*
9. *Iure Saxonum vincens absq; iura-
mento & Iudicis taxatione conse-
quitur estimationem rei, & damni
accepti.*

Victum* in expensarum cau-
sa victori esse condemnandū,
generalis traditur regula, in *l. prope-
randum. 13. §. siue autem. 6. C. de iudi-
ciis.* Quod ideo fit, ne temerè homi-
nes ad litigandum procederent, vt
inquit Imp. Iustinianus in *princ. In-
stit. de pœna temerè litigant.* Vnde
haud obscure colligi potest, quod
si quis iustam causam litigandi ha-
beat, etiam si sententia contra ip-
sum lata sit, non condemnatur in
expensis, per textum in *l. qui soli-
dum. 78. §. etiam. 2. ibi: Nec aliud ser-
uabitur in litis sumptibus, si ratio liti-
gandi non fuit. ff. de legat. 2.* Quod ita
demum procedit, nisi per stipula-
tionem essent promissæ, vel iure

actionis, aut ratione contumaciæ
deberentur: vt in *d. §. siue autem. 6. C. de iudiciis. DD. tradunt.* Quando*
autem iusta causa litigandi esse di-
catur, non potest certa dari regu-
la, sed arbitrio iudicis relinquen-
dum est, qui ex circumstantiis rei
& facti, ac conditione personarum
id cognoscere debet. Quoniam ve-
rò *improbis litigator,* (vt inquit
Imp. Iustinianus in *§. hac autem. In-
stit. de pœna temerè litigant.*) qui
nullam iustam causam litigandi ha-
buit, sed tantum fatigandi aduer-
sarii causa litem mouit, *damnum
& impensas litis inferre aduersario suo
cogitur,* idcirco quid hic damni &
expensarum nomine veniat, scire
oportet. *Damnum** ab ademptio-
ne, & quasi diminutione patrimo-
nii dictum esse vult Ictus Paulus
in *l. 3. ff. de damno infecto.* Vnde cō-
sequens est, illud propriè *damnum*
dici, per quod bona facultatesq;
nostræ diminuuntur: verumtamē
in eo casu etiam illud *damnum* di-
ci potest, quod ex cessante lucro
emergit. Æquum enim est, vt eius
quoq; ratio habeatur, quod quis
lucrifacere potuisset, nisi lite huius-
cemodi impeditus esset: quamuis
aliàs de lucro cessante, diuersæ sūt
DD. opiniones, vt videre est apud
Cuiacium in *tract. ad Affic. in l. si fun-
dus. 33. ff. locati.* In Curia quoq; in
causa

causa Mollerī contra Chyrurgos Gedanenſes Sabbatho ante Dominicam Exaudi Anno D. 1597. lucri ceſſantis rationem non eſſe habendam pronunciatum fuit. Expenſæ* verò ſiue impenſæ, quamuis ſub triplici reperiantur differētia, vt potē neceſſariæ vtilēs & voluptuariæ. *l. impenſæ. 79. ff. de verborum ſignificat.* attamen* litis expenſæ illæ tantum præſtantur, quæ circa litem neceſſariò factæ ſunt, vt potē honoraria aduocatorum, ſportulæ Iudicum, ſalaria notariorum pro conficiendis inſtrumentis, & redimendis proceſſibus, ad cauſam immediatè pertinentibus, per text. in *l. ſancimus. C. de iudic. & in l. 1. §. in honorariis. ff. de variis & extrao. cog.* Item quæ fiunt in viatico, maximè verò quæ fiunt in eſculentis, poculētisq; dum quis litis cauſa peregre proficiſci cogitur, per. text. in *l. cum quem. 79.* in verbis: *Eum quem temerè aduerſarium ſuum in iudicium vocaſſe conſtitit, viatica litisq; ſumptus aduerſario ſuo reddere oportebit. ff. de iudiciis.* Et in Curia, in cauſa honeſtæ Reginæ Leſicina Ciuis Lublinenſis contra Magiſtratum Ciuitatis eiſdem anno Domini 1580. feria ſexta poſt feſtum Purificationis B. Mariæ virginis pronunciatum eſt. Ac* proinde quando in huiusmodi litis ex-

penſis victus victori condemnat, tunc iuramentum prius ab eo præſtari debet, per text. in *c. in primis. 7. verſ. glorioſus. 2. qu. 1.* in verbis: *Glorioſus autem Comitioſus quicquid prædictus Episcopos per violentiam, atq; in ſecutionem ipſius expendiſſe vel damnum pertuliſſe dato ſacramento firmauerit, eidem Episcopos reſtituere compellatur.* Hinc liquidò conſtat, quod damna & expenſæ à parte liquidari, & iuramento corporali confirmati debeant, prout etiam in Curia Regali, in cauſa cuiusdam Iudæi Maier dicti, cum Ioāne Zeidlicz, à D. olim Stephano Rege, anno D. 1580. Vilnæ decretum fuit: quæ praxis in hunc vſq; diem paſſim obtinet. Ne* tamen actor hoc prætextu in immenſum iuret, poteſt Iudex modum ſtatuerē iuriurando, vt intrā certam quantitatem iuret, per expreſſ. text. in *l. videamus. 4. §. iurare 2. ff. de in lit. iurand.* in verbis: *Iurare autem in infinitum licet.* Sed an Iudex modum iuriurando ſtatuerē poſſit, vt intrā certam quantitatem iuret, ne arrepta occasione in immenſum iuret, quæro? Et quidem in arbitrio eſſe Iudicis, deferre iusiurandum, nec ne, conſtat. An igitur qui poſſit iusiurandum non deferre, idem poſſit & taxationem iuriurando adiicere, quæritur? Arbitrio tamen bonæ fidei Iudicis etiam

8

*hoc congruit. Et in l. in actionibus. §. 1. ff. eodem. in verbis: Sed Iudex potest præfinire certam summam usq; ad quam iuretur: licuit enim & à primo nec deferre. Immo * quod magis est, & post præstitum iuramentum licebat olim Iudici vel absolvere, vel minoris condemnare, ut videre est in d. l. in actionibus. §. 2. ibi: Item & si iuratum fuerit, licet Iudici vel absolvere, vel minoris condemnare. Et in l. sancimus. 15. ibi: Æstimatione Iudicis quantitate eorum definienda, postquam iuratum ab eo fuerit, qui fecit expensas. C. de Iudic: Idque ex ea potissimum ratione quia illud iuramentum est affectionis, quam iudex ex æquo & bono temperare potest. Neque verò de periurio talis accusari potest, siquidē ex necessitate iuris in litem iuravit. per l. ult. ff. de in lit. iurando. Hoc tamen ita intelligi debet, ut non promiscuè, sed tantum ex magna causa, & non nisi repertis novis probationibus, ab hoc iuramento necessario semel præstito, recedi possit. pro ut in d. l. videamus §. pen. expref. his verbis tradit: Item videndum, an possit Iudex, qui detulit iusiurandum, non sequi id sed vel prorsus absolvere, vel etiam minoris condemnare, quàm iuratum est. Et magis est, ut ex magna causa, & postea repertis probationibus possit. Quod postmodū*

*iure nouo correctum est, ita ut iā post præstitum iusiurandum, iudicis taxatio locum nullo modo habeat, per clarum text. in auth. post iusiurandum. C. de iudi. quæ sic se habet: Post iusiurandum delatum & prælitum, non licet Iudici amplius taxare: Sed & si hodie prius Iudex taxauerit, & * ita secundum quantitatem à Iudice taxatam iuratum fuerit, non habeat licentiam Iudex minus quam iuratum fuerit cōdemnare. Sed si viderit Iudex neutrum litigatorum subdi debere rationi sumptuum propter negotij varietatem, sua sententia hoc declaret. Et in Nouell. Conflit. 82. §. oportet. in verbis: Maneat ergo etiam nunc in eodem schemate custoditum, illo solo adiecto, si iusiurandum intulerit de expensis iudex victori, scilicet cū quantitate, quæ ei visa erit, rectè se habere (quam taxationem vocant leges) deinde ille iurauerit, non habere licentiam Iudicē minus quàm iuratum est, condemnare, neq; videri clementiorem lege, quæ hæc disponit. Ex quibus haud obscure colligi potest, quod damna & expensæ, non modo per partem liquidari & cōprobari soleant, verū etiā per Iudicē taxari & moderari possint: Quod praxis etiam Curix sequi maluit, prout id ex decisione inter Nicolai Koczur de Chęciny & Matthiam Pav vętha anno 1585. Sabbato ante*

9

to ante Pentecosten facta, videre licet. Obiter autem notandum est, quod litis tantum expensæ tunc victori debeantur, quando reus minus iustam causam litigandi habens in causa victus est *d. l. sancimus. C. de iudicijs.* at quando reus ob contumaciam causa cadit, eo casu non solum litis expensas, sed etiam damna, vna cum æstimatione rei consequi potest, teste glossa in *l. 1. in verbo: tenebitur. ff. de alienat. iudic. mu. ca. facta.* Porro iure Saxonum etiam sine iuramento & iudicis taxatione, reus in æstimationem rei condemnari debet, nisi fortè idem reus mediante iuramento suo, minuat seu moderetur huiusmodi æstimatione, per express. text. in *Sp. Sax. lib. 3. artic. 47. ibi: Sed si auferens ablatam rem habere non posse iurauerit, in eius æstimationem (nisi fortè eam suo iuramento minuerit) condemnatur.* Quod tamen ita intelligitur, nisi res amissæ, de quibus agitur, habeant expressam iure Saxonum æstimationem: nam tunc omninò ei dari debet, vt dicit notabiliter glossa in *d. artic. 47.*

supra verbo. Nach den wirt-
den. 10. Quæ autè res à iure
æstimatæ sint, habes in
textu *lib. 3. artic. 51.*
& similibus.

OBSERVATIO XCII.

Appellatio ob damna & litis expensas, in sententia definitiua omittas, victori an de iure sit permittas.

S V M M A R I A.

1. Appellatio regulariter cuilibet, & à quacunque causa permittas est.
2. In causa expensarum litis quando victori appellare non liceat.
3. Iudex iniuria afficitur, quando utraq. pars ab eo appellat.
4. Expensa litis circa prolationem sententia peti debent.
5. Expensa litis à Iudice decerni possunt, etiam si petita non sint.
6. Iudex expensas litis compensare potest.
7. Appellatio à remissione quomodo differat.
8. Appellationes quæ in Curia à DD. Assessoribus interponuntur, non habent vim puræ prouocationis.
9. Iudicium DD. Assessorum ob non admissam appellationem nemini adcitare licet.

ET si verò * regulariter appellatio ab inferiori ad superiorem Iudicem, cuius in quacunque causa, & à quacunque sententia definitiua, vel vim definitiua habente, de iure sit permittas; quippè cum per

- per appellationem iniquitas iudicantium, vel imperitia corrigatur, teste Vlpian. in l. 1. in pr. ff. de appellationibus. attamen* in eo casu, quando vtraque pars, reus scilicet & actor, secundum quem iudicatum est, ob id, quod Iudex in sua sententia nullam aut minorem fecerit mentionem sumptuum litis vel detrimentorum, ad superiorem Iudicem prouocat, audiendus non esse videtur, per clarum text. in l. omnē honorem. 10. his verbis: *Omnem honorem saluum iudicibus reseruantes, si quando una pars quasi lesa per definitiuam eorum sententiam, prouocatione vsa fuerit, interdicimus alteri parti, que vicit, pro hoc tantummodo, quod nihil capere pro sumptibus litis vel detrimentis, vel minus, quam oportuerat, iussa est, prouocationem offerre. C. quando prouocare non est necesse.* Iudicum itaq; honori id tribuitur ne is, qui sententiam in principali latam approbat, ab ea appellare possit, hoc solo prætextu, quod nulli, aut minores sumptus litis sententia iudicis fuerint illi adiudicati.
- 3 Haud enim* minima affici videtur iniuria iudex, si vtraque pars, tam reus, quam actor, ab eo appellet. Quod si verò reus condemnatus, ab ea sententia non prouocauerit, æquissimum est, vt ob sumptus à Iudice omisso, is qui vicit causam

appellare possit. Nullū enim aliud illi remedium superest, quam vt appellationem interponat, per expressum text. in l. terminato. 3. his verbis: *Terminato transactōq; negotio, posthac nulli actio, neque ex rescripto super sumptuum petitione praeestetur, nisi iudex, qui de principali negotio sententiam promulgarit, cominus partibus constitutis iuridica pronuntiatione significauerit, victori causae restitui debere expensas, aut super his querelam iure competere.* Post absolutum enim dimissumq; iudicium, nefas est litem alteram consurgere ex litis primæ materia. C. de fructibus & litium expensis. Ex quibus* manifestè colligi potest, quod litis expensæ circa prolationem sententiæ peti debeant, quo casu si iudex id prætermiserit, de proprio huiusmodi poenæ subiacebit, & reddere eas parti læsæ cogitur, per textum in l. properandum. 13. §. siue autē alterutra. C. de iudicijs. alioquin si non fuerint petitiæ, iudex hac poena non adstringitur: attamen* si vult ex officio suo, potest reum condemnare in expensis, per express. text. in d. l. omnem honorem. ibi: *Iudicibus scilicet, siue florentissimis proceribus sacri nostri palatii: siue his, quibus pro minore litium æstimatione consultationes delegantur (si perspexerint adiuuandum esse victorem sumptuum perceptione)*

ptione) etiam sine prouocatione eius hoc statuentibus, & iustam eorundem sumptuum quantitatem definiētib.

C. quan. prouoc. non est neces. Atque vtinam id in Curia quoque Regni sæpe fieret, quo improbi litigatores, & à Iudicio DD. Assessorum ad Regiam Maiestatem protrahēdæ litis, & aduersarii fatigandi causa temerè prouocantes, metu huiusmodi & similium (quæ in arbitrio iudicis consistunt, per textum in *Leos. C. de appellat.*) pœnarum, facilius coerceri possint. Equidem lites non essent tam crebræ & planè immortales, simulq; miselli homines, qui aulam sectantes vix è medicata stipe vitam ducere possunt aula relicta, agriculturæ operique domestico vacarent impensius.

6 Ac insuper * huiusmodi expensæ litis à iudice possunt compensari, ita tamen, vt in sententia causa cōpensandi exprimat, per text. in *Nou. 82. §. oportet.* in verbis: *Oportet autem expensarum rationem iudices omnino examinare.* Causa verò cōpensandi ea potissimum videri potest, quando vtraque pars causam litigandi se habuisse comprobauit. Nec interest quod expensæ vtriusq; partis raro cōæquari possint, vt potè quod plerumque vna pars plura sentiat incommoda, & sumptus faciat maiores, quam altera:

Id enim ob iustā litigandi causam, quā pars vtraq; se habuisse agnoscit, in iure non attenditur: prout etiam in praxi Curia quotidie fieri videmus, cuius rei exempla recensere superuacaneum foret. Ad extremum * notanda est hoc loco

7 differentia inter appellationem & remissionem. Quamuis enim hæc duo in iure, per text. *l. cum à nobis. s. C. de dilationib.* coniungantur, & vtrumq; in eo conueniat, quod causa ab inferioribus & minoribus iudicibus, ad maiores & superiores, à quibus dati sunt, refratur, toto titulo *ff. quis & à quo appellatur.* attamen in eo maximè differunt, quod appellatio iudice, & plerumq; parte inuitis fiat: remissio verò vltro à iudice & partibus ipsis interdū consentientibus perficiatur, quæ etiam consultatio appellari potest. *l. in offerendis. 37. & l. vlt. C. de appellationibus.* Et ideo *

8 in Curia Regni omnes causæ, quæ à iudicio DD. Assessorum ad Regiam Maiestatem deuoluuntur, non puræ prouocationis, & increpationis sententiæ, sed remissionis potius vim obtinent; ita * vt per antiquissimam Curia praxim, de non admissis appellationibus à iudicio DD. Assessorum per ad citationes contendere liceat nemini. Alioquin qui temerè huiusmodi

citatio-

citationes impetrare præsumpserint, sessione turris, vel alia pœna arbitraria affici debent: prout cōtra Zabokrzecki anno 1591. pronunciatum, seuereq; prohibitum est, vt in posterum, neque ille ipse, neque quisquam alius ad ea consilia descendere præsumat.

OBSERVATIO XCIII.

Appellatio intra quod tempus insinuari debeat.

S V M M A R I A.

1. Appellatio quando insinuari olim poterat.
2. Hodie ad insinuandam appellationem decendium competit.
3. Decendium in appellatione currit à tempore scientiæ.
4. Extraordinaria appellatio qua dicitur.
5. Metus in iure quomodo accipiendus sit.
6. Appellatio iure Saxonum viua voce statim, & in continēti fieri debet.
7. Appellatio intra quod tempus prosequenda sit.

Tempus insinuandæ appellationis à definitiua sententia iure Ciuili erat olim biduum, * in causa propria: aut triduum, in aliena, per l. 1. §. biduum. 8. ff. quando appell. sit. Et

clariùs in l. eos. o. §. ult. C. de app. in verbis: *Sin autē in iudicio propriam quis causam fuerit persecutus, atque superatus voluerit prouocare, eodem die vel altero libellos appellatorios offerre debebit. Is verò qui negotium tuctur alienum, supradicta conditione etiam tertia die prouocabit. Quod* ² tempus postmodum ab Imperatore Iustiniano summa iuris æquitate ad decendium vsque productum est, vt patet ex Nouell. 23. c. 1. quæ sic se habet: *Et sancimus omnes appellationes siue per se, siue per procuratores, seu per defensores, vel curatores vel tutores ventilentur, posse intra decem dierum spatium à recitatione sententiæ numerandum, iudiciis ab ijs, quorum interest, offerri; siue magni siue minores sint, vt liceat nimirum intra id spatium plenissimè deliberare: siue appellandum ei sit, siue quiescendum: ne timore instante opus appellatorium frequentetur: sed sit omnibus inspectionis copia, quæ indiscussos hominum calores potest refrenare. Quod* ³ decendium (iuxta communem DD. iuris opinionem) currit statim à tempore latæ sententiæ, adeoq; de momento in momētum, ita vt etiam dies feriatī includantur, & hora, qua sententia lata fuit, assignetur, vt præclare notat Speculator tit. de appellatio. §. restat. n. 3. Ita tamen, vt ex tempore scientiæ, quo

quo nimirum sententia in præiudicium partis appellantis lata esset, decendum illud connumeretur, per clarum text. in *c. decertationi*. in verbis: *postquam sciuerit. ext. de appellationib. in sexto*. Idq; DD. iuris etiā ad extraordinariam appellationem extendere solent, cum * videlicet iudicis, à quo appellatio interponi debebat, eo tempore copia haberi nō potest: vt potē quia absens est vel propter metū, aut aliquem suspicionē coram eo appellari non potest; tum eo casu, si intra tēpus à iure definitum, coram alio Iudice, notario, testibus aliisq; personis honestis id declaret ac protestetur, quod à grauamine per iudicē ordinarium sibi illato appellare voluerit, appellatio de iure subsistere potest, pro quo expressus est textus in *c. fin. ext. de appellat.* cuius hęc sunt verba: *Si iustus metus quo minus appellaueris te excusat, ad appellationis reputaris beneficium cōuolasse, dummodò intra tempus, quo licitè prouocatur, coram iudice à quo appellasse volueris: vel si habere copiam ipsius nequiuiisti, in præsentia bonorum virorū protestatione super hoc proposita causas appellationis duxeris exprimendas.* Cui ad stipulatur quoque textus in *l. 2. C. de his qui per metum. iudic. non appell.* in his potissimum verbis: *Qui verò vim susti.*

nuerūt, contestatione publicè proposita, intra dies videlicet legitimos, quibus appellare licet, causam appellationis euidenti adfirmatione distinguāt: vt hoc factō tanquam interposita appellatione, iisdem aequitatis adminicula tribuantur. Metus * autem talis hic intelligi debet, qui non vani sit hominis, sed qui meritò & in hominē constantissimū cadat, & qui sit maioris malitatis, vt inquit Icti Vlpian. in *l. 5. & Gaius in l. 6. ff. quod met. caus. gest. erit*. Huiusmodi itaq; extraordinariæ appellationes etiā in Regno locum habent, quod & in Curia, in causa inter Iacobum Trunck, & Zachariam Hartman ciues Gedanen: Anno 1591. comprobatum fuit. Porro * iure Saxo-
6
num aliter se res habet: nam hoc iure appellationes viua voce statim & in continenti (seu vt vulgò dicunt, stāte adhuc pede) post latam sententiam fieri debent, per text. in *Sp. Sax. lib. 2. artic. 6. ibi: Et à sententia quam audiuerit, nō appellauerit, postmodum ei contradicendi & appellandi facultas denegetur, vbi in vulgari textu ponitur verb: zu hand/* quod significat statim & in continenti. Rationem verò diuersitatis glossa dicti *art. 6.* hanc potissimum adfert, quod iure Saxon. partes interrogentur, num acquiescant latæ sententiæ, an non? Cui si

semel consenserint, postmodum eandem in dubium vocare nulla ratione queant. *Nemo enim (iuxta vulgatam regulam iuris, in l. nemo. 71. ff. de reg. iuris.) potest mutare consilium suum in alterius iniuriam.* Quod ita quidā accipiendum esse volūt, vt quamuis appellatio viua voce in continenti post latam sententiam fieri debeat; insinuatio tamē illius intra decem dies fieri possit, prout etiam in Curia in causa Schopmanni ciuis Rigen: contra Magistratum ciuitatis eiusdem anno 1596. Sabbato post festum S. Ioannis Baptistæ iudicatū fuisse memini. Tempus * verò prosequendæ appellationis iure ciuili est annus, & ex causa biennium, vt in *auth. ei qui. C. de temp. & repar. appell. & latius in Nou. 49.* Iure autem Saxonum sex septimanarum, vt est text. lib. 2. artic. 12. in verbis: *Et infra sex septimanarum tempus confirmatam ab imperio sententiam re- portet, & gloss. ibidem rationem diuersitatis tradit, quod videlicet Iure ciuili appellantes Curiam sequi oporteat.* Saxones verò appellationem non prosequantur, nisi cum Rex cum Curia sua in Saxoniam aduenerit: quo Priuilegio in Regno Cracouienles etiam vti palam est. Hinc colligitur, quod appellans, si infra fatalia appellationis expedi-

ditionem consequi nequeat, ideo non succumbat in causa. *Quis enim (vt ibidem glossa tradit) cogere potest Imperatorem, vt ipse ius dicat cum quis voluerit, sed expectare oportet, quoad voluntas ipsius intecefferit.* Hodie quo ad tempus prosequendæ appellationis ius ciuile in praxi obseruatur: prout in Curia inter Strzegulski, & Tesniadi ciuem Lublinen: Varssouiæ Anno 1596. Sabbato ante festum S. Margarethæ decisum fuisse liquet.

OBSERVAT: XCIII.

An ea, quæ coram Iudice à quo non sunt allegata aut probata, corā Iudice appellationis de nouo allegare aut probare liceat.

S V M M A R I A.

1. *Apud Iudicem appellationis an liceat non allegata allegare, & non probata probare.*
2. *Iure Culmensi idem obtinet quod iure Ciuili.*
3. *In termino prosequenda appellationis, licet articulos novos proponere, sed prioribus non contrarios.*
4. *In causa appellationis, nouæ probationes fieri non possunt.*
5. *Exceptiones in causa appellationis quales proponere liceat.*

Con-

Congruit superiori etiam hæc
 1 quæstio: An ea * quæ coram
 iudice a quo, non sunt allegata aut
 probata, coram iudice appellatio-
 nis de nouo allegare aut probare
 liceat? Quain re Imperator Iusti-
 nianus diuina sanctione ita decer-
 nit: *Vt licentia quidē pateat in exer-*
cendis consultationibus, tam appel-
latori, quā aduersæ parti, nouis etiā
adsertionibus utendi vel exceptioni-
bis, quæ non ad nouum capitulum,
pertinent, sed ex illis oriuntur & illis
coniunctæ sunt, quæ apud anteriorem
Iudicem noscuntur propositæ. Sed etsi
qua dicta quidem allegatio mō strabi-
tur, vel instrumentum aliquod prolata-
tum, probationes tamen illo quidem
desuerint tempore, verum apud sacros
cognitores, sine procrastinatione præ-
beri poterunt: id quoq; eos admittere,
quo exercitatis iam negotiis pleniore
subueniatur veritatis lumine. l. 4. C.
de tempor. & reparat. appellat. Cui
 concordat text. in leos. 6. §. si quid.
 his verbis: *Si quid autem in agendo*
negotio minus se allegasse litigator
crediderit, quod in iudicio actō fuerit
omissum: apud eum qui de appella-
tione cognoscit, persequatur. Vbi se-
 quitur statim, dignum sanē Impe-
 ratoria Maiestate elogium. Cum
 (inquiunt Imp. Dioclet. & Ma-
 xim) *votum gerentibus nobis aliud*
nihil in Iudiciis, quā iustitiam locū

habere debere, necessaria res fortē
transmissa, non excludenda videatur.
 C. de appellat. Quod iure * Culmen- 2
 si quoque obtinet. Et Curia in cau-
 sis eiusdem iuris id sequi non dedi-
 gnatur, prout in causa Ioannis
 Thedaldi Plenipotentis Casparis
 Stumph ciuis Norimbergen: con-
 tra Melchiorem Walbach. Consu-
 lē ciuitatis Varssouien: anno 1588.
 Similiter in causa Arculariorum
 Varssouien. contra Zakrocimen:
 Anno 96. die 18. Octob. & aliis quā-
 plurimis, iudicatum fuit: quam-
 uis in aliis causis iuris Maydebur-
 gensis secus fiat, verumtamen su-
 pradicta * non simpliciter, sed suo 3
 quodā modo vera esse sciendum
 est: ita nimirum, vt in termino pro-
 sequendæ appellationis liceat qui-
 dem articulos nouos proponere,
 non tamen prioribus directē con-
 trarios, sed dependentes a priori-
 bus, & facientes ad causam. Exem-
 pli gratia: si in prima instantia pe-
 tii bouem, postea in causa appella-
 tionis peto equum, & induco no-
 uas probationes ratione equi, id
 non procedit: sed si peto rem me-
 am iure dominiū, non tamē ad spe-
 cialem causam me adstringo, po-
 stea in processu causam emptio-
 nis sum persecutus, & succubui;
 possum nihilominus in appellatio-
 ne persequi causam donationis,
 vel

vel aliam, ex qua dominium potest acquiri: quia ista noua causa potest includi sub primo libello generaliter de dominio loquente: quod etiam haud obscurè innuere videtur supra citata *l. per hanc C. de tempor. & rep. appellatio*. Por-

- 4 rō nouæ * probationes, quæ fiunt per testes etiam super iisdem articulis, vel directo contrariis, in causa appellationis fieri non possunt, per clarum text. in *clem. fin. de testibus*. his verbis: *Testibus ritè receptis, & eorum attestationibus publicatis, sicut non licet super eisdem, vel directo contrariis articulis alios vel eosdē testes in principali causa producere; sic non debet in appellationis causa licere. Cum non minus in appellationibus, quàm in principali causa subornatio sit timenda*. Exceptiones * vero tantum illæ, quæ post litem cōtestatam opponi possunt, rectè in causa appellationis proponuntur, non etiam hæ, quas antè litis contestationem proponi necesse est, per textum in *l. ita. 13. de iur. iur.* his verbis: *Ita de muni super lite prosequenda, quā tibi mater mandauit, actionem intentare potes, si cum primū litem contestarieris, non est tibi eo nomine opposita præscriptio militiæ, quod nec cum appellatio agitur, tibi obiici potest. & c. C. de procurat.*

OBSERVATIO. XCV.

Appellatio ad superiorem intermisso medio iudice, an sit permissa.

S V M M A R I A.

1. Appellari ad superiorem intermedio Iudice omisso, cur non liceat.
2. Magdeburgum est sedes Municipalis iuris Maydeburgensium.
3. In Polonia ex Maydeburgo ius petere quando cessatum sit.
4. De appellatione ad intermedium iudicem iuris dispositiones.
5. In appellationibus consuetudo loci attendenda est.
6. Consuetudo ciuitatis Cracouiensis in appellationibus interponendis.
7. Casus quibus ad intermedium iudicem appellatio omitti possit.
8. Iure Canonico intermisso medio Iudice appellari potest ad Curiam Romanam.

Q VOD * appellari non possit ad superiorem iudicem intermisso medio, originem ex iure municipali Maydeburgensi traxisse videtur. Nam * cum in ea ciuitate Otto Imperator primam sedem iuris Municipalis collocasset, voluit vt omnes de Polonia, Bohemia, ab Hallensibus primum (quæ fuit ciuitas secunda post Maydeburgū & in

& in iure illius fundata / sententiā
 in iure peterent: vel si hæc non pla-
 cuerit, ex Magdeburgo eam ap-
 portare possent, prout gloss. in cō-
 firmatione Priuilegii iuris Munici-
 palis ab Imper. Ottone cognomen-
 to Ruffo, anno D. 975. feria secun-
 da ante Pentecosten facta, tradit:
 idq; per express. textū iuris Muni-
 cip. artic. 10. in verbis: *Ea propter om-
 nes de Polonia, Bohemia, de Marchia,
 Misnenses & Lusaceni ius suum in
 appellando ex Halla reportare debent.
 Si verò Hallenses in sententia deficiāt,
 vel inuenire ignorauerint, eandemq;
 querere ex Magdeburgo debent, &
 reportare coguntur.* Quod multis *
 postmodum temporibus in Regno
 seruatum fuisse, certū est. Verūm
 cū litium creuisset numerus, ni-
 mis durum & difficile id visum est
 hominibus, à ciuitate, quæ tot lo-
 corum interuallis distat, de rele-
 uissimi etiam momenti, sententiam
 iuris expectare. Quapropter ad in-
 star istius iuris consuetudo inua-
 luit, vt ex oppidis ad sex Regni ci-
 uitates, in quibus ius supremum,
 quod etiam Magdeburgense vo-
 cant, fundatū est, appellationes de-
 uoluantur, illudq; pro intermedio
 iudicio obseruari soleat. Porro *
 4 de hac instatia appellationis ad in-
 termedium iudicem, est dispositio
 non solū iuris Imperialis, prout ex

tex. in l. Imperatores. 21. in verbis: *Im-
 peratores Antoninus & Verus rescri-
 pserunt, appellationes, quæ rectè ad
 Principem facta sunt, omissis his, ad
 quos debuerunt fieri, ex imo ordine
 ad Præsides remitti. ff. de appellationib.
 & relat. videre licet; sed etiam iuris
 Prouincialis Saxonici Sp. Sax. lib. 2.
 art. 12. ibi: Appellat quis contra sentē-
 tiam, ad digniorem iudicem tenetur
 appellare, & ultimo ad Regē.* Quod &
 in Curia obseruatum fuisse, praxis
 continua docet. Et in causa Iacobi
 Blaszkov vicz ciuis Varssouiensis
 & Cons. ciuitatis eiusdem: Item in
 causa Sulikovvski cū Cvviklicz
 Anno 91. iudicatum est. Nequa-
 quam enim iurisdictiones confun-
 di debent, per l. nemo. C. de iurisdic.
 omnium iudic. Nisi * tamen consue-
 tudo loci in contrarium sit: magna
 etenim in huiusmodi solēnitati-
 bus vsus & consuetudinis solet
 esse authoritas, per text. in c. Ro-
 mana. Ecclesia. 8. in verbis: *Nisi aliud
 Remensi Ecclesie de consuetudine cō-
 petat in hac parte de appellat. in sexto.*
 Cuiusmodi * consuetudo etiam in 6
 Regno apud Cracouiē. locum
 habet, apud quos à sententia Con-
 sulū intermisso medio Iudice, di-
 recte ad Regem appellatur, præ-
 terquam quod à Iudicio Scabinali
 ad ius supremum, de quo suprà di-
 ctum est, inde autem post Curiam

S. R. Mtis. prouocationes fiant.

- 7 Velfi * talis casus intercedat, in quo ad intermedium Iudicem appellari non possit, puta si Iudex suspectus, aut diu absens sit, vt notat Bart. in l. 1. §. si quis. ff. de appell.

- 8 Sed * hæc iure Canonico aliter se habent, vbi omissio Iudice intermedio, sēper potest appellari ad Romanam Ecclesiam, per textum in C. ad Romanam. 2. qu. 6. in verbis: *Ad Romanam Ecclesiam omnes Episcopi, qui voluerint, vel à quibus necesse fuerit, quasi ad caput suffugere, eamq; appellare debent. &c.* Cui omnino ad stipulatur aliud c. d. 2. causa. qu. 6. quod sic incipit: *Ad Romanam Ecclesiam ab omnibus, maximè tamen ab oppressis appellandum est, & concurrendū quasi ad matrem, vt eius vberibus nutriantur, auctoritate defendantur, & à suis oppressionibus releuentur: quia non potest nec debet mater obliuisci filium suum.*

OBSERVATIO XCVI.

Appellationi vtrum renunciare liceat.

S V M M A R I A.

1. Vnicuiq; licet his, quæ pro se introducta sunt, renunciare.
2. Appellationi non nisi partibus consentientibus renunciare licet.

3. Renunciatio appellationis fit aut expresse aut tacite.

4. Appellationi intrā quod tempus renunciare liceat.

5. Moribus Francorum appellationi licet renunciare, donec sit decisa: quod & in Regno obtinet.

IN eadem materia etiā hæc quæstio sese offert: Vtrum videlicet beneficio appellationis renunciare liceat; Et quamuis iuxta vulgatam Regulam iuris, vnicuiq; * I
liceat his, quæ pro se introducta sunt, renunciare, per l. pen. C. de pactis. Quod & in hac quæstione per clarum tex. in l. si quis libellos. 28. C. de appellatio. dicendum videtur, cuius ista sunt verba: *Si quis libellos appellatorios ingesserit, sciat se habere licentiam arbitrium commutandi, & suos libellos recuperandi, ne iusta pœnitudo humanitas amputetur.* Re vera * tamen non nisi partibus cō- 2
sentientibus talem renunciationē subsistere posse, testatur textus l. fin. in fine. ibi *Sin autem partes inter se scriptura interueniente, paciscēdum esse crediderint, nemini parti licere ad prouocationis auxilium peruenire, vel ullū fatale obseruare: eorum pactiōem firmam esse censemus.* Legum etenim austeritatem in hoc casu volumus mitigari. C. de appellat. Vnde liquido constat, quod talis
renun-

renūtiatio non nisi pacto inter partes inito, fieri possit, prout etiam textus iuris Saxon. *lib. 2. artic. 12.* his verbis innuere videtur: *Et etiā, qui sententiam adinuenerit, ab earecedere non licebit, nisi ab isto, in cuius profectum pronunciatum est, consentiatur.* Atqui hoc ita accipiendum est, si videlicet expresse fiat renūciatio. Potest * enim illa fieri expresse vel tacite. Expresse fit per verba expressa specifica, declarantia ipsam renunciationem appellationis: neque tamen inducitur eo ipso, si quis dicat se stare sententię iudicis, vt notat Robertus Maranth. in *Specul. aureo. pag. 523. num. 341.* Tacita verò renuntiatio potest pluribus induci modis, vt potest per desertionem appellationis, vel quando appellans post factam appellationem causam tractat coram iudice à quo appellauit: hoc etenim facto videtur appellationi suę renunciare, quod exprimitur in *c. sollicitudinē. 54.* illis verbis: *Cum ille appellationis prosecutioni renunciasse tacite videatur. extra. de appellat.* Quod etiam confirmatur Decreto Curię inter Zerebov vicz & Szeper Armenos Anno 97. die vlt. Aprilis lato. His ita stantibus, quod appellationi expresse vel tacite renunciari possit, quodq; etiā Curię praxis tenet, prout & in causa Ioā-

nis Sulikov vski & Samuelis Czvviklicz Anno 91. decisū fuisse liquet; de eo tamē dubia est apud Interpp. iuris quęstio. Intra* quod videlicet tempus appellationi renunciare liceat? Et in iure quidem ciuili nulla eius rei fit mentio: Iure autē Canonico permittitur renunciare appellationi, donec superiori sit oblata, per *c. quamuis. 10. ext. de electione. in 6.* his verbis: *Ceterum in premissis omnibus casibus, liceat partibus ab huiusmodi appellationibus (nulla tamē interueniente prauitate) recedere, antequam præfata sedi fuerint præsentata.* Moribus* verò Frācorum (quod & in Regno obseruatur) donec sit decisā appellationis licet renunciare, teste Imbert. *lib. 2.* Olim verò apud Rom. intra triduū à libellis appellatoriis (quorum fit mentio in *d. l. si quis libellos.*) ingestis, hoc tantum permittebatur, quod ex Cod. Theodosiano cognoscere licet.

OBSERVAT: XCVII.

Vtrum in causa criminali appellatio permitti debeat.

S V M M A R I A.

1. Appellatio in causa criminali ex iure Ciuili est permissa.
2. Criminis manifesti conuictis appellare non licet.

3. Accu-

3. *Accusatus criminaliter iniure Saxonum appellare non potest.*

4. *Praxis Curiae ius Saxonum sequitur.*

5. *Lipsenses Scabini à sententia definitiua appellationem in causis criminalibus locum habere tradunt.*

AD extremum non inutiliter quæri potest: An appellatio in causa criminali de iure sit permiffa? Et iure * quidem Ciuili ex rescripto DD. Impp. Arcadii & Honorii appellationem ad supplicium damnatis, summa humanitatis ratione esse concessam, manifestò liquet. Cuius rescripti verba in l. addictos. 29. C. de appellat. sic se habent: *Addictos supplicio, & pro criminum immanitate damnatos, nulli per vim atq; usurpationem vindicare liceat ac tenere: quibus in causa criminali humanitatis consideratione, si tempora suffragantur, interponenda prouocationis copiam non negamus.* Et additur ratio: *Vt videlicet ibi diligentius examinetur, ubi contra hominis salutem per errorem vel gratiam cognitoris oppressa putatur esse iustitia.* Quod 2 * non de his, qui criminis manifestè cōuicti sunt, DD. iuris intelligi volunt, talibus enim appellatio iuste denegari potest, per clarum textum in l. obseruare. 2. C. quorum appellat. non recipiantur. Vbi itidem Impp. Constantius & Constans ad Hiero-

clum Consulem Syriæ Cœles. sic rescribunt: *Obseruare curabis, ne quis homicidarum, veneficorum, maleficorum, adulterorum, itemq; eorum, qui manifestam violentiam commiserunt, argumentis conuictus, testibus superatus, voce etiam propria vitium scelusq; confessus, audiatur appellans.* Sicut enim hoc obseruari disposuimus; ita aequum est testibus productis, instrumentisq; prolatis, alijsq; argumentis prestitis, si sententia contra eum lata sit, & ipse qui condemnatus est, aut minimè voce sua confessus sit, aut formidine tormentorum territus, contra se aliquid dixerit; prouocandi licentiā ei non denegari. Quibus ad stipulatur etiam ius Canonicum in c. cum sit Romana. s. §. fin. ext. de appellat. lib. 2. tit. 27. his verbis: *Præterea si raptor sit, vel violentus detentor alienæ rei, qui adpellat: huiusmodi adpellatio facta in iudicio apud Ecclesiasticas personas solet audiri, nisi fortè manifestus raptor vel fornicator existat, sicut ille, quem absentem & irrequisitum Apostolus excommunicauit.* Porro * ius 3 Saxonum accusatum criminaliter omninò appellare non posse tradit, prout in textu lib. 2. art. 12. ibi: *Qui pro iniuria comprehensus in iudicio presentatur sententias increpandi non habeat potestatem, videre licet.* Quo * iure Curia quoque in huiusmodi casibus uti solet, cuius rei 4 exempla

exempla cuius obuia esse possunt. Neq; caret ratione iuris istius obseruatio, ne videlicet delicta diutius manerent impunita. Quotus quisq; enime est istorum malefactorum, qui non velit quacunq; tandem ratione vltimum differri aut deludi supplicium, quod etiam alibi Vlpian. IC. notatum reliquit, cuius verba in l. si quis. 6. in pr. ff. de pœnis. extant: *Ceterum ut mea fert opinio, prorsus eos non debuisse, posteaquã semel damnati sunt, audiri, quicquid allegët. Quis enim dubitat, eludenda pœnæ causa ad hæc eos decurrere. &c.*

3 Quod * Lipsenses Scabini ita intelligunt, nisi per sententiam definitiuam reo vel inculpato pœna capitis vel mutilationis membrorum imponatur. Eo enim casu etiam hoc iure appellationi locum esse pronunciarunt.

OBSERVAT. XCVIII.

Vtrum à sententia arbitratorum appellatio admitti debeat.

S V M M A R I A.

1. Appellatio in causa compromissi locum non habet.
2. Ex compromisso nulla oritur actio.
3. Arbitrorum sententia etiam iniquestari debet.
4. Arbitrorum tria genera in iure reperiuntur.

5. Appellatio à sententia arbitri iuris & arbitratoris locum habet.
6. Opinio quorundam in causa compromissi pœna & stipulatione valati, si sententia manifestam iniquitatem contineret, locum esse appellationi.
7. Explicatio l. non distinguemus. §. cum quidam. ff. de recept. qui arbitr. recept.
8. Partium consensus ad incognitum referri possit.
9. Decisio DD. Assessorum Curia Regalis.

IN causa Gratiani Gonsalis Ciuis Mariæburgensis, contra Compromissarios, & Henricum Meithe partem adhærētem, anno Domini Millesimo Sexcentesimo secundo, feria quinta post festum Visitationis Beatæ Mariæ virginis, coram iudicio DD. Assessorum Curia Regalis agitata, non parui momenti vertebatur quæstio. Vtrum videlicet à sententia arbitratorum appellare, & per consequens ad arbitrium boni viri eandem reuocare liceat? Sanè * iuris id manifesti esse videtur, quod à sententia arbitri, si nimirum compromissum stipulatione & pœna sit valatum, appellare non liceat: idq; propterea, quia * inde nulla oritur actio, sed metu pœnæ stari debet

sententiarum arbitrorum, per expressum textum in l. 1. in verbis: *Ex sententia arbitri ex compromisso iure perfecto aditi, appellari non posse, sæpè rescriptum est: quia nec iudicati actio inde præstari potest, & ob hoc inuicem pœna promittitur, ut metu eius à placitis non recedatur.* C. de recep. arbit.

- 3 quinimo etiã si sententia sit iniqua, idem omnino obtinere Vlpia. tradit, in l. diem proferre. §. stari. in verbis: *Stari autem debet sententia arbitri, quam de re dixerit, siue aqua, siue iniqua sit: & sibi imputet, qui cõpromisit.* ff. de recep. qui. arb. Quibus alii tamen refragari videtur itidẽ textus iuris, maximè verò in l. arbitro. in verbis: *Arbitro ad fideiussores probandos constituto, si in alterutrã partem iniquum arbitriũ videatur; proinde ab eo atq; ab iudicibus appellare licet.* ff. qui satisfacere cogantur. Cui etiam concordat l. cum specialis. 18. in verbis: *arbitrum vel arbitros eligere.* &c. C. de iudiciis. Quod Accursius non de arbitro partiũ consensu electo & assignato; sed de iudice delegato accipiendum esse
- 4 putat. Quamvis etiam * hac in re inter arbitros differentia notanda sit, idq; per text. in l. cum antea. in pr. C. de recep. arbitris. Alii etenim dicuntur arbitri simpliciter, quos partes mutua voluntate & cõsensu eligunt, & in eos sub pœna sti-

pulatione vallata, cõpromittunt, de quibus traditur in d. l. 1. C. de arbit. & d. §. stari. ff. eodem. Alii verò arbitratores, qui rem inter partes ex æquo & bono, sine solennitate aliqua iuris transigunt, & componunt, quorum fit mentio in l. Societatem. 76. in verbis: *Arbitrorum enim (scilicet voluntariorum) genera sunt duo, unũ eiusmodi, ut siue æquum sit, siue iniquum, parere debeamus: quod obseruatur, cùm ex compromisso ad arbitrum itum est: Alterum eiusmodi, ut ad boni viri arbitrium redigi debeat, & si nominatim persona sit comprehensa, cuius arbitrato fiat.* ff. pro Socio. Alii deniq; arbitri iuris, qui non ex consensu partium, sed ex necessitate legis & statuti ad finiendas lites deputantur, ut potè quando iudex ordinarius pro suspecto habetur, per textum in d. l. cum specialis. C. de Iudic. Vnde * liquido constat, quòd tam ab arbitrarore, quam ab arbitro iuris, si iniqua illorum videatur esse sententia, appellari possit: ab arbitro autem partium cõsensu electo, & per stipulationem sub pœnæ impositione confirmato, non item: idq; propterea, quòd nulla ex huiusmodi compromisso oriatur actio vel exceptio, sed tantummodo pœnæ petitio, per expressum text. in l. 2. ff. de recep. qui arbit. recep.

6 cep. Quod tamen * quidam ita verum esse putant, si nimirum sententia illorum non contineret manifestam iniquitatem: alioquin datur contra ipsos doli exceptio, quæ instar cuiusdam appellationis habetur, prout Rob. Maranta in Speculo aureo parte 6 pag. 513. num. 266. tradit, idq; per singularem textum, quem ad hoc allegat. in l. non distinguemus. 32. §. cum quidam. in verbis: Cum quidā arbiter ex aliis causis inimicus manifeste apparuisset testationibus etiam conuentus ne sententiam diceret, nihilominus nullo cogente dicere perseverasset, libello cuiusdā id querentis Imperator Antoninus subscripsit, posse eum vti doli mali exceptione. Et idem cū a iudice confuteretur apud quem pœna petebatur rescripsit: etiam si appellari non potest, doli mali exceptionem in pœna petitione obstaturam. Per hanc ergo exceptionem quadam appellandi species est, cū liceat retractare de sententia arbitri. ff. de recept. qui arbit. recep.

7 Ego * sanè non video, cur firma non debeat esse huiusmodi arbitratorum sententia, siue ea æqua, siue iniqua videatur: sibi enim imputare debet, qui tali rem commisit, per expressum text in d. l. diem proferre. §. stari & in l. cum mandatu. 23. in fine in verbis: Imputari debet hoc domino, qui tali commisit sua

negotia. ff. de minorib. Et quod semel placuit, amplius displicere nō potest, per vulgatam regulam iuris. Quinimo neque textus in d. l. non distinguemus. in contrarium facere videtur: Ibi enim non agitur de arbitri iniqua sententia: sed de arbitro, quando videlicet inimicus ex causis postea superuenientibus apparet, & attestatione partis interueniente, nihilominus fert sententiam: eo casu si petatur pœna compromisso adposita, habebit locum doli mali exceptio, quæ instar cuiusdam est appellationis: quamuis reuera etiam tunc appellari non possit, vt ibidem textus habet. Nec illud * obstat, quod vulgò obiici solet, partes dum arbitros constituerent, de manifesta iniquitate non cogitasse, & per consequens, in huiusmodi arbitros nequaquam videntur consensisse. Id enim in iuramentis tantummodo locum habet, quæ non extenduntur ad incognita, idq; propter periculum salutis æternæ; at in his secus est, quæ ex mutuo consensu & voluntate proficiuntur. Ac proinde * DD. Assessores quoque Curia Regni, iuri communi, & consuetudinibus in omnibus passim regionibus obseruari solitis, inhærentes, talem in causa supra scripta tulerunt sententiam, quod appellatio

pellatio à sententia arbitratorum, in quos cum stipulatione & pœna cōpromissum fuerat, admitti non debeat, & per consequēs reuocationi ad arbitrium boni viri locus non sit.

OBSERVATIO XCIX.

Bannitus seu proscriptus vtrum in iudicio locum standi habeat.

S V M M A R I A.

1. Banniti non solum iura Ciuitatis, sed etiā ea, quæ sunt naturæ, perdūt.
2. Bannitis domus, hospitium, & mēsa denegari debet.
3. Banniti pro communibus hostibus censentur.
4. Banniti excommunicatis æquiparantur.
5. Casus, quibus recipiens bannitum domo vel hospitio, non puniatur.
6. Amicitia consanguinitati comparatur.
7. Banniti in iudicio standi locum non habent.
8. Bannitus ad defensionem sui in iudicio comparere potest.
9. In regno banniti, siue sint aētores, siue rei, in iudicio standi locum nō habent.

I Banniti* seu proscripti non solum iura Ciuitatis, sed etiam ea,

quæ sunt naturæ, amittunt. Nam sicut olim apud Romanos deportatis aqua & igni interdicebatur. §. minor. *Instit. de capit. dim.* ita hodie bānitis: immò quod* magis est, omnia humanitatis iura & officia iisdem denegari solent, vsque adeò, vt etiam domo, hospitio, mensauē recipere eos liceat nemini, per generalem textum in l. 1. ff. de receptatoribus. & in l. eos qui. C. qui latrones. & aliis criminibus reos occult. Quod etiam probat textus Sp. Sax. lib. 3. artic. 23. his verbis: Qui recipit alitue proscriptum (sciēter) hīc multā prætēt iudicio; Si verò ignoranter se hac fecisse iurauerit, impunitus erit. Cuius rei duplex potest esse ratio: Vel quod * banniti & proscripti pro rebellibus & cōmunibus omnium hostibus censeātur, per text. in l. amissione. §. qui deferūt ff. de capit. diminut. Vnde consequens est, vt is qui communem hostem recipit atque fouet, contra Rempub. deliquisse videatur. Vel quod * banniti æquiparentur iis, quibus censura Ecclesiastica imposita est, (qui & excommunicati vocantur,) cum quibus itidem consuetudo omnis est prohibita, idq; propter scādala, quæ ex cōmunicatione cū hominibus sceleratis euenire solēt, per text. in c. cum ex cōmunicato. & c. Excommunicatis. 11. qu. 3. Quamuis

5 Quamuis * & hæc recipiant limitationem in certis casibus, puta si quis per ignorantiam bannitum recipiat: Ignorantia enim à delicto & pœna excusat, per textū in *l. si quis ignorans. ff. locati.* vel vi & metu adactus: nam is culpa caret, qui scit, sed prohibere non potest, per text. in *l. culpa. ff. de reg. iur.* Solet etiā eorum haberi ratio, qui sanguinis causa bannito fauorem & auxiliū præstant, per textū in *l. eos. 2.* his verbis: *Eos, apud quos affinis vel cognatus latro conseruatus est, neq. absolueudas, neq. seuerè admodum puniendos. Non enim par est eorum delictum, & eorum, qui nihil ad se pertinentes latrones recipiunt. ff. de receptatorib.* Quod item de coniuncta amicitia dicendum esse videtur.

6 Nam * & hæc, consanguinitati comparatur, per text. in *l. cum allegas. 3.* in verbis: *Etenim peregrinationis laborem sociatum commilitij eius, & obeundorum munerum consortiū, affectioni fraterna nonnihil addidisse, quinimò vice mutua chariores inuicē sibi eos reddidisse credendum est. C. de Castr. pecul. mili. lib. 12.* Et vt præclare tradit. Cicero lib. 1. Officiorum. *Sanguinis (inquit) coniunctio & beneuolentia deuincit charitate homines: magnum est enim eadem habere monumenta maiorum, eisdem uti sacris, sepulchra habere cōmunia, sed omniū*

*societatum nulla præstantior, nulla fir-
mior, quam cum viri boni moribus si-
miles, familiaritate sunt coniuncti.*
Quinimo Isocrates plures facien-
dos esse suadet amicos, quam san-
guine coniunctos: siquidem ad cō-
stituendam amicitiam veram, plus
est virium in natura quàm in lege,
in moribus quàm in genere, in vo-
luntate, quàm in necessitate. Quo-
niam * itaq; banniti seu proscripti, 7
ea quæ sunt ciuitatis, amittunt, &
pro hostibus habentur; idcirco in
iudicio quoque locum standi eos
habere non posse consequens est,
per express. text. in *l. si qui reus. s. §.*
illud. in verbis: *Illud incertum est,
vtrum ita demum accusare potest, si
fuerit liberatus, an & si pœnam subie-
rit. Est enim constitutum ab Impera-
tore nostro & Diuo patre eius, post da-
mnationem, accusationem quem in-
choare non posse. Sed hoc puto ad eos
demum pertinere, qui vel ciuitatem
vel libertatem amiserunt. ff. de publi-
cis iudicijs.* Quod etiam confirmat
textus iuris Saxonici lib. 3. artic. 16.
in verbis: *Imperij & in ipsa iurisdi-
ctione proscriptis respondere nemo te-
netur, sed ipsos alij respondere oportebit.* Vnde * haud obscurè colligi
potest, quòd quamuis bannitus tan-
quam actor in iudicio locum stan-
di non habeat; attamen si existat
reus, ad defensionem sui admittatur. 8

tur. Defensio enim est iuris naturalis, quæ nemini deneganda est, per textum *in c. pastoralis. in Clement. de senten. & re iudic.* Et absurdum alioquin esset iudicium ferri in inuitum, & partem ream condemnari non auditam. Non itaq; id tribuitur fauori banniti, sed æquitati iudicis, & solennitati iudicii, quod ex tribus personis, ut potè, actore, reo, & iudice constare debet. Nec obstat quod reus in exceptione seu defensione pro actore censeatur, per express. text. in l. 1. ff. de excep. Id enim ita intelligendum est, quod sicut actor intentionem suam probare necesse habet; ita reus quoq; exceptionem probare debet: propriè tamē actor dici non potest. Quia non petit rem sibi adiudicari, sed ab actoris impetitione se liberum pronunciari. Verum *in Regno, tam inter personas equestris ordinis, quam plebeie conditionis, id non attenditur. Banniti enim & proscripti promiscuè, siue sint actores, siue rei, ad iudicium non admittuntur, nisi rescripto Principis, (quod vulgò subleuationem in ciuilibus, seu saluum conductum in criminalibus vocant) sint muniti: prout id praxis quotidiana docet, & Constitutio in Coronatione Sereniss. Regis moderni A. D. 1588. Crac. lata, latius de his disponit.

OBSERVATIO C.

De Iudæis, priuilegiis, & libertatibus eorum, & an iuri communi subsint.

S V M M A R I A.

1. *Iudæi teste sacra scriptura nullibi certas sedes habent.*
2. *Iudæorum in Regno amplissimus numerus.*
3. *Iudæorum libertates & priuilegia in statuto Regni comprehensa.*
4. *Iudæorum priuilegia ad terras maioris tantum Polonie referri debent.*
5. *Iudæi quomodo iuri communi & legibus ciuilibus subsint.*
6. *Iudæis non licet nouas synagogas extruere, sed tantum antiquas restaurare.*
7. *Iudæis familiam Christianam alere non licet.*
8. *In successione Iudæorum non seruatur ius Ciuile, sed lex Mosaiica.*

EXtremum claudat mihi agmē, hæc de Iudæis quæstio, num videlicet iuri communi subsint, vel speciale ius habeant? Iudæi *etenim quamuis secundum diuina oracula, nullibi iam certas sedes habeant & perpetuò vagari cogantur, ut dicit *Psalmus. 108. versic. 10.* attamē *in Regno, siue id ex singulari gratia Regum, siue etiam ex indulgentia

tia quadam nostrorum hominum, in tantum excreuit eorum numerus, vt facile cæteris incolis ciuitatum & oppidorum Regni par, aut certè superior sit. Quapropter non inconueniens huic operi esse duxi si de libertatibus, priuilegiisq; illorum pauca quædam adiiciantur.

3 Imprimis * verò sciendum est, Iudæos in Regno priuilegia quædam specialia iurium & libertatum suarum per Boleslaum Ducem maioris Poloniæ, proauum Casimiri Mag. Regis Poloniæ Anno Domini 1264. in Kalisz in crastino assumptionis Virginis Mariæ ipsis concessa, ac tandem Craçouiæ in die Beatorum Dionisii & sociorum eius Anno Domini 1343. per dictum Casimirum Magnum, Regem Poloniæ supra scripti Boleslai pronepotem confirmata, vsurpare, ac passim iuri communi (quo cæteri incolæ Regni vtuntur) obicere solere. Quæ tamen * priuilegia non ad vniuersas Regni terras, sed tantummodò ad terras maioris Poloniæ referri debent: ex ea potissimùm ratione, quòd prædictus Boleslaus non toti Regno, sed illi saltem terræ præfuerit: vt i hoc ipsum in proëmio dicti priuilegii declaratur his verbis: *Quod Iudæorum nostrorum per totum districtum nostri dominij constitutorum statuta & priuilegiata*

liter duximus declaranda. Sed praxis hodierna contrarium sequitur, & omnes in vniuersum Iudæos Regnicolas eo priuilegio comprehensos esse vult. Veruntamen * præter casus in hoc priuilegio expressos, non est dubium, Iudæos iuri communi subesse, & legibus Ciuilibus, atque statutis loci ligari, per express. text. in l. *Iudæi. 8.* his verbis: *Iudæi communi Romano iure viuentes; in his causis, quæ tam ad superstitionem eorum, quàm ad forum, & leges, ac iura pertinent, adeant solenni more iudicia, omnesq; Romanis legibus conferant & excipiant actiones. Et c. C. de Iudæis & Cælicolis.* Vnde haud immeritò in Curia etiam Regali in casibus supra scripto priuilegio non expressis, ad ius Ciuile, (quemadmodum in causa Matthiæ Posth Parochi Checinesis & oppidi eiusdè Iudæos, ratione extructionis synagogæ ritus illorum, Anno Domini 1597. die 13. Maii factum fuit) recursus fieri solet. Nam hoc iure * disponitur, Iudæis nequaquam concessum esse nouas synagogas extruere, sed tantum antiquas restaurare, per express. text. in l. *ult. ibi: Illud etiam pari consideratione rationis arguentes precipimus, ne quæ Iudaica synagoga in nouam fabricam surgat, fulciendi veteres permissa licet. Et qui synagoga*

nagoga fabricam ceperit, non studio reparandi, cum damno quinquaginta librarum auri fraudetur ausibus suis. C. de Iudeis & Caliculis. Quod itidē iure Canonico per c. Iudai. 3. & c. Consuluit. 7. ext. de Iudeis, expresse
 7 *prohibetur. Interdum* secundum Statuta & Constitutiones Regni contra illos proceditur, prout inter eundem Parochum Chęcinen. & dictos Iudeos, de non alenda familia Christiana decisū fuit. Quod quamuis tam iura Ciuilia, quā Canonica, propter abusus, qui inde prouenire solēt, seuerē prohibeāt, vt videre est in c. 28. & 13. ext. dict. tit. de Iudeis, Et in toto tit. C. ne Chri-*

stian. mancip. & c. lib. 1. tit. 10. attamē Constitutio Regni anno 1565. pœna etiam pecuniaria cētum marc. illos in officio & obseruatione harum legum retinendos esse putauit. In successionibus verō Iudæo- 8 rum nō seruatur ius Ciuile, sed lex Mosaica, qua excludit frater sororē à successione patris, prout Num. c. 27. habetur, quod est contra l. maximum vitium. 4. C. de lib. præterit. vbi dicitur: quod qui inter masculum & feminam in successione differentias inducunt, quasi naturæ accusatores existunt, cur non totos masculos generauit, & vnde generentur, non fiant.

FINIS CENT: I.

SOLI DEO GLORIA.



INDEX OBSERVATIONVM PRACTICARVM CENTVRIÆ I.

Primus numerus Observationem, Secundus numerum marginalem denotat.

A.

Abolitio quid sit. 89. 7.
Absens legitimum impedimentum iuramento comprobare debet. 12. 7. (cessa. 89. 6.)
Accusatio criminis publici cuius ex populo con-
Accusator ad certam pecunie summam se ut
inscribat, usus obtinuit. 15. 4.
Accusatore deficiente, iudex neminem con-
demnare potest. 26. 9.
Accusator quod etiam sine inscriptione subeat
pena rationis, sententia Accusati. Actio reuoca-
toria verū sit criminalis, an civilis. 80. 10.
Actio actionem quando non perimat. 46. 12
 & 78. 5.
Aktor post prestationem guarandam reum de-
fendere debet. 13. 10. & 28. 2.
Aktor inuitus etiam rescripto Principis ad in-
competentem iudicem trahi non potest, secus
in reo. 39.
Aktor sequitur forum rei. 6. 12.
Aktor contumax quomodo puniatur. 10. 3.
Aktor contra heredes iuramento petitionem su-
am probare debet. 25. 8.
Aktore contumace ad sententiam definitiuam
quando perueniatur. 10. 9.
Aktore non probante reus absolui debet. 23. 4.
Aditum ad se prestans quomodo citandus. 1. 2.
Aduocati & procuratores salaria petere pos-
sunt. 45. 14.
Afflicto non est addenda afflictio. 33. 16.
Aliud pro alio solui posse affirmatur. 32. 1.
Aliud pro alio solui non potest inuito credi-
tores. 32. 3.
Aliud pro alio ut inuito etiam creditori solua-
tur, impossibilitas facit. ibid.

Alius pro alio damnari non potest. 9. 7.
Amicitia consanguinitati comparatur. 99. 6.
Apocha quid dicatur, & quando liberet debi-
tores. 28. 8.
Appellatio regulariter cuiuslibet, & à quacumq;
causa permissa est. 92. 1.
Appellare victori in causa expensarū litis quā-
do non liceat. 92. 2. (tur. 92. 3.)
Appellante parte utraq; iudex iniuria affici-
Appellatio à remissione quomodo differat. 92. 7.
Appellationes quæ in Curia à DD. Assessores
interponunt, non habent vim pure prouo-
cationis. 92. 8. Ob Appellationem non ad-
missam, nemini ad citare licet iudiciū DD.
Assessorum. ibid.
Appellatio quando insinuari olim poterat. 93. 1.
Ad Appellationem insinuandam hodie decen-
diuū competit. 93. 2. In appellatione de-
cendum currit à tempore scientiæ. 93. 3.
Appellatio extraordinaria quæ dicatur. 93. 4.
Appellatio iure Saxon. viua voce statim & in
continenti fieri debet. 93. 6.
Appellatio intra quod tempus proseguenda sit. 93. 7.
Apud iudicem appellat ionis an liceat non alle-
gata allegare, & non probata probare. 94. 1.
ibid. Iure Cubensi idem obtinet, quod iu-
re civili. In appellat ionis proseguende ter-
minoliceat articulos novos proponere, sed pri-
oribus non contrarios. 94. 3. In appellati-
onis causa nouæ probationes fieri non pos-
sunt. 94. 4. In appellat ionis causa quales
exceptiones proponere liceat. 94. 5.
Appellare ad superiorem intermedio iudice
omisso, cur non liceat. 95. 1. De appella-
tione ad intermedium iudicem inris dispositi-

INDEX OBSERVATIONVM PRACT:

tiones. 95. 4. In appellationibus consuetudo loci attendenda est. 94. 5. In appellationibus interponendis consuetudo Ciuitatis Cracouiensis. 95. 6.
Appellatio quādo ad intermediū iudicem omitti possit, casus quidam. 95. 7.
Appellatio potest iure Canon. intermisso medio iudice ad Curiam Romanam. 95. 8.
Appellationi non nisi partibus consentientibus renunciare licet. 96. 2.
Appellationis renunciatio sit aut expresse, aut tacite. 96. 3. (ceat. 96. 4.)
Appellationi intra quod tempus renunciare licet. 96. 4.
Appellationi moribus Francorum licet renunciare donec sit decisa: quod & in Regno obtinet. 96. 5.
Appellatio in causa criminali ex iure Ciuili est permessa. 97. 1.
Appellare non licet criminis manifesti conuictis. 97. 2.
Appellare non potest accusatus criminaliter in iure Saxon. ibid. 97. 3. Praxis Curia ius Saxon. sequitur. 97. 4.
Appellationem Lipsenses Scabini à sententia definitiua in causis criminalibus locum habere tradunt. 97. 5.
Appellatio in causa compromissi locum non habet. 98. 1.
Appellatio à sententia arbitri iuris & arbitratoris locum habet. 98. 5.
Appellatio à sententia arbitri iuris & arbitratoris locum habet. 98. 5.
Appellationi locum esse, opinio quorundam, in causa compromissi pena & stipulatione vallati, si sententia manifestam iniquitatem contineret. 98. 6.
Appellationem à sententia arbitratorum, in quos cum stipulatione & pœna compromissum fuerat, admitti non debere D D. Adfessorum decisio. 98. 9.

Arbitrorum sententia etiam inique fieri debent. 98. 3.
Arbitrorum tria genera in iure reperiuntur. 98. 4.
Arma bellica quæ dicantur. 57. 2.
Arma bellica masculus transmittit ad proximum agnatum. ibid. Si filij sint minores, quid fiat de Hergeuuet.
Arma bellica rustici non transmittunt ad agnatos. 57. 6. Ibid. Differentia inter agnatos & cognatos.
Arma bellica non veniunt in bonorum collationem. 64. 8.
Armorum bellicorum expeditio generatim sequi solet. 57. 1.
Ad armorum bellicorum expeditionem quid pertineat. ibid.
Arresta iure ciuili prohibentur. 8. 1.
Arresta iure gentium & consuetudine ubique habent locum. 8. 4.
Arresta magistratus quomodo admittere debent. 8. 5.
Arresta tempore nundinarum permitti non debent. 8. 6.
As duodecim continet uncias, quibus hereditas diuiditur. 69. 5.

B.

Banniti in Regno, siue sint actores, siue reus in iudicio standi locum non habent. 99. 9.
Banniti non tantum iura Ciuitatis, sed etiam ea, quæ sunt natura, perdunt. 99. 1.
Banniti pro cõmunibus hostibus censentur. 99. 2.
Banniti excommunicatis equiparantur. 99. 4. ibid. casus, quibus recipiens bannitum domo vel hospitio, non puniatur.
Banniti non habent locū standi in iudicio 99. 7.
Bannitis domus, hospitium, & mensa denegari debet. 99. 2.
Bannitus ad defensionem sui in iudicio comparere potest. 99. 8.
Beneficium l. 2. C. de rescind. vendit. etiam in loco

CENTURIÆ PRIMÆ.

In locutione & aliis contractibus obtinet. 48.
1. & ibid. plura de hoc beneficio. per tot.

Beneficium in integrum restit. pupillo quando datur. 61. 7.

Bona eorum, qui metu penarum mortem sibi adsciscunt, sisco applicantur. 75. 1. ibid. Bonorum confiscatione non punitur, qui radio vite, vel doloris impatientia manus sibi infert ibid. textus iuris Saxon. de his qui vitam sibi adimunt, quomodo intelligendus. 75. 3.

Bona fides omnes gradus culpæ cōprehendit. 45.
5. Bona fides dolum & culpam comprehendit. 46. 2.

C.

Cadauera eorū, qui mortem sibi consciuerūt, an sepultura tradi debeant. 75. 4. ibid. his qui impatientia doloris aut simili ex causa seipsos exanimarunt, sepultura denegari nō debet. 75. 5.

Casibus fortuitis incendium vel furtum an adnumerari debeat. 39. 6. De casibus fortuitis commun. D D. opinio. 58. 8.

Casus quibus presumptiones admittuntur in criminalibus. 21. 9.

Cauere quomodo debeat bona immobilia non possidens. 14. 6.

Cautela in fideiussione obseruanda. 16. 11.

Cautela mercatorū in cōtractibus faciendis. 5. 5.

Cautio de lite prosequenda & expensis refundendis ab actore prestari debet. 14. 1.

Cedens bonis quando reddit ad pinguiorem fortunam, conueniri denuo potest. 33. 12.

Cedi debent actiones & petitiones. 33. 11.

Census & pensiones ex redditibus venditis sunt liciti. 36. 13.

Census & pensiones non debent excedere modū equalitatis. 36. 14.

Cessio bonorum qualis esse debeat. 33. 10.

Cessione bonorū ius Nouellarū introduxit. 33. 8.

Chirographa duo, unum restitutum debitori,

alterum verò remanens apud creditorem, quid operentur. 28. 5.

Chyrographo amisso si debitor neget solutionem, aliis probationibus conuincendus est. 28. 9.

Chyrographo amisso creditor tenetur dare apocham. 28. 7.

Chyrographum restitutum debitori, quomodo liberet eundem. 28. 1.

Chyrographum cancellatum non omnino probat solutionem. 28. 4.

Chyrographum unum restituens debitori, cur non videatur eum liberasse à solutione debiti, rationes. 28. 6.

Citandus quomodo sit aditū ad se prestās. 1. 2.

Citari vel in ius vocari de domo sua nemo debet. 1. 1.

Citari ad domum verbaliter quis debeat. 1. 3.

Citari quis vel in ius vocari, non tantum de domo propria, sed etiam de conductā vel precario cōcessa potest. 1. 3. 4.

Citari in criminalibus & etiam de domo inuius duci potest. 1. 5.

Citatio vel in ius vocatio alia realis, alia verbalis. 1. 6.

Citatio verbalis quæ. 1. 7.

Citatio publica quomodo fiat. 1. 8.

Citatio semper est necessaria. 2. 1.

Citatio neg. à Pontifice, neque ab Imperatore omitti potest. 2. 2.

Citatio inordinata non obligat ad comparendum. 2. 7.

Citationes in omnibus actionibus à iudicibus premitteri debere, præiudicio Curie Regalis demonstratur. ibid. communis D D. conclusio, quod præsens in iudicio citari amplius non debeat. 2. 4. ibid. Curia Regalis hac in parte ius Saxon. sequitur, quo datur conuenio dilatio ad proximum iudicium.

Clerici causas criminales, quæ irrogant penam sanguinis, iudicare non possunt. 4. 4.

Clericus

INDEX OBSERVATIONVM PRACT:

- Clericus quilibet ad Curiam Romanam evocari potest.* 3. 12.
- Cognatio iure Saxon. finitur septimogradu.* 67.
- 5. ibid. Scabinorum Lipsensium sententia, quam Curia sequitur.*
- Colonus præter damnum seminis amissi mercedem exsoluere non tenetur, & sterilitas cum ubertate quando compensetur.* 50. 7.
- Commodanti domino iure Saxon. non competit actio, nisi aduersus commodatarium.* 37. 10.
- Commodatarius aliter utens furtum committit.* 37. 8.
- Commodatarius quid præstare teneatur.* 37. 1.
- Commodate rei dominium an transeat in commodatarium.* 27. 11.
- Commodato dolus tantum quando præstari debeat.* 37. 3.
- Commodato dolus & culpa quando præstanda sit.* 37. 4.
- Commodato levis culpa quando præstanda veniat.* 37. 5.
- Commodato casus fortuiti præstari non debent, & qui dicantur casus fortuiti.* 37. 6.
- Commodato casus fortuiti interdum præstari solent.* 37. 7.
- Commodatum debet esse gratuitum.* 37. 2.
- Compensatio vim habet solutionis.* 18. 11. *Ex cōpromisso nulla oritur actio.* 98. 2.
- Condemnari ad questiones nemo debet, nisi præcedant plena iudicia.* 22. 1.
- Conditio pro impleta habetur, quando non per eum sterit, quo minus impleatur.* 34. 3. *De conductore casus fortuitos in recipiente, quid iuris sit.* 50. 2.
- Conductor pensionem quando persolvere non teneatur.* 50. 1.
- Confessio posterior contraria priori attendi non debet.* 29. 1.
- Confessio pro iudicato habetur.* 29. 2.
- Confessio rei ultionem plenam fidem iudici facit.* 21. 4.
- Confessus debitum in Chyrogapho obligatur civiliter non naturaliter.* 29. 3.
- Conscientia est iudex verus.* 26. 1.
- Consensus partium ad incognita num referri possit.* 98. 8.
- Consuetudo quæ reconventiones prohibet, num iuri & equitati sit contraria.* 6. 11.
- Consuetudo apud Romanos post l. 12. tab. de obstrictis ere alieno.* 33. 4.
- Consuetudo quorundam locorum satisfactiones abrogavit.* 14. 2.
- Contractus & delicta equiparantur.* 15. 8.
- Contractibus innominatis panitentis est locus.* 47. 6.
- Contractus innominati qui.* 47. 7.
- Contractus nominati post perfectionem sunt necessarii, & ideo panitentia locus in iis non datur.* 47. 9.
- Contractus dolo interveniente rescinduntur.* 48. 3.
- Contrahens scienter cum debitore post susceptum fraudationis consilium, excluditur è numero creditorum.* 40. 13.
- Contrahentibus inuicem se circumvenire licet.* 48. 1. *& an etiam iure diuino id permissum sit ibid.*
- Contumaces non censentur mercatura vel studiorum causa absentes.* 12. 4.
- Contumaces qui dicantur.* 10. 1.
- De contumacia actoris iuris Saxon. dispositio.* 10. 7.
- Contumacia actoris maior est quam rei.* 10. 2.
- Contumacia rei post litem contestatam quomodo puniatur iure civili.* 11. 4.
- Contumacia aliter punitur in actione reali, aliter in personali.* 11. 5.
- Contumacia excusationem friuola cause non meretur.* 12. 6.
- Contumax actor quomodo puniatur.* 10. 3.
- Contumax reus iure Saxon. condemnatur in amissione cause.* 11. 6.

Contumax

CENTURIÆ PRIMÆ.

Contumax non est qui ob incommoditatem loci absens est. 12. 5.

Contumace existente aëlore, differentia inter ius Codicis & Nouellar. de modo procedendi ad sententiam definitiuam. 10. 6.

Conuentio nuda per litis contestationem coram iudice non suo conualidatur. 7. 5.

Creditor intra certum tempus denunciare debet debitum suum creditori in possessionem misso. 40. 12.

Creditor expressam hypothecam anteriorem habens, sisco tacitam anteriorem habenti præfertur. 41. 9.

Creditores quomodo communicare debeant ratione pignoris. 40. 11.

Creditorum ordo in repetendis creditis à debitore. 40. 14.

Crimina inter leuia & atrociora distinguuntur. Culpa dupliciter consideratur, in genere & in specie. 43. 9.

Culpa in specie tres gradus constituuntur. 43. 10.

Culpa lata quid sit, & an dolo equiparetur. 43. 11. & 12.

Culpa latior pro lata in l. quod Nerua ponitur. 43. 13.

Culpa leuis aliter in societate, aliter in depositos considerari solet. 46. 4.

Culpa leuissima qualis esse dicatur. 43. 18.

Culpa leuissima in mādato virū præstetur. 45. 2.

Culpa leuissima opponitur exactissime diligentie. 45. 4.

Culpa leuis definitio, & quod ei imperitia adnumeretur. 43. 15. & 16.

D.

Damnum quid sit. 19. 3.

Debitor exceptionem solutionis opponens, aëloris partes sustinet. 27. 2.

Debitor generis nequaquam interitu liberatur, nisi obtulerit certam speciem. 31. 6.

Debitor propter conueniendi facilitatem ubiuis

potest conueniri. 5. 1. In debitore quantitas quid iuris. ibid.

Debitor qui nō habet in ære, luat in corpore. 33. 1.

Debitor speciei interitu ipsius quando liberetur. 31. 9.

Debitor in priuatis carceribus detineri non debet. 33. 15.

Debitor solutionem offerens liberatur. 34. 1.

Debitor soluere paratus, soluenti similis esse censetur. 34. 2.

Debitor offerens pecuniam ex iuris Saxon. dispositione non liberetur. 34. 4.

Debitor solutionem probante, an fideiussor ipsius liberetur. 27. 8.

Debitorem carceribus mancipandum statuit ius Saxon. 33. 3. quod sequitur praxis Curie. ibid. Debitorum conueniendi quando facilis sit ratio. 5. 3.

Debitores qui commiseratione sint digni. 33. 17.

Debitoribus qui non ex accidenti, sed ex sua negligentia ad egestatem perueniunt, non subueniuntur. 33. 9.

Debitoris oblatio pecunie qualis nam esse debeatur. 34. 5.

Decretū primū & secundum quid dicatur. 11. 2.

Decretum secundum quando interponatur. 11. 3.

Defensio necessaria in ipso propulsandi aëlu fieri debet. 83. 8. ibid. modus inculpatæ tutelæ etiam in eo consistit, ut armorum & facti ipsius pars sit ratio. In defensione necessaria aliquem occidens non punitur. 83. 1. In defensione necessaria probatur id, qui prior vim intulerit. 83. 2. In defensione necessaria attenditur, an aliter vitæ periculum euitari non possit. 83. 4. In defensione necessaria Nobilem occidens in Regno, pœnam 60. marcar. soluit. 83. 10. In defensione necessaria iure Saxon. multa iudici, & VVergeldus parti persoluitur. 83. 11.

Delicta ne maneant impunita Reipub. interest. (89. 4.

Deponentis

INDEX OBSERVATIONVM PRACT:

- Deponentis heredes pro interesse depositum petere possunt. 43. 25.
- Deportationis vice hodie successit bannus seu proscriptio. 90. 7.
- Depositum pecunia in loco publico ita demum liberat debitorem, si ibidem remaneat. 34. 9.
- Depositum res furi & praedoni quando non restituitur. 43. 24.
- Depositum pecunia vires tenetur ad usuras. 43. 28.
- Depositarius non tenetur ex leui culpa. 43. 17.
- Depositarius quando in duplum obligetur. 43. 19.
- Depositarius re deposita utens furtum committit. 43. 7.
- Depositarii heres in quantum obligetur. 43. 21.
- Depositum actione regulariter quid veniat. 43. 20.
- Deposito, quod custodiende rei causa fit, dolus tantum praestari debet. 43. 2.
- Depositum est triplex, sequestrarium, iuris, & voluntarium. 43. 2 & 3.
- Deposito cur dolus tantum praestetur. 43. 5.
- Deposito non tantum dolus, sed etiam latam culpam praestari, Imp. Alex. statuit. 42. 6. ibid. IC. Celsus etiam latiore culpam in hanc actionem venire existimat.
- Deposito non restituens, infamis est. 43. 22.
- Deposito sine dilationibus & exceptionibus restitui debet. 43. 23.
- Deposito ex hereditate ante omnia peti potest. 43. 25.
- Differentia Tit. Nautae, cauponens, stabularij, & à Tit. furti aduersus nautas, caupon. stab.
- Dilatio est temporis quo aliquid fieri debuit, prorogatio. 19. 1.
- Dilationum diuisio. 19. 2.
- Dilationes in causis ciuilibus & criminalibus locum habent. 19. 3.
- Dilationes in criminalibus causa cognita dari debent. 19. 4.
- Dilationes in ciuilibus an tam auctori quam reo concedi debeant. 19. 5. ibid. conclusio quod etiam auctori dari possunt. (bent. 19. 8.)
- Dilationes in consistorio Principis dari non debent.
- Dilationes in causis criminalibus, in quibus pena sanguinis non irrogatur, quomodo dari debent. 19. 2.
- Dilationis tempus à iudice quomodo moderari debeat. 19. 9.
- Dogmata 4. Synodorum pro legibus observari debent. 30. 10.
- Dolus nemini patrocinari debet. 37. 13.
- Dolus nunquam praesumitur, nec animus delinquendi. 86. 3.
- Dominus diuersorij praedicens hospitibus, ut res suas custodiant, non tenetur ad praestandum damnum. 44. 10.
- Donare uxor marito nihil potest iure Saxon. 52. 3. ibid. maritus uxoris suae tutor est. ibid. uxor sine consensu mariti nihil alienare potest.
- Donare potest uxor marito tutorem à Magistratu habens. 52. 6.
- Donare egrotus quid possit. 53. 9.
- Donatio inter coniuges confirmata iuramento valet. 52. 8.
- Donatio eo nomine facta, ut communi filiae in dotem detur, valet. 52. 9.
- Donatio inter coniuges morte confirmatur. 52. 10.
- Donatio reciproca debet esse aequiualens. 52. 13.
- Donatio reciproca in continenti fieri debet. 52. 14.
- Donatio bonorum immobilium actis insinuari debet. 53. 6.
- Donatio seu resignatio in iudicio ordinario bannito fieri debet. 53. 7.
- Donatio mortis causa quae dicatur. 54. 5.
- Donatio causa mortis an iure Saxo. valeat. 54. 9.
- Donationes inter virum & uxorem cur non valeant. 52. 1. ibid. coniugum omnia communia.
- Donationes reciproca inter coniuges an de iure sint permissae. 52. 11.
- Donationes huiusmodi cur permittantur. 52. 12.
- Donatio.

CENTVRIÆ PRIMÆ.

Donationes ut valide sint, eas actis insinuari
necesse est. 53. 2.

Donationes rerum mobilium ubicunq; fieri
possunt, dummodo debilitas corporis non im-
pediat. 53. 8.

Donationis in officiose querela quando locum
habeat. 53. 10. In donationibus insinuatio
causa mortis, & inter coniuges locum non
habet. 53. 11.

Donationes mortis causa actis insinuare non est
necesse. 54. 1.

Donationes mortis causa ultimis voluntatibus
equiparantur. 54. 2. ibid. verba Statutorū
propriè accipienda.

Donationes mortis causa quādo reuocentur. 54.
6. ibid. Voluntas hominis est ambulatoria
vsq; ad mortem.

Donationis causa mortis & Legati differen-
tia. 54. 8.

Donator de Euietione non tenetur. 53. 12.

Dos feminarum proprium est patrimonium. 55. 3.

Dos & donatio ante nuptias veniunt in bonorū
collationem. 64. 10.

Dotalitium mulier vel hæredes ipsius soluto ma-
trimonio ex bonis mariti petere possunt. 55.
8. In dotalitio probando iuramento mulieris
stat. ibid. de fructibus ultimi anni soluto
matrimonio. ibid. De dote restituenda pa-
ctum semper videtur intercessisse. 55. 4.

Dotem maritus iure veteri lucratur. 55. 2.

Dotem maritus quando apud se retineat. 55.
11. ibid.

Dimidiam partem bonorum mariti mulier iu-
re Culmensi lucratur. 55. 12.

Dotes unde egressæ sunt, eo redire debent. 55. 1.

Dotes mulieribus coseruari publicè interest. 41. 4.

Dotis ex actio quomodo fieri debeat. 55. 5. bona
mobilia uxoris cedunt marito. ibid.

Dotis nomine data pecunia cedit lucro mari-
ti. 55. 7.

Duo vincula fortius ligant, quàm unum. 40. 4.
E.

Edicta etiam contra actorem impetrari so-
lent. 10. 5.

Edictum quando circumducatur. 10. 4.

Edictum prætoris de nautis, cauponibus, & sta-
bulariis. 44. 1.

Emancipatio eximit liberos ex patria potesta-
te. 64. 11.

Emancipatio quibus modis fiat. 64. 12.

Emenda apud Saxon. non excedit. triginta so-
lidos. 80. 8.

Emptione perfecta res pertinet ad emptorē. 47. 1.

Emptione plenè peracta, si res nondum tradita
sit, casus fortuitos ad emptorem pertinere,
sententia auctoris. 47. 10.

Emptioni similis est æstimatio. 37. 9.

Emptor precium nondum datum soluere tene-
tur, re ante traditionem perempta. 47. 11.

Error iuris & facti non nocet, quando agitur
de euitando damno, & quomodo id intelli-
gendum. 30. 4.

Euietio ex natura contractus præstari debet. 51. 1.

Euietio quibus casibus non præstatur, etiam si
de ea conuentum sit. 51. 6.

Euietio non præstatur, si præscriptio interces-
sit. 51. 12. Varendator iure Saxon. ad vi-
tam vsq; teneatur varendare, id est, euince-
re, ibid.

Euietio contra presentes anno & die locum ha-
bet. 51. 15.

Conciliatio textuum iuris Sax-
on. lib. 1. art. 21. cum textu iuris municip.
art. 25. In Euietione consuetudo vnius-

cuiusque loci aut regionis spectanda est. 51.
2. De Euietione iure Civiliper stipulatio-

onem caueri solet. 51. 4. In Euietione promissio

simple & duple quid sit. 51. 5. De Euietione

non præstanda pacto interueniente, an

venditor ad restituendum pretium, si res

euincatur, nihilominus cogi possit. 51. 10.

Euietionis

Euietionis

INDEX OBSERVATIONVM PRACT.

Euitationis d. nunciatio venditori quando fieri debeat. 51. 7.

Euitationis d. nunciatio pacto omitti potest. ibid.

Euitationis onus pacto tolli potest. 51. 9.

Euidentiæ facti nullis indiget probationibus. 21. 5.

Exceptionum diuisio. 18. 1.

Exceptiones merè dilatorie quando habeant locum. 18. 2.

Exceptio non numerata dotis itidem intra biennium competiti. 29. 8.

Exceptio non numerata pecunie in praxi admitti solet. 29. 9.

Exceptiones peremptorias post sententiam obijci posse, septem casus Accursius recenset. 18. 13.

Exceptiones dilatorie quando opponi debent. 18. 3.

Exceptiones dilatorie seu declinatorie que dicantur. 18. 4.

Exceptiones declinatorie quando opponi debent. 18. 5.

Exceptiones peremptorie que dicantur. 18. 6.

Exceptio peremptoria an in executione opponi possit. 18. 7.

Exceptiones peremptorie in termino appellationis rectè opponuntur, quod in dilatoriis secus est. 18. 8.

Exceptiones peremptorias etiam in executione obijci posse. D. D. iuris communis opinio. 18. 9.

Exceptiones compensationis etiam in executione locus est. 18. 10.

Exceptio que non impugnatur sententiam, potest opponi in executione rei iudicate. 18. 12.

Exceptio non numerata pecunie intra biennium opponi debet. 29. 5.

Exceptio non numerata pecunie transfert onus probandi in creditorem. 29. 6.

Exceptio non numerata pecunie in aliis contrahibus, præterquam in mutuo, an locum habeat. 29. 10.

Exceptio non numerata pecunie in quibus casibus etiam intra biennium non competit. 29. 11.

Exceptio non numerata pecunie: an habeat locum. 29. 12. De hac exceptione consuetudo Gallie. ibid.

Excusio debitoris quid dicatur. 16. 1.

Excusationis beneficium habet fideiussor. 16. 2.

Excusationis beneficium non competit fideiussori, quando debitor principalis est absens. 16. 3.

Exempla quod propter culpam Regis vel populi tota Regna sint euerfa. 9. 13.

Expense litis cur victori debeantur. 91. 1.

Expense triplices in iure reperiuntur. 91. 4.

Expensarum litis nomine quid præstari solent. 91. 5.

Expensas litis & damna victor liquidare ac iuramento comprobare debet. 91. 6.

Expense litis circa prolationem sententiæ peti debent. 92. 4.

Expense litis à iudice decerni possunt, etiam si petiti non sint. 92. 5.

Expensas litis index compensare potest. 92. 6.

Explicatio l. non distinguemus. §. cum quidam ff. de recept. qui. arbit. recep. 98. 7.

Explicatio textus artic. 21. lib. 2.

Explicatio l. si & iure 10. ff. qui pot. in pign. 40. 8.

Explicatio legis pen. C. de condictione catu. dat. 47. 5.

Expressa nocent, non expressa non nocent. 19. 7.

F.

Factum viatorum dominus diuersorij an præstare teneatur. 44. 6.

Falsicia que dicatur. 64. 3.

Famosus libellus quid dicatur. 81. 1.

Famosus libellus scribentis, aut in publicum proferentis pena. 81. 2.

Famosi libelli author, in quo crimen aliquod enorme obijciatur, grauiori pena afficiendus est. 81. 3. In famoso libello crimen publicum obijciens an puniatur. 81. 4.

111

CENTURIÆ PRIMÆ.

*Famosi libelli actio quo temporis spatio finiat-
tur.* 81. 5. (ciatur: 81. 6.

*Famosi libelli author iure Can. qua pœna affi-
Famosus libellus honorem alterius ledere non
potest.* 81. 7. *ibid.* *præiudicium Curie Rega-
lis, quo infami scriptio alium ledens capitis
est condemnatus.* 81. 3.

Feudum quid sit. 73. 2.

*Feudum aliud nouum, aliud antiquum, quod
& paternum dici solet.* 73. 3.

Feudi paterni ab antiquo distinctio. *ibid.*

*Feudorum species multifarie in iure reperi-
untur, quæ ad vsum regni non pertinet.* *ibid.*

Feuda hereditaria quæ dicantur. 73. 6. *In
feudo hereditario successor tenetur soluere
debita Vasalli defuncti, in aliis feudis non
item.* 73. 7.

Feuda noua non transeunt in collaterales. 73. 8.
*In feudis antiquis etiam agnati succedunt,
idq; in infinitum.* 73. 9. *In feudis tenor in-
uestitura inspiciendus est: & quid sit inue-
situra.* 73. 10. *In feudis duplex vinculum
non attenditur.* 68. 8.

Feudorum in Regno vsus. 73. 1.

*Feudi inuestituram Vassallus intra annum &
diem petere tenetur, alias perdit feudum.* 73.
11. *In feudo antiquo quando succedens de-
functo Vasallo est in reali possessione feudi,
non petitur noua inuestitura, sed antiquæ
confirmatio.* 73. 12.

*Feudorum confirmationes in Regno usurpan-
tur.* 73. 13. *ibid.* *Deciso Curia Regie de suc-
cessionem feudi antiqui facta iure Saxon.
agnati non succedunt in feudo ex iure de-
functi, verum ex simultanea inuestitura.* 73. 15.

*Feudi diuisio non alienat naturam feudi, secus
de iure Saxon.* 73. 16.

*Feudum alienas Vasallus sine consensu domini,
priuatur feudo.* 73. 17.

Feudi paterni alienatio in præiudicium agna-

*torum non valet, etiam Domino consentien-
te facta.* 73. 18.

*Feudi paterni alienatio inter agnatos concedi-
tur.* 73. 19. *ibid.* *causæ, ob quas Vasallus fe-
loniam committit, & feudum priuari potest.*

Fideiussor locum rei obtinet. 17. 2.

Fideiussor habet beneficium excussionis. 16. 2.

*Fideiussor renunciens beneficio excussionis, &
quando constat notoriè, debitorem soluendo
non esse, hoc beneficio amplius vii non de-
bet.* 16. 5.

*Fideiussor soluere promittens id, quod à debito-
re debetur, non habet beneficium excussio-
nis.* 16. 10.

Fideiussores lacupletes qui dicantur. 14. 10.

*Fideiussorie cautioni in criminalibus atrocio-
ribus nemo committi debet.* 15. 13.

*Fideiussori non competit beneficium Excussio-
nis, quādo debitor principalis absens est.* 16. 3.

*Fideiussori datur tempus deducendi principa-
lem.* 16. 4. (16. 6.

Fideiussoris conueniendi iuris Saxon. dispositio.

Fideiussionis cautella obseruanda. 16. 11.

Fideiussoris heres ex fideiussione obligatur. 17.
1. *ibid.* *Limitatio dicti de obligatione heredis*

*Fideiussoria obligatio vel est dandi, vel facien-
di, vel mixta.* 17. 4. *De fideiussoribus in cau-
sa criminali Hyppoliti de Marsiliis sententia*

Fiscus & mulier pari passu ambulat. 41. 8. (15. 6.

*Foro renunciari potest etiam sine consensu iu-
dicis.* 7. 2. *In foro proprio unusquisq; conue-
niri debet,* 3. 1. *In foro incompetenti acta ad
nihilum redigi solent.* 3. 2. *In vel ad forum
incompetens aliquem euocans quomodo pu-
niatur.* 3. 3. *Ita, ad iudicem incompetem e-
uocatus, exceptionem fori non opponens, iudicem
agnoscere videtur.* 3. 4.

Forum comperens quibus ex causis fiat. 3. 6.

*Forum quomodo qui sortitur originis & manu
missionis ratione.* 3. 10.

INDEX OBSERVATIONVM PRACT:

*Frater distinctus excluditur à fratre utring,
coniuncto. 65. 4.*

*Fratrum filij iure 12. tab. à patruis excluden-
bantur. 65. 1.*

*Fratrum filij iure nouo cum patruis ad successio-
nem vocantur in stirpes. 65. 2.*

*Fratris premortui filij iure Saxon. per patrum
à successione defuncti patruis excluduntur 65. 3.*

*Fratrum indistinctorum filij cum fratribus de-
functi distinctis pariter ad successionem vo-
cantur. 65. 5. ibid. In fratrum filiis ius re-
presentationis ex Constit. Imp. Caroli V. ob-
seruatur. 65. 6. Ibid. Quod fratrum filij in
stirpes succedunt, praxis Regni. Ibid. Volū
patris est, ut successio ad filios perueniat.*

*Fratrum filij preferuntur patruis defuncti iu-
re Ciuili, & iure Saxon. secus. 65. 10. In suc-
cessione non attenditur differentia sexus.
ibid. In Regno masculi feminas excludunt
à successione. 65. 12.*

*Frater sororem lege Mosaiica repellebat à succes-
sione patris. 65. 13.*

*Fratrum filij quod inter se succedant in stirpes,
non in capita, communis opinio. 66. 1. Ibid.
Azonis & Zafu contraria probatur senten-
tia. In fratrum filiis ius representationis
quando habeat locum. 66. 3. Ius Saxon. ac-
cedit superiori sententia. 66. 4. ibid. Obie-
ctionum Accursii & aliorum solutio, ibid.
Constitutio Caroli V. eandem probat senten-
tiam. ibid.*

*Fratres ex uno latere coniuncti excludunt pa-
truos, & auunculos, secundū ius Ciuile 67. 1.
Iure Saxon. pariter vocantur cum patruis.
ibid.*

*Fratres medij, ab indistinctis uno membro sunt
remotiores, iuxta dispositionem iuris Saxon.
67. 3. ibid. primus gradus cognationis secun-
dum Saxones quis dicatur.*

Fratres utring, coniuncti preferuntur ex uno

*latere coniunctis. 68. ibid. plures rationes
vincunt unam. Prærogatiua duorum vin-
culorum in cognatione quousque extendi-
tur. 68. 3.*

*Frater indistinctus iure Saxon. cur excludat di-
stinctum. 68. 5. A fratre distincto descen-
dentes remotiores sunt descendentiis ab
indistincto 68. 6.*

*Fructus in iure alij dicuntur naturales, alij in-
dustriales 90. 10.*

*Fullo & sarcinator pro mercede actionem præ-
scriptis verbis habent. 45. 15.*

*Furtum non censetur pro casu fortuito, & ideo
in societate præstari debet. 46. 8.*

*Furtum à domestica persona commissum culpa
non adnumeratur. 46. 9.*

Furtis obnoxia est seruorum natura. ibid.

*Furtum simplex iure ciuili pena capitali non
punitur. 82. 1.*

*Furto ablatarum rerum possessor quibus actioni-
bus conueniatur. 82. 2.*

*Furtum aliud manifestum, aliud non manife-
stum. ibid.*

Fures secundum ius Saxon. suspendi debent.

*Furro ablata res secundum ius Saxon. quomo-
do vindicentur. 82. 6. ibid. inueniens rem
alienam, quid facere teneatur.*

*Furibus & latronibus ereptæ res earum domi-
nis restituantur. ibidem.*

G.

*Gerada quid dicatur. 56. 1. Ad Geradam
quæ res pertineant. ibid.*

*Gerada mortua uxore ad quem spectet. 56. 3.
bona immobilia uxoris sunt in potestate ma-
riti. ibid. In Gerada præfertur cognata ma-
tri mariti defunctæ. 56. 5. In Gerada filia
præfertur cognatæ. 56. 6. In Gerada Clericus
cum sorore succedit. 56. 7. De Gerada Plebi-
scitum Ciuitatis Posnaniensis. 56. 8.*

Gerada intra quod tempus peti debeat. 56. 9.

Geradam

CENTURIAE PRIMAE.

Genitam an transmittant ad cognatas uxores rusticorum. 56. 10. *De Genita Praxis Curia.* 56. 11. *Ius Saxon. triplex fuit.* *ibid.* *Guaranda prestita secundum ius Saxon. actionem mutare non licet.* 13. 8. *Guaranda seu Varanda quae dicatur.* 13. 9. *Guaranda prestita actor reum defendere debet.* 13. 10. *Guaranda promittitur, non prestatur.* *ibid.* *Guarande non seruata poena.* 13. 12. *Guaranda suscepta reus teneatur respondere.* 13. 10.

H.

Hergeueitib quid. 57. per totum. *Heres cum defuncto pro una persona quomodo censetur.* 25. 1. (25. 3. *Heres non tenetur iurare super facto defuncti.* *Heredem teneri ad prestandum iuramentum pro defuncto ius Saxon. disponit* 25. 6. *glossa & praxis eiusdem iuris contrarium docet.* *ibid.* *Heredis factu defuncti imputari non debet.* 25. 5. *Heres de ignorantia tantum iurare potest.* 25. 9. *Homines Christianos non decet de apicibus iuris disputare.* 29. 14. *Homicidium casuale penam capitis non meretur.* 84. 2. *ibid. differentia inter casum fortuitum & improuisum.* *Homicidium ex las. iuria committens non est immunis a poena.* 84. 4. *Homicidium committens puer non punitur.* 1. *Cornel de Sicar.* 45. 1. *Honor cuiuslibet commodi pecuniario preferendus est.* 83. 6.

I.

Ignorantia duplex, iuris & facti. 77. 11. 30. 12. *Ignorantia iuris quib. non noccat.* 77. 12. *& Ignorantia facti quando non noccat.* 30. 7. *Ignorantia iuris non excusat, quando Icturum copia haberi potest.* 30. 13. *Impedimenta legitima excusant a poena contu-*

maciae. 12. 1. *an idem de aliis iustis causis intelligendum.* *ibid.* *Impedimenta legitima habentur vis fluminis & amissio equi.* 12. 3. *Impedimenta legitima ex usu terrarum Saxon. per nuncium denunciantur.* 12. 8. *Circa impedimenta legitima probanda iuris Polonici dispositio.* 12. 9. *Imprudencia & aetati in omnibus penalibus iudicii succurritur.* 85. 7. *Impuberes & pubertati proximi delinquere possunt, & ideo puniuntur.* 85. 6. *Impubes & pubertati proximus si delinquat fortuito vel improuiso, vel malitiose distinguendum est.* 85. 8. *Incendium vel furtum an casibus fortuitis adnumerari debeat.* 39. 6. *Indebitum qui soluit sciens, donare videtur.* 31. 1. *Indebitum soluens per ignorantiam iuris vel facti quando id repetere possit.* 30. 3. *Indebitum fit* 4. *modis.* 32. *Indebitum iure ciuili an ob ignorantiam iuris repeti possit.* 30. 5. *Indebiti conditio est iuris naturalis.* 30. 6. *Indebiti conditio an locum habeat, si debitum ante tempus solutum sit.* 30. 9. *Indebiti conditio quibus casibus cessat.* 30. 10. *Indicia ad quaestiones quae plena & manifesta sint, iudicis prudentiae committitur.* 22. 2. *Indicia plena dicuntur, quae duobus testibus, quinimo & uno probantur.* 22. 3. *Induciae aliter iure ciuili, aliter iure Saxon. reus dantur.* 2. 6. *In exigendo debito quis ordo seruandus.* 32. 11. *Infans ab impubere, & eo qui pubertati proximus est, quomodo differunt.* 85. 2. *Infantes & infantiae proximi nullatenus puniuntur.* 85. 9. *In his, quae numero, pondere, mensura constant, cuius sit periculum.* 47. 12.

Iniuria

INDEX OBSERVATIONVM PRACT:

Iniuria realis quomodo fiat. 79. 1.
Iniuria realis grauior quomodo puniatur. 79. 2.
Iniuria verbalis quomodo committatur. 80. 1.
Iniuria perficitur ex animo & proposito iniuriandi. 80. 5. (80. 7.
Iniuria verbalis puniatur arbitrio Iudicis. 80. 6.
Iniuria verbalis iure Saxon. puniatur emenda.
Iniuria verbalis in Regno reuocatione vindicatur. 80. 9. *ibid.* actio illar- uocatoria, utrum sit criminalis, vel civilis. 80. 10. *Iniurie quibus modis tolluntur.* 80. 12. *Ob verbalem iniuriā nulla pena imponitur iure Cano.* 80. 11.
Iniuriam agi potest civiliter & criminaliter.
 78. 1. *actione una intentata, non datur recursus ad aliam.* *ibid.*
Iudicium criminale & civile competit ex eodē facto, non tamen ad idem persequendū. 78. 3.
Iniuriarum actio civilis que dicatur. 79. 2.
Iniuriarum criminaliter quando agi dicatur. 79. 3.
In criminalibus causis circumstantiæ considerande sunt. *ibid.* 79. 5.
Iniuria levis quando committitur, quid iuris sit iure Saxon. 79. 6.
Iniuriam reus resarciens ante latam sententiā, absoluitur ab impetitione actoris, & obseruatione iudicij per sententiam interlocutoriā. 79. 7. *ibid.* iure Civilis vulneranti hominem liberum, qualis pena imposita sit 79. 10.
In Regno de iniuriis æstimandis iuris Saxon. dispositio non attenditur. *ibid.*
Iniuriam facit, qui exprobrando vitia naturæ aliquem obiurgat. 80. 2.
Iniuriosum est verbum mentiris. 80. 3.
Iniuriarum non tenetur, qui aduersario in iudicio crimen aliquod obijcit. 80. 4.
In iure gradus comparationis confunditur. 45. 3.
In questione voluntatis, semper id quod certum & solutum est, præstat. 50. 5.
Inscribere sese accusator in criminalibus, ad

penam talionis, & custodia similitudinē subire tenetur. 15. 1. & *ibid.* 7. *Sententia Accursii, quod & sine inscriptione accusator subeat penam talionis.* (15. 3.
Inscriptio non requiritur ex Imp. Carol. Constit.
Instrumentum publicum & priuatum quot rebus improbetur. 27. 7.
Inter duo mala minus eligi debet. 88. 12.
Interpretatio l. fistule. §. frumēta. ff. de conſept.
Interpretatio textus iuris Saxon. de hæredis ſideiſſoria obligatione. 17. 6.
Inter virum & uxorem nulla est sanguinis cōiunctio, sed principium adſinitatis. 69. 6.
Inuadens res alienas immobiles, qua pena afſiciatur. 90. 2.
Inuafus ab aliquo, num fugere teneatur. 83. 5.
Inuentarij confeſſio an remitti poſſit. 58. 5.
Inuentarium ob utilitatem pupilli non confeſſitur. *ibid.* (26. 4.
Iudex quomodo ſupplere poteſt quid in cauſa.
Iudex prout religio ſuggeris ſententiā præſerre debet. 26. 5.
Iudex iurare debet de ſententiā ſibi non liquere. 26. 6.
Iudex neminem condemnare debet, accuſatore deficiente. 26. 9.
Iudex an ſecundū Conſcientiam, an verò ſecundū acta & probata iudicare debeat, diuerſe ſunt DD. iuris circa hanc quæſt. opinionones. 26. 2.
Iudicem ſecundū Conſcientiam iudicare debere. Accuſii ſententiā reſellitur. 26. 7. *ubi & ſententiā authoris, quod ſecundū acta & probata iudicandum ſit.* *ibid.*
Iudex ad quæſtiones procedere non debet, & ſi reus ſe ad eas trahit ſi deficiant iudicia plena. 22. 4.
Iudicis pena iniquè aliquem quæſtionibus ſubigentis. 22. 5. (debeat. 32. 10.
Iudicis æſtimatio in datione pignoriū qualis eſſe
Iudex

CENTVRIÆ PRIMÆ.

Iudex estimationem dotis quando facere possit. 87. 3.

Iudex modum iuriiurando in litem statuere potest. 91. 7. *Ad iudicem etiam incompetentem vocatus comparere debet.* 3. 5.

Iudex iustam causam litigandi cognoscere debet. 91. 2.

Iudei teste sacra scriptura nullibi certas sedes habent. 100. 1.

Iudei quomodo iuri communi & legibus civilibus subsint. 100. 5.

Iudeorum in Regno amplissimus numerus. 100. 2.

Iudeorum libertates & priuilegia in Statuto Regni comprehensa. 100. 3.

Iudeorum Priuilegia ad terras maioris tantum Poknie referri debent. 100. 4.

Iudeis non licet nouas Synagogas extruere, sed tantum antiquas restaurare. 100. 6.

Iudeis familiam Christianā alere nō licet. 100. 7.

In Iudeorum successione non seruatur ius Civile, sed lex Mosaica. ibid.

Iudicium in inuitum dari non potest. 35. 3.

Iudicium incipere debet ab Edicto de in ius vocando. 8. 2.

Iura omnes scire debent, exceptis minoribus & militibus. 39. 11.

Iuramentum extraordinarium est probationis subsidium. 23. 1.

Iuramenta deferri temerē non debent. 23. 2.

Iuramentum actor nihil probans iure Saxonico potest deferre. 23. 5.

Iuramentum imponitur ob inopiam probationum. 23. 6.

Iuramenta quando à iudicibus reis imponantur, 23. 8.

Iuramentum referri potest. 24. 1.

Iuramentum quibus casibus referri possit distinctione declaratur. 24. 2.

Iuramentum aliud est necessarium, aliud voluntarium. 24. 3.

Iuramentum delatum in continenti acceptari debet. 24. 5.

Iuramentum cur in continenti acceptandum sit, ratio redditur. 24. 6.

Iuramento prestito an iudex taxationem facere possit. 9. 8.

Iuramentum acceptanti dilatio ad deliberandum danda est. 24. 7.

Iuramentum deferens, stante deliberatione an possit penitere. 24. 8.

Iuramentum iure Saxonico deferri potest, etiam si non acceptetur. 24. 9.

Iuramentū non extenditur ad incognita. 50. 6.

Iuramentum à debitore exigere solet, quod aurum & argentum non habeat. 32. 7.

Ius Saxonico contrarium disponens quomodo intelligendum. ibid.

Iure communi eareus standum est, donec statuto discreto contrarium cautum reperiatur. 52. 7. ibid.

Iure Saxonico vincens absq; iuramento & iudicis taxatione, consequitur estimationem rei & damni accepti.

Iuramenti dilatione penitentia non est locus iure Saxonico. 24. 10.

Iurisiurandi religio Deum vltorem habet. 23. 3.

Iurisiurandi relatio in famosis actionibus non habet locum. 24. 4.

Iurisdictioni sui iudicis se opponens cuiuscunque sit status ubique reperitus fuerit, respondere tenetur. 5. 2.

Iuris Canonici circa renuntiationem fori dispositio. 7. 6.

Ius dicenti extra territorium impune non paritur. 9. 10.

Ius ad ea adaptari debet, quae frequenter, non quae raro eueniunt. 41. 6.

Ius retractus ex l. Mosaica desumptum. 49. 1.

In iure retractus equitatis ratio consideratur. 49. 2.

INDEX OBSERVATIONVM PRACT:

Ius vetus de iure retractus iure Codicis abrogatum est. 49. 3.

Ius retractus intra annum & diem secundum Canones prosequi licet. 49. 4. (49. 5.

Ius retractus uxori competit in bonis mariti.

Ius retractus actio est in rescriptis, & possessionem persequitur. 49. 6. ibid.

Integrum pretium retrahens offerre debet. 49. 7.

Imò sumptus & expensas reddere tenetur. ibid.

Ius retractus praescriptio currit à tempore rei traditionis. 49. 9. ibid.

Iuramentum retrahens prestare tenetur, quod bona fide in usum suum hoc beneficio utatur. 49. 10.

L.

Leges Civiles non dedignantur sacros Canones sequi. 36. 4.

Leges Codicis potestatem relinquunt creditoribus, ut emissoreo, conveniat fideiussorem. 16. 8.

Leges priores tolluntur per posteriores. 16. 9.

Leges Contrariae, quod Venditor teneatur ad restitutionem pretij post emptionem perfectam re interempta. 47. 2.

Legis ratio ubi cessat, eò lex producenda non est, & ex adverso, ubi eadem est ratio legis, idè ius statuendum est. 4. 8.

Lex 12. tab. de debitoribus verba 33. 3.

Lex 12. tab. in debitores qualis fuerit. 33. 2.

Lex Petilio & Papyrio Cass. de obstructis aere alieno lata 33. 5.

Lex Julia de iisdem qualis fuerit 33. 6. differentia inter l. Petiliam & inter l. Iul. ibid.

Legitimam pater cuiuslibet filiorum relinquere debet. 63. 3.

Legitime necessitates excusant à pena contumaciae. 12. 1.

Legitimatio per rescriptum Principis an de iure locum habeat. 71. 1. In legitimatione per rescriptum Principis quae requirantur. 71. 2. Ea quae sunt iuris divini & naturalis Principum

voluntate mutari nequeunt. 71. 4. In legitimatione per rescriptum Principis Praxis & consuetudo locorum. 71. 4.

Legitimare potest Rex in suo Regno ex quocumq; illegitimo coitu natos 71. 5. In legitimatione consensus collateralem, virum sit necessarius. 71. 6.

Legitimatio per rescript. princip. an fieri possit in feudis antiquis in praedictum agnatorum 71. 7. ibid. Privilegia principis sine praedictio tertijs intelligenda sunt. In legitimatione per subsequens matrimonium requiritur ut liberi ex concubina nascantur. 70. 3. An ad legitimationem requirantur dotalia instrumenta 70. 4. ibid. in causis matrimonialibus ius Canon. servari debet. ibid. quales illegitimi per subsequens matrimonium legitimantur. 70. 6.

Legitimatio plena alia, alia limitata. 71. 9.

Legitimatio per oblationem Curiae an de iure locum habeat. 71. 10.

Legitimus quid dicatur. 72. 1. Ad legitimationem probandam coniectura & probationes quales esse debeant. 72. 3.

Legitimitatis questio in foro Ecclesiastico potius, quam seculari tractari debet. 72. 10.

Legitimitatis probatio virum in loco domicilij, an in loco originis fieri debeat. 72. 5. onus probandi illegitimitatē quando transcat in adversarium. ibidem.

Libellus quid dicatur. 13. 1.

Libellus ex consensu partium omitti nequit. 13. 2.

Libelli vim obviet in Regno propositio actionis. 13. 3.

Libellum mutare auctori iure Civili permittitur. 13. 4.

Libellus an ipso iure, an per sententiam iudicis mutandus sit. 13. 5.

Libellus quando corrigi, vel mutari possit. 13. 6.

Libellus mutari potest in forma, qualitate, & materia. 13. 14. De sententia, quod post evandam

CENTURIÆ PRIMÆ.

vandam substantia tantum mutari non possint. ibidem.

Liberi in diuisione hereditatis à parentibus percepta conferre tenentur. 64. 1.

Liberi emancipati iure Saxon. bona conferre tenentur. 64. 7.

Liberi illegitimi qui dicantur. 69. 1. ibid. Illegitimorum triplex differentia. Naturales qui sint ibid. Naturales quomodo succedant parentibus. 69. 4. & Liberis naturalibus quomodo parentes succedere debeant. 69. 7.

Liberi naturales matri succedunt etiam illisfiri 69. 12.

Liberi legitimi illegitimis cur non succedat. 69. 23. Praxis terrarum Saxon. in eo casu recedat à iure Saxon. Magdeburgenses dispositionem iuris Saxon. tenent. ibid. Praxis Curie Magdeburgensium sententiam sequi solet. 69. 27. Sacra scriptura illegitimam prolem abominatur. ibidem.

Liberi naturales & legitimi per subsequens matrimonium legitimantur. 70. 1.

Liberi illegitimi ex adulterino complexu nati, an per subsequens matrimonium legitimantur. ibidem.

Liberi Clericorum an per subsequens matrimonium legitimari possint. 70. 8.

Liberi Clericorum ab omni successione paterna & materna, & e contra, remouentur. 70. 9.

Liberis etiam secundi matrimonij plus potest relinquare pater, quam ex priore matrimonio procreatus. 63. 4.

Liberis militia causa à parentibus data an conferri debeant. 64. 4. Dignitatis adipiscende causa percepta num conferantur. ibidem.

Ad liberos que ex testamento perueniunt, non veniunt in bonorum collationem. 64. 2.

Limitata causa, limitatum producit effectum. 68. 4.

Locus publicus quis dicatur. 34. 7.

Lucrum quid propriè dicatur. 64. 5.

M.

Macula parentum deriuatur in tertiam usque prolem. 69. 19.

Magdeburgum est sedes Municipalis iuris Magdeburgensium. 95. 2. Ex Magdeburgo ius petere in Polonia quando cessatum sit. 95. 3.

Mandatarius expensas actione contraria petere, vel ex fructibus deducere potest. 45. 11.

Mandatarius an salarium à mandante petere possit. 45. 12.

Mandatarius an alium substituere possit. 45. 17.

Mandatarius fines mandati excedere non debet. 45. 7.

Mandati fines non excedit, qui id facit, sine quo exequi mandatum non potest. 45. 9.

Mandato quando renunciare liceat. 45. 18.

Mandato dolus & culpa preiari debet. 45. 11.

Mandatum debet esse gratuitum. 45. 13.

Mandatum susceptum consumari debet. 45. 16.

Mandatum morte viriusque tam madatis, quam mandatarij finitur. 45. 19.

Mandatum quando reuocari possit. 45. 20.

Mandatum recipiens ut de culpa leuissima teneatur, equitatis ratio suadet. 45. 6.

Mandatum iuxta prescriptum mandantis exequi debet, etiam si mandatarius aliter rem gesturus utilius fore existimet. 45. 8.

Mandatum excedens in emptione, id non repetit, quod ultra datum est. 45. 10.

Mater quare semper certa, & iidem cur pater semper certus probari non possit. 72. 2.

Matertera indistincte preferuntur amittis distinctis 68. 7.

Matri non creditur propriam alleganti turpitudinem. 72. 9.

Matrimonium etiam in articulo mortis contrahi facit, ut liberi sint legitimi. 70. 2.

INDEX OBSERVATIONVM PRACT:

Medicorum & Chyrurgorum iudicium invulnere quando requiratur. 86. 6.

Mercatura natalibus nobilium quomodo deroget, distinctio Dd. 74. 5. Inter mercaturam tenuem & uberem distinctio. ibidem.

Mercaturam sordidam in nobilibus leges Regni damnant. 74. 8. Consuetudinis magna est auctoritas. ibidem.

Mercatura vel studiorum causa absentes non censentur pro contumacibus. 12. 4.

Metus in iure quomodo accipiendus sit. 93. 5. In minore, siue pluri emerit, siue minoris vendiderit, locum habet beneficium l. 2. de resc. vend. 48. 8. In marito idem dotis nomine locum habet. ibidem.

Missus in possessionem omnibus creditoribus prodest 40. 7.

Mora delicto & furto equiparantur. 31. 3.

Mora aut sit bona fide, aut mala. 31. 4.

Mora non interveniente, si res depereat, cuius periculo id fiat. 31. 5.

Mora quomodo compurgari possit per debitorem 31. 10.

Mora fideiussoris non nocet principali, sicut & mora patris filio. 31. 11.

Mulctam prestare tenetur, qui iniuste petit rem alienam. 38. 5.

Mulier tacitam hypothecam priorem habens praefertur creditoribus expressam posteriorem habentibus. 41. 11.

Mulier expressam hypothecam habens posteriorem, non praefertur creditori expressam itide anteriorem habenti. 41. 13.

Mulier si dotaliu habens in bonis mariti consentiat in obligationem vel fideiussionem a marito actam, a solutione debiti non liberatur iure Saxon. 45. 5.

Mulieres testimonio an conuinci possint. 42. 11.

Mulieres publice pudicitiam prostituentes non sunt dignae legum beneficio. 87. 4.

Mulier quando vis fieri dicatur. 88. 6.

Mulier de violentia conquerenti quando fides adhibenda sit. 88. 7.

Mulieribus impudicis de raptu & violentia conquerentibus, fides adhibenda non est. 87. 6.

N.

Necessitas nullam habet legem. 32. 5.

Nemo cum alieno damno locupletari debet. 9. 8. & 62. 4.

Nemo est membrorum suorum dominus. 15. 1.

Nemo de domo sua in ius vocari debet. 1. 1.

Nemo alteri cum suo damno benigne facere cogitur. 36. 8.

Nemini officium damnosum esse debet. 62. 3.

Nihil tam naturale est, quam eo modo quodque dissolui, quo colligatum est. 27. 4.

Nobilitas quibus modis amittatur. 74. 1.

Nobilitati exercitium mechanicarum artium cur deroget. 74. 2.

Nobilitati mercatura utrum derogare possit. 74. 3.

Nobilitati mercaturam officere, leges Regni & ius Civile statuunt. 74. 4.

Nothi seu ex damnato coitu nati qui dicantur, & an succedant. 69. 14. ibid. iure Can. ex damnato complexu procreatis alimenta debentur. 69. 15. Non omnium quae a maioribus tradita sunt, ratio reddi potest. 69. 22.

Novatio quae dicatur. 35. 1.

Novatio alia voluntaria, alia necessaria. 35. 2.

Novatio iure nouo non intelligitur facta, nisi id expresse actum sit. 35. 4.

Novatio ex verbis & verisimilibus coniecturis colligi debet. 35. 5.

Novatio etiam per acceptilationem fieri solet. 35. 6.

Novationis species est delegatio. 35. 7.

Novatio locum habet, si obligatio sequens est civilis vel naturalis. 35. 8.

Oblatio

CENTURIÆ PRIMÆ.

O.

- O**blatio pecunie qualisnam esse debeat. 35. 5.
 Oblationis iusta & legitime effectus. 34. 8.
 Obligatio obligatum sequitur instar characteris. 5. 4.
 Obligatio sub pœna repressaliorum in Regno non obtinet. 9. 6.
 Obligatio fideiussoria, vel est dandi, vel faciendi, vel mixta. 17. 4.
 Obligatio facti qualis esse debeat, ut transeat ad heredes. 17. 5.
 Obligatio naturalis requirit consensum. 29. 4.
 Obligatio quibus modis contrahitur, iisdem dissolui debet. 34. 10.
 Obligatio fit quatuor modis. 34. 11.
 Obligatio tollitur iisdem 4. modis. ibid.
 Occidendi hominis causa telum portans, ut homicida punitur. 84. 1.
 Occidenti aliquem casu iure Saxon. pœna unus VVergeldi infligitur. 45. 5.
 Occupantis quando melior sit conditio. 40. 5.
 Omne qui dicit, nihil excludit. 50. 9. In ore duorum vel trium consistit omne verbum. 20. 7.
 Opinio Accursii legis vigorem habet. 85. 5.

P.

- P**acta seruare æquitati congruit. 50. 3.
 Pacta obscura & ambigua nocent ei, qui legem contractus dicere potuit apertius. 50. 10.
 Pacta de foro non sunt necessaria, sed voluntaria. 7. 3.
 Pactum de casibus fortuitis quomodo intelligi debeat. 50. 4.
 Pactum aliud nudum, aliud vestitum. 7. 4.
 Papa & Imperator omnibus Principibus quomodo sine superiores. 9. 11.
 Parentum negatione filius non excluditur à iure filiationis. 72. 8.
 Pecunia in loco publico deponi debet. 34. 5.

- P**œna Iudicis iniquè aliquem questionibus subiectis, qualis sit. 22. 5.
 Pœne in dubiis mollienda potius, quàm exasperanda. 21. 8.
 Pœna non seruata euarende in Regno non semper attenditur. 13. 13.
 Pœna acrior infligitur vilioribus, quàm honestioribus. 15. 11.
 Pœna capitalis non tantum mortem, sed & exitium comprehendit. 15. 12.
 Pœne extraordinariæ definitio. 79. 4.
 Pœna non seruata quaranda. 13. 12.
 Periculum rei debita post mortem pertinet ad debitorem secundum commun. Dd. opinionem. 31. 1.
 Personarum honestarum & vilium distinctio VVesenbecij. 15. 11.
 Petitio unius non impedit petitionem alterius de iure ciuili. 38. 1.
 Pignore præstatur dolus & culpa lata, imo & leuis. 39. 1.
 Pignore leuissima culpa & casus fortuitus non præstatur. 39. 2. In pignoris casu quod creditores communicare debeant, Accursii sententia. 40. 10.
 Pignore casu fortuito amisso, creditor non tenetur ad eius solutionem, & nihilominus creditum petere potest. 39. 3. In pignore casus fortuitus quando creditori imputetur. 39. 5.
 Pignus manet in bonis debitoris. 39. 6.
 Pignus amissum creditor quando probare tenetur. 99. 7.
 Pignus habens præfertur aliis personales actiones habentibus. 40. 2. Quod an etiam in pignore iudiciali procedat, dubium est ibid.
 Pignus prætorium facit ut omnes creditores exaquantur. 40. 6. Plebiscita in Ciuitatibus Regni qualia sint. 55. 13.
 Possessio filiationis transfert onus probandi in aduersarium. 72. 7.

INDEX OBSERVATIONVM PRACT.

- Possessor quis dicatur, & quantum possidere opus sit. 14. 5.
- Possessor quomodo varandatore nominare debeat. 82. 7.
- Inter possessorem bone & male fidei distinctio in restituendis fructibus. 90. 9
- Possessor de iure Saxon. non tenetur respondere priusquam illi, qui petunt rem, inter se experiantur. 38. 3.
- Praxis & præiudicium Curie Regalis ex dispositione iuris Civilis non permittit reum continuis libelli mutationibus prægaurari. 13. 13
- Præiudicium Curie Regalis, actorem sequi debere forum rei. 3. 1.
- Præiudicium Curie Regalis, si quis inuitus trahatur ad alienum iudicem, eo casu sententiam iudicis esse nullam. 3. 4.
- Præiudicium Curie Regalis, iudicem penam non mereri vocantem etiam sue iurisdictioni non suppositum. 3. 5.
- Præiudicia aliquot Cur. Regal. in Regno tam in criminalibus quam civilibus locum non esse reconuentionibus. 6. 9. & 10.
- Præiudicium Cur. Regal. de fori renunciatione licita, cum distinctione, quando videlicet Priuilegium fori concernit principaliter fauorem renunciantis. 7. 7.
- Præiudicium Cur. Regal. Obligationem sub pena repressaliorum in Regno non obtinere 9. 6.
- Præiudicium & Praxis Cur. Regal. in contumacia actoris qualis sit 10. 10.
- Præiudicium & Praxis Cur. Regal. secundum ius Saxon. reum contumacem condemnat in amissione cause. 11. 6.
- Præiudicium Cur. Regal. secundum ius Saxon. tres contumacias requirit 11. 18.
- Præiudicium & Praxis Cur. Regal. de legitimis impedimentis. 12. 10.
- Præiudicium Curie Regal. de impedimento vi fluminis factio. 12. 3.
- Præiudicium Cur. de impedimento ratione fractionis rote allegato. 12. 6.
- Præiudicium Cur. Regal. quo absens legitimum impedimentum corporali iuramento comprobauit. 12. 7.
- Præiudicium & Praxis Curie in libelli correctione qualis. 13. 7.
- Præiudicium Cur. Regal. quod reus sine effugiis quibusuis ad libellum, post suspensionem guarande, respondere cogatur. 13. 16.
- Præiudicio & Praxi Cur. affirmatur, in Regno satisfactiones tam ex parte actoris, quam rei locum habere 14. 3.
- Præiudicium Cur. Regal. bona immobilia non possidentem, fideiussores idoneos dare, vel iuratorie cautioni committi. 14. 5.
- Præiudicium Cur. Regal. in casu speciali, quo quis necis inculpatus cautioni fideiussoria commissus fuit. 15. 13.
- Præiudicium & Practica Cur. Reg. de fideiussoribus. 16. 7. & quid leges Codicis hic statuunt. ibid.
- Præiudicium & Praxis Cur. Regal. de heredis fideiussoria obligatione. 17. 7.
- Præiudicium & Praxis Cur. Reg. ubi exceptio peremptoria etiam post sententiam opponitur. 18. 12.
- Præiudicium & Praxis Curie in assignando tempore dilationis probatorie dispositionem iuris Saxon. sequitur. 19. 10.
- Præiudicium Cur. Regal. ubi in criminali causa dilatio causa cognita data est. 19. 4.
- Præiudicium Cur. Reg. de dilatione concedenda actori in civilibus. 19. 5. & 6.
- Præiudicium seu Praxis Cur. Reg. probationes in criminalibus plenas & sufficientes requiruntis. 21. 1.
- Præiudicium Cur. Reg. quando euidentes probationes defuncti accusatum propiorem fuisse ad euadendam. 21. 10.
- Præiudicium Cur. Reg. ad Questiones seu tormenta, nisi plenis & manifestis indicis proceden-

CENTVRIÆ PRIMÆ.

- cedentibus, neminem condemnandum. 22. 1.
- Præiudicium Cur. R. quo actore non probante, reus fuit absolutus.* 23. 4.
- Præiudicium Cu. R. quo iuramentum delatum præstare, vel referre recusans, soluere necesse habuit.* 24. 1.
- Præiudicium & Praxis C. R. quod actor potius petitionem suam, quam hæres factum defuncti iuramento comprobare debeat.* 25. 8.
- Præiudicium C. R. quo debitor exceptionem soti debiti opponens rectè ad probationem allegationis suæ admittitur.* 72. 2. & quando hoc verum. *ibid.*
- Præiudicium & Praxis Cur. R. quod Chyrogaphum restitutum debitori volente & consentiente creditore, debitorem liberet.* 28. 2.
- Præiudicium & Praxis Cur. R. exceptionem de non numerata pecunia admitti solere.* 29. 8.
- Præiudicium Cur. R. iuris & facti errorem non nocere, quando agitur de evitando damno.* 30. 4.
- Præiudicio & Praxi Curie observatur ut loco summe pecuniarie debita pignora accipiantur.* 32. 6.
- Præiudicia aliquot Cur. R. quod creditores pro pecuniis pignora, vel res immobiles in solutum accipere coacti. iuramento à debitoribus præstito, quod aurum, argentum, paratamq; pecuniam &c. non habeant.* 32. 7.
- Præiudicium & Praxis C. R. sequitur ius Saxo. in eo, quod debitorem carceribus mancipandum statuit.* 33. 13.
- Præiudicium C. R. quod alimenta à creditore debitori in carceribus detento præstari debeant.* 33. 14.
- Præiudicium C. R. depositam pecuniam in loco publico ita demùm liberare debitorem, si ibidem remaneat.* 34. 9.
- Præiudicium C. R. nouationem etiam ex verbis & similibus coniecturis colligi debere.* 35. 5.
- Præiudicium C. R. quod possessor rei petita non prius teneatur alteri petentium respondere, quàm illi inter se de iure suo exporti fuerint.* 38. 3.
- Præiudicium & Praxis Curie ius Saxo. sequi solet, quod creditori probatio incumbat, pignus sine dolo & culpa sua perisse.* 39. 8.
- Præiudicium & Praxis Cur. R. sententiam Accursii sequitur, quod videlicet ratione pignoris creditores communicare debeant.* 40. 9.
- Præiudicium C. Reg. si mulier habens dotalitatem in bonis mariti, sponte consentiat in obligationem vel fideiussionem à marito factam, à solutione debiti non liberatur.* 42. 5.
- Præiudicium Cur. R. licet uxor habeat dotalitatem in bonis mariti, neg. tamen consentias in obligationem à marito factam, ad solutionem debiti pro marito cogi nequit.* 42. 6.
- Præiudicium C. R. in debitis id attendi, in cuius utilitatem pecunia sit versa, ceteroquin uxorem iuxta suam negatiuam propiore esse proprio se purgare iuramento.* 42. 10.
- Præiudicium Cu. Reg. quod depositum defuncto depositario ex hereditate ante omnia percipi debeat.* 43. 25.
- Præiudicium Cu. R. furtum non computandum inter casus fortuitos.* 44. 4.
- Præiudicium C. R. mandatarium impensas in persiciendo mandato vel in litem factas, repetere posse.* 45. 11.
- Præiudicium C. R. procuratorem vel mandatarium alium substituere posse lite iam contestata.* 45. 17.
- Præiudicium Cur. Reg. de eo, an etiam pretium emptori pereat.* 47. 3.
- Præiudicium C. R. ius retractus intra annum & diem secundùm Canones persequi licere.* 49. 4.
- Præiudicium C. R. etiam uxorem ab extraneo emptore bona mariti, si propiores non sint, iure retractus repetere posse.* 49. 5.

INDEX OBSERVATIONVM PRACT.

Praeudicium Cu. Reg. actionem iuris retractus esse in rem scriptam & possessorem persequi. 49. 6.

Praeudicium Cur. R. post annum & diem mora purgationem in iure retractus non esse admittam. 49. 10.

Praeudicium Cu. Re. iuramentum à retractante exigi solitum, quod bona fide iure retractus utatur. 49. 11.

Praeudicium Cur. Reg. quod Euictio ex natura contractus omnino praestari debeat, etiamsi nihil de ea conuentum fuerit. 51. 1.

Praeudicium Cur. R. in certo casu, quo Euictio non praestitur, etiamsi de ea conuentum sit. 51. 6. *Ibid. Praxis Curiae & iudicij terrestres tenet, quolibet tempore venditori renunciari posse, ut ratione Euictionis adsit.* 51. 7.

Praeudicium C. R. quod uxor tutorem habens à Magistratu, marito donare possit. 52. 6.

Praeudicia aliquot C. R. donationes reciprocas inter coniuges valere. 52. 12.

Praeudicium Cur. R. huiusmodi donationes reciprocas, si non sint aequivalentes, non valere. *ibid.*

Praeudicium & Praxis Cu. R. quod donatio seu resignatio bonorum immobilium in iudicio ordinario bannito fieri debeat. 53. 7.

Praeudicia aliquot Cur. R. bona mobilia uxoris cedere marito. 55. 6.

Praeudicium C. R. quod dotalitium mulier vel heredes ipsius soluto matrimonio ex bonis maritis petere possunt. 55. 8.

Praeudicium C. R. quod mulier dimidiam partem omnium bonorum mariti, postquam lectum eius ascenderit, & e contra, vir uxoris habeat. 55. 12.

Praeudicium C. R. quod iuxta Plebiscitum Ciuitatis Beopolien tertiam saltem bonorum suorum partem maritus ad uxorem transmissit. 55. 13.

Praeudicium Cur. R. quod Gerada post mortem filiae debeat manere penes patrem iuxta Plebiscitum Ciuitatis Posnaniensis. 56. 8.

Praeudicium Cur. Re. quod arma bellica Anna cuidam post mortem patris debeantur; hereditibus masculis ex lumbis defuncti deficientibus. 57. 5.

Praeudicium Cu. R. tutorem nisi finita tutela rationem reddere non teneri. 59. 1.

Praeudicium C. R. tutores ob non confectum inventarium, quod ita rebus pupillorum consultum putarent, absolutos fuisse. 58. 7.

Praeudicia C. R. Magistratum rationes à tutoribus praesertim datius quotannis repetere posse. 59. 4.

Praeudicia aliquot C. R. tutorem res pupillares casu amissas iuramento probare debere. 59. 7.

Praeudicia aliquot Cu. Re. quod uno tutore renunciente, alius dari possit. 60. 2.

Praeudicium Cu. R. quod testamentarij tutores matri & aui praeferruntur. 60. 9.

Praeudicium Cu. R. pupillum res à tutore alienatas consequi posse non tantum iure aditione personali contra tutores, sed & rei vindicatione contra quoscumque possessores. 61. 6.

Praeudicium C. R. pupillo in integrum restitutionem dari, si maior factus laesum se esse doceat. 61. 7.

Praeudicium C. R. quod solutio eorum, quae tutor bona fide in negotia pupilli de suo exposuit, iniuncta est. 62. 5.

Praeudicia C. R. in condendis testamentis consuetudinem spectari debere. 63. 9.

Praeudicium C. R. in legato ad pias causas testamentum etiam minus solenne valere. 63. 12. *Ibid. casu, quo D. Rex Stephanus testamentum de bonis immobilibus approbavit.*

Praeudicium C. R. nec filiam ornamenta muliebria à patre sibi comparata, nec filium sumptus in studia à patre impensores, coferre teneri. 64. 9. & 10.

CENTURIÆ PRIMÆ.

Praeudicium C. R. quod fratrum filij in stirpes succedant. 65. 7.

Praeudicium Cur. R. quod frater ex uno latere coniunctus excludat patrum. 67. 6.

Praeudicium Cur. Re. quod mater tera utringq; coniuncta amittit ex una tantum parte coniuncta preferri debeant. 68. 7.

Praeudicium C. R. quod liberi legitimi ex illegitimis parentibus nati, illis non succedant. 69. 25.

Praeudicium C. R. legitimatos per subsequens matrimonium pro veris & legitimis censerit, & ad quamvis successionem admitti debere. 70. 6.

Praeudicium C. R. legitimationem per rescriptum principis in Regno locum habere. 71. 1.

Praeudicium Cur. Reg. omnes ex quocumq; illicito complexu natos posse à Rege legitimari, non tantum quod ad honores, sed & successiones. 71. 5.

Praeudicium Cur. R. probationem legitimitatis non tam in loco domicilij, quam originis fieri debere. 72. 5.

Praeudicium Cu. Re. quod si instituta questione hereditaria, obijciatur questio natiuitatis, hæc prius coram iudice Ecclesiastico terminanda sit. 72. 10.

Praeudicium Cur. Reg. Vassallum feudum alienantem sine consensu Domini, priuari feudo. 73. 17.

Praeudicium Cur. Reg. quod si feudum sit antiquum, & defuncto succedens in possessione reali inueniatur, non habeat necesse nouam inuestituram petere, sed tantum antiquæ confirmationem. 73. 14.

Praeudicia C. R. cum qui per sententiam iudicis interficitur, vel qui se ipsum radio vitæ, vel impatientia doloris interficit, non puniri confiscatione bonorum. 75. 3.

Praeudicia Cu. Re. in prescriptionibus secun-

dum ius Canon. & Cameram Imperial. semper bonam fidem requiri. 76. 4.

Praeudicium Cur. Regal. immobilia 31. annorum & diei spacio posse prescribi. 77. 8.

Praeudicium Cur. Reg. actione una intentata non dari recursum ad aliam. 78. 2.

Praeudicium C. R. iniuriarum non teneri, qui aduersario in iudicio crimen aliquod obijciat, idq; se non animo iniuriandi facere protestetur. 80. 4.

Praeudicium Cur. Regal. iniuriam verbalem nunquam committi, nisi verba animo & proposito iniuriandi prolata fuerint. ibid.

Praeudicium Curie Regal. in Regno iniuriam verbalem reuocatione vindicari. 80. 8.

Praeudicium Cur. R. quo infami scripto alium ledens capitis est condemnatus. 81. 3.

Praeudicium Cur. Reg. quo emptor rei in communi foro emptæ venditorem ignorans, furti innocens iudicatus est nummis perditis. 82. 6.

Praeudicium Cur. R. quo quis pro furto vel spolio inculpatus, iuramento meritius se purgare tenetur. 82. 7.

Praeudicium C. Reg. quo pars rea ex intervallo homicidium committens in pœnam legis Cornel. de Sicar. condemnata fuit. 83. 9.

Praeudicium Cur. Reg. de iuvene, qui casuale homicidium perpetrauerat, supplicio affecto. 84. 6.

Praeudicium Cur. Regal. infantes & infantia proximos nullatenus esse puniendos. 84. 9.

Praeudicium Cur. Regal. quando dubium est, lethale sit vulnus, nec ne, ad medicorum & Chyrurgorum iudicium recurrendum. 86. 6.

Praeudicium Curia Regal. tempus quo vulnus illatum inspicere debere. 86. 7.

Praeudicium Cu. R. de stupro cuidam illato, & emenda 30 marca. eidem adjudicata. 87. 3.

Praeudicia Cur. Regal. quibus violator seu ep-

INDEX OBSERVATIONVM PRACT:

preffor virginis capitali pœna affectus. 88. 5.
Præiudicia Cur. Re. semper ei ignosci qui sanguinem suum qualiter qualiter redemptum voluit. 89. 5.

Præiudicium Cur. Reg. Violentum possessorem ad restitutionem damnorum & expensarum teneri. 90. 8.

Præiudicium Cur. Reg. lucri cessantis rationem non esse habendam. 91. 3.

Præiudicium Curie Reg. eum, qui temerè aduersarium in iudicium vocauit, viatica, litisq; sumptus reddere oportere. 91. 5.

Præiudicium Cur. Reg. quod damna & expense à parte liquidari & iuramento confirmari debeant. 91. 6.

Præiudicium Cu. Reg. damna & expensas non tantum per partem liquidari & comprobari solere, sed & per iudicem moderari. 91. 9.

Præiudicium C. Reg. quod citantes iudicium Dd. Adfessorum ob non admissam appellatorem, sessione turris vel alia pœna arbitraria affici debeant. 92. 9.

Præiudicium Cur. Reg. extraordinarias appellationes etiam in Regno locum habere. 93. 5.

Præiudicium Cur. Reg. quod quamuis appellatio viua voce in continenti post sententiam fiat, insinuatio tamen intra decennium fieri possit. 93. 6.

Præiudicium Curie Reg. quò ad tempus prosequenda appellationis, ius ciuile in Praxi obseruari. 93. 7.

Præiudicium Cur. Reg. apud iudicem appellationis licere non allegata allegare, & non probata probare. 94. 1.

Præiudicia Cur. Re. ad intermedium iudicem appellandum esse prius, quàm ad superiorem. 95. 4.

Præiudicium Cur. Reg. quando appellans post factam appellationem causam tractat coram iudice à quo appellauit, videtur appellationi renunciare. 96. 3.

Præiudicium Cur. R. appellationi expresse, vel tacite renunciari posse. *ibid.*

Præiudicium Cur. Reg. appellationem à sententia arbitratorum, in quos cum stipulationem & pœna compromissum fuerat, admitti non debere. 98. 9.

Præiudicium Cur. Reg. Iudeos Iuri communi subesse, & legibus ciuilibus atq; statutis loci ligari. 100. 5.

Præiudicium Cur. Reg. quò secundum Statuta & Constitutiones Regni contra Iudeos proceditur. *ibid.* (76. 1.)

Prescriptio 30. annorū omnem tollit actionem.
Prescriptiones cur introductæ. *ibid.*

Prescriptio longissimi temporis etiam in de fidei possessori predest. 76. 3. *Ibid.* Iure Canon. semper bona fides requiritur.

Prescriptio qualis in bonis Ecclesia immobilibus locum habeat. 76. 5.

Prescriptione centum annorū Ecclesia Romanagaudet. 76. 6.

Prescribi res Deodicate nunquam possunt. 76. 7. *Ibid.* Decima sunt res Deodicate, & nullo modo sacerdotibus auferri possunt. 76. 8.

In prescriptione possessio continua requiritur. *ibid.* Quando prescribantur res mobiles & immobiles iure ciuili. 77. 1.

Prescriptionis & Vsucapionis differentia. 77. 3. *In prescriptione bona fides & certus titulus adesse debet.* 77. 4.

Prescribuntur res mobiles iure Saxon. anno & die 77. 6. *Ibid.* dies iure Saxon. accipiuntur pro termino sex septimanarum.

Prescribi possunt res immobiles & hereditariae 31. annorū & diei spatio. *Ibid.* Fiscus quando prescribat.

Prescriptio currit à tempore scientie. 77. 10. *Ibid.* ignorantia duplex iuris & facti.

Prescriptio in rebus furto ablatis an locum habeat. 82. 8.

CENTVRIÆ PRIMÆ.

Præsumitur quilibet bonus, donec probetur contrarium. 86. 4.

Precium emptorem amittere, re perempta, existimantium sententia refutatur. 47. 4.

Precium seu æstimatio loco rei an succedere possit. 32. 2.

Præsumptiones quibus casibus in criminalibus admittantur. 21. 9.

Primum & secundum decretum quid dicatur. 11. 2.

Privilegium prælationis ad dotes tantummodo, non autem donationes propter nuptias referri debet. 41. 14.

Privilegia Scholaribus ab Imperatore Friderico concessa. 4. 1.

Privilegium Scholaribus concessum, utram ad omnes causas tam ciuiles, quam criminales extendi possit. 4. 3.

Privilegium à Rege Vladislao Academiae Cracouien. tributum. 4. 6.

Privilegium Academiae Cracouien. concessum, an ad alias Scholas extendi debeat. 4. 7.

Privilegio pro se introducto quilibet renunciare potest. 7. 1.

Probari quæ non possunt, pro non gestis habentur. 20. 2.

Probatio præsumptiua filiationis quæ dicatur. 72. 6.

Probationes sunt facti. 20. 1.

Probationum diuisio. 20. 3.

Probatio plena quæ dicatur, quomodo fiat. 20. 4.

Probatio semiplena quid sit. 20. 5.

Probationi an duo testes sufficiant. 20. 6.

Probationes euidentibus quando desunt iure Saxon. accusatus propior est ad euadendum. 21. 10. *Distinctio inter defectum & inopiam probationum.* 23. 7.

Probationes in causa criminali debent esse plene & sufficientes. 21. 1. *ibid.*

Præxin Curie in criminalibus plenum numerum

testium iuxta dispositionem iuris Saxon. requirere. 20. 12. & 21. 1.

Processus ex plenitudine potestatis quando suppleri possit. 2. 3.

Prorogatio iurisdictionis alia expressa, alia tacita. 3. 8.

Prouisio hominis tollit prouisionem legis. 41. 7.

Pubertas quando cognoscatur. 85. 3.

Pubertati proximus quis dicatur. 85. 4.

Publiciana actio quæ dicatur. 77. 5.

Pugnantia & contraria in Codice iuris non inueniuntur. 43. 8.

Pupillus rei vindicationem intra quod tempus instituere debeat. 61. 8. *Ibid.* *Adulti etas iure Saxon. quanto temporis spacio censetur.* 61. 9.

Pupillus sine autoritate tutoris naturaliter obligatur. 35. 9.

Pupillus in bonis tutoris præfertur fisco. 41. 12.

Q.

Questionibus subijci, vel ad questiones condemnari nemo debet, nisi præcedant, plena indicia. 22. 1. *In questionibus indicia quæ plena & manifesta sint, iudicis prudentiæ relinquitur.* 22. 2.

Questionem plena indicia dicuntur, quæ duobus testibus, quinimò & uno probantur. 22. 3.

Questionibus procedere iudex non debet, nisi reus se ad eas irahit si deficient indicia plena. 22. 4.

Questionibus aliquem iniquè subijcientis iudicis qualis sit pœna. 22. 5.

Questionibus non semper fides adhibenda. 22. 6.

Questionibus crimen confessus non statim ad mortem condemnari debet. 22. 7.

Quando ad questiones rediri possit. 22. 8.

Qui caret ære, luat in corpore. 33. 1.

Qui prior tempore, potior iure. 40. 1.

Raptus

INDEX OBSERVATIONVM PRACT.

R.

Raptus in iure bifariam accipi solet. 88. 1.
 Raptores mulierum quâ pœna afficiantur. 88. 2.
 Raptorum socij eadem pœna afficiuntur, quâ ipsi raptores. 88. 3.
 Raptores puniuntur, licet mulieribus consentientibus raptus fiat. 88. 4.
 Raptorum pœna iure Saxon. qualis sit. 88. 5.
 Raptores rerum alienarum mobilium quomodo puniantur. 90. 1. De raptu statuta Regni quomodo disponant. 88. 8. Interraptorem & raptam matrimonium est nullum iure civili. 88. 9. Inter raptorem & raptam matrimonium sit ratum iure Canon. 88. 11.
 Receptæ res dicuntur non tantum expresse custodia assignatæ, sed etiam illatæ vel immisissæ. 44. 9. In recepto custodia præstari debet. 44. 5. Ibid. ratio cur navis, caupones, stabularij, de receptis tenentur. 44. 2.
 Reconuentio iure civili & Canon. pmissa. 6. 1.
 Reconventionis forma. 6. 2.
 Reconuentio coram eodem iudice fieri debet. 6. 3.
 Reconventioni post litem contest. non est locus. 6. 4.
 Reconuentio itidem in termino appellationis locum non habet. 6. 5. (6. 6.)
 Reconventiones etiam ius naturale permittit. Reconventioni non nisi lite finita, ius Saxon. locum esse disponit. 6. 7. (6. 8.)
 Reconuentio in criminalibus non admittitur. Reconventiones in Regno ex recepta consuetudine locum non habent. 6. 9.
 Reconventiones prohibens consuetudo num iuri & equitati sit contraria. 6. 11.
 Reconventionibus Incole Prusie stringi non debent. 6. 10. (4.)
 Reipub. expedit, ne quis re sua malè utatur. 53
 Rei contumacis ante litem contestatam pœna ex iure civili. 11. 1.

Reo contra actorem contumaci duplici modo subuenitur. 10. 8.
 Reo contumaci conditio inferendi legitimi impedimenti reservari debet. 11. 10.
 Reus citari debet tribus terminis, & trina contumacia eum condemnant. 11. 8.
 Reus contumax mulctam iudici præstare tenetur. 11. 9.
 Reus post susceptionem guarandæ tenetur respondere. 13. 16.
 Reus de parendo iuri cautionem præstare solet. 14. 4. (at. 15. 5.)
 Reus criminis fideiussoribus an committi debet. Renunciare unicuique, licet his, quæ pro se introducta sunt. 69. 1.
 Renuncians beneficio exemptionis, non prorogat Iurisdictionem iudicis, cui se submittit. 7. 8. In renunciatione fori distinctio observanda. 7. 7.
 Repressaliorum definitio. 9. 1.
 Repressalia equitati naturali contraria, & iure Canon. & civili prohibita. 9. 2.
 Repressalia permittuntur ob denegatam iustitiam. 9. 3.
 Repressalia facere priuata autoritate nemini licet. 9. 5.
 Repressalia ius diuinum an concedat. 9. 12.
 Repressalia non omnibus, neque passim concedi debent. 9. 14.
 Rerum suarum administratio cuius libera. 53. 1
 Res si eodem modo apud Creditorem peritura fuisset, quo apud debitorem interit, quid iuris. 31. 2.
 Res litigiosa apud possessorem remanet, vel iudici traditur. 38. 4.
 Res vectoris vel viatoris recipies tenetur omni modo, exceptio casu fortuito. 44. 3.
 Roma communis patria. 3. 11.

Satis-

CENTURIAE PRIMÆ.

S.

Satisfactio qualis ab his, quibus reuerentia debetur, accipienda sit. 14. 8.
Satisfacere vel cauere quomodo debeat bona immobilia non possidens. 14. 6. (14. 7.)
Satisfacendi modus triplex in iure assignatur.
Satisfactiones in Regno tam ex parte actoris, quam ex parte rei habent locum. 14. 3.
Satisfacere an possit pignoris. 14. 9.
Satius est facinus nocentis relinqui impunitum quam innocentem damnare. 21. 7.
Scholares coram Rectore vel Episcopo conueniri debent. 4. 2. (4. 9.)
Scholares in quibus casibus Præuilegia amittant.
Socium Velleianum que in se contineat. 42. 3.
Seruus ne naturaliter quidem obligari potest. 35. 10.
Seruorum natura furtis obnoxia est. 46. 10.
Societas quibus conditionibus coiri possit. 46. 14.
Societas consensu contrahitur. 46. 1.
Societas à communione rerum differt. 46. 6.
Societas an transeat ad heredes. 46. 16.
Societate præstatutur dolus, & culpa lata, & leuis, non leuissima. 46. 3.
Societate non præsumitur dolus. 46. 5.
Societate alter pecunias, alter operas conferre potest, & an eo casu lucrum tantum, an vero etiam fors communis esse debeat. 46. 15.
Societate uectigalium heres defuncti cum superstitite socio equaliter communicat. 46. 17.
Socius damna fatalia prestare non cogitur. 46. 7.
Socius rem communem dolose contrectans, & furti, & actione pro socio tenetur. 46. 11.
Solidi appellatione quid veniat. 53. 5.
Solidus in iure pro aureo accipitur. 82. 4.
Solutionem allegans mettersius probare debet. 27. 1.
Solutionem allegans, an etiam contra Chyrogaphum ad probandum admittendus sit. 27. 3.
Suo ad solutionem, distinctio inter ius naturale & civile. 32. 9.

Spurij qui dicantur. 69. 9. (69. 11.)
Spurij ad successionem maternam admittuntur
Spurij illustri matri non succedunt. 69. 13.
Statutum Regni, quod Rex ad egrotos equestris ordinis testari volentes mittat. 63. 14.
Stuprum in iure duplici modo consideratur. 87. 1.
Stupri voluntarij qualis in iure sit pena. 87. 2.
Stuprum violentum quid sit. 87. 7.
Succedere iure Saxon. neq; illegitimus potest legitimo, nec contra. 69. 16.
Sententia interpretum, quod legitimi à successionem illegitimorum ex damnato complexu natorum excludantur. 69. 17.
Sumptus in studia filiorum à patre facti, & ornamenta muliebria filia comparata, bonorum collationi non subsunt. 64. 9.

T.

Tempus à lege statutum an per iudicem minui, vel prorogari possit. 19. 11.
Testamentum etiam minus solenne inter liberos locum habet. 63. 7.
Testamentorum duo genera in iure reperiuntur. ibid. In Testamento pater uni liberorum plus quam alteri relinquere potest. 63. 1. Inequalitas causa est discordie ibid. Et inequalitas inter liberos quando locum habeat. 63. 5. In testamento que solemnitates requirantur. 63. 6. In condendis testamentis consuetudo spectari debet. 63. 9. (63. 10.)
Testamenta domi ab egrotis plerumq; fieri solent
Testamenta de bonis immobilibus fieri non possunt. 63. 11.
Testamentum in legato ad pias causas etiam minus solenne valet. 63. 12.
Testamenti solennitates Princeps ex plenitudine potestatis supplere potest. 63. 13.
Testes duo in criminalibus sufficiunt. 20. 10.
Testes septem ius Saxon. in criminalibus requirit. 20. 11. Quod Praxis Curia sequitur. ibid.

Rr

Testes

INDEX OBSERVATIONVM PRACT.

Testes duo iure civili plenè probant. 20. 8.
 Testes fide digni plenam fidem Iudici faciunt.
 21. 3. vii. Confessio rei utronea. ibid.
 Testibus an conuinci possit scriptura autentica.
 27. 6.
 Testium numerus in probatione solutionis factæ
 quando augeri debeat. 27. 5.
 Testium numerus supplere potest, quod deficit in
 testibus. 20. 9.
 Transactio de criminibus an sit permessa. 89. 2.
 Transactio crimen falsi an tolli possit. 89. 9.
 Transigere tam de publicis, quam de priuatis
 causis licet. 89. 1. (89. 8.)
 Transigere de crimine adulterij cur non liceat.
 Transigere licet de criminib. sanguinis pœnam
 irrogantibus. 89. 10.
 Transigentibus de crimine infamia irrogatur
 iure Saxon. 89. 11. In Transactionibus an
 etiam remedium l. 2. C. de rescind. vend.
 derur. 48. 12.
 Transire liberè per agrum alienum, & viam
 publicam omnibus licet. 9. 9.
 Tutela & cura quando confundantur. 59. 9.
 Tutores sunt aut testamentarij, aut legitimi,
 aut datini. 60. 9.
 Tutorem habenti tutor dari non potest. 60. 1.
 Tutore uno renuntiante, alius dari potest. 60. 2.
 Tutores pupillis quæ persona petere cogantur.
 60. 3.
 Tutoribus omnibus præferuntur mater & auia
 præter testamentarios. 60. 4. Ibid. fœmina
 ab omnibus officiis ciuilibus arceri debent.
 Mater & auia quibus casibus ad tutelam
 amittantur. ibid. Tutela & Educatione
 liberorum remouetur mater conuolans ad
 secundas nuptias. ibid. A tutelare moueri
 potest inhonestè viuens. 60. 8.
 Tutores res pupillorum sine decreto iudicis alie-
 nare non possunt. 61. 1.
 Tutor quas res pupilli alienare queat. 61. 2.

Ibid. Iusta causa in alienatione bonorum
 pupilli requiritur. Decretum in alienatione
 bonorum pupilli necessarium est ibid.
 Tutoris veri autoritas in alienatione bonorū
 pupilli interuenire debet. 61. 5. A tutore res
 alienatas quibus modis pupillus consequi
 possit. ibid.
 Tutor in rem suam obligare pupillum, aut res
 pupillares emere non potest. 62. 1.
 Tutori pupillus ex administratione tutela obli-
 gatur. 62. 2.
 Tutela iudicium est bonæ fidei. 62. 5.
 Tutor expensas in litem pupilli nomine factas
 quando repetat. 62. 6.
 Tutor quæ negotiis pupillaribus impeditus lu-
 crari non potuit, an in actionem tutelæ de-
 ducere possit. 62. 7.
 Tutor usuras quas in rem pupilli impendit, con-
 sequitur. ibid.
 Tutor non conficiens inuentarium dolo fecisse
 videtur. 58. 1.
 Tutores ob non confessionem inuentarij infam-
 ia notantur ibid.
 Tutores vinculo necessitudinis pupillo iuncti,
 quid præstare teneantur. 58. 3. Ibid. Consan-
 guinitatis ratio quando habeatur. Inuen-
 tarij confessio an remitti possit. ibid. Inuen-
 tarium ob utilitatem pupilli non conficitur.
 ibid. patrimonij secreta pandere non semper
 expedit.
 Tutor ob non confessionem inuentarij, quomodo
 puniatur iure Saxon. 58. 8.
 Tutor regulariter non nisi finita tutela ratio-
 nes reddere tenetur. 59. 1.
 Tutor ante finitam tutelam, in quibus casibus
 conueniri possit. ibid.
 Tutor iure Saxon. singulis annis rationem red-
 dere tenetur. ibid.
 Tutelæ administrate rationes etiam Magistrat-
 us percipere potest. ibid. Naturales tutores,
 ratio.

CENTVRIÆ PRIMÆ.

rationem reddere non tenentur, neg. satisf. 59. 5. In actionem iutele quid veniat ibid.

Tutor res pupillares casu amissas iuramento probare debet. 59. 8.

V.

V. Adem se alius pro alio dare potest. 15. 9.

Varanda seu guaranda que dicatur. 13. 9.

Varanda promittitur, non prestat. 13. 11.

Varande non seruata pana. 13. 12.

Varande non seruata pena in Regno non semper attenditur. 13. 13. Dd. sententia, quod post varandam substantia tantum mutari negant. 13. 15.

Varanda suscepta reus respondere tenetur. 13. 16.

Vasallus dominum iustitiam denegantem impune depredare potest. 9. 4.

Vbi lex non distinguit, nec nos distinguere debemus. 69. 18.

Vbi eadem ratio est, idem ius statui debet. ibid.

Vbi ratio legis non habet locum, eo lex producenda non est. 44. 7.

Venditio rescinditur, si venditor ultra dimidium iusti pretij deceptus sit. 48. 4. Et in quibus casibus id fallat. ibid. Et virum etiam Emptori hoc beneficium l. 2. C. de resc. vend. competat. 48. 6.

Vbi Cui. negatiuam tucitur contra commun. Dd. opin.

Venditor scienter rem alienam vendens etiam ad id, quod interest, tenetur. 51. 11.

Vim vi repellere licet. 83. 3.

Violentia priuata quando fiat. 90. 4.

Violentia publica quando committatur. 90. 5.

Violenter occupans res alienas, in quantum teneatur iure Saxon. 90. 3.

Violentiam publicam inferens quando penam capitis mereatur. 90. 6.

Violentus possessor ad restitutionem damnorum et expensarum tenetur. 90. 8.

Virgo honesta et nobilis in loco inhonesto constuprata, beneficium legis non habet. 87. 5.

Vis fluminis et amissio equi habentur pro legiis impedimentis. 12. 3.

Vltio et vindicta a legibus prohibentur. 83. 9.

Volenti et consentienti nulla sit iniuria. 28. 2.

Vsuræ iure diuino prohibentur. 36. 1.

Vsuras ius Canon. improbat. 36. 2.

Vsuras approbans pro heretico censetur. 36. 3.

Vsuræ iure Ciuili permittuntur: et modus earum prescribitur. 36. 5.

Vsuras etiam iure diuino non omnes esse prohibitas, opinio quorundam. 36. 6.

Vsure alie lucratore, alie compensatorie, alie punitorie dicuntur. 36. 7.

Vsuras iure Ciuili permittas, non approbatas, sententia authoris. 36. 9.

Vsurarum et censuum differentia. 36. 12.

Vsufuctus earum rerum, que usu consumuntur, esse non potest. 36. 11.

Vsus terrarum Saxon. vi per nuncium legitima impedimenta denunciantur. 12. 8.

Vsus obinuit, vi accusator ad certam pecunie summam se inscribat. 15. 4.

Vulgò quesiti an parentibus succedant, vel contra. 69. 10.

Vulneratus quando presumatur ex vulnere mortuus 86. 1.

Vulnerantis animus inspicendus est. 86. 2.

Vulneris qualitas perpendenda est. 86. 5.

Vulnus quo tempore illatum est, inspicere debet. 86. 7.

Vulneratus lethaliter ultra 40 dies viuere non potest. 86. 8. (41. 1.)


Vxor tacitam hypothecam in bonis mariti habet.


Vxor tacitam hypothecam habens prefertur creditoribus anteriorum hypothecam habentibus. 42. 2.

Vxor tacitam hypothecam priorem habens creditori itidem anteriorem expressam habenti

INDEX OBSERVATIONVM PRACT:

- non praefertur, ex communi sententia. 41. 10.
 Doctorum diuersae sententia de eo, an etiam
 expressa anteriori hypothecae creditorum po-
 steriortacita uxoris praefertur. 41. 4.
*Vxor regulariter pro marito non obligatur, nec
 e contra.* 42. 1.
Vxor pro marito fideiubens non tenetur. 42. 2.
Ibid. SC. Velleian. quae in se contineat.
*Vxores seu feminas naturalis pudor non omni-
 bus perperam se manifestare concedit.* 42. 4.
ibid. iuris Saxon. diuersa ea in re dispositio.
*Vxor habens dotalitium in bonis mariti, &
 non consensiens obligationi. nequaquam ad
 soluenda debita mariti cogi potest.* 42. 6.
*Vxor non habens dotalitium, sed succedens in
 bonis mariti, tenetur ad soluendum res ma-
 riti una cum heredibus.* 42. 7.
*Vxor pro marito & e contra, obligatur, quando
 communem aliquam negotiationem exer-
 cent.* 42. 8.
*Vxor debita maritus soluere non tenetur, quā-
 do vxor propria industria negotiationem
 aut propinationem aliquam exercet.* 42. 9.
*ibid. In debitis id attenditur, in cuius utili-
 tatem pecunia sit versa.*
 W.
Wergeldus iuris Saxo. quid in se contineat.
 79. 12. *Ibid. Differentia inter multam
 emendam, & VVergeldum.*





PRACTICARVM
OBSERVATIONVM
EX IVRE CIVILI ET
Saxonico collectarum,



AD STYLV M VSVMQVE IVDI-
ciorum CVRIÆ REGALIS
accomodatarum,

CENTVRIÆ II. SEMIS.

AVTHORE

ANDREA LIPSKI ALIPE J.V.D.
nunc EPISCOPO LVCEORIENSI, Regni Polonia
PROCANCELLARIO.

Cum Gratia & Priuilegio S. R. M.

XVII-7421-III/2

CRACOVIAE,
Ex Officina Typographica Francisci Cesarij.
Anno Domini. 1619.

PRATICTIONARIUM
BSTERVAATIONVM
EXIVRE CIVILIT
Saxonicæ collectarum

AD STYLVM VSVMOVE IVBI
cium C V R R REGALIS
Saxonicæ collectarum

CENTVM ALII SEMIS

ANTHON
ANDREAS LIPSKI A LIPSE FND
Piscopo Pomeraniae Regini Pomeraniae
PROVINCIALI

Com Gracia & Rindlegio S. R. M.

CRACOVIA
Ex Officina Typographica
anno Domini 1819

Lectori Beneuolo S.



Nte annos aliquot protuleram in
lucem *CENTURIAM PRACTICA-
RVM CVRIÆ REGNI OBSERVA-
TIONVM*, quam cùm animaduer-
tissem à compluribus auidè fuisse
exceptam, pollicitus eram in hoc suscepto à me la-
bore vltèrius pergere, alteramq̃ue Centuriam con-
ficere. A quo instituto meo, neque me profectò la-
boris fuga, neque languor industriæ, neque desi-
diosæ quietis amor abducere potuisset. Sed cùm
duæ, quas nunc sustineo grauissimæ prouinciæ,
ita omnia mea ad se studia reuocant & rapiunt, vt
omnem meam operam & industriam, mentem de-
nique omnem in se solummodò figi, atque locari
velint; vehementer venit mihi in mentem subdu-
bitare, possimné operi cepto, planeq̃; dimidiato,
extremam manum imponere. Quare cùm de reli-
quo opere penè desperassem, censui nihilominus
hanc alteram *OBSERVATIONVM CENTURIAM*
etiam imperfectam in lucem esse edendam, ne vel
fugisse laborem propter desidiam, vel eos qui prio-
ra iam cum auiditate degustârunt, propter inuidiã

** 2

commu-

communi fructu privare velle viderer. Quisquis igitur es legendi & discendi cupidus, iustam hanc nostram grauemque accipies excusationem; & eo quod est frui felicitate. Nos et si non ea quæ optabamus sumus consecuti; illud tamen certè effecimus, ut exemplo nostro, non solum ad legendum, sed etiam ad scribendum studia aliorum excitaremus. Poterunt enim qui ætate ingenioque pollent, maiori quàm nos ocio abundant, eam quam monstrauius inire viam, intermissumque à nobis continuare curriculum. Quod si fecerint, Regiam scientiarum Iurisprudentiam, quæ deserta apud nos obsoleuerat, non solum retinebunt, sed etiam adaugebunt. Tu Lector, hoc quidquid est lucubrationum nostrarum, boni consule, voluntati quæ nostræ, quâ gratificari tibi studuimus, faue & vale.

INDEX OBSERVATIONVM

PRACTICARVM.

I.

trum ædificans aut plantans, siue serens in alieno solo, expensas in eam rem factas; item materiam, aut sementem omnino perdat, necne?

II.

trum petitorium & possessorium, (vel vt nostri vulgò Practici loquuntur, causa occupationis & expulsiõis) simul intentari possit? & an causa petitorii siue occupationis prius intentata, & non probata, denuo ad causam possessorii, id est expulsiõis, & e contra, recursus fieri debeat?

III.

Pupillus, mortuo patre, vtrum à tutoribus, an verò à matre educari debeat?

IV.

An is, qui rem alicuius publico vel priuato nomine administrat, si locupletior sit factus quam ante fuit, præsumatur ex illa administratione, vel aliunde rem & substantiam acquisiuisse?

V.

An & quomodo quis à tutela excusari aut remoueri possit?

VI.

Tutor cum pupillo contrahere, & sibi ipsi author esse vtrum possit, necne?

VII.

An si quis filium vel filiam, item seruum seu famulum alicuius corruperit, conueniri de eo possit, necne?

VIII.

Vtrum dolo interueniente contractus vitietur, necne?

IX.

An ea, quæ per vim aut metum ab aliquo extorta sunt de iure valeant vel rescindi possint?

X.

Sed an ea quæ ab adultis seu puberibus, minoribus tamen viginti quinque annis facta gestaue sunt, rata maneant, vel ob defectum legitime ætatis rescindantur?

XI.

Minor mutuans ab aliquo pecuniam eamq; dissipans, vtrum læsus videatur. Et an ob id restitutionem in integrum petere possit, necne?

XII.

Furiosi & prodigi vtrum & quamdiu sub cura esse debeant?

XIII.

An, si tutores vel curatores nomina pupillorum apud debitores exigere negligant, & illi postmodum soluendo non sint, ad præstationem damniteneantur?

XIV.

Sed an hi, qui ob defectum rationis, vel ob aduersam valetudinem rebus suis præesse non possunt, ius testandi habeant, nec ne?

XV.

Parentes liberos & è diuerso liberi parentes vtrum & ob quas causas in testamento exhæredare possint?

XVI.

Vtrum ex testamento nullo vel irrito facto legata & fideicommissa nihilominus debeantur?

XVII.

Legata, item æs alienum, si hæreditas ære alieno onerata sit, vtrum ab eo cui vsusfructus, siue (vt nostri loquuntur) aduitalitas omnium bonorum relicta est; an verò ab hærede præstari debeant, nec ne?

XVIII.

Vsusfructuarius vtrum rei proprietatem deteriorem se non redditurum cauere debeat?

XIX.

Quid si hæres non conficiat inuentarium bonorum morte testatoris derelictorum, vtrum debita vel legata ultra vires hæreditatis soluere teneatur?

XX.

Funeris expensæ & salaria, seu mercedes deferuitæ familiæ, vtrum deducto prius ære alieno vel ante ab hærede præstari debeant?

XXI.

Mortuo filio vel filia absque liberis, vtrum ascendentes soli, id est pater & mater; an verò cum iis etiam collaterales, puta fratres & sorores ad successionem illius ab intestato admittantur?

XXII.

Maritus vxori, & è contra vxor marito, num ab intestato succedat?

XXIII.

Dotalitium à priore marito vxori denominatum, vtrum decedente vxore, maritus secundum nuptiarum ex bonis prioris mariti petere possit?

XXIV.

Vxor

Vxor bona sua dotalia, & alia, quæ vltra dotem ad maritum adfert,
num absque consensu mariti alienare possit?

XXV.

De diuortiis, & an diuortio facto vxor dotalitium; & è contra ma-
ritus dotem lucrari debeat nec ne?

XXVI.

Sed an constante matrimonio, vxor dotem siue donationem, pro-
pter nuptias à marito repetere possit?

XXVII.

Num pater & mater filiam, item frater sororem dotare teneatur?

XXVIII.

Consanguinitas seu affinitas vtrum & quando matrimonia impe-
diat?

XXIX.

Monachi & religiosi, vtrum ad successionem bonorum iure natu-
rali deuolutorum admittantur?

XXX.

Pactum de futura successione, item renunciatio bonis paternis &
maternis à liberis facta, vtrum de iure subsistat?

XXXI.

Pactum cum emptore initum, vt rem emptam venditori eodem
pretio restituat quodcumque ei libuerit, quod vulgò, pactum
de retrouendendo dicitur, an de iure sit permissum, nec ne?

XXXII.

Pactum legis Commissoriæ (quod nostri lapsus vulgò vocant)
an de iure valeat, nec ne?

XXXIII.

An res pignori data à creditore oppignorari aut vendi possit?

XXXIV.

Vsufuctus item aliæ seruitutes, an pignori dari possint, nec ne?

XXXV.

Seruitutes an præscriptione acquirantur & amittantur?

XXXVI.

Iuri offerendi, seu iuri pignoris an præscribatur?

XXXVII.

Res seu bona Ecclesiæ vtrum oppignorari aut alienari possint?

Res

XXXIX.

Princeps, an & quando dominium bonorum vel rerum ad priuatos spectantium, vsurpare, sibi possit?

XL.

Priuilegia à Principe concessa, an & quando per abusu amittantur?

XLI.

Priuilegium Principis posterius, an priori præferatur?

XLII.

An creditor qui pecuniam debitori in rem emendam, vel extruendam reficiendamue crediderit, priuilegio potioritatis (vt vulgò dicunt) gaudere debeat, nec ne?

XLIII.

De thesauris & metallis inuentis, cui nam cedere debeant?

XLIV.

Naufragio res deperditæ, aut nauis leuandæ causa in mare deiectæ, vtrum fisco applicari, an domino illarum restitui debeant?

XLV.

An & quando paterfamilias de incendio in domo sua exorto teneatur?

XLVI.

In valore monetæ, cuius temporis, contractusne, an solutionis ratio habeatur?

XLVII.

De falsa moneta, & qui pro falsariis monetarum reputentur?

XLVIII.

Coniuges quando simul & coniuncta manu conficiunt testamentum, an post mortem alterutrius, is, qui superstes fuerit denuo testari possit, nec ne?

XLIX.

An donatio omnium bonorum à parentibus vni liberorum vel cuius extraneo, præteritis aliis liberis, inter viuos facta, de iure valeat nec ne?

L.

Diuisio hæreditatis inter fratres vel cohæredes quomodo fieri debeat?

I

PRACTICARVM
OBSERVATIONVM
EX IVRE CIVILI, ET SAXONI-
co collectarum, & ad stylum vsumque
Iudiciorum Curiae Regalis accom-
modatarum,

Centuriæ Secundæ semis.

OBSERVATIO I.

Vtrum ædificans aut plantans, si-
ue ferens in alieno solo, expen-
sas in eam rem factas; item ma-
teriam, aut sementem omnino
perdat, necne?

SVMMARIA.

1. Alieno solo inædificatum, solo cedit.
2. In plantis & satis, in alieno solo factus, idem dicendum est.
3. Donandi animo fecisse videtur, qui in alieno solo sciens sumptus facit.
4. Qui sciens in rem alienam, quam possidet, sumptus facit, expensas non amittit.
5. Habitat in aliena ædificia sumptus faciens, potest ea quæ adiunxit ædificijs, vindicare.
6. Vsufructuarius faciens expensas in rem alienam quam possidebat, pre-

cium tantum & æstimationem earum consequitur.

7. Colonus auferre potest, quæ coniuncta sunt ædibus.
8. Bonæ fidei possessor habet exceptionem doli mali, aduersus dominum soli, si quid in eo superædificauerit.
9. Nemo cum aliena iactura locupletari debet.
10. Malæ fidei possessori non competit exceptio doli mali.
11. Impensarum triplex differentia.
12. Impensæ aliæ fructuum, aliæ rerum gratia fiunt.
13. Impensæ rerum gratia, aut in faciendo aut in reficiendo fieri solent.
14. Distinctio inter possessores, qui semper fuit in bonâ fide, & eum qui ex post facto cepit esse malæ fidei possessor.
15. Impensas necessarias & utiles, bonæ fidei possessor retinet per doli mali exceptionem.

A

10. Volu-

OBSERVATIONVM PRACTICARVM

16. *Voluptarias impensas bonæ fidei possessor auferre potest, sine læsione rei.*
 17. *Impensas necessarias & utiles, malæ fidei possessor quomodo repetere possit?*
 18. *Voluptarias impensas malæ fidei possessor quomodo consequatur?*

Frequens *admodum atq; nimis vulgata est in foro illa Regula iuris: *Quod alieno solo inædificatur, solo cedit.* & rectè quidem; nam expressè id ponitur in textu §. *Cum in suo.* Instit. de rerum diuis. Ratio autem huius rei reddi potest ex text. §. *Certè illud constat.* Instit. eod. de rerum diuis. Nam scienti, inquit Imp. Iustin. alienum solum esse, potest obijci culpa, quòd ædificauerit temerè in eo solo, quod intelligebat, alienum esse. Sed & I. C. Paulus idè innuere videtur in l. Paulus. 14. ff. de dol. mal. & met. except. his verbis: *Paulus respondit, cum qui in alieno solo ædificium extruxerit, non aliàs sumptus consequi posse quàm possideat, & ab eo dominus soli rem vindicet: scilicet opposita doli malæ exceptione.* Idem quoque* dicendum videtur de plantis, & de satis, per expressum text. in l. *qua ratione.* in princ. *Qua ratione,* inquit I. C. Gaius, *plantæ quæ terra coalescunt, solo*

cedunt: eadem ratione frumenta quoque quæ sata sunt, solo cedere intelliguntur. Caterùm, sicut is qui in alieno solo ædificauit, si ab eo dominus soli petat ædificium, defendi potest per exceptionem doli malæ: ita eiusdem exceptionis auxilio tutus esse poterit, qui in alienum fundum sua impensa conseruit. ff. de acq. rerum dom. Quâuis Imp. Iustin. hæc eadem verba repetens in §. *qua ratione* Instit. de rerum diuis. ita ponat, *qui alieni fundum sua impensa (bona fide) conseruit.* Vnde liquidò constat, eam regulam non ita simpliciter intelligendam esse, quemadmodum in foro à practicis vulgò sine vlla distinctione vsurpari solet. Nam ex iuribus superiùs allegatis, manifestè apparet, multum interesse, num quis possidens vel non possidens alienum fundum, in eo ædificauerit, plantauerit, aut conseruit? itè an fuerit bonæ vel malæ fidei possessor? Primo * etenim casu, qui in rem alienam vel fundum, quem non possidet, sciens volensq; sumptum facit, vti qui ex agro meo, quem non possidet, segetes colligit suo sumptu, idq; facit non gerendi negotii mei causa, is, quia donandi animo hunc sumptum facere videtur, ideo nullo pacto sumptus in colligendis segetibus factos repetere.

repetere potest, per expressi text.
in l. Si seruus. 27. §. Si oliuam. 25. Vbi
 I. C. Vlpianus sic ait: *Nulla enim*
iniuria est, cum tibi etiam impensas
donauerit, quæ in collectionem huius-
modi fructuum impenduntur. ff. ad
 4 *leg. Aquiliam.* Qui* verò ferens in
 rem alienam, quam titulo aliquo
 possidet, sumptum facit, alii dona-
 re non videtur, quia rem gerit sibi
 non alii, cum sit possessionis do-
 minus, quam reuocante alio, meri-
 to reputabit sumptus & meliora-
 tiones illius rei, argum. text: *in l.*
habitor. 59. Vbi I. C. Iulianus ita
 3 *concludit: Habitor* in aliena æ-*
dificia fenestras & ostia imposuit, ea-
dem post annum dominus ædificiorum
dempnit. Quæro, is qui imposuerat,
possetne ea vindicare? Respondit pos-
se, & addit rationem: Nam quæ alie-
nis, inquit, ædificiis connexa essent,
ea quamdiu iuncta manerent, eorum-
dem ædificiorum esse: simul atq; inde
dempta essent, continuò in pristinam
causam reuerti. ff. de rei vindic. Li-
 cet enim hic I. C. eo tantum casu
 possessori ius vindicandi ea, quæ
 in aliena ædificia imposuerit, tri-
 buere videatur, quando videlicet
 ipse dominus soli, siue ædificii, ea-
 dem depserit, aut refixerit; quod
 etiam I. C. Vlpian. *in l. Sed si quid. 15*
in princ. innuere videtur his ver-

bis: *Sed si quid in ædificauerit, postea*
eum neq; tollere hoc, neq; refigere pos-
se: refixa planè posse vindicare. ff. de
usufruct. & quemadm. Verum tamē
 id* ita intelligendum est, quòd is 6
 qui opinione domini possidebat
 rem alienam; puta, usufructuarius
 si fecerit expensas, quæ domui aut
 fundo coniunctæ & adnexæ sunt,
 non possit ipsas tollere, vt in suprā
 allegatis iuribus disponitur: idq;
 ob eam potissimam rationem: *Ne*
ædificia sub hoc prætectu diruantur,
hoc est, ne eorum ruinis publicus de-
formetur aspectus. text: in l. 1. ff. de ti-
gno iuncto. precium tamen siue æ-
 stimationem pro iis possit repe-
 re, per expressum text. *in §. cum in*
suo. Instit. de rer. diuis. idq; per acti-
 onem quæ vocatur de tigno iun-
 cto d. l. 1. eod. ff. de tig. iunct. At* in co- 7
 lono media via obseruatur, vt au-
 ferre possit, etiam quæ coniuncta
 sunt ædibus: si tamen sine læsione
 domus id fieri possit, per expressi
 text. *in l. sed addes. 19. §. Si inquilinus.*
 cuius hæc sunt verba: *Si inquil-*
inus ostium, vel quadam alia ædificio
adiecerit: quæ actio locum habeat?
Et est verius (quod Labeo scripsit)
competere ex conducto actionem, vt
ei tollere liceat: sic tamen, vt damni
infæcti caueat; ne in aliquo dum au-
fert, deteriore causam adiū faciat;

sed ut pristinam faciem adibus red-
dat. ff. locat. cond. Qui enim ad tem-
pus re tenet, siue possidet, si quid
expendat, creditur etiam ad tem-
pus possessionis suæ expendere
velle: qua cessante, nullo pacto
potestas auferendi siue repetendi
sumptus & meliorationes eidem
denegari debent. Quemadmodum
etiam in Curia Regali inter Ioachi-
mum Iasinski, & Annam Famari
Alberti Zaboklicki relictam, Ci-
ues Leopoliens. Anno D. 1583. feria
3. post festum S. Petri in vinculis,
sententiatum fuit. Altero vero casu
diligenter animaduertendum est,
num is qui ex sua materia in alie-
no solo ædificauit, sit bonæ fidei
possessor, id est, utrum nesciuerit
8 solum esse alienum. Is enim pos-
sicens adhuc ædificium, habet ex-
ceptionem doli mali aduersus do-
minum petentem ædificium, si ma-
teriæ æstimationem, impensasque
soluere recuset, per expressi text.
§. certè illud constat. in verbis: Certè
illud constat, si in possessione constitu-
to ædificatore, soli dominus petat do-
mum suam esse, nec soluat precium
materiæ, & mercedis fabricorum, pos-
se eum per exceptionem doli mali re-
pelli: utiq. si bonæ fidei possessor fuerit
qui ædificauit. Instit. de rer. diuis. Et
ratio est, quia nemo cum aliena

iacitura, maximè verò bonæ fidei
possessoris, locupletari debet, per
expressi text: in l. nam hoc. 14. vbi
I. C. Pomponius: Nam hoc natura
9 æquum est, inquit, neminem cum al-
terius detrimento fieri locupletio-
rem. ff. de cōdict. indeb. Secus est, si ma-
10 læ sit fidei possessor, & mala fide
ædificauit. nam huic non compe-
tit hæc exceptio doli mali: quia
nec dolus videtur contra eum
committi, etiam si cum eius damno
alter rem suam meliorem faciat,
per text. in l. 1. §. Ideo autem. ff. de
dol. mal. & met. excep. Sibi enim im-
putet, qui sciens in alieno fundo
ædificauit. Quæ distinctio inter
bonæ & malæ fidei possessorem
etiā iure Saxonico obtinet, prout
habetur in text: Spec. Sax. lib. 2. art.
46. in verbis: Qui alienum arat a-
grum, vel fortè altereundem sibi lo-
cauerit nescienter, interimq. quod
adhuc arat, actio cōtra ipsum mouea-
tur, laborem & semina amittit. Qui
autem agrum sibi locauerat, damnum
ei refundet. Qui vcrò nondum actio-
ne mota seminauerit, ipsi competere
sata videbuntur, & ei qui agrum ob-
tinebit, censum præstabit. Qui textus
primò loquitur de malæ fidei pos-
sessore; secundò in bonæ fidei;
tertiò in eo qui à principio bonæ
fidei fuit, & postea incepit esse ma-
læ fidei

la fidei possessor, quod etiā glossa
 ibid. explicat copiosius. Cæterum
 vt hæc materia impensarum satis
 longa, difficilis, & intricata, tantò
 commodius & facilius ab omni-
 bus percipiatur. non abs re me fa-
 cturum esse existimaui, si hoc lo-
 co rem totam in pauca contra-
 ham. Et *in primis sciendum est,
 impensas alias esse necessarias, ali-
 as vtilis, alias verò voluptarias,
 prout habetur in l. impensæ. 79. ff. de
 verb. signif. Vbi I. C. Paulus ita dis-
 ponit: *Impensæ necessariae sunt, quæ
 si factæ non sint, res aut peritura, aut
 deterior futura sit. Vtilis verò impen-
 sas esse Fulcinius ait, quæ meliorem
 dotem faciant, non deteriore esse nõ
 sinant. Voluptariae sunt, quæ speciem
 duntaxat ornant, non etiam fructum
 augent: vt sunt viridaria, & aquæ sa-
 lientes, incrustationes, picturæ, & id
 genus alia, prout idem tradit I. C.
 Vlp. in l. Impensæ 4. ff. de impens. in*
 12 *res dot. fact.* Porro hæc * impensæ
 fiunt, aut gratia fructuū quæren-
 dorū, cogendorū, conseruando-
 rumq; ex quibus impensæ dedu-
 ciuntur, tam à bonæ fidei possesso-
 re, quàm à prædone, malæ scilicet
 fidei possessore, per express. text.
 in l. Si à domino. 36. §. fin. ff. de heredit.
 petit. l. fundus qui ff. fam. l. hercisc.
 Aut gratia rerum, adq; aut ad per-

petuā rei vtilitatē, aut ad præsen-
 tis temporis tantū, de quibus Vlpianus. in l. vel si vites. 3. §. 2. ita dispo-
 nit: *Nos generaliter definiemus mul-
 tum interesse, ad perpetuam vtilitatē
 agri, vel ad eam, quæ non ad præsentis
 temporis pertineat, an verò ad præsen-
 tis anni fructum. Si in præsentis cum
 fructibus hoc compensandum. Si verò
 non fuit ad præsens tantum apta ero-
 gatio, necessariis impensis computan-
 dum. ff. de impens. in res dot. fact.* De-
 inde * illud quoq; considerandum 13
 est, quòd huiusmodi expensæ gra-
 tia rerum fiant, aut in re noua fa-
 cienda, aut in reficienda; nā hæc
 inter se differre, text. in l. Inde etiā.
 §. penult. in verbis: aliud est enim re-
 ficere, longè aliud facere. ff. de itinere
 act. priuat. probat. Si in re noua fa-
 cienda, à bonæ fidei possessore
 quid impendatur, eo casu, datur
 illi exceptio doli mali ad retinen-
 dum fructus, non autem actio, per
 expressum text. in l. si in area. 33. §.
 fin. in verbis: *Et ideo constat, si quis
 cum existimaret se heredem esse, in-
 sulam hereditariam fulsisset: nullo a-
 lio modo, quàm per retentionem im-
 pensas seruare posse, ff. de condit. in-
 deb.* Et ad hoc facit illud, quod su-
 perius dictum est, de doli mali ex-
 ceptione, bonæ fidei possessori cõ-
 petenti, per text. in d. §. certe illud

constat. *Instit. de rerum diuis.* Quamuis etiam in hoc casu I.C. Celsus, bonum Iudicem obseruare debere circumstantias personarum, & causarum statuatur. *in l. in fundo alie. no. 38. ff. de rei vindic.* quam totā hic adscribere, operæ precium visum est, quia est valde singularis. *In fundo alieno, quem imprudens emer- ras, ædificasti aut conseruisti :* deinde euincitur, bonus Iudex variè ex personis, causisq; constituet. Finge & dominum eadem facturum fuisse : reddat impensam, ut fundum recipiat, usq; eò duntaxat, quò preciosior factus est. Et si plus precio fundi accessit, solum quod impensum est. Finge pauperem : qui, si reddere id cogatur, laribus, sepulchris auitis, carendum habeat. sufficit tibi permitti tollere ex his rebus quæ possis : dum ita, ne deterior sit fundus, quàm si initio non foret ædificatum. Constituiumus verò, ut, si paratus est dominus tantum dare, quantum habiturus est possessor his rebus ablatiis, fiat ei potestas. Neque malitiis indulgendum est : si tectorium (puta) quod induxeris, picturasq; corrådere velis, nihil laturus, nisi ut officias. Finge eam personam esse domini, quæ receptum fundum mox venditura sit, nisi reddat quantum prima parte reddi oportere diximus : eo deducto tu con-

14 demandus es. Ac præterea * illud

quoq; attēdi debet, an is qui possidet, semper fuerit in bona fide, an verò ex post facto ceperit esse malæ fidei? Nam de his ita I.C. Valerianus *in l. Iulian.* disponit: *Si in aliena area ædificassem, cuius bonæ fidei quidem emptor fui, verum eo tēpo- re ædificaui quo iam sciebā alienam; videamus, an nihil mihi exceptio pro- sit: nisi fortè quis dicat, prodesse de damno sollicito. Puto autem huic excep- tionē non prodesse. Nec enim debuit, iam alienam certus, ædificium pone- re. Sed hoc ei concedendum est, ut sine dispendio domini area, tollat ædificiū quod posuit. ff. eo. de rei vindic.* Sin autem semper fuerit malæ fidei possessor, qui aliās in iure dicitur prædo, tunc impensas omnino donasse videtur, ut supra dictum est. Et facit expressus text. *in §. ex diuerso. Instit. de rei diuis.* Nisi probet se non donandi animo ædificasse, per expressum text. *in l. si inferiorem. 2. ibi.* Sed & id quod in solo tuo ædificatum est, quoad in eadem causa manet, iure ad te pertinet. Si verò fuerit dissolutū: eius materia ad pristinum dominum redit, siue bona fide, siue mala ædificiū extructum sit; si non donandi animo ædificia alieno solo imposita sint. C. de rei vindicat. Si verò in reficiendo impensæ a bonæ fidei possessore factæ sint, tunc videndum est, nū sint

sint necessariae & viles, his enim
 15 in casibus * bonæ fidei possessor
 habet exceptionem in totum, vt
 supra dictū est. Et ita in Curia Re-
 gali inter Axantowicz & Kiewo-
 rowicz Armenos Leopoliē. An-
 16 no 1599. die 10. Martii pronuntia-
 tum fuit. Aut voluptariæ, * tunc
 permittitur ei auferre impensas,
 aut materiam, sine læsione prioris
 status rei, per text. in d. l. in fundo.
 in verbis: *Neque malitiis indulgen-*
dum est: si tectorium, puta quod indu-
xeris, picturasq; corrådere velis, nihil
laturus, nisi vt officias. ff. de rei vin-
 dic. eo addito, vt si tantū percep-
 pit ex fructibus, quantū fecit sum-
 ptus, fiat hinc inde compensatio,
 per text. in l. sumptus. 48. ff. de rei
 vindic. Alias bonæ fidei possessor
 semper facit fructus suos; verū
 in eo casu, si nimirum petat sum-
 ptus voluptarios, compensare co-
 gitur, per text. in l. emptor. 65. in prin.
 17 ff. de rei vindic. Si verò * factæ sint
 impensæ a malæ fidei possessore,
 tunc aut sunt necessariae, eo casu,
 in reficiendo, non retinet rem ra-
 tione impensarū, quemadmodū
 retinet bonæ fidei possessor oppo-
 sita nimirum domino soli doli ex-
 ceptione, prout iam ante aliquo-
 ties probatum est. sed consequi-
 tur tantū impensas necessarias,

idque officio Iudicis, in quantum
 possideat adhuc rem. per expres-
 sum text. & valde notabilem in l.
planè. ff. de petit. hereditat. Aut sunt
 viles, quas itidem malæ fidei pos-
 sessor sine læsione status prioris
 rei auferre potest, per expressum
 text. in l. domum. in verbis: *Eius*
autem quod impendit rationem ha-
beri non posse, meritò rescriptum est:
cū malæ fidei possessores, eius quod
in rem alienā impendunt, non eorum
negotium gerentes quorū res est, nul-
lam habeant repetitionem, nisi neces-
sarios sumptus fecerint. Sin autem v-
tiles: licentia eis permittitur, sine læ-
sione prioris status rei eos auferre. C.
 de rei vindicat. Circa * voluptari- 18
 as, variant quidem DD. iuris, in
 malæ fidei possessore; alii enim
 volunt, posse illas auferre; alii ve-
 rò contrariū sentiunt, eas omninò
 illum perdere. quod veriùs esse
 Accursius in d. l. in fundo. ff. de rei
 vindic. probat. Ego verò existi-
 mo, id locū habere in his casibus,
 quando videlicet malæ fidei pos-
 sessor nullā causam habuit a do-
 mino possidendi rem vel ædificā-
 di; secus est, si causam aliquam
 habuit, vt puta, quia fuit inquili-
 nus, colonus, emphyteuta, quia
 tunc dabitur illi vindicatio mate-
 riæ dempto ædificio: nisi aduer-
 sarius

farius probet eum donandi animo ædificium posuisse, per text. in l. 2. C. de rei vindic. Item nisi expensæ huiusmodi voluptariæ factæ sint in re quæ separationem sui natura non admittat. Nam si res sui natura sit separabilis, permisum ei esse videtur sine damno auferre, idq; per express. text. in l. utiles. §. 1. in verbis: Videamus tamen, ne & ad picturarum quoq; & marmorum & caterarum voluptuarum rerum impensas aquè proficiat nobis doli exceptio. si modò bona fidei possessores simus. Nam prado- ni probè dicetur non debuisse in alienam rem superuacuas impensas facere: ut tamen potestas ei fieret tollendorum eorum quæ sine detrimento ipsius rei tolli possunt. ff. de petit. hæredit.

OBSERVATIO II.

Vtrum petitorium & possessorium, (vel ut nostri vulgò Practico loquuntur, causa occupationis & expulsionis) simul intentari possit? & an causa petitorii siue occupationis prius intentata, & non probata, denuo ad causam possessorii, id est expulsionis, & è contra, recursus fieri debeat?

SUMMARIA.

1. Possessorium prius quàm petitorium cognosci debet.
2. Possessorio & petitorio simul agi potest.
3. In interdictis recuperanda & adipiscenda possessionis, possunt cumulari petitorium cum possessorio; secus in interdicto retinenda possessionis.
4. Explicatio l. naturaliter. §. 1. ff. de acquir. & amitt. poss.
5. Petitorium rectè institui potest, si de possessione iam fuerit cognitum.
6. Casus, in quo sententia lata in petitorio, potest officere agenti possessorio.
7. Proprietas tanquam dignior trahit ad se possessionem.
8. Possessorium institui potest, etiam si actum fuerit prius petitorio.
9. Interdicta recuperanda, adipiscenda, & retinenda possessionis quæ dicantur?
10. Possessorium, pendente petitorio, quibus casibus instituitur?
11. Iure Saxon. bona aliena occupans, qua pœna puniatur?

ET prima* quidem fronte, omnino necessarium esse videtur, ut de possessione prius queratur & cognoscatur, quàm de proprietate, id est petitorio. Trita siquidem est

dem est in praxi illa Regula iuris: *Spoliatus ante omnia est restituendus. l. 1. §. 1. ff. de vi & vi armat. gloss. in verbo, ad recuperandam. & in c. literis, extra de restitut. spoliat.* Quod etiam expressè I.C. Vlpian. in l. exitus. 35. ff. de acquir. possess. probare videtur his verbis: *Exitus, inquit, controuersie possessionis hic est tantum, ut prius pronūtiat Iudex vter possideat: ita enim fiet, ut is qui victus est de possessione petitoris partibus fungatur, & tunc de dominio queratur, coram eodem iudice.* quibus ad stipulantur etiam textus in l. ordinarij. 13. in verbis: *Ordinarij iuris est, ut mancipiorum orta questione, prius exhibitis mancipiis de possessione iudicetur, ac tunc demum proprietatis causa, ab eodem iudice decidatur. C. de rei vindic. Et in l. incerti. ibi: Incerti iuris non est, orta proprietatis & possessionis lite, prius possessionis decidi oportere questionem competentibus actionibus, ut ex hoc ordine factō, de dominij disceptatione probationes ab eo qui de possessione motus est, exigantur. C. de interdict.* Harum itaq; legum autoritate, moti DD. quidam iuris, nullo modo admittendum esse existimauerunt, ut quis agere possit simul iudicio possessionis & proprietatis, & hæc fuit sententia Ioannis & Azonis, ut

notat gloss. in l. cum fundum. 18. ff. in verbo. interdicto. ff. de vi & vi armat. Contraria tamen verior esse videtur opinio, quod scilicet simul agi possit ab eodem actore si vult, de possessione recuperanda & de proprietate. Et ratio est, quia non aduersantur sibi istæ petitiones: sed se compatiuntur, ad diuersa siquidem diriguntur, per express. text. in l. naturaliter. 12. §. 1. in verbis: *Nihil commune habet proprietas cum possessione: & ideo non denegatur ei interdictum uti possidetis qui cepit rem vindicare. non enim videtur possessioni renunciassè qui rem vindicauit. ff. de acquir. vel amit. poss.* Quam sententiam obtinere quoq; iure Canonico plusquam manifestum est, per express. text. in c. cum dilectus. ibi: *Ad quartum breuiter respondemus, quòd cum super possessorio & petitorio simul est actum, utrumque una sententia debet terminari. de caus. poss. & propr. & in c. pastoralis. in verbis: Consultationi tue taliter respondemus, quòd possessorio quidem iudicio quod de recuperanda seu adipiscenda possessione proponitur, antequam renunciatum sit aut conclusum in proprietatis iudicio primitus instituto, agi potest ab eo, qui rem ceperit vindicare. tit. eod. de caus. poss. & propr.* Vnde li-

3 quidò * constat, quòd in interd-
ctis recuperandæ & adipiscendæ
possessionis, possit vtrumque, sci-
licet petitorium per rei vindica-
tionem & possessorium in eodem
libello ab actore proponi: at non
item in retinendæ possessionis in-
terdicto. Ratio est, quia in hoc
cōtrarius sibi ipsi actor esset. nam
qui intentat interdictum vti pos-
sidentis, quod est retinendæ pos-
sessionis, (prout dicitur inferitis) is
contendit se possidere, & petit vt
defendatur in possessione, *toto tit.*
ff. & C. vti possidentis. Qui verò insti-
tuit rei vindicationem quæ sub
interdictis recuperandæ & adipi-
scendæ possessionis comprehen-
ditur, is contendit, quod reus pos-
sideat, *per text. in l. unica. C. de alien.*
4 *mut. iud. caus. fact.* Nec obstat * *l.*
naturaliter. §. 1. superius allegata.
Vbi etiam interdictum vti possi-
detis, quod est retinendæ pos-
sessionis, simul proponi videtur cum
petitorio: nam hoc ita demum
procedit, quādo petitorium cum
possessorio retinendæ intentan-
tur respectu diuersarum specie-
rum; ita quòd euitetur contra-
rietas. Exempligratia: Si Petrus
deponit rem, puta scyphum ar-
genteum penes Martinum; vel
commodat ei vestem, certum est

quòd dominium & possessio rei
depositæ, siue commodatæ, penes
Petrum maneat, quia deposita-
rius & cōmodatarius nudam tan-
tū habent detentionem. Si nunc
depositarius vel commodatarius
scyphum aut vestem nolit resti-
tuere, vtique turbare videtur in
possessione Petrum. Igitur datur
illi interdictum retinendæ, & quo-
que rei vindicationis, per express.
text. *in l. officium. 9. circa finem. ff. de*
rei vindic. Atque ita nulla hic est
contrarietas. Quòd verò * petito-
rium rectè postea institui possit si
de possessione iam fuerit cogni-
tum ac pronunciatum, de eo nul-
lum videtur esse dubium. Senten-
tia enim in possessorio iudicio la-
ta, non præiudicat neque nocet
petitorio. per express. text. *in l. &*
an eadem. 14. §. fin. ibi: Si quis inter-
dicto egerit de possessione, postea in
rem agens, non repellitur per exce-
ptionem, quoniam in interdicto pos-
sessio, in actione proprietas vertitur.
ff. de excep. rei iudicat. Et ita in Cu-
ria Regali in causa inter Adamum
Ianosik ciuem Clepardiensem & An-
nam Halerovvā, Cracoviæ feria
5. post festum Visitationis B. Ma-
riæ V. Anno 1605. & in causa An-
næ Nadlovvska, & Stanislaui Che-
linski, feria 5. post festum itidem
Visita.

6 Visitationis B. M. V. Anno 1592. præiudicatum fuit. Ex diuerso tamen * sentētia lata in petitorio, potest interdum officere agenti possessorio, veluti si admixtam proprietatis causam habeat. Dicitur autem possessorium habere causam proprietatis admixtam, cum vt ex eo obtineatur dominium vel quasi probare necessum sit, per text. in l. interdictorum. 2. §. quodam. & ibi gloss. ff. de interdict. siue extraor. act. Pro quo multum etiam facit textus in l. cum filius. 76. §. varijs. ff. de legat. 2. vbi expressè id habetur, quod si alicui competant plures actiones, tunc vna electa, actor ad aliam redire non possit, præsertim si vna tollatur per aliam. Sed certi & indubitati iuris est, quod proprietas * tanquam dignior trahit ad se possessionem, vt sequatur dominium, quia melior est petitio proprietatis. l. bona fides. versic. & hanc probo ff. de positi. facit textus in c. cum dilectus. de causa poss. & propriet. Quare dicendum esse videretur, quod si actio proprietatis fuerit electa, actorem ad aliam actionem puta possessorii non posse redire. Sed tamen his, & quibuscunque aliis non obstantibus, omnino standum est priori sententiæ, quod videli-

8 cet is, * qui egit iudicio proprietatis possit postea instituere possessorium, idq; per expressi textum in l. cum fundum. 18. §. ult. in verbis: *Eum qui fundū vindicauit ab eo cum quo interdicto vnde vi potuit experiri pendente iudicio scilicet petitorij: nihilominus interdicto (videlicet possessorij) rectè agere placuit. ff. de vi & vi armat.* Atque ita in Curia inter Bronievski & Plaza feria 5 post festum S. Margarithæ, Anno 1588. decisum fuit. Et est textus in d. c. pastoralis. tit. de caus. poss. & propriet. Vbi distinguitur inter recuperandæ & adipiscendæ possessionis interdicta, & retinendæ possessionis. Et sciendum est, * interdictum recuperandæ possessionis dici, quod competit ei, qui ex possessione fundi vel ædium, vi deiectus fuerit. namei proponitur interdictum vnde vi, per quod is qui deiecit, cogitur ei restituere possessionem, licet is ab eo qui vi deiecit, vi, clam, vel precario possideat, vt habetur in textu §. recuperanda. Instit. de interdict. Et huius interdicti in foro vsus est frequentissimus siquidem est restitutorium, & sine exceptione datur possidenti rem immobilem si deiciatur vt recipiat recuperetve amissam possessionem.

9

prout etiam in Curia Regali practi-
 cari solet. Et ita in causa inter
 Georgium Roth nobilis Annæ
 Klunovvskæ plenipotentem, &
 Christopherum Slovvikovicz
 Anno 1588. sabbatho ante festa
 Pentecostes. Et in causa inter Se-
 natum Rigensem, & Instigatorem
 S. R. M. Anno 1591. occasione tem-
 pli Patribus Societatis I E S V ad-
 epti, pronunciatum fuit. Interdi-
 ctum verò adipiscendæ posses-
 sionis illi competit, qui de nouo rei
 alicuius possessionem quam pri-
 us non habuit adipisci conatur.
textus in §. Sequens diuisio. Insti-
tut. de interdict. Et denique in-
 terdictum retinendæ possessionis
 est, quo agitur, vt possessionem
 quam quis adeptus est si fortè in
 ea per aduersarium turbatur re-
 tineat. huius duæ sunt species, vi-
 delicet interdictum vti possidetis,
 & interdictum vtrubi. *§. retinendæ.*
Instit. de interdict. Et ideò, si aga-
 tur interdictis recuperandæ aut a-
 dipiscendæ possessionis, in primis
 attendendum est, num renuncia-
 tum & conclusum sit prius in pe-
 10 titorio necne? Et quidem* si re-
 nunciatum nō sit probationibus
 facti nec conclusum in causa, ad-
 mittitur omnino spoliatus institu-
 ere de nouo possessorium pen-

dente petitorio, quod probatur
 per text. *in d. l. cum fundum. §. ult. ff.*
de vi armat. Si verò est renuncia-
 tum vel conclusum in causa, ita
 quòd iam sententia definitiua in
 causa proprietatis ferri debeat;
 tunc si causa aliqua subest quæ
 meritò iudicem mouere possit, vt
 potè, quia manifestè probari po-
 test iniquitas & spoliatio, vel quia
 factò ipsius spoliantis subtracta
 est spoliato facultas probandi do-
 minium: eo casu potest iudex a-
 ctori permittere, vt possit institu-
 ere causam possessorii pendente
 adhuc causa petitorii ante prola-
 tionem sententiæ. Aut talis causa
 non subest, & non est audiendus,
 ne lites litibus inculcentur, & via
 fraudibus possit aperiri, quod ex-
 pressè traditur in text. *c. pastoralis.*
de caus. posses. & propriet. quem hic
 videre operæ precium est. Cæte-
 rum quando agitur de interdictis
 retinendæ possessionis, eo casu,
 non admitti possessorii intentato
 petitorio, per iura & rationes su-
 præ adductas satis superq; proba-
 tum est. At de iure* Saxonico ista o-
 11 mnia longè aliter se habent, si qui-
 de eo iure, si qui bona aliena siue
 mobilia siue immobilia violenter
 occupant aut rapiunt, non aliter
 puniuntur, nisi vt bona ablata re-
 stituant.

stituant mulctam iudici soluant,
& pœnam triginta solidorum ei;
cui vim intulerunt luant; ac in su-
per rem quam violenter occupâ-
runt, amittant. per text. *Spec. Sax.*
lib. 3. art. 43. in princ. & text. art. 43.
lib. cod. vide sup. Cent: 1. Obser. 90.
vbi plura de his.

OBSERVATIO III.

Pupillus, mortuo patre, vtrum à
tutoribus, an verò à matre edu-
cari debeat?

SUMMARIA.

1. *Educatio pupillorum matri compe-
tit, si non transit ad secunda vota.*
2. *Vitricus ab educatione priuigni
remouetur.*
3. *Vitricus tutor priuigni esse potest.*
4. *Mater & auia preferuntur in ad-
ministranda tutela liberorum tu-
toribus legitimis & datius, non
item testamentariis.*
5. *Pupillus apud illos educari non de-
bet, qui expectant ipsius successio-
nem.*
6. *Mulier inhonestè viuens, non so-
lùm ab educatione liberorum, ve-
rùm etiam à tutela remouetur.*
7. *Pupillus ob metum mutandæ reli-
gionis Catholicæ etiam apud pa-
rentes educari non debet.*

8. *Idem dicendum, vbi metus est pro-
stituendæ pudicitie pupilli.*

9. *Educationis verbo quid contine-
tur?*

10. *Tutor alimenta pupillo non tene-
tur prestare ex suo.*

11. *Mater quando liberis alimenta
donandi animo prestare videatur.*

NON admodum difficilem nec
adeò intricatam hæc quæstio
videtur habere explicationem, idq;
propter clarum nimis text. in l. edu-
catio. cuius hæc sunt verba: Edu-
catio* pupillorum tuorum, nulli ma-
gis quàm matri eius, si non vitricum
eis induxerit, committenda est. Quã-
do autem inter eam & cognatos &
tutores super hoc orta fuerit dubita-
tio: aditus præses provincie, inspecta
personarum qualitate & coniunctione,
perpēdet, vbi puer educari debeat. Sin
autē aestimauerit apud quem educari
debeat: is necessitatē habebit hoc face-
re quod præses iusserit. C. vbi pup. educ.
deb. Vnde satis manifestè colligi-
tur, quod pupillus educari debe-
at apud matrem, nisi ad secunda
vota transierit. Id tamen* alicui 2
valdè mirū videri possit, cur ma-
ter eo casu & per consequens vi-
tricus ab educatione priuigni ar-
ceatur, cū aliàs tutor ipsius esse
possit, per express. text. in l. fin. in

verbis: *quem priuigni tui tutelam administrare proponis. C. de cōtr. iud. tutel.* Nam simili ratione inferri posset: mater conuolans ad secundas nuptias remouetur à tutela liberorum. Ergo vitricus quoque nō poterit esse tutor pupilli: quod
 3 tamē aliter se habet. *vt suprà dictum est. Et facit textus in *l. nonūquā. 32. §. 1. ibi. Imp. Titus Antoninus rescripsit, priuignum suū tutori adoptare permittendum. C. de adopt. & emancip.* Imò à tutela ad educationem rectē procedit argumentum, per text. in *l. 1. §. fin ff. ubi pupill. educ. vel mor. deb.* adeò vt quicunque dari tutor potest, videatur etiam pupillum educandum suscipere posse. Sed non ē contrario, cuiusque educatio permittitur, etiam tutela commissa videtur: Nam & iure antiquo matri tutela liberorum non mittebatur, vt potē quod tutela esset officiū virile. *l. 1. C. quando mat. off. tut. fung. l. 2. ff. de diuers. reg. iur.* quāuis
 4 die iure nouo matri & auix id ipsum concessum esse, easq; omnibus tutoribus legitimis & datiuis præferri; solis testamentariis exceptis, prout etiam in Curia Regali inter Karcz tutorē testamentarium Francisci Woynarowicz & Agnethem Woynarowa Ciues

Leopolien Anno 1591. pronunciatum fuit. vbi nō solum quo ad administrationem tutelæ, verum etiam quo ad educationem liberorum, tutor testamentarius matri præfertur. text. in *auth. matri & auix C. quando mult. tut. off. fung.* admodum dilucidē probet. Verumtamen omissis hisce subtilitatibus, omnino dicendum est, matrē ad secundas transeuntem nuptias tam à tutela quā ab educatione liberorum remoueri, idque propter express. text. in *d. l. 1. C. ubi pupill. educ. debeant.* quamuis enim tutor possit esse vitricus priuigni sui, educari tamen apud eū non debet prout neq; apud matrem, idq; ob hanc vt puto rationem, nē videlicet pupilli successioni mater cum vitrico, hoc est cū marito suo inhiare videātur. Certum enim est, matrē liberis absq; prole defunctis, tam iure ciuili, quā Saxon. succedere. per text. in *auth. defuncto. C. ad S. C. Terulian. & Spec. Sax. lib. 1. art. 17.* Nam & alias regulariter pupillus *educari non debet apud illos qui successionis suæ expectantes sunt. textus in *l. finali. ff. ubi pupill. educ.* Id tamen intelligi debet de his qui suspecti esse videntur. per express. text. in *l. 1. §. 1. ibi. Id enim agere præ-*
 torem

torem oportet, ut sine vlla maligna suspitione alatur partus & educetur, ff. vbi pupill. educ. vel mor. deb. Et certè de muliere secundo nubente erga filios priori matrimonii, quis id non præsumat? Experientia siquidem ipsa testatur, illas magnitudine concupiscentiæ ductas, non tantum liberos sed etiã seipsas latenter paulatim priuare substantia. Cum, vt Imperator Iustinianus inquit, nihil sit furore amoris vehementius, quem retinere Philosophia est perfecta, text. in authen. quib. modis. na. off. legit. c. illud. 4. Quod etiam praxis ta Iudicii Terentris quàm & Iuris Magdeburgen. perpetuò sequitur, cuius rei exempla hic recensere superuacaneum esse existimo. Quæ omnia itidem procedere notabis. Primum* in casu, quo mulier aliàs inhonestè viueret, & antè non petiisset dari tutorem liberis suis: nam tunc non solum à tutela, verum etiam ab educatione liberorum suorum arcetur, gloss. in auth. sacramentum. C. quand. mul. tutel. off. fung. Et est ratio ne plus habeat priuilegii turpitudine mulieris dum impudicè viuit, quàm habet castitas dum honestè nubit. per text. in auth. de restit. & ea quæ parit vnde. dec. mensè. Nouell. Constat. 37. in fin. §.

verbis: Non enim aliquid amplius habebit castitate luxuria. Ac præterea,* quando periculum est salutis animæ, puta ob religionem, vel prostituendæ pudicitia; Nam & his casibus mater, imò pater etiã, omnino arcetur ab educatione liberorum, per express. text. in c. ex literis. 2. in verbis: Et pueri post triennium apud patrem non suspectum ali debeant & morari: Materq; pueri si eum remanere contingeret apud eam, posset illum adducere ad infidelitatis errorem: in fauorem maximè fidei Christianæ, respondemus, patri eundem assignandum. tit. de conuers. infid. quemadmodum etiam summa pietatis ratione in Curia Regali in causa Ioannis Krassóvski Rutheni, & Catherinæ Papierniczka ciuium Leopoliæ. Anno 1591. sententiatum fuit, vbi pupilla ad religionem Catholicã, à fide Græci ritus conuersa apud amitam manere iussa est, non autem apud parentes schismaticos. Remouetur* etiam mater, imò & alii tutores ab educatione pupillorum, quando periculum est prostituendæ pudicitia, prout habetur in text. l. 5. Si disceptetur. his verbis: Si disceptetur vbi morari vel vbi educari pupillum oporteat, causa cognita, id præsidem statuere oportebit. In cau-

- se cognitione euitandi sunt, qui pudicitia impuberis possunt insidiari. ff. vbi pupill. educ. vel mor. deb.* Cæterum sciendum * est, educationis verbo non tantum victus suppeditationem significari, sed & vestium & habitationis, per express. text. in l. ult. ff. de aliment. & cib. legat. quoniam nimo etiam institutionem morum & liberalium artium, per express. text. l. quod plerumq. 2. ff. de aliment. pupillo præstan. Non autem æs alienum, per text. in l. 5. §. parens. ff. de agnoscend. liber. & tot. tit. C. ne filius
- 9 *pro patre.* Quamuis * alimenta, & alia huiusmodi non teneatur tutor pupillo præstare de suo, sed ex bonis ipsius pro modo facultatū eadem præstare debet, idq; faciet taxari decreto iudicis, per express. text. in l. alimentorum 3. ff. vbi pupill. educ. vel mor. deb. quæ, cum multum ad hunc casum faciat & valde sit notabilis ex occasione inspicienda erit: Secus est * in matre, quæ alens filium, donandi animo, aut potius non repetendi præsumitur id fecisse, idq; ex coniecturis colligi potest, affectionis videlicet maternæ. *Quis enim* (inquit Imp. Iustin. in l. cum furiosus. 7.) *talis affectus extraneus inueniatur, ut vincat paternum,* (idem dicendum de materno.) C. decurat. furios.
- 10
- 11

Quare eo quoq; casu mater, si alimenta præstare velit pupillo, in educatione illius potior haberi debet, prout in Curia etiam Regali, in causa inter Iakubovvicz, & Iakubovva Armenos Leopoliens. Anno D. 1599. die 10. Martii. Et in causa inter Kupcovvicz & Kilczövvska feria sexta ante Pentecosten. Anno 1589. pronunciatum fuit. Hoc tamen fallit, si filius patrem superstitem habeat in cuius sit potestate locupletem. Eo enim casu, mater repetit quod in causam alimentorum filii impendit, si videlicet pater filium alere teneatur, per text. in l. 5. §. 14. ff. de agnoscen. lib. Vel nisi esset protestata se id non animo donandi facere, per express. text. in l. Nisennius 34. in verbis: *Quid enim si protestata est, se filium ideò alere, ut aut ipsum, aut tutores eius conveniret.* ff. de negot. gest. Quod etiam in auiâ locum habet prout elegantissimè in d. l. Nisennius disponitur.

OBSERVATIO IV.

An is, qui rem alicuius publico vel priuato nomine administrat, si locupletior sit factus quam ante fuit, præsumatur ex illa administratione, vel aliunde rem & substantiam acquisivisse?

SVM.

SUMMARIA.

1. *Vnusquisq; tam diu præsumitur bonus, donec probetur contrarium.*
2. *Tutor an præsumitur, si locupletior sit factus, ex bonis pupilli id acquisiuisse.*
3. *Magistratus officiales & quæstores, qui publicam pecuniam administrant, an censeantur ex publica pecunia acquisiuisse, si locupletiores facti sunt?*
4. *Pœna contra eos qui fiscum defraudant, quales de iure competunt.*
5. *Fisci administratoribus facultas se defendendi conceditur.*
6. *Filius familias an quod habet, ex bonis paternis, an verò ex industria sua acquisiuisse intelligatur.*
7. *Mulier ex bonis mariti acquisiuisse videtur si locupletior facta sit.*
8. *Praelati & alij clerici ex bonis Ecclesie acquirunt.*
9. *Empta à prelato efficiuntur Ecclesie.*
10. *Religiosi loci administratores ex iis bonis quæ administrant, quæsisse videntur.*

Generaliter, quando quæritur, quomodo quis acquisierit re, quæ penes aliquem est, semper ea interpretatio accipi debet, quæ

eius viri quo de agitur, existimationem, & bonam famam non lædat. idq; argum. l. *Quintus. 51. ff. de donat. int. vir. & vxor.* Nam * vnusquisque tam diu bonus iudicatur, donec contrarium probetur. facit text. in l. *cum pater. 77. §. rogo. 25. & in l. cum quidam. 24. ff. de legat. 2. & c. ult. extra de presbyter.* Vnde * si quærat de tutore, qui antequam munus tutelæ iniret non ita locuples esset, postea verò in administratione tutelæ multis rebus & bonis auctus reperiatur, an hæc præsumatur ex pecunia pupilli acquisiuisse? Et satius est, vt ex industria sua quam de bonis pupilli ditatus intelligatur, per express. text. in l. *si defunctus. 10. in verbis:* Nam quod neq; ipse neq; vxor eius quicquam ante administrationem habuerunt: non idoneum huius cõtinet iudicium. Nec enim pauperibus industria vel augmentum patrimonij quod laboribus & multis casibus quæritur, interdicens est. C. *arbitr. tutel. facit text. in l. Titium. 47. §. pen. ibi. pupillo usuram, non compendium præstandum. ff. de administ. & peric. tutor.* Nè, si existimetur tutor pecunias pupilli expilasse, in suspicionem delicti incidisse videatur. Porro * de Magistratibus & officialibus maxi-

mè verò quæstoribus, qui publicam administrant pecuniam, an idem dicendum sit, in controuerso esse videtur. Nam Accursius in l. defensionis. in verbo ad usurpationem, & in verbo exceptionem. C. de iure fisci, putat, præsumi eos ex fiscali seu publica pecunia fortunas suas auctiores reddidisse, & locupletiores factos esse. Nam (vt inquit *ibidē.*) officiales plura mala sciunt & committunt quam alii, prout id probatur, in *auth. vt iud. sine quoquo suffrag. fiant.* §. 1. in verbis: *Administrationes namq. habentes, &c.* Vnde propter consuetudinem delinquendi plus vel facilius de illis est præsumendū. *arg. l. aut facta. 16. §. fin. ff. de penis.* Sed verius esse puto à generali sententia, quam suprà de tutore posui, non esse recedendum, vt videlicet in dubio, licitè & ex industria sua, non autem ex administratione fisci vel publicæ pecuniæ ea bona acquisiisse videantur; quemadmodum reiecta sententia glossæ, in d. l. defensionis. ex communi DD. opinione probat Bald. in c. 1. de cler. qui inuestit. fac. in vsibus feudor. & consuetudine hanc DD. communem non autem illam Accursii sententiam obtinere *ibid.* docet. Et meritò quidem, ne vide-

licet præsumptio doli & delicti occurrat; ne uellit * qui fisci curā 4 gerūt, ex illa præsumptione ablatiis & confiscatis bonis, pœna perpetuæ deportationis aut ultimo supplicio mulcentur, quæ pœnæ iis qui fiscales illationes ad priuatum commodum conuertunt, cōstitutæ sunt, *per text. in l. 1. & 2. C. de his qui ex publ. ration. mut. pec. accip.* Proinde * summa æquitatis ratione ab Imper. Iustin. constitutū 5 esse videtur, vt videlicet. in talibus non præsumptionibus tantū, sed probationibus potius locus sit & defensionis facultas eisdem relinquatur, quemadmodum pulchre id ipsum in d. l. defensionis C. de iure fisci, proponitur his verbis: *Defensionis facultas danda est his quibus aliquam inquietudinem fiscus infert: cum facultates eorundem adhuc controuersia pendente inquietari describiq. fas non sit. Vbi ergo controuersia extiterit fisco alicuius patrimonium vindicante, apud eum omnibus facultatibus constitutis cognitio vētiletur: vt cum rei exitus debere eas vindicari probauerit, tunc deum res persequi liceat, & super modo facultatum ac rerum interrogationē haberi, quæ per conditionales seruos inuestiganda est: vt si quid subractum fuerit exigatur, & extrinsecus integrum tantum aliud*

*tum aliud multa nomine, quantum fuerat per fraudem ablatum. Ad cuius certè legis æquitatem, non sine eximia iustitiæ laude respexisse videtur S. R. M. in iudicio relationum non ita pridem tempore quadragesimali Anno 1612. Varfaviæ celebrato, in causa Instigatoris fisci & successorum cuiusdam Grigiel. qui penū Regiam administrabat, & ex hac vita decedens, non exiguam substantiam rerum suarum reliquisse dicebatur, cū antea vix ei reseffet. Possunt verò euenire certi casus, in quibus quæsitum ab aliquo id ex alterius bonis quæsitum præsumi, atq; inde ad coniecturas sine vlllo tali periculo deueniri potest: exempli gratia, Si de filio familias * quærat, an quod habet, ex industria sua potius habere quàm ex paternis bonis iudicetur. coniecturis locus erit; Nam inde nullum periculum nullumue damnum sequetur, siue hoc siue illud dicatur, prout notat Bartol. in l. cum oportet. o. circa fin. C. de bon. quæ lib. Sic quoq; si * quærat, quod penes mulierē est vnde veniat, dicendum est, profectum esse ex bonis mariti, per express. text. in d. l. Quintus. 51. in verbis: Et verius & honestius est, quod non demonstratur vnde habe-*

*at, existimari à viro, aut qui in potestate eius esset, ad eam peruenisse. Euitandi autē turpis quæstus gratia circa uxorem hoc videtur Quintus Mutius probasse, ff. de donat. inter vir. & uxor. Idem * summa ratione dicitur in prælato Ecclesiæ, vt si locuples sit præsumatur ea quæsiisse ex bonis sacerdotii in quo versatur, per text. in auth. licentiam C. de Episc. & Cleric. & in c. inuestigand. in verbis: Inuestigandum est, si nihil patrimonij habens presbyter quando promotus est ad Ecclesiasticum ordinem postea emerit prædia, cuius iuris sint: quoniam Ecclesiæ, ad quam nihil habens promotus est, esse debet iuxta canonicam auctoritatem tit. de pecul. Cler. Nam * & alias emptæ a prælato, ex emolumentis Ecclesiæ emptæ esse censentur, per express. text. in c. inquirendum. pen. tit. eod. de pecul. Cleric. Et additur ibidem terribilis ratio: Quoniam, inquit, hoc sacrilegium est, & par crimini Iude furis, qui sacras oblationes asportabat & furabatur. Quod * c. 10. tiam locum habet in administratoribus cuiuscunq; loci religiosi, vt puta qui præsunt Xenodochiis & similibus, per express. text. in d. auth. licentiam.*

OBSERVATIO V.

An & quomodo quis à tutela excusari aut remoueri possit?

S V M M A R I A.

1. Tutela est munus publicum, & ideo etiam inuitus tutor dari potest.
2. Liberatorum numerus excusat à tutela.
3. Multa dicuntur, quæ duo aut tria sunt.
4. Tria onera tutela, utrum præsent excusationem à tutela.
5. Absentia Reipub. causa, præstat vacationem ab onere tutela.
6. Administratio Magistratus vel muneris publici, an liberet à tutela.
7. Excusatio à tutela habet locum ob aduersam valetudinem.
8. Idem dicendum in cæcis, surdis, mutis & furiosis.
9. Paupertas excusat à tutela, non item rusticitas & imperitia literarum.
10. Septuagenarius & minor 25. annis excusantur ab officio tutela.
11. Ob inimicitias capitales & gravissimas datur immunitas à tutela.
12. Tutor pupillo mouens questionem de statu, aut è contra, tutor esse non potest.
13. Milites non admittuntur ad onus tutela.

14. Clerici & Presbyteri, quando possint tutelam gerere.

15. Excusationes à tutela plures habens, quomodo illas proponere debeat?

16. Excusationes à tutela intra 50. dies proponi debent.

17. Appellatio à datione tutela non admittitur, secus ab excusatione.

18. Testamentarius tutor tutelam suscipere promittens, non excusatur.

19. Suspecti tutores qui dicantur.

Tutelam * & curam publicum munus esse, nemo est qui nesciat, per express. text. in princ. Instit. de excus. tutor. Nec obstat, quod in l. si duas. §. tutela. 15. ab I. C. Modestino traditur. Tutelam non esse munus Reipublicæ, nec quo ad impensam pertinet, sed civile: nec provinciale videtur esse tutelam administrare. ff. de excus. tutor. Nam quamuis vtilitate primario non sit munus publicum quemadmodum hic ponit Modestinus: attamen autoritate sic, ut supra dictum est, per text. in princ. Instit. de excus. tutor. quinimo etiam vtilitate videtur esse munus publicum secundario: quia expedit Reipublicæ ne sua quis remalè utatur, per text. in §. sed hoc. 2. Instit. de his qui sunt sui vel alieni iur. Quamuis non de-

non desint, qui *d. l. si duas* dicant spuriam esse neq; ab I.C. Modestino traditam, ex hac ratione, quod is nunquam soleat Græco contextui latinas, nisi ex aliis authoribus, sententias inferere. Nul- lum verò authorem ea lex habet; tùm deniq; quod eo sermone cō- cepta est, qui Ictis non est in vsu: nec enim provincialis muneris vsquam fit mentio, nec Reipub. munus à civili munere quasi di- uersum vsquam discernitur. Ve- rùm missis hisce ambagibus, cum nostrum non sit censuram hic a- liquam facere, aut authoritatem legum cōnuellere, firmiter tenen- dum est tutelam publicum mu- nus esse; & ideo necessario vnum- quemq; volentem nolentem huic muneri subesse, nisi ab eo se ex- cufandi legitima subsit causa; prout in Curia inter Krasnicki & successores Kerstan feria tertia ante Festum S. Iacobi Apost. An- no 1591. pronuntiatum fuit. Quini- mo tutor renuntians tutelæ sine causa, puniri debet. Et ita in Cu- ria inter Ioannem Scepiorski & successores Alberti Gnatovvski feria sexta post octauas sacratissi- mi Corporis Christi, Anno 1599. iudicatum esse adnotaui. Excufationis verò à tutela multæ &

variæ possunt esse causæ, quæ et si in corpore legū sub titulis de ex- cusatione tutorum luculentissi- mē contineantur; eas tamen, quia quotidie in praxi occurrūt, in gra- tiam cū eorum qui in foro ver- santur & causas agunt; tūm etiā studiosorum iuris, in compendi- um redactas hic adicere non abs- re me facturum esse existimaui. Et primò* quidem excusatur quis à tutela ob numerum liberorum. Si enim, vt inquit Imp. Iustinian. in §. excusantur. Instit. de excus. tutor. tres liberos Romæ quis haberet, vel in Italia quatuor, vel in Prouincijs quinque, à tutela vel cura potest ex- cufari. per tot. tit. C. de excusat. tutor. Quæ distinctio hodie non attendi- tur, sed simpliciter dicendum est, tutorem multos habentem libe- ros excusari à tutela, prout gloss. iur. Saxon. lib. 1. art. 11. & iur. Munic. art. 26. indistinctè ponit. Multa * 3 autem dicuntur, quæ duo vel tria sunt, gl. in l. 1. §. 29. ff. de S. C. Silan. & Claud. facit textus in l. licet. ff. de leg. 1. quamuis etiam interdum maio- rem, puta quadragenarium nu- merum in se contineant, vt notat gl. in clatores. de Cler. ex com. deposit. & c. Sed & * tria onera tutelæ non affectatæ de iure Ciuili præstabāt vacationē à quarta tutela, quod

excusationis genus vix hodie in praxilocum habere posset; puta quòd hoc tempore tutelæ non tam difficiles & negotiosæ esse soleant; id tamen in arbitrio Iudicis vel magistratus relinquendum esse existimo. Secundo *excusationem à tutela præstat absentia Reipub. causa, per expressi: text. in §. *item qui reipub.* Instit. de excus. tutor. & l. 1. C. Si tutor vel curator Reipub. causa absue. & l. pen. ff. de excusat. tut. facit gl. iur. Sax. d. lib. 1. art. 11. & iur. Mun. art. 26. quod intellige, si nondum sit suscepta. Nam si suscepta iam est, & incipiat quis Reipu. causa abesse, non omnino deponit eam, sed tantum intermittit quamdiu abest, sufficiturq; interim curator. Quòd si reuersus fuerit, pristinum munus tutelæ rursus suscipere cogetur, per expressi. text. in l. *administrantes.* 41. §. 2. in verbis: *Nam susceptam antea non* 6 *deponunt.* ff. de excus. tut. Iure *quidem Ciuili, etiam ob Magistratum vel munus publicum à tutela excusatio admittebatur, vt videre est in l. *potestatis* 215. ff. de verb. signi. 7 quod hodie non obtinet. Tertiò *excusatio à tutela habet locum propter aduersam valetudinem, propter quam, ne suis quidem negotiis interesse potest, prout Imp.

Iustinian. in §. *item propter.* Instit. de excus. tutor. tradit; facit text. in l. *non solum* 12. §. *fin. ff. de excus. tut.* Quod * & in his qui luminibus capti sunt, & surdis, & mutis, & furiosis, & qui perpetua valetudine detinentur, procedit. text. in l. 1. C. *qui mor. se excus.* quamuis reuera tales, etiam si velint, nequeant essetutores, textus in l. *luminibus.* C. *qui dar. tut. poss.* & in l. 1. & 2. ff. de tutel. quod intelligendum est, tam de testamentariis quam legitimis tutoribus; textus in l. *penul. ff. de legit. tut.* & §. *furiosus.* Instit. *qui testā. tut. dar. poss.* Quartò * ob pauper- 9 tatem, eam præsertim, qua quis victum suis manibus quotidie quærere cogitur, per text. in l. *paupertas.* 7. & l. *post susceptam.* 40. ff. de excus. tutor. quod Iudex siue Magistratus diligenter inquirere debet, ne fortè sub colore paupertatis publicum tutelæ munus effugere quis velit. Bartol. in l. *in illa stipulatione,* in fin. ff. de verb. oblig. & gloss. in §. *sed &.* in verbo *imparem.* Instit. de excus. tutor. Imperitia etiam literarum & rusticitas iure Ciuili excusabat ab onere tutelæ ob adiunctam scilicet simplicitatem, per text.: in l. *si duas.* §. *De rusticis.* ff. de excus. tut. Verum quia hodie etiam in rusticis & lite-
rarum

rarum ignaris non parua apparet
 sagacitas & versutia, ideo nequa-
 quam illis concedi debet à tutela
 10 vel cura immunitas. Quintò, *ra-
 tione ætatis immunitas à tutela
 & cura datur, idq; duplici modo;
 vel quia tutor compleuit septua-
 ginta annos, per express. text. in §.
item maior. Instit. de excus. tut. & in l.
3. ff. de iur. immunit. Ratio est, quia
 senectus ipsa sibi satis est gruida
 & molesta; quemadmodu in Cu-
 ria Regali in causa Adami Stanni-
 fusoris & Magistratus Ciuitatis
 Lublinen. Anno 1612. agitatum
 memini: vel quia legitimam æta-
 tem necdū habet; puta, quia mi-
 nor est viginti quinque annis. vel
 iure Saxō. quod in praxi obtinet,
 viginti vno anno. nam hoc iure
 post 21 annum, homo discretionis
 attingit annos. per text. *Spec. Sax.*
lib. 1. art. 42. quinimo talis prohibe-
 tur hodie adspirare ad tutelam
 vel curam, per express. text. in l.
ult. C. de legit. tutor. In testamento
 tamen ita dari tutor potest, vt
 cum maior fuerit tutelam gerere
 incipiat, interimq; substituatur al-
 lius. §. *firiosus. Instit. qui testam. tut.*
 21 *dar. possunt.* Sextò, *propter ini-
 micitias; nā si propter inimicitias
 aliquē testamento tutorē pater
 dederit, vt debitis supponatur, &

à puppillo vexetur, hoc ipsū præ-
 stat ei excusationem, prout Imp.
 Iustin. in §. *item si propter. 9. Instit. de*
excus. tut. probat. Inimicitia autem
 debet esse aut capitales, prout ha-
 betur in textu *Instit. de excus. tutor.*
 puta, si quis sanguinis vinculo &
 necessitudine coniunctum tuto-
 ris occiderit, aut capitis accusa-
 uerit, aut certē mortem illi mina-
 tus sit, text. in l. *Lex Cornelia. ff. de*
iniuriis. & gl. in l. licet. ff. de re arbitr.
 Aut grauissimæ, si nimirum de bo-
 nis omnibus aut maiore parte bo-
 norum lis inter eos sit, aut alter al-
 terum atroci affecit iniuria. Quæ
 autem atrox dicatur iniuria, ha-
 bes in text. §. *atrox. 9. Instit. de iniur.*
 Vnde si de *statu etiam, puta le- 12
 gitimi ortus aut nobilitatis tutori
 à patre pupillorum; vel ex diuer-
 so pupillis à tutore facta sit con-
 trouersia, iure meritò excusatio
 admittenda est à tutela, per text.
in l. si duas. 6. §. amplius. 18. ff. eod. de
excus. tutor. Pertinet enim eiusmo-
 di iniuria ad totius cognationis
 ignominiam, argum. text. in l. 1. §.
fin. & l. 2. ff. de liberali causa. Vltimò
 *propter militiam; nam hic etiam 13
 volentes ad tutelæ onus non ad-
 mittuntur, per express. text. in l.
sed & milites. 10. ff. de excus. tuto. & l.
militia. C. qui tut. da poss. quod in his
 tantum

tantum procedit, qui in militia existunt & in castris degunt; non autem in veteranis, prout *glos. in §. idem & in milite. 11. Instit. de excus. tutor.* notat. Et ratio est, quia cum militaribus occupentur laboribus, fieri non potest, ut possint muneribus civilibus præesse, tutelamq; administrare. Aliud *verò
 14 dicendum est in Clericis, qui in multis militibus æquiparari solent. Nam hi volentes quidem ad tutelam admitti possunt, cogi non debent, per text. *inc. generaliter. 40. & ibi glos. 10. quest. 1. Quamvis* etenim Imp. Iustin. Episcopos & Monachos à tutela omnino excludere videatur: solis verò tantum diaconis & subdiaconis, item presbyteris id permittat, ut videre est in text. *c. 5. Novel. 124.* De iure tamen Canonico etiam Episcopi & Monachi possunt suscipere tutelam causa pietatis, quavis non cogantur, nisi quando urget necessitas, & hoc in miserabilibus personis, per express. text. *inc. pervenit. 26. distinct. 86.* Atque hæ sunt excusationis à tutela & cura causæ & rationes, quas etiam gloss. iuris Sax. *lib. 1. art. 11. & in. Municip. art. 26.* recenset. Verum ad hæc excusandi materiam, hoc
 15 in primis notandum est, *quod tu-

tor vel curator, si plures huiusmodi excusationes habeat, proponendo tantum unam in cæteris sibi præiudicat: sibi enim imputabit quod non omnes coniunctim allegauerit, per express. text. *in l. scire oportet 13. §. scire autem 8. in verbis: Et si multa habeat iura, quæ ad remissionem faciunt, omnia nominare ff. de excus. tut.* Cæterum si omnes huiusmodi excusationes quæ illi competebant coniunctim proposuerit, tamen si de quibusdam non probauerit; aliis tamen uti intratempora constituta non prohibetur, per express. text. *in §. qui autem 16. Instit. de exc. tut.* Deinde *necesse est ut has excusationes intra legitimum tempus, hoc est intra quinquaginta dies continuos, ex quo cognovit se esse tutorem vel curatorem datū obiciat, per text. *in §. Qui autem excus. 17. Instit. eod. & in l. quinquaginta. 38. ff. de excus. tutor.* Nam *appellatio à tutela, vel curatione delata non permittitur, per text. *in l. cum in una §. tutor. ff. de appellat. & relat. & in d. §. qui autem excusare.* Et ratio est, quia datio tutoris iurisdictionis non est; per text. *in l. muto. §. tutor. ff. de tutel. Appellatio quippe ad corrigendam cum iniquitatem tum imperitiam iudicantium, inuenta est, ut tra-*

vt tradit Vlp. in l. i. in princ. ff. de ap-
pel. & relat. Secus est, si Iudex vel
magistratus excusationes tuto-
ris, quibus onus tutelæ vult decli-
nare, non admittat; nam ab eo
appellari & prouocari potest, pro-
ut expresse habetur in l. si quis. i. §. i
in verbis: *Si quis tutor datus fuerit
vel testamento, vel à quo alio qui ius
dandi habet, non oportet eum prouo-
care; hoc enim Diuus Marcus effecit.
sed intra tempora prestituta excusa-
tionem allegandam habet. & si fuerit
repulsa, tunc demum appellare debe-
bit, ceterum ante frustra appellatur.*
ff. quan. appel. sit. Denique * scien-
dum est, supra allegatas excusa-
tiones non habere locum in testa-
mentario tutore, qui se tutelam
administraturum patri pupillorū
promiserat, per expr. text. in l. ex
sententia. 29. in verbis: *Non admit-
tendam excusationem, quā iure pu-
blico habebat, quoniam promississe vi-
debatur.* ff. de testam. tutel. Et in §.
item si propter. 9. Instit. de excus. tutor.
Neque enim is debet promissum
officium deferere, & tam pupillo
quā parēti fidem fallere, argum.
l. si quis alicui. 27. §. qui mandatum 2.
ff. mandati. Porro * remouentur
à tutela & cura suspecti tutores,
qui videlicet non ex fide, sed im-
probe & dolo malo tutelam ge-

runt etiam si soluendo sint. §. sus-
pectus aut est. Instit. de susp. tut. & curat.
Item qui tametsi aliās bona fide
tutelam administrant; dolo tamē
& non iusta de causa absunt, &
de industria omittunt certa alimē-
ta pupillo à iudice designari, post
text. in l. tutor quoque. ff. de susp. tut.
Ac deniq; qui moribus tales sunt
vt suspecti videantur, puta, qui
crimine aliquo publico & impro-
bis moribus contaminati sunt, per
expres. text. in §. ult. Instit. de susp. tut.
Sed quia nunc hæc suspecti tuto-
ris actiones rarò aut nunquam in
iudicium perducuntur, idcirco
latiorem de iis instituere tractatū
minis necessarium esse existimo.

OBSERVATIO VI.

Tutor cum pupillo contrahere,
& sibi ipsi author esse vtrum
possit, nec ne?

SUMMARIA.

1. Tutor cum pupillo contractum mu-
tui celebrare potest.
2. Idem dicendū in aliis contractibus.
3. Tutor palam & bona fide cum pu-
pillo quando contrahere dicatur.
4. Contraria sententia DD. quòd in-
ter tutorem & pupillum nullus po-
test esse contractus.

D

s. Pupil-

5. *Pupillus sine tutoris auctoritate vtrum naturaliter possit obligari nec ne?*
6. *Pupillus quando dicatur infans, aut infante maior, aut proximus pubertati.*
7. *Tutor in negotio proprio auctoritatem prestare non potest.*
8. *Tutor auctoritate contutoris, vel decreto iudicis interueniente cum pupillo contrahere potest.*
9. *Tutor vtrum pupillam suam uxorem ducere, vel filio in matrimonium locare possit.*
10. *Matrimonij cause pertinent ad forum Ecclesiasticum.*

1. **A**ccursius tutorē * posse cum pupillo mutui contractū celebrare probat, per text. in l. quoties. 9. §. non tantum. 7. in verbis: *Non tantum autem sibi soluere tutor, verum etiam sibi creditam pecuniam scribere potest, seque mutua pecunia poterit obligare, sibi mutuam prescribendo. & in §. sicut. 5. ibi. Sicut autē soluere tutor quod debet, ita & exigere quod sibi debetur potest, si creditor fuit patris pupilli. Nam & sibi soluere potest, si modò fuit pecunia unde soluat. ff. de administr. tutor. Quod DD. iuris* passim, non tantum in mutui contractu obtinere, sed generaliter quemcunq; cōtractum*

2.

inter pupillum & tutorem confici posse, modò palam & bona fide id fiat, vnanimi consensu statuunt, idq; per text. in l. cum ipse. 5. cuius verba sunt: *Cum ipse tutor nihil ex bonis pupilli quæ distrahi possunt comparare palam, & bona fide prohibetur: multò magis vxor eius hoc facere potest. C. de contrah. empt. & in l. non existimo. 54. ff. de administr. tut. facit etiam text. in l. si filius. 78. §. fundum. 1. ff. de contrah. empt. Tunc autem * tutorem cum pupillo palam & bona fide contrahere docent, quando in præsentia amicorum vel consanguineorum pupilli contractus celebratur, per text. in l. transactionem. 35. in verbis: *Cum ea amicis etiam interuenientibus reuera ostenditur processisse. & c. C. de transac. Bartol. in l. frater à fratre. coll. 11. ff. de condict. indeb. Aut in præsentia iudicis, cum idem sit eo in casu iudicis & amicorum cognatorumue præsentiæ effectus, teste Bartol. in d. l. transactionem. & facit text. in l. fin. 2. pri. ff. quod metus causa. Vnde satis perspicuū est, quod tutor clanculum & mala fide prohibeatur cum pupillo contrahere. Contrarium tamen his non obstantibus arguere videntur textus: primū quidem in l. si in emptione. 34. §. fin. ff. de**

*ff. de contrah. empt. & in l. 1. §. fuit
 questum 13. ff. ad SC. Trebellianum.
 item in l. pupillus. 5. §. item ipse tutor.
 2. ff. de auctor. & consensu tut.* Ex qui-
 4 bus omnino colligitur, quod nec
 mutuum, nec emptio, nec alius
 cuius contractus per tutorem
 cum pupillo propria auctorita-
 te iniri possit palam etiam & bo-
 na fide. cum de substantia obliga-
 tionis per pupillum contrahendæ
 sit auctoritas tutoris, per text. in l.
 5 *obligari. 9. in pr. ff. eod. de auctor. & cō-
 sensu tut.* Quamvis etiam in eo
 DD. iuris ab inuicem haud paula-
 tim dissentiant. Alii enim volunt
 pupillum etiam sine auctoritate
 tutoris obligari posse, saltem na-
 turaliter, idq; per express. text. in
 l. an in pupillum. ff. de posit. & in l. 1. in
 fine. in verbis: dummodo sequens
 obligatio aut civiliter teneat, aut na-
 turaliter: ut puta, si pupillus sine tu-
 toris auctoritate promiserit. ff. de no-
 uat. & deleg. Alii verò dicunt pu-
 pillum non obligari etiam natu-
 raliter, quæ sententia fuit I C. Ne-
 ratii, in l. 41. ff. de condict. indeb. Cui
 ad stipulatur quoq; I C. Licinius in
 l. 59. ff. de obligat. & actionib. facit
 textus in l. more nostro. ff. de acqui-
 heredit. & in §. nunc admonendi. In-
 stit. quib. alien. liceat vel non. Hanc
 antinomiali seu contrarietatem

legū Accursius explicando, qua-
 tuor diuersas solutiones in d. l. 1. in
 verbo promiserit. ff. de nouat. & dele-
 gat. adfert, inter quas hæc potissi-
 ma esse videtur, quod pupillus 6
 aut est infans, & infra septimū an-
 num constitutus, & nullo modo
 obligatur: caret enim intellectu
 & consensu, l. 1. ff. de pactis. Aut
 est infante maior, quia nondum
 compleuit decimum annum cum
 dimidio, de quo idem dicendum
 est illum neq; ciuiliterneq; natu-
 raliter posse obligari, quia tunc
 non videtur habere plenum &
 perfectum velle. Aut non mul-
 tum abest à pubertate, & tunc ex
 contractu obligatur naturaliter
 tantum, per d. l. 1. ff. de nouat. & de
 legat. Cum in eætate consensum
 habeat & aliquem intellectū, per
 text. in §. pupillus. Instit. de inutil. sti-
 pul. Et consensus quamlibet nu-
 dus naturalem pariat obligatio-
 nem. l. Stichum. §. naturalis. ff. de solut.
 Verumtamen hæc naturalis obli-
 gatio nullum contra pupillum o-
 bligatum tam iure ciuili, quam
 iure gentiū tribuit effectū. Ideoq;
 rectè à Neratio I C. in d. l. quod pu-
 pillus. 41. ff. de condict. indebit. dictū
 fuit, pupillum videlicet sine tuto-
 ris auctoritate nec natura debe-
 re, quoniam debere natura, id tan-

tum dici potest, ad cuius præstationem aliquo iure quis compellitur. Mihi tamen penitus rem inspicienti non admodum displicet Zafii hac in re sententia, idque in tract. *de Iudeis qu. 2. post princ.* qui existimat generaliter illud dici posse: pupillum natura non obligari, si de ea obligatione naturali intelligatur quæ verè naturalis est & repetitionem impedit, *d. l. quod pupillus.* At ea naturali obligatione, quæ iuris admixtum habet nihil, quæq; nullum effectum habet, obligari pupillum concedit, & ita leges aduersantes recipi debere ait, ut potius æquitate à natura procedente, quam natura obligari dicatur pupillus. Nisi fortè pupillus factus sit ex ea obligatione locupletior, quia ob id etià civilis actio contra eum datur. *d. l. 1. §. an in pupillum. ff. de posit.* Sed hæc de obligatione naturali pupillorū dicta sufficiant; nunc ad propositum redeundo, dicendum est, Tutorem* non posse in negotio proprio pupillo auctoritatem præstare, quod expressis verbis in *d. l. 1. §. fuit quasitum. 15.* in verbis: *Fuit quasitum, si ipsi tutori rogatus sit restituere pupillus, an ipso auctore restitutionem facere possit. Et est decretum à Diuo Seuero, non posset tutori se aucto-*

re restituere hereditatem: quia in rem suam auctor esse non potest. ff. ad SC. Trebell. probatur. Absurdum siquidè videretur, ut idem tutoris & contrahentis partes simul sustineat. *d. l. pupillus. 5. §. item ipse tutor. ff. de auctor. & cons. tutor.* præsertim in obligatione de nouo contrahenda, cum in actu, qui per pupillum necessariò explicandus venit, & tendente ad contractæ obligationis dissolutionem, autorari tutor sibi nequeat. *d. l. 1. §. fuit quasitum.* Ex quo id colligitur manifestè, tutorem aliter cum pupillo contrahere non posse, quam si contutoris auctoritas interueniat. per express. text. in *d. l. pupillus. 5. in pr.* in verbis: *Pupillus obligari tutori eo auctore non potest. Planè si plures sint tutores quorum unus auctoritas sufficit: dicendum est altero auctore pupillum ei posse obligari: siue mutuam pecuniam ei det, siue stipuletur ab eo. ff. de auctor. & cons. tutor.* Tunc enim videtur palam & bona fide inter pupillum & tutorem res geri, cum interuenit auctoritas contutoris, per text. in *d. l. non existimo. ff. de administr. tut. & curat.* Si tamen contutorem habeat, *d. l. pupillus 5. §. item ipse tutor. ff. de auctor. & cons. tutor.* Vel si non sint duo aut plures tutores pupillo dati, eo casu

casu interuenire debet decretum iudicis cum causæ cognitione, per text. in l. 1. §. toto tit. ff. de rebus eor. qui sub. tut. vel cur. sunt. Et ita non vsq; adeo necessarius hoc in passu esse videtur amicorum & cognatorum consensus, de quo superius dictum est; sed sufficit cō-tutoris auctoritas, vel iudicis decretum, quamuis hæc iuris solennia minus fortè necessaria esse dicerem in eo casu, quando contractus cum tutore non posset, non nisi utilis esse pupillo per express. text. in l. pupillus. 11. cuius hæc sunt verba: *Pupillus quantum ad acquirendum non indiget tutoris auctoritate. Alienare verò nullam rem potest, nisi præsentē tutore auctore.* ff. de acquir. rer. dom. & ideo rectè superius dictum est, posse tutorem se mutua pecunia obligare sibi mutuam scribendo, d. l. quoties. §. non tantum. ff. de administ. tut. & curat.

9 Sed an tutor pupillam suam vxorem ducere possit, non incommodè hic queri potest. Et de iure quidem ciuili nullum est dubium, tutorem pupillam vxorem ducere non posse, sed neq; filio matrimonio eam iungere, per expr. text. in l. tutoris. 15. ff. de sponsal. quod ita verum est, nisi à patre desponsa destinataue testamētōve nominata

fuerit, per tex. in l. tutor. 30. ff. de ritu nupt. Ratio autē huius rei ponitur in l. libertum. 64. his verbis: *ne vide licet pupilla in re familiari circūscribatur ab his, qui rationes eis gesta tutela reddere cōpelluntur.* ff. de ritu nupt. Tutor verò ex aduerso non prohibetur filiam suam collocare in matrimoniu pupillo suo, per text. in d. l. libertum. §. fin. verum hodie praxis ius potius Canonicū quàm Ciuile hac in parte sequitur, quo iure talia matrimonia permittuntur, prout de eo Felin. in princ. tit. de sponsalib. & matrim. num. 11. latissimè tractat, dicens generaliter, * quòd statuta laicorum circa matrimonium nullius sint momenti, cūm matrimonium sit de foro Ecclesiastico. & allegat idem tenere Abbat. in consil. 12. in c. casus talis est. & gloss. in c. 1. 30. qu. 1. quidquid in contrarium dixerit Cynus.

OBSE RVATIO VII.

An si quis filium vel filiam, item seruum seu famulum alicuius corruperit, conueniri de eo possit, necne?

S V M M A R I A.

1. Corrumperē idem est quod vitare animum alicuius.

2. Deterior factus quis dicatur.
3. Actio de seruo corrupto datur in duplum.
4. Ex consilio & persuasione quando quis obligatur.
5. Corruptere aliquem tentans poenam meretur.
6. Filium vel filiam alicuius corruptens quomodo conveniatur.
7. Inter famulos & servos differentia.
8. De corrupto famulo agitur ad interesse, non autem actione de seruo corrupto.

1. Sciendum in primis est, * corrumpere hic non in alia significatione sumi, nisi animum alicuius dolo malo persuaderi & vitiare, ut deterior quis fiat; & nihil refert, siue quis bonum faciat malum, siue malum persuadendo deteriore reddat, per express. text. in l. 1. §. Sed utrum. in verbis: Sed utrum ita demum tenetur, si bonæ frugi servum perpulit ad delinquendum, an verò & si malum hortatus est, vel malo monstravit quemadmodum faceret? Et est verius, etiamsi malo monstravit in quem modum delinqueret, teneri eum. Imò et si erat servus omnino fugiturus, vel furtum factururus, hic verò laudator huius propositi extitit, tenetur. Non enim oportet laudando augeri malitiam. Siue ergo bonum servum fecerit malum, siue malum

fecerit deteriore, corrupisse videbitur. ff. de seruo corrup. Deteriorem verò quismultis modis aliquem reddere potest, puta persuadendo ut iniuriam alicui faceret, furtum committeret, aufereret, luxuriose viveret, dominum contemneret, vel denique quodvis aliud delictum perpetraret, d. l. §. is quoque s. & l. 2. & l. corrumpitur 15. ff. de seruo corrupt. Quod itidem extendi potest, si servum alicuius receperit, hoc est, abscondendi causa, vel in sua domo, vel in aliena refugium ei præstiterit, d. l. 1. §. quod autem. 2. d. tit. ff. de seruo corrup. Domum autem pro habitatione & domicilio nos accipere debere certum est, prout habetur in l. 1. §. 2. ff. de aleatoribus. Secus est, si quis alienum servum recepit ut custodiret, vel humanitate aut misericordia, aliave iusta causa ductus; nam eo casu actione de seruo corrupto nequaquam obstringi debet. Datur * autem hæc actio de seruo corrupto quanti ea res erit in duplum, per express. text. in d. l. 1. in princ. & in l. si quis. §. 2. ff. de seruo corrup. Tanti nam condempnatur corruptens in duplum, quanti servus ob id, quod corruptus est, fit deterior. d. l. si quis. 9. in fine. Et in hanc actionem venit quoque æstimatione rerum,

rerum, quas secum seruus abitu-
lit, quia omne damnū duplicatur.
Neq; enim, vt inquit IC. Paul. inter-
erit, ad eum perlatæ fuerint res, an ad
aliū, siue etiā consumptæ sint. etenim
iustus est eum teneri, qui Princeps
fuerit delicti, quā eū quæri ad quem
res perlatæ sunt. l. in hoc iudiciū. 10 ff.
eod. Neq; his obstat, quod alio-
quin à DD. pro regula traditur;
in contractibus videlicet ex con-
silio & persuasione neminē obli-
gari, per text. in §. tua tantū. Instit.
mādato. hoc enim regulariter verū
est, quando quis consilium alicui
bona fide impertiendo exitū rei
minūs fortē optabilem consequi-
tur, sæpe namq; etiam bona con-
silia casus aliquis repentinus im-
mutat, vel culpa eius, qui ea su-
scepit exequenda, peruertit. arg.
l. si quis adfirmavit. 9. in prin. ff. de dol.
mal. At in hoc casu secus est, par-
tim quia hic est consilium frau-
dulentū, partim quia huiusmodi
consilium siue persuasio per se
delictum est. Nam quemadmodū
consilii non fraudulentum nullam o-
bligationē esse, ita si dolus & cal-
liditas intercesserit, de dolo actio-
nem competere, IC. Vlpian. in l.
consilij. 47 ff. de reg. iur. tradit: nec
refert, an quis alias facturū esset,
*necne? Tentans *n. corrumpere,*
non minūs obligabitur quā si

persuasisset, quia voluntas & co-
natus pœnam merētur in his, quæ
facillimē trahuntur ad exempla
damnosa & pernicioſa. Iam enim
à persuadente, quantum ipse po-
tuit, res perfecta est, quando vi-
delicet aliquem suasiunculis soli-
citauit ad improbē faciendum,
quod cum danno & iniuria scie-
bat fieri alterius. *l. 7. in fin. ff. quod*
quisq; iuris. &c. Fraudis etenim in-
terpretatio semper in iure ciuili
non ex euentu duntaxat, sed ex
cōsilio quoq; desideratur, *l. fraudis*
79. ff. de diuers. reg. iur. Cæterū quæ
dicta sunt de seruis corruptis; idē
omnino de filio vel filia ab aliquo 6
corruptis, seu persuasione vitia-
tis intelligendū est. Nā plurimū
interest parentū, animum libero-
rum non deprauari. *l. vt tantū. 14.*
§. 1. ff. eo. de seruo corrupto. Quāuis eo
casu non agatur ad duplum sicut
de seruo corrupto, quia liberi ho-
minis nulla est æstimatio, sed ad
interesse ex affectione patris de-
lato iureiurando, æstimatione iu-
dicis accedente. *d. l. vt tantū. §. 1.*
Quo iure *etiam censerī debent 7
serui seu famuli nostri, qui merce-
de quidem cōducti sunt, liberi ta-
men manent, prout id declarat gl.
iur. Munic. *art. 3.* vbi inter seruos
& ministeriales siue famulos pul-
chrē distinguit; Aliud esse seruiti-

um personæ, & illud propriè seruitus est, & qui vt sic, seruit, seruus & mancipiū dicitur, eò quòd ab hostibus manu capitur. §. *serui. Instit. de iure persona. l. 4. de statu homi.* Et licet olim in tales seruos dominus vitæ necisq; potestatem habebat, vt impunè eos occidere licebat, §. *in potestate. Instit. de his qui sui vel alie. iur. sunt.* Postmodū tamen hoc sublatū est, ita quòd occidēs seruū, ex l. *Corn. de sicariis*, quæ nullā differentiā ponit inter seruū & liberū criminaliter puniatur. l. 1. *gloss. in ver. hominem. ff. ad l. Corn. de sicariis. & d. §. In potestate gl. in ver. sed hoc tempore. Inst. eo.* Serui enim a seruādo dicti sunt. d. §. *serui.* & *gloss. in ver. seruare ibid. & d. l. 4. ff. de statu homi.* Et seruitus inter Christianos est sublata. *Bar. in l. hostes. ff. de capt. & postli. reuers.* Aliud verò seruitium est accidentale, quando ratione mercedis, vel bonorum quæ possidet aliquis seruire cogitur si illa retinere vult; nec tamē propriè seruus dici potest sed famulus & ministerialis, l. *ne diutius. C. de agricol. & censit.* Et ideo hodie, * si de tali excessu siue delicto famuli quæstio sit, (quod Deus bone quam frequētissimè hac iniquitate temporum euenire solet) non illa de seruo corrupto in duplum actione,

sed ad interessè quanti videlicet quis damnum & iniuriam de abducto vel deprauato famulo sibi æstimauerit, agendum erit; quem admodum & in filio vel filia corruptis superiùs dictum est. Quò etiā respexissè videtur decretū S. R. M. in causa cuiusdā Slōczewski contra Zabrzieski Ciuē Crac. Anno 1591. promulgatū. Sed & Cōstitut. Regni de seruis fugitiuis Anni 1578. nō multū ab his quæ superiùs dicta sūt, diserepare videtur.

OBSERVATIO VIII.

Vtrum dolo interueniente contractus vitietur, nec ne?

SVMMARIA.

1. *Contrahentibus permissum est se inuicem circumuenire.*
2. *Bona fides in contrahendo semper necessaria est.*
3. *Dolus in contractu bona fidei interueniens, vitiat contractū ipso iure.*
4. *In cōtractibus stricti iuris dolus nō reddit contractū ipso iure nullū, sed ex eo oritur actio vel exceptio doli.*
5. *Bona fides plus valet in contractibus bona fidei, quàm stricti iuris.*
6. *Opinio quorundā quod dolus cōtractū nunquā reddat ipso iure nullū.*
7. *Bona fidei contractus qui dicantur, & quare sic appellantur.*
8. *Actiones bona fidei recensentur.*
9. *Contractus stricti iuris quare sic dicantur, & qui sint?*
10. *Ius.*

10. Iure Canonico omnes contractus sunt bona fidei.

11. Dolus in factō tripliciter consideratur; & ibidem ponitur distinctio.

12. Dolum allegans in contractu interuenisse, eundē probare tenetur.

Prima * fronte dicendum videtur, permissum esse contrahentibus se inuicem decipere & circumuenire, per express. text. in l. in causa. 16. §. pen. in verbis: Idem Pomponius ait, in pretio emptionis & venditionis naturaliter licere contrahentibus se circumuenire, ff. de minorib. & in l. item si. 22. in fin. in verbis: Quemadmodum in emendo & vendendo naturaliter cōcessum est, quod pluri sit, minoris emere: quod minoris sit, pluri vendere, & ita inuicem se circumscribere: ita in locationibus quoque & conductionibus iuris est, ff. locat. conduct. Quod etiam iure Canonico permissum esse, probāt DD. iuris per text. in c. cū dilecti. 3. & c. pen. tit. de empt. & vendit. & ibi glossa. Contrarium * tamen verius esse nō solum diuina eloquia, teste Apostolo, 1. ad Thessal. 4. vbi dicitur, quod non liceat frenum in negotio circumuenire; sed etiam æquitas & naturalis ratio ipsa suadent, quod a bono viro id alienum esse debeat; semper enim in

conventionibus non solum quid liceat, considerandum est: sed & quid honestum sit. per textum, in l. semper. 157. ff. de reg. iur. Sed * & iure ciuili in omni negotio contrahendo bonam fidem necessariam esse, per express. text. in l. bonam fidem 4. C. de action. & obligat. Et in l. bona fides. 31. ff. de positi. probatur. Cū ab omni cōtractu dolus malus abesse debeat, per text. in l. & elegāter, in pr. in verbis: Nullam esse venditionem, si in hoc ipso ut venderet circumscriptus est. ff. de dolo. Et in l. domū. 57. in fine. ff. de contrah. empti. Nec obstant superius allegati textus; nam quod ibi dicitur permissum esse contrahentibus sese circumuenire, id ita intelligendū est. Si nimirum bona fide contractus initus sit, & alter cum altero contrahendo lucri aliquid percipiat; exempli gratia. Si quis equū emat decem, & alteri eundem vendat duodecim florenis, videtur quidem alterum circumuenire quod duos florenos ab eo lucratur; non tamen id dolo malo facit. Licet enim quod pluri sit minoris emere; quod minoris sit, pluri vendere; quemadmodum superius dictum est, per text. d. l. item si. 22. ff. locati conducti. Secus * si dolus interueniat, & mala fide

contractus initus sit; nam hoc casu vitari contractum & ipso iure nullum esse, idq; in bonæ fidei contractibus, omnes cōmuniter DD. concludunt, per text. in d.l. *et eleganter. 7. in pr. ff. de dolo*, & ibi gloss. pro quo multum etiam facit text. in l. ea verò. 3. circa finem, in verbis: *Societas si dolo malo aut fraudandi causa coita est, ipso iure nullius momenti est; quia fides bona cōtraria est fraudi et dolo. ff. pro socio.* At longè aliter in se habet in contractibus stricti iuris; nam *quādo dolus interuenit, seu dedit causam contractui stricti iuris, valet quidem contractus de rigore iuris, & nō redditur ipso iure nullus, sed ex eo oritur actio ad rescindendum contractum, vel datur decepto exceptio doli contra dolosum petitem, per expref. text. in l. si quis 36. in verbis: *Si quis cū aliter eum conuenisset obligari, aliter per machinationem obligatus est: erit quidem subtilitati iuris obstrictus: sed doli exceptione uti potest, quia enim per dolum obligatus est, competit ei exceptio. ff. de verb. oblig.* Quod etiam in l. dolo. s. iisdem ferè verbis repetitur: *Dolo vel metu adhibito, actio quidem nascitur, si subdita stipulatio sit: per doli mali tamen vel metus exceptionē sum moueri petitio debet. C. de inutil. stip.* Et sic

plus* valet bona fides in contractibus bonæ fidei, quā stricti iuris. Ratio diuersitatis est, quia doli ex diametro repugnat contractibus bonæ fidei & æquitati, quæ in illis summa desideratur, d. l. bona fides. ff. de depositi. Et ideo multa ibi veniunt, de quibus expresse non est actum, vt tenet Abb. in c. cū venerabilis. tit. de except. At in stricti iuris contractibus similis æquitas non spectatur, quia stipulatori liberum fuit, latè verba concipere, per text. in l. quicquid 99. ff. de verb. obligat. Quod etiam praxis in Curia Regali obtinuit, prout in causa Ioannis Thebaldi plenipotentis Gasparis Stumph & Melchioris Walbach, Anno Domini 1590. feria sexta post festum S. Agnetis pronunciatum fuit. Non desunt tamen * qui existimant, quòd dolus nunquam reddat contractum ipso iure nullum, siue sit bonæ fidei, siue stricti iuris. prout notat Abb. in d. c. cū dilecti, num. 6. Mouentur autem inter cæteras hac potissimū ratione, quia ex quo contractus habet substantialia sua, puta consensum contrahentium, & pretium necessario valet, per text. in l. dolum. C. de inutil. stipul. & in d. l. si quis ff. de verb. obligat. Et ideo non tam ipso iure, quā

quàm per actionem vel exceptionē, vt supradictum est, tolli & vitari debet. Sed passim à DD. refutatur ista sentētia. Nam hoc casu, quomodo quis decipitur, non cēsetur consensū prābuisse contractui dolofo, nec verisimile est, eū de hoc cogitalse vt deciperetur. argumentol. *obligatione* 6. ff. de pign. 7 & *hypoth.* Porro *contractus bonę fidei non ideò dicuntur quasi quidam contractus sint malę fidei, cū in omnibus cōtractibus bona fides requiratur prout superius dictum est; per express. text. in d. l. *bonam fidem* C. de action. & obligat. Sed ideo sic appellantur, quòd in eis ex bono & æquo multa veniunt, de quibus nec actum nec cogitatum est, & iudex in cognitione potest habere rationem earū quoq; rerum de quibus inter cōtrahentes nulla facta est mentio, si animaduertat aliquid ex bono & æquo inter partes fieri oportere. per express. text. in l. *consensu* 2. in verbis: *Item in his contractibus, alter alteri obligatur de eo quod alterum alteri ex bono & æquo prestare oportet.* ff. de obligat. & act. Exempli gratia; in locatione domus tenetur conductor de omnibus ruptis & fractis in illa domo, etiam si de iis nihil est actum in conuentione.

secundum gloss. in §. *actionum autem*, in verbo *Bonę fidei*, & ibi DD. de actionibus. Vbi etiam ab Imper. Iustiniano recensētur singulę ferē bonę fidei actiones. Sunt * autem numero septemdecem, vt potē ex empto, vendito, locato, cōducto, negotiorum gestorū, mandati, depositi, pro socio, tutelę, commodati, pignoratitię, familię erciscundę, communi diuidūdo, pręscriptis verbis, quę de æstimateo proponitur, & ea quę ex permutatione competit, hęreditatis petitio, & actio de dote. His addunt DD. sex actiones contrarias, scilicet actionem negotiorū gestorū contrariam, mandati contrariam, depositi, tutelę, commodati, & actionem pignoratitię contrariam. Contractus verò *stricti iuris dicuntur, in quibus id tantum venit de quo expressē actum dictumue fuit, per text. in d. l. *quicquid* ff. de verb. obligat. quę verò illę sint, licet eas Imper. Iustin. non exprimat in specie, facillē tamen inde colligi potest, illas omnes dici stricti iuris quę non sunt numeratę inter bonę fidei actiones, & hoc secundum gloss. in §. *actionum.* Instit. de actionibus. Et ideo generaliter dicendum est, omnes actiones quęcunq; non enume-

rantur in specie sub actionibus bonæ fidei esse stricti iuris, quod item de contractibus intelligendum est. De iure* autem Canonico omnes contractus esse bonæ fidei, & ideo in omni contractu aduersus dolosum iurari in litem posse tradit Baldus. *in c. 1. de plus petit. & DD. in d. c. cum venerabilis. tit. de except.* Obiter* autem pro meliori istius materiæ de dolo declaratione notandum est, quod dolus tripliciter in facto consideratur. Nam aut est dolus qui dat causam cōtractui & ab initio adhibetur; puta si quis aliquem dolose inducat ad emendū id, quod aliāsemperturus non esset, & tunc si contractus sit bonæ fidei ipso iure redditur nullus per iura supracitata. Planè si dolo circumuentus vellet stare contractui, omnino contractus tenere debet, neq; possit aduersa pars dolum committens ad rescindendum cōtractum prouocare ex eo, quod dolum commiserit, vt est gloss. notab. *in d. l. & eleganter. 7. in prin.* super verbum *nullam*. Et ratio est quod allegans propriam turpitudinem non sit audiendus. *l. trans actione finita. 3. C. de transact.* Et aliàs dolus suus nemini patrocinari debet. *l. 2. ff. de doli except.* Inter-

dum tamen, nè quidem decepto volente contractus huiusmodi valet, vt pote, si lex vel statutum prohibeat talem contractum in quo dolus interuenit fieri; eo casu, nè quidem in eius fauorem subsistere potest qui eum valere voluerit, per text. *in l. Dino à Pio. ff. de ritu nuptiar.* Baldus *in l. 1. C. plus valere quod agitur.* Si verò dolus est dans causam contractui stricti iuris, tunc contractus quidem valet de rigore iuris, sed circumuento competit actio vel exceptio doli ad rescindendum talem contractum, prout superius dictum est. Aut est dolus qui incidit in contractum sed non dedit causam contractui, puta quia non inducitur quis ad contrahendum vt in superiori casu; sed volentem contrahere in ipso negotio alter decipit. Exempli gratia. vult aliquis emere equum meum quem habeo venalem, & incidenter eum fallo, quia dico equum non esse claudum vel calcitrosus, &c. Atq; tunc si quidem contractus sit bonæ fidei, nõ annullatur ipso iure contractus, cum liber fuerit consensus contrahentis qui aliàs contrahere cupiebat, neq; ad inuendum cōtractum inductus fuit; veruntamen propter dolum inci-

dentem

dentem, agitur actione ex talicō-
tractu descendente ad purgandū
dolum & supplēdum illud, in quo
est damnificatus, per text. *in d. l.*
& eleganter §. non solum in fine. & l.
Julianus. 13. §. si venditor. ff. de act.
empt. Aut est contractus stricti iu-
ris, & tunc idem dicendum est,
quod cōtractus non vitietur ipso
iure, sed competat contra dece-
ptorem actio seu exceptio doli;
prout superius dictum est. Aut
deniq; est dolus re ipsa interueni-
ente, quando videlicet nullus do-
lus a contrahentibus ex propo-
sito committitur, sed præter volū-
tatem contrahentium enormis læ-
sio interuenit, puta si quis ultra
dimidium iusti pretii lēsus sit. Eo
etenim casu succurritur ei per re-
medium, *l. 2. C. de rescind. vendit.* de
quo vide supra obseruat. 43. Cent.
1. Vbi hanc quēstionem tractaui
copiosius. Quod intelligendum
esse de contractibus itidem bonæ
fidei, non autem stricti iuris. DD.
communiter secund. gloss. *in d. l.*
2. statuunt. Læso enim in contra-
ctu stricti iuris ultra dimidium
pretii, competit exceptio doli vel
condictio indebiti; non autem re-
medium, *d. l. 2. C. de rescind. vendit.*
per text. *in d. l. si quis cum aliter, &*
in l. maioribus 3. iuncta gl. in verbo

perperam. C. communi utriusq; iudic.
Cæterum* dolum allegans in con- 12
tractu interuenisse eundē proba-
re debet, arg. *l. quoties. 1. ff. de probat.*
& l. 32. §. 5. ff. de legat. 2. Concord. gl. in
c. fin. extr. de renunciat. in 6. Et Ac-
cursius in *l. si quis domum. 9. §. Im-*
perator 4. in verbis probari potest. ff.
locati conducti.

OBSERVATIO IX.

An ea, quæ per vim aut metum ab
aliquo extorta sunt de iure, va-
leant vel rescindi possint?

SYMMARIA.

1. *Obligatus ex consensu voluntario*
teneretur ad præstandam obligatio-
nem, licet postmodum pœnituerit.
2. *Vis & metus quomodo inter se dif-*
fērant.
3. *Vis & metus in foro & praxi pro*
eodem sumuntur.
4. *Edictum prætoris quod vi metus-*
vē causa gestum est.
5. *Metum passio, actio & exceptio da-*
tur ad rescindendum id quod me-
tu gestum est.
6. *Restituere iussus rem metu extor-*
tam & recusans, in quadruplum
condemnatur.
7. *Metus intelligi debet is qui cadat*
in constantissimum virum.

8. *Metus aut est minarum, aut facti, aut potentiae, aut reuerentialis, aut perfidiae.*
9. *Preces domini vulgò dicuntur esse praeceptum; blanditiae principum continent vim minarum.*
10. *Vxor consentiens marito alienandi rem suam, non sibi praeiudicat.*
11. *Medicus extorquens aliquid ab agro punitur.*
12. *Aduocatus siue Causidicus, pendente lite, non potest pacisci cum cliente de quota litis.*
13. *Metus facti tantum parit actionē quod metus causa; reliqua genera metus officio Iudicis rescinduntur.*
14. *Promittens sub iuramento, iure Saxonico non tenetur adimplere quod promisit.*
15. *Iuramentum metu extortum, an de iure Canonico impleri debeat?*
16. *Dislinctio inter iuramentum licitum & illicitum.*
17. *Papa super iuramento ob metum praestito dispensare potest.*

Admodum frequens est nunc ob hominum licentiosorum effrenatam petulantiam etiam hae quaestio, de qua non incommodè dici hìc potest. Certi & indubitati iuris est, eum qui ex mera & propria voluntate promittit aliquid in tantum obligari, ut

etiamsi postmodum poenituerit, nihilominus obligationem adimplere cogatur; quia voluntatem suam nullus immutare debet cum alterius damno. *l. nemo. ff. de diuers. reg. iur.* Secus est, quando quis vi vel metu coactus promittit, tunc enim promissum tenere non oportet, prout inferius dicitur. Nunc verò id sciendum est, quòd vis & metus etsi nonnihil inter se differant, ut pote, quia vis corpori, metus verò animo imprimatur, per text. in c. sacris, in verbis: *cum magis pati, quàm agere conuincatur. tit. de his qua vi metusue caus.* Deinde, quòd in eo quod vi extorquetur, voluntas & consensus desideretur, in eo verò quod metus causa fit, voluntas quidem interueniat, sed coacta, per textum in l. si mulier. 21. §. fin. in verbis: *Si metu coactus adij hereditatem: puto me heredem effici, quia quamuis, si liberum esset, noluissem, tamen coactus volui. ff. quod met. caus.* attamen quoad iustam restitutionis causam nihil refert, vtrum quis vi an metu cogatur; nam & vis corpori intentata metum semper animo incutit, & utrobique quoad obligationis effectum deest spontaneus siue voluntarius consensus, prout in l. nihil. 116. his verbis: *Nihil consensui tam*

*sui tam contrarium est, qui bona fidei iudicia sustinet, quàm vis atq; metus, quem comprobare contra bonos mores est. ff. de diuers. reg. iur. exprimitur. Quare licet naturaliter hæc differant, tamen * in foro & praxi nihil discrepare putatur; nam siue vi siue metu interueniente quid ab aliquo factum gestumve sit, omnino rescindi & annullari debet, per express. text. in l. continet. 3. in verbis: Continet igitur hæc clausula & vim & metum, & si quis vi compulsus aliquid fecit, per hoc edictum restituitur, ff. quod met. caus.*

4 *Huius verò * edicti sunt hæc verba: Quod metus causa gestum erit, ratum non habeo. Olim ita edicebatur, quod vi metusve causa; Vis enim fiebat mentio, propter necessitatem impositam contrariam voluntati, metus instantis, vel futuri periculi causa mentis trepidatione. Sed postea detracta est vis mentio, ideo, quia quodcumq; vi atroci sit, id metu quoque fieri videatur. l. 1. ff. eod. quod metus causa. Unde * colligitur ex hoc edicto, metum passio & actionem & exceptionem dari, vt hac aduersus petentes, is qui metu gessit, promissique quid, defendatur; illa quod ita gestum est, in integrum restitui officio iudicis petatur, per expr. text. in l. metum. 9. §. Sed quod. 3. ff.*

*eod. quod met. caus. Et praxis Curia Regalis idem retinet, prout inter Freiberg, & Klein atq; Pilasz, feria secunda ipso die SS. Viti & Modesti, Anno 1598. ibidem decretum fuit. Quod vsq; * adeò verum est, vt nisi is, qui vi vel metu aliquid extorsit, vltro, siue iussus à iudice per interlocutoriam sententiam illud restituere; nihilominus restituere recuset, tunc in quadruplum condemnari debet, per expressum textum in l. item. 14. §. 1. ff. quod met. caus. Habet enim reus facultatem offerendi restitutionem. vsq; ad sententiam, per expr. text. in d. l. item. 14. §. 1. in verbis: Satis clementer cum reo prator egit, vt daret ei restituendi facultatem, si vult penam euitare. Verum enimvero * metum hic accipiendum Labeo dicit, non quemlibet timorem, sed maioris malitatis, prout Vlp. in l. metum. 5. & Gaius in l. metum. 6. Metum, inquit, non vani hominis, sed qui merito & in homine constantissimo cadat, ad hoc edictum pertinere dicemus, ff. quod met. caus. Est autem is metus in legibus multiplex. Primus minarum, qui ad hanc actionem non pertinet, quod minæ non incutiât terrorem. Metum, inquit Imperator, non iactationibus tantum vel contestationibus, sed atrocitate facti pro-*

eti probari conuenit. l. metum. 9. C. de his quæ vi metusue caus. gest. sunt. Quamobrem ubi factio opus est, verba non sufficiunt. *l. pecul. 4. §. 1. in verbis: re enim non verbis peculium augendum est, ff. de peculio.* nisi forte minæ capitales sint, & ab eo qui exequi solet, effusæ, *l. si donationis. 7. C. de his quæ vi metusue caus. gest. sunt.* idem tenet Spec. tit. de præsump. §. ult. num. : 7. & gloss. in d. l. metum. 9. in verbo iactationibus. *C. de his quæ vi metusue caus.* Secundus est facti, quando scilicet imminet periculum salutis, mortis, vel cruciatus corporis, & is dicitur propriè metus cadens in constantem virum, per text. in l. interpositas. 13. C. de transact. Tertius est metus potetie publicæ, quia is qui incutit metum, superior est alicuius, vel magistratum gerit, unde vulgò dici solet. Preces* domini esse præceptum, gloss. in l. 1. verbo quemadmodum. ff. quod iussu. Et blanditias Principum vim continere minarum, gloss. in verbo pignorat. *C. si rector prouinciæ. vel ad eum, &c.* iuxta dictum: Rogando cogit, qui rogat potentior. Eo tamen casu, acta per talem metum non rescinduntur hac actione quod metus causa, sed implorari debet officium Iudicis, vel datur condi-

tio, per text. in l. pen. & fin. C. de his quæ vi metusue caus. gest. Et ita in Curia Regali pronunciatum fuisse, decretum S. R. M. inter Sophiam Ianiczkovva, & Magistratum Ciuitatis Szydlouiensis, Anno Domini 1591. latum testatur. Quod non producit ad eum casum, quando Princeps, vel Magistratus, aut Superior exercet suum officium & infert alicui iustum metum; nam qui zelo iustitiæ comminatur, non dicitur inferre metum, per expr. text. in l. continet. 3. §. 1. in verbis: Sed vim accipimus atrocem, & eam quæ aduersus bonos mores fiat; non eam quam Magistratus rectè intulit, scilicet iure licito, & iure honoris quem sustinet. Caterum si per iniuriam quid fecit pop. Rom. Magistratus, vel prouinciæ Præses, Pomponius scribit, hoc edictum locum habere; si forte, inquit, mortis aut verborum terrore, pecuniam alicui extorserit, ff. quod vi met. caus. gest. Quintus est metus reuerentialis, quo ducitur filius erga patrem, vxor erga maritum, libertus erga patronum, clericus erga suum Episcopum; si modò minæ præcesserunt, & quicquid actum est occasione huius metus, non rescinditur per hanc actionem, sed officio Iudicis, l. 1. §. quæ

que oneranda. l. ff. quarum rerum act. non datur. & ibi Bart. post glo. 10 in verbo *metu*. Vnde si * vxor consentit marito alienanti rem ipsius, quia non audet contradicere nimia reuerentia vel metu mariti, talis consensus sibi non præiudicat, glof. in d. §. *que oneranda*. Quando tamen interuenit præsentia amicorum vel consanguineorum, tunc cessare allegatione metus, text. in lege *transactionem* 35. in verbis: *Transactio quæ domini translatione, vel actione peracta seu perempto finem accepit: cum ea amicis etiam interuenientibus reuera ostenditur processisse, metus vel metu rescindi postulantis professio detegit improbitatem.* C. de transact. disponit. Quo etiam respexisse leges nostræ videtur, quibus id expressè cauetur, ne vxores sine consensu amicorū alienare quicquam possint, prout videre est in Statuto Regni sub verbo *Vxor*. 11 Quintus * & vltimus metus est perfidiæ, quando ad celebrandū contractum quis adducitur ab alio quia timet eius perfidiam; exempli gratia. si medico valetudinem suam curanti æger, vel cliens aduocato, causidicove aliquid donet, aut promittat ob id, ne medicus, vel causidicus perfidi-

dē cum eo agat. Nam & hoc casu rescinditur huiusmodi contractus officio Iudicis, & medicus extraordinariè puniri debet, prout elegāter Vlpian. in l. si medicus. 3. in verbis: *Si medicus cui curandos suos oculos qui eis laborabat, commiserat, periculum amittendorum eorum per aduersa medicamenta inferendo, compulit, vt ei possessiones suas contra fidem bonam æger venderet; in ciuile factū Praefes prouincie coërceat, remq; restitui iubeat.* ff. de varijs & extr. cognit. tradit. Et de aduocato * siue causidico habetur gl. in l. quisquis. 8. super verbo *contractum*. C. de postulando. Vbi dicitur, quod Aduocato pendente lite non liceat pacisci cum cliente, nec de quota litis, nec de certa specie seu quantitate. Et ratio ibidem ponitur, quia cliens omnia daret propter timorem litis, sicut infirmus propter timorem mortis, vel vt gl. in l. si qui. 5. in verbo *immensa*. C. eod. aliam reddit rationem, quia hoc pacto inducitur Aduocatus ad delictum. nam cognoscens se habiturum partem eius quod prosequitur, etiam calumniosè aduocabit. Et ideo Aduocati vel causidici tales pactioes cum clientibus (quos illi vulgò patientes appellant) ineuntēs,

a professione sua arceri debent, per eundem text. in l. si qui. s. C. de
 13 postulando. Ex prædictis * itaq; li-
 quidò constat, quòd solum secun-
 da species metus scilicet facti, qui
 videlicet cadit in constantem vi-
 rum pariat actionem *quod metus*
causa; cætera quæ metu interue-
 niente aliquo ex illis quatuor spe-
 ciebus fiunt, rescinduntur officio
 Iudicis, neque pœnam merentur.

14 Iure verò * Saxonico metu ada-
 ctus, etiamsi sub iuramento pro-
 mittat se aliquid daturum factu-
 rumve, non tenetur ad præstan-
 dum id quod promisit. Promissa
 enim & iuramenta contra iuris
 ordinem facta, seruari non oportet,
 per text. in l. non dubium. s. vbi
 dicitur: *Nullum pactum, nullam*
conventionem, nullum contractum
inter eos videri volumus subsequitum,
qui contrahunt lege contrahere pro-
hibente, C. de legib. Et est de eo ex-
 press. text. Spec. Sax. lib. 3. art. 41. in
 verbis: *Quicquid homo iurauerit*
aut promiserit ob sua vita aut sanita-
tis conservationem, & si ea implere ne-
quiverit, iuri suo in eo non derogat-
bit. Qui alium captiuauerit fraudu-
lenter, si se reuersurum promiserit,
aut alia iurauerit, ea adimplere non
tenetur: dummodo iurando affirmet,
se dolose & per metum ad istam in-

ductum stipulationem. Atque hanc
 rationem iuris perpetua praxis in
 hoc Regno sequitur, cuius rei ex-
 empla passim occurrunt; vt vel
 illud improbum cuiusdam La-
 zinski facinus, in eximium & no-
 bilem virum D. Valerium Mon-
 telupi, non ita pridem perpetratū,
 facile cuius in mentem venire
 possit. Quod itidem * iure Canonico
 in foro fori obtinere admodū
 claritextus testantur. Et in pri-
 mis in c. inter cætera. 22. caus. 22. q. 4.
 vbi sic dicitur: *Nec enim vllō mo-*
do ad opprobrium coacta voluntatis
trahitur, quod illicita conditio neces-
sitatis extorsit. Et in c. auctoritatem.
 2. causa 15. q. 6. vbi gl. hanc quæstio-
 nem luculentissimè in vtrāque
 partem tractat, & distinguendo
 inter iuramentum * licitum, & illi-
 citum ita concludit. quòd iura-
 mentum super re illicita ipso iure
 non obliget, siue quis faciat spon-
 te siue coactus, vt si iuravi homi-
 nem innocentem interficere, per
 text. in c. in malis. & c. sequ. & c.
 quod David. caus. 22. q. 4. Iuramen-
 tum verò super relicta metu ex-
 tortum, ipso quidem iure obli-
 gat, sed datur exceptio *quod me-*
tus causa ad rescindendum per
 iura superius allegata. Id tamen
 in foro fori, quemadmodum su-
 perius

perius dictum est, obtinere existimarem; non autē in foro poli. quia potius debet quis omnia mala pati quā falsum iurare, per text. *in c. ita ne. caus. 32. q. 5.* Nam & alias in Canonibus pœnitentia ei assignatur qui necessitate coactus peccarat, prout videre est *in c. Si quis. 3. caus. 22. q. 5.* in verbis: *Si quis coactus pro vita redimenda, vel pro qualibet causa, vel necessitate periurat, quia plus corpus quā animam dilexit, tres quadragesimas pœniteat. Alij vero iudicant tres annos, unum ex his* 17 *in pane & aqua.* Itaque* pro cautela ad euitandos in huiusmodi iuramentis metu & necessitate aliqua extortis, conscientiae scrupulos, id omnino necessarium esse existimauerim, vt à S. sede Apostolica super tali iuramento dispensatio impetretur. Potest enim summus Pontifex in iuramentis coactis dispensare, secundum gl. *in d. c. auctoritatem.* in verbo *absoluimus. caus. 15. q. 6.* quae ibid. dicit: *posse Papam contra ius naturale dispensare, dum tamen non contra Evangelium, vel non contra articulos fidei.* Plura de his, si libet, videre potes dictam gloss. supra citato loco.

OBSERVATIO X.

Sed an ea quae ab adultis seu pueribus, minoribus tamen viginti quinque annis facta gestaue sunt, rata maneant, vel ob defectum legitimæ ætatis rescindantur?

SUMMARIA.

1. *Minores 25 annis iure Ciuili, vel 21 anno iure Saxon. curatores habere debent.*
2. *Minores sine auctoritate curatoris an obligari possint?*
3. *Minoribus datur restitutio in integrum, si laesos se esse probent.*
4. *In restitutione in integrum minoribus competente, quae requirantur.*
5. *Minores ex contractu parentum non restituuntur.*
6. *Ætatis veniam impetrantes per rescriptum Principis pro maioribus reputantur.*
7. *In Curia adiudicatio annorum à S. R. M. concedi solet.*
8. *Ætatis veniam impetrantibus in alienatione bonorum, decreto Iudicis opus est.*
9. *Cancellaria in adiudicatione annorum curatores minori assignare solet.*
10. *Minoribus etiam inuitis curator dari debet.*

44 OBSERVATIONVM PRACTICARVM

11. *Minores eligunt sibi curatores quos ipsi velint.*

12. *Statutorum Regni de minoribus dispositio.*

13. *Officium tutoris & curatoris plerumq; ex consuetudine confundi solet.*

IAm superius dictum est de pupillis, qui videlicet nondum attingerunt annos pubertatis, quod sine tutoris auctoritate ne naturaliter quidem obligari possint; nunc verò dicendum venit de his quilibet ex ephebis excesserunt, & ad pubertatem iam peruenerunt, ac liberati sunt à potestate tutoris, quod fieri solet in masculis anno 14. in fæminis verò 12. per text. in *pr. Instit. quib. mod. tut. finiuntur* adhuc tamen non adeò perfectum & consummatum habent animi iudicium, ut rebus suis administrandis commodè & sufficienter præesse possint; unde fit, ut sæpè ob imbecillitatem iudicii, & facilitatem in contrahendo circumueniantur. Et ideo *hodie in hanc usq; ætatem, id est usque ad annum vigesimum quintum iure civili, vel vigesimum primum iure Saxonico adolēscētes curatorum auxilio reguntur, nec ante rei suæ administratio eis committi

debet quamvis bene rem suam gerentibus, per text. in *l. 1. §. fin. ff. de minorib. viginti quinque annis*. Et quamvis illud *negari non potest, minores etiā sine auctoritate curatoris naturaliter & ciuilitè obligari quando videlicet curatorem non habent; aut si habent, sed auctoritas ipsius non intercessit, obligari naturaliter tantum propter consensum non autem ciuilitè propter legis prohibitionem: Attamen *si in contractu, aut in aliquo negotio etiam interueniente auctoritate curatoris vel non, se lēsos esse probauerint, datur eis de iure restitutio in integrum, ita nimirum, ut ius suum recipiant & in priorem statum reponantur, per express. text. in *l. §. curatorē. 3. C. de in integ. restit. minor.* Cū enim constet fragile & infirmum esse huiusmodi adolēscētum iudicium & multis captionibus obnoxium; legislatores naturali æquitate moti hoc auxilium minoribus concesserunt, ut dicitur in *d. l. 1. in princ. ff. de minorib. 25 annis*. prout etiam in curia Regali, per decretum in causa Stanislai Bremer & Alberti Ianusik ciuium Posnaniens. Cracouiæ feria quinta post festum S. Lucie Virginis, Anno 1603. latum, renūciatio bo-

tio bonorum paternorum à filio minorene officio sē facta. ob eam saltem rationem, quia minorennis propter defectum iudicii sub cura fuit & læsum se esse probavit cassata est. Quam restitutionem minores in his omnibus quæ gesserunt, si enormiter sint læsi, ob illorum facilitatem vel aduersarii calliditatem, siue in faciendo, siue in omittendo, siue in lucro, siue in damno consequuntur, per textū in l. quod si minor. 24. §. non semper. in verbis: Non semper autem ea quæ cum minoribus geruntur rescindenda sunt, sed ad bonum & æquum redigenda sunt, ne magno incommodo huius ætatis homines adficiantur nemine cum his contrahente: & quodammodo commercio eis interdiccretur. Itaque nisi aut manifesta circumscriptio sit, aut tam negligenter in ea causa versati sunt: Prætor interponere se non debet. ff. de minorib. viginti quinque annis. Vnde * facile colligi potest, quod vt huiusmodi restitutio in integrum locum habeat omnino necessarium sit. Primò, vt minores probent se esse læsos, & quidem læsos enormiter. nam pro minima læsione restitutio non conceditur, per textum in l. scio. 4. in verbis: Scio illud à quibusdam obserua-

tum, ne propter satis minimam rem, vel summam si maiori rei vel summe præiudicetur, audiatur is qui in integrū restitui postulat. ff. de in integ. restit. Hinc vulgò DD. dicere solent: Prætorum de minimis non curare. Deinde, vt se dolo aduersarii, vel nimia sui facilitate læsos esse ostendant, per text. in l. verum 11. §. sciendum. 3. in verbis: Sciendū est autem non passim minoribus subueniri, sed causa cognita, si capti id est decepti esse proponantur. ff. de de minorib. 25 annis. Deniq; vt probent se fuisse minores tempore læsionis, d. l. 1. §. vlt. ff. eod. Quod intelligi debet, si minores ex proprio suo contractu & facto læsi esse dicantur: secus si ex contractu sui parentis. filius enim non restituitur contra contractum quem pater suus celebrauit: licet pater enormiter in eo fuerit læsus, per text. in l. Æmilius. 38. in verbis: Putabam benè iudicatum; quod pater eius, non ipsa contraxerat. ff. eod. de minoribus. facit text. in l. ea quæ. 7. C. de restit. militum. vbi Baldus inquit. Priuilegium successoris, non rescindit factum legitimum antecessoris. Neque tamen ista, * quæ iam dicta sunt de restitutione minorum, habent locum in his qui per rescriptum Principis veniam im-

petrauerunt ætatis, vt pro maioribus reputentur in contractibus faciendis administrandisq; rebus suis: quæ impetratio veniæ in Curia Regni (adiudicatio annorū) minuis fortè latino vocabulo appellatur. Eam verò* non nisi sola Regia Maiestas non solū personis Nobilibus, viso prius adolescente, atque ætate illius considerata, sed etiam hominibus iuri Maydeburgen. subiectis (prout in persona quorundam Zaleskich ciuium Calisien. & in causa ciuiū Cracouien. inter Schober & Leber ratione quorundam pupillorum Stanislai Bremer liberorum, Cracouiæ feria sexta ante Dominicam SS. Trinitatis Anno 1604. factum fuisse memini) frequentissimè concedere solet. Quo casu impetrantes veniam ætatis non egent amplius curatore, possunt enim agere & conueniri in iudicio sine curatore: & si lædantur in contrahendo, non possunt petere restitutionem in integrum: Ne contrahentes cum eis beneficio legis & auctoritate Principis circumscripti esse videantur, vt inquit Imp. Aurelianus in l. i. C. de his qui veniam ætat. impetr. In alienatione* tamen rerum immobilium necessarium est decretū Iu-

dicis, & in eo vice minorum funguntur per tex. in l. omnes. 2. C. eod. quam hic adscribere quod multa singularia contineat, operæ precium visum est. Omnes inquit Imperator, *adolescentes, qui honestate morum præditi, paternam frugem vel aurorū patrimonia gubernare cupiunt, & super hoc imperiali auxilio indigere ceperint, ita demū ætatis veniā impetrare audeant, cum vicesimi anni metas impleuerint: ita vt post impetratam ætatis veniam, iidem ipsi per se principale beneficium allegantes, non solū per scripturam annorum numerum probent, sed etiam testibus idoneis aduocatis, morum suorum instituta, probitatemq; animi. & testimonium vitæ honestioris edoceant. Faminas quoq; quas morum honestas mentisq; solertia commendat, cum octauum & decimum annū egressæ fuerint, veniam ætatis impetrare sancimus. Sed eas propter pudorem ac verecūdiā feminarum, cætui publico demonstrari non cogimus: sed percepta ætatis venia, annos tantū, ætatis probari posse testibus quinque, vel instrumentis, missō procuratore concedimus: vt ipsæ etiam in omnibus negotiis tale ius habeant, quale & mares habere præscripsimus: Ita tamē vt prædia sine decreto non alienent.* Optarem equidem, vt ex hoc

hoc elegatissimo Iustiniani Imp. rescripto, ad formulam (vt cum Curia loquar) adiudicationis annorum nonnulla adderentur; ne videlicet homines passim cōqueri oporteret, ac si hac ratione adolescentibus patrimonium prodigendi & se suaq; perdendi via & occasio præbeatur. Quade re nō ita pridem Anno Domini 1610. in iudiciis Tribunalis Regni Lublini, quibus tunc ex gremio Venerabilis Capituli Cracouien. deputatus interfueram: in causa Generosi cuiusdam adolescentis, siue id iure, siue iniuria graues admodum expositas fuisse querelas audiui. Quamuis* reuera etiam in eo satis cautè Cancellaria procedat. siquidem circa adiudicationem annorum curatores simul adolescentibus assignare solet, eos videlicet, quos ipsi sibi elegerint. Quod certè non valde dissonum est à iure communi. Nam, etsi de iure eo casu quando quis impetrat ætatis veniam curatores dari non possint, quinimo hoc pacto expiret omnis curatela prout supra dictum est. Attamen* regulariter minoribus viginti quinque annis vel viginti vno anno secundum ius Saxon. per text. Sp. Sax. lib. 1. art. 42. & iuris Feud. Sax. c. 26.

iure præsertim nouo, etiam inuitis videtur dari curator. Nam lex 1. C. quando tutor. vel curat. esse desin. ait, propter ætatis infirmitatem curatores illis dādos esse. Quæ lex necessitatem importat & inuitis curatorem dari iubet. nam non spectatur hīc ipsorū voluntas sed ætatis infirmitas, in tātūm, vt vbiq; ea sit, curatore necessariō sit op9, per text. in d. l. infir. ff. de minorib. quinimo cogi potest ad petēdum curatorem præsertim ad litem. per text. in l. ait prætor. 7. §. 2. ff. de minorib. & in l. 1. C. qui pet. tut. vel curat. Non tamen * cogitur ad eligendum hunc vel illum curatorem: sed quem ipse vult eligere potest periura supra allegata. & ibi DD. iuris. Atque hæc est differentia inter minores & ætatis veniam impetrantes. Quòd illi cogantur habere curatorem quem illis Iudex aut Magistratus elegerit: hi verò non quem Iudex, sed quem ipsi habere voluerint. quod etiam in formula Cancellariæ Regni circa tales adiudicationes annorum contineri iam paulò ante dictum est. sine quo, neq; iudicio comparere, neq; bona immobilia alienare possunt. curatores enim directè dari solent rebus non personæ. per text. in l. in copulandis. 8.

12. *De nuptijs.* Quibus concordant etiam leges nostræ, in quibus præscribitur modus resignandi bona pupillis per tutores, vt videlicet non nisi quando habebunt annos quindecim tutores bona illis resignent; ita tamen, quòd minores ea bona vendere obligareq; non possint sine consensu amicorum consanguineorum, donec habeant annos viginti quatuor trāsactos. prout videre est in Statutis Regni sub litera *minorēnes.* itē sub litera *Anni discretionis.* & Tutor.
13. Neq; tamen illud prætereundum est. quòd ex generali quadam consuetudine vbiq; locorum suscepta, officium tutoris & curatoris plerunq; confundi soleat; ita, vt qui semel legitimi tutores dati sunt, iidem etiam curatores permaneat vsq; ad legitimam ætatem aduultorum puta 25 annos secundum ius ciuile, aut vigesimū primum annum iuxta dispositionem iuris Saxon prout superius à me Obseruat. 59. Cent. 1. dictū est.

OBSERVAT. XI.

Minor mutuans ab aliquo pecuniam eamque dissipans, vtrum læsus videatur. Et an ob id restitutionem in integrum petere possit nec ne?

SUMMARIA.

1. Minor non potest petere restitutionem in integrum, nisi probet se læsum esse.
2. Minor sine probatione læsionis an restituatur. si creditor probet pecuniā in rem minoris esse versā?
3. Distinctio inter creditorem qui ex fenore & qui gratis mutuat pecuniam.
4. Minor etiam vsuras percepti pretij restituere tenetur.
5. In omni restitutione generalis regula traditur. quòd minor prius debeat probare se læsum esse.
6. Creditor minori mutuans pecuniam, non aliter potest ab eo repetere, quàm si probet in rem ipsius versam esse.
7. D. D. iuris sententia refutatur. qui existimant minori restitutionem concedi etiam non probata læsione.
8. Explicatio legum 1. 2. C. si aduersus creditorem.
9. Probatio læsionis cur in mutuo faciliior sit, quā in alijs contractibus.
10. Creditor quando repellitur à repetitione pecuniæ creditæ minori.
11. In alijs contractibus pretium in rem minoris cessisse probari debet.
12. Interpretatio l. quod si. §. restitutio. ff. de minoribus.

In quæ.

IN quæstione præcedente generaliter traditum est, *minorem non posse petere in integrum restitutionem nisi læsionem vel aliam restitutionis causam probet, per text. in l. nam postea. §. si minor. ff. de iureiuran. & in l. minoribus. C. de in integr. restit. At in quæstione proposita nulla eiusmodi læsio facta esse apparet, siquidem creditor bona fide pecuniam mutuò dedit minori, quam ille postea prodegit, vel quouis alio modo dissipauit. Vnde dicendum est, nulla ratione beneficium restitutionis ei competere posse. Contrarium tamen *omniò statui videtur ab Imp. Antoniano Pio, in l. 1. & Gordiano in l. 2. C. si aduersus credit. vbi expressè traditur, minorem sine ulla læsionis probatione in integrum restituendum esse, nisi creditor doceat, minorem ex eo locupletioresse factum, vel quod idem est, pecuniam in rem minoris esse versam. Pro quo multum etiam facit text. in l. patri. 27. §. 1. in verbis: Si pecuniam quam mutuam minor accepit dissipauit, denegare debet pro consul creditori aduersus eum actionem. ff. de minorib. Quæ res mirum in modum torsit interpretes legum. Nam *quidam existimârunt id speciale esse in creditore pecu-

niam minori mutuante sub fœnore; non item in eo qui gratis mutuat pecuniam, vt notat gl. in d. l. 1. in verbo locupletioresse. C. si aduers. creditor. idq; in odium fœneratorum factum esse affirmant. Quam sententiam omnes cõmuniter DD. sequi, idq; propter expressa verba d. l. 2. ibi: Si vt allegas minor annis pecuniam fœnori accepisti, nec ea in rem tuam versa est. & c. C. si aduers. credit. plusquam manifestum est. Contra verò alii arbitrantur, id quod de fœneratore statuitur idẽ omnino etiam in creditore gratis mutuante indistinctè procedere, vt videlicet in utroq; casu creditor probare teneatur pecuniam in rem minoris versam, alioquin eo non probato, minorem sine ulla læsionis probatione restituendum esse, idq; propter generalia verba d. l. 1. & d. l. 2. C. si aduers. cred. Tum etiam quod tempore earum legum fœnora non fuerint legibus adeò improbata. Nam & aliis *in hac eadem materia restitutionis vsuræ & c. rationem haberi, vt videlicet minor restitutus etiam vsuras pretii percepti, quatenus ex eo locupletior factus est præstare debeat, text. in d. l. patri. 27. §. si pecuniam. 1. in verbis: Prædiũ quoq; si ex ea pecunia plurius quam oportet

ret emit: ita temperanda res erit, ut iubeatur venditor reddito pretio recuperare pradium: ita ut sine alterius damno etiam creditor à iuvene suum consequatur. Ex quo scilicet simul intelligimus quid observari oporteat si sua pecunia pluris quam oportet emerit: ut tamen hoc & superiore casu venditor qui pretium reddidit, etiam usuras quas ex ea pecunia percepit, aut percipere potuit reddat; & fructus quibus locupletior factus est iuvenis recipiat. Item ex diverso, si minore pretio quam oportet vendiderit adolescens, emptor quidem iuberi debet pradia cum fructibus restituere: iuvenis autem eatenus ex pretio reddere, quatenus ex ea pecunia locupletior est, admodum clarè testatur. Alii deniq; distinguendum esse putant inter minorem curatorem habentem & sine auctoritate illius contrahentem; & tunc nullo modo minorem obligari, per text. in l. 1. & l. 2. C. si tut. vel curat. interven. nisi fortè eo casu curatori nomine minoris data sit mutuo pecunia, & tum non dari actionem in minorem nisi quatenus pecunia versa in rem minoris probetur. per textum in l. si in rem. C. quando ex fact. tut. vel curat. Et inter minorem curatorem non habentem, atque nunc si pecunia

ei mutuo detur, obligari quidem sed restitui, ut inde dissipata pecunia actio creditori adversus ipsam denegetur. per text. in d. l. patri. 27. §. si pecuniam. Atque ita secundum hanc sententiam, omni casu videtur probandum pecuniam in rem minoris versam, etiam si minor læsionem suam non probaverit. Verum tamen breviter ea omnia explicando, & ad concordiam eam legum & DD. iuris sententiæ diversitatem reducendo. Generaliter * in omni restitutione minoris in integrum pro regula hoc tenendum esse censeo. ut non ex eo quod cum minore contractum est subito quis existimet, cum ipso facto læsum esse, atq; inde beneficium restitutionis ipsi competere. Sed primum & ante omnia necessarium est, ut minor sæ læsum atq; captum esse probet per iura superius allegata in princ. huius quæst. & in Obser. præced. num. 3. & 4. Postmodum verò quando iam minor probavit se læsum vel deceptum esse, atque ob id restitutionem in integrum impetrauit, tunc demum is contra quem restitutus est minor, ut possit id ab eo recuperare quod ex tali contractu ad illum peruenit, & ex quo factus est locupletior,

cupletior, probare debet pecuniam vel rem in vtilitatem minoris esse versam, per expres. text. in l. 1. in verbis: *Qui restituitur in integrum sicut in damno morari non debet, ita nec in lucro: & ideo quicquid ad eum peruenit, vel ex emptione, vel ex venditione, vel ex alio contractu hoc debet restituere.* C. de reput. quæ sunt in iudic. facit textus in d. l. patri. §. 1. ff. de minorib. & in l. si sine hered. §. interposito. ff. de administ. tutor. & in l. prædiorum. C. de prædijs.

6 minor. Atque * ex his patet, creditorem minori mutuantem pecuniam non aliter posse ab eo recuperare, nisi probet in rem & vtilitatem ipsius esse versam: Quod intelligi debet si minor restitutione in integrum impetrauit, quam non aliter impetrare potest nisi se læsum esse ostendat vt supra prius dictum est. Si vero id minor probare nō possit se videlicet læsum esse in contractu mutui; tunc etiam si eam pecuniam deperdat vel dilapidet, potest nihilominus creditor eam repetere, quia hoc casu prior probatio de læsione incumbit minori. Et ideo * omnino reiicienda est illa quā supra posui DD. sententia, qui existimant minori restitutionem concedi etiam non probata læsione, nisi creditor pro-

bet pecuniam in rem ipsius versam esse. Nec obstant * supra citata l. 1. & 2. C. si aduers. credit. quæ, ac si minor læsionem prius probare non debeat, nihil huiusmodi in se continent: quinimo in eam potius sententiā interpretandæ sunt, quasi minor restitutionem petens se læsum esse, vel aliam iustā causam restituendi probauerit, atque ita deinde creditor necesse habuerit, probare pecuniam in rem minoris esse versam; in qua probatione cum defecerit, merito eandem restitutionem in integrum factam fuisse, neq; pecuniam mutuatam repeti posse. Impp. in d. l. 1. & 2. rescripserunt. Porro * quod 9 attinet probationem læsionis, quāuis illa in aliis contractibus non sit tam facilis, in mutuo tamen admodum facile fieri potest idq; ob præsumptionem hac in parte pro minoribus militantem. Adolecentes enim proniores præsumuntur ad abutendum pecunia mutuo data, quā ex re aliqua vendita aut ex alio negotio proueniente: & ad eos corrumpendos nullus contractus censetur magis esse idoneus. Vnde facile euenire potest, vt aliqua tali circumstantia interueniente, puta causæ vel temporis, vt si profusuro vel se-

denti in ludopositionis mutuum
 detur, vt in l. quod si. 24. §. restitutio.
 & ibi glos. ff. de minorib. vel adole-
 scentiluxurioso vt meretricibus
 det, per text. in l. si verò. 12. §. Si a-
 dolescens. 11. ff. mandati. vel perso-
 nã, vt si adollescenti nondum ha-
 benti decem octo annos, vel ha-
 benti quidem annorum perfectũ
 numerum, sed qui tam leuib. &
 deprauatis erat moribus, vt veri-
 similiter esset amissurus, vel de-
 nique circumstantia quantitatis,
 si nimis magnam summam, & siue
 semel siue diuersis vicibus mutu-
 atam, quã probabile sit minorem
 indiguissse, occasio & suspicio o-
 riat corruptionis magis & læ-
 sionis, quã officii bona fide præ-
 stiti, tale mutuum factum fuisse.

10. Ac proinde * his & similibus casi-
 bus minore probante se læsum ef-
 se mutuum accipiendo ex fragili-
 tate & imbecillitate iudicii, & eam
 pecuniam perdidisse, restitutio
 habet locum; & nisi contrarium
 probauerit creditor, pecuniam
 videlicet in rem & vtilitatem mi-
 noris esse versam, omnino à repe-
 titione mutuatae pecuniae repelli
 debet ex rationibus superius cõ-
 memoratis. Quod etiam * in aliis
 contractibus puta venditionis, lo-
 cati, & similibus procedere, ad-

modum expressi textus probant.
 Nam in d. l. praediorum. & d. §. inter-
 posito. non aliter consequi empto-
 rem à minore pretii restitutionẽ,
 quã si pecuniam in rem minoris
 versam esse probatum fuerit, sa-
 tis disertè proponitur. Et ratio
 eius rei constat. sibi enim imputa-
 re debet emptor, qui repetit pre-
 tium minori datum, quòd cum
 minore cõtra legis prohibitionem
 nulliter contraxerit, vel ita quod
 minor ob læsionem vel aliam iu-
 stam causam restituendus fuerit.
 Nec in contrarium facit, * quod 12
 IC. Paulus in d. l. quod si. 24. §. restituti-
 o. Parcus, inquit, agendum esse
 in venditione, quia es alienum ei sol-
 uitur. quod facere necesse est. ff. de mi-
 noribus. Nam etsi textus ille disse-
 rentiam constituat inter emptio-
 nem & mutuum; non tamen inde
 sequitur emptorem pretium mi-
 nori datum etiam inutiliter ab eo
 consumptum absque hac proba-
 tione de in rem verso repetere
 posse, sed dicit hoc saltem, parci-
 us cum venditore agendum, vt
 videlicet is non vsq; adeo exacta
 & scrupulosa probatione onere-
 tur, sicut is qui mutuam dedit pe-
 cuniam adollescenti malè eam cõ-
 sumpturo. Atq; hæc circa hanc
 quæstionem dicta sufficiant; quæ
 cili

et si hodie in foro & praxi non magnum fortè vsum habere videntur, tamen quia ad multarum legum intellectum pertinent, & studiosi iuris (quorum gratia me quoq; has lucubrationes suscepisse alibi professus sum) non in iucunda nec inutilia esse possunt, ideo ea hoc loco non negligenda esse duxi.

OBSERVATIO XII.

Furiosi & prodigi vtrum & quādiu sub cura esse debeant?

S V M M A R I A.

1. Furiosi & prodigi etiam inuitis curatores dantur.
2. Reipub. expedit ne quis re sua malè vtatur.
3. Furiosorum & prodigorum cura cum agnatis. l. 12 tab. defertur.
4. Extraneis furiosorum & prodigorum cura quando permittatur.
5. Prodigum non ipso iure interdicitur administratio bonorum sed decreto Iudicis vel Magistratus, quod secus est in furioso.
6. Prodigum quicquid agit ante interdictionē administrationis bonorū valet; secus si post interdictionem.
7. Prodigum quis dicatur & quomodo à curatore liberatur.

8. Prodigum vel furiosum aliquem asserenti; probatio incumbit.

9. Furiosus quomodo cognoscatur?

10. Furiosus à mente capto quo differant?

11. Mente captis, surdis, mutis, & perpetuo morbo laborantibus curatores dantur.

Furiosis & prodigis * licet maiores sint viginti quinque annis de iure communi, vel viginti vno anno iuxta dispositionem iuris Saxonici, etiam inuitis & nolentibus omnino curatores dari nemini dubium est. Nam & hos, ob defectum rationis rebus suis commodè præesse non posse experientia testatur. Expedit * autem Reipub. ne quis re sua malè vtatur, per text. in §. fin. Instit. quæ sunt sui vel alien. iur. Et eiusdem interest, habere sub selocupletes subditos, vt dicitur. in Nouell. 8. tit. vt iudic. sine quoquo suffr. fiant. &c. Merito ergo * lege. xii. tabularum huiusmodi personarum cura agnatis, deferrebat, cuius verba hæc sūt: Si furiosus existat, agnatorum, gentiliorumq; in eo pecuniæq; eius pro testas esto. Cum enim spem habebant successionis, iuri & æquitati consentaneum est, vt & curatorum onus sustineant, per text.

4. *in pr. Instit. de legit. patr. tutela.* Illis verò non exstantibus aut minis fortè idoneis, magistratus, aliis personis etiam extraneis hanc curam committere debet, per text. *in l. sæpè. 13. in verbis: Sæpè ad alium è lege xii. tab. curatio furiosi aut prodigi pertinet, alij prator administrationem dat: scilicet cum ille legitimus inhabilis ad eam rem videatur. ff. de curat. fur. & alijs. & c.* Vnde etiam hodie summa iuris æquitate & ratione suadente in Cancellaria Regni id diligentissimè attendi solet, ne tales curatela in præiudicium agnatorum concedantur, semper siquidem in tali rescripto Principis exprimitur: Saluo iure agnatorum, si qui habiles & idonei reperti fuerint ad gerendam huiusmodi curatela. Quod in prodigis quoq; locum habere satis planum & perspicuum est; idq; ex textu *l. i. ff. 20. de curat. furio. & alijs dat.* cuius hæc sunt verba: *Lege duodecim tabularum prodigo interdicitur bonorum suorum administratio, quod moribus quidem ab initio introductum est, sed solent hodie pratores, vel præsides, si talem hominè interuenerint qui neq; tempus neq; finem expensarum habet, sed bona sua dilacerando & dissipando profudit; curatorem ei dare exemplo fu-*

riof: & tamdiu erunt ambo in curatione, quamdiu vel furiosus sanitatem, vel ille sanos mores receperit: quod si euenerit, ipso iure desinunt esse in potestate curatorum. Verumtamen etiam si furiosis quam primum à rationis & mentis statu dimoti fuerint, & furere cæperint, administratio bonorum omnium ipso iure interdicitur; per expressa verba huius legis; secus tamen id esse non prodigo, communis DD. schola reclamation, idq; propter expressos textus iuris. ut *in l. Iulianus, 10. ff. de curat. furios. & in l. is cui bonis, 6. ff. de verb. obligat.* Vbi post glossam DD. iuris communiter ita concludunt, quod prodigo hodie ipso iure seu lege non interdicitur administratio suorum bonorum, sed à Iudice vel magistratu, & per consequens, neque in curam agnatorum tradi debet, priusquam administratio bonorum à Iudice ipsi interdicta sit. Ignorari siquidem probabiliter potest quando quis pro prodigo haberi debeat, meritò itaq; obtinuit, ut inquisitione seu cognitione à magistratu facta, prodigus declaratur, & in agnatorum curam tradatur iuxta dispositionem *d. l. i. ff. de curat. furios.* Ratio autem istius interdictionis hæc est, quia prodigi ex

gi ex accidenti carere videntur iudicio & ratione; nec enim finem nec tempus habent expensarum, sed bona sua lacerando & dissipando profundunt, quemadmodum *in d.l. i. ff. de curat. furios* disponitur. Et ita sicut furiosus desipit animo; ita prodigus desipit moribus. Hinc fit, * vt quicquid ait prodigus ante interdictionem administrationis bonorum, valeat; post interdictionem verò ipse nō obligatur alteri, nec bona sua in alium transferre potest: stipulando tamē sibi acquirit, per express. textum *in d.l. is cui.* his verbis: *Is cui bonis interdictum est, stipulando sibi acquirit, tradere verò non potest vel promittendo obligari, & ideo nec fideiussor pro eo interuenire poterit sic ut nec pro furioso. ff. de verb. obligat.* Quod etiam tangit glos. iuris Saxonici *Spec. Sax. lib. 1. art. 12.* quæ etiam dicit, quòd licet tales personæ curatores habeant de iure, possint tamē pro se & pro alijs in iudicio esse, donec eis administratio bonorum in iudicio per Iudicem interdicatur, & ad hoc citat *Speculat. tit. de actore. §. i. vers. Item opponitur contra actorem.* Nec multum quidem meo iudicio in contrarium facere videtur *d.l. i. ff. de curat. furios. & alijs.* licet in ea con-

cilianda multū desudauerint Interpretes iuris. Nam vt Accursius rectē notat, quòd ibi dicitur, lege prodigis interdicti administrationem, id ita intelligi posse, legē id iubere, vt Iudex vel magistratus interdicat; quamuis non desint, qui inter ius vetus & nouū distinguant, vt scilicet ex dispositione illius iure ipso id fiat, non autem ex dispositione iuris noui. Quod vsq; adeo verū esse DD. iuris communiter statuunt, vt etiamsi quis apertē prodigus appareat, tamen necessarium esse Iudicis vel magistratus decretum quominus res suas administrare possit, DD. *in d.l. is cui.* quamuis aliàs manifestum & notorium iudicato æquiparetur. *l. emptorem ff. de act. empt.* Porro * quemadmodū 7 prodigus à magistratu vel Iudice causa cognita is dicitur, qui neq; modum neq; finem expensarum inhonestarum & indecentiū habet, sed bona sua luxuriosē vel inutiliter dilapidando & dissipando profundit; non autē qui splendide & magnifice viuit & aliàs liberalis est, atq; propterea ei interdicatur bonis; ita viceversa, poterit is cui interdictum est bonis & cui datus est curator vt prodigo cum non sit, Iudicem siue magistra,

gistratum adire, ab eoque petere
 ut pronunciet se ad bonos mores
 rediisse; & ita recuperabit bo-
 norum interdictorum administra-
 tionem, & liberabitur à curatore
 sibi dato, prout Bartol. ex sentetia
 Iacob. de Arena. in d.l. is cui bonis.
 distinguit. Quod & in furiosis re-
 ceptum esse passim DD. iuris tra-
 dunt, per text. in d.l. 11. in verbis:
tamdiu ambo erunt in curatione,
quamdiu vel furiosus sanitatem, vel
ille (prodigus) sanos mores recepe-
rit, quod si euenerit, ipso iure desinunt
esse in potestate curatoris. ff. de cur. fu-
 rios. Vbi ibidē hęc verba ipso iure,
 intelligenda sunt secundum prio-
 rem Accursii explicationem, ut
 scilicet causa prius à iudice v-
 trum desierint esse prodigi vel fu-
 riosi cognita, ipso iure recipiant
 administrationem bonorum. fa-
 cit ad idem text. in l. fin. §. *Quem si.*
 in verbis: *ideoq; tantum ad restituti-*
onem indulgentia valeat, quantum
ad correctionem sententia. C. de sen-
 tent. pass. §. *reslit.* Verum * quia v-
 nusquisq; præsumitur sanæ men-
 tis & compos rationis esse nisi
 contrarium constet vel probe-
 tur, idcirco asserentialiquem esse
 furiosum vel prodigū onus pro-
 bandi incumbit, per text. in l. de
 codicillis. §. C. de Codicillis. & DD. in

l. furiosum. C. qui testament facere pos-
sunt. Variis autem modis & argu-
 mentis furiosus agnosci & pro-
 bari potest; ut potē, qui per vi-
 cos more infanorum loquitur, vel
 deridēda agit, per text. in l. ob que
 vitia. 4. §. 1. ff. de edilit. edict. item
 qui proicit lapides, & aliquid
 mali facit adstantibus, secun-
 dum glossam in l. si cum dotem. 22.
 §. si maritus. 7. ff. solut. matrimon.
 Et in summa, ex sermonibus & a-
 ctionibus non cōuenientibus ho-
 mini sanæ mentis, furiosus quis ef-
 se præsumitur; & in hoc standū
 est iudicio Medicorum tanquam
 peritorum in arte, argum. textus
 l. septimo mense. 12. ff. de statu hom.
 Ac proinde DD. iuris * hoc distare
 furiosum à mente capto existi-
 ment, quòd furiosus rabie & furo-
 ris quodam impetu agatur; men-
 te verò captus mente tantum &
 animi consilio deficiat, nullaq; ex-
 trinsecus signa ostendat, idēq; sit,
 qui & demens, fatuus, infans. Bal.
 in l. si furiosi. 25. C. de nupt. quibus ta-
 men * sicut & furiosis ac prodigis;
 item surdis & mutis, qui perpetuo
 morbo laborāt, quia rebus suis su-
 peresse nō possunt, curatores dā-
 di sunt, per expr. tex. in §. furiosi. In
 stit. de curator. & ibi DD. iuris. Sed
 de his plura habes obser. seq. 14.

OBSERVATIO XIII.

An, si tutores vel curatores nomina pupillorum apud debitores exigere negligant, & illi postmodum soluendo nō sint, ad præstationem damni teneantur?

SUMMARIA.

1. Nomina patri pupilli debita, ad periculum tutoris pertinent si nimirum ea exigere negligat.
2. Probatio negligentiae tutoris pupillo incumbit.
3. Tutores & curatores in administratione rerum pupillarium, culpam leuem & latā præstare debent.
4. Tutores facientes nomina ex pecunia pupilli, omnem diligentiam adhibere debent ut idonea faciant.
5. Nomina pupilli à tutoribus facta, si postmodum ob negligentiam illorum minus idonea reperta fuerint, tutoribus id imputari debet.
6. Pupilli probare tenentur nomina ob negligentiam tutorum minus idonea esse facta: alioquin tutores à culpa sunt immunes.
7. Casum fortuitum tutores & curatores præstare non tenentur.
8. Tutores pupillarem pecuniam sub senore elocare non tenentur.

9. Tutores hodie passim sub senore mutuo solent dare pupillares pecunias.

10. Usura tam iure diuino & naturali, quàm Canonico prohibetur.

11. Edictum D. Augusti Regis contra usurarios Gedani promulgatum.

MEmini non ita pridem, anno 1612. tempore Quadragesimali Varsouiae in Relationibus Sac. Reg. Mag. inter ciues quosdam agitatam fuisse hanc quaestionem, quæ alioquin sæpissimè in controuersiam vocari solet. Pro cuius resolutione distinguendum videtur inter ea nomina seu credita, quæ pater seu antecessor pupilli aut minoris, aliorumve qui sunt sub cura, fecit; & ea quæ tempore administrationis tutoris vel curatoris contracta sunt. Et quidem, quantum ad primum attinet casum, certi & indubitatiuris est, nomina seu credita pupilli siue minoris patri vel antecessori ipsius debita, ad periculum tutoris vel curatoris pertinere, per expres. tex. in l. debitoribus 18. C. de administr. tutor. Quod tamen non aliter accipiendum est, quàm si nomina pupillo seu minori data, per hoc quod ea non exegerit minus idonea efficiantur, atque

adeo in exigendo negligentia, quæ
lata culpæ adnumeratur, tutori
vel curatori imputari possit, per
expr. text. in l. nomina. 2. in verbis:
*Nomina paternorum debitorum si idonea fuerint initio susceptæ tutelæ, & per latam culpam tutoris minus idonea tempore tutelæ esse ceperunt: Iudex qui super ea re datus fuerit, dispiciet, & si palam dolo tutoris vel manifesta negligentia cessatum est, tutelæ iudicio damnum quod ex cessatione accidisset, pupillo præstandum esse, statuere curabit. C. arbitrium tut. concordat textus in l. si tutor constitutus. 15. ff. de administr. & peric. tut. atque ita à S. R. M. summa iuris ratione in causa supra citata decisum est. Ac insuper *huius negligentia & culpæ tutorum, minoribus qui eam allegabant, probatio iniuncta fuit; idq; iuxta dispositionem iuris communis, in l. chirographis. 57. in prin. ff. de administr. & peric. tutor. & glos. in d. l. nomina. 2. idem tradit. Ad quam probationem hoc necessario requiritur, ut doceatur nomina illa tempore susceptæ tutelæ idonea fuisse, hoc est, facile exigi potuisse, quod propter tutoris negligentiam prætermisum est, ut tradit Fulgos. in cons. 25. in fine. Quod si verò talis negligentia tutoris probari non possit,*

tunc finita tutela tutor vel curator eo nomine ad præstationem damni cogi minimè potest, per express. text. in l. tutores. 39. in prin. & in l. cum post. 43. in prin. ff. de administr. & peric. tutor. Porro quantum attinet alterum membrum distinctionis supra recensitæ, quamvis regulariter dicendum videatur, periculum omne eorum nominum, quæ tutor vel curator ipse tempore administrationis suæ contraxit, ad eum pertinere, per expressum textum in l. litis. 37. §. 1. ff. de negot. gestis. quatenus tamen periculum istud ad tutores vel curatores pertineat, quidve ii præstare debeant, non satis planum est. Et ideo tenenda erit *regula, tutores vel curatores perinde ut in cæteris rebus pupilli, ita etiam in nominibus faciendis tam leuem quam latam culpam præstare debere, per express. text. in l. quicquid. 7. in verbis: *Quicquid tutoris dolo vel lata culpa, aut leui, seu curatoris, minores amiserint, vel cum possent, non acquisierint: hoc in tutela seu negotiorum gestorum utile iudicium venire, non est incerti iuris. C. arbit. tutelæ.* Quamobrem * si tutores vel curatores eiusmodi debitoribus mutuo dederunt pupilli vel minoris pecuniam, qui soluendo

non

non essent, & quibus diligens & circumspēctus paterfamilias pecuniam suam non dedisset; tum omnino ipsi ad præstationem eius pecuniæ pupillo vel minori obstricti erunt. *d. l. litis. §. si pecunia.* & ibi gloss. *ff. negot. gestis.* Neque tamen illud solum tempus quo tutores vel curatores mutuò dederunt pecuniam, vt idonea & certa sint nomina pupillorum, attendi solet; verum toto administrationis illorum tempore, vt si postmodum in exigendis illis debitam diligentiam non adhibuerint, periculum eiusmodi nominum, ad ipsos, non verò ad pupillum aut minorem pertineat, *d. l. quicquid. C. arbitr. tutela.* In eo tamen inter hos duos casus magna est differentia, quòd nimirum in priori casu, quando tutores vel curatores mutuò, dant alicui pupillorum pecuniam; idoneum & certum fuisse debitorem eo tempore quo mutuū datum est, ipsi tutores probare debeāt; quo probato, liberantur à periculo huiusmodi nominum, & pupilli eandem agnoscere tenentur. In altero verò casu, *si videlicet pupilli vel minores dicant huiusmodi nomina à tutoribus vel curatoribus contracta, idonea quidē

& certa fuisse tempore mutuò datæ pecuniæ; verum ex post facto ob negligentiam tutorum vel curatorum, quòd ea exigere culpa sua siue leui siue lata prætermiserint, omnino facta fuisse incerta & deteriora; tum hoc casu pupilli & minores allegationem suam probare debent, perinde vt in nominibus paternis superius dictum est. Culpa enim non præsumitur nisi prius probetur *d. l. chirograph. ff. de administr. & peric. tut.* Quod si pupilli vel minores probare non possint, & tutores siue curatores ostendant se fecisse officium diligentis patrisfamilias, tam videlicet in contrahendo quàm in exigendo mutuò; tum sanè tutores ab omni periculo eiusmodi nominum immunes esse debent, etiam si deinceps minus idonea facta fuerint. Cum regulariter à tutoribus & curatoribus pupillorum eadem diligentia exigenda sit circa administrationem rerum pupillarium, quam paterfamilias rebus suis ex bona fide præstare debet, prout in *l. à tutorib. 33. ff. de administr. & peric. tut.* disponitur. Vnde hoc etiam expeditum est, *casum fortuitum quemadmodum in aliis rebus, ita etiam in nominibus ad tutores vel curatores non pertine-

re: ideoque si casu fortuito nomē minus idoneum factum fuerit, tutores siue curatores id præstare non tenebuntur, per textum in l. si res pupillaris. in verbis: Si res pupillaris incurſu latronum pereat, vel argentarius cui tutor pecuniam dedit cum fuiſſet celeberrimus, ſolidum reddere non poſſit: nihil eo nomine tutor præſtare cogitur. ff. de adm. & peric. tutor. & in l. 5. & 4. C. eod. Quæ omnia intelligi debent non ſolum de parata pecunia mutuò à tutoribus data, ſed etiam ex venditione aut aliunde pupillis proueniente. Neque verò tutores tenentur pupillarem pecuniam ſub fœnore mutuò dare, quinimo expreſſè prohibentur, idq; per text. in auth. nouiſſimè. his verbis: Nouiſſimè cautum eſt, à curatore pecuniam pupillarem non eſſe fœnerandā. quod ſi fecerit, mutui ſubiacebit periculo: niſi mobilis ſit eius ſubſtantia cuius cura adminiſtratur. tunc enim curator illud ſolum mutuare cogatur, quod ad diſpenſationem ſufficiet adoleſcentis eiufq; rebus. quod verò plus eſt, cautè recondatur: vel niſi ex neceſſitate hoc fecerit, veluti propter expenſas in pupillum faciendas. C. de adminiſtr. tutor vel curat. Et adhuc clariùs idipſum exponitur in tex. Nouell. 82. c. quoniam 6. vnde hæc

auth. nouiſſimè. deſumpta eſt, cuius hæc ſunt verba: Quoniam autem videmus curatores quicunq; Dei memoriam habent, ad curam diſſiculter accedere, (nam plurimis volentibus ea quæ minorum ſunt, impiè in ſe vertere, amabilis eſt res & appetibilis) videmus autem præcipuè diſſicilem eſſe curatorum cauſam propter fœneratorum neceſſitatem: ſancimus nullam neceſſitatem ex legibus eſſe curatoribus, minorum pecunia fœnerare, ſed cautè reponere & reſeruare. quoniam melius eſt eis in antiquis tutamen manere, quàm uſurariæ appetitione etiam antiqua pecunia cadere, & periclitari quidem curatorem ſi non mutuauerit: rursus autem ſi mutuauerit, periculum ſuſtinere, factò forſan in debitis detrimento. Si verò ipſe ſpontè mutuare voluerit ſub obligatione fortè pignorum, aut ſub alijs quæ putantur indubitata, cautelis: tunc habeat quidem duorū menſū per ſingulos annos inducias, (hoc quod leges laxamentum vocāt) ſciat autem mutui periculum omnino ad ſe venturum. Iure ſiquidem antiquo, id eſt Digefforum & Codicis, hæc neceſſitas fœnerandi pecunia pupillorum tutoribus & curatoribus omnino impoſita erat, vt videre eſt in tex. l. tutor. 7. §. ſi poſt. 3. & ſeq. ff. de adminiſtr. tut. & curat.

curat. quæ postmodum iure nouissimo summa æquitatis & pietatis ratione dictante ab Imp. Iustiniano remissa & sublata est; adeo ut iam in tutorum siue curatorum positum sit voluntate, vtrum pecunias ad vsuras elocare velint, necne? modò idonea & sufficientia faciant nomina, alioquin periculo suo id facturi; quemadmodum ea de re fusiis paulò ante dictum est. Quam * rationem facerandi pupillari pecunia, omnes passim hodie tutores & curatores sequuntur, idq; moribus corruptis egentissimi huius seculi introductum esse quis non videt? Certè vtrumq; tergum obuertamus huic tam piæ & sanctæ Imp. Iustiniani Constitutioni, nescio quatenus fronte, salua & illæsa conscientia, vsuras exerceri posse dicemus, quod * omnia iura tam diuina & naturalia quam Canonica fieri tantopere vetant, prout *tot. de usur.* viderelicet. Mihi equidem * admodum placet prudentissimum olim D. Sigismundi Augusti Regis edictum, contra vsurarios in ciuitate Gedanen. promulgatum; ex cuius præscripto in Curia Regali Ciuem quendam Gedanensem Adrianum Engelkè ad instantiam Instigatoris S.R.M.

in pœna triginta millium florenorum, Anno 1596. feria tertia post festum S. Bartholomæi Apostoli, cõdemnatum fuisse animaduerti.

OBSERVAT. XIV.

Sed an hi, qui ob defectum rationis, vel ob aduersam valetudinem rebus suis præesse non possunt, ius testandi habeant, necne?

SUMMARIA.

1. Testamentum quilibet facere potest, nisi ei expresse prohibeatur.
2. Testamentum quid sit?
3. Testamentum condere prohibetur, qui alieno iuri subiecti sunt.
4. Filius familias etiam si centum sit annorum, nec testamentum, nec codicillos conficere potest.
5. Filius familias testamentum de peculio Castrensi, vel quasi Castrensi, condere potest; non item de profecticio, & aduentitio.
6. Testamentum facere non possunt, qui iudicio animi carent, ut sunt impuberes, furiosi, mente capti, prodigi.
7. Furiosi habentes dilucida intervalle testari possunt.
8. Surdi, muti, cæci, & qui sensibus necessarijs carent, utrum testari possint?

9. *Ægroti & valetudinarij atque senesnum facere testamentum possint?*

10. *Nani & homunciones testari possunt.*

11. *Pœna criminali obnoxij testamentum condere uti possint?*

12. *Qui de statu dubitant, an testari possint, nec ne?*

- 1 **R**egulariter * unicuique permillum esse facere testamentum nisi cui expressè prohibeatur notandum est. Nam nihil est æquius quàm ratam habere voluntatem domini, rem suam in alium transferre volentis, per textum in §. *per traditionem. Institution. de rerum diuis.* Testamentum * siquidem nihil aliud est, nisi voluntatis nostræ iusta sententia, de eo, quod quis post mortem suā fieri velit, quemadmodum I C. Modestinus in l. i. ff. *qui testam. facere poss.* definit. Ac proinde ius testandi, seu condendi testamenti, nō aliis videtur prohiberi, nisi iis personis, quæ suum velle non habent. Tales autē personas, licet plures in iure inueniantur, egregiè ad quinque classes seu regulas DD. iuris reducere solent. Et primò * quidē prohibentur testari, qui alieno iuri subiecti sunt, nec liberam habent
- 2
- 3

bonorum administrationem; puta, filii familias, monachi, serui, captiui ab hostibus, obfides, per text. in l. *qui in potestate. o. l. filiusfam. o. l. obfides. 11. ff. qui testam. facere poss.* & in §. *fin. Instit. eod.* Et in filio * quidem familias, in tantum id locum habet, ut etiam si centum sit annorum, tamen nec testari, nec codicillos conficere possit, etiam patre consentiente, per text. in d. l. *qui in potestate. o.* Ratio autem est, quia vltima voluntas debet procedere ex libera voluntate testantis, nec debet ex alieno pendere arbitrio, per express. text. in l. *illa institutio. 32. ff. de heredib. instit.* Et ideo is qui non habet potestatem à iure publico, non potest eam consequi ab aliquo priuato, secundum Castr. in d. l. *qui in potest.* Neque confirmatur tale testamentum à filio familias factum, licet suæ potestatis postea factus decesserit, nisi fortè * de peculio Castrensi, vel quasi Castrensi faciat testamentum, nam hoc casu licet testari potest, per express. textum in prin. in verbis: *Præter hos igitur qui Castrense peculium vel quasi Castrense habent, si quis alius filius familias testamentum fecerit, inutile est, licet suæ potestatis factus decesserit. Instit. quib. non est permis. fac. testamen.* Et

Et ratio est, quia in talibus bonis loco patrisfamilias habetur per text. in l. ult. ff. de his qui sunt sui iur. & in l. nam quod. 14. ff. ad S.C. Trebellianum. & in l. quippe. 78. ff. de iudic. Non item de peculio profectio & aduentitio, licet peculii aduentitii proprietatem habeat, per express. text. in l. nemo. 11. C. qui testam. facer. poss. Et quamvis in contrarium facere videatur text. in §. 1. Nouell. ut liceat matri & auia. &c. ubi expressè dicitur, quòd filiosfamilias de eo, cuius patri non quæritur ususfructus, liceat disponere quomodo velit, cū hoc verbum (disponere) non tam ad testamenti factionem, quanto magis administrationem pertineat. Quæ ratio condendi testamenti in filiisfamilias, etiam nunc in præxi obtinet, ut scilicet non possit testari nisi de peculio Castrensi vel quasi Castrensi, nisi fortè filius domicilium propriū habeat, & larē fortunarum suarum alibi constituat, quæ res hodie apud nos loco emancipationis habetur, prout superius à me obseruat. 64. in fine. Cent. 1. dictum est. Secundò, qui

* iudicio animi, & cōsilio proprio carent, & in quibus itidem nulla est omnino voluntas, ut sunt im-
puberes, furiosi, mente capti, pro-

digi, de quibus supra obseruatione præcedenti plura dicta sunt. Illud tamen * quantum attinet furiosos & mente captos necessario obseruandum est, quòd si dilucida habeant furoris & dementiæ interualla, eos rectè facere testamentū posse. Imp. Iustin. in l. furiosum 9. his verbis: *Furiosum in suis inducijs ultimum condere elogium posse, licet ab antiquis dubitabatur, tamen & retrò principibus & nobis placuit. Nunc autem hoc decidendum est, quod simili modo antiquos animos mouit, si capto testamento furor eum inuasit. Sancimus itaq; tale testamentum hominis, qui in ipso actus testamenti aduersa valetudine tentus est, pro nihilo esse. Si verò voluerit in dilucidis interuallis aliquod condere testamentum, vel ultimam voluntatem, & hoc sana mente inceperit facere, & consumauerit nullo tali morbo interueniente, stare testamentum siue quamcunq; ultimam voluntatē censemus: si & alia omnia accesserint, quæ in huiusmodi actibus legitima obseruatio requirit. C. qui testam. facer. poss. declarat. Quod item intelligi debet de his, quibus non omnino deest iudicium, hebetioris tamen sunt ingenii, & naturæ simplicis, nam hos testari posse, DD. communiter in d. l. furiosum, conclu.*

8 concludunt. Tertiò 'qui propter vitium aliquod corporis sensibus necessariis carent, quales sūt furdi, muti, cæci, d.l. qui in potestate. §. 1. & in l. si mutus. ff. qui testam. facere poss. Ratio autem quare surdus & mutus testamētum facere non possunt hæc est, quia mutus verba nuncupationis eloqui non potest: Surdus verò, quia verba formalia emptoris exaudire nequit, prout Vlp. in fragm. tit. 20. vel quia mutus accire & rogare testes, neq; surdus eosdē audire testimoniu sibi perhibentes possūt. Rogati enim testes ad conficiendum testamentum accedere debēt, vt Paul. lib. 3. sent. tit. 4. indicat. Surdum autem hic eum accipi oportet, qui omnino nō exaudit, non surdastrum. & mutum, qui nihil eloqui potest, non qui difficulter & titubāter loquitur, quales vulgò blefi, vel balbi, vel atypi dicuntur, per text. in l. idem ofilius. §. fin. & l. mutum. ff. de edilit. edicto. Verum tamē quia hodie circatiles personas ex Iustiniani constitutione in l. d. secretis. 10. C. qui testā. facer. poss. quatuor casus in considerationem veniunt: idcirco non abs re fore existimaui, si ipsius legis verba, prout in se sonant, hic referantur. Discretis surdo & muto,

quia non semper huiusmodi vitia sibi concurrunt: sancimus si quis utroque morbo simul laboret, id est, vt neque audire, neque loqui possit, & hoc ex ipsa natura habeat, neque testamentum facere, neque codicillos, neque fideicommissum relinquere, neque mortis causa donationem celebrare concedatur, nec libertatem siue vindicta, siue alio modo imponere: eidē legi tam masculos quàm fæminas obedire imperantes. Vbi autem & huiusmodi vitij non naturalis, siue masculo, siue fæmina accidit calamitas, sed morbus postea superueniens & vocem abstulit, & aures conclusit: si ponamus huiusmodi personam literas scientem, omnia quæ priori interdiximus, hæc ei sua manuscribenti permittimus. Sin autem infortunium discretum est, quod ita rarò contingit, & surdus, licet naturaliter huiusmodi sensus variatus est, tamen omnia facere & in testamentis & in codicillis, & in mortis causa donationibus, & in libertatibus, & in omnibus alijs permittimus. Si enim vox articulata ei à natura concessa est: nihil prohibet eum omnia quæ voluerit facere: quia scimus quosdam iurisperitos & hoc subtilius cogitasse, & nullum esse exposuisse, qui penitus non exaudiat si quis supra cerebrum illius loquatur, secundū quod Iubentio Celsoplacuit.

In eo autem cui morbus postea superueniens auditum tantummodo abstulit, nec dubitari potest: quin possit omnia sine aliquo obstaculo facere. Sin verò aures quidem apertæ sint, & vocem recipientes, lingua autem eius penitus præpedita: licet à veteribus auctoribus sæpius de hoc variatum est: attamen si hunc peritum literarum esse proponamus, nihil prohibet eum scribentem hæc omnia facere, siue naturaliter, siue per interuentum morbi huiusmodi infortunium ei accesserit: nullo discrimine neque in masculis, neque in feminis in omni ista constitutione seruando. Quantum verò attinet cæcos, eos videlicet qui utroque orbatu sunt lumine, de his (quia multa requiruntur quæ in eorum testamentis interuenire debent) multæ quoque repertiuntur solennitates in l. hac consultissima. 8. C. eod. qui testamen. facer. poss. quæ ob multa singularia quæ in se continet his adicere omnino necessariū visum est, cuius hæc sunt verba: Hac consultissima lege sancimus, ut carentes oculis, seu morbo vitiōve, seu ita nati, per nuncupationem sua condant moderamina voluntatis: scilicet præsentibus septem testibus, quos alijs quoque testamenti interesse iuris est, tabulario etiam: ut cunctis ibidem collectis, pri-

mum ad se conuocatos omnes, ut sine scriptis testentur, edoccant: deinde exprimant nomina specialiter haredum, & dignitates singulorum, & indicia, ne sola nominum commemoratio quicquam ambiguitatis pariat: & ex quanta parte, vel ex quot vncijs in successionem admitti debeant: & quid unumquēq, legatarium seu fideicommissariū adsequi velint: omnia deniq, palam edicant quæ ultimarum capit dispositionum series lege concessa. Quibus omnibus ex ordine peroratis vno eodemq, loco & tempore, sed & tabularij manu conscriptis sub obtutu septem (ut dictum est) testium, & eorundem testium manu subscriptis, dehinc cōsignatis tam ab eisdem testibus quàm à tabulario, plenū obtinebit robur testantis arbitrium.

Quæ in eundem modum erunt obseruanda, quamuis non haredes instituere, sed legata solū vel fideicommissa, & in summa quæ codicillis habentur congrua, duxerint ordināda. At cū humana fragilitas mortis præcipuè cogitatione perturbata, minis memoria possit res plures consequi: patebit eis licētia voluntatem suam siue in testamenti, siue in codicilli tenore compositam, cui velint scribendam credere: ut in eodem loco postea conuocatis testibus & tabulario, re etiam (ut dictum est) patefacta, cuius causæ

conuocati sunt, etiam chartula promatur, quam susceptam testatori recitabit tabularius simul & testibus: ut ubi tenore eorum cunctis innotuerit, elogium ipse suum profiteatur agnoscere, & ex animi sui quæ lecta sunt, disposuisse sententia, & in fine subscriptio sequatur testium, nec non omnium signacula, tam testium (prout dictum est) quàm tabularij. Sed quia tabulariorum copia non in omnibus locis datur quærentibus: iubemus ubi tabularius reperiri non possit, octauum adhiberi testem: ut quod tabulario pro supradicto modo commissimus, id per octauum testem effectum capiat; libera potestate concedenda voluntates suas in prædictum modum ordinantibus, chartulã ita subscriptam, ita denique consignatam, ut antelata formæ declarant, cui velint ex testibus custodiendam mandare. Sic namq; fieri confidimus, ut non recipiat se tantum in cæcis testandi licentia: sed ne locum quidem ullum reliquat insidiis, tot oculis spectata, tot insinuata sensibus, tot insuper locata manibus. Hæ tamen solennitates nõ procedunt neq; locum habent in testamento cæci condito ad pias causas, ubi attenditur iuris Canonici dispositio. quod videlicet in ore duorum aut trium stare debeat omne verum, per text. in c. cum esset. 10. ext.

de testam. & DD. in d. l. hac consult. Cæterum reliquos mentis com-
potes quamuis ægrotos, ut senes, valetudinarios, & his similes testari posse certi iuris est, per express. text. in l. senium. 3. C. qui testam fac. possunt. De iure verò Saxonico magnū videtur esse dubium, propter textum iuris Municip. art. 65. ubi dicitur, quòd nullus mas, nullaque fæmina possint decumbentes bonorum suorum quicquam mortis causa donare, quod valorem quinque solidorum excedat. Item Spec. Sax. lib. 1. art. 52. ubi dicitur quātum ultra spondam corrigere valet. Veruntamen in his textibus iuris Saxonici, nullum verbum habetur de eo quòd tales personæ non habeant testandi facultatem, sed certus saltem modus & quantitas legatorum faciendorum præscribitur, ultra quam, plus testamento legare non possunt. Quæ non vsq; adeò hodie obseruari passim Interpret. iuris affirmant; secus est quo ad immobilia. nam de his iure Saxon. nemo testari potest, cuius rei supra Obseruat. 63. num. 11. Cent. 1. & Obser. 57. num. 9. mentio facta est. Verum enimverò quantum attinet nanos & homunciones, qui ut plurimum sagaci ingenio præditi

præditi reperiuntur, quamuis iuxta dispositionem iuris Saxon. dicendum videretur eos testari nō posse, idque propter textum *lib. 1. articul. 4. in verbis: Super nanos & homuncios nullum descendit feudum aut hereditas: qui autem propinquiores illorum existunt, id quod ad ipsos peruenire ex bonis certitur, accipiunt, ac illis necessaria subministrabunt.* id tamen ita intelligendum est, non vt omnino excludantur à successione paterna & materna; sed vt hereditatem pro sorte illos concernentem, nō ipsi per se, sed agnati nomine illorum recipiant, eamq; administrēt & eam illorum gerant. Vnde non statim sequitur, vt is qui sub cura alterius est non sit habilis ad condendum testamentum. Nam & minores 25 annis habēt curatores, & bona absq; consensu eorū alienare non possunt; non ideo tamen condere testamētum prohibentur, per expres. text. in l. *quæ etate. s. ff. qui testam. fac. possunt. & in l. Aurelio. 20. §. fin. ff. de liber. legat.*

II Quartò, * qui pœnæ alicui criminali obnoxii sunt, vt sunt ad mortem damnati, qui nisi appellatione damnationem suspenderit, testamentum facere non possunt, per expressum textum in l. *qui à latronibus. 13. §. 1. ff. qui testamen. fac.*

possunt. Quod tamen moribus hodie obsoleuisse praxis quotidiana testatur. Nam vbique locorum damnati ad mortem rerum suarum dispositionem habent, & testamentum condere possunt, præsertim in his criminibus, in quibus publicatio bonorum locum non habet. Quod etiam iure Iustianeo nouo inductum esse ex *auth. bona. C. de bon. præscript. & damnat.* liquidò constat. Vbi excipiuntur duo tantum casus, puta, si successores legitimos non habeant, & in crimine læsæ maiestatis. In his enim duobus casibus succedit fiscus. Et ideo damnati ad mortem in præiudicium fisci testari non possunt; quemadmodum & in tertio casu redduntur intestabiles, si nimirum ob delictum pro quo pœna capitis imponenda erat, in carcerem missi, metu pœnæ ibi seipsos interficiant, text. in l. 2. *Cod. qui testam. fac. poss.* quæ de re supra Obseruat. 75. Cent. I plura videre licet. Quintò & vltimò, * qui de statu suo dubitant & incerti sunt; exempli gratia. qui nesciunt an hostes sint, hi vel latrones à quibus capti sunt, quia capti à latronibus testari possunt, non autē ab hostibus, per tex. in l. *qui à latronib. 13. ff. qui test. fac. poss. & §. fin. Instit. eod. item de*

statu suo errare dicuntur relegati, qui se capite minutos putant, cum tamen ius ciuitatis & bona retineant, per text. in l. 7. ff. de publ. iudic. & per consequens condere testamentum possunt l. eius qui. 8. ff. qui testam. fac. possunt. Et hi omnes quamdiu dubitant de suo statu, testamentum conficere non possunt, per express. textum in l. de statu. 15. ff. eod. qui testamen. fac. possunt. Nam dubitatio & error certum iudiciū & voluntatem remorantur & efficiunt, ne testatores legitimè iudicio & arbitrio uti possint; cum tamen necesse sit certi & integri status hominem certo iudicio testari.

OBSERVATIO XV.

Parentes liberos & è diuerso liberi parentes vtrum & ob quas causas in testamento exheredare possint?

SVMARIA.

1. Institutio heredis est caput & fundamentum testamenti.
2. Heredes institui possunt omnes quicunque non prohibentur.
3. Parentes liberos suos aut instituere aut exheredare debent, alioquin testamentum ipso iure fit nullum.
4. Liberi parente viuo finguntur esse domini bonorum paternorum; &

ideo non transferuntur in illos dominium, sed continuatur.

5. Parentes itidem à liberis in testamento aut institui, aut exheredari debent.
6. Cause ingratitudinis ob quas parentes liberos suos exheredare possunt.
7. Iure Saxonico adhuc duæ cause ingratitudinis adijciuntur.
8. Filia meretrix iure Saxonico non exheredatur, puta, si usq. ad annum 25 parentes eam in matrimonium elocare neglexerint.
9. Liberi sine voluntate parentum nuptias contrahentes ob id non exheredantur, nisi turpibus personis se coniungant.
10. Exhereditatio liberorum etiam ex aliis causis equalibus vel grauioribus fieri potest.
11. Parentum nomine omnes ascendentes veniunt.
12. Liberi siue sint sui siue emancipati, siue masculi, siue femina exheredari possunt.
13. Formula exheredationis liberorum in testamento exprimenda.
14. Liberi parentes exheredare possunt.
15. Cause ob quas liberi parentes exheredare possunt.
16. Affectio parentum maior est erga liberos quam è contra.
17. Exhereditatio inter fratres & collaterales non habet locum, nisi turpes

turpes personæ instituta fuerint.

18. *Casus quibus etiam turpi persona instituta frater fratrem exheredare potest.*

19. *Hæres in testamento scriptus causas exheredationis probare tenetur contra exheredatum.*

20. *Causa exheredationis in testamento posita & non probata, testamentum sit irritum, per querelam in officioso testamento.*

21. *Nouerca semper præsumuntur esse inimicæ priuignorum, & unde nouerca dicatur.*

1 **C**Aput atq; fundamentum totius testamenti esse hæredis institutionem Imp. Iustin. in §. ante hæredis, Instit. de legat. optimè definiuit. Cum enim hæres in defecti locum succedat, atq; eius personam repræsentet, per text. in §. 1. Nouell. de iureiuran. à mor. præstit. omnino necessarium est, vt omne quoq; testamentum ex eius institutione vim suam accipiat. Et ideo de * iure communi vnicuiq; permissum est, quos velit instituere heredes, tam videlicet liberos homines quam seruos; & tã proprios quam alienos, per text. in pr. Instit. & tot. tit. C. de hered. instit. Quia in re pro regula notandum. omnes qui à lege expressè nō prohibentur, hæredes institui posse,

siue sint patresfamilias, siue filiifamilias, item siue sint muti, surdi, furiosi, prodigi, siue sint milites, siue pagani, siue laici, siue clerici, siue fiscus, siue Ecclesia, & quilibet venerabilis locus. Prohibentur autem hi ferè omnes. 1. Deportati seu perpetuò banniti, per text. in l. 1. C. de heredib. instituend. 2. Damnati ad metallum. l. Si in metallū. 3. ff. de his quæ non proscriptis hab. 3. Collegium illicitum seu nō approbatum. l. Collegium. 8. C. de hered. Instit. 4. Nati ex incestuoso & damnato coitu. auth. ex complexu. C. de incest. nupt. quod item de spuris & nothis intelligendum esse praxis continua testatur. Et in curia in causa Ioachimi Iasinski, & Annæ cuiusdam Alberti Zabokliczki relictæ ciuium Leopoliens. Anno 1533. feria tertia post festum S. Petri ad vincula pronūciatum fuit. 5. Hæretici & apostatæ. l. manichæos. 4. §. 2. C. de hæretic. & l. hi qui. 3. C. de apostat. 6. Incertæ personæ, quia hæres certus demonstrari debet, puta Petrus aut Paulus, per text. in l. quoties 9. in princ. ff. de hered. Instit. quod tamē fallit, quando pauperes instituuntur; quia tunc fauore causarum piarum valet institutio. l. id quod pauperibus 24. & l. nulli 28. C. de Episcop. & Cler. In parentibus * verò

id præcipuum atq; singulare est, quod ii, in testamento liberos suos, tam potestati suæ adhuc subiectos, quam emancipatos instituere, vel nominatim ex hæredare teneantur; adeo ut si eos prætereant, vel iniuste ex hæredent, testamentum ipso iure corruat, vel querela inofficiosi oppugnari possit. per text. in pr. *Instit. de ex hæred. lib. l. inter cetera. 30. l. penult. & ult. l. Gallus 29. §. in omnibus, de liber. & posthum. & l. i. ff. de iniust. rupt. & irrit. fact. l. cum filium. 17. C. de inoff. testam.* Ratio autem eius rei hæc est. Quod liberi * viuentē adhuc patre, quasi domini esse bonorum paternorum fingantur, & mortuo patre, non transfertur in illos dominium, sed continuatur tantum, per express. text. in §. *fin. autem. Instit. de hæred. qual. & diff. & in l. in suis. 11. ff. de lib. & posthum.* proinde voluerunt leges, ut parentes hanc domini continuationem, per ex hæredationem interromperent, aliisq; extraneis hæredibus, per institutionem dominium tribuerent, propterea, quod duo vnius rei non possunt esse domini vel possessores in solidum, per text. in l. *si ut certo & si duobus. ff. commod.* quod alias hic contingeret. Nam & liberi essent rerum paternarum domini auctoritate

legis, & item extranei a parentibus instituti hæredes. Quemadmodum * etiam pari pietatis obsequio parentibus hæreditas liberorum debetur, si contingat ipsos sine prole & descendantibus proximioribus decedere. Parentes enim & liberi sicut mutuum sibi ipsis debent officium & pietatem, per text. in l. *i. ff. de obseq. a lib. & libert. præstand.* ita etiam in testamentis se mutuo tenentur instituere, vel ob iustas causas ex hæredare, quod si factum non fuerit, ipso iure testamentum irritum & inuolidum sit; per textum in §. *Iustum autem. Nouell. 115. ut cum de appellat. cognos.* Hinc itaque colligi potest ex hæredationem (quæ nihil aliud est, quam ab hæreditate & succedendi iure exclusio) propriè locum habere inter parentes & liberos. Possunt * autem parentes liberos ex hæredare ob ingratitudinis causas, quæ communiter a DD. iuris ad quatuordecim capita referuntur, prout eas Imperator Iustinianus in cap. *aliud quoque. 3. Nouell. ut cum de appell. cognos. 115.* luculentissime exponit. Verum ne in illis sigillatim recensendis prolixior esse videar, hos saltem versiculos, quibus omnes illæ causæ elegantissime comprehenduntur hic adicere volui.

*Bis septē ex causis exheres filius esto;
Si patrem feriat, vel maledicat ei;
Carcere detrusum si negligat, aut fu-
riosum:*

*Criminis accuset; vel paret insidias;
Si dederit damnum graue; si nec ab
hoste redemit:*

*Testariuē vetet: se societue malis:
Si mimos sequitur; vitietue cubile,
paternum,*

Non Orthodoxus: filia si meretrix.
Atque hæ sunt iustæ & legitimæ
causæ, propter quas parentes li-
beros suos ab hæreditate omnino
excludere possunt, quas iure eti-
am Saxonum obtinere gloss. lib. 1.

7 art. 17. notat; ac insuper duas alias
causas adiungit, si nimirum liberi
parentum mortem iure non vin-
dicent; item si filius bona paren-
tis occupat ipso adhuc viuente.
Indignum enim est quod is alicui
bona relinquere deberet, à quo
ante hac læsus est. prout gloss. eius
iuris lib. 3. art. 84. disponit. Excipi-
8 tur * autem eodem iure Saxoni-
co postrema hæc exhæredationis
causa, ob turpem nimirum filia
vitam. ob id enim iure Saxonico
non exhæredatur, per expr. text.
lib. 1. art. 5. his verbis: *Mulier enim
luxuria sui corporis famam quidem
suam denigrare potest, iura tamē sua
aut hæreditatem propter id minimē*

perdet. vbi gloss. rationē eius rei po-
nit. Quia si hoc casu mulier per-
deret hæreditatem, daretur ei oc-
casio ex paupertate maiora pa-
trandi facinora; exindeque pa-
rentibus & amicis, opprobrium
& leuitas maior inureretur. Quod
fortassis de eo casu intelligi de-
bet, si vsque ad 25. annum paren-
tes filiam marito copulare distu-
lerint, exindeq; forsitan contingat
eam in suum corpus peccare. Nā
hoc ad ingratitudinem filia non
imputari, gloss. d. lib. 1. art. 17. testatur.
quia non sua culpa sed parentum
vitio id commississe dignoscitur.
Sed nec aliās liberos contra parē-
9 tum voluntatem nuptias contra-
hentes, ob id exhæredari posse
communis est DD. iuris cōclusio,
teste Iasone post alios auth. non li-
cet. C. de liber. praterit. quam etiam
ius Saxonum sequi maluit; per
textum lib. 1. articul. 5. licet aliis
contrarium placuerit, prout no-
tat Castr. in l. si filium. C. de inoff. te-
stam. Mihi verò prior opinio ma-
gis arridet; nam si filia patre ne-
gligente eam elocare in matrimo-
nium posteaquam ad perfectam
ætatem puta 25. annos peruenierit,
in corpus suum peccet, ab Imper.
Iustiniano in d. Nouell. 115. c. aliud
quoque, excusatur quo minùs ex-
hæredari

hæredari possit. multò magis eadem excusari debet, si absque parentum consensu liberæ & honestæ personæ nupsit. Id enim solum in eo casu attendendum esse puto, ne liberi cum turpibus & infamibus personis cōtrahant matrimonia, siquidem ea res pertinet ad infamiam & dedecus totius familiæ. per textū in l. 3. §. si emancipatus. ff. de bon. poss. contr. tab. Quod non tam in masculis, quàm in fæminis, vt pote in fragiliori sexu attendi solet, per text. in l. vidua.

10 C. de secund. nupt. Sed an * ex aliis causis hîc non expressis, si vel maiores, vel saltem æquales sint, liberi à parētibus exhæredari possint, magna est inter DD. iuris controuersia. Communior tamen & verior est sententia, etiam ex aliis similibus aut grauioribus causis ingratitudinis exhæredationem fieri posse. Nam vbi est eadem ratio iuris, idem ius statuendum esse, ex l. illud. ff. ad l. Aquil. patet. Nec Imp. Iustin. in d. Nouell. 115. omnino excludit, aut reprobatur alias similes iustas & legitimas exhæredationis causas, sed tantum inter causas exhæredationis veteribus legibus comprehensas, quæ (vt ipse in d. Nouell. 115. testatur) minus dignæ ad ingratitudinē visæ sunt,

vsurpari. Obiter * autem notandum est, appellatione parentum hîc contineri non solum patrem vel matrem, sed etiam auum & auiam proauum & proauiam, & cæteros ascendentes; nam & hî omnes prohibentur in testamento præterire, aut exhæredes facere successores suos sine causa ingratitudinis, per express. text. in d. c. aliud quoque. 3. d. Nouell. 115. Item quantum * attinet liberos, Et 12 si olim differentia hac in parte varia & multiplex extitit inter masculos & fæminas, suos & emancipatos, tamē in vniuersum sciendum est, hodie idem indistinctè de omnibus liberis tenendum esse, teste glôf. in auth. nouissima. C. de inoff. testament. Potest autem * à paren- 13 tibus liberorū exhæredatio concipi verborū formula tali: *Filium vel filiam meam N. scelestum & inobedientem, ab omni hereditatis portione & successione paterna vel materna excludo, & prorsus exclusum & alienatum atque exhæredatum esse volo, ac præsentî ordinatione vltimæ voluntatis meæ exhæredo; qui propter hanc vel illam ingratitudinis causam, vel causas si plures sint, indignus est vt pro filio meo reputari debeat.* Hactenus de exhæredatione liberorum. Iam * verò quæri ex aduerso

aduerso potest. Num filius vel nepos, vel ceteri descendentes, parentes suos vel quos parentum loco habent, in testamento teneantur hæredes instituere vel exhæredare? Et breuiter dicendum est, quòd similiter parentes expresse debent à liberis institui hæredes, aut expresse exhæredari, prout eleganter admodum Imp. Iustinian. in d. Nouell. 115. cap. 4. iustum autem. disposuit his verbis: *Iustum autem perspeximus, & è contrario de liberorum testamentis hæc eadem cum aliqua distinctione dispo-
nere. Sancimus itaq; non licere liberis parentes suos præterire, aut quolibet modo à rebus proprijs in quibus habent testandi licentiam, eos omnino alienare, nisi causas quas enumerauimus in suis testamentis specialiter nominauerint. Nam (vt pulchrè ibidem inferius c. 5. Hac autem. disponitur) considerare debent parentes, quia & ipsi filij fuerunt, & eadem à suis parentibus sperauerunt. Et similiter qui nunc filij sunt, debent studere parentum animos sanare: quia & ipsi parentes fieri desiderant, & à suis filijs optant honorari.* Enumerantur autem ibi octo causæ, ex quibus parentes à liberis exhæredari possunt. 1. Si parentes ad interitum vitæ liberos suos tradiderint, id

est, de crimine capitali accusauerint, citra tamen causam quæ ad Maiestatem pertinere cognoscitur. 2. Si venenis aut maleficijs, aut alio modo parentes vitæ liberorum insidiati probabuntur. 3. Si pater nurui suæ, aut concubinæ filii sui sese immiscuerit. 4. Si parentes liberos suos testamentum condere prohibuerint, in rebus in quibus habent testandi licentiam. 5. Si pater vitæ vxoris suæ insidiatus fuerit; vel è diuerso si mater vitæ mariti sui veneno aut alio quouis modo insidiata fuerit. 6. Si parentes liberos in furore constitutos curare & nutrire neglexerint. 7. Si parentes liberos captiuos non redemerint. 8. Si parentes hæretici fuerint. Ratio autem quare liberi ex pluribus causis possint exhæredari quàm parètes hæc est, quia vbi maior cadit affectio, ibi quoq; maiorem cõmitti offensam & ingratitude, experientia testatur. Et quod * maiorem affectio-
nem habeant parentes erga liberos quàm è contrario, probatur per textum in l. fin. C. de curat. furios. vbi dicitur: *quòd nullus affectus vincat paternum.* Porrò * inter fra-
tres & sorores atque omnes alios collaterales nihil opus est exhæredatione, quoniam etiam si præte-

reantur in testamento, nihilominus valet testamentum, nisi turpes personæ pro ipsis institutæ fuerint, per express. text. *in prin. versic. soror autem & frater. Instit. de inoff. testam. & in l. frater 27. Cod. eod.* Turpes autem personæ intelliguntur, qui iuris aut facti infamia laborant. & qui sub *tit. ff. de his qui notantur infamia.* comprehensi sunt. Tres tamen * sunt causæ, ob quas frater à fratre aut sorore etiā turpi persona instituta exhæredari potest; puta si per insidias mortem fratri intentarit, aut criminaliter illum accusauerit, aut vniuersa substantia eum exuere studuerit, per express. text. *in cap. & quoniam. 47. in prin. Nouell. 22.* Hæc autem de fratribus tantum & sororibus germanis non autem vterinis, puta qui eandem matrem & diuersos patres habuerunt, accipienda sūt; nam hi testamentū fratris ex matre coniuncti, infirmare non possunt, etiam si turpis persona ab illo fuerit instituta: prout nec fratrum filii, licet fratribus ipsis in successione ab intestato hodie coæqueantur per express. text. *in d. l. fratres. C. de inoff. testam.* Melius namq; (vt inquit I C. Vlpianus *in l. 1. ff. eod.*) tales cognati qui sunt vltra fratrem facerent, si se sumptibus inanibus

non vexarent, cum obtinere spē non habeant. Ac denique in hac materia exhæredationū illud sciendum est, quod * exhæredationis causæ ab hærede in testamento instituto omnino probari debeant, per express. textum *in c. 4. §. sitales. 9. d. Nouell. 115.* Nemo enim præsumitur ingratus, aut successione indignus nisi probetur, & quantum ad hoc non creditur testatori ingratum aliquem nominanti. Quanquam olim probandi genus incumberebat exhæredatis vel præteritis, qui propter auctoritatem testamenti præsumebantur ingrati, nisi probassent se fuisse gratos, vel nisi hæres sua sponte hoc onus subire mallet, per express. text. *in l. liberi. 28. C. de inoff. testam.* Nec immerito hæc probandi necessitas imposita esse videtur hæredi in testamento scripto. Nam si probauerit iustam causam esse exhæredationis à testatore in testamento expressam, valebit testamentū, & ille tota potietur hæreditate. Sin * verò causam exhæredationis in testamento positam probare non possit, valebit quidē ipso iure testamentum, quia secundum dispositionē iuris est conditum, sed per querelā inofficiosi à liberis iniuste exhæredatis rūpi &

pi & infirmari potest, prout *d. Nouell. 115. c. 4. §. si tales. 9. versic. si autem hæc omnia.* & ibi glossa tradit: quæ tamen non vult dari querelâ inofficiosi testamenti, eo casu, si in testamento causa exhæredationis non adiciatur; nam hoc casu ipso iure nullum & inualidū redditale testamentum nulli dubium est, quæ opinio glossæ communiter obtinuit, vt videre est *in l. nam & his. 5. in verbo præteritum. ff. de inoff. testam.* Certè eam distinctionē glossæ non improbo. Inofficiosum enim testamentum dicere, nihil aliud esse I. C. Marcellus tradit, nisi allegare, quare exhæredari vel præteriri quis non debuerit, quòd plerumq; accidit, cùm falso parētes instimulati liberos suos vel exhæredant vel prætereunt, præsertim nouercalibus instigationibus, & delinimētis corrupti, per text. *in l. inofficiosum. 3. & in l. non est. 4. ff. de inoff. testam.* Quicquid enim pater facit contra filios habentes nouercā, præsumitur facere per suasionibus nouercalibus eò adductus. Vnde Paulus de Castro hunc text. *d. l. non est.* notare iubet ²¹ contra nouercas; quòd * semper præsumantur inimicæ priuignorum. Et ideo glossa nouercam dici putat, quasi nocentem arcum,

vel nouā arcam, id est sine fructu. *§. socrum.* in verbo nouerca. *Instit. de nupt.* Hodie verò in testamentis condendis rarò admodum istiusmodi hæredum institutiones aut exhæredationes vsurpantur, neq; adeò exactè in his nunc proceditur, quemadmodū praxis continua docet. Solent enim hodie testatores in testamento loco institutionis hæredum tutores tantū siue executores testamēti assignare, qui legata & alia in testamento comprehensa, omnino adimplere tenentur. Quæ tamen ratione quòve iure huiusmodi consuetudo probari possit, non video. Certè si quis huiusmodi testamentū impugnare velit ob defectum solennitatum in eo omissarum, quinimo ipsius substantiæ (nimirum Institutionis hæredis) existimarem nullo modo subsistere eiusmodi testamentum per iura & rationes supra adductas: nisi fortè huiusmodi supremæ voluntates, quæ hodie fiunt, codicillorum potius quàm testamentorum vim obtineant. Nam in codicillis sicut non requiritur hæredis institutio, ita neq; aliq̃ solennitates sunt necessariae, dummodo adsint quinque testes etiam non rogati, vt videre est toto tit. *Instit. de codicillis.*

OBSERVATIO XVI.

Utrum ex testamento nullo vel irrito facto legata & fideicommissa nihilominus debeantur?

S V M M A R I A.

1. Testamentum aut nullum, aut irritum, aut ruptum dicitur.
2. Legata rescisso testamento etiam soluta repeti possunt, per condictio- nem indebiti.
3. Legatarij & fideicommissarij pos- sunt interuenire iniudicio, si de validitate testamenti res sit.
4. Iure Nouellarum legata in testa- mento relictæ valent, etiam si testa- mentum sit nullum.
5. Fratres etiam & alij collaterales tenentur præstare legata, testamen- to ob turpem personam institutam sublato.
6. Testamento ob præteritionem libe- rorum, quos testator nesciuit su- perstitēs esse, aut ob natiuitatem posthumi sublato, an legata ex ta- li testamento debeantur.
7. Legata ad pias causas secundum communem opinionem non debentur, quando testator nesciens præ- terijt liberos: sed in praxi ista opi- nio non habet locum.
8. Legata ad pias causas, etiam ex

imperfecto testamento debentur.

9. Auctoris sententia de legatis ad pias causas, ea in tantum hoc casu va- lere, in quantum vires totius hæ- reditatis non excedant.
10. Excusatio personarum Ecclesiasti- ci ordinis, de inducendis testatori- bus ad facienda legata pijs locis.
11. Testatorem inuitare, ut aliquem insituat heredem de iure commu- ni, permissum est.
12. Legata, liberi qui accusant testa- mentum, illudq; inualidum effice- re conantur, petere non possunt.

IN primis* notandum hic est te- stamentum alio modo dici nul- lum seu iniustum, aut non iure fa- ctum, alio verò ruptum, alio de- nique irritum. Et ideo in titulo quoq; Pandectarum, omnes istæ species inualidi testamenti expri- muntur his verbis, *de iniusto, ru- pto, & irrito facto testamento*. Nam nullum seu iniustum testamen- tum dicitur, quando in eodem sunt aliquæ solennitates iuris; vel quando hi quibus de iure compe- tebat, non sunt hæredes instituti aut exhæredati: vel deniq; quā- do testator ipse, aut qui institutus est testamenti factionem non ha- bebant. Ruptum verò intelligitur quando posteriori testamento, vel

sui

fui hæredis agnatione vitatur. Ir-
ritum deniq; fit, cū vel capitis
diminutionem testator est passus,
vel ipso mortuo, hæreditatē illius
nemo adire vult. Atq; in his omni-
bus infirmādi testamenti specie-
bus dicendum videtur, rescisso &
subuerso testamento nihil ex eo
2 deberi; adeo * vt etiam legata iam
soluta ex tali testamento repeti
possint per cōditionem indebiti,
per express. text. in l. Papinianus.
8. §. si ex causa. 10. in verbis: Si ex
causa de inofficiosi cognouerit Iudex
& pronuntiauerit contra testamen-
tum, nec fuerit prouocatum, ipso iure
rescissum est: & suus hæres erit, secun-
dum quem iudicatum est; & bonorū
posse, si hoc se contendit, & liberta-
tes ipso iure non valent, nec legata de-
bentur, sed soluta repetuntur, aut ab
eo qui soluit, aut ab eo qui obtinuit,
& hac utili actione repetuntur. Ferè
autem si ante controuersiam motam
soluta sunt, qui obtinuit, repetit. &
ita Diuus Adrianus, & D. Pius re-
scripserunt. ff. de inoff. testam. dum-
modò per errorē facti soluta sint.
Hoc enim vniuersaliter requiri-
tur, vt cōdictio indebiti compe-
tere possit. l. i. ff. de cōdict. indeb. &
est express. text. in l. eum qui. 21. §.
i. ff. de inoff. testam. Vnde etiam le-
gatarii * & fideicommissarii, si su-

pectam habeant collusionem in-
ter hæredes in testamēto scriptos,
& eos, qui de inofficioso agunt,
possunt interuenire in iudicio ac
testamentum tueri, atq; adeo eti-
am appellare si contra testamen-
tum pronuntiātū fuerit, per text.
in l. Si suspecta. 29. in pr. ff. de inoff. te-
stam. Ipsorum enim interest iusti-
neri testamentum, quo rescisso le-
gata, & fideicommissa corrue-
rent. d. l. Papinianus. §. Si ex causa.
& l. Titia. 13. l. qui repudiantis 17.
§. i. ff. de inoff. testament. Verum e-
nimuerò hæc ita obtinent iure
antiquo Pandectarum & Codicis.
Iure autem nouissimo * solam hæ- 4
redum institutionem per quere-
lam vitari, in quo videlicet facta
est iniuria liberis præteritis vel ex-
hæredatis; cætera omnia in testa-
mento relicta, puta legata & fidei-
commissa, firma & integra susti-
neri, & ab hæredibus etiam ab in-
testato venientibus præstanda
esse. Imp. Iustin. Nouell. vt cum de
appellat. cognos. 115. c. 3. in fin. & c. 4.
in fin. clarè disponit his verbis: Si
autem hæc omnia non fuerint obser-
uata, nullam vim huiusmodi testa-
mentum quantum ad institutionem
hæredum habere sancimus: sed re-
scisso testamento, eis qui ab intestato ad
hæreditatem defuncti vocantur, res

eius dari disponimus: legatis videlicet vel fideicommissis & libertatibus, & tutorum dationibus, seu aliis capitulis, sicut superius dictum est, suam obtinentibus firmitatem. Cui concordat expressus itidem text. in *authen. ex causa. C. de lib. præterit.* & ibi communiter DD. concludunt. Et ideo hodie non est opus, quod legatarii & fideicommissarii debeant interuenire in iudicio, quando instituitur à liberis præteritis aut exheredatis querela inofficiosi testamenti, quia iam ipsorum nihil interest, siquidem siue subsistat, siue corruat testamentum, legata & fideicommissa omnino præstari debent. Et quamvis

5 textus* *in d. Novel. 115.* tantum loquatur de querela mota à liberis vel parentibus, (quoniam his præcipue querela competit) tamen in hac quæstione, fratres etiam & alii collaterales, si videlicet rescindatur per querelam inofficiosi, testamentum fratris turpi persona instituta, non videntur esse separandi. Nam si liberi vel parentes testatoris, qui per querelam sublato testamento euicerunt hæreditatem, nihilominus legata & fideicommissa præstare coguntur; multo magis fratres & sorores, & alii successores ad ea præstanda

sunt compellendi. quod etiam tenet Bart. *in d. auth. ex causa. num. 14. C. de lib. præterit.* Sed * si filius sit 6 ignoranter à patre præteritus, ut puta, si testator certò sibi persuasum habens filium è viuis excessisse, vel de posthumo non cogitasse, quem alias hæredem instituere debebat, extraneum aliquem instituit, contra quem filius eo modo præteritus vel posthumus querelam inofficiosi instituunt, quo casu testamentum omnino censetur nullum, non solum ex causa præteritionis, sed etià ex defectu voluntatis testatoris, qui si sciisset se habere filium superstitem, aut de posthumo cogitasset eum nasciturum fore, procul dubio extraneum hæredem in testamento non instituisset. Vtrum verò testamentum ex ea ratione nullo & irritum factum, legata & fideicommissa in testamento assignata peti possint? Communis est opinio, legata & fideicommissa hisce casibus non deberi; quam etiam Bart. *in d. auth. ex causa.* uti æquiores, idque à simili siue potius à maiori ducto argumento probat. Nam si donatio inter viuos facta natiuitate liberorum tanquam inofficiosa reuocari potest, per express. text. *in l. si unquam. C. de reuocand. donat.* ergo multo

multò magis legatum & fideicom-
missum reuocari debet. Fortiùs
enim duo vincula ligant quàm v-
num, vt potè quod in donatione
inter viuos duorum voluntas cõ-
currat, per text. *in l. 1. ff. de donat. & in l. 1. C. de pactis*. Legatum verò aut
fideicommissum pendeat ex sola
voluntate testatoris, per text. *in l. cum virum. C. de fideicommissis & in l. penult. ff. de legat. 1.* Quod idem
7 Bart. etiam ad legata ad pias cau-
sas facta extendit, vt scilicet hoc
casu quando filius est ignoranter
præteritus non valeant, *in l. 1. num. 18. C. de sacros. Eccles.* quinimo etiã
si filius ignoranter præteritus ra-
tum postea haberet testamentum
patris; tamè adhuc non posse sub-
sistere legata ob defectum substã-
tiæ testamenti, quæ consistit in
voluntate testatoris. Bald. *in l. sicũ
vel. nu. 10. C. de test. milit. & in l. sicut
certi. C. eod.* & alii DD. tenent. Quæ
subtilitas iuris & communis DD.
opinio, præsertim in legatis ad pi-
as causas hodie apud nos in pra-
xi non procedit, vbi omnia hu-
iusmodi legata etiam rescisso
per successores testamento præ-
stari debent, prout decretum in
Curia inter Alexandrum Sielecki
& Vasilium Felicha feria secunda
ipso die S. Marci Euangelistæ, An-

no 1605. latum, attestatur. Quini-
mo etiam si adhuc inter successo-
res lis pendeat de validitate testa-
menti, legata ad pias causas præ-
standa esse, in eadem Curia in cau-
sa Religiosorum Ordinis S. Fran-
cisci, & ciuium Sandeccensiũ, An-
no 1596. sabbato post festum Con-
uersionis S. Pauli decisum fuit. Et
ratio est, quia plus debemus Deo,
quàm liberis. Et quia plerunq; ho-
mines eiusmodi legata ad pias
causas pro expiatione peccatorũ
& exoneratione conscientiæ fa-
cere solent. Qualia legata etiam
aliàs valere DD. iuris probant,
quamuis filius ignoranter sit præ-
teritus, cùm probabile sit testa-
torem etiam hoc casu quo sciuis-
set filium superstitem, talia legata
ad pias causas relinquere voluif-
se, & conscientiam salutemq; su-
am magis quàm filium dilexisse.
Bald. *in l. filio præterito. ff. de iniust.
rupt. test. & in l. Titius. in fine. ff. de
lib. præter. & posthum. & alij.* Sem-
per enim ordinata charitas inci-
pit à seipsa & animam cunctis rebus
est præponenda. argumento *l. fan-
cimur res. 19.* in verbis: *In alijs qui-
dem personis suum robur obtinente:
in parte autem Ecclesiastica, vel alia-
rum domuum quæ huiusmodi pijs
consortijs deputata sunt, vigore suum
pietatis*

pietatis intuitu mitigante. Cure enim non faciamus discrimen inter res diuinas & humanas? & quare non cōpetens prærogatiua cœlesti fauori cōseruetur? C. de sacrosancta Eccl. Sed

8 *quod magis est, iure communi debentur legata ad pias causas etiam ex testamento imperfecto. argu. l. in testamento. 38. ff. de fideicommissa. libertat. Vbi I. C. Paulus inquit, quod p̄ij filij debuissent manumittere eam, quam pater dilexisset. Nullo enim (teste Valerio Max. lib. 6. cap. 24.) vocis ministerio, nullo usu literarum indigens rerum natura, proprijs ac tacitis viribus charitatem parentum liberorum pectoribus infundit. Si ergo hoc ibi fauor libertatis inducit, vt liberi quamuis ex imperfecto & inualido testamento debeant defuncti voluntatem implere; multo magis debet hoc inducere fauor animæ, quæ cæteris omnibus rebus est præstā-

9 ftior, vt supra dictum est. Ego *verò (quod bona venia DD. iuris sit dictum) rem ita temperandam atq; adiustitix & æquitatis trutinam reuocandā esse puto, vt nimirum huiusmodi legata, si non exhaurirent vires totius hæreditatis, subsistere possint etiam præteritis liberis. Neque enim verisimile est, quod testator contra natu-

ralem charitatem huiusmodi legatis, quæ exhaurirent totam hæreditatem, voluerit grauare liberos, argumentol. Lucius. ff. de hæredib. instituend. Quo etiam procul dubio respexisse videtur D. August. in c. Quicumque. 43. caus. 17. q. 4. cuius hæc sunt verba: Quicumq; vult ex hæredato filio hæredem facere Ecclesiam, querat alterum qui suscipiat, non Augustinum. imo Deo propitio, nullū inueniet. Vnde elicitur, quod nō debeat Ecclesia suscipere quæ filio ex hæredato sibi offeruntur. Quod tamen (vt ibidem D. Augustin. docet) iure poli obtinet, non iure fori. Nec quicquam *fateor¹⁰ illud me mouet, quod vulgò à rudī Ecclesiasticis personis, præsertim verò regularibus quibusdam infensa plebecula obiici solet, illos nimirum blandis sermonibus testatores inuitare ad legata huic vel illi Ecclesiæ, vel pio atq; religioso loco facienda. Nam & alias *iure communi etiam inter laicos¹¹ permixtum est inuitare testatorē, vt aliquem instituat hæredem, neque ob id institutio vitiosa redditur, quod dilucidè probatur, per text. in l. fin. in verbis: Iudicium uxoris postremū in se prouocare maritali sermone non est criminofum. C. si quis aliquem testar. prohib. & in l. fin.

fin. ff. eod. Idque procedit etiam si blanditiæ illæ tendant in præiudiciū alterius, cui vel in testamento prius confecto aliquid fuerat relictum, vel testator voluerat aliquid relinquere, modò hac in parte non interueniat dolus, & falsa suggillatio, prout DD. *in l. non est. 4. ff. de inoff. testam.* tradunt: quod de Ecclesiasticis personis nullatenus est præsumendum, qui non acquirunt sibi sed Ecclesiæ. Dolus enim inde potissimumprehenditur, si quis per falsas suggillationes & mendacium persuasit testatori. Mendax verò regulariter in dolo esse præsumitur, siquidem mendacium redundet in suum commodum, vt notant DD. *in l. & eleganter. §. fin. cum l. seq. ff. de dolo. & gloss. in l. item si pretio. §. fin. ff. locat.* Pro coronide * verò istius quæstionis etiam illud notandum est, quòd legatum à filio præterito vel exhæredato, qui in officiosum accusat testamētum, illudque inualidum efficere conatur, peti non possit secundum communem DD. opinionem, id quod ex his rationibus: Primò, quòd non est verisimile testatorem hoc voluisse, vt is qui impugnaturus erat, illius supremam voluntatē, aliquid ex testamento percipere

debeat. Deinde æquum esse videtur, vt is qui iudiciū defuncti impugnat omnino indignus esse censeatur omni legato in tali testamento relicto, per text. *in l. Papinianus. §. meminisse. ff. de inoff. testam. & in l. quæsitum. de acqu. hered. & in l. post legatū. ff. de his quib. vt indign. quod etiam Bart. in d. auth. ex causa. num. 19. multis rationibus probat.*

OBSERVATIO XVII.

Legata, item æs alienum, si hæreditas ære alieno onerata sit, vtrum ab eo cui vsusfructus, siue (vt nostri loquuntur) aduitalitas omnium bonorum relicta est; an verò ab hærede præstari debeant, nec ne?

SUMMARIA.

1. Bonorum appellatione ea tantum veniunt, quæ deducto ære alieno supersunt.
2. In bonis nostris quæ esse dicantur.
3. Vsusfructus competere non potest priusquam æs alienum deducatur.
4. Hæres onera hereditaria & legata non autem vsusfructuarius prestare tenetur.
5. Vsusfructuarius nō representat personam defuncti.
6. Hæres vsusfructuario possessionem

*non aliter tradere potest, nisi prius
ex alieno deducto.*

7. Bartoli & aliorum sententia usu-
fructuarius ad solutionem æris a-
lieni, non autē legatorum obligari.

8. *Usufructuarius omnium bonorum
ad solutionem debitorum & lega-
torum non obligatur.*

9. *Æs alienum ex bonis testatoris in
præiudiciū usufructuarij tum de-
mum deduci debet, quando soluen-
di illius necessitas instat.*

10. *Deductio æris alieni ex bonis te-
statoris non statim post mortem ipsi-
us fieri debet, etiamsi instrumentis
probatum sit.*

11. *Usufructuarius certarum rerum
vel bonorum etiam prius quàm æs
alienum deducatur, possessionem
usufructus habere debet.*

12. *Usufructuarius onera tributorum
& collectarum, item sumptum &
sustentationem familia præstare
tenetur.*

13. *Sumptus in refectionem domus in
qua usufructus legatus est, utrum
ad usufructuarius pertinere.*

1. **B**onorum *appellatione ca sal-
tem venire, quæ deducto pri-
us ære alieno supersunt, I. C. Pau-
lus in l. subsignatum. 39. §. bona. ff. de
verb. signif. testatur. Naturaliter
enim bona ex eo dicuntur quod

beant, hoc est, beatos & locuple-
tes faciant, beare siquidem pro-
desse est, teste Vlp. in l. bonorum.
49. ff. eod. de verb. signif. Vbi * etiam 2
dicitur, quod in bonis nostris cō-
putari sciendum est, non solum
quæ domini nostri sunt; sed & si
bona fide à nobis possideantur,
vel superficiaria sint. Æque bonis
adnumerabitur, etiamsi quid sit
in actionibus, petitionibus, perse-
cutionibus; nam hæc omnia in
bonis esse videntur. Vnde facile
colligitur, non nisi deducto ære a-
lieno bona dici; alioquin si multis
essent onerata debitis, non bea-
rent, id est, non prodescent. Et * 3
ideo usufructus etiam nullā pos-
se haberi rationem, priusquàm æs
alienum de bonis testatoris dedu-
ctum fuerit, dicendum videtur,
prout in hanc sententiā facit text.
in l. fin. ff. de usu & usufr. & red. legat.
Idem probatur disertis verbis in
l. usufructu. 69. *Usufructu* (inquit
I. C. Pomponius) *bonorum legato,
as alienum ex omnibus rebus dedu-
cendum est. ff. ad l. Falcid.* Ex quo
porro sequitur, quod si æris alieni
onus bonorum à testatore reli-
ctorum quantitatem superet, ipsa
ratio dicat, hæreditate debitis ex-
hausta & nullis amplius bonis exi-
stentibus, usufructum compe-
tere

tere alicui non posse. Non entis enim nullæ sunt qualitates, per textum *in l. si certum. §. si modus ibi. non potest estimari bonitas loci, quæ non extat. ff. de action. empt.* Et quavis, *certi quidem & indubitati iuris illud sit, quod regulariter onera hæreditaria & legata ab hærede soluenda sint, per express. text. *in l. 1. ibi. Cum sit explorati iuris, hæreditaria onera ad scriptos hæredes, proportionibus hæreditarijs, non pro modo emolumentum pertinere. C. si certum petatur.* Pro quo etiam faciunt text. *in l. 1. & 2. C. de hæred. vel act. vendit. & in l. pacto. C. de pact.* non autem ab usufructuario omnium bonorum, qui neque à creditoribus hæreditariis ratione æris alieni, neque à legatariis ad solutionem legatorum conveniri potest; usufructuarius *enim non repræsentat personam defuncti; & qui semel extitit hæres, non potest desinere hæres esse, per express. text. *in l. ei qui soluendo. 87. ff. de hæred. instituend.* Actiones autem personales, quales sunt pro ære alieno vel legato soluendo, solim contra debitorem aut qui ipsius personam repræsentat, concedi solent, per text. *in l. 1. §. si hæres. ff. ad SC. Trebell.* Adhuc tamen illa conclusio quæ superius posita est, quod nimirum

ususfructus non debeat priusquam debita & legata, ex bonis in quibus ususfructus relictus est, plenè deducantur, vera & firma manet. Nam hæres *sciens usufructuarium pro debitis & legatis conveniri non posse, non prius illi bonis hæreditariis ære alieno & legatis obstrictis ius utendi tradet, quàm æs alienum deducat: distrahendo etiam bona immobilia, si aliunde debita solui non possint, per express. text. *in l. fin. §. 4. C. de bonis quæ liber.* quem diligentem lectorem videre non pœnitebit. Ac tum demum residuum illud quod ære alieno deducto, & legatis solutis, supererit, usufructuario utendum fruendūque præstabit. Usufructuarius enim propria auctoritate possessionem ususfructus capere nequit, teste Bald. *in l. extraneum. num. 5. C. de hæred. inst.* Quod ita intelligendum est, si nimirum solutio debitorum statim post mortem testatoris omnino facienda sit, neque dilatio solutionis impetretur; eo enim casu deductio quoque fieri debet ante traditionem ususfructus, prout fusius ea de re infra habetur. Quamvis *quidam DD. Bartol. *in l. fin. num. 5. & 6. ff. de usu & usufruc. legat.* sequuti, existimēt, quod usufructuarius æs quidem

alienum solvere teneatur, non vero legata. Mouetur autem Bartolus hac ratione, quod quando relinquuntur omnia bona, vel omnes res, sine dubio relinquuntur cum onere æris alieni, idq; argum. *l. nam quod. §. fin. §. l. seq. ff. ad SC. Trebellianum* In legatis vero secus esse existimat ob id, quia talis usufructuarius in usufructu concurrat cum legatario particulari, arg. *l. Sempronio ff. de usu & usufruct. legat.* Alii vero, Bartolo hac in parte adhærendo, usufructuarium ob hanc causam omni ære alieno obstringi debere statuunt, quod æs alienum de fructibus solui debeat. Quæ sententia merito à DD. passim reiecta est. Posset enim tam graue æs alienum esse, vt etiam multorum annorum fructus ad illud dissoluendum pares non sint futuri, quo casu inutilis esset usufructus, quod non est dicendum.

- 8 Ac proinde * communis est omnium DD. opinio, vt ante dixi, usufructuarium omnium bonorum neque ad debita hæreditaria, neq; ad solutionem legatorum obligari; quamuis ea omnia ex hæreditate deduci possint, per iura & rationes supra adductas. Et in Curia Regali sæpius iudicatum fuisse meminimus, quod à successore ad bona

se trahente, imprimis debita persolui debeant, prout etiam in causa Elisabetæ Ilouvczykovva & successorum Seraphinæ Matysówna ac Simonem Kinof ciuium Leopoliensis feria quarta ante festum Natiuitatis S. Ioan: Bapt. Anno 1605. pronunciatum fuit. Cæterum, quæ de * æris alieni deductione dicta fuerunt, ea sic accipere oportet, quod tum demum æs alienum in præiudicium usufructuarii ex bonis in quibus usufructus relictus est, deducendum sit, quando soluendi debita hæredi necessitas instat, & ea aliter euitari non potest: ita, vt interim, antequam necesse sit ob æs alienum bona hæreditaria distrahere, fructus nihilominus ad usufructuarium pertineant, prout per ea quæ gloss. & DD. in *l. certum. C. fam. erciscun.* notant. perspicue docet Caualecan. in *tract. de usufruct. mulier. num. 218.* Quinimo etiam si tempore solutionis elapso debitum necessario soluendum esset, tamē bona hæreditaria in præiudicium usufructuarii non aliter alienanda sunt, nisi creditoribus aliunde satisfieri non possit, vt sensit Barbat. in *consil. 63. in c. Illud referam. col. 5. in fine.* Ac proinde * non sufficit in eo passu, quod æs alienum tempore mortis ipsius testatoris instru-

instrumentis probatum sit; non enim inde sequitur, quod hæres id mox detrahere, & dilatione solutionis impetrata, interim ipse bonis hæreditariis frui; vñ usufructuarium verò eo commodo priuari possit, nam hoc ei tunc minimè licet: sed tum saltem, quando eius debiti quod instrumento probatur, soluendi talis vrget necessitas, vt hæres ea bona hæreditaria omnino alienare cogatur. Atque ita ex his omnib. colligitur, quod vtriusque par debeat esse incommodum, vt quemadmodum hæres in proprietate, ita usufructuarius in solo usufructu sentiat detrimentum, & ius suum imminutum, vt notat Gail *lib. 2. Obser. 146. nu. 7.*

ii Verumtamen * id longè aliter se habere in usufructu certarum rerum vel bonorum relicto, IC. Venuleius *in l. fin. ff. de usu & usufruct. leg.* admodum clare testatur. Vbi constituendo differentiam inter vsum fructum omnium bonorum & certarum rerum, hoc velle videtur, quod si bonorum usufructus legatus sit, æs alienum prius ex bonis deducatur; at si rerum certarum vel bonorum, tum etiã prius quàm æs alienum deductum sit, in re ipsa usufructus deberi incipiat. Rationem eius differen-

tia Bartolus ibidem notat, quod videlicet actio personalis non sequatur fundum, & per consequens non afficiat particularem possessorem, sed eum, ad quem hæreditas deuoluta est, per text. *in l. 1. §. Si hæres. 16. ff. ad S. C. Trebellian.* secus est in reali actione, vt notat *glos. in l. fin. ff. de contrah. empt.* Atq; ex hac vt puto ratione, iudicia Tribunalis Regni Dominam (vt vulgò vocant) ad utilitalem habentem vsum fructum in bonis mariti ad soluenda debita eiusdè obligari decernunt. Quandoquidem debita huiusmodi in bonis inscripta, non alia actione quàm reali repeti posse, ratio ipsa & continuata praxis iuris Terrestris testatur. Porro * quantum attinet 12 onera tributorum & collectarum tam ordinariorum, siue extra ordinem impositarum; item sumptuum in sustentatione familiæ, nec non in refectionem domus, si fortè in illa usufructus assignatus sit, vel aliarum rerum faciendarum, res omni dubitatione caret, ad usufructuariũ huiusmodi onera pertinere, atq; de fructibus ad se pertinentibus, ea omnia per soluenda esse, per text. *in l. si pendentes. 27. §. si quid. 3. ff. de usufruct.* vbi generaliter concluditur, onera realia, quæ

præstantur à re vel occasione rei, ad vusufructuarium pertinere, facit text. in l. *usufructu*. s. 2. ff. de *usufructu*. in verbis: *Usufructu relicto, si tributa eius rei præstantur, ea usufructuarium præstare debere dubium non est.* Et in l. *fin.* ff. de *imper. sin. reb. dot. fact.* expressè habetur. Omnes eos sumptus, qui ad hoc vt fructus colligantur, necessarij sunt, usufructuarium præstare teneri.

- 13 Circa sumptus verò in domus refectionem factos iura distinguunt inter modicas & magnas expensas, vt videre est in textu l. *usufructu*. 7. §. *quoniam.* vers. *hactenus.* ff. de *usufructu*. vbi glos. iudicis arbitrio permittendum id esse tradit, quæ videlicet modicæ vel magnæ impensæ dici debeant. Nam & in Curia Regali in causa Nicolai Witkovyski Consulis Cracouiæ. cum tutoribus liberorum Ioan: Baptiste Rouexla ciuis Cracouiensis impensas structurarum, quæ ad conseruationem bonorum pertinet, usufructuarium præstare debere: eas verò quæ ad restaurandas ruinas erogatæ fuerant, ex hæreditate deducendas esse. pronunciatum fuit; idq; iuxta dispositionem d. l. *usufructu*. 7. §. *quoniam.* cuius verba hic adscribere malui, quæ ita se habent: *Quoniam igitur omnis*

fructus rei ad eum pertinet, rescicere quoque eum ædes per arbitrum cogi Celsus lib: 18. Digestorum scribit. Hactenus tamen vt sarta tecta habeat. Si qua tamen vetustate corruissent, neutrum cogi rescicere: sed si hæres refecerit passurum fructuarium uti. Vnde Celsus de modo sarta tecta habendi quarit. Si quæ vetustate corruerunt, rescicere non cogitur. Modica igitur refectio ad eum pertinet: quoniam & alia onera ad eum adgnoscat usufructu legato: vt puta stipendium vel tributum, vel salarium, vel alimentum ab eo relicta. ff. de *usufructu*. §. c.

OBSERVAT. XVIII.

Vusufructuarius vtrum rei proprietatem deteriore se non redditurum cauere debeat?

S V M M A R I A.

1. *Vusufructuarius de conseruanda & restituenda proprietate cauere debet.*
2. *Cautio usufructuaria duobus modis fieri solet.*
3. *Usufructu constituto in rebus, quæ usu non consumuntur, quomodo cautio præstari debeat.*
4. *In rebus quæ usu consumuntur, qualis cautio fieri soleat.*

5. *Testa*

5. Testator cautionem usufructuariam remittere non potest.
6. Cautio de legato præstando à testatore remitti potest.
7. Usufructuarius ante prælitam cautionem, fructus non facit suos.
8. Proprietarius petere debet ab usufructuario cautionem, alioquin sibi imputet.
9. Heres vel proprietarius sua sponte usufructuario cautionem remittere potest.
10. Cautio remitti potest à proprietario, in usufructu inter viuos constituto.
11. Pater habens vsumfructum bonorum aduentitiorum filij, ad præstandam cautionem cogi non debet.
12. Cautio ab eo exigi non debet, qui bona sua alicui donauit usufructu pro se reseruato.
13. Cautio usufructuaria per fideiussores præstari debet.
14. Iuratoria cautio ab usufructuario an & quando præstari possit.
15. Usufructuarius duo iurare debet.
16. Cautio præstari debet etiam quando vsus aut habitatio alicui est constituta.
17. Differentia inter vsumfructum & vsum atque habitationem reliquam.

C Ohæret' superiori quæstio.
An* usufructuarius de con-

seruanda & restituenda proprietate finito usufructu, cautionem præstare teneatur? Et certè non difficile esse huius quæstionis resolutionem, propter clara admodum verba IC. Vlpiani, in l. i. ibi. Si cuius rei usufructus legatus sit, æquissimum Pratori visum est de utroque legatarium cauere, & vsum se boni viri arbitrato: & cum usufructus ad eum pertinere desinet, restitutum quod inde extabit. quæ stipulatio seu cautio, siue mobilis res sit, siue soli, interponi debet. ff. usufr. quemad. caueat. constat. Concordant textus in l. i. & in l. usufructu. 4. in verbis: Usufructu constituto consequens est ut satisfactio boni viri arbitrato præbeatur ab eo; ad quem id commodum peruenit, quod nullam lesionem ex usu proprietati afferat. Nec interest, siue ex testamento, siue ex voluntario contractu usufructus constitutus est. C. de usufr. & habitat. Ratio, quare ab usufructuario talis cautio requiratur hæc est; quia cum quis rem suam alii in manum tradit, æquum est ut de eo aliqua habeat certitudinem, per text. in l. si cuius. 13. in princ. ff. de usufruct. & quemad. Est enim cautio loco nudæ proprietatis penes heredem prout gloss. in l. tribus. §. in verbis quia cautio. ff. de usufruct. earum rer.

- que usu. &c.* probat. Meminisse
 2 autem* hic oportet duobus modis præstari huiusmodi cautionem. Primò, ut caueat se usurum boni viri arbitrato, hoc est, se non deteriore redditurum causam usufructus, cæteraque facturum, quæ in re sua diligens paterfamilias faceret; ac postmodum finito usufructu rem usufructuariam mobilem vel immobilem, prout exhibet restitutum, per expres. text. in l. i. §. cauer. & §. habet. ff. usufr. quemadm. caueat. Et hæc* cautio præstatur, quando usufructus constituitur in rebus siue mobilibus, siue immobilibus quæ usu non consumuntur, quo casu propriè constituitur usufructus, cum videlicet quis utitur rebus alienis salua rerum substantia, prout ex definitione eiusdem in princ. Instit. de usufruct. patet. Altero* deinde modo præstatur cautio usufructuaria, quando relinquitur usufructus earum rerum quæ usu consumuntur, ut vini, frumenti, pecuniæ, &c. de quibus sub tit. ff. de usufruct. earum rer. quæ usu consum. tractatur. Et in istis præstatur cautio se restitutum tantam quantitatem, (si forte pecuniæ usufructus relictus sit) quanta ipsi fuit tradita; aut si aliarum rerum

se eiusdem qualitatis & bonitatis res extincto usufructu restitutum, aut illarum æstimationem quod & commodius est, per expres. text. in §. constituitur. vers. cætera. Instit. de usufruct. & in l. si tibi decem 6. cum l. seq. ff. de usufruct. earum rer. quæ &c. quæ æstimatio secundum DD. consideratur qualis fuit res tempore traditionis, non autem restitutionis, ut notat Gail lib. 2. Obseru. 46. num. 4. Et est textus in l. si vini. 7. ff. de usufruct. earum rer. quæ usu consumuntur. Ex prædictis itaque liquidò colligi potest, cautionem huiusmodi omnino esse necessariam, quocumque modo, & cuicunque personæ, etiamsi uxori à marito, usufructus sit constitutus, per text. in d. l. i. & l. 4. C. de usufr. & habit. idq; *in tantum procedit, ut etiam testator illam remittere non possit, prout est DD. communis opinio, eaq; per text. in d. l. i. cuius is est tenor: *Si usufructus omnium bonorum testamento uxoris marito relictus est, quavis cautionem à te prohibuerit exigi, tamen non aliter à debitoribus solutam pecuniam accipere poteris, quam oblata secundum formam senatusconsulti cautione.* C. de usufr. & habit. Ratio autem eorum reddi potest, quia talis cautio ad maiorem hæredis

redi à iure inducta est, non autem
 ad fauorem ipsius testatoris, gloss.
in l. scire debetis. C. ut in possess. legat.
 & *in §. constituitur.* gloss. in verbo
satisdet. Institut. de usufruct. Vnde
 non est mirum, quod testator fa-
 uorinon suo renunciare quoque
 non possit. Bald. & cōmuniter DD.
in l. si quis in conscribendo. C. de pa-
ctis. Tum quod testator remitten-
 do hanc cautionem, inuitaret ad
 delinquendum vsufructuarium,
 vt scilicet re vsufructuaria, non
 vt bonus paterfamilias, sed laxius
 & negligentius vteretur, quod iu-
 ra fieri prohibent; dolus enim de
 futuro nullo modo remitti potest,
 per text. *in l. illud conuenire. §. ff. de*
paet. dotalib. Nec obstat * quod
 cautio de legato præstando à te-
 statore remitti possit, per text. *in*
l. licet. & l. fin. ff. ut legat. nom. caueat.
 Nam illa cautio de legato solu-
 do, gratia testatoris vt sua volun-
 tas adimpleatur fieri solet, vt no-
 tat glo. *in d. §. constituitur.* in verbo
satisdet. non item ista, quæ præsta-
 tur ab vsufructuario, quam con-
 templatione hæredis interponi iā
 dictum est. Prout nec illud mul-
 tum facit, quod voluntas testato-
 ris suprema pro lege obseruanda
 sit, per text. *in §. disponat. Auth. de*
nuptijs. Quia hoc non procedit, si

aliquid testator contra ius vel le-
 gem disponat, per text. *in l. quidā*
in suo. ff. de condit. inst. Neque enim
 statuere potest, vt leges non ha-
 beant locum in suo testamento,
 per text. *in l. nemo potest. ff. de legat. 1.*
 Ac proinde ante * præstitam cau-
 tionem vsufructuarius fructus ex
 re vsufructuaria percipere nō po-
 test, quinimo etiam perceptos nō
 facit suos, per express. text. *in l. v-*
xori. 24. ff. de usu & usufr. & redit.
 Non enim potest vsufructuarius
 vti frui ante præstitam satisfactio-
 nem, vt notat gloss. *in l. si homo. ff.*
de usurpat. & usucap. in verbo *pos-*
sit. & *in l. ex diuerso. in princ. ff. de rei*
vindicat. Quod ita demum proce-
 dere * intelligendum est, si proprie-
 tarius ab vsufructuario petat hu-
 iusmodi cautionem, alioquin v-
 sfructuarius fructus faciet suos,
 quia est in bona fide: proprietari-
 us verò sibi imputet, quod eius-
 modi cautionem non exegerit, te-
 ste gloss. *in d. l. uxori. 24.* in verbo
cautionem. ff. de usu & usufr. & re-
dit. Omissa enim & nō petita mul-
 ta lucri facimus, quæ si petita es-
 sent, præstanda à nobis essent ad-
 uersario, per text. *in l. 2. §. quod ait*
prætor. ff. quorum legat. & in l. peto. §.
fratre cohæred. ff. de legat. 2. Et alio-
 quin * hæres siue proprietarius po-
 test

- test sua sponte cautionem usufructuario remittere, idque ex ea ratione, quod quilibet suo favori bene renunciare possit, per text. *in d.l. si quis in cōscribēdo. C. de pact. & gloss. in d.l. i. in verbo cautionem. C. de usufr. & red.* Quemadmodum
- 10 * & in alio casu, puta, quando usufructus constituitur inter viuos, huiusmodi cautio remitti potest. Nam proprietarius etiam hoc casu renunciare potest favori pro se introducto, puta ubi cessat favor tertii, ut notat Gail lib. 2. obser. 145. num. 12. Ac præterea pietatis atque iustitiæ ratio suadet, ut ab hac necessitate præstandæ cautionis usufructuariæ; excipiantur etiā isti duo casus. Primum
- 11 * in patre habente vsumfructum bonorum aduentitiorum filii: Is enim propter reuerentiam paternam ab huiusmodi cautione excusatur, per text. *in l. fin. §. 4. versic. hoc proculdubio. C. de bonis quæ liber.*
- 12 Deinde * in eo, qui omnia sua bona, usufructu tantum pro se reservato dono dat alicui, quia æquitas suadet, ut mitius cum eo agatur, qui ex sua liberalitate convenitur. Ne videlicet eo casu liberalitatis suæ donator poenā patiatur, per text. *in l. ad res donatas. ff. de adilit. edicto.*
- 13 Cæterum * debet hæc cautio usu-

fructuaria præstari per fideiussores, secundum gloss. & DD. *in d. l. usufructu. 4.* & est textus *in l. tribus 8. ff. de usufr. ear. rerum quæ usu consum.* Nam idonea cautio in iure accipitur, quæ sit datis fideiussoribus vel pignoribus, per text. *in l. si mandato. §. fin. ff. mandati.* & gloss. ibi. Quod si * tamen usufructuarius fideiussores vel pignora habere non possit, standum esse iuratoriæ illius cautioni, benignior obtinuit sententia; quamvis diuersæ & variantes sint hac in parte DD. iuris opiniones, quas gloss. *in d. l. usufructu.* recenset. Duo * autē in hoc casu iurare usufructuarius debet: primò quòd fideiussores & pignora seu bona, in quibus hypothecam inscribat, habere nō possit; deinde quòd boni viri arbitrio, re usufructuaria utetur, eamque finito usufructu restituat et proprietario; Hæc enim duo requisita in cautione iuratoria, necessaria esse, gl. singularis *in l. i. in verbo fideiussoribus. ff. qui satisd. cogantur.* elegantissime declarat. Et praxis ita tenet; prout etiam Curia inter Dlugofzko wa & Gasparem Kunicki, Anno 1591. decisum fuit, iuratoriæ cautioni in hoc passu, quando fideiussores haberi nō possunt locum esse, dummodo in formu-

formula iuramenti id addatur, quod fideiussores in illa iurisdictione ubi quis conuenitur habere non possit. Sed hæc eatenus procedunt, si persona offerens iuratoriæ cautionem, sit honestis & probatis moribus, & frugi vitæ licet sit inops; secus si improbæ sit vitæ & infamis, aut alias ignominiosus: nam hoc casu hæres vel propriarius in cautione iuratoriæ talis personæ nequaquam acquiescere debet; sed ut sibi idonee caueatur, hoc est, datis fideiussoribus vel pignoribus à Iudice postulare potest; quos si ille habere nequeat, tunc debet fieri sequestratio rei usufructuariæ apud idoneum virum, qui de fructibus præstet cautionem usufructuario quod de illis respondebit, idq; iuxta dispositionem *l. postquam. s. §. Imperator* in verbis: *Sed si nec ipsi cauere possint: utiliter probatum est virum bonū ab utraq; parte eligendū: apud quem ut sequestram fructus deponantur. ff. vi legator. seu fideicomis. seruan. caus. cau.* Quod etiam procedit in eo, qui huiusmodi iuratoriæ cautionem etiam in alio & diuerso negotio non seruauit. Is enim etiam hoc casu beneficio iuratoriæ cautionis nequaquam gaudere potest. Ratio est, quia se-

mel malus, semper præsumitur malus in eodem genere delicti, per text. in *c. semel malus. de reg. iur. in 6.* Pro conclusione* verò istius quæ-
 16
 stionis sciendum est, eam cautionem non solum præstari quando vsusfructus alteri relictus est; verum etiam quando vsus tantum siue habitatio alicui constituitur; In hoc enim vsusfructus cum vsu & habitatione concessa conueniunt; quamuis in aliis admodum discrepare videntur, quemadmodum Imperator Iustinian. in *prin. tit. Instit. de vsu & habitatione, cum 2 §§. sequentibus.* sex differentias ponit, quas ibi videre licet. In eo autem causarum patronos admonitos esse velim, ne hæc tria vsumfructum, vsum, & habitationem (quod plerumq; in praxi perperâ fieri animaduerti) confundant. Longè enim hæc inter se diuersa sunt, legare alicui vsumfructum domus, aut constituere vsum siue habitationem domus. Nam ut cætera omittam, vsusfructus* 17
 plenum ius vtendi fruendi tribuit usufructuario domus in tantum, ut eam locare alteri possit; quod etiam de habitatione accipiendū est. per express. text. in *§. sed si cui. s.* in verbis: *Sed si cui habitatio legata siue aliquo modo constituta sit: neq;*

usus videtur, neque usufructus, sed quasi proprium aliquod ius: quam habitationem habentibus propter rerum utilitatem, secundum Marcelli sententiam, nostra decisione promulgata permittimus non solum in ea degere, sed etiam alijs locare. Instit. de usu & habitat. Is verò qui ædium usum habet, hactenus ius habere intelligitur, ut ipse tantum inhabitet, nec hoc ius ad alium transferre potest, & vix receptum esse videtur, ut hospitem ei recipere liceat; & cum vxore liberisq; suis item libertis, nec non personis alijs liberis quibus non minus quam seruis utitur habitandi ius habeat, ut ibidem Imp. Iustin. disponit. Plures inter hæc differentias supra citato loco habes.

OBSERVATIO XIX.

Quid si hæres non conficiat inuentarium bonorum morte testatoris derelictorum, vtrum debita vel legata ultra vires hæreditatis soluere teneatur?

SUMMARIA.

1. *Hæreditatem quilibet aut adire, aut repudiare potest.*
2. *Hæreditatem semel adiens repudiare non potest, item è contrario.*

3. *Spatium deliberandi datur iure veteri hæredibus, num velint adire hæreditatem.*
4. *Inuentarij confectio, iure nouo, cōmodo hæredum introducta.*
5. *Solennitates circa confectioem inuentarij, quæ hodie requiruntur.*
6. *Utilitates confecti inuentarij quænam sint.*
7. *Falcidia quid dicatur, & an inuentario non confecto hæres eam detrudere possit.*
8. *Iure Saxonico nemo tenetur ultra vires hæreditatis, etiam si non conficiat inuentarium.*
9. *Aulhoris sententia non esse discendum à iure communi.*
10. *Ius Saxonicum ubi deficit, recurrendum est ad ius commune.*
11. *Praxis tenet confectioem inuentarij necessariam esse.*
12. *Exequutores testamenti ex causa confectioem inuentarij omittentes iurare debent.*
13. *Inuentarium etiam vxor conficere tenetur.*
14. *Inuentarium intra tricesimū diem confici debet.*

Hodie quemlibet relictam sibi hæreditatem aut adire, aut repudiare posse nulli dubium est; quamuis olim in necessariis & suis hæredibus id aliter obseruabatur. qui-

quibus hoc beneficium abstinenda & repudianda hæreditatis non competebat, per expres. text. in §. *si autem. Instit. de hæredum qualitatibus & differentiis*. Verumtamen * sicut vnusquisque liberam habet voluntatem adeundi vel repudiandi hæreditatem, ita si iam adierit, aut si immiscuerit se hæreditati, non habet amplius facultatem eius relinquenda, siue sit hæres ex testamento, siue ab intestato, per expres. text. in §. *extraneis. Instit. eod. de hæred. qualitatibus & differentiis*. Sicut è contrario semel repudiatam hæreditatem nemo amplius adire potest, text. in l. *sicut. in verbis: Sicut maior viginti quinq; annis antequam adeat, de latam repudiens successionem post querere non potest: ita quesitam renunciando nihil agit, sed ius quod habuit, retinet. C. de repud. vel abst. hæred.* Licet hæc postmodum ab Imper. Iustiniano ad æquiores & benigniores sententiam reuocata sint, per l. *fin. C. eod.* vbi suis hæredibus ad repudiatam hæreditatem intra triennium regressum patere disponitur. Quoniam igitur * sæpe hi qui adibant hæreditatem, siue ex testamento, siue ab intestato ad se deuolutam, rerum suarum iacturam faciebant, ob id, quòd creditoribus defuncti omnia de-

bita soluere tenebantur, etiam si defunctus plura debuerit quam in bonis & facultatibus reliquisset; idcirco iure veteri, ne hæredes præcipitanter adeundo hæreditatem inuolueretur huiusmodi debitis & oneribus hæreditariis, dabatur illis spatium deliberandi vnus annus, quo videlicet tempore deliberare & consultare cum amicis possent, expediret ne ipsis adire vel repudiare hæreditatem sibi oblatam, prout de his in tit. *C. de iure delib. & de aduend. hæred.* fusiùs disponitur. At * Imp. Iustinian. pro singulari sua prudentia & innata quadam benignitate, cum videret, per hoc remedium non ita plenè consultum esse hæredibus: quippe cum etiam post accuratam deliberationem, si fortè præter opinionem damnosam, nimioque ære alieno grauata adiissent hæreditatem, nihilominus creditoribus hæreditariis in solidum satisfacere tenebantur; aliud efficacius atq; hæredibus tutius remedium introduxit, videlicet inuentarii confectio, quòd nihil aliud est quam descriptio omnium bonorum defuncti iuxta formulam ab eodem Imperat. Iustiniano præscriptam, faciendas; quæ extat in l. *scimus. 22. C. de iure delib.* Vbi omnes solennita-

tes ad confectionem huiusmodi inuentarii necessariæ, luculentissimè recensentur. Equidem verba textus ob prolixitatem ipsius legis hic adscribere minùs commodum esse duxi. Multa siquidem ex hisce solennitatibus consuetudine locorum remitti vel intendi
 5 videmus. Sanè *praxis hodierna apud nos obtinuit, vt neque creditores ad confectionem inuentarii aduocare, neque venerabile signum crucis ad inuentarii initium præponi, necessum sit, quamuis pietas Christiana etiam hoc fieri admittat; sed sufficiat illud confici manu Notarii publici in præsentia testium, vel vt hodie fieri solet, ad euitandam omnem fraudis suspicionem, coram Scabinis, qui iudicum vicem obeunt, prout DD. *in d.l. scimus.* notant. Atq; iam inde
 6 perspicui* potest, quæ utilitates redeant ad hæredem, confecto inuentario rerum hæreditariarum, inter quas (vt reliquas breuitatis causa omittam) prima & præcipua hæc est, quòd non tenentur creditoribus vel legatariis ultra facultates in hæreditate repertas, per textum *in d.l. scimus. §. Et si præfatam.* in verbis: *Sin verò creatores qui post emensum patrimonium necdum completi sunt, superueniant, neque ipsum hæ-*

redem inquietare concedantur, neq; eos qui ab eo comparauerint res quarum precia in legata vel fideicommissa vel alios creditores processerunt. & infra: Sin verò postquam adierint, vel sese immiscuerint, præsentis vel absentes inuentarium facere distulerint, & datum iam à nobis tempus ad inuentarii confectionem effluxerit: tunc ex eo ipso quod inuentarium secundum formam præsentis constitutionis non fecerint, & hæredes esse omnimodo intelligantur, & debitis hæreditarijs in solidum teneantur: nec legis nostra beneficio perfruatur, quàm contemnendam esse censuerunt, C. de iure delib. & de aduend. vel acqu. hæredit. Ratio autem eius rei subest, quia leges præsumunt eum qui inuentarium conscribere prætermisit, bona subtraxisse, atq; in vsum suum conuertisse, per text. in cap. hinc nobis. 2. §. si verò. in verbis: Si verò non fecerit inuentarium secundum hanc figuram, sicut prædiximus, non retinebit Falcidiam: sed complebit legatarios & fideicommissarios: licet puræ substantiæ morientis transcendat mensuram legatorum datio. Et hoc dicimus non nostram minuentes legem quam posuimus, vt nihil de proprio damnificentur hæredes creditoribus: sed dabit eis pœnam exactio sua malignitatis, cur transgesserit leges, ex

ges, ex quibus cautè omnia agens, nihil poterat damnificari, sed ex diuerso etiam quæ sunt ex Falcidia lege lucrari. Nouell. de hered. & Falcid. Cuius nouellæ is est sensus, quòd hæres neglecto & omissio beneficio inuentarii, non solum creditoribus, sed etiam legatariis in solidum, licet vires hæreditatis non sufficiant, teneatur in tantum, vt nec Falcidiam de iure se concernentem detrahare possit. Falcidia etenim *lege cautum erat, ne quis plus legare posset, quam dodrantem totorum bonorum, id est nouem vncias; quarta verò pars, id est tres vnciæ bonorum apud hæredes manerent, & hæc de iure quarta siue Falcidia appellatur, per expr. text. in princ. Instit. de lege Falcidia. in fine §. 1. Atque hæc de iure Ciuili obtinent. Secus * verò est de iure Saxonico. Nam hoc iure secundum opinionem omnium interpretum istius iuris, nemo cogitur ultra vires hæreditatis, dato etiam quod non confecerit inuentarium. Mouentur autem in primis generali dispositione text. lib. 1. art. 6. cuius hæc sunt verba: *Qui hereditatem percipit; debita soluit, quatenus defuncti hereditas vnâ cum omnibus bonis mobilibus, vel se mouentibus durare noscitur. tum*

etiam auctoritate Iason. in l. 1. ff. de legat. 1. num. 6. Et Alexan. in d. l. sci. mus. §. & si præfatam. C. de iure delib. qui dicit, quòd hæres non teneatur ultra vires hæreditarias, si nõ eo animo eam adiit, vt aliquid inde lucrifaceret. Verum * pace illorum dixerim, non video quare à iure communi hac in parte discedendum sit. Nam etiam si textus ille art. 6. generaliter loquatur, debita ab hærede non ultra vires hæreditatis esse soluenda; non tamè excludit confectio inuentarii, quinimo idem innuere videtur in illis verbis, *quatenus hereditas defuncti sese extendit. Quomodo etenim vires hæreditatis cognosci possunt, nisi inuentario confecto?* Nec mirum est * quòd vbi statuta & consuetudines Saxonum deficiant, ibi recurrendum sit ad leges & Canones, ad quarum obseruantiam unusquisq; obligatur, vt inquit glos. Spec. Sax. lib. 2. art. 36. in fine. Illud verò quod ex auctoritate Iason. & Alexandri adfertur, ad forum cõscientiæ potius quàm ad contentiosum referri debet. Nam in illo foro non consideratur subtilitas iuris, sed æquitas solum iuris naturalis siue Diuini, quæ neminè ultra accepta grauari permittit, prout Abb. in c. in literis. de raptorib.

raptorib. & in c. tua de vsuris. Item Felin. in c. audiui mus. in princ. de simonia. tenent, idq; per rationem. Quod qui non vult sentire commodum, non debeat sentire onus. Prout nec illud obstat, quod probrosam existiment confectionem inuentarii defuncto, idq; per text. in l. 2. C. quando & quibus quarta pars deb. in fine. vbi dicitur: *Nihil tam durum tamq; inhumanum esse, quam publicatione pompaq; rerum familiarium paupertatis detegi vilitatem, & inuidie exponere diuitias.* Nam ibi agitur de inuentario rerum pupilli, quod tutores conficere tenentur; quo casu non tam strictè cōfectio inuentarii requiritur. nam ex causa potest tutoribus hæc necessitas conficiendi inuentarii remitti, prout *Obser. 58. Cent. 1. nu. 5. & seq.* notauimus. His itaq; & aliis quæ in contrarium adferri possunt, nō obstantibus, firmiter tenendum est, cōscriptionem inuentarii omnino necessariam esse, nisi hæres periculum & iacturam rerū suarum incurrere velit, obligando se ad soluenda omnia legata & debita defuncti. Et ita hodie non attento eo quicquid in contrarium Interpretes iuris Saxonici dicant, practicari solet. Quod etiam Curia sequitur, prout in causa inter tu-

tores liberorum olim Laurentii Bolemov vski. & Petrum Pharmocopolam ciuem Sandomirien. anno 1591. Et in causa inter Vrsulam Adamov vna, & Matthiam Rucki ciues Casimirien. anno eodem, decisum fuit. Verumtamen quia hodie vt plurimum, loco institutionis hæredum, exequutores tantum testamenti assignari solent, quemadmodum supra *Obseru. 15. in fine* dictum est; idcirco putarem melius quidem & tutius illos facturos esse, si ad euitandas omnes suspiciones, ad expurgandamq; conscientiam suam, iuxta dispositionem iuris communis, inuentarium omnium rerum & bonorum defuncti conscribant. Quod si tamen illud ex aliqua vrgētī & probabili causa facere prætermiserint, mitius cum illis agendum censerem, vt scilicet iuramentum præstent, quod nihil ultra ex substantia defuncti receperint, quam quod in legata siue debita testatoris ab illis erogatum est; quod etiam decisio Curiae in causa exequutorum testamenti cuiusdam Zabikov vski feria quarta post festum Ioannis Baptistæ Anno 1591. Et in causa itidem exequutorum Andreæ Waska anno eodem facta, probat. Quod etiam in vxore locum

locum habet, quæ etiam de bonis à marito relictis inuentarium facere tenetur, vel si id facere neglexerit, mediante iuramento de singulis rationem reddere compellitur, iuxta d.l.2. & ibi etiam in gloss. in verbo *iurata*. §. in exigendis. C. *quand. & quib. quarta pars debeat*. Obiter autem* notandum est, quod huiusmodi inuentarium confici debeat intra tricesimum diem, & non postea, secundum gl. in verbo *statutum*, in *authen. sed cū*. C. *ad l. Falcidiam*.

OBSERVATIO XX.

Funeris expensæ & salaria, seu mercedes deferuitæ familiæ, vtrum deducto prius ære alieno vel ante ab hærede præstari debeant?

SUMMARI A.

1. Funeris impensæ omne creditum precedere solent.
2. Mors certa, dies verò mortis incertus.
3. Publicè interest ne corpora insepulta iaceant.
4. Funeraria impensæ, doti & omnibus creditoribus tacitam hypothecam habentibus præfertur.
5. Impensæ causa infirmitatis facta,

- eodem privilegio gaudent.
6. Impensæ funeris pro modo facultatum & dignitate personæ faciendæ sunt.
 7. Funeris appellatione quæ veniant.
 8. Iudex siue Magistratus de sumptibus faciendis ex æquo decernere debet.
 9. Sumptum in funus faciens pietatis causa donandi animo fecisse videtur.
 10. Vxor maritum pietatis affectu ex suo funerasse præsumitur.
 11. Familiæ seu ministrorum salaria, vtrum aliis creditoribus præferantur.
 12. Iure Saxonico privilegium pralationis familiæ, ratione mercedis competit.
 13. Familia proprio iuramento deferuitam mercedem probare debet.
 14. Probatio incumbit alleganti aliquem gratis inseruisse.

Planum & perspicuum * est
funeris impensas semper ex
hæreditate deducendas esse, quas
etiam omne creditum solere pro-
cedere, cum bona soluendo non
sint, IC. Martianus in l. penul. ff. de
relig. & sumpt. funer. disertis verbis
probat. Facit text. in l. *quæsitum*. 2.
ff. de priuil. creditor. & in l. *fin.* §. in
computatione. 9. in verbis: In com-
putatione

putatione autem patrimonij, damus ei (scilicet haredi) licentiam excipere & retinere quicquid in funus expendit, vel in testamenti insinuationem, vel in inuentarij confectiōnem, vel in alias necessarias causas hareditatis approbauerit sese persoluisse. C. de iure delib. Nec immerito hac prærogatiua atque priuilegio impensæ funeris gaudent. Nam (vt I C. Vlp. in l. i. ff. de religio. & sumpt. funer. tradit) qui propter funus aliquid impendit, cum defuncto contrahere creditur non cum hærede; vnde æquum est, quod ab eius hæreditate, siue potius ab eo qui defuncti personam repræsentat, huiusmodi sumptus repeti debeant. At cum mors sit certa, diem verò certum non habeat, vt in l. i. ff. de condit. & demōstr. habetur, sola cogitatione mortalitatis, quilibet præsumitur, id imprimis in votis habuisse, ne post obitum insepultū corpus suū iaceat, neve ex substantia illius sumptus funeris deficiant. Ac proinde ratio ipsa dictat, illum voluisse bona sua sumptibus funeris obnoxia esse, etiam ante quā æs alienum contraxisset, idq; ob incertitudinem horæ mortis, vt superius dictū est. Quanquam eius rei etiam alia reddi potest ratio, quod nimirum

publicè inter sit, pietasq; Christiana suadeat, ne corpora insepulta iaceant, neve quis ob æris alieni grauitatem sumptibus funeris carere cogatur. Publica verò semper præferri priuatis, notorium sit. Quod adeo verum* esse DD. iuris communiter statuunt, vt talis impensa funeraria præferatur, non solum omni credito tacitam hypothecam habenti, verum etiam doti vxoris, per express. text. in l. impense. 18. & l. sequ. ff. de relig. & sumpt. funer. Quamuis de eo magna inter eosdem sit concertatio, vtrum videlicet ei doti, quæ tacitam, an verò etiam ei quæ expressam hypothecam anteriorem habet, præferatur? Et Bartol. in l. i. ff. soluto matrim. indistinctè loquitur, funeris impensas doti præferri. Quem & alii sequuntur, idq; propter publicam vtilitatem, & necessitatem sepulturæ admittendum esse censent. Alii verò funerariam impensam nō præferri doti, etiam si dos tacitam tantum hypothecam habeat, existimant; atq; voces illas in d. l. penul. de relig. & sumpt. relig. (semper & omne) favore dotis restringendas esse dicunt, vt scilicet causam dotis non comprehendant, per text. in l. fin. C. de iure dot. At Negusantius qui specialem

cialem tract. de pignor. & hypot. scripsit, hoc tantum admittit in dote tacitam hypothecam habente. Mouetur autem hac ratione, quia in iure non reperitur quod impensa funeris præferatur expressæ hypothecæ anteriori, sed solum tacitæ, per text. in l. *Et si quis*. 14. §. 1. ff. de relig. & sumpt. funer. Atque ita Bartolū intellexisse affirmat, quandoquidem is neq; in hanc, neq; in illam partem aperit suam sententiam, sed simpliciter dicit, quod impensa funeraria præferatur doti; unde debet intelligi de tacita, non autem expressa: & tandem concludit ipse Negusan. impensam funeris omnibus tacitis hypothecis præferri, nullis autem anterioribus expressis, siue sint dotis, siue aliorum quorumvis creditorum. Idem dicendum esse statuit, de expensis infirmitatis, puta, quæ ob morbum defuncti in pharmacopolio vel in Medicorū salaria factæ sūt, quib; æquiparatur impensæ funeris, prout apud eundem Negus. d. tract. de pign. & hypot. 2. memb. 5. partis. nu. 28. videre licet. Porro huiusmodi impensæ funeris faciendæ sunt, pro modo facultatū & qualitate personæ, prout gl. Sp. Sax. lib. 1. art. 22. notat. idq; per tex. in d. l. *Et si quis*. 14. §. hac

actio. 6. in verbis: *Hæc actio quæ funeraria dicitur, ex bono & equo oritur. Continet autē funeris causā tantū impensam, non etiā cæterorū sumptū. A quā autē accipitur ex dignitate eius qui funeratus est, ex causa, ex tempore, & ex bona fide: ut neq; plus imputetur sumptus nomine, quā factum est: neq; tantū quantū factum est, si immodicè factum est. Deberet enim haberi ratio facultatum eius, in quem factum est; & ipsius rei quæ ultra modum sine causa consumitur. Quid ergo si ex voluntate testatoris impensum est? Sciendum est nec voluntatem sequendam, si res egrediatur iustam sumptus rationem: pro modo autē facultatum sumptum fieri.* ff. de relig. & sumpt. funer. Funeris autem * appellatione venire debet, quidquid corporis causa, veluti vnguentorum erogatum est, & pretium loci in quo defunctus humatus est: & si qua vectigalia sunt, vel sarcophagi & vectura, & quidquid corporis causa, ante quam sepeliatur, consumptū est, per text. in l. *funeris*. 37. ff. eod. Nam monumenti impensam saltem necessariam & modicam repeti posse, IC. Marcellus respondisse fertur in textu l. 1. §. *fin.* ff. ad l. *Falcidiā*. Iudex autem * siue Magistratus municipalis de ea æquitate, num

videlicet sumptus pro facultate & dignitate defuncti facti sint, cognoscere & decernere debet, per express. text. in d.l. *Et si quis. 14. §. fin. ff. de relig. & sumpt. fun.* idque in tantum, ut interdum non debeat omnino admittere sumptum modicum factum, si forte in contumeliam defuncti hominis locupletis modicus factus sit. Nam ut inquit I.C. Vlpian. *non debet Iudex huius rationem habere, cum contumeliam defuncto fecisse videatur, ita cum funerando. d.l. ff. eod.* Quemadmodum *etiam is qui pietatis gratia sumptum fecit in funus, donādi nō verò repetendi animo id fecisse videtur, nisi super hoc protestatus fuerit quo animo fecerit, per express. text. in d.l. *Et si quis. 14. §. sed interdum.* in verbis: *Sed interdum is, qui sumptum in funus fecit, sumptum non recipit: si pietatis gratia fecit, non hoc animo, quasi recepturus sumptum quem fecit: & ita Imperator noster rescripsit. Igitur astimandum erit arbitro, & perpendendum quo animo sumptus factus sit: utrum negotium quis vel defuncti, vel heredis gerit, vel ipsius humanitatis, an verò misericordiae vel pietati tribuens, vel affectioni. potest tamen distinguere & misericordiae modus: ut in hoc fuerit misericors vel pius, qui su-*

neravit, ut eum sepeliret, ne in sepul-
tus iaceret: non etiam ut suo sumptu
faceret: quod si Iudici liqueat, non
debet eum qui convenitur absolvere.
Quis enim sine pietatis intentione
alienum cadaver funerat? oportebit
igitur testari, quem & quo animo fu-
nerat, ne postea patiatur questionem.
ff. eod. Quod in * vxore potissimū 10
maritum funerante praesumitur, illam videlicet pietatis affectu de suo impensas erogasse, neque eas ex hæreditate defuncti recuperare velle, nisi hoc cum consensu hæredum faciat, vel super hoc protestata sit; prout gloss. Spec. Saxon. *d. lib. 1. art. 22. in addit. no-*
tat. Regulariter enim secundum Magdebur. is qui hæreditatem adiit, tenetur soluere exequiarum impensas, in *addit. ibid.* quod etiā praxis tenet, & in Curia inter Socha actorem & Gizovvski citatū, anno 1591. ita pronunciatum fuisse constat. Sed an etiam *familia 11
seu ministrorum salaria ante omnes alios creditores persolui debeant, non ita planum & perspicuum est. Nam licet illud negari non possit, quod merces deseruita familiae omnino debeat, ut pote quod æquitas ipsa atq; adeo sacra scriptura suadeant, operariis non esse mercedem retinendā
per

per diem. *Leuit. c. 19. Tob. c. 4. Deuteronom. c. 24.* Et est pulcher locus *Malac. 3.* vbi dicitur, quod Deus accedet cum iis in iudicium, qui defraudant mercenariū mercede sua: attamen nulla lex iuris Ciuilis inuenitur, quæ ius & prærogatiuam prælationis ratione salarii & mercedis deferuitæ ministris attribuat; vt omnibus aliis creditoribus etiam hypothecariis præferri debeant, sed tantummodo vt cum aliis creditoribus concurrat. Et ita quædam Curia pronunciare solent. Secus est * de iure Sax. Nam ibi etiam hoc priuilegiū prælationis ratione mercedis deferuitæ competere Interpretes eius iuris communiter statuunt. idq; per text. *lib. 1. art. 22.* in verbis: *De hereditate primū detur familiæ pretium pro meritum, vsque in diem obitus patris familias, & ipsis mercenarijs vsque in diem tricesimum de alimentis provideatur, vt interim circumspiciant si alicubi recipiantur.* Et in praxi vbiq; ius Saxonicum obtinet. Et ita obseruari in addit. ad gloss. *d. lib. 1. art. 2.* & in differ. iuris Ciuilis & Saxon. *lib. 3. differ. 37.* traditur; idque hac ratione, quod familia perpetuò habeat quasi tacitam hypothecam in bonis domini sui ex statuto iuris Sa-

xonici, per textum superius allegatum. Quibus praxis etiam Curia ad stipulatur, prout in causa cuiusdam Romero vva cum Cybulski ciuium Crasnostaiensiu feria sexta post festū S. Hedwigis. Anno 1596 iudicatum fuit. Præterea * ex dispositione istius iuris, 13 aliud quoque priuilegium familiæ competere videtur, vt si non constet, quantum alicui mercedis nomine debeatur, proprio ipsius iuramento in hoc stetetur, prout ex eodem textu patet ibi. *Esti hares mercenario mercedē totius anni vel dimidij negauerit, hoc sacramentaliter contra illū obtinebit.* Circa quod priuilegium duo sunt aduertenda: primò, vt constet aliquem ministrum & famulum fuisse domesticum, prout verba illa *ipsis mercenarijs.* denotāt. Nam ad alios quorum opera quis extra domum vititur, vt sunt aduocati, procuratores & alij similes, hæc priuilegia iuris Saxonici non extendi, Interpretes istius iuris testatur. Deinde vt probetur de pretio conuentū fuisse, per express. text. *d. lib. 1. art. 22. ibi. Qui verò gratia vel nuda liberalitatis expectatione contentus, se in seruitio collocauit. haredis non nisi gratiam mouere vel petere potest.* quod etiā glossa ibidem tan-

git. Quamuis reuera hoc vltimum ex primo, sine vlla probatione præsumi facile posse existimo, cum non sit verisimile quem gratis operas suas locare velle. argumento *l. cū de indebito. ff. de probat.*

14. Ideoq; *hoc casu alleganti, quem gratis inseruiisse incumbit probatio, per text. in *l. siue possidetis. C. de probat. & in l. ab ea parte. ff. eod. l. fin. in pr. ff. quod metus causa.*

OBSERVATIO XXI.

Mortuo filio vel filia absq; liberis, vtrum ascendentes soli, id est pater & mater; an verò cū iis etiam collaterales, puta fratres & sorores ad successionem illius ab intestato admittantur?

S V M M A R I A.

1. Successio tristis & luctuosa, quæ obuenit parentibus post mortem liberorum.
2. Liberi parentibus non parentes liberis, secundum ordinem naturæ succedere debent.
3. Fratres defuncti, iure veteri excludantur parentes à successionem filij defuncti.
4. Ascendentium gradus in iure Polonico non habet locum.
5. Ad successionem filij defuncti, vnā

cum parentibus fratres admittuntur, idq; iure nouissimo.

6. Iure veteri pater excluderat matrem à successionem filij defuncti, quod hodie noua constitutione abrogatum est.
7. Iure Saxonico pater excludit matrem, & item mater fratres defuncti.
8. Ascendentes post mortem patris vel matris num excludant collaterales necne?
9. Parentum appellatione ascendentes veniunt.
10. Iure Saxonico ascendentes in infinitum excludere videntur collaterales, & quam hac in parte sint Interpretum istius iuris opiniones.
11. Equitati congruit ut ascendentes æqualiter cū collateralibus admittantur ad successionem defuncti fratris.
12. Auctoris sententia, quod pater & mater, non verò reliqui ascendentes excludere debeant fratres defuncti.
13. Qui proximior gradu, propior ad successionem.

TRistis* & luctuosa successio, atque ingrata hæreditas, quæ parentibus obuenit post mortem liberorum, appellari solet. Et ita eam vocat Imp. Iustin. in princ. In sit.

flit. de SC. Tertulli. & in l. sancimus. fin. C. cōmun. de succession. Est enim
 2 ordo *naturæ, vt liberi potius parentibus, quam parentes liberis succedant. Non sic, inquit I C. Papinianus, parentibus liberorum, vt liberis parentum debetur hereditas: parentes enim ad bona liberorum ratio miserationis admittit, liberos vero naturæ simul & parentum commune votum. *l. scripto. 6. §. fin. ff. unde liberi.* Cum omnia quæ nostra sunt liberis nostris ex voto paremus, vt pulchrè I C. Tryphoninus in *l. nihil interest. 50. §. sed nunquid. 2. ff. de bonis libertorum.* tradit. Neq; enim iuxta Apostoli dictum filii parentibus, sed parentes filiis thesaurizare debent. *inc. cum Apostolus. 6. §. prohibemus. de censibus.* Et ideo intuitu *isti ordinis naturalis, iure veteri Codicis, fratres germani excluderant parentes à successionem fratris defuncti, vt videre est in textu d. *l. sancimus fin. ibi. Vt si quis ex his ab hac luce fuerit subtractus, pars eius quam lucratus fuerat, ad liberos eius vel nepotes concedatur: quibus non extantibus ad fratres suos ex eodem matrimonio progenitos, vel si etiam non supersint, ad fratres ex alijs nuptijs procreatos; cumq; nemo eorū fuerit relictus, tunc ad patrem perueniat.* Et infra ibidem: Tunc ad vlti-

mum locum pater à legibus concludetur, & sui filij non gratam hereditatem relictā, sed triste lucrū sibi lugeat acquisitum. *C. eo. cōmun. de success.*
 Quæ iuris *dispositio, etiamnum in hoc Regno iure nobilium obtinet, quo iure duo tantum gradus successionum, puta descendendum & collateralium locum habent. Ascendentium verò uti minus naturali ordini conueniens, omnino exclusus est, nullaque prorsus inter equestris ordinis homines, ascendentium sit successio. Verumtamen iure ciuili quamuis parentibus non videatur deberi filiorū hereditas propter votum parentum, & naturalem erga filios charitatem: turbato tamen ordine mortalitatis non minus parentibus, quam liberis pie relinquere debet, prout idem I C. Papinian. in *l. nam & §. 15. in pr. ff. de inoff. testā.* pulchrè disponit. idq; ratione miserationis, vt scilicet habeant solatium propter liberos amissos, quemadmodum superius dictum est. Sed iam *iure nouissimo, ius illud vetus Codicis, quo pater excluderetur à fratribus defuncti abrogatum esse liquidò constat, idq; per tex. in *Novell. 118. c. si igitur 2. & in Auth. defuncto.* his verbis: *Defuncto sine liberis filio, parentes si soli*

soli sunt, succedunt, salua gradus sui prerogatiua: si pari gradu sunt, pariter succedunt: paternis quidem dimidia, maternis verò alia dimidia delata, licet sit dispar eorum numerus. Sed si cum parentibus fratres & sorores utring, defuncto coniuncti supersint: vocantur cum ascendentibus gradu proximis, ita ut viriles portiones fiant; exclusa prorsus omni differentia sexus & patriæ potestatis, ubi nulla secundarum nuptiarum sit mentio. C. ad SC. Tertullian. Vnde perspicuum est, quòd ad successionem filii defuncti, non solum parentes, sed etiam fratres vnà cum parentibus admittantur. Et quod de parentibus hic dicitur, non de patre solum, verum etiam de matre accipiendum est. Licet *enim olim iure veteri pater in successione filii præferbatur matri, tanquam agnatus cognato, per expr. text. in l. in successione. 2. C. ad SC. Tertullianum. & in §. præferuntur. 3. Instit. eod. hoc tamen postmodum Imp. Iustinian. se correxisse profitetur his verbis: Sed nos constitutione quã in Codice nostro nomine decorato posuimus, matri subueniendum esse existimauimus: respicientes ad naturam, & puerperium, & periculum, & mortem sepe ex hoc casu matribus illatam. §. sed nos. 4. Instit. de SC. Ter-

tullian. Quis enim, vt idem Imper. Iustin. inquit, mulierum non misc-reatur propter partus periculum, & liberorum procreationem? per text. in l. assiduis. 12. C. qui potior. in pigno. habeant. Et alibi dicitur, quòd infans ante partum matri sit onerosus, in partu dolorosus, post partum verò laboriosus. c. ex literis. 2. de conuers. infidel. Hodie igitur de iure ciuili beneficio Constitutionis Imp. Iustin. mater cum patre successiuè ad successionem filii admittitur, per iura superius allegata. Verum de *iure Saxon. quod in praxi obtinet, iuxta dispositionem veteris iuris ciuilis, pater solus succedit filio, exclusa matre & fratribus defuncti; sed patre non extante, tum demum mater succedit exclusis omnibus collateralibus, de quo est singularis textus Sp. Sax. lib. 1. art. 17. cuius hæc sunt verba: Moritur autem vir sine liberis, pater si fuerit superstes, sin minus vocetur mater, & uterque in successione fratribus præferatur. Et quamuis alii inter bona à patre vel aliquo ex linea paterna acquisita; & ea quæ filius à matre vel de linea ipsius acquisiuit, distinctionem faciant, vt nimirum in illis solus pater; in his verò sola mater excluso patre filio succedat.

Ita tenet Bartol. *in auth. itaq. C. cōmun. de successionib.* quod indistinctè, primò pater, deinde mater exclusis collateralibus ad successionem filii admittatur, idq; propter expref. dispositionē iuris Saxon. *d. lib. 1. art. 17.* In iis enim bonis quæ omni iure sunt filii, cū vterq; parēs par ius habeat, & æqualis vtrique parenti etiam ex præcepto Diuino pietas & reuerentia debeat; meritò etiam æquali iure in successione gaudere debent, seruatò tamen ordine successionis, teste *Couarruia in tit. de successionib. ab intest. num. 5.* Quod etiam praxis Curia probat, prout in causa inter Instigatorem & Gorskiac Raczynska, feria sexta post festum Assumptionis Beatæ Mariæ Virginis Anno 1601. iudicatum fuit.

8 Cæterum * post mortem patris & matris defuncti, vtrum auus & auia, & vltiores ascendentes succedant defuncto cum fratribus & sororibus ipsius defuncti; an verò eos excludant dubitari potest? Et iure quidem ciuili communis est DD. iuris & glossæ *in d. c. si igitur. Nouell. 118.* conclusio, auum & auiam aliosq; in infinitū ascendentes cum fratribus & sororibus defuncti æqualiter in capita ad successionē vocari, neq;

id mirum videri debet, siquidem hoc iure pater & mater non excludant fratres defuncti à successionē illius. Ergo multò minus auus & auia illos excludere possunt. Quinimò illud potius alicui dubitationem mouere posset, cur fratres & sorores non debeant excludere auum & auiam, & alios ascendentes, cum nulla eam in ré dispositio legis expressa reperiat, sed tantum in legibus patris & matris mentio fiat, non aliorū. Equidem deficientibus patre & matre, auum & alios ascendentes iuxta gradus prærogatiuam vocari ad successionem nepotis, ex ipso textu dictarum legum ciuiliū colligi posse existimo. Nam haud frustra mea quidem sententia ab Imp. Iustin. *in d. auth. defuncto.* verba illa (*Vocatur cum ascendentibus gradu proximis*) Et *in d. c. si igitur* (*pater autem aut mater, aut alij parentes eis supersint*) addita sunt. Proximus etenim in iure is dicitur quem nullus præcedit, per text. *in l. proximus. 29. ff. de verb. signif.* Atqui deficientibus patre & matre auus tunc censetur proximus parens, qui tempore delatæ hæreditatis superstes est, per text. *in l. 1. §. proximus. ff. vnde cognati.* Deinde * explorati iuris est, parē-

tum appellatione ascendentes in infinitum accipiendos esse, per express. text. in l. quig. 4. §. parentem 2. ff. de in ius vocand. & in l. iusta. 201. patris nomine auus quoq; demonstrari intelligitur. ff. de verb. signif. Et hæc iure quidem civili
 10 obtinent; at de iure *Saxonum, quemadmodum pater & mater à successione filii demortui remouent fratres & sorores ipsius; ita etiā auus & proauus aliq; ascendentes in infinitum eisdem excludere videntur, idque propter generalē dispositionem istius iuris, in d. art. 17. lib. 1. vnde colligitur talis regula. Quod quamdiu adsūt parentes defuncti, tamdiu excluduntur fratres & alii collaterales. Licet enim textus ille d. art. 17. patris tantū & matris faciat mentionem, tamen consuetudine introductum & receptum est, vt quamdiu extāt ascendentes, tamdiu collaterales ad successionem non admitti, Interpretes iuris Sax. statuunt: idq; ex ea ratione, quod patris appellatione auum & alios ascendentes designari, paulò ante
 11 dictum sit. Fateor *iuri communi & æquitati conformem esse illorum sententiam, qui etiam hoc iure fratres & sorores aliosq; collaterales, à successione defuncti fra-

trisper auum & auiam aliofue ascendentes non debere excludi, sed vnā cum illis ad successionem vocandos esse existimant, prout id Grochicius nostras, in sua methodo iuris Magdeburgēsis multis rationibus probare contendit, atq; hanc viam vtī mediam in ambiguis eligendā esse omnino suadet. Mihi *tamen in hoc triuio
 12 diutius insistenti, quæuē ex hisce DD. opinionibus probanda & eligenda esset sententia penitus consideranti, venit illud in mentem, in dubio non esse recedendum à verbis statuti, per express. text. in l. 1. §. licet. 20. ibi. in re igitur dubia melius est verbis edicti seruire. ff. de exercitor. action. Deinde quod in correctoriis etiam si eadē vel maior ratio adsit, minimē concedatur extensio, per express. text. in l. precipimus. 32. in verbis: Quicquid autem hac lege specialiter non videtur expressum, id veterum legum constitutionumq; regulis omnes reliquum intelligant. C. de appellat. Et alibi Imp. Iustin. ait: Quod non mutatur, quare stare prohibetur. l. sancimus. 27. in pr. C. de testamentis. Atqui in textu d. art. 17. nullum omnino verbum habetur de auo & auia aliofue ascendentibus, sed solum de patre & matre fit mentio,

tio, quorum respectu corrigitur
ius commune, quod fratres & so-
rores, & alios collaterales vnâ cū
illis ad successionem admittit. Igi-
tur consequens est, quod hoc sta-
tutum de patre & matre non de-
beat extendi ad auum & auiam.
Quapropter existimare ego lon-
ge tutiorem esse rationem, si ver-
ba *d. art. 17.* ad litteram accipiantur.
Nec obstat quod ex legibus ciui-
libus superius adductum fuit, no-
mine patris auum quoq; demon-
strari. Id enim eatenus verum est,
quando patris vel parentum ab-
solutè sit mentio: at quando hæc
verba exclusiue seu potius (vt
ita dicam) successiue ponuntur,
nequaquam vltius extendi de-
bent, quàm prout in se sonant.
Nam quòd pater primum exclu-
dat matrem, deinde verò mater
fratres defuncti, verba *d. art. 17.* ex-
pressè testantur, Vnde cum ibi
dicatur, quòd mater in successio-
ne præferatur fratribus, ducto à
contrario sensu argumento, con-
sequenter dici potest, quod nempe
non extante matre vocandus es-
set frater ad successionem fratris
defuncti; non verò auus aut auia
aliiue ascendentes, quorum nulla
ibi, sed nec alibi in toto iure Saxo-
nico huius rei fit mentio. Et ideo

hanc quoq; sententiam præcipu-
os quosdam Interpretes istius iu-
ris sequutos fuisse Stanislaus Ei-
chlerus Aduocatus Prouincialis
iuris supremi Magdeburgensis Ca-
stri Cracouiensi in sua figura seu
tabula successionum notat; Non
inficior, quòd in Curia Regali in
causa inter Christoferum Sömer,
& Paulum Klugen Anno 1593 fe-
ria sexta ante Dominicam Palma-
rum in successione neptis auiam,
non autem fratrem distinctum,
seu ex vno tantum latere coniun-
ctum præferendam esse, decisum
fuit. Nam id fortasse ea ratione
factum fuisse puto, quòd frater
vterinus seu distinctus, remotior
sit gradu. Et ideo non solum ab
auo, sed etiam à fratre indistincto
excluditur, iuxta dispositionem
istius iuris per text. *Spec. Sax. lib.
2. art. 20.* idque ob eam causam,
quia * qui proximior gradu pro-
pior ad successionem, prout ex
textu *lib. 1. art. 3.* colligitur. Quan-
tum autem remotiores sint fratres
distincti, id est vno tantum la-
tere coniuncti ab indistin-

ctis, vide quæ supra

Cent. I. Obseru.

65. num. 4.

notaui.

OBSERVATIO XXII.

Maritus vxori, & e contra vxor marito, num ab intestato succedat?

S V M M A R I A.

1. *Vire & vxor sibi inuicem non succedebant, lege xii. tabularum.*
2. *Edictum vnde vir & vxor admittit coniuges ad mutuam successionem.*
3. *Imp. Iustiniani circa successionem coniugum noua dispositio.*
4. *Dives vel inops quando quis dicatur, iudicis arbitrio standum est.*
5. *Maritus vxori quomodo succedat iure Saxonico.*
6. *Legitimam successoribus maritus ex bonis mobilibus relinquere tenetur.*
7. *Mobilia quæ dicantur.*
8. *Maritus redditus & census annuos ex bonis vxoris non percipit.*
9. *Pecunia utrum censcatur esse res mobilis nec ne?*
10. *Vxor quomodo in bonis mariti succedat.*
11. *Donatio propter nuptias seu dotilitium quid dicatur?*
12. *Vtensilia, quæ & Gerada appellantur, quid sint.*

LEge^{xii} tabularum vir & vxor sibi inuicem nō succedebant, sed excludebantur per fiscum, vt not. *in l. 1. C. vnde vir & vxor.* idq; ob eam causam, quod nulla prorsus inter eos sit sanguinis coniunctio, sed tantum causa & principium ad finitatis dicatur, per text. *in l. non facile. 4. §. sed quoniam. 3. ff. de gradib. & adfin.* Quod postea iure nouo immutatum est. Nam iure primum prætorio^{* in} 2. introductum fuit edictum vnde vir & vxor, quo viro ab intestata vxore, & vicissim huic ab illo, quoties deficit omnis parentum, liberorum uē aut propinquorum legitima & naturalis successio, cōceditur bonorum possessio excludo fisco, per textum in §. *sed eos. 2. vers. alia. Instit. de bonor. possession.* Ratio est, quod inter coniuges sit indissolubile consortium omnis vitæ, & Diuini atq; humani iuris communicatio, per text. *in l. 1. ff. de ritu nupt.* quæ societas vxorem quodammodo dominam facit rerum mariti, vt inquit I C. Paulus, *in l. 1. ff. de action. rerum amotarum.* Quinimo⁴ Imp. Iustin. hoc amplius iuri prætorio addidit, vt scilicet cum mortuus alter coniunx locupletior fuerit, succedat superstes

perstes etiam cum liberis, idque iuxta dispositionem tex. *in auth. preterea. C. unde vir & vxor.* cuius hæc sunt verba: *Preterea si matrimonium sit absq; dote, coniunx autē premoriens locuples sit, superstes verò laboret inopia, succedet una cum liberis communibus, alteriusue matrimonij in quartā si tres sint vel pauciores. Quod si plures sint, in virilem portionem: vt tamen eiusdem matrimonij liberis proprietatem seruet, si extiterint: his verò non extantibus, vel si nullos habuerit, potietur etiam dominio, & imputabitur legatum in talem portionem.* Ratio autem huius benignitatis & dispositionis Imp. Iustin. secundum DD. hæc est, ne coniunx superstes inops, post mortem alterius cogatur ē mendicata stipe viuere in opprobrium & ignominiam defuncti; quo pacto procul dubio honor bene transacti matrimonij, & cōmunium liberorum fama, atq; bona existimatio læderetur, prout in *l. vnū ex familia. 67. §. fin. ff. de legat. 2.* habetur. Cum & alias in matrimonio quotidie multi & variis casus emergant, quorum alterutrū coniugum participem esse oportet, vt dicitur in *l. si cum dote. 22. §. si maritus. 7. ff. solut. matr.* Hæc autem non solum in vxore procedunt,

sed etiam in marito inopē, quando vxor præmorta fuit diues, secundum gloss. in verba *d. authen. preterea. in princ.* Quando * verò 4 coniunx dicatur inops vel diues, relinquendum esse arbitrio Iudicis, gloss. ibid. in verbo *locuples.* notat. Iudex enim considerare debet substantiam eius, qui dicit se inopem, an sufficiat ei ad victum & velutitum congruum pro qualitate perionæ. Nam nobilis non potest dici diues, de eo de quo rusticus diceretur diues, argum. *l. si filia. 43. ff. de legat. 3.* Rusticorum enim cibaria solēt esse panis grossus non albus, item caseus, cepe, & fabæ, nō autem pulli, & alia delicata cibaria, vt notat gloss. in *l. seruis urbanis. 99. in princ.* in verbo *cibariis. ff. de legat. 3.* Nec refert, siue postea coniunx superstes efficiatur diues; nam propterea illud quod ex bonis coniugis præmortui consecutus fuerat, non amittit, quia qualitas paupertatis ipsius coniugis inopis, requirebatur tempore mortis alterius coniugis diuitis, quæ cum eo tempore semel adfuerit, sufficit, vt id beneficium perpetuò duret, prout Tiraquell. tract. cessante causā. 2. parte limit. 4. num: 2 tradit. Sed hæc iure Ciuili obtinent, quod in praxi ho-

dielocū non habet, prout in causa Klopocki & Pigulina feria secunda post Dominicā Oculi Anno 1592. tum & in causa Gorlicki & Meracki feria sexta post festū SS. Simonis & Iudæ Apost. Anno eodem decisum fuit. Et ideo iure
 5 Saxonum, quando agitur de successione mariti in bonis vxoris defunctæ, id non attenditur, prout neque illud, an vxor præmorta fuerit diues, & maritus superstes inops; item an matrimonium fuerit sine dote, vel an dos data sit. Indistincte enim maritus etiam liberis extantibus vxori succedit, non solum in dote quam in pecunia numerata attulit ad maritum, sed etiam in aliis omnibus bonis mobilibus, & paraphernalibus, quæ videlicet ultra dotem datam vxor reliquit, exceptis immobilibus & utensilibus id est Gerada, per expres. text. Spec. Saxo. lib. 1. art. 31 in verbis: *Maritus & vxor bona inter se possident indiuisa. Si autem viro viuerente mulier decesserit, nulla mobilia præter utensilia; proprietatem verò si possidet in proximū hæredē relinquet.* Cui ad stipulatur etiam text. lib. 3. art. 76. ibi. *Et si postea vxor decesserit, vir obtinet plenum ius in omnibus bonis mobilibus, exceptis adificiis & suppellectili.*

Et ita quotidie pract. catur, prout etiam in Curia in causa inter tutores liberorum olim Laurentii Bolemovski, & Petrum Pharmocopolam ciuem Sandomiriensem Anno 1591. & in causa inter Zabokrzycki, feria tertia ante festum S. Catharinæ Virginis & Martyris anno 1594 vbi dicitur quod vxor viro acquirat scilicet mobilia, pronuntiatum fuit. Quæ tamē eatenus obtinent, quatenus pactis dotalibus aliter cautum non est, vt potè. quòd vterq; coniūx post mortem suam reseruet sua bona mobilia hæredibus. Item si cōsuetudo loci non sit in oppositum, iubēs coniugi superstiti quotam hæreditatis, vt pote tertiam vel dimidiam assignari; nam tūc maritus non admittitur ad mobilia simul cum hæreditate capiēda, sed ea cum hæreditate confunduntur prout gloss. d. art. 31. in pr. notat. Ac præterea illud hic attendi debet, vt salua maneat legitima liberorum & parentum, si eam aliunde consequi non possent nisi ex bonis mobilibus, quæ post mortē vxoris cedunt marito; legitima enim iure naturæ liberis debetur, per text. in l. scripto. 7. in fin. ff. vnde liberi. Et in l. cum ratio. 7. ff. de bonis damnat. Idco nullo statuto vel
 6 consue-

consuetudine eis auferri potest, vt notatur in *Auth. nouissima. C. de inoff. testam.* Idem dicendum est de legitima parentibus debita, cum & ea debeatur ascendentibus iure naturæ. vt est text. in princ. §. *primum itaq.* Nouell. 1. de hered. & *Falcid.* Quæ verò dicantur mobilia, gloss. Spec. Sax. lib. 1. art. 5. 2. in fine tradit, dicens: *Bona mobilia appellari, quæ facili de uno loco in aliū locum moueri possunt, vt sunt serui, pecora, pecunia, & alia mobilia.* census tamē & redditus annui, qui debentur vxori ex eius fundis vel prædiis: item debita hæreditaria non inter mobilia, sed inter immobilia censeri debent, idq; ob eam rationem, quia (vt inquit Bald. in *letiam. num. 8. in fin. C. de execut. rei iudic.*) præstationes quæ renascuntur & repullulant sunt in fructu, & omne quod est in fructu possidetur vel quasi, vt notat Gail lib. 2. *Obseru. 1. num. 1.* Et ideo maritus in his vxorinon succedit, sed illos tantum census percipit, qui viuēte adhuc vxore solui debuerant, per express. text. in d. art. 76. lib. 3. in verbis: *Census etiam & redditus, qui in mulieris fuerint bonis, si ipsa post dies ad soluendum deputatos ab hac luce decesserit, census & pensio viro pertinet, quasi stipendium*

deseruitum, sicut heredum esset, si virum non duxisset, vbi textus vetustiores ita habent: si census & redditus aliquis ad mulierem pertinebat, interimq; eo non percepto obierit, ad maritum census huiusmodi pertinebit. Rationem eius rei glossa ibid. in verbo *si ipsa post.* ponit, quod videlicet iuste id eueniat; ex quo quidem ille vxorem vsq; ad tempora census prouidebat, conuenientius est, vt ille census redditusve illius anni, cuius solutionis terminus, ante mortem vxoris aduenierat, percipiat, quam hæredes qui nullam sibi prouisionem fecerunt; alioquin debita hæreditaria, item census & redditus annui, quorum terminus soluendi adhuc imminebat: post mortem vxoris nō ad maritū, sed ad hæredes defunctæ vxoris spectare debent. Secus est, si * vxor mutuaasset alteri pecuniam pro annua pensione, tunc maritus post mortem vxoris consequitur huiusmodi pecuniā mutuatam, quæ reputatur inter bona mobilia. Pecunia enim quæ datur pro rebus mobilibus inter mobilia, & è contra, quæ datur pro immobilibus, inter immobilia reputatur, vt tradit Gail *Obser. 11. lib. 2. num. 10.* Et alias constat pecuniæ vsum esse fragilem; & secundum

dum DD. communem opinionē,
 iis rebus comparari quæ seruan-
 do seruari non possunt, per text.
in l. cum in fundo. 78. §. si fundus com-
munis. ff. de iure dot. ibi. sed ita, ut nō
vice corporis habeatur. Et in §. *si verō*
vniversæ. Nouell. de nupt. coll. 4. ibi.
in pecuniis aut in aliis mobilibus re-
bus &c. Vnde colligitur, quod cē-
 sus & redditus annui, quando de-
 bētur ex re immobili pro illis ob-
 ligata inter immobilia: quando
 verō debētur ex obligatione per-
 sonali, inter mobilia reputentur,
 Gail *d. loco.* Et ita praxi tenet. Ex
 iocaduerso * quando vxor marito
 succedit, distinguendum est inter
 personam nobilem siue equestris
 ordinis, & ignobilem puta ciuem
 aut rusticum. Eo etenim casu,
 quando maritus fuit nobilis seu e-
 questris ordinis vxori debentur
 donatio propter nuptias, quæ &
 dotalitium appellatur, Vtensilia,
 vulgō Geradam appellare solent;
 item Sponsalitia largitas, & ciba-
 ria domestica. Et hæc omnia mu-
 lier accipit sine onere aliquo. Nō
 n. tenetur ex his satisfacere credi-
 toribus mariti defuncti. Donatio
 ii propter * nuptias siue dotalitium
 vulgō *Wiāno* dicta, secundum gl.
 iur. Munic. *art. 22. in prin. ibi: tertia*
donatio dicitur propriè remunera-

tio quam maritus in bonis suis v-
 xori in recompensationem dotis
 constituit, idq; aut in rebus mo-
 bilibus, aut in immobilibus, quam-
 uis in his constitui non potest do-
 talitium sine hæredum consensu;
 quemadmodum nec in bonis feu-
 dalibus sine consensu domini; per
 texrum Spec. Sax. *lib. 1. art. 21. &*
art. 51. Sciendum verō licet dona-
 tio propter nuptias siue dotaliti-
 um, doti æquale esse debeat, per
 text. *in auth. dos data. C. de donat.*
propter. nupt. Et in auth. æqualitas. C.
de pact. conuent. tam super dote. item
§. est aliud. Instit. de donat. c. donatio.
de donat. inter virum & uxorem. de
 consuetudine tamen istam æqua-
 litatem non vsq; adeo obseruari,
 Gail *lib. 1. Obser. 36. num. 10.* probat.
 Vtensilia * verō quæ vulgō Gera-
 12 dæ nomine continentur, non tan-
 tū sunt omnia illa quæ ad orna-
 tum corporis mulieris spectant,
 verū etiam omne illud quod ad
 domum viri alicuius in comuni
 pertinet, prout glos. iuris Munic.
art. 23. in princ. tradit, de quibus in
textu d. art. 23. item Spec. Sax. lib. 1.
art. 24. latissimè disponitur, & ego
supra Cent. 1. Obser. 56. fusiūstra-
 ctavi. Sponsalitia * largitas est do-
 13 natio quam erogat vir equestris
 ordinis in vxorem, antequam
 ea ad

ea ad prandium discubuerit, per
 text. *Sp. Sax. lib. 1. art. 20.* Licet aliàs
 posset fieri quodcumq; marito
 placuerit, secūdum glos. iuris Mu-
 14 nicip. *d. art. 22.* Cibaria *deniq; do-
 mestica sunt, quæ parata sunt ad
 victum illius anni & supersunt in
 quibusvis ædibus siue curiis ma-
 riti, post tricesimum diem a mor-
 te ipsius, de quibus *Spec. Sax. lib.*
1. art. 22. & iure Municip. *art. 24.*
 15 habetur. At quando *maritus
 fuit ignobilis, ciuis nimirum vel
 rusticus, eo casu, si vxor respectu
 dotis est constituta donatio pro-
 pter nuptias, siue vt supra dictum
 est, dotalitium, eam tantum acci-
 pit vnâ cum vtensilibus, per text.
 iuris Municip. *art. 5.* de quibus, he-
 redibus mariti tam lectum quam
 mensam parare debet, per text.
Spec. Sax. lib. 3. art. 38. sponsaliti-
 am verò largitatem vxor viri igno-
 bilis non percipit, neque cibaria
 domestica. Interdum verò etiam
 accipit quotam omnium bono-
 rum, nimirum si vterq; coniugū
 nihil bonorum habuerunt, & per
 consequens nulla dos nullumue
 dotalitium inter ipsos interuenit,
 verum labore mutuo bona reli-
 cta acquisiuerunt, prout iure
 Municip. *art. 22.* in glos. *ante finem*
 traditur. Vnde fit quòd tali casu

vxor marito succedat: aliquando
 in tertia, aliquando in quarta par-
 te, aliquando etiam vnâ cum libe-
 ris defuncti mariti in sortem vel
 æquis portionibus, per text. *Spec.*
Sax. lib. 1. art. 21. & *art. 24.* & iure
 Municip. *d. art. 22.* idque secun-
 dum varias consuetudines loco-
 rum, & specialia plebiscita qua-
 rundam ciuitatum; nam & in hoc
 Regno iure Culmēsi, quod omnes
 fere ciuitates Prussiae & Ducatus
 Masouiae sequuntur, in dimidia
 parte bonorū coniuges mutuo si-
 bi succedūt. Plebiscitum verò ci-
 uitatis Leopoliensis in tertia tan-
 tum parte bonorum coniuges si-
 bi inuicē succedere posse dispo-
 nit, prout ex decisione Curiae, in
 causa successorum Sebaldi Wor-
 czel & Stanislai Krasniczki ciuiū
 Leopoliensium anno 1605. sabbat-
 ho ante festū S. Stanislai in Maio
 facta, patet. Et ita in aliis passim
 ciuitatibus obseruatur. Quamuis
 hoc casu *quando vxor vult per-
 16 cipere tertiam, teneatur confer-
 re omnia sua bona siue mobilia
 siue immobilia, quæ viuente ma-
 rito à parentibus vel consanguineis,
 aut vndecumq; acquisiuit; habet
 tamen electionem, an velit
 recipere tertiam partem bonorū
 mariti, facta illa collatione suo-

rum bonorum: an verò ea relicta, velit retinere suam dotem & alia bona sua vnà cum vtenilibus. Et sic pronunciant Lipsenses, idque secundum glos. in auth. quib. mod. natur. efficitur. §. quoniam autem. in verbo quartam. Vnde colligitur, electionem habere mulieres accipiendi quid volunt. Quod etiam Curia sequitur. Et ita in causa inter Abrahamum Salomonovic Iudzum & Annam Iansovva ciues Wschouen. feria quarta post festum Præsentationis B. M. Virg. Anno 1606. decisum fuit.

OBSERVAT. XXIII.

Dotalitium à priori marito vxori denominatum, vtrum decedente vxore maritus secundarum nuptiarum ex bonis prioris mariti petere possit?

S V M M A R I A

1. Maritus superstes ius omne in bonis mobilibus vxoris præmortuæ obtinet.
2. Maritus dotalitium vxoris præmortuæ ex bonis prioris mariti consequitur.
3. Dotalitium ad vitam duntaxat vxoris constituitur.

4. Dotalitium duobus modis iure Saxónico constitui solet.
5. Vxores dotalitia constituta habentes, dotem & alias res ad maritum importatas, nullo modo repetere possunt.
6. Conciliatio quorundam articulorum inter se pugnantium.
7. Maritus secundi matrimonij tenetur vxori in recompensam dotalitij à priori marito denominati, aliud dotalitium assignare.
8. Matrimonium nouum, donationem quoque propter nuptias nouam desiderat.
9. Fructus ex usufructu dotalitij à marito percepti oneribus matrimonij debentur.

Glossa * Iuris Municipalis art. 22 versic. Queritur, Dotalitium proponit, simulque determinat hanc quæstionem, quod videlicet mortua vxore maritus superstes ius omne vxoris mortuæ in bonis mobilibus obtineat, quod vxori competere videbatur de forma iuris. De quo textus etiam Specu. Sax. lib. 3. art. 76. ita disponit: Si verò mulier interim alteri copuletur, copulatusque ad eam, & ad indiuisiōem hereditibus bona ingressus fuerit, & postea vxor decesserit, vir obtinet plenum ius in omnibus bonis mobilibus, exceptis

2 *exceptis edificijs & suppellectili.* Vnde * liquido constat, secundum maritum dotalitium vxoris præmortuæ, quod in bonis prioris mariti habuit ex bonis illius repetere posse. Nam quemadmodum mulieri de iure competeat dotalitiū seu donatio propter nuptias, idq; in recompensam dotis importatq; vti supra obseruatione præcedēti dictum est: ita & marito ipsius competere debet, qui dotis loco dotalitium ab ipsa consequitur.

3 In contrarium * tamen illud facere videtur, quod dotalitium ad vitam saltem vxoris constitui soleat, & perinde sicuti vsusfructus morte vsusfructuarii, ita dotalitiū morte vxoris finiatur. Dotalitium etenim (prout gloss. iuris Municip. art. 22. inquit) seu vt alii volūt, donatio propter nuptias, aut vitæ prouisio dicitur esse beneficiū illud, quod Imperatores ex speciali gratia mulieribus post mortem viri ad vitam earum statuerunt. Quod etiam text. Spec. Sax. lib. 1. art. 32. innuere videtur his verbis: *Nulla mulier vsusfructum sui dotalitij, sed nec eius hæres potest fundi proprietatem sibi vendicare, quamdiu appareat, quod in eo dotalitium sit sibi concessum.* Ex quibus verbis satis dilucidè constat, dotalitiū v-

sumfructum morte vxoris extingui, & per consequens ad maritū secundi matrimonij nullatenus transmitti posse. Verū his non obstantibus sciendum est, dotalitium iuxta dispositionem iuris Saxonici, duobus modis constitui. Aut enim constituitur in certis bonis immobilibus nomine vsusfructus tantum, siue allodialibus siue etiam feudalibus, quibus post mortem mariti vititur & fruitur tempore vitæ suæ, post mortem verò ipsius redeunt ad hæredes mariti. Quemadmodum vicissim mulier vel parens eius marito solent ita paciscendo promittere, vt maritus superstes quo ad vixerit aliquid habeat ex bonis illius ad vitam suam, idq; fieri solet in casu soluti sine liberis matrimonij, quod inter nobiles personas maximè obseruari Interpret. iur. Sax. testantur. Qui mos constituendi dotalitij etiā apud nos hodie inter equestris ordinis homines seruatur, & vulgò huiusmodi dotalitij constitutio dotis reformatio appellari solet, prout in Statuto Regni sub litera Reformatio. & sub litera Dos videre licet. Et hoc casu huiusmodi vsusfructus qui mulieri ex dotalitio prioris matrimonij competeat, nequaquam

marito competit. Regulariter enim huiusmodi dotalitiū non ideo constituitur, vt defuncto marito ad vxorem pertineat, sed saltem vt mulier in dote secura sit; nam sicut soluto matrimonio ad vxorem dos redit, ita dotalitium redit ad hæredes mariti, per text. *in l. v-nica. §. illo proculdubio. C. de rei vxor. actione.* Aut deinde à marito vxoripura & simplex dotalitiū fit denominatio, quod in recompensam dotis constitui solet, quo casu cū dos ipsa bonis mariti veluti incorporata apud ipsum vel hæredes illius permaneat, iure merito etiam dotalitium vxori & hæredibus illius in bonis mariti saluum & illæsum permanere debet. Regulariter n. dos meretur dotalitiū seu donationem propter nuptias, per text. *in authen. dos data. C. de donat. prop. nupt.* Hinc fit, quod cū vxor post mortem prioris mariti plenū ius habeat sui dotalitiū, maritus etiam posterioris matrimonii iure suo dotalitium illud cōsequatur; quemadmodum & prior illius maritus dotem lucratus fuit. Omnia siquidem mobilia vxoris cedunt lucro mariti, per text. *Sp. Sax. lib. 1. art. 31. & lib. 3. art. 76.* Quod & praxis sequitur. & in Curia inter successores Baptista Rouexla, & Ni-

colaum Witkovvski anno 1634. huiusmodi dotalitiū à marito posteriori ex bonis prioris mariti peti posse, pronunciatum fuit. Nam & alias ex communi iuris Saxonici Interpretum opinione manifestè apparet, quod mulieres à suis maritis dotalitia constituta habentes, nulla ratione dotem aut res alias ad maritum importatas, ex bonis defuncti mariti recipere possint, sed in dotalitio tantum constituto, quod illis ab hæredibus extradi debet, acquiescere necessū habeant. Licet prima fronte ex contraria aliquot articulo-⁵rum iuris Saxonici dispositione, admodum dubia & perplexa hæc quaestio videatur. Articulus * etenim ⁶ *32. lib. 1.* dicit, coniuges habere inter se bona indiuisa. vnde gloss. concludit, maritum nō curatorio nomine bona vxoris ad se illata recipere, sed velut iure pleni dominiū acquisita, occupare. In contrariū verò facit glossa *art. 21. lib. eiusdem.* quæ dicit vxorem in compensationem dotis illatæ consequi dotalitium. Quibus concordant textus *art. 27. lib. eius. & art. 76. lib. 3. itē iuris Municip. art. 22. 23. & 24.* Qui textus simul omnes, volunt maritum plenum ius & dominium habere in omnibus mobilibus vxoris,

ris, præterquam in Gerada & vte-
 filibus. Id tamen ita intelligendum
 esse ratio iuris atq; adeo æquitas
 ipsa dictat, si nimirum à marito de
 dotalitio mulieri sit prospectum
 sufficiēter. Si enim vel nullum do-
 talitium prorsus habeat, vel ha-
 beat quidem, dotis tamen & illa-
 tarum rerum ad maritum respec-
 tu tenuius, omnino dotem suam
 vnā cum omni interesse & fructi-
 bus licitè repetere posse. notat Zo-
 bel. *in addit. gloss. d. art. 31. lib. 1.* Por-
 7 rò quemadmodum *maritus po-
 sterior consequitur dotalitium à
 priori marito vxori assignatum;
 ita viceuersa ille quoq; dotalitiū
 eidem constituere debet. Nam si-
 8 cut *nouum matrimonium nouā
 dotis cōstitutionem desiderat, per
 text. *in l. stipulatio. ff. de iure dot. §.*
in l. cum marit. §. Titius. ff. de pactis
dot. ita ex aduerso etiam id quod
 dotis nomine illatum est, nouam
 donationem propter nuptias, id
 est nouum dotalitium desiderare
 videtur. Cū dos & donatio pro-
 pter nuptias paribus passibus am-
 bulent, per text. *in l. cū multa. §.*
seu autem donatio. C. de donat. ante
nupt. Quod eatenus procedit, in
 quantum dotalitium vxori in re
 compensam dotis, à priori marito
 constitutum fuit, nō autem si do-

talitii nomine vsusfructus tantū
 eidem sit assignatus. Nam vt su-
 pra dictum est, nulla ratione hu-
 iusmodi vsusfructus in maritum
 secundi vinculi ita transferri po-
 test, vt bonis illius commisceatur
 & incorporetur: quamobrem ma-
 ritus quoq; in hoc passu cū nihil
 inde consequatur, ad constituē-
 dum vxori nouum dotalitiū mi-
 nimè cogi potest. Neq; *in propo-
 9 sito aliqua videtur habenda ratio
 fructuum, quos secundus maritus
 durante matrimonio ex vsufu-
 ctu dotalitii percepit, vt eorum
 saltem respectu dotalitium con-
 stituere debeat. Hi enim fructus
 propter subeūda onera matrimo-
 nii marito debentur; ideoq; dotis
 esse vel eam augere non censē-
 tur. per text. *in l. dotis fructum. 7. ff.*
de iure dot. ac proinde nec etiam
 donationem propter nuptias siue
 dotalitium merentur, quæ solius
 dotis intuitu constitui debet.

OBSERVAT. XXIV.

Vxor bona sua dotalia, & alia,
 quæ vltra dotem ad maritum
 adfert, num absque consensu
 mariti alienare possit.

S V M M A R I A.

1. Regulariter quilibet rei suae moderator est & arbiter.
2. Maritus rerum dotalium dicitur dominus secundum opinionem Accursij.
3. Nemo propriè transfert aut alienat rem, nisi verus illius dominus.
4. Contraria aliorum opinio, quod dominium rei dotalis penes mulierem remaneat.
5. Rei dotalis duplex dominium, verum & imaginarium à DD. constituitur.
6. Res in bonis nostris esse, quomodo dicatur.
7. Alia distinctio quorundam interpretum iuris circa traditionem dotis.
8. Vxor cum sit iure naturali dominarum rerum dotalium, easdem sine consensu mariti alienare posse videtur.
9. Iure Saxon. mulier nulla ratione bona sua sine consensu & auctoritate mariti alienare potest.
10. Vxor marito ex bonis suis nihil donare potest.
11. Mulieri curator à magistratu assignari debet, quando cum marito contrahit.
12. Rerum dotalium mulieris ab alijs rebus quas ultra dotem ad maritum adfert, distinctio.

13. Dotalium mulier alienare aut repudiare non potest.

14. Dotalium rerum quando alienatio sit permissa.

15. Bona sua mulier quae ultra dotem sunt, accedente mariti consensu, alienare potest.

IN hac quaestione dicendum prima fronte videtur, uxorem utpote dominam rerum suarum liberam habere facultatem rebus suis pro arbitrio suo disponendi. Cum alias* regulariter quilibet rei suae sit moderator & arbiter, per text. in l. in re mandata. 21. C. mandati. alioquin iniquum esse ingenuis hominibus non concedi liberam rerum suarum administrationem. IC. Caius in l. 2. ff. si à parente quis manum sit. tradit. At in eo, num vxor sit domina rerum ad maritum illatarum, an verò maritus, magna est inter DD. concertatio. Accursius siquidem* & communiter DD. concludunt, non vxoris sed mariti rerum dotalium dominium esse: idque probant multis rationibus, quae in gloss. in rebus. 30. in verbis naturali iure. C. de iure dot. ponuntur, quarum prima & praecipua desumitur ex textu in l. doce ancillam. 9. cuius haec sunt verba: Doce ancillam de qua supplicas dotalem fuisse

fuisse in notione praesidis: quo patefacto dubium non erit vindicari ab uxore tua nequiuisset. C. de rei vindic. Vnde colligitur, quod rei dotalis dominium sit mariti, siquidē vindicatio ipsius uxori non competat. Nam id demum iure vindicare possumus quod nostrum est, vt glos. ibidem notat in verbo *nequiuisset*. Quod etiam haud obscure confirmare videtur textus in §. per traditionem. 40. Instit. de rerum diuis. vbi dicitur, quod si quid ex causa donationis aut dotis, aut alia quauis ex causa alicui tradatur, id ab eo in alium transferri potest. nemo * autem directē transfert aut alienat rem, nisi verus illius dominus. Cum nihil tā conueniens sit naturali equitati, quā voluntatem domini volentis rem suam in aliū transferre ratam haberi, vt ibid. in d. §. per traditionem. habetur. Atqui maritus causa dotis rem habēs sibi traditā, illam in aliū transferre potest. Sequitur, quod maritus pro vero dominio rerum dotalium censi debeat. Contrarium * tamen quidam, dominium rei dotalis penes mulierem remanere tenent, idque propter expressam dispositionē textus in d. l. in rebus. 30. ibi. Cum eadem res (puta dotales) & ab initio uxoris fuerint, & naturaliter

in eius permanferint dominio. Non enim quod legum subtilitate trāsitus earum in patrimonium mariti videatur fieri, ideo rei veritas deleta & confusa est. C. cod. de iure dotium. Quamobrem Accursius & * communis DD. schola in conciliando hoc textu, mirē sese torquentes duplex dominium rei dotalis esse statuunt, verum videlicet & efficax, quod maritū habere dicunt, per tex. in l. si praediū. 23. C. eo. de iure dot. Alterum imaginarium & interpretatū, idq; mulieris esse concedunt. Ceterum hęc distinctio nequaquam subsistere potest, quādoquidem apertē & sine vlla circuitione d. l. in rebus. disponat rem dotalem in mulieris dominio omni tempore permāsisse. Et paulo post, ex professo contra communem sententiam DD. addit, iure naturali res dotales mulieris esse, tametsi legum subtilitate ad mariti substantiam peruenisse videantur. Quæ verba demonstrāt, admissa veri & imaginarii dominiū distinctione; verum apud uxorē, imaginarium verō & interpretatum apud maritum, contra communem DD. sententiam esse. Atq; ita quod etiam quondam Mart. glossator sentit, communi iure & naturali ratione mulierem rei do-

talis

talis dominam esse; iure verò singulari & legis auctoritate maritū, idq; propter vsumfructum, rei q; dotalis administrationem, quam lex ei concedit constante matrimonio vt nuptiarū oneribus seruiat, per text. in *l. si pater mulieris. 76. ff. de iure dot. & l. pro onerib. 20. C. hoc tit.* Nec obstat quod IC. Paulus ait, in bonis mariti constante matrimonio dotem esse, *l. Lucius. S. idem. ff. ad Municip.* Hoc enim nō arguit dotem non esse mulieris, prout & IC. Triphoninus in *l. quāuis. ff. de iure dot.* ostendit his verbis: *Quamuis, inquit, in bonis mariti dos sit, mulieris tamen est.* Rem^{*} enim in bonis nostris computamus, non solūm quæ domini nostri est, sed & quæ bona fide à nobis possidetur, & pro qua possessa defendēda, exceptionem, amissaque recuperanda, actionem, vel etiam officium iudicis habemus. Quale ius maritum in bonis dotilibus habere nemo ambigit; prout id probatur per text. in *d. l. doce ancillam. C. de rei vindic.* Alii verò hanc^{*} antinomiam conciliando, ita distinguunt, vt videlicet inspecto initio, quando traditur dos marito, dotis dominus sit maritus iure naturali, per text. in *d. §. per raditionem. Instit. de rerum diuisio.*

Inspecto verò effectu exituque, quia plerumq; morte mariti, aut diuortio soluto matrimonio dos redit ad mulierem, vxor naturali iure sit domina dotis, maritus verò fictione iuris ciuilitantum, per text. in *d. l. in rebus. C. de iure dotiū.* Atque ita duo domini dotis constituantur, vnus verus, alter fictitiū, quod nouum omnino videri non debet, per text. in *l. in bello. 12. §. si quis seruū. 7. ff. de capt. & post. reuers.* Redundo^{*} itaq; ad quæstionem propositam, dicendum esse videtur, quod cū vxor naturali iure domina sit rerum dotalium, consequenter easdem alienare potest sine consensu & auctoritate mariti; quod clarè probatur ex textu *l. velles. 6. cuius* hæc sunt verba: *Velles necne filio tuo prædia, itemq; mancipia donare, fuit in initio tibi liberum. Desine itaque postulare, vt donatio quam perfeceras, reuocetur pretextu mariti & liberorum absentia: cū huius firmitas ipsorum præsentia non indigeat. C. de reuocan. donat.* Ex quo apparet, quod vxor habeat liberam potestatem bona etiam immobilia donandi & alienandi, nec requiritur in hoc præsentia aut consensus mariti. Secus tamen^{*} de iure Sax. id se habet, *lib. 1. art. 45. in verbis:*

verbis: *Exindeq. mulier nulla bona sine viri consensu donandi, vendendi, neq. resignandi habet potestatem, & hoc propterea quia ipse ea cum uxore nescitur possidere.* Maritus enim & vxor bona inter se indiuisa possident, vt est text. *d. lib. 1. art. 31. in prin.* Cuius rei ratio ponitur, nempe quod iure Saxonico mulier transeat in potestatem mariti sui, eumq; tutorem siue curatorem habeat, atque ob id bona sua sine consensu illius tanquam tutoris alienare non potest. Atq; hinc euenit * quod nec marito quidem mulier ex bonis suis quicquam donare possit; ex eo quod maritus tutor sit vxoris, ac in rem suā auctor fieri nequeat, per text. *in l. 1. ff. de autor. tutor.* tum quod hoc expressè prohibetur *d. art. 31.* in verbis: *Postquam vir mulieri copulatur, tunc omnia eius bona in suam accipit tutelam: ideoque mulier nullam ei facere potest in suis mobilibus vel proprietate donationem, vt per id post mortem ipsius à veris heredibus eius alienentur.* Quod tamē catenus procedit, nisi vxor corā Magistratu alium tutorem sibi eligat, cuius auctoritate talis donatio in rem mariti perficiatur; quo facto, donatio quoque marito facta firmum obtinet robur, de quo

est textus Spec. Sax. lib. 1. art. 44. in verbis: *Proponat si femina aut vidua ciuilitate aduersus suum tutorem, quod ipse eius vel earum bona occupauerit, vel si maritus vxori suam proprietatem in modum, propter nuptias donationis in recompensationem erogauerit, id est, dederit, in his casibus Iudex eius vel earum tutor erit.*

Vnde colligitur, * quod hoc casu, ¹¹ quando cum marito mulier contrahit, aut saltem ad eius vtilitatem, eum in propria causa auctorem esse non posse, sed alius tunc mulieri curator est adiungendus; vel si is desit, Iudex vel Magistratus id ipsum supplere potest. Et ideo in omnibus casibus, quibus de iure communi donatio inter coniuges facta valet, in iisdem etiam hodie vsu & consuetudine in foro Saxonico permittitur, dummodo vxor donare volens curatorem habeat. Et ita in Curia pronunciatum fuisse inter Farurey & quosdam ciues Pilsnen. anno 1596. sabbatho post festum Epiphaniarum supra Obseru. 52. Cent. 1. dictū est. Cæterum quod * attinet hanc ma- ¹² teriam alienationis rerum mulieris, necessariò mea quidem sententia res dotales, ab aliis rebus & bonis, quæ mulier extra dotem ad maritum adferre solet, distinguere debent.

debent. Nam fun di & aliarum re-
rum dotalium alienatio, sicut ma-
rito omnino prohibita est, siue
mulier cōsentiāt siue non, per tex.
*in l. lex Iulia. 4. & toto tit. ff. de fundo
dotali.* ita etiam prohiberi eadem
videtur vxori, siue interueniat
cōsensus mariti siue non, prout
est cōmunis DD. opinio, per text.
*Instit. quib. alien. licet vel non in prin.
& in l. unica. §. & cum. C. de rei vxor.
act. & in l. si pradium. & ibi Bartol.
ff. de iure dot.* Cū alijs publicē
interfit, contractus dotibus detri-
mentos annihiliari, per text. *in l.
illud. §. cum ill. sequen. ff. de pact. dotal.*
Et nedum dotem, sed ne dotaliti-
um quidem mulieris alienari aut
repudiari posse, sit receptius, vt
notat Bald. & DD. *in authen. siue à
me. & authen. contra. C. ad SC. Vellei-
anum.* facit glos. *Sp. Sax. lib. 1. art. 21.*
quasi in prohibitam coniugum
donationē, aut saltem legis Iuliæ
prohibitionem, ea res incidat. Nec
ad rem pertinet, quod lex Iulia de
fundo tantū dotali locuta est.
Nam hoc ibi pro exemplo positū
est, quōd alioquin lege noua con-
tinetur, quæ generaliter quæ dotis
est alienari vetat, prout habetur
in textu *Novel. vt immob. ante nupt.
donation. constitut. 61* in verbis: *Et
multo potius hæc in dote valebunt, si*

quid dotis aut alienatur, aut suppone-
tur. vbi pulchra eius rei assignatur
ratio: Quod enim semel, inquit Im-
per. Iustin. vinculis sponsalitia largi-
tatis obligatum est, non erit conueni-
ens alienari, vt mulier eueniente for-
sitan lucro, quod ei cōfert antenupti-
alis donatio, difficultatem patiat, nō
inueniens rem in viri substantia, cū
sit alienata alijs aut supposita, vt po-
tentibus forte personis: quatenus illi
propter huiusmodi causas, aut sit om-
nibus modis inadibilis vindicatio, aut
difficilis & litibus egeat, dum ex hoc
ipso sit adiuvanda. Hæc tamen nō
habent locum in rebus dotalibus
æstimatis, quæ licitè alienantur
per text. in l. æstimatis. ff. soluto ma-
trim. item nec inijs, quæ seruando
non possunt seruari, argum. l. lex
quæ tutores. C. de administrat. tutor.
vel quæ pondere, numero, aut
mensura continentur, quæ vendi
& consumi possunt, & in suo ge-
nere refici, per text. in l. res in do-
tem. ff. de iure dotium. Ac denique
si fundi vel rei dotalis alienatio iu-
ramento vxoris confirmetur, vt
pote si iuramento caueat, eam a-
lienationem nunquam se reuoca-
turam; quia tunc æquitate cano-
nica suadente, talis alienatio re-
scindi aut reuocari non debet, per
text. *in c. cū contingat. de iure iu-*
rando

rando. & c. *quammis, de pactis, in 6.* quod etiam probat glos. Sp. Sax. *lib. 1. art. 3.* Alia verò bona quæ mulier vltra dotem ad maritum adfert, siue sint mobilia, siue immobilia, etiamsi ea sine consensu mariti tanquam curatoris, mulierem alienare non posse, paulò ante dictum sit; idq; per iura supra allegata Sp. Sax. *lib. 1. art. 31. & art. 45.* a contrario tamen sensu colligitur, quod accedente mariti consensu, alienatio huiusmodi bonorum vxori permittatur. Nam & textus supra commemorati discretè loquuntur de fæminæ bonis. Dotalia verò non sunt vxoris absolute & simpliciter sed mariti iuris ciuilis fictione, quemadmodum supra fusiùs id explicatum est. Verùm hodie in praxi non tam accuratè hæc distinctio attèdi solet, omnia siquidem bona sua tam dotalia, quàm ea quæ extra dotem ad maritum adfert, interueniente præsentia & consensu mariti, mulier alienare potest, idq; externo nò autem ipsi marito, dùmmodo id coram Magistratu ordinario fiat. Tutius tamen huiusmodi alienatio perficietur, si adstant mulieri propinqui aut còsanguinei ipsius, idq; propter metum mariti reuentialem, quem plerunq; mulie-

res pœnitentia ductæ causari solent, vt videlicet hoc pacto contractum alienationis rescindere & annihilare queant.

OBSERVATIO XXV.

De diuortiis, & an diuortio facto vxor dotalitiùm; & è contra maritus dotem lucrari debeat necne?

S V M M A R I A.

1. *Matrimonij definitio ab Imp. Iustiniano tradita.*
2. *Coniugia sola morte naturali dirimuntur, quo ad contrahendum de nouo matrimonium.*
3. *Coniugij dissoluendi rationes in iure ciuili plures assignantur.*
4. *Mulier absentem vel captiuum maritum, quanto tempore expectare debeat.*
5. *Obseruitutem alterius coniugum, matrimonium dissolui non debet.*
6. *Iura ciuilia in diuortijs & repudijs variant.*
7. *In causis matrimonialibus ius Canonicum attendi debet.*
8. *Separatio matrimonij, alia est quo ad vinculum, alia quo ad conuersationem coniugalem.*
9. *Matrimonium ratum nondum tamen consummatum, quibus modis dis-*

dis dissoluatur quo ad vinculum coniugale.

10. *Matrimonium consummatum sola morte naturali dirimitur.*

11. *Matrimonium quo ad conuersationem coniugalem, quibus ex causis dirimi potest.*

12. *Impedimenta dirimentia matrimonium contractum, quæ sint.*

13. *Iure Saxonico diuortio interueniente, mulier nihilominus dotalitium in bonis mariti obtinet, Idem num 17.*

14. *In diuortio id attendi debet, num illud ex culpa alterius coniugum interueniente factum sit, nec ne?*

15. *Dotalitium siue prouisionem vitæ uxor in bonis mariti, ob quas causas amittat.*

16. *Causæ ob quas vir dotem perdit; donationem verò propter nuptias dare cogitur.*

Matrimonium * nihil aliud est, nisi viri & mulieris coniunctionem indiuiduam vitæ societatem cōtinentem, prudentissimè Imp. Iustinian. in princ. tit. Instit. de nupt. definiuit. Nam qui matrimonio coniunguntur, talem debent habere animum, vt perpetuò cōuiuere velint, memores illius præcepti diuinitus traditi: *Quod Deus coniunxit homo non separet.* Sanè

sola morte naturali dirimi coniugia, ita quod superstiti personæ nouam connubii conditionem querere permissum sit, iura Canonica testantur, per text. in c. fin. 31. qu. 1. Nec obstat * quod legibus ciuilibus aliæ rationes dissoluendi matrimonii introductæ sint, vtpote captiuitatis, seruitutis, & diuortii, seu repudii. Nam etsi captiuitas seu seruitus pro morte ciuili censetur, per text. in l. 4. ff. qui satisd. cogantur. Et glos. in l. unica. §. fin. autē. in verbo *superstite*. C. de caduc. tollēd. Et olim * exacto quinquennio, facultas nubendi personæ in libertate relictæ permittebatur, per text. in l. uxores. ff. de diuort. & repud. Et in authen. de nupt. §. sed etiam. tamē hoc postmodū Constitutione Imper. Iustin. sublatum esse, text. in authen. hodie. C. de repud. declarat his verbis: *Hodie quantiscumq; annis maritus in expeditione manserit, mulier sustinere debet, licet neque lictas, neq; responsum ab eo acceperit. Sed si mortuum audierit; non prius nubat, quam per se, vel per alium eum sub quo militabat, adiens interrogauerit, si pro veritate mortuus est.* Quod etiam ius Canonicum probat, per express. text. in c. in praesentia. 19. in verbis: *Quantocumque annorum numero ita remaneant uiuenti.*

viuentibus viris suis non possunt ad
 aliorum consortium canonicè conuo-
 lare; nec auctoritate Ecclesiæ permit-
 tas contrahere; donec cer. um nunci-
 um recipiant de morte virorū. tit. de
 sponsalib. & matrim. Vnde manife-
 stè apparet, hodie non captiuitate
 sed morte ipsa dissolui matri-
 monium, siquidem captiuorum
 sicut & in militia degentium nun-
 cius mortis certus requiratur. Sic
 5 & * seruitute, cū videlicet ob
 crimen aliquis factus fuerit seruus
 pœnæ, aut ob ingratitudinem re-
 ductus in seruitutem, licet olim
 soluebatur coniugium, vt videre
 est in textu. §. si verò decretum. auth.
 de nupt. tamen hoc quoque corre-
 ctum esse, text. in d. l. auth. de nupt.
 §. quod autem. clarè probat. Pœna
 enim coniugia distrahere non de-
 bet, quæ inter personas liberas cō-
 tracta sunt, vt ibid. Imp. Iustin. tra-
 dit. Porro * in repudiis & diuorti-
 6 is iura variare videntur. Digesto-
 rum siquidem iure, pro leuissima
 etiam casualibellus repudiū mitte-
 batur, in quo continebantur hæc
 verba: res tuas habeto; vel conditio-
 ne tua uteres; prout in l. 2. ff. de diuor-
 tijs & repud. habetur. quod Codi-
 cis iure iniquū videbatur: & ideo
 certæ causæ ob quas diuortium
 fieri potest recensentur. in l. con-

sensu. C. de repud. & diuort. Quas
 postmodum Imp. Iustin. quia non
 omnes sufficientes videbantur,
 iure Nouellarum limauit, per pau-
 cis quibusdam admissis: quæ in
 Nouella vt liceat matri vel auia & c.
 117. §. quia verò plurimum. & sequ.
 exprimuntur. Iure* verò Canoni-
 7 co, quod in causis matrimonialib.
 omnino attēdi debet, secundū Pa-
 nor. in c. ex conquestione. 10. num. 2.
 de resit. spoliat. & not in c. cum sit ge-
 neral. 8. de foro compet. omnia ista
 iura penitus reprobata sunt. Nam
 hoc * iure separatio veri & legiti-
 8 mē contracti matrimonii est du-
 plex: vna quo ad vinculum, quā-
 do vterq; vel alter coniugum po-
 test cum alio de nouo contrahere.
 alia quo ad conuersationem con-
 iugalem stante vinculo. Igitur *
 9 quantum ad vinculum, matrimo-
 nium ratum, nondum tamen per
 copulam carnalem consummatū
 attinet, morte tam naturali quā
 ciuili, id est professione tacita vel
 expressa religionis approbatę tol-
 li potest, ita quod remanens in sæ-
 culo potest cum alia liberè con-
 trahere, nisi impediatur ex aliquo
 voto. Matrimonium verò * con-
 10 summatum, sola morte naturali,
 non autem ciuili aut quocunque
 alio modo solui potest, per expr.
 23
 text.

text. *inc. gaudemus. de diuort.* Mortuo etenim viro, demum mulier a lege viri soluta est, teste Apostolo *1. Cor. 7.* quod tamen fallit in matrimonio inter infideles contracto, per text. *in d. c. gaudemus.* Quantum verò * ad conuersionem coniugalem, vtrumque matrimonium tam videlicet consummatum quam non consummatum ex quatuor causis dirimi potest. Prima, propter adulterium, per text. *inc. dixit dominus. 32. qu. 1.* quo casu mulier dotem, & vir donationem propter nuptias perdit. Et quod quidam iuris Interpretes ob adulterium etiam quo ad vinculum dissolui posse matrimonium, existimant, id aliter omnino se habere, & veritati repugnare, auctoritas sanctæ Ecclesiæ Catholicæ Romanæ definiuit. Secunda, propter periculum, dum alter alterum ad aliquod peccatum mortale trahere nititur, secundum glos. *inc. omnes. 32. qu. 7.* & Innocent. *inc. marit. de adulterio.* & *inc. quæ fuit. de diuort.* & ibi Panormit. quod intellige si aliter compesci non possit. Tertia, propter hæresim. *d. c. quæ fuit. de diuort.* & ibi Hostien. & Panormitā. Quarta, propter sanctimoniam, id est, religionis ingressum, aut votum, per text. *inc. si quis vol. 27. q. 1.*

Et hæc intelligenda sunt de separatione matrimonii veri, rati scilicet & legitime contracti, siue illud per copulam carnalem consummatum dicatur, siue non. Nā quod * attinet separationem matrimonii, quod non est verum sed apparens; puta in quo præcedunt impedimenta dirimentia, longè plures reperiuntur casus, qui his versibus breuissime comprehenduntur.

Error, conditio, votum, cognatio, crimen:

Cultus disparitas, vis, ordo, ligamē, honestas;

Si sis affinis, si forte coire nequibis:

Hæc socianda vetant, connubia sacra retractant.

Verum de his ad præsens longiorem texere tractatum mei nō est propositi, quæ diligens lector ex ipsis fontibus haurire facillime potest, de quibus glossa etia Spec. Sax. lib. 3. art. 27. luculentissime tractat, ad quam lectorem remitto. His itaque * præmissis. Diuortio huiusmodi seu potius separatione thori interueniente. An nihilominus vxor dotalitium, & e contra maritus dotē lucrari debeat? Quæ in re quamuis propter admodum claram & expressam dispositionem iuris Saxonici, nullum dubium

dubium esse videatur, textus siquidem *lib. 1. articul. 21.* ita se habet: *Diuortium si fuerit iure celebratum, mulier nihilominus dotalitium sibi in proprietate viri donatum obtinebit. Quod etiam ius Canonicum approbare videtur, per expressum text. in c. 1. in verbis: Mulieres cum pro aliqua licita causa proprijs viris fuerint separate, totam dotem precipimus sibi reddi. Et in c. 2. 3. & fin. de donat. inter uir. &*

14 *uxor.* hæc tamen * eatenus vera sunt, si nimirum huiusmodi diuortium seu thori separatio non ex culpa alterius coniugum fiat, vt potè propter castitatem, cum vnus illorum vitam spiritua-lem vel regularem ducere vult, idq; fiat de consensu vtriusq;: eo casu iure merito retinere debet omnia sua, etiã ea quæ alter coniugum alteri donauerit, per text. in *auth. de nupt. & per occasionem. col. lat. 4.* Idem obtinet, si propter impotentiam actus matrimonii separatio contingat, *vt in ead. auth.* habetur, nisi forsan marito vxor eam impotentiam faciat, vel facere procurauerit; quo casu non dirimitur coniugium, etiam quo ad cohabitationem, per textum in *c. laudabilem. & c. ult. de frigid. & malefic.* probatur. At quando diuor-

tium sit ex culpa alterius coniugum, vt puta, cùm vnus iniuriatur alterum, tunc ille qui causam præstat iniuriæ, perdit omnino dotem, vel donationem propter nuptias, prout gloss. Spec. Sax. *d. lib. 1. art. 21.* probat. Vbi etiã cau- 15
sa propter quas vxor dotalitium siue vitæ prouisionem amittat in textu expressè habentur; puta si ligna fructifera succidat, vel ascriptios bonorum, hoc est homines seu rusticos ad bona pertinentes propellat; vel quouis alio modo dotalitij dominium in aliũ transferat, idq; in spatio competentis postquam requisita fuerit, iure non reuocet. Item si contra imperitiũ consultet, vel consulenti conscia sit. Si honestatem matrimonij transgrediatur, puta adulterium committat. Si vitæ mariti insidiata sit, vel alios viro machinantes non indicauerit; si præter consensum mariti cum alijs conuiuabat, vel simul balneabat; si extra domum per noctem inhonestè manserit, nisi forsan maritus eam expulisset; ac deniq; si spectaculis, theatris, malis congregationibus præter voluntatem mariti interfuerit, seu inhonestè vixerit, gloss. ibid. per textum in *Auth. vt liceat matr. & alia. Nonel.*

117. §. si verò, & §. si quolibet. Quo in casu, in iudicio Curiae Regni inter Sulkovvska, & Nicolaū Gladificem feria secunda post Dominicam Conductus Paschæ Anno Domini 1599 ita decisū fuit, quòd mulier, quæ ob inhonestam vitā diuortio causam dedit, bona quæ iure dotali & dotalitii ad eā pertinebant, amittat, ita vt neq; successores ea petere possint; secus est in bonis successionē deuolutis vel proprio labore acquisitis, ea enim mulier per luxum corporis non amittit, quæ etiam successores ipsius assequuntur. Quemadmodum * ex aduerso sex ponitur causæ in eadem gloss. Specul. Sax. d. art. 21. lib. 1. propter quas maritus dotem perdit; donationē verò propter nuptias dare cogitur. Prima, * si contra imperium mali quid machinatus sit. Secunda, si alios contra imperium machinantes non publicauerit, verum facti conscius sit. Tertia si vitæ mulieris insidiatus fuerit. Quarta si castitati eius aduersatur eam ad adulterandum exponendo. Quinta, si de adulterio eam calumniatus sit; idq; non probauerit. Sexta, si concubinam apud se fouet, nec eam alienare à se vult, & in d. authen. vt lic. matr. & auia. §.

causas. & §. Si autem, disponitur. & itidem gloss. iur. Municip. art. 22. tradit. Vnde manifestè liquet * 17 quòd diuortio ex iusta & legitima causa subsecuto, vxor in bonis mariti non solum dotalitium seu vitæ prouisionem, sed etiam omne illud, quod sibi datum vel donatum per maritū fuerat, pleno iure retineat. Quod etiam praxis tenet. Et ita in Curia inter Vrsulam Adamovva, & Mathiam Ruczki Ciuē Casimiriensem Anno 1591 decisum fuit. vel si nihil sibi datum assignatum uē sit à marito, in quartam vel tertiam (pro cōsuetudine loci & regionis) bonorum mariti partem succedat, prout paulò ante Obseruat. 22. num. 15. dictum est.

OBSERVAT. XXVI.

Sed an constante matrimonio, vxor dotem siue donationem, propter nuptias à marito repetere possit?

S V M M A R I A.

1. Dos constante matrimonio regulariter repeti non potest.
2. Marito ad inopiam vergente etiā constante matrimonio dos repeti potest.
3. Paria

3. Paria sunt matrimonium esse dissolutum, & maritum constante matrimonio vergere ad inopiam.
4. Maritus vergens ad inopiam quare non condemnatur in quantum facere potest, sicut condemnatur quando dissoluto matrimonio dos ab eo repetitur.
5. Maritus ad inopiam non sua culpa sed ob casum fortuitum redactus, an pro restituenda dote conveniri possit.
6. Vxor dotem repetere potest à marito, etiamsi ab initio quando dos data illi fuit, sciuit illum esse inopem & decoctorem.
7. Fiduciosores vxor dotem repetens à marito recipere non tenetur.
8. Cautio fragilis res est.
9. Sequestratio dotis quando fieri debeat?
10. Maritus quando dicatur vergere ad inopiam.
11. Dotalitium & alia bona paraphernalia vxor à marito vergente ad inopiam repetere potest.
12. Praxis quid in hac questione potissimum teneat?

Si dos const. matrim. red. fuer. manifestè colligitur; sed etiam ratio ipsa id dictare videtur. Dos siquidem oneribus matrimonii deservire debet, per express. text. in l. si pater. 76. ibi: quia nisi oneribus matrimonij serviat, dos nulla est. ff. de iure dot. & in l. pro oneribus. 20. ibi: pro oneribus matrimonij, mariti lucro fructus totius dotis esse quos ipse cepit, C. eod. tum quod maritus constante matrimonio dominus sit dotis saltem fictione, seu legis auctoritate, prout Obser. præcedenti 24. probatum fuit. Ac proinde de dote repetenda nullam vxori constante matrimonio competere actionem, text. in l. 2. ff. de dote prelegat. & in l. sed si alias. ff. de bon. damnat. declarat. At cui actio de iure denegatur, is omnino rem petere non potest, ex textu in l. si pupilli. §. videamus. ff. de negot. gest. patet. Verumtamen * his non obstantibus limitatur hæc regula in eo casu, quando maritus constante matrimonio ad inopiam & egestatem vergat, per express. text. in l. ubi adhuc. 29. in verbis: Non obesse ei matrimonium adhuc constitutum sancimus, sed ita eam posse easdem res vindicare, ut potui set, si matrimonium eo modo dissolutum esset, quo dotis & ante nuptias donationis

Regulariter * dotem siue donationem propter nuptias constante matrimonio repeti nō posse, non solum ex legibus, puta toto tit. ff. & C. solut. matrim. & l. unica. C.

exactio ei competere poterat. *C. de iure dotium.* Quod etiam confirmat sequens text. *in l. in rebus. 30. in fin.* in verbis: *Cum constante etiam matrimonio posse mulieres contra maritorum parum idoneorum bona hypothecas suas exercere, iam nostra lege humanitatis intuitu definitum sit: si et diuortij falsa dissimulatione in huiusmodi causa, quam nostra lex amplexa est, stirpitus eruenda.* *C. cod. facit etiam text. in l. si constante. 24. in princ. ff. solut. matrim. & text. iuris Canonici in c. per vestras. de donat. inter virum & uxorem.* & ibi glos.

- 3 in verbo *inopiam*. Ratio* verò ei⁹ reiecta, quia quo ad exactiōem dotis à pari procedunt, matrimonium esse dissolutum, vel maritū constante matrimonio vergere ad inopiam, per textum supra allegatum, *in d. l. ubi adhuc.* Quamuis
- 4 alias* hæc inter se in eo differant, quòd soluto matrimonio maritus non condemnatur, nisi quantum facere possit, per text. *in l. in condemnatione. ff. de reg. iur. & in l. inter eos. §. fin. cum l. seq. ff. de re iudic.* Secus verò quando in casu inopiæ, constante matrimonio vxor dotem repetit à marito, tunc enim plenè & integrè dos restitui debet. Ratio autem diuersitatis hæc est, quia cum soluto matrimonio

exigitur dos solida & integra, facile fieri posset, vt propter duram istam exactiōem maritus ad summam redigeretur egestatē, quod honestas matrimonii non patitur. Sed cum adhuc constante matrimonio exigitur dos solida & integra, non est periculum, vt ideo maritus egere cogatur; quia dos exacta ab vxore seruabitur pro oneribus matrimonii. Cogitur enim vxor ex dote sibi restituta alere maritum, cōmunes liberos, & seipsam, per express. text. *in d. l. ubi adhuc. 29. ibi: Ita tamen vt eadem mulier nullam habeat licētiā eas res alienandi viuente marito, & matrimonio inter eos constituto: sed fructibus earum ad sustentationem tam sui quàm mariti, filiorūq; si quos habet, abutatur.* *C. de iure dot.* Sed an* hæc etiam procedant in marito, qui non ex delicto vel sua culpa, sed ob casum fortuitum ad inopiam vergat, quæri non incommode potest. Gofredus in *Summatit. de dot. post diuort. restit. tenet*, quòd vxor tunc non debeat vt hoc beneficio repetendæ dotis. Cum nihil sit humanius, quàm cōiugem alterius coniugis calamitatibus condolere, per text. *in l. si cum dotem. 22 §. si maritus. in verbis: Quid enim tam humanū est, quàm vt for;*

*ut fortuitus casibus mulieris maritū,
vel uxorem viri participem esse? ff.
solut. matrim.* At si vxor hoc casu
pergeret exigere dotē, procul du-
bio adderet afflictō afflictionem,
quod iura & humanitas omnino
fieri prohibent. Præterea mouetur
Gofred. & sequaces hac ratione:
quia ius nouissimum *Novell. de æ-
qualitate dotis. §. illud. c.* permittens
vxori constante matrimonio do-
tis repetitionem, loquitur de eo
casu, si maritus male res guber-
net, vel malè vtatur substantia;
quemadmodum verba illius tex-
tus dilucidè testantur. Sed non di-
citur is re sua malè vti, qui per ca-
sum fortuitum deuenit ad pau-
pertatem. Et quamuis reuera hæc
sentētia habeat plurimum huma-
nitatis; tamen à Bartolo & aliis
DD. iuris communiter improba-
tur, qui dicunt, quòd etiamsi ma-
ritus per casum fortuitū fiat pau-
perior, nihilominus mulier dotem
ab illo repetere possit. Nam cum
dos sit publicæ vtilitatis gratia in-
troduc̃ta, semper sarta tecta tenē-
da est, per text. in *l. 1. ff. solut. matr.*
Et in ambiguis pro dote semper
respondendum est, per vulgatam
regulam iuris, *l. quod in ambiguis.*
ff. de diuers. reg. iur. Nec quicquā
refert, * siue ab initio cōtracti ma-

trimonii, puta quando dos daba-
tur, siue postmodum maritus fiat
inops, vel substantia sua malè v-
tatur; quia quādo cūq; id fiat,
vxor nihilominus repetere dotē
suam potest, quasi vergente ma-
rito ad inopiam. Quamuis quidā
DD. hīc distinguant: Aut enim,
(inquiunt) mulier tunc quando
dotē dabat, sciuit maritū esse ino-
pem & decoctorem, & tamen do-
tem ei dedit; quod hoc casu non
possit amplius de restituenda do-
te agere. Sibi enim imputare de-
bet, quòd cuius mores semel ap-
probauit, postea nō possit repro-
bare, arg. *l. si creditores. §. planē. 2. ff.
de priuileg. credit.* & quòd scienti &
volenti regulariter non fiat iniu-
ria, per text. in *c. scienti. extr. de reg.
iur. & in l. cum donationis. C. de trans-
act.* Aut ignorauit illum esse ino-
pem aut decoctorem, tunc ei mi-
nimè id nocere debet. Quæ distin-
ctio licet habeat speciem verita-
tis, tamen quia habet præsupposi-
tum minùs verum, illud nimirum,
ac si vxor possit expressè vel ta-
citè renunciare beneficio repetē-
dæ dotis, puta sciens prudensque
marito obarato & inopi nubens,
dotemq; ei dans, quod nequaquā
subsistere potest, prout Bart. in *d.*
l. si constante. versic. quartò quæro. no.

tat. quem sequitur Abb. *in d. c. pen. ext. de donat. inter vir. & vxor.* Cum nullum pactum siue expressum, siue tacitum sit admittendum, quod faciat contra substantiam dotis, per text. *in l. 2. ff. de pact. dot.* Nemo etenim iuri renuntiare potest quod introductum est fauore publico, DD. *in l. penul. C. de pact. latetradunt.* At vt dotes sint in omnem casum saluæ & integræ, publicæ vtilitatis gratia receptum est, idque periura supra allegata
 7 declaratur. Hinc * fit, quod neq; fideiussores, vxor dotem in eo casu repetens, à marito recipere teneatur, prout glos. *in d. l. ubi adhuc. 29. C. de iure dot. & in d. l. si constat. ff. solut. matr.* probat. Ratione eius rei quidam hanc esse dicunt, quæ habetur *in l. generali. 2. in verbis: Si enim credendam mulier sese suamq; dotem patri marito existimauit: quare fideiussor vel alius intercessor exigitur, vt causâ perfidiæ in coniugio eorum generetur? C. ne fideius. vel mandat. dot. dent.* ac si dicat, si mulier credit corpus suum marito absq; fideiussore, multo magis dotem absque intercessore aut fideiussore credere debet, ne causâ perfidiæ in coniugio generetur. Omni enim lucro concordia maritalis præferenda. *l. reprehendenda.*

5. C. de Instit. & substit. Sed hæc ratio obtinet in eo casu, quando ageretur de securitate & certitudine conseruandæ vel restituendæ post dissolutum matrimonium dotis. At hic agitur de casu, quando constante matrimonio ob inopiam mariti, dotem vxor repetit quo casu alia ratio dari potest, quia nimirum legali dispositione est introductum, quod marito vergente ad inopiam, vxor præcisè debeat consequi dotem, pro alimentis suis & fuorum, & sic ipsa dos est in obligatione. Habemus autem regulam, quod *inuito creditore aliud pro alio solui non possit*, per text. *in l. 2. §. mutui. ff. si cert. petatur. & in l. Paulus. ff. de solut.* Ac præterea * quia fragilis res est cautio, per text. *in l. qui ita. §. 1. ff. ad SC. Trebel.* Et ideo rectè dicitur, melius alicui cautum esse re ipsa, quam si actionem in personâ habeat. per text. *in l. plus cautionis. ff. de diuers. reg. iur.* Nam sicut ab ipso marito ob id dos exigitur, quia vergit ad inopiam & egestatem; ita etiam possent fideiussores eo nomine dati, ad egestatem & inopiam deuenire. Hodie tamè æquitate Canonica admitti fideiussores in hoc casu, vel vt pecunia dotalis deponatur in seque-
 stro.

9 *stro.* Quod * licet regulariter sit prohibitum, per expres. text. *in l. unica. C. de prohibit. sequestr. pecun.* tamen fauore dotis admittitur, per text. *in d. c. penult. extr. de donat. inter vir. & vxor.* Idque tanto magis locum habet, si vxor non sit industriosa, sed ad rem domesticā inepta; vel si furiosa sit, in quo casu loquitur text. *in l. si cum dotē. §. si autem. ff. solut. matrim.* His enim casibus dos ad causam alimentorū omnino sequestrari debet, per text. *in l. mutus. 63. §. manēte. ff. de iure dot.* Nam cum maritus ab vxore accusatur de malē administrando, & ē diuerso vxor est in eadem culpa, tunc locum habet vulgata regula iuris, quod *delicta paria mutua compensatione tollantur*, per textum *in l. viro. 39. & in l. cum mulier. 47. ff. solut. matr.*

10 Quando * verō maritus dicatur vergere ad inopiam, non tam facile id certa aliqua regula comprehendipotest; sed in eo standum est vulgi opinioni, Iudicisq; arbitrio, qua in re sufficit semiplena probatio, vt notat Gail *lib. 2. Obseru. 83. num. 11.* qui ibidem quatuor modos ponit, quibus aliquis ad inopiam vergere dicatur. Ceterū sciendum est, ea * quæ hic de dote dicta sunt, etiam in donatione

propter nuptias, quæ dotalitium appellatur, cū illa quoq; matrimonii oneribus subiecta sit; nec non in aliis bonis paraphernalibus, quæ vxor vltra dotem marito dedit, procedere, per textum singularem *in d. l. vbi adhuc. Spec. tit. de donat. int. vir. & vxor. & Abb. in d. c. pen. nu. 12. in fine.* testantur. In eo * verō potissimū hodie praxi quæstionis propositæ consistit, quod vxor non solum maritū bona dilapidantem & malē vtemtem sua substantia, pro dote restituenda conuenire possit; verū etiam ab aliis creditoribus & detentatoribus rerum ad maritum suum pertinentium, qui non potiora iura legibus habere noscuntur, repetendi habeat facultatē, per expres. text. *in d. l. vbi adhuc. 29. C. de iure dot.* Sæpē enim hodie miseræ mulierculæ siue ob metum maritorum, siue etiam ob id, ne cum discordia in matrimonio viuere cogantur, etiam inuitæ, conuiuere solent maritis, qui quotidie crapulæ & aleæ dediti, decoquunt & abliguriunt omnia bona sua, neque tamen audent illis eo nomine facessere negotium, aut de restituenda dote illos compellere. Quare non solum iuris, sed æquitatis ratio suadet, vt saltem ab

his apud quos mariti sua bona profuderunt, aut quibus illa hypothecæ nomine obligarunt, vxores dotes suas repetere possint. discussio tamē prius marito, per text. in d. l. adhuc. Nam licet vxor sit in eo priuilegiata, quod possit constante adhuc matrimonio repetere dotem: tamen in facto excusationis priuilegiata non est, in quo vtitur iure cōmuni, prout in *Authen. hoc si debitor. C. de pignorib. & hypothec. & in Authen. presente. C. de fideiussor. & mandator.*

OBSERVAT. XXVII.

Num pater & mater filiam, item frater sororem dotare teneatur?

SUMMARI A,

1. Paternum est officium, dotem vel donationem propter nuptias assignare liberis.
2. Filia iam maritalata nihilominus dos à patre debetur.
3. Pater ad duo est obligatus filia.
4. Mulier dotem non adferens marito facile ab eo contemni solet.
5. Maritus uxorem non adferentem dotem, an domo expellere possit.
6. Pater filiam absq. consensu suo nubentem, num dotare teneatur: &

an consensus parentum in nuptijs liberorum sit necessarius.

7. Indignus maritus quis dicatur?
8. Dos filia à patre secundum dignitatem familie, & quantitatem patrimonij constitui debet.
9. Pater inops & oberatus dotare non cogitur filiam.
10. Filia meretrix non debet à patre dotari. quod in duobus casibus falsum.
11. Filiam Hereticam, vel Iudeam pater dotare non cogitur.
12. Monasterium ingredientem filia pater perinde dotare debet, atq. si nubat.
13. Mater an filiam dotare teneatur?
14. Frater num dotare cogatur sorore.
15. Frater dotans sororem: utrum donandi animo id fecisse dicatur?
16. Statutum Regni de sororibus per fratres dotandis.

NON *incognitas esse leges (inquit Imper. Iustin.) quibus cautum est, omnino paternum esse officium dotem, vel ante nuptias donatione pro sua dare progenie, tex. in l. fin. C. de dotis promiss. & nuda. pollicitat. Quod etiā I. C. Martianus in l. capite 19. probat his verbis: Qui liberos quos habent in potestate, iniuria prohibuerint ducere uxores, vel nubere; vel qui dotem da-
re non

re non volunt: ex constitutione Di-
 uorum Seueri & Antonini per Pro-
 consules Praesidesq; provinciarum co-
 guntur in matrimonium collocare, &
 dotare, ff. de ritu nuptiar. Hinc eue-
 nit, quod etiamsi pater esset absēs,
 Iudex ex officio suo nobili de bo-
 nis paternis possit filiaē constituere
 dotem, ne tempus nubendi ob
 absentiam patris perdat; de quo
 est expressus text. in l. profectitia.
 §. §. Sed & si proponas. 4. ibi. Sed & si
 proponas Praetorem vel Praesidem de-
 creuisse quantum ex bonis patris vel
 ab hostibus capti aut à latronibus op-
 pressi, filiaē in dotem detur: hæc quoq;
 profectitia videtur. ff. de iure dot. Ex
 quibus ratio, cur pater filiam do-
 tare cogatur, hæc potissima colli-
 gitur, quod videlicet filia dotata
 facilius & melius nubere possit:
 quod etiam Bart. in l. obligamur. §. 2.
 ff. de oblig. & act. tenet, vbi repre-
 hendit opinionem Accursii, qui
 existimat, quod etiamsi filia iam
 sit maritata, adhuc tamen pater
 eam dotare teneatur. Cessante e-
 nim (inquit ibidē Bartol.) causa,
 effectus etiam & dispositio legis
 cessare debet, per text. in c. cum
 cessante. 60. ext. de appellat. At si filia
 iam nupta est, nulla videtur esse
 ratio cur ad præstandam dotem
 pater cogi debeat, nisi fortē pater

promississet filiaē dotem priusquā
 nuberet, quia tunc fatetur patrē
 cogi posse ad dotandam filiam, li-
 cet filia iā habeat maritum. Hanc
 tamen *Bart. sententiam commu-
 niter DD. iuris improbant, ex ea
 potissimum ratione, quod pater
 ad duo sit obligatus; primo vt fi-
 lia nubilem matrimonio collocet;
 deinde vt eā pro viribus patrimo-
 nii sui dotet, per text. in d. l. capite
 19. ff. de ritu nuptiar. facit textus, in
 l. §. non tantum. 12. ibi: Non tantum
 alimenta, verum etiam cetera quoq;
 onera liberorum patrem ab Iudice
 cogi præbere, rescriptis continetur. ff.
 de liberis agnos. & alend. Et ideo li-
 cet primum illud, nimirum filiaē in
 matrimonium collocatio perfecta
 & impleta est; necessario tamen
 aliud cōsequi debet, nempe dotis
 collocatio, quæ in locum alimen-
 torum succedit. Vbi enim duo
 coniunctim requiruntur, non suf-
 ficat alterum fieri, argu. l. si heredi
 plures. ff. de condit. instit. Et ratio est,
 quia dos non tantum necessaria
 est ad maritandam mulierem, sed
 etiam ad sustinenda onera matri-
 monii, per text. in l. pro oneribus. 20.
 C. de iure dot. & in l. dotis fructum. 7.
 in prin. ff. eod. Quamuis igitur vna
 ratio cessare videatur in filia iam
 maritata, non tamen cessat hæc

altera.

- 4 altera. Quod *eò magis pater præstare debet, cum mulier nupta si nullam dotem adferat, à marito contemni soleat, prout est text. in *Auth. de nuptijs. §. sed à nobis. 18. vers. quis enim duxerit.* Quinimo *maritum posse expellere vxorem, in quantum dos ei data non sit DD. iuris concludunt, idq; per text. in *l. fin. ibi: Neg. enim ferendum quasi casu fortuito interueniente mulierem fieri indotatam, & sic à viro forsitan repelli & distrahi matrimonium. Cad. SC. Velleian.* quod etiam Abb. in *c. per vestras. ext. de donat. inter vir. & vxor.* expressè notat. Verùm tamen id nimis durum esse, atque adeo amorì coniugali pietatique Christianæ repugnare, perspicuū est. *Matrimonia enim non dotibus sed affectu & consensu constare debent.* Quare Imperator quoque Iustin. hanc antiqui iuris seueritatem ad mitiorem benignioremq; iuris noui sententiam, postmodū reduxisse videtur, idque per text. in *l. fin. C. de repud. & in l. fin. C. de donat. ante nupt. in d. §. sed à nobis.* in verbis: *Si quis sub potestate constitutam mulierem, voluntate parentum, aut etiam suæ potestatis fortè ducat vxorem, neg. dote oblata, neg. instrumentis dotalibus factis: nuptiæ quidē sunt, licet dotalia instrumenta non*

sint cōscripta: vt non ob hoc vir (quod in multis nouimus factum) expellat domo vxorem, sine vlla prius dictarū rationabilium causarum. Auth. de nuptijs. Sed quid *si filia inscio patre nupserit, num eo quoq; casu pater ad præstandam illi dotem sit obligatus? Et de iure quidē ciuili consensu parentum adeo est necessarius, vt si is absit, iniustæ liberiorum nuptiæ dicantur, iniusti q; ipsi coniuges, iniusti liberi, matrimonium deniq; non subsistat, per text. in *l. 2. ff. de ritu nupt.* Iure autē Canonico, cui hac in parte stant dum est, consensus parentum nō requiritur de necessitate, sed de honestate tantū, vt inquit *glos. in c. sufficiat. 27. q. 2. & in c. cum causa de rapt. & c. honorantur. c. non omnis caus. 32. q. 2.* Summam etenim haberet id iniustitiam, si liberi ob nō accomodatū à patre consensum spurii & illegitimi reputarentur; vel eo maxime, quod plurimi filii prudētia & doctrina patribus longè sint superiores; quanquam illud semper remaneat, honorandos esse parentes. Vnde communiter DD. & Canonistæ concludunt, quod etiam sine consensu patris filia nubenti dos ab eo debeatur, dummodo idoneo, puta nō indigno marito nubat, de quo
cit

est gloss. notabilis in c. hoc sanctum. in verbo parentū. 32. q. 2. in c. de raptorib. in verbo excusata. in fin. 36. q. 1. Indignus * autem maritus is intelligi debet, qui turpitudine vitæ & infamia aliqua laborat, non qui est inferioris conditionis. nam humilis & abiectus is dici non debet, qui licet pauper est, ingenui tamen parentibus natus est, per express. text. in l. humilem. C. de incest. nupt. quinimo indignus maritus etiam is dici potest, non solum qui moribus indignus & turpis est, ut habetur in l. Sed quæ. 12. ff. de sponsalib. verum etiam qui impar est genere & moribus ipsi mulieri, per express. text. in l. vidua. 18. ibi: *Ut si pares sint genere ac moribus competitors, is potior existimetur, quem sibi consulens mulier approbauerit.* C. de nupt. Hinc etiam * fit, quod non sufficiat dotem filiæ qualemcunque à patre assignari, nisi sit talis, qualis secundum dignitatem & decorem familiæ, & quantitatem patrimonii arbitrio boni viri constitui possit. Idem (ut inquit I. C. Celsus) non difficile est ex dignitate, ex facultatibus, ex numero liberorum æstimare. l. si filia. 43. ff. de legat. & I. C. Papinian. in l. cum post. 69. §. 4. Dotis (inquit) quantitas pro modo facultatum patris, & dignitate ma-

riti constitui potest. ff. de iure dotium. Quemadmodum ex aduerso, * si 9 pater sit inops & obærat, ita ut facultates ipsius non sufficiant ad dotandam filiam; tunc nullo modo cogi potest eam dotare, quinimo si in fraudem creditorum dotem illi constituat, dos nulla erit, per express. text. in l. ait prætor. 10. §. si cum mulier. 14. & in l. fin. §. si à socero ff. quæ in fraud. creditor. Dos enim (ut supra dictum est) constitui debet, pro modo facultatum & patrimonii patris. At ubi nullæ extant facultates, consequenter etiam nulla dos ibi constitui potest. cum non entis nullæ sint qualitates. Idem obtinet, si filia * peccet 10 in corpus suum, quo casu etiam exhæredari potest, per express. text. in l. si filiam. 19. C. de inoff. testā. Quod intelligi debet, nisi pater distulerit eam maritare, postquam nubilis est facta, puta post 25. annum. per text. in Auth. sed si post. C. de inoff. testam. vel nisi resipuerit & penitentiam egerit. argu. Imperialis. 23. C. de nupt. Vbi Imper. Iustin. pulchram admodum eius rei rationē tradit, cuius verba hic adicere placuit: Imperialis benevolentia proprium hoc esse iudicantes, ut omni tempore subiectorum commoda, tam inuestigare, quam eis mederi procure.

procuremus: lapsus quoque mulierum per quos indignam honore conuersationem imbecillitate scexus elegerint, competenti moderatione subleuandas esse censemus, minimeque eis spem melioris conditionis adimere: ut ad eam respicientes, improuidam & minus honestam electionem facilius derelinquant. Nam ita credimus, Dei beneuolentiam, & circa genus humanum nimiam clementiam (quantum nostre nature possibile est) imitari, qui quotidianis hominum peccatis semper ignoscere dignatur, & pœnitentiam suscipere nostram, & ad meliorem eam statum deducere. Quod si circa nostro subiectos imperio nos etiam facere differamus, nulla uenia digni esse videbimur. Et alioquin patria potestas in pietate debet, non in atrocitate consistere. prout Iuris Consultus Martianus in l. Diuus Adrianus. s. ff. ad l. Pompon. de parricid. notat. Item * si filia sit hæretica vel iudæa; nam nedum eam pater dotare cogitur, sed etiam ab omni successionis beneficio repellitur, & fiscus in locum ipsius succedit, ut est glossa singularis in l. si uero. c. ff. de in rem uerso. per text. in l. cognouimus. 19. C. de hæret. Ceterum sciendum est, * quod filia ingrediens monasterium perinde dotari debeat à patre, atque si nubat viro.

Nam à pari procedunt matrimonium carnale cum spirituali, per text. in c. sicut uir. 7. q. 1. quia nubere dicitur qui nubit in Christo. per text. in c. hæc uero. & in c. quæ Christo 26. q. 1. idque probant passim DD. Bald. in l. fin. C. de dot. promiss. & ante ipsum Bart. in Authen. res quæ. C. com. de legat. Quantum uero attinet matrem, num ea quoque ad præstandam dotem compelli possit, breuiter dicendum est, quod non maternum sed paternum sit officium dotare filiam, per expr. text. in l. neq. mater. 14. C. de iure dot. facit glossa in d. l. fin. in verbo paternum. C. de dot. promiss. ubi eadem glossa restringit, nisi sit hæretica. Nam hoc casu mater si hæretica vel iudæa esset, cogeretur filiæ vel filio ad Christianam fidem conuerso dotem & donationem propter nuptias constituere. per text. in c. ult. ext. de conuers. infid. & ibi glossa. Sicut etiam mater Christiana filiis vel filiabus suis hæreticis vel iudaïsantibus, non teneretur quicquam dare in dotem, quemadmodum & de patre superius dictum est. Sed an frater cogatur dotare sororem? sanè si soror habet propria bona, tunc non tenetur frater ei dotem dare, quia itidè non fraternum sed paternum est munus

munus dotare filiam; sicut nec è diuerso soror tenetur fratri aliquid dare in donationem propter nuptias; tamen si esset illa soror inops, & nulla ei essent bona; tunc teneretur illam inopem sororem dotare, puta si sit germana; non item si vterina, prout glos. in *l. omni*, 16. C. de *administr. tut.* disponit, pro quo etiam facit text. in *l. 12. §. 3. ff. de administr. tut.* Quia hoc casu teneretur etiam locuples frater alere inopem sororem; & è diuerso soror diues, deberet alere inopem fratrem, per text. in *l. 1. §. 2. ff. de tut. & rat. tut. distr.* & est glos. per text. in *l. qui filium. 4. ff. ubi pupil. e-*
duc. debeant. Eodem modo, * si frater cum sorore possideant bona communia, frater omnino tenetur sorori constituere dotem, vt est glos. in *l. cum plures. 12. §. cum tutor.* in verbo *alio patre ff. de adm. tutor.* Neque tamen præsumendū est, fratrem ex propriis bonis, & animo donandi id fecisse, prout quidam DD. iuris existimârunt: donatio enim non præsumitur vbi alia coniectura capipoteft, *l. cum in debito. §. 1. ff. de probat.* Hic autem alia est coniectura, nempe dotem ex communi patrimonio esse datam; secus si frater constituisset dotem, nullum patrimoni-

um cum sorore commune habes, tum enim donasse diceretur. Nunc verò magis negotia sororis gessisse videtur, quam donasse. Et ita DD. communiter tenent. Rectius tamen fecerit frater, qui est in cōmunionem bonorū cum sorore, vt quodocunq; dotē illi constituit, curet sibi fieri instrumentū indemnitis, vel vt protestetur se ex bonis cōmunibus dotem assignare, argum. *l. Nescennius. ff. de negot. gest. & l. procul. ff. de probat.* Obiter autem notandum est, in his plerumque attendi consuetudinem, quæ circa dotandas sorores vbiq; locorum introducta est. Sicut & in * Regno inter personas Eque-
 16
 stris ordinis Constitutione publica Anni 1588. cautum est; quòd dotem sorori per patrem indotatæ assignare debeant fratres infra vnum annum post mortem paternam, ex consilio duorum ex linea paterna, duorum ex materna cōiunctorum, quam dotem infra annum post desponsationem eidem reddere, vel sortem bonorum dotis nomine assignare debent. Interim verò ei honestam educationem seu vitæ prouisionē fratres dare tenentur; quinimo si fratres debitis onerauerunt bona paterna; tunc creditores, seu quo-

uis alio titulo iuris possessores eorundem bonorum, ad præstandā dotem fororibus obligantur, provisionemq; itidem vitæ, ad instar fratrum iisdem assignare tenentur, prout de his præfata constitutio latius disponit. Cuius simile aliquid in quibusdam Germaniæ terris, præsertim in bonis feudilibus, observari animadverti.

OBSERVAT. XXVIII.

Consanguinitas seu affinitas utrū & quando matrimonia impediat?

SUMMARI A.

1. *Matrimonium est Sacramentum Ecclesiæ, in quo sacris Canonibus standum est.*
2. *Inter ascendentes & descendentes matrimonium in infinitum prohibetur.*
3. *Parentum & liberorum appellatio quid in se comprehendat.*
4. *Matrimonium inter collaterales, usq; ad quartum gradum prohibetur.*
5. *Computatio graduum iuris civilis in collateralibus, differt à iure Canonico.*
6. *Nesariæ & incestuæ nuptiæ, quæ dicantur.*

7. *Affinitas quomodo impediat matrimonium.*

8. *Affinitas inter virum supersitem & defunctæ uxoris consanguineos usq; ad quartum gradum durat.*

9. *In dispensatione Sanctæ sedis Apostolicæ ab impedimento affinitatis etiam causa publicæ honestatis ex-primi debet.*

10. *Affinitatis genus triplex.*

11. *Cognatio spiritualis qualiter impedit matrimonium.*

Fateor huius quæstionis materiam potius esse fori spiritualis, quàm secularis. Cum *matrimonium sit Sacramentum Ecclesiæ, in quo præcipuè standum est sacris Canonibus, quos etiam seculares leges non dedignantur imitari, prout in c. ult. ext. de secund. nupt. habetur. At quia de his tam in Tribunali Regni, quàm in subfeliis aliorum sæcularium iudiciū, nimis crebrò occurrere solent graues & arduæ controuersiæ; idcirco non incongruum erit, si præcedenti dotium materiæ, etiam hæc de gradibus in matrimonio contrahendo prohibitis adiungatur quæstio. Et in primis sciendum est *Matrimonium inter ascendentes & descendentes prohibitum esse in infinitum, per text. in l. nuptiæ.

ptia. §. 3. in verbis: *Nuptiæ consilire non possunt inter eas personas, quæ in numero parentum liberorum uel sunt; siue proximi siue ulterioris gradus sint, usq; ad infinitum. ff. de ritu nupt.* Parentum *autem appellatio largè hic sumitur, vt patrem, auum, proauum, abauum, atauum, tritauum, & omnes reliquos ascendentes vtriusq; sexus contineat. Et si enim in iure, qui supra tritauum sunt maiores propriè dicantur, latiore tamen appellatione, omnes parentes in infinitum dici honestius esse, & meritò obtinuisse, I.C. Vlpian. in l. quique §. parentem. 4. ff. de in ius vocand. testatur. Sic & liberorum appellatio continet, nepotes, pronepotes, & reliquos descendentes in infinitum, per text. in l. liberorū. 220. ff. de verbor. signif. Et ideo si Adam hodie viueret, vxorem reperire non possit, prout gloss. in §. ergo non omnes, Instit. de nupt. notat. Ratio est, quia omnes ab eo descendimus. Deinde prohibetur *matrimonium inter collaterales siue transuersales. Iure quidam ciuili vsq; ad quartum gradum §. inter. Instit. de nupt. Et ideo hoc iure duorum fratrum vel sororum liberi vel fratris & sororis coniungi possunt, per express. text. in §. duorū.

Instit. cod. tit. de nupt. quia in quarto sunt gradu. Iure autem Canonico, cuius dispositionem in praxi sequi solemus, olim quidem vsq; ad septimum gradum prohibebantur nuptiæ collateralium, vt videre est in text. c. progeni. 16. & in c. de consanguinitate. & c. nulli. 19. 35. q. 3. Hodie verò vsq; ad quartum gradum inclusiue, per expr. text. in c. non debet. ibi: *Prohibitio quoque copulæ coniugalis quartum consanguinitatis & affinitatis gradū de cætero non excedat, quoniam in ulterioribus gradibus non potest absq; graui dispendio huiusmodi prohibitio generaliter obseruari, ext. de consanguin. & ad finit.* Et additur ibidem ratio. *Quaternarius enim numerus benè congruit prohibitioni coniugij corporalis, de quo dicit Apostolus, quod vir non habet potestatem sui corporis sed mulier: neq; mulier habet potestatem sui corporis sed vir: quia quatuor sunt humores in corpore, qui constant ex quatuor elementis.* Quamuis *autem inter ascendentes & descendentes in computatione graduum ius ciuile & Canonicum concordent, vt potè singulis personis, singulos gradus attribuendo: In gradibus tamè collateralium siue transuersaliū longè diuersam habet computatio-

nem graduum ius Canonicum, & Ciuile. Iure etenim Canonico duæ ex transuerso personæ vnum gradum constituunt, exempli gratia, frater & soror constituunt primum gradum; in iure verò ciuili sunt in secundo gradu. Similiratione duorum fratrum filii iure Ciuili censentur in quarto gradu, iure verò Canonico manent in secundo gradu. Ac proinde hoc iure eos à nuptiis prohiberi non est dubium; Canones enim interdiciunt matrimonium ad quartum vsq; gradum inclusiue, vt supra dictum est. Huius verò diuersitatis aliquot rationes ab Alexandro Papa inc. 2. ad sedem. 35. q. 5. adferuntur his verbis: *Denique diu ventilatis (inquit) legibus & sacris Canonibus, distinctè inuenimus ob aliam atq; aliam causam, alicram legum fieri, alteram Canonum computationem. In legibus siquidem ob nihil aliud ipsorum graduum mentio facta est, nisi vt hæreditas vel successio ab vna ad alteram personam inter consanguineos deferatur. In Canonibus verò ob hoc progenies computatur, vt aperte monstratur, vsq; ad quottam generationem à consanguineorū nuptiis sit abstinentum. Ibi præscribitur, vt hæreditas propinquis modo legitimo conferatur: hic verò ut ritè*

& canonicè inter fideles nuptiæ celebrentur. In legibus distinctè non numerantur gradus nisi vsque ad sextum: in Canonibus autem vsq; ad septimam distinguuntur generationē. Hac igitur de causa, quia hæreditates nequeunt deferri nisi de vna ad alteram personam; idcirco curauit secularis Imperator, in singulis personis singulos præfigere gradus. Quia verò nuptiæ sine duabus non valent fieri personis, ideo sacri Canones duas in vno gradu constituere personas. Tales itaq; personæ si inter se coierint, nefarias atq; incestas nuptias contraxisse Imp. Iustin. definiuit, in textu d. §. ergo non omnes. Instit. de nupt. Nefariæ etenim nuptiæ propriè loquendo dicuntur, quæ inter ascendentes & descendentes contrahuntur vsq; in infinitum. Incestæ verò, quarum ex latere siue ex transuerso coniuncti in vetitis gradibus authores sunt, quod & inter personas ratione affinitatis coniunctas locum habet, de quibus nunc dicendum est. Denique prohibentur nuptiæ inter affines, qui parentum liberorumque loco sunt, de quibus in l. non facile. 4. §. hoc itaque. ff. de gradib. & affin. habetur. Inter transuersales verò affines, nulla iure veteri erat prohibitio, vnde poterat aliquis fratris

fratris sui defuncti vxorem matrimonio sibi copulare, prout id in textu *l. licet. 8. C. de incest. nupt.* innuitur; multo magis patrui vxorem, vel auunculi aut consobrini. Quod iure nouo ex textu *in d. l. 8. §. l. s. & tot. C. de incestus nupt.* omnino reprobatum esse constat. Nam & iure Canonico id ipsum prohibitum esse clarè admodum patet, ex textu *in c. quædam lex. & in cap. porro. 35. q. 3.* vbi dicitur, quòd duorum consobrinorum coniuges, quamuis diuersis temporibus, viro vni alteram post alterius obitū nubere, ipsa, præter auctoritatem Canonica publicæ honestatis iustitia cōtradicat. Ac proinde nec vxoris amitā vel materteram, nec patrui vel auunculi mei vxorem habere possum; prout nec ex aduerso, vxor mea patruo vel auunculo, nec amitæ meæ aut materteræ marito, nubere potest. Ratio est, quia hæ omnes personæ parētum loco habentur, prout est text. *in §. item amitam. Institut. de nupt.* Quamuis enim affinitas tam diu durare videatur, quamdiu matrimonium constat, eo vero soluto, affinitas quoque concidere dicitur; attamen quoad prohibitionē nuptiarum, eam adhuc considerare, honestatis ratio suadet. Itaq;

nuptiis per mortem vxoris finitis, nihilominus inter virum superstitem & defunctæ vxoris cōsanguineos, ad quartum vsq; gradu durat affinitatis effectus, prout supra ex textu *in d. c. non debet.* declaratum est: pro quo facit etiam textus *in c. fraternit. 35. qu. 10.* in verbis: Porro vno defuncto, in superstitie affinitas non deletur, nec alia copula coniugalis, affinitatem prioris copule soluere potest. Habita est enim inquit B. Augustinus, rectissima charitatis, vt homines quibus esset utilis atque honestissima concordia, diuersarum necessitudinum vinculis ne cēterentur, nec vnus in vna multas haberet, sed singula spargeretur in singulos, ac si ad socialem vitam diligentius colligandam plurimæ plurimos obtinerent. Pater quidem & socer duarum sunt necessitudinū nomina. Dum ergo habet quis aliū patrem, aliū socerum, numerosius se charitas porrigit, text. *in c. cum igitur. 1. caus. 35. q. 1.* Vnde (sicut Ioan. Andr. in declarat. arbor. affinit. tradit) si mortua est vxor tua, & vis contrahere de dispensatione Ecclesiæ cum sorore vel consanguinea vxoris suæ, idq; Ecclesia dispensat, quòd possis contrahere cum illa, non obstante quòd ibi sit affinis; tali gradu per dispensationem

fationem adhuc contrahere non poteris, quia licet sublatum sit impedimentū affinitatis, non tamen sublatum est impedimentū publicæ honestatis, nisi fortē etiam huius rei in dispensatione mentio facta sit. Hoc autem pro conclusione notandum est, quod in affinitate non sint propriè gradus, sed computantur tantū personæ à consanguinitate contrahentium, ita nimirum, vt consanguinei vxoris, in quo gradu sunt ipsi vxori coniuncti, eodem quoq; gradu ipsius maritum iure affinitatis attingant. Sicut ex aduerso, consanguinei mariti ipsam vxorem.

10 Verū * quò hæc omnia melius cognosci & facilius comprehendiqueant, sciendum est, tria esse genera affinitatis. Primū est, quod mediante vna persona contrahitur. Persona enim personæ addita & per matrimonii vinculum cōiuncta, mutat genus attinentiæ, non autem gradum. Exempli gratia. ego & frater meus sumus cōsanguinei in primo gradu consanguinitatis; frater meus duxit vxorem, illa est persona addita per copulam carnis, & mutat genus, id est, alio genere attinet mihi, quia vxor fratris est affinis, frater verò consanguineus; gradum

autem non mutat; Sicut enim frater est mihi in primo gradu consanguinitatis, ita etiam vxor eius est mihi iuncta in primo gradu affinitatis. Et hoc genus affinitatis habet prohibitionem in matrimoniis vsque ad quartum gradum periura supra allegata. Sed inter consanguineos vxoris & mariti nulla est affinitas, quæ nuptias impedit. Hinc est, quòd pater & filius possunt ducere matrem & filiam, itē duo fratres possunt ducere duas sorores, per text. *inc. quod super his. ext. de consanguin. & affin.*

Secundum genus affinitatis est, quādo primo generi alia persona per carnis copulā addita est. Verbi gratia. vxor fratris mei est mihi primo genere affinitatis iuncta, mortuo verò fratre meo, illa nupsit alii marito, is secundus relictæ fratris mei maritus, erit mihi affinis in secundo genere affinitatis. Sic & in alio casu. Pone, soror mea habet maritum, qui est mihi affinis in primo genere, ea mortua maritus eius aliam recepit, quæ erit mihi in secundo genere, & tamen in primo gradu. Tertium denique genus affinitatis est, quod constituitur mediantibus tribus personis. Persona enim addita per carnis copulam secundo generi, tertium

tertium genus constituit affinitatis. Exempli gratia. Relicta fratris mei vxor, quæ mihi est in primo genere affinitatis, post mortem fratris meinupsit Petro, qui mihi est in secundo genere, tandem ipsa decessit, Petrus postea duxit aliam vxorem, & illa est mihi in tertio genere affinitatis. Hinc queri potest. Vtrum mortuo Petro liceat mihi ducere relictâ eius? Et dicendum est, quòd sic: quia secundum & tertium genus affinitatis hodie non impediunt matrimonium periura supra allegata, licet olim in omnibus tribus generibus affinitatis matrimoniū fuerit prohibitum. Nam in primo genere erat prohibitum vsq; ad legitimum gradum, vt patet ex *d.c. nulli. caus. 35. q. 2. & 3.* In secundo vsque ad quartum. In tertio verò vsq; ad secundum, vt refert Hostiensis in sua Summa. *extr. de consang. & affinit.* Porro quantum * attinet cognationem spiritualem quæ ex Sacramēto baptismi prouenit, gloss. spec. Sax. lib. 1. art. 3. nouem propinquitates; quæ olim matrimonium impediabant, ex ea nasci referens disponit: vt potè primam filiationem inter sacerdotem baptisantem & baptisatū. secundam, compaternitatem in-

ter sacerdotem & patrem baptisati. Tertiam commaternitatem inter eundem & matrem baptisati. Quartam fraternitatem inter filios sacerdotis, puta ante ordinem susceptū procreatos, & baptisati. Quintam filiationem inter baptisatum & suscipientē de baptismo. Sextam filiationem inter eundem & vxorem suscipientis. Septimam fraternitatem inter baptisatum, & filios suscipientis. Octauam compaternitatem inter suscipientem, & patrem suscepti. Nonam maternitatem inter eundem, & matrē pueri, de quibus *in cita diligere. & seq. 30. q. 3. & tot. tit. de cognat spirit.* Potissimū verò Conc. Trid. *sess. 24. c. 2. de reform. matrim.* vbi de huiusmodi cognatione spirituali aliter statuitur, vide.

OBSERVAT. XXIX.

Monachi & religiosi, vtrū ad successionem bonorum iure naturali deuolutorū admittantur?

S V M M A R I A.

1. Monachi & religiosi pro mortuis mundo reputantur.
2. Religiosi iure Saxonico ad successionem non admittuntur.
3. Monasteria ingredientium triplex differentia.

4. Libe.

4. Liberi etiam invito patre monasterium ingredientes, ius succedendi retinent, iuxta iuris civilis dispositionem.

5. Item in successione agnatorum & cognatorum obtinent.

6. Articulus Spec. Sax. 25. lib. 1. à sede Apostolica reprobatus.

7. Refutatio cuiusdam huius temporis IC. qui professionem monasticam impiam appellare ausus est.

8. Religiosi monasterium ingressi, non sibi, verum monasterio acquirunt.

9. Monachus & religiosus quo ad acquisitionem equiparatur seruo.

10. Religiosi Ordinis mendicantium itidem acquirunt monasterio.

11. Monasterium ingressi renuntiare non possunt hereditati in præiudicium monasterij.

12. Ad monasticam vitam suscipiendam dolo inductus, hereditatem monasterio non reliquit.

13. In bonis feudalibus virum religiosum succedant.

1. **M**onachos * & religiosos pro mortuis mundo reputari, iura tam Civilia quam Canonica probant, prout ex textu in c. nullus 54. caus. 2 qu. 7. clarè patet. ubi dicitur, quòd monachorum mortua vox est. Et supra ibi c. placuit.

53. quos non humanis, sed Diuinis vocibus mortuos esse scimus. Idem innuere videtur tex. in l. Deo nobis. penult. ibi: Et hoc tantummodò lucri nomine consequatur ab eo, qui solitariam vitam elegerit, quod debuit legitime vel ex pacto per casum mortis exigere. C. de Episc. & Cler. ubi quo ad repetitionem dotis comparatio fit solitariæ vitæ cum casu mortis. Vnde dicendum esse * videtur, cum Monachi & religiosi dicantur mundo mortui, quòd non debeant admitti ad successionem eorum bonorum, quæ ad eos iure naturali deuoluuntur. Cuius rationis intuitu, in Regno quoque Franciæ consuetudo obtinuit, quòd religiosi ab omni successione repellantur, teste Rebuff. in proemio Constit. Reg. gloss. 5. nu. 21. & sequentib. Quòd etiam respexisse videtur potissimum ius Saxonicum; eo etenim iure monachi & religiosi prorsus incapaces hereditatis declarantur, atque ab omni successione etiam paterna excluduntur, idq; per expressum tex. lib. 1. art. 25. in verbis: Clericus diuidet cum fratribus, ad quam diuisionem monachus non admittitur. & paulò post ibidem. Si autem adultus monachatur, ex tunc iuribus feudi & civilibus est omnino alienus, ac feudalis.

3 ac feuda sua liberè ad dominum suū reuertuntur: nam militia cingulo renunciauit. Vbi etiam gloss. * eiusdem iuris, eos qui monasteria ingrediuntur, sub triplici differentia intelligi debere disponit. Aut enim (inquit) sunt, qui liberè religionem suscipiunt, & in ea professionem faciunt, atq; de his text. d. art. 25. accipiendum esse tradit, quòd videlicet hæreditatē & feudum perdant, ex eo quia mundo renuntiârunt, & ad obseruandū paupertatis votum, nullumq; proprium habendum iuramento sese obstrinxerunt. Aut sunt, qui ante annos discretionis ad religionem vel alliciuntur vel coguntur, & isti sicut è monasterio exire liberè possunt, ita etiam successione priuari non debent, per expref. text. eiusdem iuris d. art. 25. ibi: *Monachetur autem puer, & si minor annis exiuerit, iura feudi & ciuilia recuperabit. Satis enim inutile est,* inquit Marcellus Papa, *ut coacta seruitio Domino præstentur. in c. illud autem. 10. caus. 20. q. 1.* vbi etiam assignatur tempus quindecim annorum, quo elapso minores requiri debent à prælatis, vtrum in religionis habitu permanere cupiant an non? Aut deniq; sunt, qui per vim & metum in monasteriū de-

truduntur, vitamq; monasticam ducere coguntur; isti quoque in monasterio perseuerare cogi nō debent, si timetur de periculo, per expref. text. in c. *cum dilectus. ext. de his quæ vi metusue caus.* Secus est in his, qui beniuolè religionem ingrediuntur; nam hi ad perseuerandum in ea cogi possunt, per text. in c. *propositum. & c. procliuis. caus. 20. q. 3.* Verum enim uero * non ob-
4 stante supra allegati iuris Saxonicæ dispositione, standū hac in parte potius est iuri Ciuili, quo expressè cauetur, quòd liberi etiam inuito patre monasterium ingredienti retineant ius succedendi ex testamento, vel ab intestato, nec ob hoc possint reputari ingrati, per text. in l. *Deo nobis. penul. in verbis: Hoc etiam cognitum nobis correctione nostra dignum esse iudicamus: ut, si quis in parentum potestate constitutus vel constituta, vel forsan huiusmodi iure absolutus vel absoluta, elegerit se monasterio vel clero sociare, & reliquū vitæ suæ tempus sanctimonialiter degerit voluerit; non liceat parentibus eisdem vel eisdem quocunque modo abstrahere, vel propter hanc tantummodò causam, quasi ingratum vel ingratam à sua hæreditate vel successione repellere, C. de Epif. & Cler. Idque gloss. ibi in*

- 5 verbo *parentum*. non solum in parentum, * sed etiam agnatorum & cognatorum successione procedere probat. Quamvis enim (inquit) religiosi non habeant cognationem in terra, utpotè quia eorum cognatio est in cælis; tamen cognationem annexam naturalem retinent. Vnde concludit, quod mutatio status non nocent ad succedendum, per text. *in l. fin. ff. unde liberi*. Satis enim iniquum & impium foret, eos qui perpetuum Dei timorè præ oculis habent, ex eo, quia se obsequio Dei manciparunt priuari portione hæreditatis; quod alias non denegatur mulieri fornicatæ, & quæ se dedit servituti & concupiscentiæ carnis, prout videre est in textu Spec. Sax. lib. 1. art. 5. Atque ideo
- 6 dictum articulum 25. quo religiosos à successione repellendos esse disponitur erroneū esse, atque à sede Apostolica meritò reprobatum, Interpretes istius iuristæstantur, & in fine Speculi Saxon. ubi omnes reprobat articuli recensentur, videre licet. Non equidem
- 7 * ignoro quendam non postremi nominis hoc tempore Iurisconsultum temerè, ne dicam impiè adnotasse in quodam loco, monasticam professionem tan-

quam impiam pro nullo haberi, & quia eam abiciant, pios, illos verò qui sanctè & religiosè in ea perseverant, impios homines dici. O Deus bone qualis iniuria! Turpissimos Apostatas, & Dei religionisque sanctæ desertores detestandos, in piorum numero collocare; sanctis verò & Deo dicatis hominibus indignam impietatis notam impudenter affingere vellet? Professionem (inquit bonus ille I.C.) monasticam tanquam impiam non obstare iis qui eam abiciunt. Ne videlicet melioris conditionis sint impii quam pii. Profectò ille videtur mihi malitiosè dissimulare, ea quæ prudentissimus ille Imperator Iustinianus, idemque religiosissimus Princeps, vitæ monasticæ & solitariæ tribuit elogia. *Conversationis* (inquit ille) *monachalis vitæ sic est honesta sic cõmendare novit Deo ad hoc venientem hominem, ut omnem quid humanam eius maculam detergat. purum autem declaret, ac rationabili naturæ decentem, & plurima secundum mentem operantem, & humanis cogitationibus celsiorem. Si quis igitur futurus est monachus perfectus, indiget & divinarum eloquiorum eruditione, & conversationis integritate. ut tanta dignus factus sit mutatio.*

mutatione. Nouell. de monachis in præfat. Et idem in alio loco: Singularis, inquit, vita, huiusq; contemplatio res est sacra, & ex hoc euehens animas ad Deum, & non solum iuuans eos qui ad hanc accedunt, sed etiam alijs omnibus pro eius puritate & supplicatione ad Deum, prebens inspec- tam utilitatem. Vnde & priscus Imperatoribus studij fuit, & à nobis non pauca sancita sunt, de eorum honestate & ornatu. Sequimur etenim sacras regulas, & antiquos patres qui hæc sanxerunt, quia nihil sine via ad qua- sitionem est imperio, communem om- nium hominum sollicitudinẽ ex Deo accipienti. Nouell. quomo. oport. mo- nach. viuere. 133. Sanẽ si non hæc tanti Imperatoris, tam præclara vitæ & professionis monasticæ tes- timonia, at saltem sanctorum in ea professione patrum & beato- rum illorum numinum, Augusti- ni, Bernardi, Thomæ, & aliorum auctoritas, sanctimonia & inno- centia vitæ, de qua ne iniquitas quidem ipsa sibi mentiri potest, hominis audaciam cohibere de- buerant, ne hac contumelia ordi- nem sacrum gratis proscinderet. Sed iustus Iudex Deus, suorum Sanctorum cõtumelias & impro- peria aliquando vindicabit, quã- do miser illi religiosorum ac Deo

dicatarum personarum contem- ptores, angustiatu cu timore hor- ribili exclamabunt, dicentes: Hi sunt quos habuimus aliquando in de- risum, & in similitudinem imprope- rij. Nos in seorsati vitam illorum æsti- mabamus insaniam, & finem illorum sine honore: ecce quomodo computati sunt inter filios Dei, & inter Sanctos sors illorum est! Sap. 5. Cæterum re- deundo ad propositum, dicendũ 9 est, ob ingressum monasterii ne- minem hæreditate aut successio- ne debere priuari; sed quia tales personæ nihil proprium habere possunt, nec velle aut nolle suum habent, idcirco non sibi sed mo- nasterio acquirunt eiusmodi hæ- reditatem. Eo enim casu, cum ipsi religiosi possideantur à monaste- rio, prout glos. in Authen. Si seruus. in verbo probare. notat; ideo me- ritò monasterium in ipsorum lo- cum succedit, per expres. text. in c. in præsentia. 8. in verbis: Vnde v- niuersa quæ habuerat, erant ad mo- nasterium deuoluta. extr. de probat. Concordat etiam text. in Authen. ingressi. in verbis: Ingressi monaste- ria, ipso ingressu se suaq; dedicat Deo. C. de sacros. Eccles. Nam quo* ad ac- 9 quisitionem, monachus & religio- sus æquiparantur seruo, vt gloss. in l. cum hæredes. §. fin. in verbo non*

puto. ff. de acquir. poss. Sicut enim seruus sibi nihil acquirere potest, sed solum acquirat domino, per text. in §. item vobis. 3. *Instit. per quas personas nobis acquir.* ita etiam monachus & religiosus omnino acquirat monasterio, cum proprium habere non possit. per text. in c. cum ad monasterium. 6. extr. de statu monachor. Nec refert * etiam si quis ingrediatur ordinem Minorum, vel Prædicatorum, vel aliorum qui non possunt habere possessiones; nam quamuis isti ordines bona possidere non possint, ea tamen pro necessitatibus suis & Ecclesiæ vendere possunt. Omnia enim illis concessa intelliguntur, si ne quibus esse non possunt, prout *Specul. lib. 4. tit. de statu monach. nu. 8.* pulchre notat. Vbi etiam illud addit * quod religiosus in præiudicium monasterii non possit renunciare paternæ hereditati, argum. l. fin. C. de bon. qua. liber. Et ideo is hereditatem non tam aditam transmittit ad monasterium beneficio l. unica. C. de his qui ante apert. tab. quia monasterium quasi legitimus hæres filii censetur, per text. cum gloss. in Auth. de sanctiss. Episc. c. sed hoc de presenti. Et sic practitari solet, quod etiā Curia sequitur, prout in causa inter religiosum P. Rai-

mundum Conuentus Leopoliensis. Ord. S. Dominici, & Felicem Pileatorem ciuem Strien. sabatho ante festum S. Iacobi Apostoli Anno 1604. & in causa inter religiosum Gregorium eiusdem Ordinis Conuentus Posnaniensis & Adamum Czernkovvic feria 4 post Dominicam Iudica Anno 1607. pronunciatum fuit. Si tamen quis * dolo inductus monasticam vitam suscipiat, maximè verò si religiosi alicui spe successione ingressum monasterii dolose persuaferint, eo casu dolus quidem ille non vitiat ingressum religionis, quia bonus dolus esse censetur quo quis ad meliorem vitam inducitur, per text. in c. constituit. 42. caus. 16. qu. 7. bona tamen illius religiosi nequam cedere debent monasterio. Panormit. in c. cum dilectus. extr. de his qua. vi metusue caus. nu. 12. probat. Porro quantum * attinet bona feudalia, primo quidem intuitu videtur dicendum, quod a successione feudi regulares & religiosæ personæ excludantur, de quo est clarus textus in c. qui cleric. in verbis: Qui Clericus efficitur, aut votum religionis assumit, hoc ipso feudum amittit, in vsib. feud. tit. si de feudo defuncti content. sit int. dominum. Concordat itidem alius textus eiusdem

eiusdem iuris, *tit. de vasallo milit.* qui arma bellica depos. cuius hæc sunt verba: Miles qui beneficium tenebat, cum esset sine liberis venerabilem domum intrauit, & seculo renunciando, arma bellica deposuit, habitumq; religionis assumpsit, & sic conuersus factus est. Hic donec vixerit, feudum retinere conatur, quod dominus vel agnatus sibi pertinere contendit. Sed iudicatum est domini vel agnati conditionē esse potiore, eod quod desit esse miles seculi, qui factus est miles Christi: nec beneficium pertinet ad eum, qui non debet gerere officium. Et est alius express. text. in *lib. feud. tit. Cleric. feud. amit.* Vbi sic dicitur: Et iure & moribus receptum est, vasallum clericali se militiae dedicantem feudum amittere: Scriptum est enim in Diuinis eloquiis: Miles Christi, seruiat Christo: milites seculi, seruiant seculo. Et ideo clericos & religiosos, nullo modo in beneficium paternum succedere posse, etiamsi habitum assumptum postea rursus deposuerunt, *tex. in c. si femina.* in verbis: Ex hoc illud descendit, quod dicitur Clericum nullo modo in beneficium paternum debere succedere, etiamsi, posteaquam habitum religionis assumpsit, postposuerit. Idem in omnibus qui habitum religionis assument ut conuersi.

Hi enim nec postea in feudo succedunt, & si quod habent, perdunt. in *lib. feud. tit. de feud. femina 30. lib. 2.* Contrarium tamen DD. communiter tenere video, quod videlicet durante vita illius, qui ingreditur monasterium, feudum remaneat penes monasterium, prout *Alex. de Imol. consil. 10.* notat. Ratio est, quia monasterium seruitia domino feudi præstare potest per substitutas personas, quemadmodum præstare solet, quando monasterio ipsi à dominis secularibus feuda conferuntur. Non enim negari potest, plerāq; bona in externis regionibus, puta in Italia, Gallia, & Germania iure feudi monasteriis applicata esse, quæ etiam num ab illis possidentur. Nec obstant prædicta iura ex vsibus feudorum desumpta. Nam hæc ut potè à Longobardis profecta, nulla ratione derogare possunt iuri communi. Cum & alias statuta laicorum non extendantur ad Clericos, prout in c.

Ecclesia Sancta Maria tit. de constit. & ibi Panor.

latissime disponitur.

OBSERVATIO XXX.

Pactum de futura successione,
item renunciatio bonis pater-
nis & maternis à liberis facta,
vtrum de iure subsistat?

S V M M A R I A.

1. Pactis hereditas dari non potest.
2. Pacta de futura successione iniqua,
& contra bonos mores esse dicun-
tur.
3. Pacta futura successionis inducunt
votum captandæ mortis, & aufe-
runt liberam testandi facultatem.
4. Pactiones de futura successione
nec iuramento confirmantur.
5. Differentia inter pactum futura
successionis affirmatiuè & negati-
uè conceptum.
6. Filia renuntiando bonis paternis
& maternis cum iuramento, stare
debet renunciationi factæ.
7. Iuramentum quod sine dispendio
salutis æternæ seruari potest, ser-
uari debet.
8. Pacta futura successionis sub qua-
druplici differentia à D.D. ponun-
tur.
9. Consuetudo Regni inter personas
Equestris ordinis, quod filia bonis
paternis & maternis renuntiare
soleant.

10. Ratio cur in Regno femina à suc-
cessionem paternam fratribus extanti-
bus excludantur.

11. Iure Saxon. renuntiatio successio-
nis coram Iudicio fieri debet.

12. Persona iuri Ciuili seu Magdebur.
subiectæ, equali iure in bona suc-
cedunt facta collatione bonorum.

13. An pactum inter duos pluresue
initum, quod alterutro sine liberis
mortuo, inuicem sibi succedant, de
iure subsistat nec ne?

Pactis *hereditatem dari non
posse, notiatq; explorati iuris
est, Hereditas enim (vt inquit
I.C. Caius) ad nos pertinet, aut
veteri iure aut nouo. Vetere è le-
ge XII tabularum, ve lex testamē-
to quod iure factum est. l. i. ff. de
petit. heredit. Concordat textus in
l. heredit. s. C. de pact. conuent. idque
adeo verum est, quod ne iuramē-
to quidem eiusmodi pacta confir-
mata valeant, neque statuto aut
consuetudine introduci queant.
Ratio est, quia viuentis nulla est
hereditas, per text. in l. i. §. Si inpu-
bere. 21 ff. de collat. & in l. i. ff. de ha-
redit. & act. vendit. ac proinde vbi
pacta tanquam contra bonos
mores inita non valent; ibi nec
statuto vel consuetudine ea fir-
mari possunt; Nam iuxta legiti-
mas

mas sanctiones pactum turpe vel rei turpis, aut impossibilis de iure vel de facto nullam obligationem inducere potest, per text. in c. sui
 2 ext. de pactis. Pacta * verò de futura successione iniqua & contra bonos mores esse text. in l. fin. C. de pactis. apertissime declarat his verbis: *Sed nobis omnes huiusmodi pactiones odiosæ esse videntur, & plene tristissimi & periculosi euentus. Quare enim quodam viuente & ignorante, de rebus eius quidam paciscentes conueniunt? Secundum veteres itaq. regulas sancimus, omni modo huiusmodi pacta, quæ contra bonos mores inita sunt repelli, & nihil ex his pactionibus obseruari, quod tamē ibid. ita limitatur; nisi ipse fortè de cuius hereditate pactum est, voluntatem suam eis accommodauerit, & in ea usque ad extremum vitæ suæ spatium perseuerauerit, tunc etenim sublata acerbissima spe, licebit eis illo sciente & iubente, huiusmodi pactiones seruare. Cum ut ibidem habetur, in alienis rebus contra domini voluntatem aliquid fieri vel pacisci improbum sit.*
 3 Vnde liquidò * constat, eiusmodi pacta non solum contra bonos mores esse, sed etiam plena tristissimi & periculosissimi euentus, quia inducunt votum captandæ mortis illius de cuius hereditate

agitur, & faciunt insidiari vitæ ipsius, auferuntq; liberam testandi facultatem. Et ideo * rectè ex cōmuni DD. sententia concluditur, talia pacta de succedendo, nec iuramento confirmari posse, quippe contra bonos mores inita. Nō est enim obligatorium contra bonos mores præstitum iuramentū, per text. in c. non est obligatoriū. § 8. de reg. iur. in 6. Sed hoc verum est
 4 in * pacto futuræ successionis affirmatiuè inito, puta si fortè filius viuente adhuc patre hereditatem paternam alicui vendere, vel aliquopiam pacto alienare vellet. Secus verò est in pacto futuræ successionis negatiuo, puta de non succedendo alicui facto. Nam quamuis etiam tale pactum de iure non valeat, vt est text. in l. pactum dotal. 3. in verbis: *Pactum dotali instrumento comprehensum, vt contenta dote, quæ in matrimonium collocabatur, nullum ad bona paterna regressum haberet, iuris auctoritate improbat: nec intestato patri succedere filia ea ratione prohibetur. Dotem sanè quam accepit, fratribus qui in potestate manserunt, conferre debet. C. de collat.* Quod si * tamen huiusmodi pactum iuramento fuerit confirmatum, utpote si filia accipiens dotem renunciaret paternæ
 5
 6
 V heredi-

hæreditati mediante iuramento, eo casu talis renunciatio omnino seruari debet, de quo est express. textus in cap. *quamuis*. 2. in verbis:

Quamuis pactum patri factum à filia dum nuptui tradebatur, ut dote contenta, nullum ad bona paternæ regreßum haberet improbet lex civilis: sitamen iuramento non vi nec dolo præstito firmatum fuerit, ab eadem omnino seruari debebit. Cum non vergat in æternæ salutis dispendium, nec redundet in alterius detrimentum.

- 7 tit. de pactis in 6. Ex quibus * ratio satis manifesta apparet, quia videlicet omne iuramentum seruari debet, quod sine dispendio salutis æternæ seruari potest, per expr. text. in c. *cum contingat*. 28. extr. de iure iurand. Quoniam verò tale pactum negatiuum non est contra bonos mores, nec inducit votum captandæ mortis alienæ, nec aufert liberam testandi facultatē: ideo si fuerit iuramento vallatum, in suo robore permanet, per iura & rationes supra allegatas. Verum enimvero pro * faciliiori eius rei intellectu sciendum est, huiusmodi pacta passim à DD. v. surpari sub quadruplici differentia, quod etiam glo. Sp. Sax. lib. 2. art. 30. tradit. Aut enim (inquit) fiunt de successione conseruanda, & hu-

iusmodi pacta valere, per text. in § fin. Instit. de legitima agnat. succes. Aut de amittenda, id est de non succedendo, sicut filiæ solent aliquando renunciare successioni paternæ & maternæ, in qua si iuramentum interueniat, renunciationem talem itidem omnino valere, supra declaratum est. Cæterum * notissima huius Regni maximè inter Equestris ordinis homines consuetudo, quod filiæ à successione paterna & materna fratribus extantibus, dummodò de dotibus ipsis prouideatur, per pacta & conuentiones quæ circa desponsationem & elocationem illarum in matrimonium fieri solent, excludantur omisso etiam iuramento, dummodò ad acta publica eiusmodi renunciatio fiat, de quo est antiquum Statutū Casimiri Regis Anno 1368. Vislicia conditum. Secus est si fratres superstitēs non habeant. eo etenim casu ipsæ hæreditant, non obstante pacto de non repetenda hæreditate circa elocationem in matrimonium facto, idq; per Statutum Vladislai Jagellonis Anni 1423. Porro * quantum attinet hanc tax-10 minarum à successione paterna exclusionem in Regno obseruari solitam, satis claras & euidentes causas

ea res videtur habere rationes. Interest enim Reipub. vt ordinū dignitas familiarumque salua sit, per text. *in l. 1. §. sed & si. 13. ff. de in-
spiciendo ventre.* In feminis verò finiri familiæ & agnationis nomen experientia ipsa testatur, de quo est etiam text. *in l. pronuntiatio. in fin. ff. de verb. signif.* Sequitur enim forum & familiam viri, per text. *in l. femina. ff. de Senator.* Et liberi ex ea procreati non in eius sed in patris familiam reputantur, prout id IC. Cfaus *in l. familiæ. §. feminar. ff. de verb. signif.* disertioribus verbis declarat. Vnde si feminæ in familiis nobiliū succederent in bona paterna & materna, faciliē tales familiæ decreſcerent, & bona in alienas familias transferentur: vt nō immeritō maioribus nostris visum sit iura ita constitui, quò hæreditates ad masculos tantū deuoluerentur: sed hæc vt antea commemorauī magis inter personas ordinis Equestris, quā inter personas iuri Ciuili & Maydeburgensi subiectas locū habent. Quāuis de his etiam * ius Saxon. lib. 2. art. 30. hoc modo disponat: *Hæreditatem seu successionem qui sibi non iure cognationis sed promissionis, seu donationis deberi dicit, hoc pro irregulari habetur, nisi promissio huius-*

modi coram iudicio sit confirmata. Vnde etiam hoc iure dicendum videtur, quòd eiusmodi renuntiatio ad acta publica, vel vt textus loquitur, coram iudicio facta, valida prorsus remaneat. Nam talis contractus factus apud Acta publica, æquiparatur confessioni in iudicio factæ, & mandatur executioni tanquam confessio iudicialis, per text. *in l. tale pactum. §. qui prouocauit ff. de pact.* Attamen huiusmodi renuntiationes rarissimè inter supradictas personas obseruantur; vtpotè in quibus non vſque adeo attenditur familiarum huiusmodi conseruatio. Et ideo tales personæ * siue sint filii vel filia, æquali iure in bona paterna & materna succedunt, dotemque & donationē ante nuptias, si quam ex bonis paternis acceperunt, in collatione bonorum computare solent: per textum *in l. illud. §. ad hæc. §. de collat.* Quod etiam praxis Curia probat. Et ita in causa Ioachimi Plonski contra Plonska Varſouia feria quarta post festū Conuersionis S. Pauli Apostoli anno 1600. iudicatum fuisse constat. Aut sit pactum de iure successionis acquirendo, atque illud sine consensu viuentis non valere, paulò ante per text. *in d. l. fin. C. de pact.*

pact. probatum est: quinimo auferitur tali tanquam indigno hæreditas, & applicatur fisco, per text. *in l. quidam. §. donationem. §. in l. seq. ff. de donat.* Aut deniq; fit de iure successionis certo modo diuidendo, & tunc distinguendum est. Aut enim fit respectu incerti hominis, vt quia duo pluresve paciscuntur diuidere omnem hæreditatem sibi obuientem, & huiusmodi pactiōē validam esse, text. *in l. 3. §. de illo. ff. pro socio* probat. Aut fit pactum respectu certi hominis, pura de diuidenda hæreditate Petri, tunc huiusmodi pactum sine illius consensu de cuius hæreditate agitur, non valet, per textum *in d. l. fin. C. de pactis.* plura de his apud Bart. *in repetit. d. l. fin. C. de pactis. num. 17.* videre licet. Sed quid

13 si inter duos pluresve conuentū sit, quod alterutro sine liberis mortuo, ad superstitem bona perueniat, an huiusmodi pactum valeat? Et cōmuniter DD. illud omnino valere existimant, quia videlicet in tali mutua & reciproca conuentione consensus vtriusq; interuenit, & periculum illud captandæ alienæ mortis cessat; imo talis conuentio non tam videtur esse pactum futuræ successionis, quam obligatio quædam condi-

tionalis, si videlicet alteruter sine liberis decedat, quæ obligatio adueniente conditione pro pura habetur per text. *in l. necessario. §. 1. ff. de peric. & cōmod. rei vendit.* Quod tamen eatenus verum esse DD. iuris affirmant, si nimirum eiusmodi mutua de succedendo conuentio, per stipulationem causa donationis inter viuos fiat. licet post mortem demum suum sortiatur effectum. Ac insuper si non omnem hoc modo paciscentibus auferat testandi facultatem, vt puta, si quilibet eorum aliquid sibi ex bonis retineat, de quo testari postmodum possit; vel saltem si de præsentibus tantummodò bonis, non etiam de futuris inter illos pactum sit. Nam hoc casu, si de futuris bonis nulla mentio sit facta, posset aliquis post conuentionē taliter celebratam aliquid superlucrari, & sic de lucro suo testamentum facere, prout Bart. *in d. l. fin. num. 11. & seq.* latius tradit.

OBSERVAT. XXXI.

Pactum cum emptore initum, vt rem emptam venditori eodem pretio restituat quodcumq; ceciderit, quod vulgò pactum de retrouendendo dicitur, an de iure sit permissum, nec ne?

S V M M A R I A.

1. Pactum de retrouendendo iure Ciuili & Canonico probatissimū est.
2. Ex pacto de retrouendendo nascitur actio personalis præscriptis verbis, vel ex empto.
3. Emptor fructus omnes lucratur ex re emptæ pacto retrouendendi.
4. In pacto retrouendendi modicitas pretij facit præsumptionem illiciti contractus usurarij.
5. Modicitas pretij vel pensionis quæ dicatur?
6. In pacto retrouendendi attendi debet, nūm emptor usuras exercere sit solitus.
7. Præsumptiones aliæ, quæ pactum de retrouendendo arguunt esse feneratorium.
8. Admonitio Authoris vt cautè admodum huiusmodi pactis de retrouendendo ineatur.
9. Antichresis quid sit, & an de iure permissa?

PACTUM * de retrouendendo pro eodem pretio in continenti appositum in contractu, probatissimum esse DD. iuris communiter colligunt, ex textu legis si fundū. 2. C. de pact. inter emptor. & venditor. cuius hæc sunt verba; Si fundum parentes tui ea lege vendide-

runt, vt, siue ipsi siue hæres eorum emptori pretium quancumque vel intra certa tempora obtulissent, restitueretur, teq. parato satisfacere conditioni dictæ, hæres emptoris non paret, vt contractus fides seruetur, actio præscriptis verbis, vel ex vendito tibi dabitur, habita ratione eorum, quæ post oblatam ex pacto quantitatem, ex eo fundo ad aduersarium perueniunt: Idq. non solum lege Ciuili, sed etiam iure Canonico permillum esse probatur, per text. in c. ad nostram. in verbis: Quod patet ex eo, quod creditor debitori promisit, quod quancumq. à septennio vsque ad nonennium daret XL uncias tarenorum, quæ vix dimidiam iusti pretij contingebant, domos eius restitueret & oliuæ. ext. de empt. & vendit. pro quo etiam facit text. in c. illo vos 4. tit. de pignorib. Quinimo sacra scriptura id ipsum attestatur, dicente domino Leuit. c. 25. Cuncta regio possessionis vestre sub redemptionis conditione vendetur. Vnde manifestò liquet, non solum probatissimum, sed etiam efficacissimū esse hoc pactum de retrouendendo. Et primo * quidem, quod ex eo nascatur actio personalis ex empto, vel præscriptis verbis, vt supra dictum est in text. d. l. si fundum. Quamuis quidam etiam rea-

lem actionem vtilem nimirum rei vendicationē, ex huiusmodi pacto nasci existiment, vt notat *Gail lib. 2. Obser. 16.* qui priorem amplexus sententiam firmiter tenet, Primum venditorem vigore pacti de retrouendendo, nulla ratione posse agere contra tertiū possessorem actione reali, id est, rei vendicatione, sed tantum personalipræscriptis verbis, vel ex empto ad interesse, si nimirum res ab eo, cui sub pacto retrouendendi fuit vendita, in alium simpliciter fuerit alienata. Perinde enim (vt idem inquit *lib. 2. obser. 19. num. 7.*) actio personalis in rem scripta re afficit, & possessorem sequitur, atq; actio verè realis, idq; per text. *in l. 3. in hac actione. §. est autem. 3 ff. ad exhibend.* Deinde * in eo etiam efficax huiusmodi pactum esse videtur, quod emptor fructus ex re emptā stante adhuc huiusmodi emptione perceptos omnino lucretur, neq; eos in sortem computare teneatur, quo casu non censetur esse contractus huiusmodi vsurarius, vt notat *Abb. Panor. in d. c. ad nostram. num. 9. tit. de empt. & vendit.* Facit etiam glo. *in c. coqueius. 8. in verbo de feudo ad fin. tit. de usur.* Ratione enim onens adiectū in contractu puta

conditionis de retrouendendo, res videtur minus valere, quia onus videtur pars pretii, per text. *in l. fundi partem. ff. de contr. empt.* Nec obstat, quod in casibus quibus contractus venditionis ipso iure resoluitur, & dominium in venditorē (vt ita dicam) retrahitur, fructus venditori restitui debeant, veluti in pacto additionis in diem, cum videlicet ita res venditur, si quis intra certum tempus meliorem conditionem attulerit, per text. *in l. item quod. 6. & in l. Imperator. 16. ff. de in diem addit.* vel in pacto legis Commissorie, puta, quando res ea conditione venditur, vt si intra certum tempus pretium solutum non sit, res inempta sit, per text. *in l. lege fundi. 8. ff. de lege Commiss.* Nam his casibus perinde est, atq; si res nunquam vendita fuisset, interueniente nimirum conditione, vel non, pactis huiusmodi adiecta. Secus si non ipso iure dominium in venditorē retrahitur, sed ex partiu conuentione contractus soluendus venit, prout id in pacto de retrouendendo fieri solet, in quo statim ab initio contractus, vera & efficax interuenit venditio, vel cum conuenit vt res vendita, si intra certum tempus displicuisset, redderetur.

retur. His etenim casibus fructus omnes cedunt lucro emptoris, prout supra probatum est. Cæterum in eo, ne contractus huiusmodi emptionis cum pacto de retrouendendo illicitus & fœneratitius esse dicatur, DD. iuris hæc duo maximè necessaria esse docent. Primum * vt sit iustum pretium; nam ex modicitate (vt illi loquuntur) pretii præsumitur qualitas contractus vsurarii. vt notat Panorm. in d.c. ad nostram. num. 9. Nam nemo (inquit) præsumitur iactare suum, per text. in c. super hoc tit. de renunciat. Quod locum habere nequit in rustico & muliere, quarum personarum simplicitas doli præsumptionem tollit, per tex. in l. si quis id ff. de iure omn. iud. & l. 1. §. fin. ff. de eden. Modicitatem * verò pretii eam esse intelligunt, quæ est infra dimidiam veri valoris, idq; per express. text. in d.c. ad nostram. Quo casu etiam pensio ex rebus tali pacto emptis proueniens, omnino considerari debet vt nimirum sit iusta & quantitati pretii respondens ita, quod talis pensio multiplicata per 20 annos, ascendat ad totalem æstimationem rei locatæ, & sic erunt quinque vel ad summum sex pro centenariis. Licet enim ex

pacto huiusmodi rem emptam locare non solum cuilibet alii, sed etiam ipsi venditori, prout Summa Syluestr. in verbo *Vsura. 2. num. 15. versic. quartum. & num. 16. in pr.* de his latissime disponit. Alterum est * quod necessario in hoc pacto attendi debeat, ne videlicet emptor alias sit solitus fœnerari, per text. in l. quod si nolit. §. qui assidue. ff. de edilit. edict. & in d.c. illo vos. tit. de pign. probat gloss. in d.c. conquestus. in verbo de feudo. Sunt præter hæc duo * etiam aliæ conuentiones, quæ pacto de retrouendendo contra naturam contractus appositæ, præsumptiones faciunt contractum huiusmodi esse vsurarium & illicitum, qualis est illa, quando apponitur pactum de retrouendendo in maiori & cariori pretio, vt ideo fructus computentur in sortem. Talis enim contractus præsumitur fœneratitius ex eo, quòd in vera emptione fructus cedere debeant commodo emptoris, qui tali pacto præsumitur extorti esse causa vsuræ, prout in pignoribus fieri solet de quo proprius est casus in d.c. illo vos. tit. de pignor. vel quando sit pactum de retrouendendo, certo termino elapso pro modico pretio, tunc etiam talis contractus præsumitur esse

esse vsurarius, de quo proprius est casus *in d.c. ad nostrā*. Nam alias quando fit pactum de retrouendendo iusto pretio, non est differentia, an fiat vsq; ad certum tempus completum, vel in perpetuū. Vtroq; enim casu est licitum tale pactum, nec ex eo nascitur aliqua præsumptio mala, idq; per expr. text. *in d. l. si fundū. 2. C. de pact. inter empt. & vendit.* quod etiam tangit Summa Syluestr. in verbo *usura 2. num. 15.* Vel denique, quando quis petebat mutuum offerendo rerū suarum hypothecam, alter verò malit emere quā mutuare, & sic sequutus sit contractus emptionis, etiam eo casu existimant quidam præsumi contractum vsurarium, quod tamen Abb. Panorm. *in d.c. ad nostram. circa fin.* non probat; sed hæc præsumptionem tantū faciunt, non autem probant contractum esse illicitum. In summa quando pretium est iustum, & intētio siue bona fides ita quod in veritate vult quis rem emere, & malit emere absolutē, quā cū tali pacto, affirmatiuē dicendū est, talem emptionem cum pacto retrouendendi intra tot annos siue perpetuō, de iure fori & poli omnino valere, & fructus omnes ex ea re perceptos emptorem suos

facere, per iura supra allegata. Et ita concludit Summa Syluestr. in verbo *usura. 2. dicto loco.* Et ideo neque præscriptione triginta vel amplius annorū tolli posse; quicquid in contrarium nonnulli Interpretes iuris dicant, per ea quæ Mynsing. *Obseru. 16. Cent. 1.* notat. Vellem *equidem practicos (vt dici volunt nostrates) hæc omnia perpēdere paulō accuratius, quō in huiusmodi contractibus inter priuatas personas paciscendis & cōscribendis cautius procedant, sciantq; qua ratione quibusve conditionibus differat iste cōtractus a pignoratitio, qui merē est illicitus & vsurarius, per iura supra allegata. Fieri enim plerumq; solet, magno (proh dolor) conscientiarum cum dispendio, vt pro contractu in vim reemptionis qui alias *nā Wyderkaw* apud nos appellari solet, imperitis hominibus alium pignoratitium (quem vulgō obligationem appellant) propter similitudinem quandam, temerē obtrudāt, licetq; & absq; periculo salutis animæ talem contractum iniri posse persuadeant; quinimo quod turpius est nomine etiam pacti de retrouendendo alias *Wyderkaufem*, pulchro quasi honestatis velamine, illicitum hunc

hunc fœnoris contractum adornare consueuerunt. Planè si rectis, nō verò limis (vt aiūt) oculis intueri velint, vel ex formulis inscriptionum, quæ in codice Statutorum Regni positæ sunt, facillè id cognoscerent, aliam esse naturam contractus reemptionalis, alias nā *Wjderkau* dictis; aliam verò obligationis: quā omnes Theologi & Canonistæ improbant, & contractum hunc omnino vsurarium esse docent. Quamuis enim legistæ, * id est iuris Ciuilis interpretes Antichristin, id est speciem pignoris ita dati, vt ex eo fructus loco vsurarum percipiantur, donec pecunia in sorte restituatur, passim admittant, per text. in l. 11. §. 1. ff. de pignor. & in l. 33. ff. de pignor. act. attamē iure Canonico (quod hac in parte omnes, præsertim verò ii qui Catholicæ Ecclesiæ subsumunt, omnino sequi debent, vtpote quia in materia peccati huic iurimagis sit credendum, per not. text. in c. nouit. tit. de iudicijs. & c. 1. & 2. tit. de noui oper. nunc.) huiusmodi cōtractus antichristeos subsistere non potest. Notum est enim vsuram contrahere eum, qui fructus ex re sibi pignorata in lucro deputat, per text. in c. 1. tit. de vsuris. & in d. c. illo vos. tit. de pignor.

Tutius enim & honestius est, vt tales fructus in sortem computentur, & cum sorte compensentur, si consumpti sunt, per text. in l. si dominium, C. de pignor. act. vel si extant, vt loco pignoris sint, per text. in l. si conuenerit. ff. de pigno. act.

OBSERVAT. XXXII.

Pactum legis Commissoriæ (quod nostrilapsus vulgò vocant) an de iure valeat nec ne?

S V M M A R I A.

1. Pactum l. Commissoriæ alio modo sit in emptione, quàm in pignore.
2. Pactum legis Commissoriæ in emptionibus approbatur, non item in pignoribus.
3. Ratio differentie, cur in emptionibus hoc pactum l. Commissoriæ valeat, non itidem in pignoribus.
4. Casus quibus etiam in pignoribus pacta l. Commissoriæ locum habeant.
5. Admonitio authoris, de vitando hoc contractu, maxime in pignoribus.
6. Consuetudine pactum l. Commissoriæ in pignoribus non roboratur.

Dictum fuit Obseruat. præcedenti de pacto legis Commissoriæ; quod an de iure valeat necne,

1 necne, quæri non invtiliter pos-
 sit? Et inprimis *sciendum est,
 aliam esse huius legis non solum
 naturam & rationem, sed etiam
 formulam in contractu emptio-
 nis & venditionis; aliam verò in
 contractu pignoris. Nam in em-
 ptione fit hoc modo: *nisi pretium*
rei emptæ solutum sit ab emptore in-
tra tale vel tale tempus, res sit inem-
pta, per expres. text. in l. cum ven-
ditor. 2. ff. de leg. Commiss. at in pi-
 gnoribus longè aliter illud concipi
 solet; puta, *nisi debitor soluerit*
intra certum tempus conuentum, res
pignolata sit creditoris, vel sit ei ven-
dita, vel in solutum data pro suo cre-
dito, vel ut creditor eam vendat, do-
net, pro suo arbitrio, &c. gloss. in l. 1.
in verbo creditoribus. ff. de pact. pi-
 2 *gnor. & de l. Commiss.* Et ideo *aliter
 quoque in emptione & venditione,
 quàm in pignoribus de hoc
 pactol. Commissoriae in iure dispo-
 nitur. Nam in emptionibus hu-
 iusmodi pactum omnino valere
 iuris tam Civilis, quàm Canonici
 Interpretes communiter statuunt.
 Secus vero in pignoribus, in qui-
 bus tale pactum reprobatum esse
 expressus textus in l. quoniam 3. in
 verbis *Quoniam inter alias captio-*
nes, præcipue Commissoriae pignori
legis crescit asperitas, placet infirmari

eam, & in posterum omnem eius me-
moriæ aboleri. Si quis igitur tali
contractu laborat, hac sanctione re-
spiret, quæ cum præteritis præsentia
quoque repellit, & futura prohibet.
Creditores enim re amissa iubemus
recuperare quod dederunt. C. de pact.
pignor. probat. pro quo facit etiã
text. in c. significante 7. in verbis:
Cum igitur pactum legis Commissoriae
sit in pignoribus improbatum. tit. de
pignor. Rationem autem huius
 3 *differentiæ Abbas Panorm. in d.*
c. significante. num. 7. duplicem po-
 nit. Primam, quia communiter
 venditio fieri solet pro iusto pre-
 tio, quantū videlicet res ipsa va-
 let; & licet quandoq; aliter eueni-
 at, tamen id rariùs fit, & iura ad-
 aptantur ad ea, quæ frequenter
 contingunt. l. nam ad ea. 5. ff. de le-
 gibus. Secus est in pignore quod
 communiter solet obligari, pro
 minorilongè quantitate quàm res
 valeat. Vnde si tale pactum in pi-
 gnore valeret, multum deciperetur
 miseri debitores, puta, quòd
 debitore ad præstitum tempus nò
 soluente pecuniam, pignus ma-
 neat creditoris; quod in emptio-
 ne & venditione omnino cessat;
 nam hoc pactum neque empto-
 rem damno afficit, neque lucro
 veditorem: sed omnia in pristino
 statu

statu remanent, rescisso videlicet contractu venditionis, vt supra dictum est. Alteram verò rationem assignat, quia tale pactum in pignore videtur quodam modo fouere vsuras. Nam creditor in tali pacto habet spem consequendi illud lucrum, quod elapso termino ex minori pretio in pignus dato, ad se peruerturum est, quod fieri non debet, per text. in *c. consuluit. tit. de vsuris*. Verum enim uero * secundum communem DD. opinionem, ea quoq; quæ de pignoribus dicta sunt, recipiunt quasdam limitationes. Et primò quidem si id actum fuisset in pignore dato, vt id esset venditum creditori, vel datum in solutum pro iusto pretio, tunc enim valere huiusmodi pactum text. in *l. fundus. in fin. ff. de pignor.* probat. Neq; enim eo casu decipi videtur debitor, cum iustum pretium relinquitur arbitrio boni viri, per text. in *l. fin. C. de iure dom. impetr.* Secundò, si non ipse debitor cum creditore tale pactum faciat, sed alius, puta fideiussor, tunc idem valet, per text. in *l. ult. in prin. ff. de contrahen. empt.* Tertiò, quando pactum legis commissoriæ in pignore fuit adiectum ex interuallo, nò autem in principio contra-

ctus, per text. in *l. Titius. 34. ff. de pignor. act.* Ratio diuersitatis est, quia debitor mutuans pecuniam facillè consentiet in omne pactum creditori, quod ipse vellet ab initio, vt saltem optatam obtinere posset pecuniam; & ideo reprobatur tale pactum ab initio contractus appositum; continet enim in se quandam asperitatem & violentiam, vt in *d. l. quoniam. C. de pact. pignor.* disponitur: quæ ratio cessat, quando iam adepta pecunia, debitor ex interuallo dictum pactum apponit. Sanè huiusmodi pactum ex interuallo postea adiectum, valet quo ad retentionem & exceptionem quærendam ipsi creditori, pignore apud eum existente, ne videlicet debitori illud restituere teneatur: non autem quo ad actionem, vt nimirum rem apud creditorem existentem petere possit. ita tenet Abb. Panorm. in *d. c. significante. num. 6.* per text. in *l. 2. C. de pact. pignor.* Deniq; fauore etiam dotis approbari tale pactum quidam existimant, puta si mulier vel pater illius promisit dotem marito in pecunia, & dedit fundum vel aliam rem in pignus, eo pacto quòd si intra certum tempus pecunia non soluatur, fundus vel res illa sit in dotem data; &

hæc est sententia Baldi *in c. 1. de fund. dot. in vim l. Commiss.* idque argum. *l. quamuis. 45. ff. de solut.* probat. Verum tamen indistinctè tenendum est, tam ex parte mulieris cui dos venit restituenda, quàm ex parte mariti cui dos venit danda huiusmodi pactum non valere. Nam *in d. l. quamuis.* nihil habetur de pacto legis Commissoriæ, sed tantum agitur de dote reddenda vxori. Atq; hæc est communis opinio, licet in contrarium multa speciosa & plausibilia argumenta adferri possint, prout Negusantius *in tractat. de pignor. 4. parte in prin.* fusiùs ea tractat. Optarem * etiam in hoc contractu nostrates, maxime verò Equestris ordinis homines cautiores esse. Et si enim nulla lex in statutis Regni reperiatur, quæ hoc pactum l. Commissoriæ (quod vulgò apud nostrates lapsus appellari solet) approbare videatur, consuetudine tamen superiorum temporum adeò is contrahendi modus inoleuerat, vt iam pro cōtractu emptionis & venditionis (pignore nimirum in rem propriã verò) passim ab omnibus vsurparetur. Qui cōtractus per semultum alioquin odiosus, cum summa iuris & æquitatis ratione ab Augustissimo illo Tribunalis Re-

gni Iudicum ordine aliquoties reprobatum esset; factum est, vt iam rarior eius vsus sit. Neque * enim multum hic attendi illud debet, quod vulgò pro tuendo hoc contractu in pignoribus à practicis nostris adferri solet, consuetudine nimirum longæua eum approbatum esse, ac proinde omnino valere debere. Nam consuetudinis vsusq; longæui, licet non vilis auctoritas esse debebat, tamen non vsque adeo sui valitura momento, vt aut rationem unicat, aut legem; vt inquit Imperat. Constantin. *in l. consuetudinis 2. C. quæ sit longa consuet.*

OBSERVAT. XXXIII.

An res pignori data à creditore oppignorari aut vendi possit?

S V M M A R I A.

1. Res aliena pignori sine domini voluntate non potest.
2. Pignus pignori quomodo dari possit.
3. Soluta debito creditori, pignus debitor etiam apud alium possessorem repetere potest.
4. Pignoris vendendi facultas creditori quando competat.
5. Pactum de non vendendo pignore non valet.

6. *Ad venditionem pignoris qua requiruntur.*

7. *Iure Saxonum qualis solennitas in venditione pignoris observatur.*

8. *Fructus ex re pignolata, quando in sortem computari debeant.*

9. *Consuetudo de fructibus in sortem computandis aliud obtinuit.*

1 **Q**uamvis* regulariter res aliena pignori dari non possit, puta, sine domini voluntate, per text. in l. alienares. 20. in pr. ff. de pignoratit. act. tamen quò minus creditor pignus quod accepit alteri oppignorari queat, nullum videtur esse dubium, idq; propter expressam & manifestam dispositionem iuris, toto tit. C. si pignus pignori datum sit. Et in l. grege. 13. §. cum pignori ibi: Cum pignori rem pignoratam accipi posse placuerit: quatenus utraq; pecunia debetur. pignus secundo creditori tenetur: & tam exceptio, quàm utilis actio ei danda est. ff. de pignorib. Id enim propter utilitatem contrahentium introductum est, ne videlicet inutile pignus esse videretur, si distrahi aut oppignorari non posset, prout inferius dicetur. Quod tamen* ita verum est, si non in longius tempus primus creditor alteri illud obligauerit, nisi quamdiu ipse il-

lud obligatum habet, per expref. text. in l. 1. in verbis: Etiam id quod pignori obligatum est, à creditore pignori obstringi posse iam dudum placuit: scilicet ut sequenti creditori utilis actio detur, tam diu, cum is, qui ius repræsentat, tueatur, quàm diu in causa pignoris manet eius qui dedit. C. eod. si pign. pignor. dat. sit. Item si

non meliori conditione creditor pignus obliget, quàm sibi debebatur; aliàs non tenet pignoratio, prout in ead. l. 1. in verbis: Sed si vos usumfructum possessionis tantummodo pignori dedistis: isq; qui accepit, alij eam possessionem cuius usumfructum nexum habebat, sine vestra voluntate pignora verit: creditor eius, id in quo pignoris vinculum non consistit distrahens, dominio vos privare nequit, C. eod. quod etiam gloss. iuris Sax. lib. 3. art. 5. in fine probare videtur, asserens pignus à primo creditore ultra summam, quàm in re habet alii creditori obligari non posse. Solutio* etenim vel oblato debito creditori quod ipsi debebatur, debitor rem pignori obligatam à secundo creditore cui obligata est, vel ab ipsius hærede iure suo repetere potest, per expr. text. in l. si creditor. in C. eod. si pign. pignor. dat. sit. & in l. 40. in fine ff. de pignorat. act. Extincto quippe

iure datoris, perimitur quoq; ius eius, qui ab eo causam habet, per text. *in l. lex vectigali. 31. ff. de pignor. & hypotec.* Quo etiam respexisse videtur textus Spec. Sax. lib. 2. art. 60. in verbis: *Is qui res huiusmodi primò concessit aut pignoraui, à nullo potest eas repetere aut euincere, nisi ab eo cui spontè concessit aut impignoraui.* Vbi etiam tractatur à quo res commodata aut pignori data, si furto aut spolio amittatur, vtrum videlicet à possessore rei, vel ab eo cui concessa fuerit, repeti debeant. Porro * quantum attinet facultatem vendendi pignus, sciendum est, si debitor in mora sit soluendi debitum, posse creditorem ad venditionem seu alienationem pignoris descendere, per textum *in l. cum soluenda 4. cuius hæc sunt verba: Cum soluenda pecunia dies pacto profertur, conuenisse videtur, ne prius vendendi pignoris potestas exerceatur, ff. de distract. pignor.* Nam is videtur præcipuus esse fructus siue effectus pignoris, vt videlicet à creditore, debitore solutionem pro trahente, pignus vendi & sibi de debito satisfieri possit. Nec enim esset magna huius obligationis utilitas, si creditor perpetuò seruare debitori, quamuis in mora

existenti, inutile pignus teneretur. Nec refert, siue id pactum (vt videlicet pignus ob moram distrahere liceat) adiectum sit, siue nō, per text. *in l. 4. C. eod. de distract. pignor.* Quinimo * pactum de non vendendo pignore non valere. gloss. *in l. si conuenierit. ff. de pign. act.* probat, quia est (inquit) contra publicam utilitatem. Nam si creditor non posset vendere pignus de iure, non reperiretur qui vellet mutuare indigenti. Quod ita intelligi debet, si inter partes conuentum fuit de tempore solutionis, quo elapso debitor constituitur in mora si debitum non soluat, per text. *in l. magnam. C. de contrahend. & committen. stipulat.* Si verò non adiiciatur tempus solutionis, tunc ad constituendum debitorem in mora, necessariò requiritur interpellatio debitoris, per text. *in l. si ex legali. ff. de verb. obligat.* Nec refert, siue facultas sit data à debitore creditori vendendi pignoris, siue non; semper enim intelligitur concessa sub ista cōditione, si debitor fuerit in mora soluendi debitum, per express. text. *in l. Si conuenit. 4. ibi: Si conuenit de distrahendo pignore siue ab inito siue postea, non tantum venditio valet, verum incipit emptor domi-*
nium

nium rei habere. Sed & si non conuenit de distrahendo pignore, hoc tamen iure utimur, ut liceat distrahere: si modò non conuenit ne liceat. Vbi verò conuenit ne distraheretur, creditor si distraxerit, furti obligatur, nisi ei ter fuerit denunciatum ut soluat, & cessauerit. ff. de pignor. act.

6 Vnde liquidò *constat ad venditionem seu alienationem pignoris à creditore faciendam, hæc duo necessariò requiri; primo, ut debitor in mora constituatur; deinde, ut denunciatione trina creditor debitorem de solutione debiti interpellet, quod etiam textus in l. fin. C. de iure dom. impet. clarè admodum probat, ubi etiam modus & forma vendendi pignoris præscribitur. Quamuis quidam ad eū casum tantum, quando videlicet creditori expressè prohibitum est ne pignus distrahatur, trinam hæc denunciationem referant; non autem, quando neq; concessum, neq; prohibitum illi fuit; quo casu iure Digestorum præter moram debitoris, nullam aliam denunciationem requiri volunt; Iure verò Codicis vnā tantum, ut sentit gloss. in d. l. si conuenit, in verbo: liceat. ff. de pignor. act. Et clariùs gloss. in l. creditor hypothecas. in verbo: bona fide. C. de distr. pignor. Ceterum *

iure Saxonum, quod hac in parte praxis Curia sequitur, tam in iudiciali, in cuius possessionem ex legitimo iuris processu creditor iudicis decreto mitti solet; de quo habetur in l. à diuo Pio. ff. de iure iudic. quā in conventionali pignore venditio cum denunciatione fieri debet, per expressum textum, lib. 1. art. 70. in verbis: Pignus illud tandem exponatur aut vendatur, si pro debitis non poterit obligari, & si plus valuerit, reo reddatur. &c. Vbi inter alia, talis sollemnitas vendendi pignoris proponitur. Quod pignuster in locis publicis, de quindena in quindenam veniū exponi debeat, adhibito etiam præcone qui venditionem publicet, quod est sub hasta vendere, qualis subhastatio etiam Decreto S. R. M. in causa inter successores Hevveken & Linterferia quarta post festum Visitationis B. M. V. anno 1596. approbata fuit. Quamuis reuera huiusmodi sollemnitatem subhastationis, magis in venditione pignoris capti pro executione rei iudicatæ (quod pignus iudiciale appellari supra dictum est) quā in aliis pignoribus requiri existimarem, per text. in l. ordo. C. de execut. rei iudic. Quæ quidem venditio, etiam ipsi debitori

singulis

singulis tribus vicibus est denuncianda, si fortè pignus suum redimere velit. Quod si debitor pignus illud redimere negligat; tūc vendendum est ei qui plus numeraverit; si verò nullus contingat emptor, Iudex reuolutis sex septimanis, pignus in satisfactionem debiti creditori tradere debet, & si haud nequaquam respondeat debito, aliis pignorationibus erit repetendum quicquid defuerit, donec debitum adimpleatur, per text. in d. art. 70. concordat text. iuris Municip. art. 64. Quod tamē
 8 in rebus quæ nullum omnino fructum, nullumve emolumentum creditori adferunt, non autem iis quæ fructuosæ sunt, ex quibus fructus percepti in rationem exonerandi debiti computari possint, æquitatis ratio procedere suadet. Nam eo casu creditor circa venditionem pignoris, tam diu iis uti potest, donec fructus cum sorte adæquentur, per text. in l. 1. C. de pignor. act. quo pacto creditor debitori pignus restituere tenetur, per text. in l. si pignore. ff. de pignor. act. Et ita passim DD. Bart. in d. l. à Diuo Pio. §. si pignora. Bald. in l. ordo. §. tot. tit. C. si in causa iudic. pign. capt. sit. tradunt, errare videlicet eos, qui opinantur se illa bona, in

quæ ipsis immissio per iudicem est concessa, ex hoc pro propriis retinere posse, neq; ad restitutionē fructuum teneri. Hodie tamen corruptissimi istius sæculi moribus, vix fortè id subsistere potest. Nā nullus (teste Cerasino in suo Enchiridio) creditorum sustinet sibi fructus in sortem computari, tot nimirum interuenientibus cautionibus, & sordidissimis conventionibus pactationibusque, ne id fieri possit.

OBSERVAT. XXXIV

Vsusfructus item aliæ seruitutes, an pignori dari possint necne?

S V M M A R I A.

1. Emptionem venditionemve quæcunque recipiunt, ea etiam pignorationem recipere possunt.
2. Vsusfructus vendi potest.
3. DD. opinio quatenus vsusfructus alienari aut pignorari possit.
4. Differentia quænam vsusfructu pignori det, proprietarius videlicet, an vsufructuarius.
5. Commoditas percipiendi fructus à proprietario pignorata, utrū transcat ad hæredes creditoris necne?
6. Seruitus personalis utrū pignori dari possit.

7. *Antinomia de seruitutibus pignori dandis conciliatio.*
8. *Seruitutes urbanae oppignorari non possunt.*
9. *In seruitutibus rusticis pignus constitui potest, & qua ratio diuersitatis.*
10. *Authoris sententia de ratione diuersitatis, cur in seruitutibus rusticis pignori sit locus, non item in urbanis.*
11. *Seruitutes urbanae precario concedi possunt.*
12. *De seruitutibus pignori datis rariùs practicari solet.*

IN hac quaestione regulariter dicendum videtur, quicquid * venditionem emptionemque recipit, illud etiam pignorationem recipere posse, per express. text. in l. sed §. 9. §. fin. ff. de pignor. & hypoth. & e contrario, quæ non sunt in commercio pignori non posse, per text. in l. 1. §. 2. ff. quæ res pignori dari poss. Atqui vsumfructum vendi posse, textus in l. si is. 11. §. vsumfructus. ff. eod. de pignorib. & hypothec. probare videtur, his verbis: Nam & cum emptorem vsumfructus tueatur Prætor, cur non & creditore tuebitur? Et clariùs in l. arboribus. 12. §. 2. ibi: Vsumfructuarius vel ipse frui ea re, vel alij fruendam concedere, vel

locare, vel vendere potest. ff. de vsumfruct. & quemadm. Ergo etiam vsumfructum pignori posse consequens est. Verumtamen * Bartol. & communiter DD. vsumfructum alienari & pignori posse existimant, non quatenus est seruitus, sed quatenus commoditatem vtendi in se habet. Nam seruitutem huiusmodi, seu ipsum ius vsumfructus in extraneam personam alienari non posse, per text. in §. finitur. Instit. de vsumfruct. & clariùs in l. si vsumfructus. 66. ibi: Quoniam diximus vsumfructum a fructuario cedi non posse nisi domino proprietatis: & si extraneo cedatur, id est, ei qui proprietatem non habeat, nihil ad eum transire, sed ad dominum proprietatis reuersurum vsumfructum. ff. de iure dot. probari videtur. Unde non obscure colligitur, * multum interesse, quisnam vsumfructum pignori dederit, vsumfructuariiue an proprietarii? Nam priori casu, quin vsumfructus vnâ cum persona vsumfructuarii pereat, dubium non est; cum nemo in alium plus iuris transferre queat, quam ipse habuit. Et resolutio iure datoris, resoluitur etiam ius acceptoris, per text. in l. lex vectigali. 31. ff. de pignorib. & hypothec. Quod si vero dominus ipse pro-

Y

prietatis

prietatis vsumfructum seu commoditatem percipiendi fructus det pignori, acrius inter DD. disputatur. Vtrum * commoditas illa percipiendi fructus in ipsius tantum creditoris persona consistat, an verò etiam ad extraneos, vel heredes ipsius transeat? Plerique putant commoditatem illam in persona tantum creditoris consistere nec ad alium transire, nisi hactenus vt ex persona creditoris æstimetur, id est, vt eius nomine possideatur, per iura supra allegata. Sed si res penitus inspicatur, verius dicendum est, etiam in quolibet extraneo eam hoc casu consistere & reuera alienari posse, per express. text. in d. l. si is. §. vsumfructus. ff. de pignor. Cum & alias vsumfructus constitui soleat non solum in persona vnius hominis, verum etiam ad certum tempus, & in diem, vel vt non reddatur nisi soluta pecunia, vel vt non soluta pecunia vendi aut alteri oppignorari possit, per tex. tot. tit. ff. de distr. pignor. Caterum * quantum attinet alias seruitutes personales, itidè illas pignori dari posse ex regula in principio huius quaestionis posita, prima fronte dicendum esse videtur, vtpote quia seruitutes huiusmodi vendi, donari,

precariove concedi possunt, per text. in l. si precario. 17. ff. commun. predior rustic. & urb. Contrarium tamen I.C. Martianus in textu l. si is. 11. §. fin. ff. eod. de pignorib. disponit his verbis: *Iura prediorum urbanorum pignori dari non possunt: igitur nec conuenire possunt, ut hypotheca sint.* Quam * antinomiam conciliando mirè sese torquent DD. iuris. quidam enim existimant regulam hanc non esse generale, sed hoc tantum I.C. Martianum dicere voluisse, quòd quemadmodum seruitutes pignori dari non possunt, quippe quæ traditionem non patiuntur, sed tantum patientiam; ita nec possunt hypothecæ obligari. Alii de constituta seruitute ibi agi non de constituenda putant, nepe quòd dominus prædii dominantis non possit seruitutem sibi debitam alii oppignorare. Alii verò hanc I.C. sententiã esse autumant, quòd dicat seruitutem pignori dari non posse in abstracto scilicet, nisi prædium sit cui seruitus inhæreat. Verumtamen * hisce omnibus DD. sententiis, quæ per se quidem subsistere possunt, non consideratis, affirmatiue tenendum est, verissimum esse quòd urbanæ seruitutes non possint oppignorari, non solum si

sint constitutæ, sed etiam si sint constituendæ, neque solum a domino prædii habentis seruitutem, verum etiam a domino præstante seruitutem. Ratio eius rei præcipua esse videtur, quia huiusmodi seruitutes traditionem non admittunt, v. pote quod in bonis esse non cenleantur, per text. in l. 1.

ff. de usufruct. legat. illa verò quæ non sunt in bonis, pignori nullaratione dari possunt, l. 6. quæ prædium. C. si alien. res pignor. data sit.

- 9 Nec obstat* quod in seruitutibus rusticis pignus constitui possit, prout IC. Paulus in l. sed an via. 12. ff. de pignor. expressis verbis docet. Nam vt Accursius ibidem in verbo *utatur*, (cui etiam Bartol. ad stipulatur) docet has esse differentiarationes, quod vrbane seruitutes perpetuam causam contineant, id est, constitui sub quadam perpetuitate debeant, per textum in l. 4. ff. de seruit. tum quod ex hac varietate & mutatione creditorum, seruitutem vrbanam iure pignoris habentium, ædificia fierent inuitalia, vtpote quia si in his pignus admitteretur, posset euenire vt tigna auferantur, atque inde vrbs deformaretur, quod fieri leges vetant, prout habetur in textu s. cum in suo. Inst. de rer. diuis.

& in l. fin. ff. ne quid in loco publ. fiat. Quæ ratio posterior et si mihi quodammodo probabilior videatur, maximè verò quod in rusticis prædiis huiusmodi deformitas non attendatur; attamen priorem illam de perpetuitate etiam ad rustica prædia trahi posse, ex eodem textu d. l. 4. elicitur. Quare hanc ego* potius eius rei diuersitatem 10 esse existimo, quam etiam text. in d. l. sed an via. his verbis: *Quæ sententia vt scilicet pignori seruitus rustica dari possit, propter vtilitatem contrahentium admittenda est.* ff. de pignorib. ponit; ac si dicat, vtilitas contrahentium quæ præcipuus est iuris nostri finis, suadet hanc pignoris obligationem in rusticis seruitutibus admittendam esse, quæ vtilitas in seruitutibus vrbanis consistere nequit. Nam vt sit utile pignus seruitutis vrbane, non tantum necesse est creditorem habere prædium vicinum, sed etiam vt huiusmodi pignus alii vicino vendi possit. Inutile etenim est pignus quod alii vendi non potest. l. 4. de pignor. act. & in l. mulier. C. de distract. pignor. Exempli gratia. Si seruitus tigni aut stillicidii immittendi (quæ sunt vrbane seruitutes) alicui iure pignoris concessa sit, necessario requireretur, vt is

haberet alium vicinum, cui itidē huius servitutis vſus eſſe poſſit. alioquin quòd ex ædibus ſuis immittit tignū creditor in ædes debitoris, non æquē alii vicino ex ædibus ſuis in eandem partem immitendi eiufdem tigni commoditas eſſe poteſt. Et ideo ſi vicinus proximus nunquam tale ius pignoris empturus eſſet, multò minùs alius remotior. Vnde ſequitur, quòd cū huiusmodi ſervitutis inutile pignus ſit, pignoris etiam conſtitutio concedenda non erat, puta ceſſante vtilitate. At in ſervitutibus ruſticis, quando nimirum alicui ire, agere, aquam ducere, iure pignoris conceditur, vtilitas in eo maximè conſiſtit, quòd hoc ius alii vicino, & forſan magno pretio diſtrahi poſſit (quis enim non libenter id redimat, vt plures aditus per alienum fundum ad ſuos agroſ habeat, vel aquæ ductum faciat? & ſimilia) aliud proſectò propter certam & exploratam vtilitatem ſtatuendum erat, prout Cuiat. *Obſ. lib. 15. c. 6.* & Conar. *lib. 4.*

II c. 14. num. 3. notant. Ac *proinde nec illud hanc regulam impugnare videtur, quòd ſervitutes huiusmodi precario cōcedi poſſint, per text. in l. veluti. 3. ff. de precario. Si quidem alia eſt ratio in precario

quā in pignore. Primò quod precario vtens, nullam ſervitutem, ſed tantū vtendi commoditatē habeat. Deinde quod precario ſervitus conceſſa alienari nō videatur. Nā & diſtrahi ab eo cui cōceſſa eſt nō poteſt, quod vel maximè ad vtilitatem pignoris requiritur, vt ſup. dictū eſt. Atq; hæc de ſervitutum pignore dicta ſufficiant, quæ etſi hodie in praxi rariùs fortè occurrant, attamen quia non ſolū cauſas agentibus, verū etiam iuriſlimina adeuntibus, meo ſtudio atque opera prodeſſe pollicitus ſum, nō incommodum me feciſſe exiſtimo, quòd hanc quaſtionem intricatā, & quæ ſui diſcultate DD. iuriſ in diuerſas abire fecit ſententias, hoc loco explicauerim.

OBSERVAT. XXXV.

Servitutes an præſcriptione acquirantur & amittantur?

SUMMARI A.

1. *Servitutum conſtituendarum & amittendarum varij modi.*
2. *Servitutes an longo vſu acquirantur, vel non vſu amittantur.*
3. *Legis Scribonia de ſervitutibus nō vſucapiendis diſpoſitio.*

4. *In ſerv.*

4. In seruitutibus præscribendis alia est ratio si seruitus à libertate, alia si libertas à seruitute præscribatur.
5. DD. diuersâ opinionones de præscriptione seruitutum acquirendarû.
6. Communis opinio seruitutes omnes quæ continuâ causam habent præscribi posse decem vel viginti annorum spatio.
7. Seruitutes omnes continuam causam habere videntur.
8. Longoualij & Corrasij opinionones de præscriptione seruitutum.
9. Authoris sententia in conciliandis contrarietate legum de præscribendis seruitutibus disponentium.
10. Seruitutes iure Saxonico vno & triginta annorum & sex septimanarum spatio præscribuntur.
11. Ad præscribendam seruitutem scientia illius in cuius præiudicium fit, necessariò requiritur.
12. Seruitutes alia dicuntur personales, alia reales; item alia urbanorum, alia rusticorum prædiorum.

§ fin. C. de seruit. vel consuetudine. l. venditor. § fin. ff. commun. prædior. vel à iudice, l. si quis sepulchrum ff. de religiosis. vel natura loci, l. 2. ff. de aqua pluuiæ arcend. vel natura ædificij, l. 2. ff. de seruit. rustic. Item quòd amittantur iisdem ferè modis quibus vsusfructus amitti solet; vt potè, primò confusione, si videlicet idem vtriusq; prædij dominus in solidum esse cæperit. l. 4. ff. quemad. seruit. amitt. deinde actu cōtrario, l. si stillicidij. 8. ff. eod. Tertiò rei interitu, l. si locus. 14. in fin. ff. eod. Quartò, conditione existente, puta, si hæres fundo qui sub conditione legatus est, imponat seruitutem, qua conditione existente tollitur seruitus. l. 16. cui via. 11. § fin. ff. eod. Attamen in eo num præscriptione, id est, vsu longi tēporis acquiri, vel non vsu amitti possint, ob legum contrarietatem magna videtur esse difficultas. Nam IC. Paulus in l. seruitutes. 14. ff. de seruitutib. ita disponit: Seruitutes prædiorû rusticorum etiam si corporibus accedunt, incorporales tamen sunt, & ideo vsu non capiuntur, vel ideo quia tales sunt seruitutes, vt non habeant certâ continuamq; possessionem. Nemo enim tam perpetuò, tam continenter ire potest, vt nullo momento possessionē eius interpellari videatur.

1 ET si * tam constituendarum, quàm amittendarum seruitutū variis sint modi in iure Ciuili expressi, vt potè, quòd constituantur vel pactione, siue stipulatione, vel testamento. § fin. ff. de seruit. rustic. & l. 3. ff. de vsufruct. vel lege publica, siue statuto scripto, l. fin.

deatur. Idem & in servitutibus prædiorum urbanorum observatur. Et alibi I.C. Vlpianus in l. si aliena. §. 1. in verbis: Hoc iure utimur, ut servitutes per se nusquam longo tempore capi possint, cum ædificijs possint. ff. de usurp. & usucap. idem omnino innuere videtur. Quinimo * lege Scribonia cautum esse videbatur, ne servitutes prædiorum urbanorum usucapi liceret; quamvis earum libertatem posse acquirere permissum erat, prout id ex text. in l. sequitur. §. fin. in verbis: Libertates servitutum usucapi posse verius est, quia eam usucapionem sustulit lex Scribonia quæ servitutem constituebat, non etiam eam, quæ libertatē præstat sublata servitute. ff. de usucap. & usurp. liquidò constat. Vnde * haud obscure colligi potest, in servitutibus præscribendis duo maximè spectanda esse, ut videlicet aut servitus præscribatur, aut libertas à servitute. Nam libertatē à servitute præscribi posse, nullum est dubium, per text. supra allegatum: pro quo faciunt etiam textus in l. si ædes meæ. §. 1. ff. de servitutib. in l. sicut. C. eod. & in l. hac autem. ff. de servit. urb. prædior. At in servitutis constitutione seu acquisitione per prescriptionem, maior est difficultas: siquidem le-

gibus supra recensitis in contrarium opponi possunt expressi textus, prout in l. 10. si quis diuturno. in verbis: Si quis diuturno usu, & longa quasi possessione ius aquæ ducendæ nactus sit, non est ei necesse docere de iure quo aqua constituta est, veluti ex legato, vel alio modo; sed utilem habet actionem, ut ostendat, per annos fortè tot usum se non vi, non clam, non precario possedisse. ff. si servit. vindic. Et in l. cum in longi. ult. §. fin. ibi: Eodem observando (ut videlicet præscribi possint) & si res non soli sint, sed incorporales, quæ in iure consisiunt, veluti ususfructus & cetera servitutes. C. de præscript. long. temp. Quibus etiam maximè ad stipulantur, textus in l. si aquam. 2. & l. sicut usufructu. pen. C. de servit. & aqua. Quæ contrarietas legū * Interpretibus iuris multum fecit negotii, adeo ut quot capita tot sententiæ illorum esse videantur. Communiter * enim existimatum est, servitu-
6
tes generaliter omnes quæ continuam habet causam, ut potè quæ semel constitutæ, semper durant sine facto hominis, & quarū possessio non interruptitur: ut servitus tigni mittendi in vicini partem, aquæ ductus, altius tollendi, & similes, decennio inter præsentēs, aut vicennio inter absentes usu-

capi,

capi, per text. in d. l. si quis diuturno.
 & in d. l. 2. C. de seruit. & aqua. Quæ
 autē causam perpetuam & conti-
 nuā non habēt, puta, quæ sine ho-
 minis opera nec subsistit, nec du-
 rant, vt est facultas eundi, agendi,
 vehendi currus, appellēdi pecus,
 hauriendæ aquæ, & id genus aliæ,
 vsucapionem nequaquam admit-
 tere, per text. in d. l. seruitus. 4. nisi
 tanto tempore, quod hominum
 excesserit memoriam. l. hoc iure. §.
 ductus aque. ff. de aqu. quotid. & esti-
 ua. Quæ * communis DD. opinio,
 non omnibus probari videtur, ex
 eo, quod omnes seruitutes præ-
 diorum perpetuas causas debent
 habere, patet ex textu l. foramen.
 27. ibi: Omnes autem seruitutes præ-
 diorum perpetuas causas habere de-
 bent, & ideo neq. ex lacu, neq. ex sta-
 gno concedi aquæ ductus potest. ff. de
 seruit. urban. prædior. sed quamuis
 perpetuas causas seruitutes om-
 nes habeant, non tamen omnes
 habent vsum continuum & pos-
 sessionem perpetuam, sed vel fa-
 cto naturæ, vel voluntate vtentis
 interruptitur earum possessio, vt
 in seruitute itineris, actus, & simi-
 lium. Nemo enim ire ita semper
 potest, quin aliquando ire negli-
 gat. Sicut ex aduerso, quædam
 seruitutes certam & conuinuam

possessionem habere dicuntur, vt
 in seruitutibus tigni immittendi,
 alius non tollendi, & similibus; ni-
 hilominus tamen indistincte ser-
 uitudes non posse vsucapi supra
 probatum fuit. Hinc factum est *
 quod quidam recentiores, refuta-
 ta hac communi DD. sententia,
 non in subtili sanè interpretatione
 eam de vsucapione seruitutum
 controuersiam & difficultatem
 explicare conati sunt. Et quidem
 Ioan. Longouallius Parisiensis in
 commentariis. ad l. imperium. ff. de
 iurisdic. omni iudic. circa discrim-
 en existimat omnes in vniuersū
 seruitutes quasi vsucapi decem
 vel viginti annorum spatio. Cum
 enim (inquit ille) seruitutes sint
 res incorporales, nec habeant cer-
 tam continuamq; possessionem,
 iure meritò vsucapi eas non posse
 per iura supra allegata: At quia
 quasi possessio in seruitutibus lo-
 cum habet, prout id ex textu in d.
 l. si quis diuturno. ibi: Si quis diutur-
 no usu & longa quasi possessione ius
 aque & c. & in l. apparet. s. §. penult.
 verbis: Si quis seruitutem non habe-
 at, habeat autem velut longa posses-
 sionis prerogatiuam & c. ff. de itiner.
 actusq; priuat; colligitur; idcirco &
 quali vsucapioni debere esse lo-
 cum, ac si dicat, seruitutes quidē
 vsucapi

9 vsucapi non possunt, sed tantum quasi vsucapi. Verum enimvero (quod pace tanti viri dixerim) admodum subtilis & elusoria videtur esse hæc sententia. Ac proinde Corrasius *lib. 5. Miscell. c. 5.* omnino reiiciendam, & perpetuo silentio inuoluendam esse suadet, quamvis & ipse non minori hac in parte subtilitate uti videatur, ut potè qui veram & propriam seruitutem non posse vsucapi existimet, non autem quasi seruitutem, id est commodum seruitutis. Sed num hæc quoque interpretatio omnibus (ut aiunt) numeris sit perfecta & absoluta, aliorum iudicium esto. Mihi sanè * illorum non displicet sententia, qui putant ante Iustinianum non potuisse in vniuersum omnes tam reales quam personales seruitutes vsucapi & præscribi; idque propter legem Scriboniam, quæ eiusmodi vsucapionem odio seruitutis prohibuerat, ut supra in *d. l. sequitur. 4. ff. de vsucap.* probatum est. quamvis quo ad libertatem seruitutis consequendam, etiam auctoritate huius legis præscriptioni longi temporis locus dabatur, idque favore libertatis. Nam sicut contra libertatem personarum præscriptio non currit, etiam sexaginta annorum, ut

habetur in text. *l. ult. C. de præscript. long. temp. que pro libert.* Ex aduerso verò pro consequenda libertate viginti annorum præscriptio habet locum, per text. in *l. 2. C. eod. Fauorem* (ut ibid. Imp. Dioclet. & Maxim. inquit) *libertati debitus, & salubris iam pridem ratio suasset, ut his qui bona fide in possessione libertatis per viginti annorum spatium sine interpellatione morati essent, præscriptio aduersus inquietudinem status eorum prodesse debeat*; sic argumento à personis ad res ducto, visum fuit antiquis legumlatoribus æquum, ut prædiorum libertas præscribi posset; seruitus non posset, *d. l. sequitur. 4. §. fin.* Iure verò nouo scilicet Iustiniano, id demum obtinuit, quod seruitutes omnes sicut & res soli, longi temporis interuallo, puta, inter præsentes decennio, inter absentes vicennio præscribantur, per text. in *d. l. cum in longi. §. fin. C. de præscript. long. temp.* Et in *l. si aquam. 2. ibi: Seruitutem exemplo rerum immobilium tempore quasisti C. de seruit. §. aqua.* Immobiles liquidem res ita præscribi, text. in *l. 1. C. de vsucap. transf.* clarè admodum probat. Atque hæc est sententia Math. Veseembesii in *paratit. in Digest. tit. de seruitut. num. 5.* qui etiam valde eos falli docet, qui

qui Iustinianam constitutionem
in d. l. ultima C. de long. tēp. præscript.
 tantum de seruitutibus personalibus & realibus, quæ continuæ sunt, intelligere volunt, cum expressè in ea lege mentio fiat vñ fructus, quæ seruitus causam habet discontinuam, qui tamen eo temporis spacio præscribitur, per iura supra allegata. Et hæc iure quidem Ciuili obtinent, & communibus calculis approbata, in foro quoq; frequentantur, prout etiam in Curia in causa cuiusdam Czaplicz cū Iasionovvski feria sexta post octauas sacratissimi Corporis Christi anno 1597. pronunciatum fuisse animaduerti, quod nimirum seruitus non triginta & vnus anni spatio, sed tanti temporis, quod seruitutibus de iure assignatum est, præscribatur & acquirantur. Quamuis iure
 10 Saxonum, * sicut cæteræ res soli, ita & seruitutes his adherentes & connexæ, vno & triginta annis & sex septimanis, & acquiri & admitti non vtendo, Interpretes illius iuris passim testantur, idque per text. *Sp. Sax. lib. 1. art. 29.* tacit
 11 glos. eiusdem iuris *lib. 2. art. 51.* vbi etiam * hoc additur, quod ad præscribendam seruitutem necessario requiratur scientia illius, in

cuius præiudicium cedit, puta quod is non contradicat verbo vel facto, sed patiaturs eiusmodi seruitutem, per text. *in l. 2. C. de seruitutib. & l. quoties. ff. eod. l. 2. ff. de seruitutib. vrb. prædior.* Nec obstat in contrarium allegata iura, quod huiusmodi præscriptiones etiam inter absentes locum habeant. Id enim verum est, si absentes seruitutem huiusmodi imponi sibi sciunt verè vel præsumptiuè: quinimo si ista scientia negetur, probatio incumbit asserenti, quod ipse videlicet alium prohibuit vti hac seruitute, & quod nihilominus ipso prohibente alius vñ se est possessione seruitutis, prout Innocent. *in c. de quarta. tit. de præscriptionib.* notat. Quod etiam praxis Curia sequitur, & ita in causa Policki & Iudæum Pösmannien. die 7. Maii Anno 1597. decisum fuisse constat. Obiter * autem pro soli
 12 diori huius materiae intellectu notandum est, seruitutes alias esse personales, alias reales: & has itidem alias urbanas, alias rusticas. Personales ideo dici, quia & hominibus debentur, & cum iis extinguuntur, per text. *in l. 8. §. tale. ff. de seruit. legat. l. 15. ff. de seruitutib. l. 20. in fine. ff. de seruitut. rustic. prædior.* Reales verò ideo appellari,

quia prædiis adhærent, & sine illis constitui non possunt. Nemo enim servitutem urbani vel rustici prædii acquirere vel debere potest, nisi qui habet prædium. §. 3. *Instit. de servitut. l. 1. ff. commun. prædior. l. quoties. 15. ff. de servitut.* Item servitutes urbanorum prædiorum sunt, quarum usus est tantum in ædibus, siue illæ in vrbe, siue in agro sunt, per text. in *l. 1. ff. commun. prædior. cuiusmodi sunt, altius tollendi vel non tollendi, luminibus officiendi, aut non; item stillicidium auertendi, tigni immitendi, & oneris ferendi, per text. in §. prædiorum urbanorum. Instit. de servitutib. rust. & urbanorum prædior.* Rusticorum verò prædiorum ea sunt, quarum usus est in rebus rusticis duntaxat, veluti iter, actus, via, aquæ ductus, haustus aquæ, pecoris ad aquam appulsus, pecoris pascendi, cretæ eximendæ, calcis coquendæ, arenæ fodiendæ. *l. 1. & sequen. ff. de servit. rust. prædior. & §. inter rusticorum. Instit. de servitutib. rust. & urb. prædior.* Quo etiam aliæ huiusmodi servitutes, quæ non personis, sed rei vel fundo debentur, puta ius secandi ligna ex silva vicina, ius venandi vel pascendi, lapides eximendi, vel figulinæ habendæ, &c. his similia referri debet.

OBSERVAT. XXXVI

Iuri offerendi, seu iuri pignoris an præscribatur?

S V M M A R I A.

1. *Accursii sententia, quod ius offerendi præscriptione 30. vel 40. annorum tolli possit.*
2. *Ius offerendi quid dicatur.*
3. *Ultramontanorum sententia quod iuri offerendi præscriptione longissimi temporis non præiudicetur.*
4. *Facultas eundi per viam publicam nunquam præscribitur.*
5. *Creditor rem pignoratam possidens semper est in mala fide.*
6. *Ius offerendi quando alicui competit per modum iuris præscribitur.*
7. *Ius offerendi quibus competat per modum iuris.*
8. *Ius offerendi seu oblatio pecuniæ qualiter fiat.*

Magna est inter DD. iuris de eo concertatio, utrum aliquando iuri offerendi, & per consequens iuri pignoris præscribatur. Accursius * in *l. pignori, in verbo alieno. ff. de usurpat. & usucap. & in l. cum non §. mi. 7. §. sed cum. in verbis opponere conatur. C. de præscript. 30. vel 40. annor. (quem Angelus la-*
son

son & alii plures sequuntur) firmiter tenet, præscriptione 30 vel 40 annorum ius offerendi, & per consequens ius pignoris tolli. Nihil enim * hic aliud per ius offerendi intelligere debemus, nisi oblationem pecuniæ, quæ fit à venditore emptori, vel à debitore (seu quoquam alio vt infra dicetur) creditori rem sub pacto retrouendendi venditam, vel pignori datam liberare volente. Ratio potissima illorum hæc est, quod huic præscriptioni longissimi temporis, puta 30 vel 40 annorum, cum sit odiosa, neq; pacto, neq; iuramento renunciari possit, vt notat Bartol. *in l. nemo potest. num. 19. ff. de legat. 1.* Contrarium verò * omnes Ultramontani (vt notat Negus. *in tracta. de pignor. parte 5. memb. 3. num. 52.*) tradunt, quod nimirum ius offerendi etiam hac longissimi temporis præscriptione non tollatur, idq; ex ea ratione, quod ea quæ consistunt in mera alicuius voluntate nunquā præscribi possint. Nam sicut facultas * eundi per viam publicam, licet per mille annos non iueris, amittit deo nō potest; semper enim poteris postmodum ire, quandoq; volueris, per express. text. *in l. viam publ. ff. de via publ. & itiner. publ. resc. ita*

neq; facultas illa reluendi vel eliberandi rem cum pacto retrouendendi venditam, vel pignori datam temporis aliquo interuallo tolli potest, prout in addit. gloss. *in d. l. cum notissimi. §. sed cum. in verbis opponere conatur. C. de præscript. 30. vel 40. annor.* notatur. Mihi sanè * illa potissimum ratio probatur, quod creditor rem pignoratam, item emptor sub conditione retrouendendi rem emptam possidens, semper sit in mala fide, vt pote quod sciat rem illam esse alienam. Possessor verò malæ fidei nullo vnquam tempore præscribere potest, secundum communem Canonistarum (quorum doctrinæ hac in parte, vbi agitur de materia peccati omnino stādū est) opinionem, idq; per express. text. *in c. possessor de regulis iuris. in 6. & c. si diligenti. tit. de præscrip. quod etiam text. in l. pignori. 13. in prin. in verbis: Pignori rem acceptam usu non capimus: quia pro alieno possidemus. ff. de usurp. & usuc. innuere videtur.* Ac proinde Curia quoq; eam vti veriore & æquiorē amplecti maluit; prout in causa inter hæredes Paiczek & Grzegorz feria quinta ante Dominicā Iudica Anno 1588. Cracouiæ iudicatum fuit. Secus tamen * iidem 6

DD. statuendum esse existimant, quādo ius hoc offerendi non per modum facultatis, sed per modū iuris alicui cōpetit, utpote quod habet secundus creditor contra primum; tunc enim secundus si vigore hypothecæ velit rem pignoratam à primo redimere, non potest, si interueniat longissimi temporis præscriptio. Ratio est, quia ius istud fundatur in hypotheca, quæ huic secundo creditori æque ut primo competit, & sic est quasi sequela actionis innatæ, ideoq; sicut prædicta actio hypothecaria tollitur spatio 30. annorum, per text. in l. sicut. C. de præscript. 30 vel 40 annor. ita ius offerendi in ea fundatum, prout Bart. in l. pignori in prin. ff. de usurp. & vsucap. notat. Competit * autem hoc ius offerendi per modum iuris potissimum iis, qui pignus vel hypothecam possident, & à primo creditore tanquam pinguius & potius ius habente, hypothecaria, puta ad restitutionem hypothecæ vel pignoris, conueniuntur; prout in primis competit secundo creditori, qui potest offerre primo creditori debitum, & pignus liberare, atq; eo facto suam hypothecam posteriorem confirmare, per text. in l. C. qui potior in pignor.

habcant. & l. potior. §. fin. ff. eod. Quod tamen non procedit in creditore chyrographario, qui non habet ius offerendi, nisi fortè primo creditore volente, per text. in l. nulla. C. de solut. gloss. in l. cum tibi. C. qui potior in pignor. habean. vel nisi talis creditor chyrographarius possideret rem hypothecatam primo creditori, quia tūc si à primo creditore de restituenda hypotheca cōueniatur, ut quilibet extraneus possessor ille etiam potest offerre, per text. in l. Paulus. §. i. ff. quib. mod. pign. vel hypotheca solvatur. Vnde colligitur, quod competat quoq; hoc ius offerendi cuilibet extraneo possessori pignoris vel hypothecæ, etiam si talis possessor iniustus esset, puta malæ fidei, ut est text. in d. l. Paulus. §. fin. Et ita gloss. Bart. & alii in l. mulier. ff. qui potior in pignor. hab. tenent. Quinimo etiam nullum ius habenti in re cuilibet extraneo datur facultas soluendi pro debitore, & ipsum liberandi per text. in l. soluendo. ff. de negot. gest. Deinde competit fideiussori debitoris, qui offerendo vel soluendo creditori potest obtinere ab eo cessionem iuris crediti & hypothecæ, per text. in l. 2. C. de fideiussorib. Deniq; competit ipsi debitori, quo facto, si videlicet offerat,

offerat, deponat, & obsignet pecuniam, liberatur à debito, & per consequens ab hypothecaria actione, per tēx. *in l. obsignatione. C. de solutio.* Qualiter * verò hoc ius offerēdi seu oblatio pecuniæ fiat, supra Obseruat. 34. Cent. I. videre licet.

OBSERVA. XXXVII.

De venationibus, & an ius venandi præscriptione acquiri possit?

S V M M A R I A.

1. Venatio apud Romanos seruilibus officiis adnumerata.
2. Venatio rei militari maximè congruit.
3. Venatio non solum priuatos, sed etiam principes viros decet.
4. Venationem à S. Augustino nequissimam artem appellari, quomodo intelligendum sit.
5. Venationem legibus Ciuilibus non esse damnatam probatur.
6. Venationi quando quis licitè & honestè vacare dicatur.
7. Venatio clamorosa laicis permissa.
8. Clericis venatio saltuosa & clamorosa prohibetur; non item quæ fit cum retibus seu laqueis.
9. Venari & aucupari tam in publico, quàm in priuato loco iure natu-

- rali licitum est, quod tamen statuto & consuetudine prohiberi potest.
10. Iure Polonico & Saxonico venationes in alieno fundo prohibentur.
11. Ius venandi in alieno solo præscribi potest.
12. In publico loco ius venandi priuati contra priuatos an præscribere possint.
13. Principes in locis publicis venationes prohibere possunt; non item in priuatorum fundo.
14. Contra prohibitionem Principis in publico loco venationem exercens, pena capitis puniri nō debet.

Venationem * apud Romanos non solum in deliciis & oblatione non fuisse, verum etiam seruilibus officiis adnumeratam, Salustius in proemio tradit. Nam & Tiberium quendam legatum legionis, quod paucos milites cum liberto suo trans ripam venatum misisset, ignominia notasse ex Suetonio in Tiberio c. 19. constat. Cuius rei ea potissimum videtur esse ratio, quod Romani, cum primum illis idonea adoleuerat ætas, tempore belli ad quod gerendum nunquam illis defuit occasio, militia, vel tempore pacis, negotiis publicis & forensibus occupabantur, ita vt nullum ad

exercitationem venationis illis otium superesse videretur; atq; ita despiciatui potius habitam fuisse à Rom. venationem, quam quia militari, aut nobili viro indignam ² eam esse arbitrentur. Nam * si Xenophonti & aliis magni nominis viris politicis credimus, indubitata res est, nullam artem studiumq; rei militari magis convenire, quam venationem, ut pote, quod hæc homines diluculo surgere, equitare, currere, æstum frigusq; perferre, feras agitare, excipere, ac iaculo ferire doceat, sitis famisq; tolerandæ aptiores reddat, & in summa corpus animuq; hominis ad subeundos quosvis labores magnopere obfirmet; prout Xenophon lib. de venatione pluribus de his differens, multa præclara in laudem venationis adfert. Et ideo * non solum priuatos homines, sed etiam Principes viros hoc venandi studium decere, atq; vtilissimum illis esse, vel inde colligi potest, quod nulla re alia facilius regionum atq; ditionum tam suarum quam alienarum, situm, vbi videlicet montes surgat, vbi confidat, planities vbi extendantur & contrahantur, tum & fluminum paludumq; & quoruncq; locorum naturam ediscere

& assequi possint. Quam cognitionem ad exercitus ducendos, & stationes eligendas & occupandas ad euertendum hostem, plurimum cōferre, & maximas commoditates parere quis neget? Ac proinde summos Principes, atq; insignes bellatores, huic studio impensius deditos fuisse, ex historiis liquet. Nam & Alexandrum magnum post prandium sæpè diem venatu consumpsisse, Plutarchus in vita Alexandri magni testatur. Nec me * multum mouet ⁴ illud, quod à S. Augustino nequissimam eam artem appellari quidam asserant. Nam si verba S. Augustini *in c. qui venationibus, distinct. 86.* diligentius inspiciantur, non de hac specie, sed de venatione arenaria, quæ scilicet hystorionico more à conductis hominibus in publicis spectaculis depugnando cum bestiis fiebat, illum loqui facile animaduertet. Ita enim (inquit ille) *qui venatoribus donant, quare donant? dicant mihi quare donant venatori? Hoc in illo amant, in quo nequissimus est, hoc in illo pascunt, hoc in illo vestiunt, ipsam nequitiam publicant spectaculis omnium. &c.* Vnde * neq; legibus Ciuilibus damnatam esse venationem tanquam illicitam & inhonestam, ex text. *in b.*

inl. venationibus. 6. C. de excusat. muner. liquet. Sed tantum venatoribus non concedi excusationem muneris publici, in eo textu disponitur; ne videlicet propter eam Reipub. aut vocationis cuiusque muneris negligantur. Nam ut idem Augustinus in c. quisquis, distin. 41. In omnibus (inquit) talibus non usus rerum, sed libido utentis in culpa est. Ac proinde si quis venationem feruendo necessitati, puta victus & amictus, vel valetudinis & honestæ recreationis causa exerceat, recte & licite ea uti videtur; quod si verò quis ita se dedat venationibus, ut vocationis munerisque sui necessaria negligat, ob abusum in culpa est. S. Augustino teste. Nec refert siue quis venationi quæ sit in saltibus cum canibus & clamore (quam vulgò clamorosam appellant) deditus sit. Nam in his quoque abusus venationis, non autem usus improbat, secundum Panorm. & aliorum in c. 1. de clerico venator. sententiam. Quod de laicis tantum intelligendum est. Clericis etenim talem venationem saltuosam & clamorosam omnino prohibitam esse, omnium consensu receptum est, per express. text. in c. 2. de clerico venatore. ubi sic disponitur: Omni-

bus seruis Dei venationes & syluaticas vagationes cum canibus, & accipitres aut falcones habere interdiciamus. Nam quo cruentior est venatio, eò magis ab humanitate aliena esse, minusque Clericis conuenire videtur, per text. in c. Esau. in verbis: Esau venator erat, quoniam peccator erat, & penitus non inuenimus in scripturis Sanctum aliquem venatorem, piscatores inuenimus sanctos, distin. 86. Quamuis Panorm. in d. c. 2. de Clerico venatore. non multum peccare eos existimet, qui rarissimè etiam hanc clamorosam venationem exercent, puta non voluptatis, sed necessitatis causa, ut videlicet excitent appetitum propter morbum præcedentem, in c. dilectus. de homicid. Aliam verò venationem quæ sit cum retibus seu laqueis, permissam esse. Clericis idem statuit. quod etiam summa Sylvestrina in verbo: venatio. versic. quantum verò. tenet. Equidem omnes Clericos, puta qui in sortem Domini vocati sunt, tutius & consultius facturos esse existimarem, si loco retium & tendicularum, lectioni potius sacræ, & piis orationibus ac functionibus munerum suorum disciplinæ Ecclesiasticæ conseruandæ vacarent, idque vel ob hanc rationem.

lam causam, quod nullum Sanctū
 ea occupatum fuisse reperiamus,
 prout supra dictum est. Ceterum
 9 * redeundo ad propositam qua-
 sitionem, sciendum in primis illud
 est, quod quamvis venari & au-
 cupari, tam in publico, quam in
 priuato locolicitum sit iure natu-
 rali, per text. in §. planē. In §. lit. de re-
 rum diuis. & in l. si fundum. C. de rei
 vendicat. attamen ne quis in pri-
 uato alieno solo venetur aut au-
 cupetur, statuto aut constitutio-
 ne prohiberi potest, per text. in l.
 diuus. 10. in verbis: *Diuus Pius au-*
cupibus ita rescripsit, non est consen-
taneum, ut per aliena prædia inuitis
dominis aucupii faciatis. ff. de seruit.
rusti. prædicr. Quod etiam in Liniu-
riarū. 13. §. Si quis me prohibet. 7. his
verbis Sed nec aucupari, nisi quod
ingredi quis agrū alienum prohiberi
potest. ff. de iniurijs disponitur. Hinc
 10 fit * quod etiam iure nostro Mu-
 nicipali, venationes huiusmodi in
 fundo alieno prohibitæ sint, a fe-
 sto nimirum S. Adalberti ad de-
 portationem omnium frugum,
 sub pœna trium Marc. de quo ex-
 tat statutum Wladislai Jagellonis
 Regis, Cracouiæ Anno 1423 con-
 ditum, quod etiam Iure Saxon.
 obtinuisset. text. lib. 2. art. 62. clarè
 11 admodum probat. Quanquam *

in alieno etiam solo, ius & facul-
 tatem venandi præscribi posse
 longi tēporis spacio, passim DD.
 iuris probant, per ea, quæ tradun-
 tur in l. si aquam. 2. C. de seruit. & a-
 qua. Qua in re illud obseruandum
 est, quod etsi ius venandi in alie-
 no solo præscriptione acquira-
 tur, non tamen dominus illius v-
 su & facultate eadē priuatus esse
 videtur, nisi fortè eiusmodi vfu
 per alium sit prohibitus, atque ita
 prohibitioni alterius per longum
 tempus acquienerit, nam tunc e-
 tiam huic ipsi facultati præscri-
 ptum esse intelligetur, prout no-
 tat Veseemb. in paratit. ff. de acquir.
 rer. num. 7. In publico verò loco
 * quamuis regulariter priuati con- 12
 tra priuatos præscribere istius-
 modi ius non possint, per text. in l.
 ult. ff. de vsucap. & vsurpat. si tamen
 aliquis longo tempore in aliquo
 loco publico venationem conti-
 nuè exerceat, & alios ea vti in eo-
 dem loco prohibeat, existimant
 DD. iuris, talem, quasi possessionē
 eius loci sibi acquisiuisse, & per
 consequens ius venandi præscri-
 pisse. l. si quisquam. ff. de diuers. &
 temporalib. præscript. Quod ita ve-
 rum est, * nisi Princeps in locis pu- 13
 blicis venari prohibeat, per text.
 in l. seruitutes. 14. §. publico. ff. de serui-
 tutibus

utibus. Neq; enim iniuriam eo casu videtur facere subditis Princeps, qui iure a legibus sibi concessio utitur. *l. nullus. ff. de reg. iur. & iniuriarum. 13. §. 3. ff. de iniurijs.* Secus est in solo priuatorum, quibus Princeps ius illorum auferre non debet, neq; potest, per text. *in l. 2. C. de precib. Imperat. offer.* Vbi DD. & *in l. digna vox. C. de legib.* per textus *in l. ultima. C. si contra ius vel util. publ. & in l. 2. §. si quis a Principe. ff. ne quid in loco publ.* Nisi itidem in huiusmodi prohibitione priuati acquiescant; atque ita per præscriptionem etiam in priuato solo Princeps ius venandi acquirat, per textum *in c. unico. in verbis reatus piscationum, tit. quæ sint regul. in vsib. feudorum.* Pro conclusionem verò istius quæstionis notandum est, quòd prohibitione Principum, vel aliarum Illustrum personarum, ne in publico venari loco, priuato cuiuslibet licet, interueniente, transgressori non pœna capitis, sed arbitraria tantummodo sit infligenda; quicquid in contrarium susurrone & adulatores aulici Principibus aut Dominis suis adblandiatur. Nam pœna arbitraria quamuis alias vsque ad mortem extendi possit, puta, in delictis morte dignis, te-

ste Marant. *de ordin. iudic. parte 4. distinct. 1. num. 45.* tamen in eo nulla videtur esse analogia, quòd homo propter feram capite puniri debeat. *Cum facies hominis (ut inquit Imperat. Constantinus in l. si quis. 11. C. de pœnis) ad similitudinem pulchritudinis cœlestis sit figurata.* At inquit illi, in Principem deliquisse videtur qui prohibitionem ipsius transgredi ausus est. Sit ita. At in tali prohibitione venationis delinquitur in Principem, non ut in Principem, nec ad violandam ipsius personam, Maiestatemque, quod alioquin pœna capitali puniendum est. Ac proinde magis hac in parte æquitati & legi Diuinæ dispositio iuris Saxonici congruit, vbi expressè statuitur, quòd ob venationem ferarum nemo in corpore puniri debeat. *Spec. Sax. lib. 2. art. 61.*

OBSERVA. XXXVIII.

Res seu bona Ecclesiæ vtrum oppignorari aut alienari possint?

SUMMARIA.

1. Res sacra dupliciter considerari solent.
2. Alienationes rerum Ecclesiæ tam iure Canonico quam Ciuili prohibentur.

2. *De non alienandis bonis Ecclesie Bulla Pauli Secundi.*
4. *Constitutio Regni de non alienandis bonis Ecclesie.*
8. *Iure Saxon. recipiens pignori, aut emens res sacras, qualiter puniatur?*
6. *Iudæi res sacras pignori non debent accipere, sub pœna capitis.*
7. *Res sacre quibus casibus alienari licite possint?*
8. *De rebus & vasis sacris S. Ambrosii elegans admodum sententia.*
9. *Exempla Sanctorum Patrum de alienatione rerum sacrarum in redemptionem captiuorum.*
10. *Solemnitates ad alienationem rerum seu bonorum Ecclesie quæ requirantur.*
11. *Casus in quibus solemnitates circa alienationem bonorum Ecclesie non requiruntur.*

RES sacre* seu Ecclesie dupliciter considerari solent. Aut enim sunt quæ dedicantur ad vsum & cultum diuinum simpliciter & directè, vt templa, calices, ornamenta, libri, &c. per text. in §. sacra. in verbis: *Sacra res sunt, quæ ritè per Pontifices Deo consecrata sunt, veluti ædes sacre & donaria, quæ ritè ad ministerium Dei dedicata sunt. Insit. de rerum diuisione.*

Aut sunt quæ non simpliciter destinantur ad cultum diuinum, sed pro sustentatione ministrorum Ecclesie, quæ regulariter bona Ecclesiastica dicuntur. Et * de huiusmodi rebus, vtroque modo sumptis, notanda est generalis regula. Quod omnis alienatio earum, quocunq; titulo siue donationis, siue venditionis, siue permutationis fiat, regulariter de iure tam Canonico quam Ciuili Rom. est prohibita, ita vt nec alienari, neq; obligari, aut oppignorari possint. Ac inprimis quantum attinet ad ius Canonicum, alienationem rerum Ecclesie prohibitam esse, patet ex textu in c. nulli liceat. §. tit. de rebus Ecclesie non alienandis. cuius hæc sunt verba: *Nulli liceat alienare rem immobilem Ecclesie, siue agrum, siue rusticum mancipium, neque specialis hypotheca titulo obligare.* Et infra ibidem: *Vnde omnes Sacerdotes ab huiusmodi alienatione abstineant; pœnas timentes quas Leonina Constitutio cõminatur.* Est autem hæc cõstitutio Leonis Papæ Quartitalis: *Monemus, & irrefragabiliter affirmamus, vt nullus Episcoporum vel Sacerdotum rem tituli sui usurpare præsumat: sed neque salarium, à Christianis sanctis locis oblatum, causa amicitie vel timoris,*
aut

aut muneris pertinetet auferre: ne Ecclesia Dei ad nihilum redigatur. Quod qui facere præsumpserit Episcopus vel Sacerdos, Canonica sine dubio subeat ultionem, & quod Ecclesia iniuste ablatum est, reddere cōpellatur. c. 18. monemus. 12. quæst. 2.

3 Quod clarit̃s etiam in Bulla Pauli Secundi anno incarnationis Dominicæ 1468. Calend. Martii promulgata, (quam hic adiciere operæpretium esse duxi) prohibetur his verbis: Ambitio & cupiditati illorum præcipuè qui Diuinis & humanis affectati, damnatione postposita: immobilia & pretiosa mobilia Deo dicata, ex quibus ecclesiæ, monasteria, & pia loca reguntur, illustranturq̃, & eorum ministri sibi alimoniam vendicant, profanus vsibus applicare, aut cum maximo illorum ac Diuini cultus detrimento, exquisitis medijs usurpare præsumunt, occurrere cupientes: omnium rerum & bonorum ecclesiasticorum alienationē, omneq̃ pactum, per quod ipsorum dominium transfertur, concessionem, hypothecam, locationē, & conductiōnem ultra trienniu, necnon in feudationem, vel contractum emphyteuticum, præterquā in casibus à iure permixtis, ac de rebus & bonis ab antiquo in emphyteusim cōcedi solitis, & tūc Ecclesiarum euidenti utilitate, ac de

fructibus & bonis, quæ seruando seruari non possunt, pro instantis temporis exigentia, hac perpetuo valitura constitutione præsentī fieri prohibemus. Et additur ibidem in transgressores huiusmodi pœna: Si quis autem contra huius nostræ prohibitionis seriem, de bonis & rebus eisdem, quicquā alienare præsumpserit, alienatio, hypotheca, concessio, locatio, conductio, & in feudatio huiusmodi nullius omnino sit roboris & momenti. Et tam qui alienat, quā is qui alienatas res & bona prædicta receperit, sententiam excommunicationis incurrat. Alienanti verò bona Ecclesiarum, monasteriorum, locorumq̃, priorum quorumlibet, inconsulto Romano Pontifice, aut contra præsentis constitutionis tenorem, si Pontificali vel Abbatiali præfulgeat dignitate, ingressus Ecclesiæ sit penitus interdictus. Et si per sex menses immediate sequentes, sub interdicto huiusmodi animo (quod absit) perseuerauerit indurato, lapsis mensibus eisdem à regimine & administratione suæ Ecclesiæ vel monasterij cui præsidet in spiritualibus & tēporalibus, sit eo ipso suspensus. Inferiores verò Prelati, Commendatarij, & aliarum Ecclesiarum rectores, beneficia vel administrationem quomodolibet obtinentes, prioratibus, præposituris, præpositatibus, di-

itatibus, personatibus, administratibus, officiis, canonicatibus, prebendis, alijsq; Ecclesiasticis cum cura & sine cura, secularibus & regularibus beneficiis, quorum res & bona alienarunt duntaxat, ipso facto privati existant: illaq; absq; declaratione aliqua vacare censeantur: possintq; per locorum Ordinarios, vel alios ad quos eorum collatio pertinet, personis idoneis, (illis exceptis quæ propterea privatae fuerint) liberè de aure conferri, nisi aliàs dispositioni Apostolicæ sedis sint specialiter, aut generaliter reservata: Nihilominus alienata res & bona huiusmodi ad Ecclesias, monasteria, & pia loca, ad quæ ante alienationem huiusmodi pertinebant, liberè reuertantur. Hucusque verba Bullæ; (quæ hodie in c. ambitiosa. tit. de reb. Ecclesiæ non alien. in extrauag. commun. reperitur) habentur. Extant insuper apud nos Petri Gamrati, Nicolai Dzierzgouii, Ioannis Prezembscii Archiepiscoporum Gnesnensium, in statutis Prouincialibus similes de alienationibus bonorum Ecclesiæ leges. Vnde satis manifestò videre est, quàm serio, imò quàm seuerè omnes alienationes bonorum, siue rerum Ecclesiasticarum iure Canonico prohibeantur. Nec minori sanè zelo,

leges quoque Ciuiles alienationes huiusmodi fieri vetant, quod vel ex vna illa admodum pia Imperat. Iustiniani Constitutione in l. sancimus. 21. C. de sacrosanct. Ecclesijs. facile colligi potest. cuius hæc sunt verba: Sancimus nemini licere sacratissima atq; arcana vasa, vel vestes ceteraq; donaria, quæ ad Diuinam religionem necessaria sunt (cum etiã veteres leges ea, quæ iuris Diuini sunt, humanis nexibus non illigari sanxerint) vel ad venditionem, vel hypothecam vel pignus trahere: sed ab his, qui hæc suscipere ausi fuerint, modis omnibus vindicari, tam per religiosissimos Episcopos, quàm per Oeconomos, nec non & sacrorum vasorum custodes; nulla eis actione relinquenda, vel super recipiendo pretio, vel sanore exigendo, pro quo res pignorate sunt: sed omnibus huiusmodi actionibus respuendis, ad restitutionem eorum omnibus modis coartari. Sin autem vel conflata sunt, vel fuerint, vel alio modo immutata vel dispersa: nihilominus vel ad ipsa corpora, vel ad ipsa pretia eorum actionem competere: siue per in rem siue per conditionem, siue per infatum actionem: cuius tenor in multis & varijs iuris articulis sæpe est admissus, excepta videlicet causa captiuitatis, & famis, in locis his in quibus

hoc (quod abominamur) contigerit. Nam si necessitas fuerit in redemptione captiuorum, tunc & venditionem præfatarum rerum Diuinarum, & hypothecam & pignorationes fieri concedimus. Quoniam non absurdum est, animas hominum quibuscumque, vasis vel vestimentis præferri, hoc obtinente non solum in futuris negotijs, sed etiam in iudicijs pendentibus. Pro quo etiam faciunt alii eiusdem iuris textus, vt in l. iubemus. 14. iuncta Auth. hoc ius porrectum. C. de sacros. Eccles. & tot. tit. Nouell. de non alienand. aut permutand. reb. Ecclesiast. quod hic recensere supra uacaneum esse existimaui; vt potè, quod res admodum per se clara esse videatur, res & bona Ecclesiæ nulla ratione alienari; & per consequens, neq; pignoriari posse. Nam & quando res pignori datur licet improprie & abusuè, alienari tamen videtur, per text. in l. quorum. ff. de pignor. & ibi: Bart.

4. Ac proinde * summa pietatis & religionis ratione, iurè quoq; Municipali nostro, id receptum esse, ex Constitutione in felicis Coronatione moderni Serenissimi Regis nostri Anno 1593 lata, clare admodum patet. Vnde * iuxta dispositionem iuris Saxonici. Si quis spiam maximè verò Iudæus (nā ca-

gens ex innato quodam in res sacras odio, vt plurimum eas sua perfidia interuertere solet) res huiusmodi sacras emat, vel pignori accipiat, vt fur & sacrilegus puniri debet, præsertim si non habeat varendatorem seu euictorem suum, per express. text. Specul. Saxon. lib. 2. art. 7. in verbis: *Emat si Iudæus calices, libros, aut de sacris ornamentis quicquam, vel si ei hæc obligentur, ista si in eius inuentæ erunt possessione, & eorum nequie-rit habere varendatorem, sicut fur condemnnetur.* Quinimo * statuto Casimiri primi Regis, Anno 1334 condito, id cautum est, ne Iudæi res sacras, & sanguine madefactas pignori recipiant, alioquin non obstante eo, quod euictorem suum iudicio fistant, si scientes res eiusmodi recipiant poena capitis illis infligenda foret; vt notat gloss. Spec. Sax. lib. 3. artic. 7. in fine. per text. in l. capitalium. §. famosos. ff. de pœnis. Secus esset si res sacræ prius conflatae sint, vel redactæ in priorem materiam; nam eo casu Iudæi quoque eas emere possunt, maximè verò si ex necessitate aliqua secundum præscriptum iuris de quo inferius dicitur, tales res vendantur, vt notat eadem gloss. Spec. Sax. lib. 3. artic. 7. Sanè in Cu-

riā Iudæo in simili casu oppignorationis vasis sacri, furto ablati, iuramentum super Rodale (de quo in Statutis nostris sub verbo *Iudæus*. habetur) in causa Illustriss. & Reuerendiss. Domini Episcopi Plocensis, cum quodam Sczurezyk Iudæo, feria 6. ante Dominicam Palmarū Anno 1597. decreto Regio iniunctum fuisse animaduerti, his cōceptis verbis, quod nimirum is de oppignoratione vasis sacri nihil sciuit, neq; eam ratam habuit, neq; vllas hostias cum eo accepit, neq; furi, vt furtum faceret persuasit, & antea nunquam res sacras ab eodem emere consueuerit, neque vlla re conscius sit istius facti. Verū enim verò his ita præmissis, pro pleniori huius quæstionis decisione, sciendum est, posse nonnunquam, & ex certis causis res seu bona Ecclesiæ alienari. Et primò quidē ex causa pietatis, puta pro redemptione captiuorum, maximè verò si Christiani à Turcis aut paganis capti sint, & nihil aliud suppetat vnde redimantur. *Quoniā non absurdum est* (vt inquit Imp. Iustin. in d.l. *Sancimus*. 21.) *animas hominum quibuscunq; vasis vel vestimenti præferri*. Et S. Ambrosius idem sentire videtur, in c. *aurum*.

70. *caus.* 12. *quæst.* 2 cuius hæc sunt verba: *Ornatus Sacramentorum, redemptio captiuorum est, & verè illa sunt vasa pretiosa, quæ redimunt animas à morte. Ille verus est thesaurus Domini, qui operatur, quod sanguis eius operatus est. &c.* Ad eam pietatis causam cibationem pauperum tempore famis, & sepulturas Christianorum referendas esse, idem S. Ambrosius in d. c. *aurū*. tradit his verbis: *Aurum Ecclesia habet, non vt seruet, sed vt erogat & subueniat in necessitatibus. Quid opus est custodire, quod nihil adiuvat? An ignoramus, quantum auri, atq; argenti de templo Domini Assyri sustulerunt? Nonnè melius constat sacerdos propter alimoniam pauperū, si alia subsidia desint, quàm sacrilegus contaminata asportet hostis. Et paulò post ibidem: Nemo enim potest dicere, cur pauper viuit? nemo potest queri, quia captiui redempti sunt, nemo potest accusare, quia templum Dei edificatum est, nemo potest indignari, quia humandis fidelium reliquiis spatia laxata sunt. Nemo patet dolere, quia in sepulchris Christianorum requies defunctorum est. In his tribus generibus vasa Ecclesiæ etiam iniuncta infringere, constare. vendere licet. Hæc S. Ambrosius. qui etiam modum alienandarum huiusmo-*

huiusmodi rerum ibidem ostendit. *Opus est* (inquit) *ut de ecclesia mystici poculi forma non exeat; ne ad usus nefarios sacri calicis ministeriū trāsferatur. Ideo intra Ecclesiam primum quaesita sunt vasa, quae initiata non essent, deinde comminuta, postremo conflata, per minutas erogationes dispensata agentibus, captiuorū quoque pretijs profecerunt. Quod si desunt noua, & quae nequaquam initiata videantur, in huiusmodi usus, quos supra diximus, arbitror omnia pie posse conuerti.* Quod priscos etiam illos Sanctos Patres factitasse antiquissimorum temporum historiae testantur; cuius rei plurima proferri possunt exempla, sed vel vnicū illud hoc loco sufficiat, quod de Cyrillo Hierosolymitano Episcopo meminit Sozomenus 3. tripart. 37. qui ob famem publicam omnia vasa Ecclesiae distrahere non dubitauit. Tradit quoque Victor lib. 1. de persecut. Vandalor. Carthaginensem Episcopū, ut captiuos a Vandalis & Mauris liberaret, vasa aurea & argentea vendidisse. O utinam haec tam pia Principum Ecclesiae exempla, & tam praeclara sanctorum patrum monita, ii qui populo Dei praesunt, & qui pastores illius appellari volunt, paulò diligentius attenderent, in idque v-

nicè incumberent, ut huiusmodi miserationibus pauperum potius quam priuatis opibus studeant. Nam S. Hieronymo teste, *Gloria Episcopi est pauperū inopia prouidere: ignominia Sacerdotis est propriis studere diuitiis.* Natus, inquit ille, in paupere domo, & in tugurio rusticano, qui vix milio & cibario pane rugientem saturare ventrem poterā; nunc similes & mella fastidio. c. gloria. 71. caus. 12. quaest. 2. Secundo res Ecclesiae alienari possunt ex causa necessitatis, ut si res alienum urgeat Ecclesiam, & aliunde persolui nequeat, per text. in c. & hoc. 6. in verbis: *Hoc etiam super ipsis venerabilibus domibus desinire prauidimus, ut si quadam ex eis siue pro publicis collationibus, siue pro alia necessaria causa eiusdem domus, debitū obnoxia fiant, & non est possibile de rebus mobilibus eadem persolui debita: primo quidem ordine in speciali pignore dari rem immobilem creditori, ut eius fructus colligens, reputet sibi tam in ipsis debitū mutuis pecuniis, quam in usuris non amplius quarta parte centesimae. ubi & alia plura de ratione persoluedorum huiusmodi debitorū disponuntur. Nouella 120. de alienatio. & emphiteusi. Concordat etiam textus in c. de sacris autem. 10. in verbis: Si verò sunt*
plura

plura vasa in aliqua memoratarum venerabilium domorum, nullum necessarium usum facientia, & contingerit huiusmodi venerabilem locum debitis aggrauari, & non sint alia manifestæ res de quibus debeant debita reddi: licentiam ei damus gestis monumentorum (sicuti superius in c. 6. dictum est) constitutis, prædicta superflua vasa, aut alii venerabilibus locis necessaria non habentibus, vendere, aut conflare: & similiter vendere, & eorum pretium in debitum præbere: ut non immobiles res alienentur. Nouel. eadem 120. Denique ex causa utilitatis alienari res Ecclesiæ possunt, puta si conditio Ecclesiæ inde melior fiat, per text. in Authen. hoc ius. in verbis: *Et is creditor hic intelligatur, qui quod credidit, probat in utilitatē Diuinæ domus processisse.* C. de sacros. Eccles. Cui ad stipulatur Leonis Papæ constitutio, in c. sine except. 52. caus. 12. quæst. 2. in verbis: *Sine exceptione decernimus. Ne quis Episcopus de rebus Ecclesiæ suæ quicquam donare vel commutare, vel vendere audeat: nisi forte aliquid horum faciat, ut meliora prospiciat, & cum totius Cleri tractatu atq. consensu id eligat, quod non sit dubium profuturum Ecclesiæ.* quæ constitutio itidem reperitur in c. tria. 8. tit. de his quæ à pralat. fiut

sine cons. capit. vel, si res alienanda sit magis damnosa, quam utilis Ecclesiæ. Nam & hoc casu ob incommoditatem alienari res Ecclesiæ possunt, per text. in c. terrulas. 52. in verbis: *Terrulas aut vineolas exiguas, & Ecclesiæ minus utiles aut longè positas & paruas, Episcopus sine consilio fratrum (si necessitas fuerit) distrahendi habeat potestatem.* 12. qu. 2. facit textus in c. non liceat Papæ. 20. in verbis: *nisi tantummodò domos, quæ in quibuslibet urbibus non modica impensa sustentantur.* 12. q. 2. & ibi passim DD. ut notat Rebuf. in compend. de alienat. rer. Eccl. nu. 9. ubi etiam dicit, quòd de his causis vel earum altera, debeat constare per publicum instrumentum; alioqui non crederetur etiam Papæ dicenti fecisse ex illa causa, quādo donat consanguineis, multò minùs crederetur Episcopo, Abbati, vel aliis. Alioqui Episcopus, vel alius indigens pecuniis, posset rem Ecclesiæ alienare, & attestari eam alienationem cedere in utilitatem Ecclesiæ. Cæterum * ad hoc, ut in prædictis casibus valeat alienatio rerum Ecclesiasticarum necessario requiritur, ut interueniant certæ solēnitates ex præscripto iuris Canonici, quæ ubiq; fere locorum circa alienatio-

nes

nes rerum Ecclesiasticarum in pra-
xi obseruantur; prout & in regno
ex superius allegata Constitutio-
ne Anni 1533. id seruari constat. De-
bet ergo interuenire sicut Panor.
in c. 1. & in c. tua. in c. cum Apostolica
de his quæ à Prelatis fiut. & in c. nul-
li. de rebus Eccles. non alienan. tra-
dit. Primò tractatus seu cognitio
causæ, an videlicet expediat Ec-
clesiæ alienatio huiusmodi, dein-
de auctoritas superioris, videlicet
qui est proprius Episcopus in non
exemptis: in exemptis autem est
prælatus, cui immediatè subest
Ecclesia pleno iure; vt est Abbas
in Ecclesiis sibi subiectis, & Pro-
vincialis Prædicatorum vel Mini-
stri Minor. quo ad eorum Mona-
steria. Quamuis etiam ab his qui
exempti sunt, & tantò magis ab
aliis non exemptis omnino requi-
ri debeat consensus Papæ secun-
dum ea, quæ in superius allegata
Bulla disponuntur, idq; vel ob id
potissimum, quòd à pœna aliena-
toribus bonorum & rerum Ec-
clesiæ imposita, nullus præter Põ-
tificem dispensare possit. Ita tenet
passim DD. prout Sūma Syluestr.
in verbo *alienatio. num. 5.* latius de
his disponit. Denique requiritur
consensus totius cleri seu capitu-
li secundum Panorm. *in c. statui-*

mus. 2. extr. de transact. Quod intel-
ligendum est de eo casu, quando
alienantur bona Ecclesiæ Cathed-
ralis vel Collegiatæ, tunc enim
requiritur consensus Episcopi &
Capituli. In alienatione enim bo-
norum alicuius Monasterii ne-
cessarius est consensus Episcopi,
Abbatis, & Monachorum. Quan-
do verò alicuius Parochialis Ec-
clesiæ alienantur bona, tunc re-
quiritur consensus Episcopi & re-
ctoris Ecclesiæ seu Parochi, in qui-
bus consensum Pontificis itidem
necessariò requiri supra dictum
est; quemadmodum apud nos Re-
gius in super consensus & appro-
batio huiusmodi alienationi bo-
norum Ecclesiæ omnino accede-
re debet, idq; ex dispositione di-
ctæ constitutionis Anni 1533. Et
quamuis de iure civili plures so-
lennitates requirantur, vt *in d.*
Auth. hoc ius porrectum. habetur;
tamen iuri Canonico hac in parte
standum esse, vsus & consuetu-
do ybique locorum obtinuit. Ac
proinde, si omissæ fuerint huius-
modi solennitates, alienatio ipso
iure est nulla, vt pote cum sit con-
tra prohibitionem legis facta, per
iura supra allegata. Nec sufficit
ex parte saltem aliqua, prædictas
solennitates, & requisita aliena-

tionis adimpleuisse, nisi prædicta omnia obseruentur, quia defectus formæ, siue in toto, siue in parte, semper inducit actus nullitatem, secundum Panormit. *in d. c. nulli liceat. per text. in d. c. iria. de his quæ à prælatis fiunt.* Sunt tamen
 II certi * casus, quibus istæ solennitates non requiruntur ex necessitate, quas Petrus Rebuff. *in compendio de alienation. rer. Ecclesiast.* latissimè persequitur, quem diligens lector non inutiliter consulere potest.

OBSERVAT. XXXIX

Princeps, an & quando dominiū bonorum vel rerum ad priuatos spectantium vsurpare sibi possit?

SUMMARIA.

1. Princeps rerum, quæ ad priuatos pertinent, dominus est.
2. Bona priuatorum Princeps quando auferre potest.
3. Princeps legibus an solutus sit.
4. Lex inuentum & munus est deorum, & ideo Princeps illi subesse debet.
5. Assentatores Principibus, eos supra leges esse, persuadere solent.
6. Princeps bona priuatorum non

nisi iusta causa interueniente auferre potest.

7. Iusta causa quæ dicatur.
8. Aedes priuatorum utilitatis publica causa Princeps demoliri potest.
9. Princeps ad solutionē iusti pretij, si demoliatur aedes priuatorum, tenetur.
10. Princeps plenitudine potestatis quando vti debeat.
11. In contractibus Princeps æquè vt priuatus obligatur.
12. Principes à rebus illicitis magis cauere debent, quàm priuati.
13. Successor Principis, an ad tenendum contractum, ab antecessore suo factum teneatur.

Prinicipem * Dominum esse rerum quæ ad priuatos spectant gloss. in verbo *sanctionem.* in proemio digestorum notat. Et alioquin dominium à Principe impetrari, ex tot. tit. C. de iure dom. impetran. manifestò liquet, quinimo secundum S. Augustinum, per iura Regum & Principum possessiones à priuatis possidentur, vt habetur in c. quo iure. 1. distinct. 8. in verbis: Iure tamen humano dicitur hæc villa mea est, hæc domus mea, hîc seruus meus est. Iura tamen humana, iura Imperatorum sunt: quare? Quia ipsa iura humana per Imperatores & Reges

ges sæculi Deus distribuit humano generi. Tolle ergo iura Imperatorum, & quis audeat dicere, mea est illa villa aut meus est ille seruus, aut domus hæc mea est? si autem ut teneantur ista ab hominibus, Regum iura fecerunt, vultis ut reticeamus leges. Vnde dicendum* videtur, posse Principem bona priuatorum pro libitu suo auferre; siquidem dominiū illorum ad ipsum pertinet. Nam & aliās de iure potest Princeps re alicuius assignare militibus, per text. in l. item si. §. 2. ff. de rei vindic. & in l. Lucius. ff. de cuiusd. ac insuper, is qui rem alienam comparat, vel quouis alio titulo acquirat a fisco Principis, statim tutus est, etiam aduersus verum dominum rei, per text. in l. bene à Zenone. C. de quadrienn. præscript. Princeps* enim cum legibus solutus sit, l. Princeps. 31. ff. de legib. utpote cui & ipsas leges Deus subiecit, legem animatam eam mittens hominibus, ut habetur Nouel. 105. c. 2. §. subiaceat. 4. omnia ei licere videntur, l. nec nos. §. quod eis. ff. ex quib. caus. man. non liceat. Nam & lege Diuina hoc ius Regibus seu Principibus concessum videtur, 1. Reg. 8. Verum his non obstantibus contrarium tenendum est, nō posse nimirum Principem res vel

bona priuatorum auferre, & trāsferre in alium. Ratio est, quia dominium rerum priuatorum non est Principis, per text. in §. singulorum. Instit. de rerum diuis. Quod ergo Princeps non habet, in alium transferre non potest. l. traditio. ff. de acquir. rerum domin. Item, quia dominium cuiusq; rei, est de iure naturali, l. ex hoc iure. ff. de iustit. & iure. sed ius naturale est immutabile, §. pen. Instit. de iure naturali. & l. 1. ff. de constit. Princ. & non debet cuiq; ius suum detrahi, l. 2. ff. de his qui sui vel alien. iur. sunt. alioquin vnde iustitia procedere deberet, inde iniustitiæ origo esset, quod fieri non debet, l. meminerint. C. unde vi. Quantum verò attinet supradictas rationes, sciendum est, Principem dominum quidem esse omnium in suo Regno, non quo ad vsurpationem, sed quo ad defensionem & generale imperium. Principes enim bona priuatorum possident imperio tantum, non dominio, ut inquit Seneca de benefic. lib. 7. Atque ita omnia quæ de potestate Principum superius dicta sunt, accipi debent, prout illud quoque, quod de iure Regio ex libro Regum allatum fuit, non tanquam præceptum aliquod, sed tanquam exemplum quid acturi

sint Reges reprobi, quidve vitari sint boni, proponitur; alioquin teste Tertul. *in l. de idolatria*. si permissa sunt omnia Principi, quid erit Dei? Ac proinde nec illud multum huic sententiæ refragatur, quod Princeps legibus solutus esse videatur. Nam hoc ita intelligendum est, principem quidem legibus, id est solennitatibus iuris quæ in legibus continentur solutum esse, nihil tamen magis proprium Principum esse, quam legibus vivere, ut habetur *in l. ex imperfecto. 3. C. de testam.* Quod etiam Plato *lib. 4. de Repub.* probat. qui se videre interitum Reipub. paratum dicebat, in qua non lex Principi & Magistratui, sed legi Princeps ac Magistratus præset; salutem verò illi, ubi lex seruentibus Magistratibus dominatur. Cū enim * lex inuentum & munus sit deorum, ut *in l. 2. ff. de legib.* dicitur, quis eorum decretis Principem solutum esse dicere ausit? *c. cum inferior. 10. tit. de maior. & obed.* Et ideo præclare quidā Philosophus ait: oportet legem omnium ducem & principem esse. Si ergo sola lex omnium dux & princeps esse debet, quomodo quis alius dux & princeps esse potest? Nam si quæris, quis principi princeps erit? lex

quæ omnium est Regina mortaliū & immortalīū, ut ait Pindar. Sed non desunt * impuri assentatores, qui aucupandæ Principum gratiæ causa, eorum auctoritatē & imperium effusè & plerumque falsò extollentes, eos legibus obedire non debere impiè prædicant, & sæpius impiam illam & infamiam quavis dignam vocem, qua vsa est nouerca Antonii Caracallæ Principibus inculcant. *Annesis* inquit. *Imperatorem te esse, & leges dare non accipere?* Quantò melius & honestius Principibus consultum esset, si digna illa vox maiestate regnantis in auribus eorū personaret, quæ *in l. digna vox. 4. C. de legib.* proponitur his verbis: *Digna vox est maiestate regnantis, legibus alligatum se Principem profiteri.* Adeo de auctoritate iuris, inquit, Imp. Theod. & Valent. *nostra pendet auctoritas, & reuera maius imperio est submittere legibus Principatum.* Iam * ad propositum redeundo, dicendum est Principem absolute pro libitu suo res priuatorum auferre nō posse, nisi iusta causa interueniat, & ita communiter DD. tenent, *in l. fin. C. si contra ius vel util. publ. & in d. l. bene à Zenone. 3.* pro quo facit etiam text. *in c. 21. per principalem. 9. qu. 3.* Iusta
verò

7 verò *causa elicitur fauor publi-
cæ vtilitatis, argumento l. Barba-
rius. ff. de off. prætor. Vnde colligi-
8 tur *quod Princeps publica vtili-
tate suadente, ædes priuatas de-
moliri, aut fundum priuatorum
vrbi vel ciuitati propinquum,
pro dilatando pomerio ciuitatis,
vel extruendo propugnaculo, &
multo magis pro ædificanda Eccle-
sia (prout in Curia inter Patres
Societatis I E S V, & Magistratum
Ciuitatis Leopoliens. feria 4. infra
octavas sacratiss: Corporis Christi
anno Domini 1603. iudicatum fuit)
aut ob aliquam aliam necessitatē
publicam occupare, item subur-
bia destruere, vel incendio, ne ho-
sti fiant receptui consumere pos-
sit, quibus ad stipulantur textus
singulares. in l. si quando. 9. C. de oper.
publ. & in l. item si verberatum. §. 1.
vers. item si. ff. de rei vindic. Semper
enim fauor publicus priuatæ vti-
litati præferendus est. Imperialis
siquidem, vt inquit Imper. Lotha-
rius, beneuolentiæ proprium est. com-
moda subiectorum inuestigare. & eo-
rum calamitatibus diligenti cura me-
deri: similiter Reipub. bonum statum
ac dignitatem imperij omnibus pri-
uatis commodis præponere. c. imperia-
lis. in princ. tit. de prohib. feud. alien.
per Lothar. lib. feud. i. tit. §. 2. quod

itidem express. text. in l. vtilitas. 3.
C. de principal. li. 12. probat. Et ideo
publicæ vtilitatis causa à regulis
iuris communis receditur, multa-
que permittuntur, quæ alias pro-
hibita sunt, per text. in l. ita vulne-
ratus. §. 1. in fin. ff. ad l. Aquil. Vtilitas
enim (teste Horat. i. serm. 3.) habe-
tur iusti propè mater & equi. Tene-
tur tamen *Princeps ad solutionē
iusti pretij, etiam si ob causam pu-
blicæ vtilitatis aut necessitatis bo-
na priuatis adimat. Hoc enim æ-
quitati, rationi, & iustitiæ consen-
taneum est, ne priuati absque sua
culpa iniuriæ & pretio careant,
per text. in l. venditor. 13. §. 1. in ver-
bis: Si constat in agro tuo lapidicinas
esse, inuito te, nec priuato, nec publi-
co nomine quisquam lapides cadere
potest, cui id faciendi ius non est: nisi
talis consuetudo in illis lapidicinis cō-
sistat, vt si quis voluerit ex his cade-
re, non aliter hoc faciat, nisi prius soli-
tum solarium pro hoc domino præstet.
Ita tamen lapides cadere debet post-
quam satisfecerit domino, vt neque
usus necessarij lapidis intercludatur,
neque commoditas rei, iure domino
adimatur. ff. de comprædior. facit e-
tiam textus in l. item si verberatum.
18. §. item 2. ff. de rei vindic. Nam
(vt rectè IC. Papinianus ait) quæ
facta laedunt pietatem, exist. nationis.

verecundiam nostram, & generaliter dicendo contra bonos mores sunt, nec facere nos posse credendum est. *l. filius. 15. ff. de condit. institution.* Ac proinde Princeps si fines & terminos iustitiæ violet, non solum contra bonos mores peccat, sed etiã Principis nomine indignus censeri debet, per text. in *c. scelus. 21. cau.*

IO. 2. qu. 1. Negari* tamen non potest Principem aliquando plenitudine potestatis vti posse, vtpote potest remittere damna priuatis tempore belli illata, idq; propter bonum pacis. Eodem modo ad reparationem damni non tenetur, si suburbia ciuitatis ob metum hostium sint sublata. Nam grauior & potentior est causa vtilitas publica, quã priuata: vnde meritò illa hanc vincere debet, vt notat Gail *lib. 2. Obseru. 56. & 57.* vbi plura de his videre licet. Sciendum* porro coronidis loco est, Principem in contractibus siue cum subditis, siue cum extraneis contrahat, æquẽ ac priuatum obligari. Quia conuentiones seu cõtractus sunt à iure naturali. *l. 1. ff. de pactis.* quod ius est immutabile, *s. sed naturalia.* *Instit. de iure natur.* quinimo etiam arctius obligari videtur Princeps, quã priuatus, vt notat Bald. in *c. 1. versic. si quã verò. tit. de pace Con-*

stant. qui dicit, omnes contractus qui alioqui sui natura stricti iuris sunt, bonæ fidei existere, si cum Principe initi fuerint, idq; ob regiam dignitatem, quæ vertitur in fide seruanda, etiam cum detrimento rerum suarum. Cum nihil sit quod lumine clariore præfulgeat, quã recta fides in Principe. *linter claras. Cod. de summa Trinitate.* Grauius itaq; peccat fidem fallendo, quã priuati homines, cum mutata fidei omnibus vindex esse debeat. Quarum enim rerum custodes ac vindices esse debemus, si ab officio nos deserui patiamur, seuerius plectendi sumus. *l. presbyteri. C. de Episcop. l. si quis decurio. ff. de falsis. l. quadam. ff. de penis.* Et alias Principes* magis cauere debere à re illicita, quã alios priuatos gloss. in *l. pen. ff. de hered. instituen.* tradit. Estq; ratio, vt enim in gemmis ob splendorem vitia magis quã in vulgaribus lapidibus sunt conspicua, & in præcelso editoque loco, vel tenuis flamma longè lateq; cernitur, ita Principum atq; Illustrium hominum citius errata animaduertuntur, atq; exaggerantur vehementius. Sed & successor* Principis contractibus ab antecessore suo factis, omnino stare debet, quamuis

non

non desint, qui differentiam hac in parte inter successorem hæreditarium, & eum qui electus est constituunt, existimantes hunc instar fructuarii inuito successore proprietatem obligare nō posse, *l.interim. C. de usufruct.* illum verò, scilicet hæreditarium, iure suo id facere posse vt successor eius obligetur. argum. *l. cum à matre. C. de rei vindicat.* Mihi in vtroq; successore idem iuris esse magis placeat. Nam & is Princeps qui electiuus est, necessariò tenetur in exordio regiminis, omnia iura & priuilegia tam publica, quàm priuata antecessoris sui confirmare & approbare, cuius rei exempla domestica, satis per se clara in statutis Regni, sub litera *Confirmatio iurium*, videre est.

OBSERVATIO XL.

Priuilegia à Principe concessa, an & quādo per abusum amittantur?

SUMMARIA.

1. Priuilegia vnde dicantur, & quid sint?
2. Priuilegiorum non minor, quàm iuris communis auctoritas esse debet.

3. Priuilegia in faciendo consistunt, quanto temporis spatium ob non usum amittantur.
4. Priuilegia in non faciendo consistunt, unico actu contrario amittuntur.
5. Vniuersitati in communi priuilegia concessa an ob non usum euanescent.
6. Praxis Regni, de priuilegijs ob non usum amittendis.
7. Priuilegia quibus ex causis rejici possint.

Priuilegia * sunt leges priuatorum, quasi priuatae leges; nam Priuilegium inde dictum est, quòd in priuato feratur, *c. 3. distin.* 3. Vnde priuatum seu singulare ius, contra commune indultum rectè dicitur priuilegium. *Ius enim singulare*, vt inquit IC. Paulus, est, quod contra tenorem rationis propter aliquam utilitatem auctoritate constituentium introductum est. *l. ius singul. 10. ff. de legib.* Neq; tamē* existimet quispiam minorem propterea priuilegijs adhibendam esse auctoritatem, quod legibus repugnent, atq; contra tenorem rationis (vt superius dictū est) introducta esse censeantur. Nam IC. Paulus illis verbis hoc saltē innuere videtur, priuilegia contra iuris commu-

communis dispositionem, quæ in æquitate & ratione consistit, esse introducta. Neque ob id dicere quis potest, æquitati & iustitiæ derogari, si legibus derogetur. leges enim in vniuersum & generaliter feruntur. vt inquit I.C. Vlp. *in l.iura. ff. de legib.* Quod si tamen causa aliqua iusta & legitima, cōtra ius commune, quod idem est contra legem, speciali priuilegio aliquid cuiuspiam concedendū esse suadeat, procul dubio nihil hac ratione æquitati & rationi derogabitur, & si legi derogatum sit. Cum enim æquitas & ratio (vt iā demonstratum est) legum sint primæ causæ atque origines, ex hisq; leges constituentur, concedendum sanè est, vt eadem æquitate impellente mutantur, & pro vtilitate humana quasi dispensentur, vt quo vinculo leges colligatæ sunt, eodem dissoluantur. *l. nihil tam naturale. ff. de reg. iur.* Ac proinde etsi priuilegiorum eadem planè, quæ & legum sit auctoritas & potestas, attamen si quis malè velit vt iis, omnino eadem amittit. Quod quibus modis eueniat variè à DD. distinguitur, ita vt Panorm. *in c. cum accessissent. num. 6. de constit.* dicat in ea materia tot esse opiniones, quot sunt capita.

Priuilegium * enim quod in facie
do aliquid consistit, iure commu-
ni spacio decem annorum non
vtendo amittitur, per text. *in l. 1.*
in verbis: *Nundinis impetratis à*
Principe non vtendo, qui meruit de-
cennij tēpore vsum amittit ff. de nun-
dinis: pro quo etiam facit gloss. *in*
d. c. cum accessissent super verbo *con-*
trauerint, iure verò saxon. spacio
triginta annorum argum. *artic. 29.*
lib. 1. amittitur. Quod tamē ita ve-
rū est, si voluntariè priuilegia-
tus quispiam non est vltus priuile-
gio, secus est, si vti non potuit, vt
potè, quia non per ipsum stetit,
sed quia occasio vtendi se non
obtulit. Nam hoc casu non amit-
tit priuilegium, etiamsi per mille
annos non vteretur, per express.
text. *in l. 3. Atilicinus. 35. ff. de seruit.*
rusticor. prædior. & *in l. in filiis C. de*
decurionib. Et ita tenet gloss. *in c.*
Abbate. extra de verborum signific.
in verbo: *donec idem.* vel si priui-
legiato data sit facultas faciendi
aliquid pro suo arbitrio & mera
voluntate, tunc enim quanto-
cunq; tempore priuilegium non
amittitur gloss. *in c. vt priuilegia.* in
verbis *semel in anno extra de pri-*
uilegijs. Item si agatur de priuile-
gijs Ecclesiæ, nam per non vsum
Ecclesiastica priuilegia non amit-

tuntur

tuntur minore spacio, quam quadraginta annorum, *c. de quarta. & c. illud. extra de prescript.* Deniq; si priuilegiatus per id tempus, quo priuilegio suo non vtitur, certam pensionem præstitit ei, à quo priuilegium impetrauit. Hac enim præstatione priuilegium suum retinet, licet eo non vtatur, prout DD. *in l. de quibus. ff. de legibus* post Felin *in d. c. illud.* tradūt. Cæterum quod * attinet priuilegium in non faciendo consistens, distinguendum est, vtrum tale priuilegium priuatæ personæ concessum sit, an verò communitati, vel Ecclesiæ. Primo casu per vnicum actū directè contrarium tollitur huiusmodi priuilegium. Nam directa contrauentio, speciem renunciationis in se continet, teste Panorm. *in d. c. cum accessissent.* per text. *in l. 2. C. de iure dom. impetr. & in l. voluntariè. C. de excusat. tutor.* & est text. & ibi gloss. *in l. 2. C. de his qui spontè mun. susc. lib. 10.* Quod fallit in eo casu, si actus contrarius violentus & coactus fuerit, etiamsi nulla protestatio contra vim aut coactionem interuenerit. *l. cum extruendi. 4. ff. de muner. & honorib.* Menoch. *lib. 6. de præsumpt. 41. præsumpt. num. 14. cum sequen.* Vel si priuilegium huiusmodi annexam

habeat clausulam omnium actuum contrariorum annullatoriam & cassatoriam, puta si in priuilegio ponantur hæc verba, cassantes, irritantes, &c. quo casu, neque contrauentione, neque præscriptione amittitur priuilegium, glossa *in cap. dilecto.* in verbo *clausula. extra de præbend.* Ratio est, quia vbi de superioris intentione constat, ibi inferioris contrauentio nihil operatur, vt ibid. gloss. notat. Vel denique si consuetudine quæsitum sit priuilegium, quod vnico actu contrario non tollitur, sed tot actus ad amissionem illius requiruntur, quod ad consuetudinem tollendam necessarii sunt, Menoch. *d. loco.* Secundo verò casu priuilegia vniuersitati alicui in communi, non autem singularibus personis concessa, non tolluntur per actum contrarium, sed tantummodò longissimi temporis præscriptione, puta 40 annorum spacio, per text. *in c. accedentibus. ext. de priuileg.* Ratio, quia singulares personæ per contrauentionem nō possunt renunciare priuilegiis Ecclesiæ vel Communitati concessis, quamuis aliàs per vsum & possessionem singulorum retineantur & conseruantur priuilegia, argum. *l. 1. §.*

fin. cum l. sequen. ff. de acquir. & amitt. possesf. sed hæc Gail lib. 2. Obfer. 60. persequitur copiosius, quæ
 6 consulere potes. In Regno *præxis cōtinua id obtinuit, quod priuilegia atque rescripta Principis qualiacunq; trium annorum atq; totidem mensium spacio, non v-tendo amittantur. Et ita in Curia Regali inter possessores Aduocatiæ in Suraz & Petrum Tlukomski teria secunda post festum sancti Bartholomæi Apost. anno 1533. & inter Strzerecka & Oski sabba tho ante Dominicam Iudica anno 1598. præsidente tunc Iudiciis laudatissimæ memoriæ IO ANNE Zamoycki supremo Regni Cancellario, iudicatum fuisse memini.
 7 Possunt * præterea alias etiã ob causas priuilegia à Principe emanata reuici & annullari, quas numero quatuordecem gloss. Spec. Sax. art. 49. lib. 1. recenset.

2. Priuilegia posteriora à Principe impetrata cassari & abrogari debent.

3. Prior Principis concessio posteriori præferenda est.

4. Posterior donatio Principis motu proprio facta, an præferatur priori?

5. Priuilegia Principum vim legis obtinere.

6. Praxis Curia & præiudicata, quo ad priuilegia priora, potiora esse debeant posterioribus.

7. Posterior donatarius possessionem rei donatæ prius adiens, num præferatur priori donatario?

8. Priuilegia ad beneplacitum Principis concessa, quamdiu durent.

9. In Regno olim mos fuit Regibus, concedendi largitiones bonorum

10. Regalium ad beneplacitum suum, nunc verò ad vitam donatarij huiusmodi bona conceduntur.

11. Priuilegia ad vitam Principis data, in Regno non valent.

OBSERVATIO XLI.

Priuilegium Principis posterius, an priori præferatur?

SUMMARIA.

1. Principis constans & immobilis debet esse voluntas, & ideo variationes in priuilegijs Principum esse non debent.

Fieri plerunq; solet in *donationibus Principum, vt duo diuersis temporibus ex gratia & liberalitate Principis impetrantes eandem rem, de validitate Priuilegiorum. An videlicet prius posteriori, vel è contra sit præferendū, iudicio contendant. Quæ in re id quidem maximè cōueniret Priuilegijs
 cipibus

cipibus, vt huiusmodi variationes procul absint ab illorum Aulis, quæ vulgò manifestam in se iniquitatem continent, & multum inimicæ censentur esse legibus. Princeps siquidem vnā linguam & vnum calamus habere, ac instar lapidis angularis, & polaris in cœlo stellæ, immobilis & constans eius voluntas esse debet, prout Bald. *consil.* 327. num. 3. & 4. part. 1. notat. Conuenit enim Principibus illa dicta sacra scripturæ, *semel locutus est Dominus. & quod scripsi, scripsi. item quæ processerunt de labiis meis non faciam irrita.* At quia Principes non tam malitia, aut iniquitate aliqua in eo peccare, vt pote quòd illorum dispositiones, omnis malitiæ ac diminutionis expertes esse debeant, vt habetur in *textu §. illud. 2. Nouell. 81.* quam obliuione aut importunitate impetrantium circumuenti esse præsumuntur, adeo vt contrarij probatio non admittatur, per *text. in l. si qua loca. C. de fundis & salt. rei domi. lib. 11.* idcirco minus fortè ipsi hac in parte, si quid huiusmodi eueniat culpandi sunt. Priuilegia tamen * hoc modo posterius impetrata, omnino cassari abrogariue debent, prout id constitutione quoque Regni publica anni 1613.

comprobatur. Et ita in causa inter Ioannem Plaza & Nicolaum Belzecki ratione villæ Starzawa, feria 2. post Dominicam Cantate Anno 1593. decisum fuit. Regulariter enim * ex communi DD. opinione prior Principis concessio, posteriori præferenda est, per *text. in l. prædia. §. in verbis: Apertè enim definimus hoc edicto, vt à perpetuario nunquam possessio transferatur: etiamsi alteri eam Imperator vel exoratus vel spontè donauerit. C. de locat. prædior. ciuil. vel fscal. & c. lib. 11.* Ratio est, quia rem habens à Principe vel ipsius fisco, perpetuò tutus manet, nec à quopiam de ea molestari debet, prout *in l. omnes. & in l. benè à Zenone. C. de quadr. præscript.* disponitur in verbis: *Et nemo audeat eos, qui res (scilicet à fisco) accipiunt, per quemcunq; titulum alienationis, siue mobiles siue immobiles, seu se mouentes, vel iura incorporalia, vel panes ciuiles iudicij adficere, vel sperare contra eos esse aliquam sibi viam apertam, sed omnis aditus præcludatur, omnis motus & spes huius petulantia.* Quod adeo * verum est, vt etiam si posterior donatio à Principe alicui motu proprio facta sit, tamen priori non præualeat, per *text. in d. l. prædia.* Id enim Princeps honestè

facere nequit, vt fatetur gloss. in
*c. decet. in verbo mansurum. tit. de
 reg. iur. in 6.* Nam ea tantum face-
 re possumus, quæ salua dignitate
 & honestate possumus, per text.
*in l. nepos Proculo. 125. ff. de verb. si-
 gnif.* Et quæ facta lædunt pietatē,
 existimationem, & verecundiam
 nostram, & vt generaliter dixe-
 rim, contra bonos mores sunt, nec
 facere nos posse credendum est,
*l. filius. 15. & l. conditiones. 9. & l. con-
 dit. 14. ff. de condicion. instit.* Acce-
 5 dit etiam * illud, quod largitiones
 seu donationes, & per consequēs
 priuilegia Principum, vt & alii cō-
 tractus, vim & vicem legis obti-
 nent, *l. donationes. 26. C. de donat. in-
 ter vir. & uxor.* Ergo. Cū priuatis
 non liceat donationem suam abs-
 que causa reuocare, & alii conce-
 dere, *l. Aristo. ff. de donat. & l. si quis
 argentum. 35. C. eod.* multominus
 hoc conuenit facere Principi, cu-
 ius Maiestatis proprium est con-
 cessa non auferre, per text. in *No-
 uel. 10. in verbis: Non vt quæ sunt
 auferamus eis concessa. Nec enim hoc
 Imperialis Maiestatis est proprium.*
 Ac deniq; quod huiusmodi priui-
 legia vt plurimum promissionem
 annexam habent, qua Princeps
 recipit se priuilegia sua conserua-
 turum, ita scribendo: *Promittimus*

*verbo nostro Regio, talem & talem
 in vsu huius priuilegij conseruatu-
 ros.*

Sed huiusmodi pollicitationes,
 seu promissiones loco pacti ha-
 bentur, quo etiam Princeps obli-
 gatur, *l. 1. ff. de pact. & l. 1. ff. de con-
 sit. pecun.* Ex his itaque * firmiter

concluditur. In Principum dona-
 tionibus priora priuilegia potio-
 ra esse, & ideo præferenda poste-
 rioribus, quod etiam praxis Cu-
 riæ Regalis multoties comproba-
 uit, vt ex decisionibus in causa
 inter Ioannem Goldsmit, & senio-
 res Pannicidarum Crac. feria 2. an-
 te festum S. Margarethæ, Anno
 1591. Item in causa Magistratus
 ciuitatis Præmislien. cum Iudæis
 Præmislien. feria 3. post Dominicā
 Oculi Anno 1604. Et in causa fra-
 ternitatis Contubernii Arculario-
 rum Leopoliē. cum senioribus
 opificii eiusdem feria sexta ante
 Dominicam Rogationum Anno
 1605. factis, colligi potest. Neque
 etiam * attendi id debet, quod po-
 7 sterior fortē donatarius prius pos-
 sessionem rei a Principe sibi dona-
 tæ, adierit. Nam hoc quoq; casu
 primus donatarius a posteriore
 donatario rem donatam vindica-
 re potest, maximē si donatio vel
 concessio Principis per modum
 gratiæ facta sit, puta respectu ser-
 uitiū.

uitiorum vel meritorum alicuius, quia tunc dominium transfertur sine traditione, cum iusta sit natura donationis gratiosæ, vt notatur in *c. si tibi. 17. tit. de prebend. in 6.* quod etiam probat Abb. in *c. continetur. tit. de his quæ fiunt à prælat.* Nec obstat *l. quoties. 15. Cod. de rei vindic.* vbi expressè habetur, *eum cui priori traditum est, in detinendo dominio esse potiore.* Nam hoc non procedit in Principe, cui specialiter id competit, quod rei ab illo donatæ dominium absque vlla traditione donatarius consequatur, vt notant DD. in *d. l. quoties.* Ac quanquam postmodum merita vel seruitia donatarii prioris domino non exactè respondeant, tamen ob id donatio eidem facta inuolidari non debet, vt est communis DD. opinio in *l. si donatione. C. de collat.* cum defectum meritorum suppleat liberalitas Principis: & Principi meritorum donatarii in literis donationis mentionem facienti, plena fides adhibenda est: etiam si donatarius merita sua aliter probare nequeat. *Dec. de respons. 25. num. 37. cum seq. lib. 1.* Obiter * autem notandum est, multum in eo interesse, quatenore, quæue formula priuilegium donationis à Principe conce-

ptum sit. Nam quandoque solent Principes ad reuocationem & beneplacitum suum concedere beneficia. Quo casu huiusmodi priuilegia tantisper durant, donec princeps illud reuocet. Nam beneplacitum Principis nulli subiacet legi, text. in *l. fideicommissio. §. quanquam. ff. de legat. 3.* & gloss. ibidem in verbo *volueris.* Et nulli facere iniuriam videtur, qui iure sibi reseruato vtitur, *l. iniuriarum. 13. §. 15. ff. de iniuriis.* Sed si moriatur Princeps, tunc morte ipsius extinguatur talem concessionem DD. existimant, hac potissimum ratione moti, quia voluntas cuiusque morte soluitur, per text. in *c. gratiosè. tit. de rescript.* Verius tamen est morte concedentis talia priuilegia non tolli, pro quo facit optimè text. in *l. iuris peritos. ff. de excusat. tutor. gloss. in c. fin. de rescript. in 6.* in verbo *perpetuas.* Et ratio est, quia quod expressè non mutatur, cur stare prohibetur? *l. præcipimus. C. de appellat.* prout inter Carmelitas & Capitaneum Bidgostien. feria tertia post festum SS. Viti & Modesti, anno 1598. decretum fuit; quod videlicet priuilegium ad beneplacitum à Vladislao Rege concessum, & per subsequentes Reges non reuocatum conseruari debeat.

debeat. Vnde colligitur a successore postmodum Principis, posse reuocari huiusmodi concessionē, quia eodem iure potestatis gaudet, per textum *inc. innotuit. 20. §. quamuis. tit. de electione & electi potestate.* vbi dicitur, *quod prioris Pontificis ordinatio nullum potuit successoribus suis generare praiudicium, pari post eum, (imo eadem) potestate functuris, cum non habeat imperium par in parem;* pro quo faciunt etiam text. *in l. 3. & 4. C. de arbitr.* Olim quidem * in Regno mos fuit Regibus nostris largitiones bonorum Regalium ad beneficium suum concedendi, nunc verò non sine ingenti detrimento atq; iactura huiusmodi bonorū, iure aduitalitio priuatis ea conferēdi, necessitas lege publica Regibus imposita est, idq; constitutione Anni 1607. sub rubrica *de*
 10 *oeconomis num. 9.* Simili * quoque ratione, quæ olim ad vitam Principis priuilegia ex Cancellaria Regia emanabant, iam huiusmodi concessiones pro inualidis censentur, quemadmodum ex decisione Curiali in causa inter Instigatorem ex delatione Magi Nicolai Firlei Palatini Crac. & Szafrancovva die 5. Maii Anno 1599. facta videre est.

OBSERVATIO. XLII.

An creditor qui pecuniam debitori in rem emendam, vel extruendam reficiendamve crediderit, priuilegio potioritatis (vt vulgò dicunt) gaudere debeat, nec ne?

SUMMARI A.

1. Creditor posterior ad extruendam reficiendamve rem pecuniam mutuo dans, præfertur priori creditori.
2. Id quoq; procedit in creditore priore hypothecam habente.
3. Differentia inter creditorem, qui ad reficiendam; & eum, qui ad extruendam de nouo rem pecuniam credidit.
4. Cautela creditoribus ad reficiendam seu conseruandā rem mutuo dantibus pecuniam seruientis.
5. Pecuniam ad reficiendam rem mutuo esse datam (si ex illa pecunia reficiatur) præsumptio est, etiam si id expressum non fuerit.
6. Senatusconsultum Macedon. patri competit, si filius as alienum faciat.
7. Odiā restringenda, fauores ampliandi sunt.
8. Pecunia ad refecionem rei mutu-

tuata, utrum necessario eo conuer-
ti debeat, ne aliàs cesset priuilegi-
um praelationis.

9. Generalis conclusio, de mutuo ad
conseruationem quarumcūq; re-
rum dato.

EVM qui prior sit tempore,
potiorem esse iure, notissimi
iuris est, l. 3. C. qui pot. in pignor. hab.
Et in c. qui prior. de reg. iur. in 6. Vn-
de *inhærendo huic iuri, in quæ-
stione proposita idem videtur di-
cendum, quòd nimirum creditor
posterior ad comparandam, vel
extruendam, reficiendamue rem
pecuniam debitori mutuo dans,
prioribus creditoribus ius hypo-
thecæ ad illam rem habentibus,
nequaquam præferendus sit; attam-
en quia priuilegia (vt inquit IC.
Paulus) non semper ex tempore, sed
ex causa æstimantur, per textum in
l. priuilegia. 32. ff. de rebus auct. iu-
dic. possiden. idcirco non obstante
Regula iuris prædicta, speciali
quadam iuris ratione definitum
est, creditorem in hoc casu priui-
legio protomiseos seu prælatio-
nis inter alios creditores gaudere;
quod plures textus iuris Ciuilis
attestantur. Et primò extat IC.
Vlpian. in l. creditor. 25. ff. de reb. cred.
huiusmodi respòsum. Creditor, in-

quit, qui ob restitutionem adificiorū
crediderit, in pecuniā quam credide-
rit priuilegium exigendi habebit.
Quod iisdem planè verbis idem
Vlpian. in l. 1. ff. de cessione bonor. &
IC Caius ff. de priuileg. creditor. l. 1.
repetit. Sed multò id clariùs in Lin-
terdum. s. ff. qui potiores in pign. hab.
expressit Vlp. his verbis: Interdū
posterior, potior est priore, vt puta si
in rem istam conseruandam impen-
sum est, quod sequens credidit; velu-
ti si nauis fuit obligata, & ad arma-
dam eam rem, vel reficiendam ego
credidero. Et additur ibidem ele-
gans ratio: * Nam, inquit idem IC. 2
huius pecunia saluam fecit totius
pignoris causam. l. huius in princip.
ff. eod. Vnde consequens est, fru-
stra conqueri alios creditores de
prælatione illius creditoris, cuius
pecunia res, de qua inter se con-
tendunt, comparata vel conser-
uata est, quæ alioquin in bonis de-
bitoris non inueniretur. Quod
vsque * adeo procedit, vt huius-
modi creditores, qui siue in emen-
dam siue reficiendam rem pecu-
niam crediderunt, prioribus hy-
pothecam habentibus præferan-
tur, idq; auctoritate nouæ Consti-
tutionis Iustin. Imper. cuius hæc
sunt verba: His consequens est &
illud decernere, quod in casibus hu-
iusmodi

*iuxta modi dubitatum est. Nouimus, inquit Imperator. Iustin. antiquioribus creditoribus aliquas hypothecas preponere iuni res existentes, ex priuilegijs à legibus datis; quale est quando aliquis proprijs pecunijs procurauerit nauem comparare, aut fabricare, aut reparare, aut domum forsàn edificare, aut etiam emi agrum, aut aliquid horum. In his enim omnibus priores existunt posteriores creditores, quorum pecunijs emptæ aut renouata res est, ijs qui etiam multò antiquiores sunt. Auth. de aqualit. dot. Nouell. constit. 97. c. 3. in princip. Quæ constitutio licet de pecunia tam ad reficiendam, quam ad emendam, & de nouo conficiendam rem credita, satis clarè & perspicuè disponat. Attamen * longè aliam esse rationem istius creditoris, qui ad reficiendam rem credidit pecuniam, aliam verò illius, qui in conficiendam siue de nouo extruendam eandem mutuum dedit, Interpr. iuris passim tradunt. Priori etenim casu talis creditor, non solum creditoribus prioribus quibus suis præfertur, verum etiam in ipsis rebus tacitam hypothecam habet, in eaq; anterioribus creditoribus itidem hypothecatis potior est. teste Accurs. in l. quod quis. ff. de priuileg.*

*credit. & in d. l. interdum. ff. qui potior. in pign. hab. in verbo priore. Altero vero casu, non habet hypothecam in illa re, sed priuilegio tantummodò personali gaudet, quo mediante præfertur aliis creditoribus solam personalem obligationem habentibus; ita tenet gloss. in l. quod quis. ff. de priuileg. credit. Bart. in l. interdum. ff. qui potior. in pign. hab. & Bald. in l. quæuis. C. de pignor. Salic. in Auth. quod iure. C. qui pot. in pign. hab. qui dicit, eam esse communem DD. opinionem. Rationem diuersi huius iuris alii aliam comminiscuntur. Mihi verò non displicet illa, quæ superius ex respòso IC. Vlp. in l. huius ff. qui potior. in pign. hab. posita est. Quod nimirum creditor ad reficiendam rem obligatæ mutuans pecuniam pignoris causam saluam reddiderit. Is verò qui ad conficiendam, vel extruendam pecuniam credidit, rem illam conseruasse, & ab interitu vindicasse dici non potest. Sciendum tamen * est, quod hac in parte creditorē ad reficiendam seu conseruandam rem pecuniam mutuo dantē cautum esse oporteat, vt nimirum reficiendæ illius rei causa, semutum dare expressè & specialiter conueniat; alioquin etiam si potestea*

stea pecunia esset expensa in refectionē, mutuans priuilegio prælationis inter hypothecarios creditores priuabitur. Qui enim non expressa causa credidit, in omnē euentum credidisse cēsendus est, neq; alii creditores ipsi acceptum ferre possunt, ac si is saluam præstiterit pignoris causam, cum debitori in quamecunq; rem impendendæ illius pecuniæ, liberum reliquerit arbitrium. Quamuis non
 5 desint, *qui contrarium teneant, vt potè expressam conuentionē eo in casu non requiri, sed sufficere, vt res ex illa pecunia reficiatur. Nam tunc fictione ipsius legis, debitorem ea intētionē vt res reficeretur pecuniam mutuo accepisse, dicendum esse videtur. Præsumitur enim pecuniam quiscunq; in eam causam sumpsisse, in quam ea pecunia versa reperitur, idq; argumento *l. item §. 7. §. proinde. 12. ff. de SC. Macedon.* At hoc argumentū tanquam in dissimili causa minimè procedit. Nam
 6 SC. *Macedonianii alia est ratio, vbi de abrogando & remittendo priuilegio agitur, quod competit patri, si filius familias in scio patre æ alienum faciat. Alia verò vbi de irrogando priuilegio res est. Facilius siquidem priuilegia in

præiudicium & iniuriam alterius indulta tolli & remitti, quàm produci possunt. Odiā *enim restrin- 7 genda sunt, fauores ampliandi, per text. in *c. odia. de reg. iur.* Ac insuper *etiam illud hic requiri, vt 8 pecunia etiam expressè ad refectionem rei mutuata, actualiter & in effectu conuersa sit ad reparationem rei; prout communiter DD. iuris tradunt, idque ob rationem, in *d. l. huius. sup.* allegata positam, quæ aliàs cessaret, nisi id probaretur. Verumtamen mihi videtur ex verbis *d. l. huius.* id elici minimè posse, quòd nimirum creditor probare teneatur pecuniam ad refectionem erogatam esse, sed ei sufficere, si sciat se credere in rem reficiendam vel conseruandam esse impensam, quini- mo cum is, qui mutuum dederit ad refectionem rei, negotium debitoris egisse videatur, vt patet ex text. *d. l. huius. 6.* Negotiorum verò gestor id tantum probare debeat, quòd negotium vtiliter cap- tum sit, licet effectum non habuerit, per expres. text. in *l. sed an. 10. §. 15. autem. 1. ff. de negot. gest.* Consequens est, creditorem quoque eo casu ad talem probationē, quòd pecunia in refectionem seu reparationē rei versa sit adstringi

minimè posse. Communis tamen (vt supra dixi) in contrarium est sententia, vt notat Gail lib. 2. Obseru. 25. num. 8. Mynsing. Cent. 1.

9. *Obser. 60.* Cæterum, * quæ de refectione superius dicta sunt, procedunt etiam in mutuo facto pro alimentis nautarum, pro custodiendis rebus, pro soluendo nauo, pro conductâ domo rei obligatæ conseruandæ causa, pro reficienda domo, & generaliter in omnibus aliis causis, quæ ad conseruationem eius rei, de qua contenditur pertinere videntur. In omnibus enim istis casibus præferri eū, qui mutuauit ad conseruationem rei, prioribus creditoribus non tantum tacitam sed etiam expressam hypothecā habentibus, prout supra dictum est, quod etiam probat Negusant. tract. de pign. parte 5. memb. 2. num. 25. vbi plura de his videre licet.

OBSERVATIO XLIII.

De thesauris & metallis inuentis, cuiusnam cedere debeant?

S V M M A R I A

1. *Thesaurus quid sit, & quomodo definiatur.*
2. *Thesaurus donum fortuna dicitur,*

& ideo inuentio illius fortuita esse debet.

3. *Inuentus thesaurus in fundo alieno, cui cedat.*
4. *Thesaurus inuentus in loco publico, ad quem pertineat.*
5. *Thesaurus in loco religioso repertus pro dimidia parte Ecclesie applicatur.*
6. *Iure Sax. thesauri reperti ad fiscum deuoluuntur.*
7. *Thesaurum inueniens in fundo proprio, etiam absq. consensu domini superioris sibi usurpare potest.*
8. *Vtile dominium habentes, an quo ad thesauros repertos, domino directo preferantur?*
9. *Vsfructuarius, an lucretur thesaurum in fundo fructuario repertum?*
10. *Creditor in domo hypothecata reperiens thesaurum, an usurpare illum possit.*
11. *In emptâ domo si quis pecuniam inueniat, ad quem proprietatis illius spectare debeat, ad venditorem, an ad emptorem?*
12. *Inuentor rei alienæ quid agere debeat?*
13. *Metalla cuiuscunq. generis fodiendi & querendi, an cuique ius sit?*
14. *In Regno ius querendi & fodiendi metalla, cuius est Nobilitate in proprio fundo competit.*

The.

Thesaurus est * condita ab ignotis dominis tempore vetustior pecunia, *l. i. C. de thesauris.* vel vt Iuris Consultus Paulus definiuit, *est vetus quedam depositio pecunie, cuius non extat memoria, ut iam dominũ non habeat;* alioquin si quis aliquid vel lucri, puta si quis avarus pecunias suas ita deponat, vt interim nummorũ precium augeatur; vel metus vel custodiæ causa condiderit sub terra, nõ est thesaurus, sed depositũ cuius etiã furtum fit. *l. nunquam. 31. §. i. ff. de acquir. rer. domin.* Nam hoc casu eius est possessio & proprietas, qui recondit. *l. à tutore. 67. ff. de rei vendic.* Vnde * quoniam thesaurus donum fortunę seu potius Dei beneficium est, vt *in l. i. C. de thesaur.* habetur: ideo inuentionem thesauri, præsertim in loco alieno, eam esse accipiendam, quæ fortuito contingat non data opera. Consequens est; quod multo magis dicendum est: Si quis arte magica, puniendisq; sacrificiis & incantationibus vtitur thesauri inueniendi causa, quo casu thesaurus quocunque in loco inuentus, non modò inuentoris nõ fit, sed ærario applicatur, quinimotalis inuentor tanquam maleficus punitur. *d. l. i. C. de thesauris. l.*

nemo. C. de malefic. & Mathem. Ac proinde * si quis arando fortè, vel aliàs terram alienam colendo, vel quocunque casu, non studio perscrutandi, in alienis locis thesaurum inuenierit, id quod repertum fuerit, dimidia retenta, altera dimidia data, cum locorum domino partietur; ita enim eueniet, vt vnusquisq; suis fruatur, & non inhiat alienis. Et ita Imp. Leo *in d. l. C. de thesauris. lib. 10.* statuit. Facit etiam textus *in §. thesauros. Instit. de rerum diuis.* Alioquin, si quis eum reperierit in loco alieno data ad hoc opera; tunc inuentori nihil cedet, sed totus thesaurus per eũ inuētus domino loci acquireretur, idque siue quæsiuerit eum domino volente, & ipsum ad hoc conducente, siue ignorante, & inuito gloss. *in d. §. thesauros.* in verbo *non data. Instit. de rer. diuis. & d. l. unica. C. de thesauris.* in verbis: *In alienis verò terrulis nemo audeat inuitis imo nec volentibus vel ignorantibus dominis opes abditas suo nomine perscrutari. Quod si nobis super hoc aliquis crediderit esse supplicandum, aut præter huius legis tenorem in alieno loco thesaurum scrutatus inuenierit: totum hoc locorum domino reddere compellatur, & velut temerator legis saluberrimè puniatur.* Iuris

enim naturalis ratio non patitur, ut aliquid concupiscamus alienū, præmeditato consilio. Quod item
 4 obtinet * in thesauro inuento in loco publico, puta Reipub. vel Principis alicuius. Nam etiam hoc casu distinctio superius commemorata habet locum, ut videlicet inuentor dimidiam partem lucretur, si casu fortuito thesaurum inuenit: altera verò dimidia fisco cedit. Nam ut IC. Callistratus in l. non intelligatur. 3. §. fin. Nemo, inquit, deferre se cogitur quod thesaurum inuenerit, nisi ex eo thesauro pars fisco debeatur. Quo casu, si quis partem ad fiscum pertinentem suppresserit, totum cum altero tanto cogitur soluere. ff. de iure fisci. Idem * hodie de thesauro in
 5 loco religioso reperto dicendū videtur, utpote quòd dimidia pars domino bonorum Ecclesiæ, & altera dimidia inuentori tribuenda sit. Et ita concludunt DD. ut notat Aluarot. in c. quæ sint regalia de feudis. At iure Saxonum * diuersum quid hac in parte statui videtur, quòd nimirum thesauri reperti ad regalia, id est ad fiscum vel superiorem dominum pertinere debeant. Ita enim de his textus lib. 1. articul. 35. disponit: *The-
 6 saurus omnis subterraneus profun-*

dius meatu aratri iacens, ad Imperij pertinet Maiestatem. Argentum sub terra absconditum nemini excidere licet, sine proprietarij illius loci voluntate. Si verò voluntas ipsius aduenierit, in operis loco aduocatiā obtinebit. Id tamen gloss. ibid. de thesauro in loco publico vel arte magica inuento, & non in loco alicuius priuato intelligendum esse tradit; vel ut quidam existimant, quòd text. ille de thesauris naturalib⁹, puta de venis metallicis & mineris, quæ merè ad regalia pertinent, non autem de thesauris ab hominibus absconditis intelligi debet, maximè verò quòd de subterraneis thesauris ibi agatur: Alioquin thesauri opera hominum absconditi, non tantum in subterraneis locis, sed etiam in parietibus muratis, seu aliis locis reperiri possunt. Quicquid sit, * veriùs ta-
 7 men est in his dispositionem iuris Ciuilis locum habere, ut nimirum quando locus vel solum est priuatum, in quo thesaurus est inuentus, totus cedat domino soli vel loci illius, si videlicet quis in fundo, vel loco proprio ipsum inuenit; nec requiritur consensus superioris domini effodiendi illū, per iura supra allegata. Et ita in praxi obseruari, ad gloss. d. art. 35. adno.

8 adnotatum est. Quod * ampliatur, siue plenum quis dominium eius fundi habeat in quo thesaurus repertus sit, siue vtile tantum, quale habet vasallus vel emphiteuta. Nam hi quoque respectu vtilis domini præferuntur directo domino; ita quod de inuēto thesauro nihil ei teneatur restituere. Quinimo si dominus directus in re concessa alteri in feudum vel emphiteusim inueniat thesauros, teneatur nihilominus dimidiam illorum partem restituere vtili domino: etsi, cum extraneo, de inuēto thesauro in loco in feudum vel emphiteusim concessio, excluso directo domino, præferatur in petitione thesauri vtilis, vt communiter DD. secundum gloss. in d. §. thesauros. notant. Ratio est, quia thesaurus dicitur fortunæ donū, per allegata iura; Sed ad vasallum & emphiteutam spectat damnum fortunæ, l. i. in fin. C. de iure emphit. Ergo & cōmodum eidem tribui debet, iuxta regulam l. secundum naturam. 10. ff. de reg. iur. Secus est

9 in * vsufructuario, cui thesaurus inuentus in fundo fructuario nulla ex parte cedit, nisi per eum sit inuentus: tunc enim pro dimidia parte tantum ei competit. Nam fructuarius neque pro directo neque pro vtili domino fundi habe-

ri potest, l. diuortio. 7. §. si fundum. in fin. ff. solut. matrim. Idem * obtinet in creditore, qui reperit thesaurum in fundo vel domo hypothecata, quod pro medietate diuidatur inter creditorem & debitorem, l. si is qui. §. fin. ff. de acquir. rer. domin. & gloss. in d. §. thesauros. Nec soluto debito integrum thesaurum debitori creditor restituere tenetur, quia non iure creditoris sed inuētoris habet, vt notat Oinotomus in d. §. thesauros. tit. de acqu. rer. domin. Sed quid si quis * in vendita sibi domo, reperiat pecuniam à parentibus fortè venditoris reconditam, ad quem proprietates dictæ pecuniæ pertinebit? Et dic, quod venditori restituenda sit, per text. in d. l. à tutore. ff. de rei vindicat. Ratio est, quia non videtur habuisse animum transferendæ istius pecuniæ, quam in illa domo esse ignorabat, per text. in l. id quod nostrum. 11. ff. de reg. iur. Idē dicas & de aliis rebus venditis, in quibus inscio venditore pecunia recondita erat. Cuiusmodi exemplum, de cera à quodam Mercatore Genuēsi, in qua summa quatuor milliū recondita fuerat, cuiusdam Aromatario vendita, ex Ias. Oinotom. in d. §. thesauros. refert. Item * si quis fortè in nemore quodam, vel in campo, aut in foro pu-

10
11
12

blico faccum pecuniæ, aut simile quidpiam inueniat, nequaquam dominium eius rei sibi vsurpare potest, sed diligenter inprimis inquirere tenetur, cuius ea res fuerit, qua inuenta, restituere eam omnino debet; saluo tamen honorario, quod pro inuentione a domino petere potest, secundum Bald. in l. 2. ff. de rer. diuis. Quod si dominum eius rei reperire non potest, tunc tenetur illam tradere Episcopo loci, vel eius Vices gerenti, vt illam det pauperibus; Alioquin quo ad forum animæ furti reus est, prout notant Bald. in l. 1. ff. de rerum diuis. Bart. in l. falsus. §. qui alienum. ff. de furtis. facit etiam text. in c. multi. 8. 14. q. 5. vbi S. Hieronymus: *Multi, inquit, sine peccato putant esse, si alienum quod inuenerint, teneant: & dicunt, Deus mihi dedit: cui habeo reddere? Disceant ergo peccatum hoc esse simile rapinæ, si quis inuenta non reddat.* Et S. Augustinus in c. siquid. 6. causa. 14. q. 5. itidem de his sic habet: *Si quid inuenisti, inquit, & non reddidisti, rapuisti; quantum potuisti, fecisti. Quia plus non inuenisti, ideo non plus rapuisti. Qui alienum negat, si posset & tolleret, Deus cor interrogat non manum.* Quod item iure Sax. obtinet, prout in art. 37. lib. 2. disponitur his verbis: *Quicquid*

aliquis inuenerit, postmodumq; interrogatus id negauerit, furtum committit. Vnde qui rem alienam inuenit, vt euadat pœnam furti, debet illam facere præconisare, per text. art. 29. lib. 2. in verbis: *Idem etiam inuentor res sic applicatas denunciare debet, & per sex septimanarum tempus non consumere, interrogatusque ea se habere non neget, si contra factum fuerit, ex occultatione res furtivæ erunt, & eas cum emenda & multa restituere tenetur.* Vbi hoc amplius proponitur. Quod adueniente domino rei inuentæ, eamq; suam probante, inuentori debeatur tertia pars illius rei. Ac deniq; si publicatis editis, nemo veniat repetiturus re inuentam, quod iudex possit eam sibi retinere, ac in vsum suum convertere. Ita tamen vt tertiam eius partem inuentori tribuat. Et hæc iure Saxon. obtinent; At iure Ciuili hoc casu res inuentas inuentori cedere, si sit pauper, si autem diues pauperibus esse distribuendas, DD. iuris censent per Ioann. Fabr. in §. fin. Instit. de rerum diuis. Quæ distinctio in praxi hodie non multum attenditur. Nam indifferenter siue sit diues, siue pauper, qui inuenit rem aliquam sibi eam retinet, vix ac ne vix quidem publicatione inuentæ rei præmissa, quinimo

quinimo pro homine integræ atq;
timorata conscientia haberetur,
qui saltem ad requisitionem amit-
tentis, res inuentas non celaret.
Proinde in Regno ex dispositio-
ne Statuti Regis Casimiri, Anni
1368. inuentor inuenta negans,
iuramento se expurgare tenetur.

13 Cæterum *metalla quod attinet.
Nunquid vnicuique liceat ea quæ-
rere etiã in fundo publico, vel al-
terius priuato, non nihil hac in
parte videtur esse difficultatis,
idq; propter discrepantes iuris Ci-
uilibus textus. Nam iure nouissimo,
quo argenti fodinæ ponuntur inter
regalia, *c. 1. tit. quæ sint regalia, in v-*
sib. feud. nō solum in locis publicis,
sed in priuatis etiam quærere hu-
iusmodi venas, videtur esse pro-
hibitū; vltra hoc *in l. 3. §. planè. ff.*
de acquir. rer. dom. & in l. diuus. ff. de
seruit. rustic. prædior. expressè dis-
ponitur. Quod inuito domino nō
liceat ingredi fundum alterius ve-
næ perquirendæ, venandi aut au-
cupandi gratia. Contrarium ta-
men ex textu *l. cuncti. 3. C. de metal-*
lar. & metal. lib. 11. colligitur, vbi
cunctis etiam per priuatorum lo-
ca venam laboriosis effosionibus
persequēdi, facultas permittitur,
dummodò vnā decimā fisco,
& alterā domino soli represen-
tent; reliquum propriis suis desi-

deriis vindicando. Pro concor-
dia istorum iurium gloss. *in l. quos-*
dam. 6. C. de metall. & metal. lib. 11.
ita concludit. Quod propter pu-
blicam vtilitatem liceat fodere e-
tiam in agro alterius, præsertim si
decima domino fundi præstetur;
verumtamen Paulus de Cast. *in l.*
diuortio. §. si. ff. solut. matrim. aliam
& fortè probabiliorem solutionē
ponit, quod nimirum *d. l. cuncti. 3.*
ita debeat intelligi, quando quis
in fundo alterius fodit. Quo casu
debet hoc facere cum voluntate
domini, & in super ei dare decimā
partem, vt ibidem in textu habe-
tur. Si autem in proprio fundo
quis incipiat quærere, & fodere
venas, & perueniat per subterra-
neos meatus in fundum alterius,
nequaquam in eo opere impediri
debet. Nec obstat, quod superius
de regaliis dictum est: nam hoc in-
telligendum est, quo ad decimā
partem, quæ cedit Principi vel illi-
us fisco, siue iis quibus regalia sūt
concessa, reliquum verò metal-
lum remanet in dominio eorum
quorum sunt fundi, per text. *in l.*
sed si pecunia. cum l. sequ. ff. de reb.
eor. qui sub tutela. & c. atque is mos
in argēti fodinis Ilcussien. & Kiel-
cen. etiamnum obseruatur. Apud
nos* olim quidem specialibus Pri-
uilegiis Regum Polonia, huius-
modi

modi regalia quærendi metalla concedebantur; nunc verò Constitutione Anni 1576 cautum est. Quòd Nobilitas omnes vtilitates ex fundis suis liberè recipiat, atq; mineras etiam quærèdi & fodiendi plenū ius habeat; Quod etiam decreto Regio, inter Instigatorè & possessores villæ SVVOLSZOVVICE sabbatho ante Dominicam Misericordiæ, Anno 1598 lato, comprobatum est, quo fodinæ sulphurariæ in fundo hæreditario reperiuntur, domino fundi adiudicantur.

OBSERVAT. XLIV.

Naufragio res deperditæ, aut navis leuandæ causa in mare deiectæ, vtrum fisco applicari, an domino illarū restitui debeant?

SVMARIA.

1. Consuetudo naufragorū bona vel merces fisco applicandi, iuri & æquitati contraria.
2. Consuetudo mala omnino vitanda est.
3. Naufragium res seu bona tam à privatis quàm à publicis personis retineri non possunt, inuitis dominis.
4. Causa de rebus ex naufragio receptis summatim examinari debet.
5. Iure Canonico pœna excommuni-

cationis in eos, qui bona naufragorum sibi vsurpant, imponitur.

6. Decretum Regium de rebus ex naufragio receptis, veris dominis illarum restituendis.
7. Res leuanda navis causa in mare proiectæ, ad quem pertineant.
8. Res deiectæ pro derelicto quando habeantur, & quid de illis statuendum sit.
9. Iactus rerum vel mercium leuanda navis causa factus, communi omnium qui in eadem naui sunt, damno fieri debet.
10. Contributio pro rerum iactarum æstimatione qualiter fieri debeat.

PRAUA* atq; peruersa quadam I consuetudine, ii, qui dominum maris sibi vsurpant, res seu bonaeorum qui naufragium passi sunt, tanquam commissum aliquod fisco suo applicare solent; idque ob eam vt puto rationem, quòd loci illius domini sint, arguunt. l. adeo. §. in insula. ff. de rerum diuis. & l. in insula. 9. ff. de iudic. l. illicitas. 6. §. qui vniuersas. ff. de off. Presid. At cum talis cōsuetudo æquitati & rationi sit contraria, vt potè, quòd afflictio addat afflictionem, quod fieri non debet, per text. in l. diuus. 14. in verbis: Cum satis furore ipso puniatur. ff. de off. Presid. & in l. tam dementis 28. in verbis: Ne tale hominum

2 *minum infortunium etiam expensarū detrimento pragrauetur. C. de Episcop. audient. idcirco nulla ratione toleranda est. Consuetudo enim mala, non minùs quàm perniciofa corruptela vitanda est, c. mala. 3. distinct. 8. Et alioquin quod rationi contrarium est, non valet, per text. in l. quod non ratione. 39. ff. de legib. & in §. nulli verò. Auth. vt nulli iudic. liceat. hab. loci seruat. Nouell. 134. vbi dicitur: Male adinuenta, malasq; consuetudines, neque ex longo tempore, neq; ex longa consuetudine confirmari. Hinc summa æquitatis ratione noua Constitutione Friderici Imperatoris res seu bona naufragorum, neq; à priuato, neq; à publica persona, inuitis earum dominis retineri posse, cautum est; prout de his eleganter in Authen. nauigia. C. de furt. tali verborum serie disponitur: Nauigia quocunq; locorum peruenerint, si quo casu contingente rupta fuerint; vel aliàs ad terram peruenerint: tam ipsa nauigia quàm nauigantium bona illis integra referuentur ad quos spectabant antequam nauigia huiusmodi periculum incurrissent: sublata penitus omnium locorum consuetudine, qua huic aduersatur sanctio: nisi talia sint nauigia, quæ piraticam exerceant prauitatem, aut sint*

nobis, siue Christiano nomini inimica. Transgressores autem huius nostre constitutionis, bonorum suorum publicatione mulctentur: & si res coxegerit, eorum audacia iuxta mandatum nostrum modis aliis compefcatur. Crudelitatis namq; genus est, vltra naufragium velle defæuire; & illos ad dispendia cogere, quibus inopem vitam probantur immania elementa dedisse. Vnde & alii quoq; Imperatores huic naufragorum calamitati prouidere volentes, causas huiusmodi de rebus ex naufragio receptis, summatim & de plano examinandas esse decreuerunt; prout in l. de submersis. s. ibi dicitur: De submersis nauibus decernimus, vt leuato velo ista causa cognoscatur. & si quisquam de talibus negotijs aliquid accepisse detegitur; Iudex apud quem constiterit his cõquerentibus, qui nudantur: pro qualitatibus personarum mulctandi; remouendi, proscribendique habeat potestatem. C. de naufragijs. Iure quoq; Canonico illi qui Christianos naufragiū patientes (quibus secundum regulam fidei auxilio esse tenentur) damnata cupiditate spoliant rebus suis, nisi ablata reddiderint, excommunicationi subiacent, vt habetur in c. excommunicationi. 3. extra

6 *deraptor. Ac proinde* optima ratione, & non sine insigni iustitiæ & æquitatis encomio, a S. R. M. inter Magistratū Rigen. & Fridericum Biring, feria secunda ante festum S. Barnabæ Apostoli, Anno 1598 decisum fuit, quòd videlicet ex naufragio res receptæ a Magistratu Ciuitatis illius domino illarum restitui deberent. Quod enim ius vt inquit Imp. Constan. habet si scus in aliena calamitate, vt de re tñ l. etuosa compendiu segetur? l. i. C. eod. de naufrag. Atq; hæc* non tantum de rebus ex naufragio receptis, verum etiā de iis, quæ in tempestate nauis leuandæ causa in mare proiciuntur, intelligi debet. Nam & harū non acquiritur apprehendēti dominiū, sed manet penes dominū. Nec enim eo animo eiiciuntur, vt quis eas pro derelicto habere velit, sed vt mortis periculū effugiat. Ideo vbicunq; sunt, manent dominorum, & qui eas animo lucrandi abstulerit, furtum committit, per text. in §. vlt. in verbis: Alia sanè causa est earum rerum quæ in tempestate leuanda nauis causa eiiciuntur. Hæ enim dominorum permanent: quia palam est, eas non eo animo eijci, quòd quis eas habere nolit, sed quò magis cum ipsa nauis maris periculum effugiat. Quæ de*

causa, si quis eas fluctibus expulsas, veletiam in ipso mari nactus, lucrandi animo abstulerit, furtum committit. Instit. de rer. diuis. Et in l. qua ratione. 9. §. fin. vnde hic textus videtur sumptus, ff. de acquir. rer. domi. l. falsus. 44. §. si iactum. ff. de furt. Si tamen res hoc modo eiectas pro derelicto habere certò constare potest, cum qui illas retinet, furti non teneri, Bart. in d. §. si iactum, tenet. Ratio, quia tales res naturali ratione efficiuntur capientis. Instit. de rer. diuis. Quando autem pro derelictis huiusmodi res habeantur, ex coniecturis esse præsumendum, vt si quis iactauit librū apertū in mare; secus si clausum & inuolutum. Panorm. in c. cum dilecti. extr. de accusat. docet; vel si dominus tacet, non perquirens, per se, vel per alios res eiectas, per text. in l. qui leuanda. 8. in verbis: Qui leuanda nauis gratia res aliquas proijciunt, non hanc mentem habent, vt eas pro derelicto habeant: quippe si inuenerint eas, ablaturus: Et si suspicati fuerint, in quem locum eiecta sunt, requisituros; vt perinde sint, ac si quis onere pressus, in via rem abiecerit, mox cum alijs reuersurus, vt eandem auferret. ff. de l. Rhod. de iactu. Vnde colligitur quòd hæc lex imponere videatur necessitatem statim*

statim perquirendi res amissas, & sic ista negligentia non quærenti res eiectas, tollit primam præsumptionem, quam facit dicta lex, scilicet quòd non habeantur pro derelicto, nisi aliter constet de voluntate domini. Cum nemo præsumatur iactare res suas velle, *l. falsus. §. si iactantium. ff. de furtis.*
 9 Qua in re * illud notandum est, quòd eo casu, quando videlicet leuandæ nauis gratia rerum vel mercium iactus sit, cõmune omnium, qui in eadem nauis sunt, damnum esse debeat, per text. in *l. Rhodia*, in verbis: *Lege Rhodia cæuetur, vt si leuanda nauis gratia iactus mercium factus est, omnium contributione sarcitur, quod pro omnibus datum est. ff. de l. Rhodia. de iactu.* Equissimum enim est, commune detrimentum fieri eorum, qui propter amissas res aliorum consecuti sunt, vt merces suas saluas haberent, *l. si laborante. 2. in prin. ver. sic. at si. ff. cod.* Cæterum * pro rerum iactarum æstimatione contributioni subiacent omnes res, etiam eæ, quibus nauis non oneratur, vt sunt gemmæ, annuli, vestimenta, & id genus alia; quinimo ipsa quoq; nauis, exceptis liberis capitibus & annona. Nam ea cõfertur in cõmune pro iis, qui sunt

in nauis, & victu destituuntur, per text. in *d. l. si laborante. §. cum in eadem. 2.* Quæ tum demum locum habent, si nauis iactu leuata, salua euasit; quod si nihilominus naufragium passa est, & res in ea relictæ perierunt, tunc perinde ab obligatione iactus liberatur vectores atq; debitores interitu speciei, *l. si ex legati causa. 23. ff. de verb. obli.* Contributionis enim æquitatem tunc admitti placuit, cum iactus remedio, cæteris in communi periculo, salua nauis consultum est, *l. amissa. 5. ff. de l. Rhodia. de iactu.* Portio autem dictæ contributionis pro æstimatione rerum, quæ saluæ, & earum quæ amissæ sunt præstari debet. Nec ad rem pertinet, si hæc quæ amissæ sunt, pluris vñiri poterant, quoniam detrimenti non lucri sit protestatio: Sed in his rebus, quarum nomine conferendum est, æstimatio fieri debet, non quanti emptæ sunt, sed quanti vñiri possunt, *d. l. si laborante. 2. §. portio. 4. ff. de l. Rhod. de iactu.* Ratio diuersitatis est, quia damnum vt fieri potest, semper minuendum, lucrum vero propagandum est, vtpote quòd hac ratione vtriusq; consultum esse videatur, & iis, qui iacturam fecerunt, & iis, qui res suas saluas habent.

Quæ porro de rebus iactatis in mare dicta sunt, idem de ablatiis à flumine statuendum esse gloss. in d. l. qui leuande. ff. eod. admonet.

OBSERVAT. XLV.

An & quando paterfamilias de incendio in domo sua exorto teneatur?

S V M M A R I A.

1. Incendia sunt casu, vel dolo, vel culpa.
2. Incendium fortuito casu quomodo eueniat.
3. Dolo incendium quando commissum esse dicatur.
4. Incendium culpa quomodo committatur.
5. Familiae delictum in incendio utriusque paterfamilias prestare teneatur.
6. Ex leuissima culpa de incendio an quis obligetur.
7. Incendia culpa inhabitantium facta esse præsumuntur.
8. Incendium casu commissum, culpa tamen committentis interueniente, cui adscribatur.
9. Edes alienas incendiij arcendi gratia, interdicens, non cõdemnatur.
10. Vicini tenentur ad reparationem ædium incendiij arcendi causa diuturnorum.

ADmodum frequens & nimis exitiosa pagis & oppidis huius Regni, quæ ut plurimum stru-cturis & ædificiis ligneis constant, est hæc de incendiis quæstio. Pro cuius* vberiori intellectu sciendū inprimis est. Incendia passim fieri vel casu, vel dolo, vel culpa DD. in l. data opera. C. qui accus. non poss. Casus fortuitus dicitur, quē nū- lum humanum consilium prouidere potest. text. in l. non utiq. 2. §. si eo tempore. 7. ff. de administr. rerum ad ciuitat. pertinent. Exempli gratia. Si ictu fulminis, vel vi hostium, aut latronum incendium fiat, casu fortuito accidisse dicendum est, per text. in l. ex conducto. 15. §. si vis. 2. & in l. si merces. 25. §. vis maior. 6. ff. locati. Huiusmodi enim casus vim Diuinam habere, & cælitus immissi esse cēsentur, per text. in l. fulminum. 24. §. seruius. 4. ff. de damn. infect. Ac proinde de tali incendio inquilinus vel conductor non tenetur, per expref. text. in l. si fortuito. 11. in verbis: Si fortuito incendium factum sit, venia indiget: nisi tam lata culpa fuit, ut luxuria, aut dolo sit proxima. ff. de incend. ruina. naufrag. Quæ enim fortuitis casibus accidunt, cum prouideri non potuerint, nullo bonæ fidei iudicio præstantur, per text. in l. quæ fortuitis.

fortuitis. 6. ff. de pignor. act. & in l. contractus. 23. in fin. ff. de reg. iur. Et ita in Curia inter Parzyrybka & Sikorski feria quarta post festum Visitationis B. M. Virg. anno 1538. decisum fuit. Dolus * verò tunc committitur, quando quis data opera, sciens volensq; malitiosè aliquid committit, vt si quis fortè ex mera malitia, puta rapinæ, (vt sæpius fieri solet) vel vindictæ, aut alia simili de causa, ignem ædibus vel alicui ædificio subiiciat; quo casu non tantum damnum resarcire tenetur, sed etiam tanquam publicus malefactor puniri debet, text. in l. licere. 12. §. qui data. in verbis: *Qui data opera in ciuitate incendium fecerint: si humiliore loco sint, bestiis obijci solent: si in aliquo gradu id fecerint, capite puniuntur aut certè in insulam deportantur. ff. de incend. ruin. naufrag.* Et Sp. Sax. lib. 2. art. 13. Hodie verò pœna ordinaria tales incendiarii, igne nimirum necari solent, teste IC. Gaio. in l. qui ades. 9. ff. cod. Estq; ratio, quia ex incendio multis periculū mortis ab igne imminet; & ideo, qui mortis aliorum causa extitisse videtur, ipse eandem subire debet, secundum Bald. in d. l. data. C. qui accus. non poss. Culpa* denique committi incendium videtur, tri-

bus potissimum modis: Aut enim lata culpa, puta quando per summam & supinam negligentiam inquilini aut cōductoris incendium exortum est: & qui tali modo incendii causam præbent: non tantum ad refusionem damni, iis quibus nocitum est, obligatos esse: verum etiam pœna arbitraria corporali citra tamen mortem, vel pecuniaria eos coerceri, DD. communiter in d. l. data. docent; idq; per text. d. l. qui ades. 9. ff. de incend. ruin. naufrag. Aut culpa leui interueniente alicuius exoritur incendium, puta quando quis in fouendo vel custodiendo igne, non adhibuit eam diligentiam quam diligens & cautus paterfamilias adhibere in rebus suis consuevit, tunc quoque huius culpæ nomine, damnum inde aliis illatum præstare debet, per expref. text. in l. si vendita. 11. in verbis: *Si vendita insula combusta esset: cum incendium sine culpa fieri non possit, quid iuris sit?* Respondit IC. Alfenus: *Quia sine patrisfamilias culpa fieri potest, neq; si seruorum negligentia factum esset, continuò dominus in culpa erit. Quamobrem si venditor eam diligentiam adhibuisset in insula custodienda, quam debent homines frangi & diligentes præstare, si quid accidisset,*

cidisset, nihil ad eum pertinebit. ff. de pericul. & commod. rei vendit.

- 5 Et quamvis reuera iste textus de venditore tantummodò loquatur; attamen de conductore; & quouis alio inquilino idem dicendum est: eum scilicet eodem exemplo non teneri de culpa familiæ, si probauerit se ita diligentem fuisse, quemadmodum patrifamilias frui & diligenti conuenit. Quamquam nonnulli distinguant, ut dominus ex facto & delicto familiæ suæ de incendio teneatur, si videlicet famuli officium à domino commissum exequendo, incendii causam præbeant, ut puta, si auriga vel stabularius in stabulo lucernam negligenter custodiat; Sibi enim imputare dominus debet, quod negligentis famuli opera usus sit, per text. *in l. fin. §. hac autem. 4. ff. naut. caup. stab.* Alioquin si in alio loco extra munus vel officium sibi iniunctum culpa aurigæ vel stabularii, & similium incendium ortum sit, non tenebitur dominus. Ita communiter DD. tenent, *in l. 1. §. familia. ff. de public. & vectigal.* per text. supra allegatum, *in d. l. si vendita.* Iure tamen Saxonum domini ex facto famulorum vltèriùs non obligantur, nisi quatenus eorum merces vel

salarium se extendit, per textum *lib. 2. articul. 32. & est gloss. Iuris Municip. art. 78.* Aut deniq; incendium sit culpa leuissima, si videlicet quis exactissimam non præstat diligentia. hoc est, eam, quam diligentissimus paterfamilias supra communem hominum naturam rebus suis adhibet, per expressum text. *in l. in rebus. 18. in prin. ibi: In rebus comodatis talis diligentia præstanda est, qualem quisq; diligentissimus paterfamilias suis rebus adhibet: ita ut tantum eos casus non præstet, quibus resisti non possit. ff. commodati.* Quo casu * quidam affirmant conductorem ad refectionem damni nequaquam obligari, multò minùs ad pœnam aliquam corporalem, ut notat Mynsing. *Cent. 5. Obser. 88. num. 11.* Alii tamen putant etiam isto casu teneri eum *l. Aquilia.* ad emendationem damni in qua leuissima culpa venit, per text. *in lege. 44. ff. ad l. Aquil. & in §. capite tertio. In sit. ad l. Aquil. & in l. si seruus. 27. §. Proculus ait. ff. ad l. Aquil.* Et est textus notabilis, *in l. capitalium. 28. §. incendiarij. ff. de pœnis.* Gail *lib. 2. Obser. 22. num. 2.* Ratio est. * Quia in dubio quando nō constat de exorto incendio, neq; de conductoris aliqua culpa liquet, incendia culpa inhabitantiū facta

facta præsumuntur, per express.
text. in l. nam salutem. 3. §. 1. ff. de off.
praefect. vigil. Quod quidē de cul-
pa leuissima intelligi debet, & qui-
dem de causa, quæ in faciendo nō
autem in omittendo cōsistit, idq;
secundū gloss. in l. si mora. ff. so-
lut. matr. quod & Salic. in d. l. data.
per text. d. l. in lege. ff. ad l. Aquil.
probat. Quo tamen casu necesse
est, de damno ex incendio dato
agenti probare culpam certi &
determinati hominis, quia licet in-
cendium præsumatur culpa inha-
bitantium exortum, non tamen
præsumitur culpa huius vel illius
personæ, nisi specialiter & nomi-
natim probetur, hunc vel illū fuisse
authorem incendiū. Nam si id
probari nequeat, remaneret in-
certitudo, quæ vt alios actus, ita
& sententiam vitiat, per text. in
§. curare. Instit. de actionib. prout e-
tiam Gail d. loco, notat. Vnde con-
sequens est. Quod eo casu quan-
do videlicet incendiū culpa certi
hominis factum non probatur, in-
ter fortuitos casus connumerari
debeat, quos nemo præstare co-
gitur, per iura supra allegata; &
est notabilis textus in l. per ult. in
verbis: Si fortuito incendium factum
sit, venia indiget. ff. de incend. ruin.
& nauis. Hoc tamen *ita accipien-

dum est, si culpa non præcessit ca-
sum. Quod si verò incendium ex
culpa aliqua committentis imme-
diata etiam præter opinionem il-
lius euenerit, puta, si fortē quis bō-
bardam in columbam, aut aliam
auem in tecto sedentem explose-
rit, & inde ignis exortus villam
vel oppidum aliquod absumpse-
rit, tunc procul dubio ad refusio-
nem damni dati condemnandus
est. Ratio. quia occasionem da-
mni dedit ex culpa proximē ad
casum ordinata, per text. in c. fin.
ibi: Pacto verò, culpa, vel mora præ-
cedentibus, casus etiam fortuitus im-
putatur, extra de deposito. & clariū
in l. qui occidit. 30. §. in hac. 3. ibi:
Ideoq; si quis in stipulam suam vel
spinam comburenda eius causa ignē
immiserit, & ulterius euagatus, &
progressus ignis alienam segetem, vel
vineam leserit, requiramus, num
imperitia eius aut negligentia id ac-
cidit. nam si ventoso die id fecit, culpa
reus est. Nam & qui occasionem præ-
stat, damnum fecisse videtur. ff. ad l.
Aquil. Et ita in Curia inter Annam
Mathæi Zibeneicher relictam, &
Seuerinum Glacz Ciues Cracoui-
enses feria sexta post festum S. Ia-
cobi Apostoli Vilnæ Anno 1589
indicatum fuisse obseruavi. Cæte-
rum *pro colophone istius qua-

stionis

stionis etiam illud notatu dignum est: quod I.C. Vlpian. ex sententia Celsi in l. si quis fumo. 49. §. 1. admodum vtiliter proponit his verbis: *Eum qui incendij arcendi gratia vicinas ades intercidit, non teneri l. Aquilia actione. Iusto enim metu ductus, ne ad se ignis perueniret vicinas ades intercidit, et siue peruenit ignis siue ante extinctus est, existimat legis Aquilia actionem cessare. ff. ad l. Aquil. pro quo facit etiam textus in l. 3. §. penul. ff. de incend. ruin. et naufr.* Nam ea quæ ex improviso casu potius, quam fraude accidunt, fato plerunque non noxæ imputantur. vt inquit Imp. Antoninus in l. 1. C. ad l. Cornel. de sicarijs.

10. *Quinimo* * si ob commodum vicinorum, ne videlicet ignis latius serpat domus vel ædificium aliquis diruatur; æquitati consentaneum esse videtur, quod omnes vicini pro reparatione illarum ædium sumptus suppeditare debeant, idq; argumento l. si laborante. 2. in princ. ff. ad l. Rhod. de iactu. vbi I.C. Paulus æquissimum esse ait: *Commune detrimentum fieri eorum qui propter amissas res aliorum consecuti sunt, vt merces suas saluas haberent. Et ita tenent DD. vt notat Gail. lib. 2. obser. 22.*

num. 4.

OBSERVAT. XLVI.

In valore monetæ, cuius temporis, contractus sine, an solutionis ratio habeatur?

SUMMARIA.

1. In Regno monetæ valor frequentissime mutari solet.
2. Mutatio nummorum in qualitate intrinseca qualiter fiat.
3. In valore nummorum extrinseca mutatio quando fiat.
4. In valore monetæ tempus contractus spectandum est.
5. Mora in solutione attendi debet.
6. Authoris sententia de valore extantis monetæ.
7. Nummi in specie si debeantur, itidem in specie reddi debent.
8. Nummi neq; in specie, neq; aestimati si debeantur, quomodo solui debent.
9. In testamentis tempus conditi testamenti, quo ad valorem nummorum legatorum, inspiciendum est.
10. In pænis pecuniarijs decernendis tempus conditi statuti consideratur.
11. In redemptione bonorum vigore pacti de retrouendendo, currens pecuniæ valor solui debet.

Si vsq;

1 **S**I vspiam *alibi certè apud nos moneta valorem, non absque graui Reipub. detrimento frequentissimè mutari, idque non tam publica lege, vel communi omnium vtilitate, aut edicto Principis, quam priuato quorundam, maximè verò mercatorum iudicio & æstimatione fieri videmus; Ac proinde propositæ quæstionis materia non incommodè hoc loco explicanda nobis occurrit. Pro
 2 cuius * elucidatione talis distinctio in primis adhibenda est. Aut enim ipsa nummorum seu monetæ qualitas intrinseca quæ in materia consistit mutatur, puta si aurei, qui olim ex auro obryzo cudebantur, postea ex minùs puro auro percutiantur: vel Taleri (quos Ioachimicos vulgò appellant) qui puri argentei olim erant, postea ex admixto argento feriantur. Aut in potestate seu valore nummorum extrinseca fit mutatio, puta si aureus vngaricalis, qui in Regno superioribus temporibus, nempe sub Ioanne Alberto triginta tantum grossis constabat; prout in Statutis Regni sub litera *Aureus nummus*. videre est: nunc pro grossis septuaginta computatur. Ex quibus concluditur, quòd quatum moneta mu-

tationem intrinsecam attinet, debitorum qui aureum non obryzatum pro obryzato reddit, creditori satisfecisse iuris ratio dicat. Tanti enim iam est non obryzatus publica lege probatus, quanti olim obryzatus fuit, tantum denique protalia aureo qui nunc vulgaris est mercium comparabitur, quantum olim pro illo ex puro, puta auro cusso, dabatur; quod tamen si in contractu aut obligatione de puro, puta auro reddendo expressum sit, secus esse putarem: vtpote in eadem tunc bonitate intrinseca aureos esse reddendos. Et ita D. olim memoriæ Regē Stephanum decreuisse commemoratur. Quantum autem ad potestatis seu valoris extrinseci mutationem, secus se res habet. Nam qui olim, puta temporibus dictorum Regum, aureum mutuo dabat aut accipiebat, non tam speciem ipsam nummi, quam valorem nempe 30 vel 32 grossos credere vel debere intelligebatur, *l. quæ extrinsecus. or. §. 1.* in verbis: *Nam stipulanti denarios eiusdem quantitatibus aureos spondendo obligaberis. ff. de verb. oblig.* Ac proinde * siue pretium, siue valor nummorum decreuerit, siue accreuerit, semper tamen eius temporis, quo contra-

etum aut creditum est, in valore nummorum ratio habenda est, in tantum ut debitor illud quod decrevit supplere creditori, quod accrevit detrudere teneatur. Per vulgati siquidem iuris est. Secundum naturam esse commodum cuiusque rei eum sequi, quæ sequuntur incommoda. Et ubi fortuiti eventus neutram in partem ratio ducitur, ibi neuter lædi videtur. *l. si pater. 12. C. de inofficiosis testament. l. de fideicommissio. 11. Cod. de transactione.* Verum hæc quidem ita se habere quidam existimant, si antiqua moneta, quæ fuit tempore contractus, non reperitur amplius tempore solutionis, quia tunc solutio in alia usu recepta moneta, ad valorem tamen extrinsecum antiquioris monetæ fieri potest; & hæc est communis DD. opinio, in *l. Paulus. ff. de solut. & inc. olim. & c. cum canonicis. extr. de censibus.* Id enim agi intelligitur, ut in eadem bonitate & valore, id quod creditum est solvatur, *l. cum quid. ff. de reb. credit.* Secus si moneta antiqua adhuc extet, sed eius valor extrinsecus auctus vel diminutus sit, eo casu, tam lucrum quam damnum creditori imputandum esse DD. iuris statuunt. Et ideo * nulla omnino

tunc incrementi aut decrementi ratio haberi potest, nisi forte ipsius debitoris vel creditoris mora interueniat. Nam contra eum qui in mora est, à tempore moræ omnis utilitas in æstimationem venit, per text. in *l. si sterilis. 21. §. 3. ff. de act. empt. & vend.* Quamvis etiam eo casu, quando vetus moneta adhuc in usu est, & reperiri potest, solutionem ad æstimationem antiquioris monetæ faciendam esse DD. iuris communiter doceant; & hanc sententiam tanquam veriore & iuri atque æquitati magis conformem probat Mynsing. *Observ. 1. Cent. 4.* Mihi tamen * non displicet posterior illa de moneta adhuc existente opinio, maxime ex illa causa, quod debitor vel monetam ipsam in specie, si adhuc in usu est, vel æstimationem ipsius, secundum valorem ad præsens currentem creditori reddere potest. Neque ideo debitor plus reddere videtur quam accepit, etiam si postmodum valor nummorum auctus sit. Nam iuxta valorem, qui nunc est, etiam acceptis nummis procul dubio utitur, hoc est, eodem valore atque æstimatione ante ipsum etiam tempus solutionis eos exponere potest, quo creditori illos daturus est. Nec enim quisquam

quisquam accipit mutuo pecuni-
am, vt eam otiosam apud se reti-
neat, sed magis vt illa vsq; ad tem-
pus solutionis pro commodo suo
liberè vtatur: vtendoq; eam ex-
pendat. Et certè æquitatis ratio id
ipsum suadet, vt quemadmodum
lucro debitoris cederet, si a tem-
pore mutui contracti decrefce-
ret monetæ valor cum detrimen-
to creditoris; ita viceuerfa credi-
tori vitio verti non debet, qui ex
incremento illius cōmodum con-
sequitur, *tit. ff. quod quisq; iuris.* Cæ-
7 terum * si nominatim in specie au-
rei vel taleri debeantur, species
non æstimatio reddi debet; lex
enim contractus omnino seruanda
est, *l. 1. §. 6. ff. de posit.* item si æsti-
mati nummi debeantur, æstimatio
soluenda est, *argum. l. 7. in fin. ff.*
de vsu fruct. ear. rer. l. 1. in fin. ff. de æ-
8 *stimat. act.* Quod si * neq; æstima-
ti, neque nominatim in specie de-
beantur, sed decem aurei simpli-
citer; æstimationem offerri posse
creditori ratio iuris suadet. Sibi
enim creditor imputet qui legem
contractui non dixit apertius, *l. 97*
ff. de solution. Et alioquin leges in
ambiguïs reo sunt fauorabiliores,
l. 47. ff. de obligat. Qua in re solu-
tionis tempus, non contractus ni-
mirum spectandum esse, *text. iur.*

Saxon. *lib. 3. art. 40.* probat his ver-
bis: *Talis autem conditionis quem-*
admodum in promissione continetur
argentum aut nummi persoluantur.
Si autem conditio non sit nominata,
argentum aut nummi præstetur, qui
communiter sunt currētes vel vsua-
les in illo loco, vel iudicio, ubi promif-
sio facta fuerit. Quamuis contrari-
um quidam existiment, vtpote,
quòd etiam hoc casu contractus
initium inspiciendum sit. Nam in
hoc quod præsens fuit consensu
se contrahentes, verisimilius est,
quàm in id, quòd subincerto esse
potuit, *argum. l. 7. ff. de auro legat.*
Quod etiam * obtinet in vltimis 9
voluntatibus, vt si testator alicui
leget centum aureos, inspiciendus
est valor, qui tempore conditi te-
stamenti fuit, non autem tempo-
re mortis testatoris, per *text. in l.*
uxorem. 41. §. testamento. 4. ff. de legat.
3. excepto si fundus instructus le-
gatus sit, quo casu tempus cū
dies legati cedit, consideratur, *l.*
Lucius. pen. ff. de instruct. vel instr.
legat. Idem esse * in Statutis, pœ- 10
cuniariam pro delicto irroganti-
bus, vt scilicet tempus cōditi Sta-
tuti in decernēdis huiusmodi pœ-
nis attendatur DD. iuris statuunt;
idque argumento ducto ab vlti-
mis voluntatibus, quod de iure

11 reciprocè procedit. Cæterùm* in retrouenditionis contractu, si hæredes vel alii velint redimere prædia ab antecessoribus obligata, vel cum pacto de retrouendendo alienata, vel aureum pro aureo, aut talerum pro talero esse soluendum: vel si aurei aut taleri haberi non possunt, tunc secundùm valorem hodiernum, pro quolibet aureo siue talero aliam monetam solui debere. Oinotomus in §. bone fidei. Instit. de action. num. 33. tradit.

OBSERVAT. XLVII.

De falsa moneta, & qui pro falsariis monetarum reputentur?

S V M M A R I A.

1. Nummorum usus ad conseruandam societatem humanam apprimè necessarius.
2. Nummos adulterinos cudentes, quæpœna efficiantur.
3. Adulterinos nummos expendentes, pro falsarijs habentur.
4. Conscij de fusione falsæ monete, eadem pœna afficiuntur.
5. Monetam etiam probam priuata auctoritate cudentes, vt falsarij puniuntur.
6. Ius & auctoritas cudendæ & augendæ vel minuendæ monete soli Principi competit.

7. Moneta probitas vel falsitas vnde cognoscitur.

8. In Regno falsa moneta iudicium Tribunali iudicio competit.

DIci* non potest, quanta incōmoda Reipub. adferant ii, qui clandestinis artibus adulterinam monetam exercent, & nummos falsa fusione formant. Cùm enim ad commercia in hominum societate faciliùs perficienda, nihil sit nummis vtiliùs, nihil necessarium magis, vt potè, qui eius rei causa potissimum inuenti esse videntur, vt inquit I C. Paulus in l. 1. in princ. ff. de contrahen. empt. Et ideo Arist. dixit, quòd nummus est fideiussor futuræ necessitatis, vt dicit Bald. post gloss. in l. 2. ff. de const. pecun. Et pecunia est vita hominis, text. cū gloss. in l. aduocati. C. de aduocatis. quis neget huiusmodi monetarum falsatores, non tantùm priuatim noxæ & fraudi esse; verùm publicè quoq; eam societatis humanæ rationem, quæ vt plurimum in commerciis consistit, nefariè violare, ac vniuersam quasi Rempub. spoliare atque prædari? Ac proinde in odium nefarii, atq; (vt ita dicam) sacrilegi huius facinoris, varias easq; grauissimas pœnas a legum latoribus sancitas fuisse

2 fuisse constat. Nam *lege quidem Ciuili, eos qui in aurum vitii quid addiderint, vel qui argēteos nummos adulterinos flauerint l. Cornelia falsi crimine teneri, text. in l. Cornelia. g. in prin. ff. ad legem Corneliā, de fals. Item qui nummos aureos partim raserint, partim tinxerint, vel finxerint: siquidem liberi, sunt ad bestias dari: si serui sūmo supplicio affici debent. Vlp. in l. quicumque. 8. ff. eod. **Quinimo** 3 *Imperator Constantinus, eos, qui nummos falsos formare præsumunt, crimen Maiestatis committere, & confiscationis bonorum atq; flammis exustionis pœnas mereri statuit; in l. si quis. 2. C. de fals. monet. Tenent autem pœnæ non tantum eos qui adulterinam monetam cudunt, raduntue aut tingunt, sed eos, qui scienter eam expendūt, vt potè qui adulterinam & corruptam monetam ab aliis coemunt, vt in vulgus eā elargiantur: & tales puniuntur extraordinariè ad arbitrium Iudicis, argum. l. sacularij. in pr. & ibi: gloss. ff. de varijs & extraord. criminib. **Quemadmodum** Petricouix in Iudicio Tribunalis Regni, dum Anno 1609 munus Iudicis à Venerabili capitulo Cracouien. deputatus obirem, cuidam eius cri-

minis reo, candēti ferro in fronte inustionem factam fuisse ipse vidi. Et quamuis facies hominis nō debeat deformari. vt in l. si quis in metallum. C. de pœnis. disponitur; tamen in aliis quoque regionibus hoc obtinuit, vt huiusmodi falsarii talibus pœnis coerceātur, quo facilius ab omnib9 cognosci possint. c. ad audiētiā ext. de crimine falsi. Alioquin regulariter falsi pœna de iure Ciuili est fustigatio. l. quid sit falsum ff. ad l. Cornel. de falsis. Item qui * istius criminis conscii sunt, 4 eadem pœna afficiuntur, d. l. Cornelia. §. i. vbi dicitur, quòd eadē pœna afficitur etiam is, qui cum prohibere tale quid possit, non prohibuit, & l. 50. ff. de reg. iur. **Qui enim** (vt inquit Cicero lib. i. de officijs) non vetant peccare cum possit, iubet. quinimo domus etiam vel fundus, in quo falsa cuditur moneta, fisco applicari debet, vt in l. i. in verbis: *Domus verò, vel fundus in quo hæc perpetrata sunt, si dominus in proximo constitutus sit, cuius in curia vel negligentia punienda est, etsi ignoret fisco vindicetur: nisi dominus ante ignorans, vt primùm repperit, scelus prodiderit perpetratum, tunc enim possessio vel domus ipsius proscriptionis iniuriæ minimè subiacebit. Sin verò longissimè ab ea domo vel pos-*

*seſſione abſuerit, nullum ſuſtineat de-
trimentum, actore videlicet fundi,
vel ſeruis, vel incolis, vel colonis, qui
ad hoc miniſterium præbuerint, cum
eo qui fecit ſupplicio capitali plecten-
dis, C. de falſ. monet. diſponitur. Sed*

5 * & eos quoq; qui licet probam
monetam, priuata tamen aucto-
ritate ſine licentia Principis cude-
re præſumunt, vult iſdem pœnis
ſubiici Vlp. in l. quicunq; .8. ff. ad l.
Cornel. de falſis. Nam ius* & aucto-
ritas cudendæ monetæ ad regalia
refertur, & ſoli Principi competit.
*tit. quæ ſint regalia in lib. feud. Quā-
uis apud nos etiam Regi ſine con-
ſenſu omnium ordinum monetæ
cudendæ ius non ſit, vt videre eſt
in ſtatuto Vladislai Jagellonis An-
ni 1422 & 1433. Sic & mutare, mi-
nuere, vel augere valorē mone-
tæ ſolius Principis eſſe ius, DD.
per text. in l. 2. C. de veteris numif.
potest. lib. 11. paſſim atteſtantur. Pri-
uatis verò capitale eſt, ſi præter
valorē a Principe conſtitutum,
quicquā adicere vel minuere in
æſtimatione nūmorum attentent;
l. fin. C. eod. quemadmodum neque
impunita temeritas eorum relin-
quenda eſt, qui pecuniam alicu-
ius Regni vel Prouinciæ vſualem
dūmodò iuſti ſit ponderis & ma-
teriæ probæ accipere reſuſant,*

l. 1. C. eod. Cæterum * quæ moneta 6
proba & iuſta quæuē falſa & im-
proba ſit, ex his potiſſimum cir-
cumſtantiis cognoscitur, quas
gloſ. in c. qāto. 18. in verbo: patris.
*tit. de iure iur. & Iodoc. Damho aud.
in praxi rerum criminal. c. 65. fuſius
perſequitur. Primò ex materia
publicè electa, ex qua nummi cō-
ficiuntur. Secundò ex characte-
re ſeu imagine, quæ nummis pu-
blica auctoritate imprimitur. Ter-
tiò ex valore publicè nummis im-
poſito. Ac proinde Iudex tale iu-
diciū exercens, facilè intelligere
poſteſt quæ ſit falſa moneta, ſi cō-
ſideret & perpēdat ea omnia, quæ
proba & legitima moneta habere
debet, puta, in materia, pondere,
charactere, legitima fūctione ſeu
valore & auctoritate cudendi, ſe-
cundū gloſſ. Iur. Sax. lib. 2. art.
20. vbi hæc & alia de falſificatori-
bus monetæ licet videre. In Re-
gno iſtius criminis cognitio, quæ
olim ſoli Regi competeſebat, vti vi-
dere eſt in Cōſtitutione Anni 1527.
Nunc auctoritate publica, Cōſti-
tutione Anni 1611 Iudicio Gene-
rali, quod Tribunal Regni appel-
latur, commiſſa eſt, vbi ſummary-
us proceſſus, pœnaq; infamiæ &
bonorum conſiſcationis contra
tales falſarios præſcribitur. Cuius
conſti-*

Constitutionis vigore ibidē Anno 1614 in famulos quosdam paracharactas, quod idem est falsa monetæ reos, seuerè animaduersum fuisse, comperi.

OBSERVAT. XLVIII.

Coniuges quando simul & coniuncta manu conficiunt testamentum, an post mortem alterutrius, is, qui superstes fuerit denuò testari possit necne?

S V M M A R I A

1. Coniuges factō reciproco testamento utrum in posterum illud reuocandi facultatem habeant?
2. Quod semel placuit, amplius displicere non potest.
3. Testamentum semel confectum, contraria voluntate mutari potest.
4. Ad impossibilia nemo obligatur.
5. Testamentum accedente heredum consensu confectum, & auctoritate Magistratus confirmatum, an reuocari possit?
6. Testamentum à coniugibus mutuo factum de medietate bonorum cuiusq; coniugis confectum intelligitur.
7. Coniunx reuocando testamentum mutuo consensu factum, pro sua tantum parte illud reuocare videtur.

8. Testari nemo alteri regulariter potest.

9. Coniuges in testamento communi sive reciproco proprietatem bonorum sibi mutuo relinquentes, an superstes de huiusmodi bonis denuò testari possint?

INter hæredes cuiusdam Ioannis Schmidt Ciuis Gedanen. questionis propositæ causam in Iudicio relationum Regiarum agitatam fuisse obseruari. Et primò * quidem intuitu dicendum videtur. Coniuges priori illo communi & reciproco testamento admississe sibi omnem in posterum testandi facultatem: communionis siquidē ea est vis, vt quod per se alioquin licitū est, propter cōiunctionem fiat illicitum; & ē contra, idq; argum. l. quæ religiosis. 43. ff. de rei vindic. l. si communem. 10. in prin. ff. quemadmodum seruit. amitt. & l. qui ades. 23. ff. de usurp. & usucap. tum quòd in tali testamento ipsi coniuges referuârunt sibi facultatem reuocandi testamentū suum, de cōsensu alterius coniugis; Ac perinde hoc casu alter sine alterius consensu & voluntate illud reuocare non posse videtur, idque ducto argumento à contrario sensu quod iniure est firmissimum. l. conuenticula. & ibi DD. C.

de Epi-

de Episcop. & Cleric. Quod multo minus dicendum videtur, si prius commune testamentum morte alterius coniugis confirmatum sit.

2 Nam *quod semel placuit, amplius displicere non debet. *l. quod se-*

3 *mel. ff. de reg. iur.* His *tamen non obstantibus contrarium visum est de iure veriis. Cum explorati iuris sit testamentum semel legitimè confectum, contraria voluntate mutari posse; per text. in §. posteriore. 2. *Instit. quib. mod. testam. infirmantur. & in l. si quis Imperatorem. 6. C. qui testā. facer. poss.* Semper enim nouissimum testatoris iudicium priori derogat, per text. in *l. Diui. 6. §. licet. ff. de iure cad. & l. 3. C. eod. l. translatio. 6. in fine. l. nihil prohibet. 17. ff. de admi. & transf. legat.* Et ambulatoria est voluntas hominis vsque ad vitæ supremum exitum; per expref. text. in *l. quod si iterum. 4. ff. de adimendis. & transfer. legat. l. cum hic status. 32. §. pœnitentiam. 3. ff. de donat. inter vir. & uxor.* Nec potest quisquam eam sibi legem dicere, vt à priore ei non liceat recedere voluntate, per text. in *l. si quis. 22. ff. de legat. 3.* Quinimo neq; pactis aut cōventionibus hæc mutandæ voluntatis libertas tolli potest, per text. in *l. pactum quod dotali. & l. fin. C. de pact.* Ac proinde

non obstant huic sententiæ rationes superius adductæ; Nam quâuis communionis & societatis in contractibus, & aliis negotiis humanis magna sit vis, vt dictum est; non tamen ea tanta est, vt ad impossibilia obliget. Nemo *enim ad impossibilia obligari potest, *l. impossibile. 158. ff. de reg. iur. c. nemo eod. tit. lib. 6.* At qui cum mortuo morari & agere impossibile est, *l. 1. C. de legat.* quia morientes iam velle non possunt, nec eorum redit iterum arbitrium, per text. *l. 1. C. de sacros. Eccles.* sed cuilibet homini cursus vnus vitæ est ab opifice datus, cuius finis omnino est mors text. in *l. fin. post med. C. de Episcop. & Cleric.* quæ & societatem ac cōmunionem quamlibet. *l. societatem 4. l. nulla. 70. ff. pro socio. l. in hoc iudicium. 14. §. 2. ff. communi diuidun. & alia omnia humana soluit, Nouell. 22. c. 20. in princ.* Illam porro aliam regulam, quod semel placuit amplius displicere non posse in contractibus saltem; non verò in vltimis voluntatibus locum habere certum est, idq; per supra allegata iura. Neq; etiam *illud multum refert, quod prius commune & simultaneum testamentum à coniugibus perfectum, hæredum cōsensu & Magistratus auctoritate fuerit

fuerit approbatum. Hæredum enim circa publicationem testamenti præsentium cōsensu, licet ad agnoscendam testatoris voluntatem aliquid momenti adferat, testamentū tamen ipsum non perficit. Cūm hæredes testamentum iure à testatore perfectum, reuocare nullo modo possunt, etiam si dissentiant, *l. venditrice. 3. C. de rebus alienis non alien. l. successor. 10. C. de solut.* Sola enim voluntas testatoris iure facta, est vera lex & perfectio testamenti, *d. Nouell. 22. c. 2.* Ac proinde Magistratus etiam auctoritas non propterea adhibetur testamentis, vt ea inde vim & robur obtineant, sed vt siue subtrahantur, siue intercidant testamenti tabulæ, publicam nihilominus & ratā deinceps fidem habeant, *l. publicati. 2. §. l. nō idcirco. 11. C. de testam.* Sed an * de medietate tantū bonorum cōmuniū, an verò de omnibus coniugi superstiti disponere licitū sit, amplius hīc quæri potest? Regulariter quidem de portione sua quilibet disponere intelligitur, etiam si rem communem cum alio habeat, idq; per textus in *l. serui electione. 5. §. l. sequi. l. domus. 71. §. fin. ff. de legat. l. qui tabernas. 32. ff. de contrahen. empt. c. quod autem. extra de*

iure patron. Nam & testamentum quod maritus & vxor manu coniuncta faciunt, licet videatur esse vnum, tamen re ipsa duo sunt testamenta, *l. Titia. 134. l. pluribus. 140. ff. de verb. oblig. l. accipientis. 15. ff. de author. tutor.* Ratio est, quia tot sunt testamenta, quot sunt personæ testamentum facientes, vt notant DD. iuris; quemadmodū & pupillaris substitutio pro vno quidem testamento habetur, *l. patris & filij ff. de vulg. & pupil. substit. l. patris familias. 28. vers. me illud maxime mouet. ff. de reb. aut. Iudic. possid.* duo tamen re ipsa continet testamenta, *§. 2. Instit. de pupill. substit. l. 1. §. 1. ff. si cui plūs quā per. l. Falcid. l. in ratione. 11. §. quod vulgò dicitur. 5. l. in duplicibus. 79. ff. ad l. Falcid.* Vnde * consequens est, 7 quod si coniunx superstes mutare & rumpere velit cōmune illud testamentum, suum tantū non etiam coniugis demortui mutare & rumpere, ac proinde de medietate tantū bonorum ad se pertinentium disponere intelligatur, per text. in *l. serui electione. §. ultimo. ff. de legat. 1.* Nec aduersatur quod supradictum est de reuocatione testamenti ex consensu mutuo coniugum facienda. Nam quamuis maritus consensum suū

in facione testamenti vxori præstitum reuocare non possit, non tamen sequitur, quòd nec suum testamentum reuocare potuerit sine consensu vxoris. Et si enim vxoris consensus in testamento mariti non interuenisset, nihilominus de medietate bonorū pro indiuiso ad eum spectante, testari potuisset. Ergo licet vxor ei consenserit, vt de sua medietate testaretur, consensus ille nō potest marito auferre facultatem reuocandi testamentum, argum. *l. legata inutiliter. ff. de legat. 1.* Sicut enim regulariter * alteri testari nemo potest, cūm testamentum sit voluntatis nostræ, non alienæ, iusta sententia, *l. 1. ff. qui testam. fac. poss.* & testamentorum iura ex aliorū arbitrio pendere non debent, *l. illa institut. 32. in princip. l. Si quis Sempronium. 68. ff. de hered. instituend.* ita neque alter alterius testamentum rumpere aut mutare potest. Nam vnumquodq; eo modo solui debet, quo colligatum est, *l. nihil. 35. § l. omnis. 100. ff. de reg. iur.* Et testatoris voluntas non debet esse irrita, *l. testamento. 18. C. de testam.*

9 Quod tamen * aliter se habet, si coniuges in tali communi & reciproco testamento, dominium & proprietatem omnium bonorum

sibi relinquunt. Nam eo casu cōiunx superstes, etiamsi testamentum coniugis præmortui mutare non possit, de bonis tamen in eo testamento relictis plenè potest testari. Aliud enim est rumpere & mutare alterius testamentum, aliud testari de bonis, quæ alterius quidem fuerunt, nunc autem illius qui superuixit propria sunt, vt potè iure successionis ad eum deuoluta, *l. hæredes. 37. ff. de acquir. vel amitt. posses.* Et ideo quando de bonis sibi relictis aliquis testamentum facit, non testatori, sed sibi ipsi testari dicitur, *l. si auia. 6. C. de iure delib.* Plura de his apud Mynsing. *Cent. 1. Obseru. 8.* videre licet.

OBSERVATIO XLIX

An donatio omnium bonorum à parentibus vni liberorum vel cuius extraneo, præteritis aliis liberis, inter viuos facta, de iure valeat necne?

S V M M A R I A.

1. Donationes à parentibus factæ reuocantur, si liberis nihil, aut minus legitima relinquatur.
2. Testamenta in quibus liberi à parentibus prætereuntur, in solidum per

per inofficiosa querelam rescindi debent.

3. Donationes inofficiosa, an in totum, vel quo ad legitimam tantum rescindantur.
4. Distinctio inter donationes fraudulentas, & per errorem factas.
5. Inofficiosa donationis definitio.
6. Inofficiosa donationis querela, tam descendantibus, quam ascendentibus competit.
7. Legitima parentibus debita statuto tolli potest; secus est in legitima liberorum.
8. Legitima quæ dicatur.
9. Legitima debetur deducto ære alieno, & impensa funeris.
10. Pater liberis durante vita sua non tenetur dare legitimam.

DE donatione omnium bonorum in genere qualiter fieri possit, iam ante *Obser. 52. Cent. 1.* dictum est, nunc in specie de donationibus à parentibus in præiudicium liberorum factis disquirendum est. Et prima * quidem fronte simpliciter dicendum videtur, donationes huiusmodi in quibus parentes nihil, vel minis legitima liberis relinquunt, tãquam immensas, per querelam inofficiosa donationis reuocandas esse, idq; per express. text. in §. *posita. 1.* in verbis:

Posita igitur à nobis lege in sua virtute manente illud volumus, ut si quis donationem immensam in aliquem aut aliquos filiorum fecerit, necessarium habeat in distributione hereditatis tantam unicuique filiorum seruare ex lege partem, quanta fuit priusquam donationem pater in filium aut filios quos ea honorauit, faceret. *Novel. 92. de immensis donat. in filios fact.* Cuius rei pulchra admodum ratio ibidem ponitur: Dum licea inquit patri mediocriter sapienti circa omnem prolem, etiam iis, qui ab eo potius diliguntur, donare aliquid amplius, & non ceteros filios per immensitatem in illos factam ledere, & nostram transcendere intentionem. Quibus ad stipulantur alii quoque textus, ut potè in *l. 1. & sequ.* maxime verò in *l. fin. C. de inoff. donat.* ubi expressè dicitur, quod immodicarum donationum, omnibus querela ad similitudinem inofficiosi testamenti, legibus fuerit introducta: ut sit in hoc actionis utriusque vel una causa, vel similis existimanda; vel idem & temporibus & moribus. Vnde colligitur, quod immensis donationibus cum inofficiosi testamenti querela, in omnibus ferè conueniat, & idem ius in utroque statuendum esse. Quemadmodum * enim testamenta in quibus liberi à parentibus specialiter

non instituuntur, vel non exhæredantur, etiamsi alio titulo non verò institutionis, legitima illis relicta fuerit, de iure non subsistunt, sed in solidum rescinduntur, prout communiter DD. in *Authen. ex causa. C. de lib. prater.* tenent; idque auctoritate text. in §. aliud. 3. Novell. 115. ut cum de appellat. cognosc. moti, cuius verba hæc sunt: *Sancimus igitur non licere penitus patri vel matri, avo vel avia, proavo vel proavia suum filium vel filiam, vel ceteros liberos præterire, aut exhæredes facere in suo testamento, nec si per quamlibet donationem, vel legatum, vel fideicommissum, vel alium quemcumque modum eis dederit legibus debitam portionem, nisi forsân probabuntur ingrati.* Sanè inofficiosum testamentum dicere, nihil aliud est quam allegare, quare exhæredari vel præteriri debuerit filius vel filia, quod plerunq; accidit, cum falso parentes instimulati liberos suos vel exhæredant, vel prætereunt. Non est enim consuetudinem parentibus, qui iniuriam aduersus liberos suos testamento inducunt, quod plerunq; faciunt malignè circa sanguinè suum inferentes iudicium, nouer calibus delinimētis instigationibusue corrupti. *Inofficiosum. 3. & l. sequ. ff. de*

inoff. testament. Ita *pari modo donationes quoq; huiusmodi, non quo ad legitimam tantum, sed in totum tanquam in officiosæ reuocari deberent; quod etiam textus in *l. si unquam. 8. C. de reuoc. donat.* innuere videtur his verbis: *Si unquam libertis patronus filios non habens, bona omnia vel partem aliquam facultatum fuerit donatione largitus, & postea suscepit liberos; totum quicquid largitus fuerat, reuertatur in eiusdem donatoris arbitrio ac ditione mansurum.* Verùm tamen hanc similitudinem & extensionem inofficiosi testamenti, ad inofficiosam donationem in eo potissimum consistere, quod aduersus vtrumq; competat querela: quò ad alia verò, longè aliam rationem querelæ inofficiosi testamenti, ab hac inofficiosæ donationis causa DD. iuris tradunt. Nam testamentum quidem inofficiosæ factum, puta in quo liberi iniuste exhæredati, vel præteriti sunt, in totum rescinditur quò ad institutionem, non quò ad legata. *Aut. ex causa. C. de liber. præterit.* At in donationibus inofficiosis, id tantum rescinditur & reuocatur, quo portio liberis debita aufertur vel minuitur, per text. in *l. si liqueat. 8. in verbis. Si liqueat matrem tuam. interuertende questio.*

quæstionis inofficiosa causa, patrimonium suum donationibus in unum filium collatis, exhaustis; cum aduersus eorum cogitationes, qui consilijs supremum iudicium anticipare contendunt, & actiones filiorum exhauriunt, aditum querele ratio deposcat: quod donatum est, pro ratione quartæ ad instar inofficiosi testamenti conuicti diminuetur, C. de inoff. donat. quod item text. in l. 1. in verbis: Non iniuria iuxta formam de inofficioso testamento constitutam subueniri vobis, ut potè quartam partem non habentibus, desideratis. C. eod. Ratio diuersitatis in eo potissimum consistere videtur, quòd in testamento liberi à parètibz hæredes institutionis titulo institui, vel omnino exhæredari debeant. Titulus enim institutionis honorabilior est titulo legati vel donati. l. filium. s. s. sed et si portio. ff. de legat. præstand. qua de re luculentius dictum est obsér. 25. in prin. quòd in donationibus non attenditur. Et ideo donationes non in totum, sed ad finem tantum modumque legitimæ reuocantur. Nec obstat textus d. l. si vnquam. qui de donationibus parentum ante liberos susceptos extraneis factis intelligi debet, secus est in donationibus quæ proprijs liberis fiunt, &

fortassis in defecta & decrepita prorsus ætate. Hoc etenim casu, donationes inofficiosa reuocantur ea tantum parte, qua inofficiosa sunt, puta, pro modo legitimæ portionis, per allegata iura in d. l. 2. in fine. & d. l. s. C. de inoff. donat. l. 87. §. 3. ff. de legat. 2. Licet autè *superiores leges ita cõciliari possint. 4
Mihi tamen non incongrua videtur etiã talis distinctio. Aut enim in donatione immodica interuenit consiliũ donatoris fraudulētũ quia scilicet voluit liberos legitima fraudere, eo casu, si extraneo donetur, donatio in totũ rescindi debet; quemadmodum in causa successorum Laurentii Lencz ciuium Cracouiensium. feria secunda post Dominicam Conductus Paschæ Anno 1616. à S. R. M. dictum fuit. Sin ei donatum sit, qui ab intestato pro parte succedit, donatio pro parte dimidia reuocanda est, ut dicitur in l. Titia Seio, 87. §. Imperator. ff. de legat. 2. Quod si non fuit donatum in fraudem legitimæ, sed per errorem, vel nimio quodam liberalitatis impetu, donatio non in totum, sed tantum vsque ad legitimam reuocationi subiacebit, per iura citata. Hinc rectè *quidam inofficiosam donationem eam esse definiunt, quæ

fit contra officium pietatis, quia scilicet per eam liberi à parentibus, vel parentes à liberis excluduntur à debito bonorum subsidio, idq; vel ex cōsilio vel proposito donantis, & sic fraude, vel re ipsa, hoc est, non ex consilio vel proposito donantis, sed ex ipso euentu vel affectu legitima auferitur per talem donationem. Porro
 6 hæc querela in officiosa donationis omnibus ascendentibus & descendentibus competit, quibus in officiosi quoq; testamenti querela datur. Nam sicut descendentes contra donationes à parentibus factas datur, ut in l. 1. & 2. C. de inoff. donat. ita è contra ascendentes contra eos, quibus liberi in officiosè donarunt, competit. in l. si filius. C. eod. Æquè enim parentibus debetur legitima in bonis liberorum, sicut liberis debetur in bonis parentum, per singularem text. in l. nam etsi parentibus. 15. in verbis: *Nam etsi parentibus non debetur filiorum hereditas propter votum parentum, & naturalem erga filios charitatem, turbato tamè ordine mortalitatis nō minùs parentibus, quàm liberis piè relinqui debet*, ff. de inoff. testam. Quamvis * secundum communem DD. opinionem, legitima parentum in bonis

liberorum statuto siue consuetudine alicuius loci vel regionis in totum tolli diminuiq; possit, quod in legitima liberis debita non procedit. Ratio diuersitatis est, quòd liberis in bonis parentum successio debeat iure naturali, parentibus verò iure ciuili & positiuo, quod mutari contraria consuetudine potest. Ea verò quæ sunt iuris naturalis iure ciuili & positiuo tolli & auferri non possunt. Et ita tenet Bald. in l. 1. §. ius naturale. ff. de iustic. & iure. & alii DD. in Auth. nouissima. C. de inoff. testam. Legitima verò * portio dicitur, 8 quam pater liberis, nulla ingratitudinis causa laboratibus, titulo institutionis relinquere tenetur: De iure est triens, id est quatuor vnciæ, seu tertia pars bonorum defuncti, si filii vel liberi sunt quatuor, vel pauciores: Si autem sūt quinque vel ultra, tunc semis id est dimidia, de quo est text. in Auth. de triente & semiss. Nouell. 18. c. 1. & in Auth. nouissima. C. de inoff. testam. Exempli gratia. Si quis habeat in bonis mille florenos, & habeat duos, tres, quatuor uel liberos, tenetur illis omnibus cōiunctim relinquere legitimam, quatuor scilicet vncias, hoc est trecentos tres florenos, & grossos decem. Si vero sunt

9. rō sunt plures liberi quā quatuor, debetur illis semis, id est quingenti floreni. Quod ita accipiendum est, si nullum æs sit alienum à patre cōtractum. Legitima enim dicitur quota bonorum defuncti, non hæreditatis. Bona verò defuncti censentur deducto ære alieno, & impensa funeris. *l. Papinianus. §. quarta. ff. de inoff. testā. & l. subsignatum. §. bona. ff. de verb. signif.* Proinde in legitima attendi debet tempus mortis patris, quanta videlicet & qualis eo tēpore fuerit ipsius substantia, licet alio tempore plus vel minùs valuerit. *l. cū queritur. 6. in verbis mortis tempore. C. de inoffic. testam.* Ex quo infertur, quòd pater in vita sua non teneatur dare liberis legitimam, ita tenet Bart. *in Auth. si qua mulier. circa fin. C. de sacros. Eccles. & supra obser. 20. de his fusiùs dictum est.*

OBSERVATIO L.

Diuisio hæreditatis inter fratres vel cohæredes quomodo fieri debeat?

SUMMARIA.

1. *Fratribus vel cohæredibus datur actio familiæ erciscundæ.*

2. *Nemo inuitus cogi debet ad communionem.*
3. *Pactum, ut perpetuò non liceat à communionem discedere, non valet.*
4. *Prescriptione longissimi temporis diuisio non tollitur.*
5. *Argumentum à pacto ad legem vel statutum, de iure procedit.*
6. *Diuisio bonorum secundum Legistas sorte fieri debet.*
7. *Diuisio bonorum secundum Canonistas quomodo fieri debeat.*
8. *Ius Saxonum in diuisione faciendā sequitur Canonistarum sententiam.*
9. *In diuisione standum est consuetudini locorum & regionum.*
10. *In Regno diuisiones qualiter fiant.*
11. *Res communes quomodo diuidi debeant.*

DVbium *non est fratribus & cohæredibus volentibus à cōmunionem discedere dari actionem familiæ erciscundæ, qua inter eos res hæreditariæ distribuuntur, *l. 1. in prin. ff. famil. ercisc.* Nihil enim magis est naturæ humanæ alioquin litigiosæ, & ad omne malum præcipiti contrarium, quàm communio, vt potè, quæ in iure mater discordiæ appellatur. *l. cum pater. 77. §. dulcissimis. 20. in verbis: Cum discordijs propinquorum sedandis*

dis prospexerit, quas materia communis solet excitare. ff. de legat. 2. facit gloss. in l. ultima. C. de iure domini impetrand. Et ideo * nemo inuitus cogi debet ad communionem l. si non sortem. 20. §. si centum. 4. ff. de condict. indebit. Ratio est, quia naturale vitium est, negligi quod communiter possidetur, utque se nihil habere, qui non totum habeat, arbitretur; denique suam quoque partem corrumpi patiatur dum inuidet alienæ, l. meminimus. in princ. C. quando & quibus quarta pars debeatur. Proinde * nec pactum eiusmodi valet, ut perpetuò non liceat à communione discedere: secus si ad certum tantummodò tempus diuisio prorogetur, per text. in l. in hoc iudicium. 14. §. si conueniat. 2. ibi. Si conueniat nè omnino diuisio fiat, huiusmodi pactum nullas vires habere manifestissimum est: sin autem intra certum tempus, quod etiam ipsius rei qualitati prodest, valet. ff. communi diuid. Vnde * consequenter dicendum videtur, quod etiam longissimi temporis, puta 30 vel 40 annorum præscriptione interueniente, nihilominus ad diuisionem prouocari possit, idque propter expressam rationem iuris, in l. fin. C. eod. communi. diuid. vbi dicitur,

Quòd in communione vel societate nemo compellatur inuitus detineri. Si enim, (prout superius dicitur) pactum id efficere non potest, ut nunquam prouocetur ad diuisionem, multominus temporis interuallum hoc efficere poterit. Regulariter * siquidem valet argumentum à pacto ad legem vel statutum, per express. textum in l. fin. Cod. de fideiussoribus. Ac præterea non postrema istius rei videtur esse ratio. Quòd contra possidentem, maximè verò bona fide nunquam currat præscriptio, argum. l. malè agitur. C. de præscript. 30 vel 40 annorum. At, qui in communione tanto temporis spatio manent, utique omnes simul possident rem & bona pro indiuiso: Idcirco impossibile videtur, quòd contra aliquem illorum currere debeat præscriptio. Nec obstat textus in l. super annali. 1. §. 1. C. de annal. except. vbi expressè statuitur, quòd nemo audeat, neque actionis familiaræ eriscundæ, neque communis diuidundi, neque finium regundorum, neque pro socio, neque alterius cuiuscunque personalis actionis vitam longiorem esse triginta annis interpretari. Nam hoc ita demum procedit, quando vnus tantum ex

cohere-

cohæredibus possidet bona, tunc enim alter non petens diuisionem intra triginta annos, amplius ad diuisionem non admittitur. quia obstat ei exceptio præscriptionis. Cum regulariter contra desides homines & sui iuris contemptores huiusmodi exceptiones odiose propositæ sint, prout in *l. fin. in fin. C. de annal. except. Italici cōtract.* disponitur; secus est si vterque possideat. Nam tunc elapso longissimi temporis spatio, diuisio bonorū nihilominus peti potest. Atq; hæc est communis DD. conclusio, licet Accursius, Azo & alii contrarium sentiant. Quam DD. communem opinionem, praxis quoq; Curia Regalis calculo suo approbavit, prout ex decisionibus in causa inter Vrsulam Ianosovyska & Valentinum Opoczinski, Cracouia feria 2. post Dominicam Rogationum Anno 1604. item in causa inter Nurzinskie feria 4. in Vigilia Assumpt. B. M. V. Anno 1596. factis, constat. Cæterum de modo & ratione diuisionis faciendæ, nō leuis est inter DD. concertatio. Quidam* enim diuisionem bonorum communium forte fieri debere probant, argum. *l. si duobus. 3. ibi: Sancimus itaq; in omnibus huiusmodi casibus rei iudi-*

*cem fortunam esse, & sortem inter altercantes adhibendam: vt quem fors prætulerit, is quidem habeat eligendi potestatem, C. communia de legat. & fideicom. pro quo facit etiam text. in d. l. meminimus. in verbis electio ex sortis felicitate contingat. C. quibus & quando quarta pars debet. Et hæc communis sententia est Legistarum, qui hac in parte ea potissimū ducuntur ratione: Quod nimirū in re communi nemo plus iuris habere potest, quam alter habet. Si verò vni cohæredum præ cæteris ius electionis tribueretur, eo ipso inæqualitas quædam inter illos cū præiudicio iuris altervtrius introduci videretur, quod minimè fieri debet, *l. si maior. C. commu. diuid.* Contraria porro* est Canonistarū 7 sententia, qui in diuisione faciendâ, maiorem natu fratrem diuisionis, minorem verò electionis beneficium habere cōmuni omnes consensu statuunt, idq; per text. in *c. 1. in verbis: ita vt ille diuidat, qui amplius temporis in Episcopatu habet, & minore eligat, extr. de Parochiis.* Sic enim ex hoc textu inferunt: Minor & Ecclesia æquiparantur, *c. 1. tit. de integr. reslit.* Sed Ecclesiæ de iure datur electio, *d. c. 1. de Paroch.* Ergo etiam minori. Vnde & S. Augustinus de ciuit.*

Dei lib. 10. c. 20. concludit ex diuisione illa inter Abraham & Loth inita, effectum esse inter homines pacificam consuetudinem, vt quando terrenorum aliquid partiendum est, maior diuidat, minor eligat. Neq; de iniuria quæri possunt tali modo diuisionem facientes. Eligens enim cum habeat optionem accipiendi quæ sibi placuerit partem, non potest calumniari & conqueri de diuisione. nec etiam ipse diuidens videtur grauari, cum ipse faciat partes. Alioquin sibi id imputare debet, si in huiusmodi diuisione circumscribatur, & per electionem defraudetur. Quam* Canonistarum sententiam, ius quoque Saxonum sequi maluit, quod ex textu *art. 29. lib. 3. ibi. Vbi duo vnā debent diuidere hereditatem, senior diuidat, iuniori verò competat electio*, apertissimè liquet. Hoc tamen ita intelligi volunt Interpretes istius iuris, si duo tantum fratres ad diuisionem bonorum pertineant, secus si plures; eo enim casu non dari electionem minori, sed ad ius commune, vt nimirum sortis beneficio res diuidantur, recursum fieri tradunt, hac ratione moti. Quod statuta strictè sint accipienda in casu de quo loquuntur. *l.*

quicquid astringenda. 99. ff. de verb. oblig. atque ita praticari docet annotatio gloss. *dict. art. 20.* Ego* verò existimo standum hac in parte consuetudini locorum & regionum: vel potius recurrendum esse ad officium Iudicis, cui de iure congruit, vt æqualitas in diuidendis bonis obseruetur, agnoscere. per text. in *§. si familia Instit. de officio Iudic.* Et in Regno* 1 quantum attinet bona terrestria, negotium diuisionis, olim quidem Commissarii Regii exequabantur, vt ex statuto Sigismundi Regis Anni 1532 patet. Nunc verò ad Officium seu Iudicium Castræ. pertinet. In bonis verò iuri Magdeburgen. subiectis, & in Prussia, in omnibus generaliter bonis auctoritate S. M. Regiæ per Commissarios ad id deputatos diuisione peragi solet, prout ex decretis in causa inter Falstedios & Annam Werdo vna feria tertia post festum Sancti Adalberti Anno 1583. Et in causa inter Nicolaum Spill & hæredes Iacobi Hubner sabbotho ante festum Inventionis Sanctæ Crucis Anno eodem latis, colligitur. Quamuis per amicos etiam, absque iudicii auctoritate, diuisiones huiusmodi sæpius fieri consueuerunt, quo casu diuiso

taliter facta trium annorum & totidem mensium silentio ratificatur, prout de his statutum Casimiri Regis Anni 1368 clariùs disponit. Quomodo autem * res communes diuidi debeant, vide gloss. Spec. Saxon. dict. artic. 29. circa finem, vbi inter alia notatu dignum est, quòd res in minimas partes diuidi non debeant; leges enim vetant in particulas dilacerari hæreditatem, vt habetur in d. l. meminimus. in princ. in verbis: Sed multi tanquam corrumpendi totius patrimonij occasione captata, vnius cuiusque rei sibi particulam vindicando, adeò totas dilacerant facultates, vt dum participibus relictarum opum nocere cupiunt, sua quoque iura precipitent. C. quando & quibus quarta pars deb. Quo casu peruenitur ad licitationem, & qui plus obtulerit pretii, illi res adiudicari debent. l. ad officium. C. communi diuid. Quod si vterque offerat idem pretium, eo casu præfer-

ri debet is, cui maior pars illius rei debetur, per textum in l. sancimus. 34. §. ne autem. 2. in verbis: Ne autem communione inducta donatori, & ei qui liberalitatem suscepit, aliqua oriatur contentio: electionem damus ei qui ampliorem summam in re donata habuerit reliquam estimationis quantitatem offerre ei, qui minorem causam habuit, & totum possidere. Sin autem hoc minimè facere maluerit, tunc omni modò res diuidi secundum quantitatem utriusque parti competentem, si res diuidi sine suo periculo possibilis est. Sin autem in huiusmodi casibus in quibus partitio utiliter celebrari minimè potest, amplioris summæ dominus noluerit offerre estimationem: tunc licebit etiam ei, qui minoris summæ habeat potestatem, offerre pretium & totum sibi vindicare.
Cod. de donation.



